



2  
2 C  
8

14-12-B-18



+



# De Disciplina

PVERORVM, RECTE'  
que formandis eorum & studijs &  
moribus, ac simul tam præceptorum  
quàm parentum in eosdem Offi-  
cio: Doctorem uirorum li-  
belli aliquot ue-  
rè aurei,



AD INGENVORVM ADO-  
lescentum commoditatem atq;  
usum collecti:



*Quorum Catalogum proxima post Pra-  
fationem pagella re-  
peries.*



BASILEAE, PER IOAN-  
nem Oporinum.

1845

...

...

...

...

...

...



...

PHILIPPVS BECHIVS  
INGENVO ADOLESCENTI LVDO

VICO MARDTORFIO Franco

fortensi, D. LVDÓVICI

F. Salutem:



OLON ille Salaminus,  
qui inter Græciæ sapien-  
tes non postremi nomi-  
nis fuit, gloriari solebat,  
se aliquid quotidie addi-  
scentem, senem fieri. Tanta enim ho-  
mini inerat discendi cupiditas atq; ala-  
critis, ut senio iam grauatus, non mi-  
nus acriter Philosophiæ studijs incū-  
beret, quàm quum adolescens atq; iu-  
uenis fuisset. Nouerat enim, hæc stu-  
dia propter ueritatis cognitionem, &  
ut sapientiã assequeretur, ac eruditio-  
ne & doctrina solida instrueretur, iu-  
dicio item sincero atq; dextro imbue-  
retur, omnino esse necessaria: nec mi-  
nus etiam utilia, & quæ sola sibi post  
obitum immortale nomen concilia-  
re, ac senectuti suæ maximū solatium  
afferre possent. His causis absq; dubio

## EPISTOLA

motum fuisse Solonē coniicio, quòd  
 se tam ardentī studio & labore quidē  
 indefesso, pulcerrimæ atq; utilissimæ  
 Philosophiæ placitis addixerit, à qua,  
 in decrepita etiā ætate constitutus,  
 ac summis Reipublicæ negotiis im-  
 plicatus auelli se nūquā passus est. Ac  
 licet, mi carissime Ludouice, radices  
 eius primū gustantibus, perquā  
 amaræ atq; horridæ uideantur: nihilo  
 minus tamen fructus postea suauissi-  
 mos reddunt, quibus ad extremū usq;  
 uitæ articulū, non sine mirifica quadā  
 uoluptate & delectatione perfrui lice-  
 at. Eius autē fructus tā ampli sunt, ut  
 in omnes uitæ partes, in omnes pro-  
 fessiones atq; ordines latissimè diffun-  
 dantur. Neq; enim aliū de perturbatio-  
 nes rerū humanarū tātæ existūt, & tot  
 uitæ calamitates emergunt, nisi ex eo,  
 quòd homines partim imbecillitate,  
 partim improbitate, partim uerò stul-  
 titia, in suo quisq; statu & ordine, nec  
 ipsi agunt quod debent, neq; alios id  
 agere permittunt: nec rebus ceteris u-  
 tuntur

# N V N C V P A T O R I A.

tuntur eo modo & fine, in quem à natura sunt productæ. Vnde uides, mi carissime Ludouice, quàm utiliter de derimus operam philosophiæ: qua nihil ab Aristotele atq; Platone, taceo reliquos philosophos, post sacrosancta Dei oracula, preciosius, nihilq; excellentius atq; utilius fingi excogitari uel potuit, ad omnem hominis institutionē. Ea namq; fidelissimè nobis explicat omnem de rebus ueritatem, si uel alios dextrè erudire, uel liberos rectè educare, uel consilio regere domum, ac prudenter rem familiarem administrare, uel sapienter & cum dignitate Reipub. munera obire, uel denique quiduis aliud cum laude & decoro agere uoluerimus. Summa, quicquid uspiam uel rectè cogitatur, uel aptè dicitur, uel accuratè exquiritur, uel prudenter agitur, quocunq; in munere, et quouis negotio, tam publico quàm priuato: id omne ex fructuosissima Philosophiæ institutione proficisci necesse est. Quare tota mente, totoq; ani

## EPISTOLA

mo tam præclaris atq; utilibus Philo-  
sophiæ studiis inuigilare debes, ut o-  
mnem ueritatis cognitionē addiscas,  
& inde præclara atq; utilia documen-  
ta haurias, quæ tuam adolescentiam a-  
gant, iuuentutem gubernent, senectū-  
tem oblectent, secundas res ornent,  
aduersis per fugium atq; solatium præ-  
beant: delectent domi, non impediāt  
foris, tecum peregrinentur, rusticen-  
tur, & ad omnem doctrinam atq; sa-  
pientiam adhortentur atque incitent.  
Huc igitur directā sit manus, oculi, cu-  
ra, ut paruos igniculos doctrinæ & o-  
mnium uirtutum, quos & tibi & sin-  
gulis hominibus natura contri-  
buit, abiectis malis moribus, deprauatisq;  
opinionibus indies magis atq; magis  
sic exuscites, ut nusquam non naturæ  
lumen appareat, ac hominis appella-  
tione (quā à reliquis animantibus, tri-  
bus hisce, nempe loquendi facultate,  
uoluntatis libertate, ac mente seu in-  
tellectu separatur) dignus censearis.  
Verē nanq; Seneca dixit: Nihil à sta-  
tuis



tuis differre homines, ueræ disciplinæ expertes. Sicut enim statuæ, nihil aliud nisi nudam figuram formamq; illorum quos imitantur, representando exprimunt: ita quoq; homo nulla doctrina literarū & Philosophiæ excultus, neq; uirtute aliqua præditus atq; ornatus, nihil præter solam hominis formam habere, & secundum Diogenis dictū, terræ oneri esse dicitur. Interrogatus enim Diogenes: Quod nam onus inter alia plurima, quæ portat, grauissimum sustineret terra? inquit, hominem indoctum, nulla recta disciplina instructum atq; perpolitum. quo nimirum dicto innuere uoluit, etiam terræ oneri esse hominem imperitum, nō secus atq; cadauer putre ac foetidum, rancido foetore corrumpēs omnia fragrantia, quæ letissīma tellus uerno tempore ubertim profert: ita homo à primis incunabulis nō bene educatus, neq; à parentibus suis, aut præceptoribus probè institutus, sua ignorantia & stultitia, impietate atq;

## EPISTOLA

iniusticia, quasi pestifero quodam cō-  
tagio, cæteros inficere perdereq; con-  
suevit. Permultum enim refert, qua ra-  
tione, uia ac methodo quis ab ineunte  
ætate informatus, quibus etiam rebus  
assuefactus fuerit. Nec scio an ad ui-  
tam sic uel sic degendam, longè plus  
faciat, quo modo quis à puero edu-  
ctus & institutus, quàm quo modo na-  
tus sit. Solent enim plerunq; etiã bo-  
næ & generosæ indoles, praua atq; a-  
deò negligentiore quoq; educatione  
& institutione corrumpi: uitiosam ue-  
rò naturam, sæpe bona educatio atq;  
informatio corrigit. Qua de causa ue-  
teres legislatores, præsertim Græco-  
rum, in tradendis legibus, quod ad e-  
ducationem atq; institutionem puero-  
rum attinet, plurimùm elaborasse ui-  
demus, inter quos Solonis diligentia  
atq; cura maximè est laudata: cuius le-  
gibus sic ad unguē, & propè curiosè  
omnia perscripta sunt, quæ ad educa-  
tionem atq; morum puerilium insti-  
tutionem spectant, nihil ut omnino il-  
lorum

N V N C V P A T O R I A.

lorū omiſſum ſit. Eſt enim ille etiā mi-  
nima tenuiſſimè perſecutus, quæ de  
gymnaſijs, quæ de pædagogis, quota  
diei hora, quosq; ad ludimagiſtros ue-  
niendum eſſet: quo etiam uestitu &  
comitatu incedendum: ac ne illud qui-  
dem prætermiſſum, quòd cum proce-  
dendum ſit in publicū, intra pallium  
manus reducere & continere debeāt:  
& multa alia, quæ hīc breuitatis cauſa  
conſultò tranſgredior: quæ tamen, ſi-  
cut alia quoque multo præclariora &  
laudabiliora, à pauciſſimis obſeruari  
uidemus. Tanta eſt huius ſæculi, proh  
dolor, peruerſitas atq; cæcitas, tanta  
morū corruptio atq; perturbatio, tan-  
ta deniq; diſciplinæ diſſolutio atq; con-  
fuſio, ut quæ recta, honeſta & laudabi-  
lia priſcis hominibus ſemper habita  
ſunt, ea nunc propter peſſima huius  
corruptiſſimi ſæculi exempla, ſuſque  
deque ferantur. Vix enim inter mille  
parentes unum reperiās, qui ſemel tan-  
tum apud ſe cogitare in animū indu-  
cat, quomodo liberi eius, quæ ſunt Ec-  
cleſiæ

## EPISTOLA

elixiæ Christi seminaria, per fidelem  
 educationem, rectamq; ac piam insti-  
 tutionem q̃ optimi efficerentur: cum  
 tamen nullum Reipub. munus afferre  
 maius, nec Deo opt. max. acceptius  
 præstare opus possint, quàm si uel ipsi  
 eos doceant atq; erudiant, uel magi-  
 stris idoneis erudiendos tradant: ijs  
 præsertim moribus atq; temporibus,  
 quibus ita prolapsa est iuuentus, ut o-  
 mnium opibus refrenanda atq; coer-  
 cenda sit. Vnde parentem tuū, uirum  
 clarissimum atq; integerrimum, LV-  
 DOVICVM MARDTORFIVM,  
 Reipub. Francofurtēsis patriciū atq;  
 senatorem uigilantissimum, deq; me  
 atq; alijs bonarum artium & discipli-  
 narum studiosis quàm optimè meri-  
 tum, summis laudibus dignissimum  
 esse censeo: quòd à primo statim lacte  
 materno, te atq; alios fratres tuos, unā  
 cum sororibus, & piè educare, & fide-  
 li etiam magistrorum cure, quàm pri-  
 mū loqui cœperitis, committere so-  
 leat: ut scilicet animi uestri timore Dei  
 (qui

# NUNCUPATORIA.

(qui initium est omnis sapientiæ) im-  
buantur, ac denique in píos, sapien-  
tes atque iustos homines euadatis.  
Quapropter non dubito, quin paren-  
ti quoq; tuo, cuius mentem ad litera-  
rũ studia, pietatis, honestatis atq; uir-  
tutum amorem flagrantissimã esse no-  
ui, & qui me Basileę, Frãcofurti, Vui-  
teberge atq; Lipsiæ in studijs optima-  
rum artium liberaliss. fouit, ac semper  
humanissimè complexus est, rē haud  
ingratã fecerim, quod tibi, mi suauissi-  
me Ludouice, hasce doctissimorum  
atq; opt. uirorum perquã utiles, le-  
ctũq; dignissimas lucubrationes, de  
recta & legitima puerorum educatio-  
ne atq; institutione, in unum quasi fa-  
sciculum conquisitas, atq; à D. Ioan-  
ne Oporino cõpatre meo carissimo,  
tuæq; familiæ studiosissimo excusas,  
gratitudinis atq; memoriæ ergò nun-  
cuparim: è quibus, ueram non modò  
corporis, sed animi quoq; curam, co-  
gnoscerere possis: quibus duabus tan-  
quam principalissimis partibus homi-  
nem

## EPISTOLA

nē constare uidemus. Neq̃ enim corpus rectē curari, cū animus ægrotat, posse existimo: ut Plato etiam in Charmide, exemplo Zamolxidis comprobatur: qui corpori morbis affecto, remedia accommodare noluit, nisi prius animus ad temperantiam & reliquas uirtutes institutus fuisset. Hinc Plato in legum libris maximē in hoc uersatur, quod ad educationē atq̃ disciplinam puerorum attinet, ut tam animū quā corpus uera disciplina cohoneſcent. Quin etiā matrimoniū ipsum ad hoc diuinitus institutum est, ut liberi procreentur, procreati piē atq̃ fideliter à parentibus educantur, rectēq̃ uel ab illis, uel (si rerum publicarum atq̃ domesticarū negotijs fortē distrahantur) ab idoneis saltē magistris erudiantur: id quod & Ciceronē, totius eloquentiē parētem, fecisse legimus, qui Marcum filium suū Athenas misit, & Cratippo philosopho Peripatetico, tum temporis celeberrimo, erudiendum tradidit: & Philippum Macedonum

N V N C V P A T O R I A .

cedonum regem potentissimū ac prudentissimum, qui filiū suum Alexandrum, quem cariss. habebat, Aristotelis acutiss. philosophi doctrinæ sollicitè commisit. Taceo aliorū exempla, quorum plena est uetustas, plena etiā nostra ætas. Cæterū habes præterea, mi cariss. Ludouice, in hisce pulcherr. atq; opt. libellis, præter salutifera educationis atq; institutionis puerorum documenta, plurimas etiā exhortationes ad eloquentiæ studiū, item literarū aliarumq; rerum in uita necessariarū atq; utilium, ad nobiliores disciplinas capessendas, ad Christianam uitam rectè & laudabiliter instituēdam, ad puellarū institutionem, ad corrigēda item studia, & instaurandam ueram pietatem, quæ tot annis à Sophistis ac turpiss. sycophantis misere iacuit dilacerata: deniq; etiam parentum, nutricum, præceptorū, atq; aliorum officia ritè obeunda, saluberrima præcepta: quibus omnibus, si diligenti ac sedula lectione singula perlustraueris,

## EPISTOLA

straueris, & magnā uoluptatem, & uti-  
 litatem longē maiorē percipies. Ac-  
 cipe igitur mi cariss. Ludouice, hos  
 præclariss. libellos, quos tibi amoris  
 ac perpetuæ amicitie ergo nuncupare  
 uoluimus: hilari uultu, grataq; mente.  
 Quod si tibi atq; parenti tuo, sicut om-  
 nino spero, nostrum studiū gratum  
 fuisse cognouerimus, dabimus sanē  
 operam, ut & alia quædam (Deo ad-  
 iuuante) breuī tēpore tuo nomini nū-  
 cupemus. Tanto nanq; studio te atq;  
 parentē tuum, uirū tam pietate quā  
 uirtute eximiū, cum omnibus suis cō-  
 plector, tamq; sincero amore uos o-  
 mnes prosequor, ut (modò ne ipsi re-  
 cusetis) omnē operā atq; studiū meū  
 eò dirigere cupiā. Vale. Salutabis aut  
 meo nomīne, summo cultu atq; obser-  
 uātia colendū parentē tuū, Mœcena-  
 tem meū liberaliss. unā cū matre ho-  
 nestiss. atq; opt. matrona, & omnib.  
 tuis: quibus me officiose etiā atq; etiā  
 cōmendo. Iterū uale, Basileę, ex colle-  
 gio nostro literario, Cal. Mart. 1556.



CATALOGVS EORVM QVÆ  
hoc libro continentur.

Ioannis Ludouici Viuis de ratione studij lib. Pag. 1	
Eiusdem de institutione puellæ Lib.	16
Eiusdem ad sapientiam introductio	36
Eiusdem Symbola, siue Satellitium	109
D. Erasmi Rot. de ratione studij, ac legēdi interpre tandiq; autores, Lib.	154
Eiusdem de instituendis pueris Lib	161
Eiusdem, ratio colligendi exempla	182
Eiusdem, modus repetendæ lectionis	199
Eiusdem Concio de puero IESV	202
Eiusdem, Expostulatio Iesu cum homine suapte cul pæ pereunte	230
Eiusdem, de Ciuitate morum puerilium	236
Ciuitas morum in quæstiones digesta & locupletat a, per R. Hadamarium	270
Iacobi Sadoleti de libris rectè instituendis Lib. 301	
Philippi Melanchthonis de corrigendis studijs Ser mo	415
Eiusdem, de studio artium dicendi Oratio	436
De formando studio, Rodolphi Agricolæ Epistola	463
Christophori Hegendorphini de instituenda uita, et corrigendis morib. iuuentutis Paræncsis.	484
Othonis Brûfelsij de disciplina & puerorum insti tutione Paræncsis	523
	Insti-

## Catalogus:

<u>Institutio puellarū, D. Hieronymi ad Letam.</u>	<u>544</u>
<u>Generalia præcepta ex Socrate, Stobæo, Septem sapientibus, &amp;c.</u>	<u>549</u>
<u>Nili episcopi &amp; martyris sententiæ aliquot selectiores</u>	<u>552</u>
<u>Quo pacto ingenui adolescentes formandi sint, Aphorismi Christiani Theodidacti</u>	<u>564</u>
<u>Philippi Melanthonis de Locis communibus instituendis ratio</u>	<u>584</u>
<u>D. Basilij Magni concio ad adolescentes, quo pacto ex Græcis autoribus capienda sit utilitas</u>	<u>594</u>
<u>Petri Pauli Vergerij senioris de ingenuis moribus ac liberalibus studijs Lib.</u>	<u>618</u>
<u>Theanūs Pythagoricæ de educatione liberorum Epistola, è Græco Latine conuersa</u>	<u>675</u>
<u>Iouitæ Rapiçij de liberis publicè ad humanitatem informandis Lib.</u>	<u>683</u>
<u>Pædonomia scholastica pietatis, studij literarij, ac morum honestatis præcepta continens, per Sebaldum Heyden</u>	<u>716</u>

IOANNES  
LVDOVICVS VI-  
VES CAROLO MONTIOIO  
GVILIELMI FILIO, S. D.



VVM patri tuo clarissimo, & omni  
uirtutum genere ornatissimo uiro, os-  
tendere cuperem quantum à me dili-  
geretur, quòd ipse in me singulari  
semper beneuolentia fuerit: decreui  
aliquid ad te de initijs studiorum scribere, in quibus  
tota uis est & ratio deinceps eruditionis, ut in semi-  
nibus stirpium spes ac futura qualitas. Dedi operam,  
ne te præceptorum uel copia obruerem, uel difficul-  
tate deterrerem. Omnia aptata sunt, quoad præstari à  
nobis potuit, captui istius ætatis tuæ, aut paulò maioris,  
Libellum hunc quum tibi mitto, patri me tuo exisimo  
mittere: cui uirtus & institutio tua non minus curæ  
sunt, quam sua sibi uita: qua tenerius te amabit, si ta-  
lem te præstiteris, qualem ipse optat, probissimum ui-  
delicet & doctissimum. Est in tua manu situm, ut  
utrumq; ingenio & diligentia consequare. Vale, &  
exemplum quod domi habes sapientissimi patris, imi-  
tare, Londini, M. D. XXIII.

## RELIGIO.

**Q**Uum sapientia & uirtus, et scientia omnis diuinitus contingant, æquum est, ut primus aditus ad hæc omnia sit per Deum. in quem decet esse te maxima pietate, et eius rebus interesse mente religiosissima, nec ullum opus eius quantumcunq; leue exequi segniter aut frigide.

## OPERA.

**E**T quatenus Deus non dat munera sua ociosis, ideo labore & diligentia in studijs literarum & uirtutis opus est.

## MEMORIA.

**M**emoriam scito thesaurum esse totius eruditionis: quæ si desit, non secus superuacaneus est omnis labor, quàm si in pertusum dolium aquam infundas. Sed nemini tam infelix contigit memoria, qui non eam fidelissimam possit reddere exercitatione. Nihil est enim quod magis opere & labore gaudeat, nihil quod facilius corrumpatur & intereat quiete ac ocio. Quocirca aliquid quotidie ediscendum est, etiam quæ non est necesse: tantum ne torpor in memoriam inuadat, quo nullus est illi morbus perniciosior. Contineatur etiam memoria bona ualetudine, cauendumq; in primis à repletione, à cruditate, à crapula, à uino immodico, à densa ceruisia, à supino cubitu.

## PRÆF.

## PRAECEPTOR.

**P**raeceptor non minus amandus, uenerandus, con-  
 clendus, quàm si esset pater. Nam reuera praece-  
 ptores imaginem quandam nobis referunt patrum: & à  
 nullomaius accipere potes beneficium, quàm à quo sis  
 eruditior, et melior. quibus duobus bonis nulla possunt  
 in uita comparari. Adde quòd facilius disces, si amaris  
 doctentem, cuius dicta nunquam uel contempseris, uel  
 neglexeris: semper cum dignatione in animam admit-  
 te, & oraculi cuiusdam uice habe: Nec solū illū ama,  
 sed da operā, ut ab illo redamere, sic te ille diligentius  
 docebit. Quod assequeris, parēdo modeste eius praece-  
 ptis, obseruando eum, honorando, admirando quaecun-  
 quae seu dixerit, seu fecerit. si quid probarit in uita, aut  
 in sermone, sic age, ut sentiat te illud probasse: si quid  
 improbarit, uita. Attentus illum audi: uerba eius, for-  
 mulas dicendi, sententias annota: & imitatione te  
 similē ipsius, quoad facere poteris, effinge. Quod Prae-  
 ceptor quum uidebit, dabit uicissim operam, ne tu ali-  
 quid ex se possis accipere, quod imitatione sit indignū.

## CONDISCIPULI.

**C**ondiscipulos fratrum loco habe: geniti enim  
 estis ab eodem magistro, uelut patre: & con-  
 iuncti sacris literarum non minore uinculo, quàm san-  
 guinis. idcirco illis non minus bene cupias, quàm fra-  
 tribus. Si quis eorum est te doctior, ne oderis eum hac  
 1 2 causas

causa: sed faue ingenio, & cõtende ut doctrina & uirtute sis par, etiã superes, quò similis tibi cõtingat fauor

## CONTENTIO.

**C**VM melioribus aut sapientioribus te ne certes inuidia aut maleuolentia, sed uirtute, probitate, studio. Imperitiores te ne despice, potius adiuu, & erige, ut queant ascendere. Neq; enim peior eris, aut imperitior, si alios habueris tibi pares: sed melior, si opera tua illi eò euaserint. Quòd si omnes fuerint imperiti, nemo erit qui agnoscat, ac proinde admiretur bona tua. Pulchrum est profectò certare cum bonis, pulcherrimum eos uincere, rectè quidem & per uirtutem, extra dolum omnem.

## ANNOTATIONES.

**C**ompones tibi librum chartæ uacuae, iustæ magnitudinis: quem in certos locos, ac uelut nidos partieris. In uno eorum annotabis uocabula usus quotidiani, uelut animi, corporis, actionum nostrarum, ludorum, uestium, habitaculorum, ciborum: in altero uocabula rara, exquisita: in alio idiomata & formulas loquendi, uel quas pauci intelligunt; uel quibus crebro est utendum: in alio sententias, in alio festiue, in alio argutè dicta: in alio prouerbia, in alio scriptorum difficiles locos, & quæ alia tibi aut institutori tuo uidebuntur. Sicq; hæc omnia habebis annotata, ne solus conscius sit liber. Tibi legenda, relegenda, memoriæ mandanda

mandanda atq; infigenda sunt, ut non minus scripta gestes in pectore, quàm in libro: & occurrant, quoties erit opus. Parum enim prodest libros habere eruditos, si pectus habeas rude.

## DILIGENTIA SCRIBENDI:

**C**ura ut manu sis ad scribendum exercitatissima, nec unquam ad audiendum institutorem accedas, penna & charta inermis: ne quod præteruolet uerbū elegans, aut rarum, aut necessarium, uel formula loquendi lepida aut exulta, uel graue & sapiens dictum: quod non subito exceptum in tuos thesauros referas. Sic tibi breui tempore maximas eruditionis diuitias paraturus.

## LECTIO.

**N**ec librum ullum legas, quin eadem excerpas, quæ de sermone præceptoris dixi. Nihil unquam legito animo peregrinante, & alijs rebus intento: totus in lectione esto. In qua tria sunt animaduertenda, uerba, formulæ loquendi, & sensa: ut diligenter consideres, quibus utantur uerbis ad res de quibus tractant explicandas, quibus idiomatibus, quibus loquendi formis. Tum res ipsæ sunt spectandæ, quid sibi uelint ea de quibus loquuntur. In singulis horum est quod signes, est quod teneas, est quod in usum tuum uertas. Adsit semper penna & charta: quæ miraberis, quæ te delectabunt, insigni aliqua notula: itidem &

quæ te remorabuntur, ut à magistro, uel etiam con-  
discipulo sciscitare.

## INTERROGATIO.

**N**ec pudeat rogare, quæ nescis: neq; enim hoc est  
turpe, sed ignoratio turpis est. Nec uelis per-  
suadere alijs, te scire, quod ignoras, te ipsum fallere, non  
alios: & deprehensus in ignorantia, rideberis.

## EMENDATIO.

**Q**uæ reprehensa aut emendata, non solum in te,  
sed in alijs esse uideris, cura ne excidant, tum  
ne ipse bis de eadem re sis corrigendus, tum ut  
aliena errata in utilitatem tuam uertas, Sapiens enim  
ex alienis erratis uitam emendat suam.

## SERMO.

**V**t audieris doctos loquentes, aut legeris apud  
scriptores Latinos, sic ipse loquere. Verba  
quæ habetis suspecta, siue loquendo, siue scribendo  
fugito, ni prius sciscitatus sis ab institutore, quàm sint  
Latina. Cum ijs qui imperitè loquuntur Latine, quor-  
um sermo potest tuum corrumpere, malis Britannicè,  
aut alia quauis loqui lingua, in qua non sit idem peri-  
culi. Versare libens cum prudenter facundis. Nullum  
est oblectamentum maius, quàm eos audire, qui ge-  
stant in lingua morbis omnibus animi præsentanea  
medicamenta.



## STYLVS.

**E**Xercendus est crebrò stylus, optimus magister atq; effector dicendi. & initio quidem non solum uocabulis utaris ex autoribus sumptis, sed etiam sententiolis ex illis decerptis, aptè tamen compositis, ut magna ex parte alicum sit scriptum. Sensim admiscebis tua, donec crescente cum ætate eruditione fias omnino tuus. Primum scribes pauca & accuratè, ut spectes potius non quàm multa, sed quàm bona. Nā accedente usu, curam retinebis, & promptitudo ac facilitas exercitatione parabitur. ita simul & optimè scribes, & facillimè.

## AVTORES.

**I**nterea dum tu per ætatem iudicare de autoribus nō potes, hos tibi censeo & ad locupletandam linguā, & ad uariarum rerum cognitionem in primis tenendos. Ad sermonem quotidianum plurimum conferet Terentius, quo multum Cicero utebatur, & cuius fabulas propter lepōrem & festiuitatem orationis, scriptas à nobilissimo Romano fuisse multi crediderunt. Ciceronis quoq; epistolæ familiares, sed in primis ad Atticum, multum erudire sermonis usum possunt. Nam in illis est sermo ille purus & simplex, quo Cicero cum uxore, cum liberis, cum seruis, cū amicis, in triclinio, in balneo, in lecto, in hortis utebatur. Sunt & familiaria colloquia ab

quæ non modò utilitatem, sed uoluptatem quoq; habent haud sanè exiguam, ut est uir ille exculto & urbano ingenio. Epistolæ Plinij iunioris plurimas suppetitare sententias possunt, cuiuscunq; generis epistolas scripturus quis sit, quæ propemodum compositæ in hoc uidentur ab autòre. Nam ut res gestas paucas admodum narrant, quod Cicero fecit, delicias tantum sententiarum continent, ac uelut gemmulas, quibus epistolæ ornari possint. Eòdem ferè spectant epistolæ Politiæ, nisi quòd interdum nimia cura factæ sunt paulo duriores, dum scriptor dat operam, ne nihil sit non excellentissimum, nec uult ullum bonum uerbum perdere: quæ anxietas non magnopere epistolarem dictionem decet. Sunt epistolæ Philelphi, quæ plus habent uerborum quàm gratiæ, & Calentij lusus. Si cui uacat Sidenium Apollinarem legere, eidem legantur & Apulei Asinus, & Florida

## HISTORIÆ,

**H**istoriæ quoq; instruere possunt linguam, ut Liuij, & Suetonij, in quo mirabilis est dicendi proprietas, astricta illa, & que plus habeat neruorum quàm corporis. Cornelio Tacito non parum adiuuaremur, si integer ad nos & emendatus peruenisset: sed qualiscunq; est, prodest multum. In Cæsaris commentarijs ostenditur castitas illa sermonis Latini, qui erat in prisca Romana nobilitate, nihil fingi potest tersius, excellentius,

politius, elimatius. Et hij quoq; accuratè cognoscendi, magnopere linguam locupletabunt. Sallustius, rerum Romanarum florentissimus scriptor, ut inquit Tacitus, frequens est in manibus puerorum: sed mihi aptior uidetur prouectioribus.

## SCRIPTORES AGRICOLARUM

## LATIONVM.

Cato, Varro, Colamella, Palladius, Plinius, uariarum rerum suggerunt uocabula: qui diligenter legendi sunt, & uerba cum rebus conferenda, ne quid pro diuerso usurpemus. Plinius tam uariis est, quam ipsa rerum natura quam tractat. Magnæ illic uerborum diuitiæ, magnæ rerum.

## POETAE.

Poetae sunt quoq; attingendi, partim animi gratia: nam leuant saepenumero tædiū negociorum, saepe etiam lectionis solutæ orationis. Et illa alternatio carminis prosequitur, diutius intentionem animi in studijs detinet. Ad hoc scatent reconditis uocabulis, & figuris omnis generis, quibus etiam cõmunis sermo plenus est. Sunt in inuentione sublimes, festiui, acuti, acres, graues, faciles: in uerbis, suaues, lepidi, rapiunt in affectus omnes, prout cuiusq; est argumentum. Vergilius ponitur primus merito, mea sententia, propter grauitatem & sententias. Huic Horatius adiungitur, carmine excultus, uerbis proprius, & sapienter præcipiens.

cipiens. Silius multum habet diligentiae. Ex Latinis tragicis solus ad nostram aetatem peruenit Seneca. Sed omnes & uerborum maiestate, & argumentorum uiribus, & sententiarum pondere ac numero, uincit meo quidem iudicio Lucanus. Legendi & poetae nostrae pietatis, Prudentius, Propper, Paulinus, Sedulius, Iuuenecus, & Arator: qui quum habeant res altissimas, & humano generi salutareis, non omnino sunt in uerbis rudes, aut contemnendi. Multa habent, quibus elegantia & uenustate carminis certent cum antiquis: nonnulla, quibus etiam eos uincant.

## GRAMMATICI.

**I**N his omnibus autoribus animaduertes, quemadmodum formulae grammaticae seruentur, quemadmodum negligantur. Nam in multis uariis & multiformis usus in normas & praecipua concludi non potuit: sequendus tamen potius quam ars, quae est usus constituta, non est contrario. Neque uero despicienda est idcirco ars, modò ne sit superstitiose anxia, formulae enim est hoc tempore opus, quum populum non habemus, & eruenda sunt ex scriptoribus omnia. Alioquin cum non succurret ex his loquendi ratio, ut solacissemus necesse erit, etiam ut maxime succurrat, nam alia dicenda sunt, & alijs de rebus. Quid quòd ne tunc quidem canonibus caruerunt, quum esset in Latine & Graeca, eadem populi totius, quae cruditorum, lingua?

lingua? Scripsere autem complures, sed unus, aut ad summum alter eligendus, Perottus aut Aldus, Nebrissensis, Mancinellus, Sulpitius, Niniuita. Versandus diligenter Valla in elegantijs, immodicè ille quidem superstitiosus, sed ad reddendos cautiores aptissimus.

## INTERPRETES.

**E**get ista tua ætas, etiam adultior, interpretibus autoribus. Nam multa sunt in scriptoribus difficilia, quæ tu uix tandem molestissimo labore assequeris. illi rem totam explanant magno compendio temporis et operæ, maioreq; utilitate et auctu eruditionis. In quo numero sunt Seruius in Vergilium, Donatus in Terentiū, Acron et Porphyrio in Horatium. Vocabularia eodem loco haberi possunt, quæ uelim tibi semper, dum studes, præsto esse, ut illa subinde consulas, si quid dubitas. Magna partis huius laboramus in latinis literis inopia. nam eruditissimi illi. Varro, Festus, Marcellus, et difficiliores sunt, quàm ut à medio critere doctis intelligantur: et non omnia tradunt, quibus est nobis opus. Quæ uerò terunt omnes, Cornuopie Perotti, et opus Calepini, nec satis copiosa sunt, et docta parū: nec quibus tutò fidatur. Præstitit quod potuit Perottus, nec omnino contemnendū quod reliquit. Calepinus uerò accessit ad alios docendos, quum ipse potius egeret doctore. Sed interea utēdū erit istis, donec

donec existat aliquis, qui hanc literarum partem se-  
licius orbi tradat. Legendi sunt ipsi tibi per te au-  
tores, nec expectandum, dum omnia præceptor ex-  
planauerit: alioqui nihil unquam intelliges sine præ-  
legente. Ita quando parabitur copiosa illa rerum  
et uerborum supellex, quærenda ex plurimis uaria-  
rum rerum scriptoribus: ex intelligentia unius aut al-  
terius autoris, quem institutor enarrarit, adhibito non  
segni et inertis studio, multi sunt alij cognoscendi. Ver-  
ba eadem sunt in omnibus, et loquendi formulæ, qui-  
bus rerum intellectus contegitur: ut nullus sit liber,  
qui probe intellectus non sit ad alios complures intel-  
ligendos magister, adhibeatur modò iudicium, et au-  
dita præsentibus conferantur.

GRAECAE LITERAE. PROLA-  
TIO SONORVM.

**G**Ræcas literas Quintilianus simul disci cum La-  
tinis posse putat. Primum soni literarum dili-  
genter animaduertendi sunt, et quantum fieri pote-  
rit, integrè ac perfectè exprimendi. non enim maior  
labor est bene addiscere prima, quàm malè: quū sit tan-  
to fructus uberior. Obseruabis quemadmodum periti  
proferant, et eos imitabere. Necesse est enim aut par,  
aut certè non absimilis illorum euadas, ad quorum te  
emplar componis. In usum rectè proferendi conscriptæ  
sunt à Hieronymo Alexandro tabellæ cruditæ. Ca-  
uendum

uendum tamen ne sic assuescas Græcæ pronunciationi, ut Latina illo more proferas, neu accentuum rationes confundas, qui sunt in illis linguis diuersi. Græcus ferè ultimam spectat syllabam, Latinus penultimam.

## INFLEXIONES.

**T**VM ad inflexiones nominum & uerborum uenietur, quas memoriæ penitus infiges, ne illarum ignoratio cogat te in altioribus hæerere ac resistere. Habes Theodori Gazæ duos primos libros, qui ea de re magno compendio præcipiunt. Dehinc accentuum & orthographiæ formulas, quæ in plerisque coniunctæ sunt, percipies collectas ex tertio Theodori Gazæ. Ne totum illud uolumen legendum habeas molestum, & frugis multis in locis exigua, sufficiens in hoc tempus, quæ sunt illinc ab Oecolampadio decerpta.

## EXERCITATIO LECTIONIS

## AUTORVM.

**H**ic iam proderit uocabulorum gratia scriptores aliquot prælegente institutore tuo audire, eosque maxime facileis & apertos: cuiusmodi sunt dialogi aliquot Luciani, præsertim ij, qui res candidas non nigrant: & oratiuncula Isocratis, Platonis epistula, & Aesopi fabellæ. In quibus animaduertes, primum quibus uerbis utantur ad exprimendam rem, tum quomodo inflectant.

## SYNTAXIS.

**S**implicia uocabula in sermonem coniugenda sunt. De constructione plura sunt à Latinis scripta quàm à Græcis. Gaza in quarto libro difficillimè præcipit atq; obscurissimè, secutus Apollonium, & ipsum in primis tenebricosum. Lascaris conatus est reducere uerba Græca ad quinque illa genera & formulas uerborum latinorum, prolixè & parum aptè. Præstabit ex autorum lectione formulas loquendi Græcas obseruare, & quemadmodum idiomatica sermonum Græci & Latini inter se differant.

## LECTIO.

**I**nitio censeo legendos oratores, Isocratem, Demosthenem, Lysiam, Aeschinem, Aristidem, & partem Luciani. Hinc philosophos, Platonem, Aristotelem, Xenophontem, Theophrastum. Tum ferreos, Thucydidem ac Plutarchum, si quos prius Latinè cognoueris, hos primo etiam leges, quo promptior sit uerborum ex sententia intellectus. Poëtas priusquam attingas, leges de dialecticis Græcis Apollonium, aut Ioannem Grammaticum. Tum facilimi, & maxime Attici initio uersandi: qualis est Aristophanes. post Homerum, fons reliquorum. tū Euripides & Sophocles. Aderit lexicon, Suidas, aut Hesychius. Sed & Græco latinum expediet habere, quo apertius interdum fiat, quod Græcè ab illis explicatum non satis intelliges.

## INTER



## INTERPRETATIONES.

**C**onferes Græca cum interpretationibus latinis, initio si qua sunt ad uerbum uersa: ut, Fæbellæ Aesopi, Tabula Cebetis, et ferè Dialogi Luciani, quos ERASMVVS transtulit. Hinc iam illi inspiciendi, qui uerbis sunt usi arbitrato suo, sententia auctori seruata quem interpretabantur: uelut Thucydides & Herodotus, quos fecit Latinos Laurentius Valla. Sed ante alios omnes, Herodianus Politiani, & aliquot Plutarchi opuscula à Budæo uersa. Hermolaus in transfærendo Themistio, calore iuuenili, & sui ostentandi cupiditate, longissimè abreptus est. Princeps interpretum consensu omnium est Theodorus Gaza, in libris de animalibus, & problematis Aristotelis, & de stirpibus Theophrasti: siue candore interpretationis, siue copia latina, qua certauit cum Græca: siue felici audacia, fingendis ad analogiam uocabulis, quibus carebant Latini, ut commodius græca redderet.

## FRVCTVS GRÆCIS

## TATIS.

**N**Acto peritiam Græcæ linguae, patent fontes omnium disciplinarum, quæ à Græcis manarunt. Adest & cognitio maximorum ingeniorum, quorum fuit semper Græcia feracissima: tum copia Latini sermonis instructior, quia schemata figuræq; dicendi, & colores argumentorum illinc petierunt Latini homines: & quia


Et quia quum uocabulum latinum ad rem notandam non est ad manum, ex Græco licet mutuari, agro copiosissimo. Quin et Latini scriptores post Ciceronis tempora, ita uel studiosi fuerunt Græcæ linguae, uel ostentatores, ut maximam partem idiomatum illius in latinam transfuderint.

Habes mi Carole Montioi, quibus rebus adiuuari posse rudimenta studiorum tuorum existimem: tu an nitere, ut breui tempore ipse tibi magnus sis monitor, et ex primo illo bonorum genere, per sese qui omnia norunt.

IOANNES LVDOVICVS VIVES DOMINAE CATHARINAE REGINAE, ANGLIAE, PATRONAE VNICAE, S.



ASSISTI, ut breuē aliquā rationem conscriberem, qua in Maria filia tua instituedi praeceptor eius uti posset. Parui libens tibi, cui in rebus multo maioribus obsequi uellem, si possem. Et quoniam institutorem illi, doctum in primis hominem ac probū, ut par erat, delegisti, res uelut digito indicasse fui contentus, ille reliqua explicabit: quæ tamen aut  
obscurè



obscurè tradita, aut prætermiſſa ab ſcriptoribus artis grammaticæ putauī, ea paulò pluribus conſignauī uerbis. CHRISTVM precor, ut hæc docendī ratio & ad eruditionem, & ad uirtutem filiam tuam impenſe iuuēt. Vale, & hunc meum animum addiſtiſſi. Maieſtaſti tuæ ſcito. Oxoniæ, Non. Octob. M. D. XXIII.

## LECTIO.

**L**iterarum ſonos doceatur planè, diſertè, & exactè proferre: neq; enim parum ad inſequentem inſtitutionem intereſt, quomodo didicerit elementa & ſyllabas pronunciare. Sciat ex literis, alias eſſe uocales, alias conſonantes: quot ſint illæ, quot iſtæ, & cur ſic dictæ. Eſſe ex conſonantibus alias mutas, quæ à ſe incipiunt, & finiunt in uocali, ut, b, c, d. Sic uocantur, quòd quum ſari incipiant, niſi ſuccurrat uocalis, obmuteſcunt. Alias ſemiuocales dici: ex ijs quæſdam liquidas, ut, l, m, n, r. Tum duas ex uocalibus, i & u, tranſire in conſonantes, quum poſt eas ſequitur uocalis, cui in ſono iunguntur: ut uiuo, coniſcio, uinum, uulpes. In Græcis dictionibus nunquam iōtæ fit conſonans, ideo nec Iacobus, nec Ioannes conſonantem i habent. u conſonans, apud eos eſt βῆτα. uocalis u, eſt ου diphthongus. quocirca aſſueſcat ſcribere u uocalem hac forma, propter græcum u, quod ſæpenumero ad Latinos in u tranſit, ut Sylla, Sulla: Tybur, Tubur, & conſonantem hanc u propter βῆτα Græcum.

Syllaba dicitur quasi comprehensio literarum, sed ex sola uocali potest fieri syllaba, ut Maria, Iesus. Tum discat syllabam constare aut ex uocali sola, aut ex uocali & consonante, aut ex uocali & consonantibus; siue uocali nunquam fit syllaba, & quot sunt uocales, totidem syllabæ. Ex uocalibus fieri diphthonges quatuor: duas scribi & proferri, duas scribi & non proferri: nisi quod paulò crassior est sonus, quàm si esset uocalis simplex.

Eadem in literis Græcis ostrendenda, ut emendatè sciat in utraq; lingua legere. Infigenda hæc sunt, & in culcanda, ut rectè literas & syllabas proferat, nec ulum insit in ore uitium.

#### PARTES ORATIONIS.

**D**Einde sciēt esse apud Latinos octo partes orationis, quatuor uariabiles, & quatuor inuariabiles. Ex uariabilibus, quæ significant aliquid fieri, & inflectuntur per modos & tempora, dicuntur Verba: quæ declinantur per casus, & significant aliquid fieri in tempore, dicuntur Participia. Certa quindecim sunt Pronomina, reliqua nomina. Ex inuariabilibus certas quinquaginta esse Præpositiones: eas uerò quæ coniungunt partes orationis, uocari Coniunctiones: coniunctiones olim esse nonnullas subitum mentis affectum significantes, quæ uocantur Interiectiones: reliquas Aduerbia nominari. Hæc sint à nobis crasse ac ruditer

ruditer utcunq; ostensa, sicut & alia in hoc libello omnia, magis ut intelligantur, quàm ut exactè à nobis tradantur.

## SCRIPTIO.

**I**nter hæc omnia det aliquid temporis formandis litteris, non tam eleganter quàm uelociter, ut si quid præceptor dicet, ipsa suis scribat digitis. Si quem autorem legat, & uel uerbum, uel sententia placeat, excerpatur. Magis hærent memoriæ, quæ nos ipsi scripsimus, quàm quæ alij. Interim etiam dum scribimus, ænimus à cogitatione rerum siue leuium, siue turpium auocatur. Versus qui ad imitationem proponuntur, contineant grauem aliquam sententiolam, quam inuicem edidicisse: nam toties rescribendo, necesse est retineatur. Dabitur opera, ut initio saltem imitando castigatè scribat.

## MEMORIA.

**M**emoriæ quotidie exerceat, ut nullus sit dies, in quo ipsa aliquid non ediscat. Sic & acuetur ingenium, & facillimam sibi ac promptissimam parabit memoriæ, ut postea quæcunque libuerit, nullo retineat negotio, & firmissimè: durantiq; in reliquam uitam, quæ ista ætate percipiuntur. Initio poterit de nocte cubitum itura, attentè bis aut ter relere, quæ memoriæ mandari uolet, & postridie mane à se reposcere,

## INFLEXIO NOMINVM.


**I**ncipiet nomina inflectere, & discet esse sex nominum genera. Masculinum, quod signatur hac uoce, hic. Fœmininum, quod ista, hæc. Neutrũ, quod, hoc. Cõmune, quod, hic & hæc. Omne, quod hic, hæc, hoc, aut per tres uoces. Dubium, quod signatur per ista duo, hic uel hæc, id est, quod si uolumus, potest esse masculinum: & si uolumus, fœmininum, ut margo, cortex: dicimus enim amarus cortex, & amara cortex. Et inter commune & dubium hæc est differentia, quod quũ omne genus pertineat ad adiectiua, cõmuni quũ additur adiectiũ, respiciendum est de quo sexu loqueris, & sic addi genus adiectiui: quod postquam addidisti, non potes mutare de eodem loquens. In ambiguo uerò liberum est, utrumcunq; genus adiectiui libuerit addere, & postquam addideris, de eodem loquens potes mutare: ut si dicas, Albus canis, de mare bene dicis, de fœmina non bene: & quũ dixisti de mare, albus canis, de eodem non licebit dicere, alba canis. At de quacũq; cortice loquaris, dicis ut uoles, albus cortex, siue alba cortex: & postquam illud dixeris, de eadem loquens cortice, dicis, alba cortex. Promiscuum, quod Græci epicœnum, non est genus: nam hic de natura rerum non loquimur, sed de qualitate uocum. Substantiua siue substantiua, siue appellatiua nomina dicuntur omnia, præter illa quæ sunt omnis generis: hæc uerò dicuntur

cuntur epithetha, siue adiectiua. Illud annotabit, propter sola adiectiua, reperta esse in substantiuis generatim: nam si adiectiua non essent, nihil esset opus generibus, ut cum dicimus, reuereor patrem, ne lædas hominem, exclude canem: non refert cuius sit generis: si sit addendum adiectiuum, tunc considerandum est cuius generis. Post hæc tradentur numeri duo, nam dualem Græcorum non recipimus Latini, nec magnopere obseruant Græci. Tum casus seni in utroque numero: additur septimus, cuius meminit Quintilianus, & post eum Seruius, ut, Precibus Deum placo. Vocatiuus semper similis est nominatiuo, præterquam in quibusdam nominibus primæ declinationis, & secundæ. Nomina neutra habent accusatiuum & uocatiuum similes nominatiuo, & in plurali hi tres casus finiuntur in a. Nomina composita sic declinantur, ut sua simplicia. Hinc explicandæ declinationes quinque, quomodo prima cognoscatur ex genitiuo singulari, uel plurali, & quot habeat finitiones in nominatiuo, & quemadmodum omnia nomina huius declinationis finita in as uel in es, sint Græca, hic inflectet nomina huius declinationis. Secunda quomodo cognoscitur, et quot habet fines. Tertia idem, in qua sunt undecim fines, a, e, o, c, d, l, n, r, s, t, x. Hinc sequitur quarta et quinta. Post hæc incipiet discere cōgruentiā adiectiui et substantiui in numero, genere, & casu: in qua exerceatur aliquandiu, multis exemplis propositis.

b

3

D 2



## DE VERBIS.

**I**Am ad uerba ueniendum, in quibus duo sunt noscenda: nature uerborum, & syntaxes siue constructiones. Quinq; sunt modi in uerbo, indicatiuus, & quasi narratiuus, per quem referimus aliquid: in quo sunt quinq; tempora præsens, tria præterita, & futurum. Inter præterita hoc est discrimen, quod perfectum significat rem actam, sicut nomen ipsum sonat: Imperfectum significat rem nondum fuisse perfectam, aut transactam eo tempore, de quo loquimur: Plusquamperfectum significat rem perfectam, ante aliam factam, ut, Veni ad te hora decima, tunc è lecto surgebas, & mater tua iam fecerat rem sacram. Ita præteritum imperfectum & plusquamperfectum ad aliquid aliud referuntur, cuius ratione aut imperfectam rem, aut plusquamperfectam denotant. Addunt nonnulli futurum perfectum, quod subiunctiui esse dicitur, id propterea perfectum nominatur. Nam si dicas, quum coenabo, significas inter coenandum: sin uerò, quum coenauero, id est, perfecta coena. Imperatiuus modus, quod per illum imperamus, sed & precamur hoc, & adhortamur. Duo dederunt huic tempora, præsens & futurum. Additur & futurum subiunctiui huic modo, ut dixeris, feceris: præcipue cum negatione, ne dixeris, ne feceris: & negatione ne, aut neq;, nunquam, non. Optatiuus per quem optamus, huic placet esse quinq; tempora,



tempora, præsens & præteritum imperfectum, utinam discerem: præteritum perfectum, utinam didicerim: præteritum plusquamperfectum, utinam didicissem: futurum, utinam discam. Subiunctiuus, quia subiungit aliam orationem, ut, *Quum benefeceris, Letare.* Quinque sunt huic tempora, & solent ea interdum capi pro temporibus indicatiui. Dehinc Infinitiuus cur dicatur, & quot habeat tempora. Addidit Thomas Linacer modum Potentatiuum, idq; merito & doctè: hunc trades, quum paulò plus in literis promoueris. Exercenda est in modis, & temporibus diligentissimè, addita uoci latine uoce Britannica, quæ illi respondet, & usus ostendendus: nam Britanni ex proprietate uernacule lingue, nonnunquam in temporibus peccant. Hæc ubi erunt cognita, sciat numeros esse in Verbo geminos, personas ternas. Interea inflectit uerba per quatuor coniugationes: simul disce, quibus hæ coniugationes inter se notis distinguantur. Habebitq; generalia quædam de illis præcepta, quæ spectent ad præterita & supina, ut in prima declinatione præteritum terminari in *auī*, supinum in *atum*: in secunda in uim uocales, & supinum in *tum* uariè. In tertia nonnulla præterita & supina exempli causa adferentur: nā res est multiceps. In quarta præteritum in *ui* syllabam, & supinum in *itum*, quæ excipiantur ab ijs canonibus, procedēte tempore paulatim

cognosce<sup>t</sup>. Dehinc quæ tempora ex quibus manant, & quemadmodum formentur,

## SYNTAXIS.

**T**um ueniendum erit ad eam, quæ Græcis dicitur syntaxis, Latine constructio. Primum intelligat, orationem nullam posse constare sine uerbo. Nec uerbum posse poni sine supposito, uel expresso, uel subintellecto, ut in prima persona & secunda. Suppositum hoc & uerbum, quomodo debeant congruere, ne uitium admittatur. His cognitis, uenietur ad quinque uerborum genera, Actiuum, quod finitur in o, & habet passiuum in or. Huic datur nominatiuum in re agente, & hæc est suppositum: datur accusatiuum in re patiente, seu recipiente actum uerbi, ut, Maria amat matrem suam. Sunt ex his uerbis alia, quæ præter istos casus admittunt genitiuum, ut Deus accusat genus humanum in gratitudinis: & Superbus postulat superbum arrogantiae. Alia datiuum ut, Suade optima etiam inimicis, Da egenis necessaria. Alia accusatiuum, ut, Ne doceas philomelas cantum, Roga deum bonam mentem. Alia ablatiuum sine præpositione, ut, Exue pauonem plumis, quibus ornes canem. Alia ablatiuum cum præpositionibus à uel ab, uel è, uel ex, uel de, ut, Audi iucundam fabellam à patre, ex patre, de patre. Istæ possunt dici formæ, siue species uerborum actiuorum. Et casus isti præter nominatiuum & accusatiuum rei agentis & pas-

et patientis, dicantur casus speciales. Passiūum uerbum est, quod ex actiūo fit, addita r, ut amor ab amo in re patienti, seu quæ fit. Habet nominatiūum, et hoc est suppositum: in re agentī ablatiūum, cum præpositione à uel ab, uel datiuū. Interdum accusatiūum cū præpositione per. Casus speciales eodem modo manent in actiua et passiua, ut, Maria amatur à matre, et ornatur ab ea uirtutibus. Neutrum est, quod finitur in o, et non habet passiūum in or, nisi in tertijs personis: quandoq; nominatiūum habent pro supposito.

Ex istis alia habent genitiūum post se, uel ablatiūū sine præpositione, ut, Bonus homo iracundia caret, et indiget Dei solius. Alia datiuū, ut, Maria inseruit matri: et, Sapiens tempori paret. Alia cum præpositione iunguntur, quæ nominantur absoluta, ut, Cœnata deambulo in porticu, Pulcher animus habitat in pulchro corpore. Alia habent ablatiūum sine præpositione, ut, Ardeo amore recti, Malus flagrat cupidine uindictæ. Alia ablatiūum cum præpositione, ut uerba passiuā, et significant passionem, ut, Desides pueri meritò uapulāt à præceptore. Sed multa habent accusatiūum significantem rem uerbi, ut, Seruio seruitutem, Curro cursum, Viuo uitam, Sum, es, est, ponitur inter neutra, quod ante se habet nominatiūum, post se interdum nominatiūum, quum res pertinent ad idem, ut, Virtus est maximum bonū: et genitiūum, ut, Liber

hic est *Marice*: & *dativum*, ut, *Eruditio* est omnibus *magne voluptati*: & *ablativum*, ut, *Sis puella probo ingenio*. Adduntur composita huius verbi undecim, *adsum*, *absum* &c. quæ post se recipiunt *dativum*, *Adsum* uirtuti, *desum* uitio. Commune uerbum finitur in *or sine activo* in *o*, & retinet significationem *activam* & *passivam*. Quum capitur in significatione *activa*, habet constructionem uerborum *activorum*: quum in *passiva*, uerborum *passivorum*: ut, *Ego ueneror probitatem*, *Probitas ueneratur à me*, quod tamen est *rarius*, & sunt hæc per pauca. Deponens finitur in *or sine activo* in *o*, & alteram significationem retinet, *activam* in pluribus. Hæc uerba pro supposito, quemadmodum & cætera, *nominativum* habent: post se uerò *alia genitivum*, ut, *Miserere communis nature*, *Recordare accepti beneficij*. *Alia dativum*, ut, *Dominare cupiditatibus*. *Obsequere bene monentibus*. *Alia accusativum*, ut, *Sequere Deum*, & *nanciscêris beatitudinem*. *Alia ablativum sine præpositione*, ut, *Vtor, non fruor pecunia*. *Alia cum præpositione*, quæ *passionem* significant, ut, *Ex paucis uerbis magnum bellum oritur*. *Habebit formulam*, omnia uerò a recipere *dativum*, in re cuius designatur utilitas, uel commodum, uel damnum, ut *Cato docebat sibi suum filium, perdo tibi tuam pecuniam*. Sepe ex proprietate latini sermonis, quam facilius est intelligere, quàm explicare: ut,

ut, Ego tibi hunc hominem bellissimè tractavi. Tum & nominatiuum habet post se, quum pertinet ad idem quod suppositum, ut, Ego disco libens literas, in seruiio tibi letus, tu uocaris Maria, tu diceris, prædicaris, scriberis, putaris, haberis bonus: recta conscientia uiuit semper læta, expeditus currit celerior. Astutū omnium satis erit in singulis speciebus unum aut alterum, ad summum tria exempla proponere. Inter loquendum uerò aut legendū annotari poterit, quæ uerba ad quas species pertineant. Sic fiet in uerbis impersonalibus, & in alijs quæ dicemus. Danda est opera, ut exempla sint interdum grauias, quæ sanctè illam erudiant: interdum festiua, quæ delectent. Admiscebuntur castæ & puræ aliquæ fabellæ, quæ animum eius reficiant, & redintegrent, tum etiam excitent.

## PARTICIPIA.

**D**Einde sequuntur Participia, quæ Latini habent trium temporum, & unde formantur. Hæc explicabuntur, & quæ significant actionem, quæ passionem. Ante se nullum habent casum, post se uerò casum sui uerbi, ut, Inseruiens foro, dilectus à patre, caritursus uilio, docendus à bono magistro.

## VERBALIA.

**S**unt quædam uoces, quæ habent participiorum faciem, & sunt nomina, quæ tempus non denotant, ut amans librorum, homo uenerandus: Verbalia nominantur. Sunt & uerbalia in or, quæ formantur

ab ultimo supino, ut amator, suasor: & alia fœminina in trix, quæ fiunt à uerbalibus in tor, ut amatrix, genitio iunguntur. Sciēt, quæ participia quibus uerbis uel adsunt uel desunt: & uerba, quæ formulas generales in inflexione sequuntur, quæ non. Illa etiā quæ Anomala dicuntur, uel defectu, ut aio, inquit, salue, uale: uel uariā declinatione, ut fero, tuli. Postea, quæ multiplicē habēt constructionē, id est, quæ uarijs iungi possunt casibus ut recordor hāc rem, & illius rei: postulo te huius criminis, & de hoc crimine: quā de re scripsit libellum Antonius Mancinellus, quem Thesaurum appellauit. Hæc quā erunt semel ut cunq; exposita, neq; enim tradi exactē necesse est, adhibebitur compendiiū grammaticæ Thomæ Linacri, & Libellus de constructione, qui circūfertur Erasmi nomine: simul & eiusdem Colloquia, ex quibus retinebit aliquot uocabula & loquendi formulas, quibus in sermone quotidiano utetur: quas subinde expediet ab ea reposcere, ne excidant, & iubebitur alios sic alloqui. Expediet conscribi illi dialogos aliquot ijs de rebus, in quibus quotidie uersatur, ut illis latinē nominandis assuescat: uelut de indumentis, de partibus ædium, de cibis, de partibus temporis, de instrumentis musicis, de supellectile. Vocabulorum ueræ & propriæ significantiæ explanabuntur, ne impropriē utatur. Tum differentiæ, inter illa quæ similia uidentur: et congruentiæ, inter ea quæ dissimilia.

disimilia. In hoc proderit non totum Vallam enarrare, sed quædam ab illo excerpta, qualia Nebrissenſis collegit, & Antonius Mancinellus. Sed acri opus eſt iudicio, ne friuolas, aut parum obſeruatas, aut falſas quoq; præceptor tradat: cuiuſmodi ſunt haud ſanè pauca in Valla, Nonio, Seruio, Donato, ſed maximè in Gellio. Etymologias quoq; multorum, cur dicta ſint, accipiet. Sic enim uerius & certius tum intelliget, tum continebit, & ea cognitione delectabitur, multumq; in his latet peritiæ, modo rectè & acutè expendantur, nec undecūq; friuolæ aut ridiculæ petantur: quod ſecerunt patrum & auorum memoria, qui hanc partem tractandam ſuſceperant, Latini & Græci ſermonis penitus ignari. Annotabuntur ei quæ uſu in cruditorū barbaræ uocabula uſurpantur, & quæ ſunt quidem latina, ſed inuerſæ ſignificationis.

EXERCITATIO LATINE  
SCRIBENDI.

**I**ncipiet hoc loco oratiunculas ex Anglieo in latinum uertere, faciles initio, paulatim difficilioreſ, per omnia genera & formulaſ uerborum: ſed partim grauēſ & ſanctas, partim feſtiuas & urbanas. Simul cum hiſ diſcet Catonis diſticha, & mimos Publanoſ, & ſententiaſ ſeptem ſapientum, quæ omnia eodem libello ERASMVſ coniunxit & explicauit. Ediſcet ex illiſ ſententioliſ aliquot uitæ maximè utileſ, quas habeat  
in poſ

in posterum, uelut antidota aduersus uenenum, et prosperæ fortunæ, et iniquæ. Distatq; iam nunc in hac tenera ætate ueras et incorruptas opiniones, ut ea sola bona putet, quæ uerè sunt talia, uelut uirtutes et eruditionem: ea mala, quæ re uera mala, ut uitia et ignorantiam, et stultitiam: ne mala pro bonis accipiat, aut è contrario: ne tenuibus et exiguis rebus tanquàm magnis capiatur et moueatur, ne etià magna et preciosa tanquàm uilia cõtemnat. Delectabitur interim fabellis, quæ uitã erudiant, quas ipsa alijs referre possit, ut de papyrio Prætextato puero apud Gelliũ, de Iosepho in sacris libris, de Lucretia in Liuiio, de Griselide, et alijs, ut ex Valerio, Sabellico, et huius notæ scriptoribus, quæ pertinebunt ad aliquam cõmendationem uirtutis, aut detestationem uitij. Habeat Dictionariũ Latinum et Anglicum, quod sæpe consulat, ut sciat, quid quodq; uocabulũ significet. Res quã non intelliget, explicabuntur à præceptore, Turpiũ et fœdarum rerum uocabula nec intelligat, nec, si fieri possit, legat, uel audiat. Conficiat sibi libellum ex uacua charta, in quo sua manu conscribat sententiolas, quas memoriæ mandatura est, eritq; ei uice cuiusdam enchiridij.

## REDITVS AD PRIORA

## EXACTIOR.

**P**oterit hoc loco repetere, quæ de quinque uerborũ generibus dicta sunt. Post ad uerba quæ dicuntur impera



impersonalia, quorum alia sunt actiue uocis, alia passiue. Actiue uocis cur dicantur, & eorum esse species quinque: aliorum quæ ante se habent genitiuum post se infinitiuium, ut, Interest huius parafiti adulari. Quæ datiuum, & post infinitiuium, ut, Stulto non placet au-  
diri uerum. Quæ possunt esse impersonalia, mutata cons-  
tructione, ut, Tu proba placebis matri. Alia quæ ante  
se accusatiuum post infinitiuium, ut, Decet nobilem non  
superbire. Alia quæ ante se accusatiuum, post geniti-  
uum, uel infinitiuium, ut, Pœniteat te peccati, aut pec-  
casse. Alia quæ quum adduntur uerbis impersonali-  
bus, sunt impersonalia & habent constructionem eo-  
rum: cum uerò personalibus, sunt personalia, ut, Inci-  
pit me tædere ludi huius: &, Ne incipias senex insa-  
nire: Non potest Athenienses pœnitere Phocionis, qui  
unus poterat, & solebat, stultas illorum consultation-  
es improbare.

Verba impersonalia passiue uocis, sunt similia ter-  
tius personis singularibus uerbi passiui. Veniunt ab  
actiuis & neutris, nullum habent suppositum, post se  
uerò casum uerborum, à quibus descendunt, ut, A no-  
bis auditur, à uobis statur in cubiculo, sedetur in tri-  
clinio, estur, bibitur affatim. Si quis addat supposi-  
tum fit passiuum, ut, Scribitur liber, Sequitur constru-  
ctio infinitiuorum: illa est uulgaris, ante se habere ac-  
cusatiuum pro supposito, post se casum sui uerbi, ut,  
Me leo

Me legere tibi librum, erit utile. Adduntur uerbis, in quibus diligenter est animaduertenda constructio: nā sunt multa uerba quæ ante se, & post se etiam interiecto infinitiuo eundem casum requirunt, quum res pertinet ad idem. Exemplis res est declaranda. Ego uolo pudica esse, Tu uelles fuisse ad tales epulas inuitatus: nisi si quis adderet accusatiuum ante infinitiuum: ut, Ego uolo me esse literatam. Iam in alijs, Socrates non potest esse ferox, Maria existimatur & dicitur esse castissima: Et in hoc uerbo uideor: Ego uideor tibi esse literata, Tu uideris mihi esse sancta, Romani uidetur nobis nimis cupidi belli & pecuniæ, Dico uos uideri simias, Mihi licet esse doctæ, Tibi uacat esse disertus. Hinc de constructione gerundij & supini, quæ est apud Vallam, & ex illo apud recentiores istud annotabitur, gerundium adiectiuum non uenire nisi à uerbo, cui additur accusatiuus, & ratione illius casus: non enim dicimus, Veni huc tui seruiendi causa, uel ad carendam uoluptatem: nec, ad scribendum te, uel scribendo tibi, ut sit adiectiuum, sed, causa obseruandi tui, cogito de te docenda, propter uos erudiendos. Commodum nunc erit explanari uim potentauimodi, quæ sunt uoces temporum subiunctiui: ut, Tu uirgo hoc dicas? Quis crederet mendaci? Peccaueris sanè, sed semel. Nemo sic dixisset, nunquam accessero prauis consultoribus, His cognitis uenietur ad significationem & syn-

et syntaxin reliquarum partium orationis, de ui pronominis, de aduerbio, de præpositione, de coniunctione, quibus addatur uerbi modis, et quomodo coniungat. Interiectio cur sit ita appellata, quod per affectum interponatur orationi, ut, Magnum heu fecerat nefas. Poterant ista dici à me fusius, sed admonere satis habui, quæ ab alijs essent copiose tractata, quæ omnia usus et lectio autorum explanabit et expoliet, redetq; ut apertiora, sic etiam certiora.

## S E R M O,

**L**oquatur cum præceptore et cum discipulis Latinè, quas habeat tres aut quatuor: nam solam institui non conducit: sed nec plurimæ sint, et cæpuellæ, atq; etiam selectissimæ, liberaliter et sanctissimè educatæ: à quibus nihil audire possit, aut discere, quod mores corrumpat, quorum prima semper debet esse cura. Stimuletur modò præmiolis, modò contentione et emulatione: laudetur ipsa, laudetur et alia, ipsa audiente. Conabitur exprimere, quæ apud autores legerit: et quemadmodum alios audierit loquentes, quos putet eruditos esse, attentè auscultatos, sic et loquetur ipsa: in quo est imitatio, res in studijs non parum utilis, præsertim teneræ ætati, quæ nihil melius quàm imitatur. Nec solum uoces emulabitur, sed pronuntiationem quoq; ne in accensibus peccet.

## ACCENTVS.

**D**E quibus cognoscat initio generalia præcepta, duo in primis in sermone latino: penultima syllaba longa, in ea est accentus, ut, Parentis. Altera, penultima breui, in antepenultima est accentus, quancunq; sit, ut, Hominis, Dominus. In ultima nullæ latinæ dictiones accipiunt accentum, præter pauca inflexibilia: ut, porrò, unà, illò: in dissyllabis omnibus accentus est in penultima, præter ea quæ dixi, indeclinabilia. Tum licebit uniuersalia illa cognoscere, De uocali ante uocalem, quæ est breuis: de uocali ante duas consonantes, aut consonantem uim duarum habentem, quæ longa: et omnis syllaba diphthongo scripta, longa est: anxia illa de syllabarum quantitate, uel aliàs discet, uel non eget fœmina, quod magis puto. Obseruabit institutor, quemadmodum loquetur, uitiaq; tum sermonis, tum linguæ sedulo repurgabit, ne hæere sinat. Ostendet rationem, cur uel solæcismus castigari, uel barbarismus, uel uitiosam pronuntiationem. Admonebit ut uitet, ne iterum peccet: si rursus eodem relabatur, admoneat prioris errati.

## ANNOTATIONES.

**H**abeat librum chartaceum maiusculum, in quo manu sua annotet tum uerba, si qua inter legendū graues auctores inciderunt, uel utilia usui quotidiano, uel rara, uel elegantia: tum loquendi formulas, ar-

gutas,

gutas, uenustas, lepidas, eruditas: tū sententias graues, facetas, acutas, urbanas, salsas: & historias, ex quibus exemplum uitæ suæ possit petere. Aduertet etiam ubi, & quemadmodum Grammaticorum seruentur præcepta, ubi negligantur: nam ars grammatica ex usu autorum nata est, ideo hic est arti præferendus, quum discrepāt: ars tamen necessaria est, quæ rectè & emendatè loqui ex obseruatione docet. Autores in quibus uersabitur, ij erunt, qui pariter & linguam, & mores excolant atq; insituant; quiq; uon modò bene scire doceant, sed bene uiuere. Huiusmodi sunt Cicero, Seneca, Plutarchi opera, quæ sunt à uarijs uersa: aliquot Platonis dialogi, præsertim qui ad rempublicam gubernandam spectāt: Hieronymi epistolæ, & quædam Augustini opera, ERASMI institutio principis, Enchiridion, Paraphrases, & alia eius permulta pietati utilia, Thomæ Mori Vtopia. Historiam poterit leuiter cognoscere ex Iustino, & L. Floro, & Valerio Maximo. Inter hæc omnia, & cū surgit è lecto, & cum incubitum, aliquid quotidie ex Nouo testamento legat. Sunt & Christiani poëtæ, quos iucundum fructuosumq; erit legere, uelut Prudentius, Sydonius, Paulinus, Arator, Prossper, Iuuenius, qui multis in locis possint cum quouis ueterum certare, elegantia carminis disco. Nam rebus tanto sunt superiores, quantum bona malis præstant, & humanis diuina. Quum hos leget,

habeat uocabularium latinæ linguæ, Calepinum scilicet, aut Perotum, ad quem recurrat hærens in latina uoce. Hanc puto esse rudem studiorum declinationem: exactiora tempus admonebit, & prudentia tua inueniet,

FINIS.

IOANNIS. LVDOVICI VIVIS VALENTINI,  
AD SAPIENTIAM  
Introductio.



VERA sapientia est, de rebus incorruptè iudicare, ut talem unamquamque existimemus, quas ipsa est: ne uilia sestemur tanquam preciosa, aut preciosa tanquam uilia reiciamus: ne uituperemus laudanda, ne' ue laudemus uituperanda.

2 Hinc enim error omnis in hominum mentibus, ac uitium oritur, nihilque est in humana uita exitiabilius, quam de prauatio illa iudiciorum, quam rebus non suum precium redditur.

3 Quocirca perniciosæ sunt uulgi opiniones, quæ stultissimè de rebus iudicant.

4 Magnus erroris magister, populus.

Nec

Nec aliud magis laborandum est, quàm ut sapien- 5  
tiæ studiosum à populari sensu abducamus, & uindi-  
cemus.

Primum omnium suspecta illi sint, quæcunq; mul- 6  
tudo magno consensu approbat: nisi ad illorum nor-  
mam reuocarit, qui singula uirtute metiuntur.

Assuescat unusquisq; iam tum à puero, ueras habe- 7  
re de rebus opiniones, quæ simul cum ætate adolescēt.

Et ea cupiat, quæ recta sint: fugiat, quæ praua: ut 8  
assuefactio hæc bene agere, uertat ei propè in natus-  
ram: ut non pon possit, nisi coactus & reluctans, ad  
male agendum pertrahi.

Eligenda est optima uitæ ratio, hanc consuetudo 9  
iucundissimam reddet.

Tota reliqua uita ex hac puerili educatione pēdet. 10

Ergo in curriculo sapientiæ, primus gradus est, ille 11  
ueteribus celebratissimus, SEIPSVM NOSSE.

#### DIVISIO RERV.

**H**omo ex corpore constat & animo. Corpus ha- 12  
bemus ex terra, & his elementis quæ cernimus  
ac tangimus, corporibus bestiarum simile,

Animum diuinitus datum, angelis & Deo similem, 13  
unde censetur homo: & qui solus meritò esset homo  
appellandus, ut maximis uiris placuit.

In corpore sunt forma, sanitas, firmitas, integritas, 14  
robur, celeritas, delectatio: & his contraria, deformi-

tas, morbus, mutilatio, imbecillitas, tarditas, dolor, & alia corporis seu commoda, seu incommoda.

15 In animo eruditio, & uirtus: & contraria, ruditas, uitium.

15 Extra hominem sunt diuitiae, potentia, nobilitas, honores, dignitas, gloria, gratia: & contraria his, paupertas, inopia, ignobilitas, uilitas, dedecus, obscuritas, odium.

RERVM NATVRAE AC  
PRECIA.

17 **R**egina & princeps rerum omnium praestantissima est VIRTUS: cui reliqua omnia, si suo uelint officio defungi, ancillari oportet.

18 Virtutem uoco, pietatē in Deū & homines, cultum Dei, & amorē in homines, uoluntatemq; benefaciendi.

19 Reliqua si quis ad uirtutem hanc referat, non mala uidebuntur.

20 Nec qui primū hāc nuncupauere bona, sic de illis senserunt, ut nunc uulgus: quod ueros illos ac naturales significatus corripit, unde & rerum aestimationes mutatae sunt.

21 Sic enim sunt intelligenda haec, quatenus censentur bona. Diuitiae sunt non gemmae, aut metalla, non magnifica aedificia, uel suppellex instructa: sed, non ijs carere, quae sunt ad tuendam uitam necessaria.

22 Gloria, bene audire de uirtute.

Honor,



Honor, ueneratio ob uirtutem: 23

Dignitas, recta hominum opinio de magna uirtute. 24

Potentia & regnum, habere multos quibus probè 25  
ac rectè consulas.

Nobilitas, excellentia actuum esse cognitum: uel 25  
à bonis prognatum, similem parentum se præbere.

Gonerosus est, ad uirtutem à natura optimè com- 27  
positus.

Sanitas, talis habitudo corporis, ut ualeat mens. 28

Species, lineamenta corporis, quæ animum formo- 29  
sum ostendant.

Vires & robur, ut exercitijs uirtutis sufficias, ne 30  
facile defatigeris.

Voluptas, delectatio pura, solida, & diuturna, 31  
qualis capitur ex ijs solis, quæ ad animum pertinent.

Si quis hæc aliter, ut à populo uidelicet intelliguntur, 32  
discutiat ac expēdat, reperiet inepta, uana, noxia esse.

primùm externa omnia uel ad corpus referuntur, 33  
uel ad animum: ut diuitiæ ad tuendam uitam, honor  
ad iudicium uirtutis.

Corpus ipsum nihil aliud est, quàm tegumentum, 34  
uel mancipium animi, cui & natura, & ratio, &  
Deus ipse iubent subiectum esse, ut brutum sentienti,  
mortale immortalis ac diuino.

Porrò in ipso animo eruditio in hoc paratur, ut co- 35  
gnitū uitii facilius fugiamus, cognitam uirtutem faci-

- lius persequamur, teneamusq;: alioq; superuacanea est.
- 36 Quid aliud est uita, quàm peregrinatio quædam, tot undiq; casibus obiecta & petita? cui nulla hora non imminet finis, quî potest leuissimis de causis accidere.
- 37 Quare stultissimum est, cupiditate tam incertæ uitæ, scødum aliquid aut prauum agere.
- 38 Et quemadmodum in uia, sic in uita: quo quis expeditior, & paucioribus sarcinis implicitus, hoc leuius & iucundius iter facit.
- 39 Tum natura humani corporis ita constitutum est, ut paucissimis egeat: ut si quis animaduertat, haud dubiè insanix damnet eos, qui tam multa tam anxie congerunt, quum sit tam paucis opus.
- 40 Diuitiæ namq; & possessiones, & uestimenta in usum tantum parantur: quem non adiuuant immense opes, sed opprimunt, ut nauem ingentia onera.
- 41 Nec aurum, si non utare, à cæno differt: nisi quòd magis angit eius custodia, & efficit, ut dū ubi uni studes, ea negliges, quæ maximè sunt homini curanda.
- 42 Est enim pecunia idolorum seruitus, quum ei reliquæ post habentur, nempe pietas & sanctum.
- 43 Vt transeam, quot insidiæ diuitijs tenduntur, quot & quàm uarijs casibus pereunt, in quàm multa uitia detrudunt.
- 44 Culta uestimenta quid aliud sunt, quàm superbiæ instrumenta?

Vtile

Vtile indumentum excogitavit necessitas, precio= 49  
sum luxus, elegans uanitas: suborta est in uestitu con= tentio. Hæc multa docuit superuacanea & damnosa, dum homines etiam ex eo quod infirmitatem nostram arguit, honorem captant.

Ita diuitiarum pars maxima, ædificia, supellex nu= 45  
merosa & opulenta, gemmæ, aurum, argentum, or= namentorum omne genus, spectantium oculis & com= parantur, & exponuntur, non possidentium usibus.

Iam nobilitas quid est aliud, quàm nascendi fors 47  
& opinio, à populi stultitia inducta: ut quæ se penum= ro latrocinij quæritur.

Vera & solida nobilitas à uirtute nascitur. Stul= 48  
tumq; est, gloriari te parentem habuisse bonum, quum sis ipse malus, & turpitudine tua dedecori sis pul= chritudini generis.

Sed certè omnes ex eisdem constamus elementis, 49  
& idem omnium pater Deus.

Ignobilitatem contemnere, hoc est Deum nascendi 50  
autorem tacitè reprehendere.

Potentia quid est aliud, quàm speciosa molestia? in 51  
quasi quis sciret, quæ sollicitudines, quæ anxietates insint, quantum malorum mare, nemo est tam ambi= tiosus, qui non eam fugeret, ut grauem miseriam.

Quantum est odium, si regas malos? quanto maius, 52  
si malus ipse?

- 53 Honor si ex uirtute non oritur, prauus est: si ex uirtute, hoc præstat uirtus, ut is negligatur. Aliter uera non erit uirtus, si quid honoris facit gratia: sequi enim debet honor, non expeti.
- 54 Dignitates, quis potest sic appellare, quum indignissimis quoque hominibus contingant? nempe fraude, ambitione, præmijs, pessimis artibus quesitæ.
- 55 Et gloria, est ne aliud quàm ut ille dixit, Aurium uana inflatio?
- 56 Ex qua, ut honore et dignitate nihil omnino ad eum pertingit de quo sunt, et incertæ, uagæ, iniquæ, momentaneæ sunt, similes parentis suæ multitudinis: quæ eodem die eundem hominem et commendat atque euehit summè, et uituperat ac deprimat extremè.
- 57 Quid dicam nasci hæc ex rebus partim deridendis, partim stultis, partim sceleratis: sicut ludo pilæ, profusione patrimonij in comessationes, scurras, mimos: bello potissimum, hoc est, impunito latrocinio, quo magis uulgi dementiam agnoscas?
- 58 Secedat in se unusquisque, ac solus cogitet, inueniet quàm parum ad se attingat ex fama, rumoribus, ueneratione, honore populi, de quibus gloriatur.
- 59 Quid in somno, quid in solitudine inter summum regem interest, et infimum seruum?
- 60 Denique sic unusquisque sentiat, nobilitatem, honores potentiam, dignitates ex prisca hominum persuasione,

sione, quam Christus animis suorum ademit, nata & relicta esse: & in Christianos homines inuenta, tanquā lolium, quod hostis diabolus aspersit bonæ segeti Dei.

In corpore ipso quid est forma? nempe cuticula be-  
ne colerata. Si in terna cerni possent, quanta uel in corpore speciosissimo cerneretur foeditas?

Lineamenta & corporis decor quid iuuant, si tur-  
pis sit animus? & sicut Græcus ille dixit: In hospitio pulchro hospes deformis?

Robur quorsum pertinet in homine, quum res ma-  
xima & homine dignæ, non uiribus neruorum geran-  
tur, sed ingenij?

Nec uires quantumcunq; augeantur, maiores erūt  
quā tauri uel elephanti: ratione illos, ingenio, uirtu-  
te superamus.

Transco quod forma, uires, agilitas, & ceteræ cor-  
poris dotes, ut flosculi celeriter marcescūt, exiguis ca-  
sibus diffugiunt: uel una febricula ualidissimū quan-  
doq; hominem concutit, & summum decorem tollit.

Vt nihil accadat, certè necesse est illa omnia cum  
ætate flaccescere ac decidere.

Nemo ergo potest externa iure sua dicere, quæ  
tam facile ad alios transeunt: nec corporea, quæ tam  
cito auolant.

Quid quod hæc quæ multi admirantur, magnorum  
uitiorum sunt causæ: uelut insolentiæ, arrogantia,  
sotordia,

ſocordiæ, ferocitatis, liuoris, æmulationis, ſimulacrum, rixarum, bellorum, cædis, ſtragis, cladis?

69 Delectatio corporis, ut corpus ipſum, uilis ac pecudina eſt, qua ſæpius & uehementius, & diutius peccata quàm homines perfruuntur.

70 Ex hac cum morbi plerique ad corpus redundant, & ad rem familiarem permagna damna: tum ad animum certa pœnitentia, & hebetudo ingenij, quòd delicij corporis extenuatur ac frangitur: denique odium uirtutum omnium.

71 Nec apertè frui licet: nam ut dedecent generoſitatem noſtræ mentis, ita nemo tam perditus eſt, quin eas erubeſcat apud arbitros capere. Pariunt enim ignominiam, idcirco tenebras & latebras quærunt.

72 Quid quòd ſunt fugaciſſimæ, & momentanæ, nec retineri ulla uì poſſunt, nec unquam ueniunt puræ, cuiuſcunque amaritudinis expertes?

73 Ergo excluſis uulgi ſenſibus, maximum malum putato, non paupertatem, aut ignobilitatem, aut carcerem, aut nuditatem, ignominiam, deformitatem corporis, morbos, imbecillitatem: ſed uitia, & his proxima, inſcitiam, ſtuporem, dementiam.

74 Magnum bonum credito horum contraria, uirtutem, & quæ huic ſunt finitima, peritiā, acumen ingenij, ſanitatē mentis.

75 Reliqua uel externa, uel corporis ſi habes, prode-

runt

runt tibi ad uirtutem relata: oberunt, ad uitia. Si non habes, caue ne quæras uel cum minimo dispendio uirtutis.

Prolixus quæstus est pietas cum sufficientia. *Fa* 75  
ma, tametsi nihil agendum est ut uidearis, conseruanda tamen est integra, quòd interdum ea cura à multis nos turpibus cohibet, sed præcipuè in exemplum cæterorum.

Vnde præceptum illud sapientium & sanctorum 77  
uirorum: Nec malum faciendum, nec eius simile.

Quòd si hoc assequi non possumus, conscientia debemus esse contenti: & quum tam deprauati erunt hominum sensus, ut quæ sunt optima, putent esse sceleratissima: tunc laborandum erit, ut interna & externa soli Deo approbemus, idq; abundè nobis sufficiat.

Etiam mala, quæ dicuntur corporis, uel fortune, 79  
licebit in bonum uertere, si patienter feras: & tanto sis ad uirtutem promptior, quo minus tibi in illis succedit, ac proinde es expeditior.

Sæpenumero ex damnis corporis, uel externorum, 80  
magnæ sunt acceptiones uirtutibus natæ.

## DE CORPORE.

**E**T quoniam in hac nostra peregrinatione animum 81  
gestamus in corpore inclusum, maximasq; opes in uasis fictilibus, non omnino repudiandum nobis est, & contemnendum corpus,

- 82 Sic curandum tamen, ut se non dominum, non socium esse sentiat, sed mancipium: nec sibi pasci aut uiuere, sed alteri.
- 83 Quo curatius est corpus, hoc animus neglectior.
- 84 Quo mollius habetur corpus, hoc acrius menti reluctatur, & ut equus delicatè pascus, sefforè excutit.
- 85 Grauis sarcina corporis animum elidit, acumen ingenij, sagina corporis, aut indulgentia retunditur.
- 86 Cibi, somni, exercitationes, tota corporis curatio ad sanitatem referenda est, non ad uoluptatem: ut animo promptè inferuiat, nec ferocia cultus insole scat, neu uirium inopia decidat.
- 87 Nihil est quod æquè & uigorem mentis debilitet, & robur ac nervos corporis infringat, ut uoluptas: quippe uires omnes & corporis & mentis, opere ac labore uegetantur, ocio & mollicie uoluptatis languescunt.
- 88 Mundicies corporis & uictus citra delicias aut morositatem, ad ualetudinem & ingenium confert.
- 89 Ablues subinde manus & faciem frigida, detergesq; mundo lintcolo.
- 90 Repurgabis crebrò eas partes, quæ sordibus & recrementis ad extima corporis meatus præbent.
- 91 Hæ sunt, caput, aures, oculi, nares, axillæ, & pendenda.
- 92 Pedes mundi & calidi foucantur.

Arceatur



Arceatur frigus cum ab alijs partibus, tum uel maxime à ceruice. 93

Ne statim edas à gete, nec ante prædiũ, nisi tenuiter. 94

Ientaculum enim sedando stomacho, aut refocillando datur corpori, non satietati. 95

Ideo tres aut quatuor panis buccæ sufficiunt, sine potione, aut certè exigua, atq; ea tenui: salutare hoc non minus ingenio, quàm corpori.

In prandio & cæna assuesce non uesci, nisi ex uno obsonij genere: eodem simplicissimo, & quantum per facultates licebit, saluberrimo, quamuis multa mensæ inferantur: & si tua sit mensa, noli admittere.

Varietas ciborum homini pestilens, pestilentior condimentorum. 98

Munda & pura parsimonia, temperatis & castis animis congruens, conseruatrice rei familiaris: & quæ sola efficit, ne multis indigere nobis uideamur, nec suscipiamus pessima facinora quæstus gratia, quò gulæ morem geramus, irritatæ uel luxu, uel lauticijs, uel delicatis nimium & exquisitis cibis.

Tum præstat, ut quæ adsunt, non modò nobis sufficiant, sed ex eis liceat egentibus impartiri. 100

Ostendit hoc Dominus exemplo sui, qui post exturatam multitudinem reliquias perire panum & piscium non est passus. 101

Natura necessaria docuit, quæ sunt pauca, & parabilia. 102

bilia. Stultitia superflua excogitauit, quæ sunt infinita, & difficilia.

103 Naturæ si des necessaria, delectatur, & roboratur, tanquam proprijs: sin superflua, debilitatur, & affligitur, tanquam alienis.

104 Stultitiam necessaria non explent: superflua quum obruant, non satiant.

105 Potus erit, uel naturalis ille, uniuerfis animantibus in commune à Deo paratus, pura & liquida aqua, uel tenuissima ceruisia, uel uinum bene dilutum.

105 Nihil est quod iuuenum corporibus magis officiat, quàm calidus cibus, aut potus: incendit enim & exurit eorum uiscera, agitq; in libidinem & temeritatem præcipientes.

107 A cœna ne bibe: aut si id admonet sitis, sume humidum aliquid & frigidiusculum, aut perpusillum tenuis potiuncula.

108 Inter eam potionem & quietem, interpone, quum minimum, horæ dimidium.

109 Leuaturus animum, fac cogites, quàm exiguum tempus datum sit uitæ hominum: ex illo non oportere multum descendi ad lusus, ad comessationes, ad puerilitates, ad ineptias.

110 Breue spatium esse uitæ nostræ, etiamsi totum bonæ menti impenderetur.

111 Non esse nos à Deo creatos ad lulum aut nugas, sed ad seria,

ad seriam, admoderationem, modestiam, temperantiã,  
religionem, omne genus uirtutis & laudis.

Morbos corporis, morbis animi ne curaueris. 112

Exercitationes corporis non erunt immodicæ, cæ= 113  
terum aptandæ rationi ualitudinis: in quo sequenda  
erunt medicinæ consultorum consilia.

Sic tamen, ne quid habeant turpè, immodestũ, ob= 114  
scœnum, flagitiosum, Etiam in remissionibus, & ref= 114  
etionibus animi, absit aliqua memoria uirtutis.

Absit arrogantia, contetio, rixa, inuidia, cupidi= 115  
tas: quĩ enim conuenit cruciare animum, dum delecta  
re studes? non aliter quàm si fel infundas in id mel,  
quod cupis esse quàm dulcissimum.

Somnus sumendus est tanquam medicina quædam 115  
curando corpori, tantummodo quantus sufficit: im= 115  
modicus enim reddit corpora redundantia noxijs hu= 115  
moribus, segnia, pigra, lenta, & celeritatem mentis  
tardat.

Nec est existimandum uitæ id tempus, quod so= 117  
mno impenditur: uita enim uigilia est.

#### DE ANIMO.

**I**N animo duæ sunt partes: illa quæ intelligit, memi= 118  
nit, sapit, ratione, iudicio, ingenio utitur ac ualet. 118  
Hæc pars superior appellatur, & proprio nomine  
Mens, qua homines sumus, qua Deo similes, qua cæ= 118  
teris animantibus præstamus.

d Est

119 Est altera ex coniunctione corporis bruta, *fira*, *ac*  
*trox*, bestiae quàm hominis similior: in qua sunt mo-  
 tus illi, qui siue affectus, siue perturbationes nominan-  
 tur, Græce *πάθη*, arrogantia, inuidentia, maleuo-  
 lentia, ira, metus, mœror, cupiditas, stulta gaudia:  
 pars inferior nominatur etiam Animus, qua nihil à  
 belluis differtimus, et quàm longissimè discedimus à  
 Deo, extra morbum et perturbationem omnē posito.

120 Hic est naturæ ordo, ut sapientia regat omnia, pa-  
 reat homini cetera, quæ uidemus: in homine uerò cor-  
 pus animo, animus menti, mens Deo. Si quid hunc or-  
 dinem egreditur, peccat.

121 Ergo peccatum est in homine perturbationes illas  
 tumultuari, *saui*re, ac trahere ad se ius et ditionem to-  
 tius hominis. *sp*reta et contempta mente: mentem en-  
 tiam relictâ Dei lege, animo et corpori seruire.

#### DE ERUDITIONE.

122 Idcirco menti indita est uis intelligendi, ut singula  
 expedit, sciaturque quid factu bonum sit, quid *secu*s: et  
 uis uolendi summa, ut imperio huius nihil sit in ani-  
 mo, quod non pareat, si illa contendat, nec de iure de-  
 cedat suo.

123 Ingenium multis artibus, et humanis, et diuinis  
 excolitur et acuitur, instruiturque magna et admira-  
 bili rerum notitia, quò exactius singulorum naturas  
 et *prec*ia cognoscat: possitque uoluntatem docere, quid  
 sequens

sequendum bonum, quid uitandum malum.

Igitur fugienda artes illæ, quæ cum uirtute pugnant, quales sunt diuinatrices omnes, quæ à Græcis *μαυρτεῖα* dicuntur: ut chiromantia, pyromantia, necromantia, hydromantia, etiam astrologia: in quibus est plurimum exitiabilis uanitatis, excogitata ab impostoro nostro diabolo.

Tractantq; & profitentur id, quod sibi uni Deus reseruauit, futurarum & abstrusarum rerum peritiam.

Nec inquirendum in Dei maiestatem, & arcana à cognitione nostra procul remota, à quibus Deus hominem arcuit.

Qui scrutatur maiestatem, opprimetur à gloria.

Et Paulus iubet nos non plus sapere quàm oporteat sed sapere ad moderationem. Hebræum quoq; concionator irruit: Altiora te ne quæsieris, & fortiora te ne scrutatus fueris: sed quæ præcepit tibi Deus, illa cogita semper, & in pluribus operibus eius ne fueris curiosus.

Et arcana illa quæ uidit, negat licere homini eloqui.

Vitanda ars omnis à dæmone tradita, cum quibus uelut Dei hostibus nullum debet nobis esse commercium.

Nec expedit uel philosophorum uel hæreticorum opiniones, pietati nostræ contrarias, cognoscere: ne quem scrupulum subtilis artifex diabolus in animos

nostros iniiciat, qui nos nimium torqueat, etiam adducat in exitium.

132 Non attingendi autores furci, ne quid sordium animo ex contagio adhareat.

133 Corruptunt bonos mores colloctiones mala.

134 Reliqua eruditio munda est, & si fugifera, reseratur modò ad suum scopum, uirtutem, hoc est, rectè agere.

135 Est diuina eruditio à Deo tradita: in qua sunt thesauri omnes scientiæ & sapientiæ reconditi. hæc est ueramentium lux, reliqua omnis ad hanc collata, densissima sunt tenebræ, & ut res hominum ludicra & puerilis.

136 Legitur tamen uel in hoc, quòtquam ex comparatione fulgentior appareat nostra lux.

137 Tum ut testimoniis hominum aduersus eos utamur, qui diuinis parum acquiescunt, ut uitiosi oculi auersantur solis splendorem.

138 Ad nos quoque commonefaciendos, quum in multis gentilium tanta præstantia fuerit uirtutis, quantam esse conuenit in homine Christiano, discipulo magistri Dei, cui ex luce pietatis, quam profitetur, magna est imposita necessitas bene uiuendi.

139 Suppeditant quoque facundiam & usum, ac prudentiam uitæ communis, quibus nonnihil interdum indigemus.

140 Tribus uelut instrumentis fabricamur eruditionem

nem ingenio, memoria, cura.

Ingenium, exercitatione acuitur. 141

Memoria, excolendo augetur. 142

Vtrunq; eneruant delitiæ, bona ualetudo confir- 143  
mat, ocia & diurnæ remissiones profligant, exerci-  
tamenta ad manum & in promptu ponunt.

Siue legis ipse quid, siue audis, attentus id fac: nec 144  
uagetur mens tua, sed coge illam ibi esse, & agere  
quod adest, non alia.

Si incipit digredi, paruo murmure eam reuoca: co 145  
gitationes omnes ab studijs alienas, in aliud tempus  
differ.

Scito te operam & tempus perdere, si quæ legis, 146  
uel audis non attendis.

Quæ ignoras, ne pudeat quærere. Ne erubescas à 147  
quouis doceri, quod maximi uiri non erubuerunt: eru-  
besce potius ignorare, aut nolle discere.

Quæ ignota tibi sunt, ne iactes te scire: sciscitare 148  
potius ab ijs, quos scire credis.

Si uideri uis doctus, da operam ut sis: nulla est com- 149  
pendiosior uia: quemadmodum non alia ratione faci-  
lius consequeris, ut existimeris bonus, quàm si sis talis.

Deniq; quicquid uideri cupis, fac ut sis, aliter fru- 150  
stra cupis.

Falsa tempus infirmat, uera corroborat, 151

Nulla simulatio diuturna. 152

- 153 Magistrum semper sequere, noli præcurrere: & ill  
crede ne repugna.
- 154 Ama illum, & parentis loco habe: putaq; uerissi  
ma & certissima esse, quæcunq; dicit.
- 155 Attēde, ut quod semel errasti, emendatus iterū aut  
tertio ne idem pecces: labora, ut proficiat emendatio.
- 156 Illorum decet te præcipuè meminisse, in quibus fal  
sus es, ne te rursus decipiant.
- 157 Cuiusvis hominis est errare: nullius, nisi insipientis,  
perseuerare in errore.
- 158 Scito nullam esse sensum, per quem promptius do  
cemur, quàm auditum.
- 159 Et nihil facilius, quàm audire multa, & nihil u  
tilius.
- 160 Nec malis leuia, aut inepta, aut ridicula audire,  
quàm seria, grauias, prudentia.
- 161 Pari labore utraq; discuntur, quum sit adco com  
modum dispar.
- 162 Ne labores quàm multa respondeas, sed quàm aptè  
& in tempore.
- 163 Prandio tuo & cœnæ illos adhibe, qui te possint  
instituire, quiq; suauis ac docta colloquutione pariter &  
exhilarant te, & peritiorem reddant.
- 164 Scurras, parasitos, imperitè loquaces, aut spurcè  
moriones, nugatores, bibaces, & id genus hominum  
aptum ad risum mouendam uel uerbis, uel factis, nec  
honore



onore mensæ tuæ digneris, nec illi te, dum reficeris,  
blectent: potius iucunda aliqua, & ingeniosa confa-  
bulatio.

Non os modò à turpibus cohibe, sed etiam aures, 155  
tanquam fenestras animi: memor dicti ueteris, quod ci-  
tat Apostolus: Corruptiunt mores probos confabulatio-  
nes male.

Siue ad mensam, siue alio quouis loco diligenter 165  
quid quisq; dicat, ausculta.

Ex sapientibus discas, quo fias melior. 167

Ex stultis, quo fias cautior. 168

Que sapientes probarint, sequeris. 169

Que stulti laudarint, uitabis. 170

Siquid uideris à cordatis recipi, tanquam uel argu- 171  
tè, uel grauitè, uel sapienter, uel doctè, uel ingeniose,  
uel urbanè dictum, retinebis, ut & ipse in occasione  
utaris.

Habebis librum chartaceum, in quo annotabis, si 172  
quid legeris, uel audieris dictum festiuè, aut eleganter  
aut prudenter: uel uocabulum aliquod exquisitum, ra-  
rum, utile sermoni quotidiano, ut quum usus poscat,  
habeas paratum.

Anitere, ne sola uerba intelligas, sed precipuè 173  
sensa.

Que legeris, uel audieris, fac alijs narres, tum tuis 174  
condiscipulis latinè, tum alijs lingua tibi uernacula:

Et conare, ne minus ipse uel lepidè, uel uenustè refectas, quàm audieris, aut legeris: sic Et ingenium exercebis, Et linguam.

175 Est etiam tractandus, Et agitandus sæpenumero stylus, optimus dicendi magister.

176 Scribe, transcribe, rescribe crebro, atq; annota: cõpone alternis diebus, aut ad summum tertio quoq; epistolam ad aliquem qui tibi respondeat: Et tuam ostende institutori emendandam: mendarum, quas sustulerit, fac recordere, ne rursus ad easdem impingas.

177 Post cibum, uelut à prandio Et cœna, cesset studium: sumpto prandio sede, confabulare, audi aliquid suaue: aut sic lusita, ne nimium corpus exagites Et concutias.

178 Post cœnam, quam uolo esse modicam, deambulato cum iucundo aliquo Et docto confabulatore, qui te sermone oblectet, cuius uerba Et sententias imitari cum decore possis.

179 Inter cœnam Et quietem uita omnino potũ: nihil perniciosius simul corpori, memoriæ, ingenio. Quum urgebit te sitis, si biberis, pone inter potum Et lectum interuallum, quum minimum, semihoræ,

180 Memoriam quiescere non fines:

181 Nihil est quod æquè labore gaudeat, Et augeatur.

182 Commenda ei quotidie aliquid.

183 Quop̃lura commendabis, hoc custodiet omnia fidelius

delius: quo pauciora, hoc infidelius.

Quum aliquid ei credideris, sine eam quiescere, 184  
& aliquanto post ab ea uelut depositum reposce.

Si quid uis ediscere, id de nocte quater aut quin- 185  
quies attentissimus legito: hinc ito cubitum. De mane  
exigito à memoria rationem eius, quod pridie cre-  
dideris.

Cauendum à crapula, à cruditate, à frigore, potissi- 186  
mum cernicis.

Vinum memoriae mors. 187

Optimum esset singulis noctibus paulo antequam 188  
cubitum concederes, in sella te sine arbitris sedentem  
quacumq; die illo uidisses, legisses, audisses, egisses, in  
memoriam reuocare.

Si quid fecisses honestè, moderatè, prudenter cor- 189  
datè, cum decore & laude, gauderes: sciresq; id esse  
Dei munus, & similia pergeres facere.

Si quid turpiter, immodestè, flagitiosè, pueriliter, 190  
ineptè, uituperio dignum, scires ex tua malitia pro-  
fectum, doleres, & uitares in posterum.

Si quid uel audisses, uel legisses elegans, doctum, 191  
grauè, sanctum, retineres.

Si quid uidisses probatum, imitare: si quid impro- 192  
batum, fugeres.

Nulla tibi abeat dies, in qua non uel legeris, uel au- 193  
dicris, uel scripseris aliquid, quod seu eruditionem,

seu iudicium, seu uirtutem augeat.

194 Cubitum iturus lege, uel audi aliquid dignū, quod memoriae mandetur, & de quo salubre ac iucundum sit per quietem somniare: ut etiam nocturnis uisis discas, & sis melior.

195 Studio sapientiae nullus in uita terminus statuendus est, cum uita est finiendum. Semper illa tria sunt homini, quandiu uiuit, meditāda, quomodo bene sapiat, quomodo bene dicat, quomodo bene agat.

196 Ab studiis arrogantia omnis arcenda est: nam ea quae uel doctissimus mortaliū uouit, non sunt minus tiffimum eorum quae ignorat. Exiguū quiddam, & obscurum, & incertum est, quicquid homines sciunt, mentesq; nostrae in hoc corporeo carcere deuinctae, magna ignoratione, & altissimis tenebris premuntur: aciemq; adeo retusam habemus, ut nec summas penetremus rerum facies.

197 Tum profectui studiorum plurimum nocet arrogantia: multi enim potuissent ad sapientiam peruenire, ni iam putassent se peruenisse.

198 Vitanda etiam contentio, æmulatio, oblectatio, inanis gloriae cupido: quum in hoc sequamur studia, ut illa fugiamus.

199 Nihil excogitari potest iucundius cognitione multarum rerum nihil intelligentia uirtutis fructuosius.

200 Studia res letas condiunt, tristes leniunt, temera-

os impetus iuuentæ cohibent, senectutis molestam tarditatem leuant: domi, foris, in publico, in priuato, in solitudine, in frequentia, in ocio, in negotio comitantur, adsunt, imò præsunt, opitulantur, iuuant.

Eruditio pascit ingenij uerissimus, ut indignum sit 101  
pasci corpus esuriente animo: ex qua uoluptates, & oblectamenta & solida, & perpetua: quæ alia ex alijs nascentia, & se renouantia, nunquam nos deserunt, nec lassant.

## DE VIRTUTE.

PRæstantissima illa rerum uniuersarum uirtus, 202  
neq; dono ab hominibus datur, neq; accipitur: diuinitus contingit.

Idcirco à Deo suppliciter ac piè petenda est. 203

## DE AFFECTIBVS.

SVmmum in literis omnibus atq; eruditione est ea 204  
Philosophia, quæ ingentibus animi morbis remedium ædferit.

Magna cura adhibetur curando corpori: maior ad 205  
hibenda est animo, quò huius morbi & occultiores, & grauiores, & periculosiores sunt.

Hi non iniuriæ tempestates, cruciatus, tormenta, 206  
flagra, fæces, furie animi humani nuncupantur: maximam hi adferunt calamitatem, & indicibiles dolores, si regnent, si agitentur: incredendam tranquillitatem & beatitudinem, si sedentur, & cohibeantur.

Huc

- 207 Huc tendunt, quæcunque à maximis ingenijs de uita moribusq; acutissimè sunt excogitata atque perscripta.
- 208 Hoc est ingens præmium literati laboris, cuius uerissimus fructus est, ut non in admirationem aut ostentationem uanam sit nobis magna illa rerum supellex collecta, sed ut transeat in usum uitæ, primum omnium propositi possidenti: nec in eius mente sit tanquam in pixidicula, unde petitur res alios iuuatura, ipsi uasculo utilis.
- 209 Nec aliud conatur pietas Christiana, quàm ut serenitas humanos animos exhilaret, & tranquillitate animorum, compositisq; affectionibus sinus Deo, & angelis quàm similimi.
- 210 Remedia his morbis, uel ex reb. ac nobis ipsis, uel ex Deo, uel lex CHRISTI lege ac uita petuntur.
- 211 Natura rerum est, ut incerta, & fluxa, & momentanea, & uicissitudinaria, & uilia sint omnia, præter animum, qui est unusquisq; aut certè potissimè eius pars: reliqua ab alijs ad alios transferuntur, ne quis extra animum quicquam possit suum dicere.
- 212 Quæ habet, non donata esse putet, sed accommodata.
- 213 Quocirca ingentis dementiæ est, graue aliquod crimen, & magna luendum poena ob res minutas suscipere.

Nec se

Nec se quisquam cōstet, quòd aliquid de externis aut corporeis contigerit, quum id omne breue futurum sit, ac incertum: nec proprium, sed alienum: quod ut concessum est, sic etiam reposcetur, ad summam in morte, sepe in uita ipsa.

Nec dolendum, si quod accommodatum ac uelut depositum est, repetatur: quin potius agendæ gratiæ, quòd tantisper uti licuit.

Intolerandæ ingratiitudinis est, si sis aliquando affectus beneficio, iniuriam te credas accipere, quòd id non sit perpetuū: nec quid habueris, spectes, aut quandiu, sed quid, aut quandiu non habueris.

Nec letandum, quòd fortuita tibi accesserunt, aut amicis, adempta sunt inimicis: quum in omnibus tanta sit celeritas, & ambiguitas, ut plerunq; inani letitiæ proximus sit acerbus fletus.

Nec descendendus animus, aut contrahendus res flante fortuna: quippe aduersis matutinis, interdum succedunt prospera uespertina.

Iam quæ conditio corporum, quæ ratio uitæ fictis ex tam uili initio, tam fragili, quum sit anceps uita, septa tot undiq; periculis? & ut sit aliquantisper certa, utiq; non est diu duratura. Quid habemus, quur in tanta infirmitate ferociamus?

Quicquid nihil sit aliud hæc uita, quàm peregrinatio, qua in alteram sempiternam tendimus, paucissimisq; rebus

rebus ad hoc iter conficiendum egeamus.

211 Quid est quam ob rem his quæ huc atque illuc uolui & iactari cernimus, sollicitemur aut omnino moueamur?

212 Cupiditati quare seruiendum est, quum sint futura incertissima, & præsentia paucis contenta?

213 Liber ille, qui cupit solum quæ sunt in ipsius manu: seruus, qui contrâ.

214 Iam fortune muneribus expleri, quid aliud est, quàm peditem multis sarcinis impediri ac obrui?

215 Nemo est tam stupidè amens, qui non se illi ciuitati, ad quàm tendit, & ubi morari destinat, potius quàm itineri adornet, componatq;.

216 Vita hæc nostra, quum sit natura sua fugax & arcta, maxima eius pars, ac ferè tota perturbationib. perit: neq; enim uiuimus, quâdiu affectibus concutimur, & in primis mortis metu.

217 Quæ quum ex infinitis causis immincat, & appropinquet, expauenda non est ex una & altera: quum necessario peruentura, fugienda non est per scelus, aut merendum quòd accedat.

218 Quum sit uita innumeris tedijs ac miserijs repleta, cur est tam arctè retinenda? Quum ad alteram æternam proficiscamur, ita nos comparemus, ut rectè ad illam euolemus, planissimam bonorum omnium.

Ergo



Ergo premimur sæpius nostris erroribus, quàm res <sup>229</sup>  
 bus ipsis, quum magna mala aut bona censemus, quæ  
 non sunt.

Natura & conditio, & uera rerum precia illa sunt, <sup>230</sup>  
 quæ initio posui: quo apparet, nihil præter uirtutem  
 pulchrum aut magnum esse, aut etiam nostrum.

Nos uerò in consilium mentis amorem corporis, <sup>231</sup>  
 & cupidinem rerum uitæ huius accersimus quæ à  
 multis uocari solent, Amor nostri.

Hic animos uiriles eneruat, ut nulla res tam minu <sup>232</sup>  
 ta sit, quæ in eos non penetret, nec ulla tam exilis aut  
 tenuis, quin eos concutiat.

Hinc tenebræ oboriuntur oculo mentis, & ubi re <sup>233</sup>  
 gnium affectus occupauere, iam illis tanquam dominis  
 blandimur, indulgemus, paremus.

Ita aliena mordicus tanquam nostra apprehendi <sup>234</sup>  
 mus, & si detrahantur, lamentamur, & afflictamur  
 nosipsos.

Et nostra tanquam aliena negligimus, & auersa <sup>235</sup>  
 mur profutura, cœu in primis noxia, & nocitura am-  
 plectimur pro utilibus.

Aliena mala nobis uidentur leuissima, nostra illis <sup>236</sup>  
 non maiora intolerabilia, & semper queruli nec alic-  
 na desideria ferimus nec nostra.

Nec iam nobis placemus ipsi, nec hic mundus cum <sup>237</sup>  
 sua lege nobis satis facit. Immutatæ uellemus rerum

naturæ

naturæ: tanta est ex delicijs impatientia.

238 *Quæ cruces possunt cum his comparari? nec sunt alia apud uitæ sanctos tormenta.*

239 *Nec dæmones alijs supplices sunt miserrimi, quàm superbia, inuidia, odio, ira.*

240 *Cernere est uultus eorum, qui his affectibus tenentur, quàm uarij sunt, quàm anxij, anhelantes, horridi: ad eundem modum & animi sunt affecti.*

241 *Ira perturbationum omnium atrocissimum, maxime hominem dedecet.*

242 *Naturam hominis in truculentam mutat feram.*

243 *Et quum quæuis perturbatio mentis aciem, & iudicium omne obscuret, tum ira tenebras densissimas offundit, ut nec uerum, nec uile, nec decorum possit cernere.*

244 *Arrodit cor, & ualetudinem affligit.*

245 *Id cogit facere, quod ilico poenitentia cõsequatur.*

245 *Iam in facie quàm turpis mutatio? quæ tempestas? oculorum ardor? dentium stridor? despumatio? & totius oris pallor? fœda in lingua titubatio & clamor?*

247 *Vt ille, qui iratum se ad speculum uidit, non sine causa dicatur se non agnouisse.*

248 *Ob hanc toruitatem uultus, atrocitatem dictorum, crudelitatem factorum, adimitur uiro omnis autoritas, omnis beneuolentia, diffugiunt amici, recedunt obuij, solitudo undique, omnes oderunt, omnes detestantur.*

*Quo fit*

Quo fit, ut maximi uiri nihil uel cauerint magis 249  
uel texerint, quàm iram, & irati opera: addò ut natu-  
ræ etiam suæ repurgarint, ac uim attulerint.

Quid enim ridiculum magis, quàm tantulum, tam 250  
imbecillum animalculum sic ferocire ac furere?

Et tantas tragœdias, tam atroces de uilissimis re- 251  
bus excitare, ut de corporeis, de fortuitis etiam, si dijs  
placet, de uno uerbulo?

Iram facîle domabis, si illud animo perceptum & 252  
fixum tenueris:

Iniuriã non fieri, nisi lædatur animus: cui à nemine 253  
noceri potest, nisi à possidente, introducto in eũ uitio.

Hæc ad hominem, ex homine, nunc altius, nempe 254  
ex Deo, etiamsi & illa quoq; ex Deo, sed hæc aliquan-  
to expressius ac proprius.

## DE RELIGIONE.

Nihil potuit hominum generi dari maius, aut præ 255  
stabilius, quàm religio, quæ est cognitio & amor  
Principis & parentis uniuersitatis mundi huius:

In nullos homines æquè est beneficus Deus, ac in il- 256  
los, quos docet qui sit uerus sui cultus.

Idcirco Psalmista inter maxima Dei in populum 257  
Israëliticum munera, illud ponit, Qui annunciat uer-  
bum suum Iacòb, iustitias & iudicia sua Isreëli.

Non fecit taliter omni nation, & iudicia sua non 258  
manifestauit eis:

159 Per religionem Deus cognoscitur, & cognitus fieri  
nequit aliter, quin ametur.

260 Unus Deus est princeps, & auctor, & dominus uni  
uersorum, qui potest, qui scit omnia.

261 Mundus hic, est uelut domus quædam eius, uel po-  
tius templū: ipse ex nihilo in hanc faciem atq; ornatū  
protulit. Vnde nomen accepit apud Græcos ornati.

262 Idem regit atq; administrat, non minore conserua-  
tionis miraculo, quàm creationis.

263 Et quemadmodum in domo prudentissimi patris  
familiæ nihil iniussu eius agitur: sic in omni mundo ni-  
hil iniussu Dei geritur, omnia potentis & scientis.

264 Illi angelos, dæmones, homines, animantia, stirpes,  
lapides, cælos, & elementa, cuncta deniq; curæ esse  
ac parère.

265 Nihil fieri, nihil moueri, nihil contingere, ac ne sti-  
pulam quidem attolli ullam, aut floccum uolitare ex-  
tra illius præscripta & iussa.

266 Hanc esse uniuersi legem, non alium esse in rebus  
casum, non fortunam, aut sortem.

267 Omnia ab eo fieri cum summa æquitate & sapien-  
tia, tametsi uis nobis ignoratis.

268 Quæcunq; cuius contingunt, ad eius referri com-  
moda, si sit bonus, non ad ista pecuniolæ, aut mundi hu-  
ius momentanei, sed illius æternæ salutis.

269 Ergo quæcunq; in hoc mundo accidunt, tanquā ab  
autore

autore Deo profecta, æquis animis accipienda atq; approbata sunt, ne affectu nostro, & tanquã iudicio cõsiliu dammare uideamur, & improbare uoluntatem iustissimi illius, & sapientissimi rectoris omnium Dei, quia non assequimur.

Ei nos obsequi ac subditos præbere, laudare, atque 270  
approbare cuncta quæ facit, fas piũq; est.

Nos pueri & meliorem rerum inscij, quæ damna 271  
fissima sunt, deflemus non dari, tanquã utilissima: quæ  
utilissima, horremus tanquam aduersissima.

Vt nihil sit nobis sepe numero pestilentius, quàm si 272  
eri uotorum nostrorum compotes.

Quumq; in tantis tenebris ignorationis uersetur, 273  
sic Deo uisum est, ut nobis sola sit præstanda culpa, cæ-  
tera omnia illius curæ remittantur.

Nobis, uelimus nolimus, exequendum est, quod de 274  
nobis statuit ac iubet rector huius tanti operis: quor-  
um igitur spectat malle cum lachrymis detrectantes  
& reluctantes trahi, quàm hilariter & ultero duci?

Certe amicus omnis Dei, legibus & uoluntati ami 275  
ci obtemperabit.

Hæc potissima ratio est Dei amandi, sicut CHRIS 276  
TUS inquit: Vos amici mei eritis, si feceritis quæ  
ego præcipio uobis.

Pacificator humani generis cū Deo, & autor salu- 277  
tis nostræ est IESVS CHRISTVS, homo Deus,

Dei omnipotētis filius unigenitus, quem ad hoc ipsum pater misit, quum ei uisum est misereri generis humani, quod maximo suo malo inimicum se fecerat Deo.

278 Nullum excogitari potest malum pestilentius, aut exitiabilius, quàm per peccatum à Deo separari, à perenni bonorum omnium fonte ad perniciosissimam conuerti miseriam, & à dulcissima uita in acerbissimam mortem.

279 In hoc inter cetera Christus uenit, ut rectissimam uiam nos edoceret, qua insisteremus proficiscentes ad Deum, nec ab ea uel pilum deflecteremus.

280 Hanc ipse & uerbis indicauit ac patefecit, & exemplo uitæ suæ munuit expeditissimam atq; certissimam.

281 Humana omnis sapientia, si cum religione Christiana conferatur, cœnum est & mera stultitia.

282 Quicquid graue, prudens, sapiens, purū, sanctum, religiosum, quicquid cum admiratione, exclamatione, plausu apud gentiles sapientes legitur: quicquid ex illis commendatur, ediscitur, in cœlum tollitur: id totū purius, rectius, apertius, expeditius inuenitur in pietate nostra.

283 Hanc nosse, perfecta est sapientia: iuxta hanc uiuere, perfecta uirtus: sed nemo uere nouit, qui non sic uiuat.

284 Vita CHRISTI testatur humanam eius probitatem

tatem: miracula, omnipotentiam diuinitatis: lex, cœlestem sapientiam.

Vt ex probitate accedat exemplum ad imitandum, 285  
ex autoritate uis ad obediendum, ex sapientia fides ad credendum.

Probitas amorē eliciat, maiestas cultū, sapientia fidē. 286

Si quis quæ CHRISTVS præcipit expendat, com- 287  
periet omnia ad nostras utilitates referri, ut nemo nisi maximo suo bono sentiat se credere.

Vt nihil est homini gratius, quàm fidi sibi, ita nec 288  
Deo: nec quisquam bene de illo cogitat, cui timide se ipsum credit.

Fundamentū salutis est, credere Deū esse patrem, 289  
et huius filium unicum IESVM CHRISTVM legis latorem nostrum: et ex utroque spirari sanctum illū aflatum, sine quo nihil agimus, nihil cogitamus excelsum, aut profuturum nobis.

Verus Dei cultus est, animum morbis et prauis affectibus 290  
perpurgare, et in illius quàm proximè possumus transformari simulachrum, ut puri et sancti simus, sicut et ipse est, neminem oderimus, omnibus prodesse studeamus.

Quo magis te à corporalibus ad incorporea trans- 291  
stuleris, hoc uitam diuiniorē uiues.

Ita fiet, ut Deus cognatā et similem sibi naturam 292  
agnoscat, eaq; delectetur: ac uelut in uero et germano

templo habitet, multo sibi acceptiore, quàm ista sunt lapidum & metallorum.

293 Templum Dei sanctum est, inquit Paulus, quod estis uos.

294 Tantus hospes conseruandus est: nec tetro peccatorum sctor expellendus.

295 Corporalia opera fatua sunt ante Deum, nisi conditura ex anima addatur.

296 In occultissimis recessibus, & procul ab omnium oculis, atq; adeò in corde ipso, atq; in animo tuo scito te habere Deum arbitrum, testem iudicem omnium etiam cogitationum tuarum: ut illius præsentiam reueritus, nihil non modò facias, sed nec in animum admittas nefarium aut turpe.

297 Charitas erga Deum hæc esse debet, ut illum ceteris rebus uniuersis anteponas, honoremq; & gloriam illius chariorem habeas cunctis uitæ huius honoribus & commodis.

298 Et quemadmodum amicus, quum amici memoria occurrit, beneuola quadam afficitur & pia letitia: sic curare te decet, ut diuina omnia amicissima tibi sint, & proinde gratissima, uerserisq; in illis multo libentissimè.

299 Quoties nominari audis Deum, maius quiddam & admirabilius occurrat, quàm quòd possit humana mens capere.



Quæ de illo & diuis dicuntur, audi, non quomodo 300  
humana, sed cum magna animi admiratione.

De Deo ne quid temerè censeas aut de illius factis 301  
pronuncies aliter quàm uenerabundus & timide.

Impium, in res sacris iocari, aut dicta sanctorum 302  
scripturarum ad lusus, ineptias, aniles fabulas, scom-  
mata conuertere, ceu quis medicine ad salutem pa-  
ratæ coenium aspergat: ad obscœnitatem autem trahere,  
id uerò nefarium & intolerabile.

Omnia decet illic esse admiranda, & cum ingenti 303  
dignatione in animos recipienda.

Sacris intersis attentè ac piè, non ignarus, quæcūq; 304  
ibi seu uides, seu audis, esse purissima & sacrosancta,  
spectareq; ad immensam illam Dei maiestatem: quem  
adorare facile est, comprehendere impossibile.

Ita ut in Diuina illa sapientia altiora semper existi 305  
mes latère, quàm quò possit uis ulla humani ingenij  
pertingere.

Dicta sapientum hominum etiam non intellecta ue- 306  
neramur: quanto id æquius est diuinis deferri?

Quoties nominari audis IESVM CHRISTVM, 307  
toties ueniat tibi in mentem charitas illius in nos in-  
estimabilis, & recordatio illius sit tibi dulcedinis & ue-  
nerationis plena.

Quum titulum aliquem, aut epitheton CHRISTI 308  
audis, extolle te in eius contemplationem: & ora, ut

talem se præbeat erga te: uelut cum clementem, mitē, placidum, ut talem illum experiare: quum omnipotentem, ut id ostendat in te, ex pessimo reddens optimum, ex hoste filium, ex nihilo aliquid: quum terribilem, ut eos à quibus terrere, terreat.

309 Quum Dominum uocas, fac illi seruias: quum patrem, fac ames, & te dignum præstes tanto patre filium.

310 Nulla res est in toto uniuerso, cuius si uel originē, uel naturam, uiresq; intuearis, non suppeditet, quo autorem omnium Deum admireris & adores.

311 Nihil exordire, non inuocato prius numine. Deus enim, in cuius manu sunt progressus & exitus, optatos eos tribuit ijs actibus, quos ab ipso auspicamur.

312 quicquid aggressurus es, finem spectato, & ubi tu rectum consiliū præstiteris, de euentu ne sis sollicitus.

313 Illi fide, in cuius potestate sunt rerum euentus.

314 Quandoquidem religio omnis sita est in intimis peccatoris, preces da operam ut intelligas: & caue ne ore tantum permurmures, sed quum oras, totus & animo, & mente, & cogitatione, & uultu in hoc sis. ut omnia secum consentiant, & excellentissimæ respondeant actioni.

315 Execrantur illum cœlestia oracula, qui opus Dei facit negligenter.

316 Si in citharædo turpe est, aliud ipsum ore, aliud fides

des eius sonare: multò est turpius, quum Dei psallimus, aliud linguam dicere, aliud animum cogitare.

Vota nostra sobria sint, & digna quæ à Deo petantur, & quæ Deus det, ne stulta illum, aut inepta offendant.

Sumpturus cibum, recordare omnipotentiae Dei, qui cuncta ex nihilo cõdidit, sapientiae ac benignitatis, qui ea sustinet: mansuetudinis & clementiae, qui etiam inimicos suos pascit.

Expende quantum illud sit, tot uitae uniuersitatis mundi huius, tam uariam quotidie alimoniam sufficere, conseruare omnia, & uindicare ab interitu, quò nutu suo tendunt.

Nullam neq; hominem, neq; angelorum sapientiam non modò hoc posse præstare, sed nec intelligere.

Itaq; quum scias te de illius bonis uiuere, cogita quàm execrandæ sit ingratitude, quàm perditæ te meritatis, audere te cum illo inimicitias exercere, cuius beneficio, & uoluntate consistis, nò amplius, si nolit, futurus.

Ad mensam sint casta omnia, pura, cordata, sancta, qualis ille est, inter cuius munera tunc uersaris.

Omnis detractio, uirulentia, atrocitas, crudelitas à mensa arceatur, in qua tu sentis incredibilem Dei erga te suauitatem & clementiam.

Quò intolerabilius est, cum te locū asperitate aut

odio in fratrem contaminare, ubi tu benignam & largam in te lenitatem percipis.

325 Quod nec gentiles ignorarunt, qui eam ob causam mense sacra nominabant leta & festa: ad quam triste aliquid aut atrox dici fieriue nefas erat.

326 Quumq; sis omnipotēti, sapientissimo, largissimo Deo curæ, tu immodicam sustentandi tui curam depones, tanquam bonitati illius diffusus: unicam curam suscipe, quomodo illi placeas, ac satisfacias.

327 Stultissimum est, alimenti causa prauum ullum facinus admittere: & illum offendere, à quo solo alimenta ueniunt: ut eum tibi iratum facias, à quo aliquid contendis impetrare.

328 Præsertim quum alimentis non conseruetur uita, sed uoluntate Dei, quemadmodum diuinis oraculis declaratum est, non pane hominem uiuere, sed uerbo Dei.

329 Habemus syngrapham IESV, uniuersorum in cœlo & in terra domini: Nihil eorum quæ opus sunt homini, de futurum ijs, qui quæsierint regnum Dei, & iustitiam eius.

330 Tum ex Dei donis, quæ ipse arbitrio suo & largitur & tollit, quum is in te tū benignus fuerit, tu in fratrem tuum, illius filiam, malignus ne esto, reputans uos ex æquo esse Dei filios: nec Deum plus tibi debere, quàm illi tantum uoluisse te dispensatorem & ministrato-

nistratorem esse, & à quo secundum Deum frater tuus peteret.

Nihil uerius datur CHRISTO, quàm quòd ege- 331  
nis datur.

Sumpto cibo, considera cuius sit sapientiæ, cuius po- 332  
tentia, uitam nostram ijs rebus quas edisti, sustentare,  
& ruentem fulcire.

Itaq; habeas Deo gratiam, non quantam haberes 333  
illi, qui tibi pecunia sua cibariū emisset: sed quāta ha-  
benda est ei, qui te & cibum ipsum cōdidit, & cibum  
propter te, & cibo te sustentat, non ui illius, sed sua.

Quum petis quietem, & quum surgis, reminiscere 334  
beneficiorum Dei, non in te solum, sed in totum genus  
hominum, atq; adeo mundum uniuersum.

Cogita quantæ sint hostis hominum per licentiam 335  
quietis insidiæ, dum homo uelut cadauer iacet, impos-  
sui quo instantius orandus est Christus, ut nos tam im-  
becillos tueatur.

Nec ullo nostro peccato irritandus est custos, & 336  
præses noster.

Et frons & pectus crucis nota exterius munien- 337  
dum: interius uerò, pijs precibus & sanctis medita-  
tionibus.

Vbi iam lectum ingrediaris, fac cogites, unūquem- 338  
que diem imaginē esse humanæ uitæ: cui succedit nox,  
& somnus simulachrum mortis expressissimum.

Itaq;

- 339 Itaq; rogandus est CHRISTVS, ut in uita, & in morte adsit semper propitius ac fauens, illamq; ipsam noctem præbeat nobis placidam atq; tranquillam.
- 340 Néue in somnijs terreamur: Semperq; etiam sopitis, ille menti nostræ obseruetur, illius solatijs recreati ad matutinum tempus, sospites & læti perueniamus cum pia memoria sanctissimæ mortis ipsius precij, quo genus humanum redemptum est.
- 341 Cubile seruabis castum mundumq;: ne ius ullū in id inueniat autor ille, & caput totius spurcitiei.
- 342 Signo crucis, & sacra aqua, & inuocatione diuini nominis, sed in primis sanctis cogitationibus, & statuto custodiendæ pietatis, omnem ab eo diaboli dittonem pelles.
- 343 De mane surgens commenda te CHRISTO: cui & age gratias, quod illius ope ac præsidio nō es illa ipsa nocte oppressus dolis & inuidia immanis hostis.
- 344 Et quemadmodum de nocte dormiisti, postea euigilasti: sic nostra corpora recordare dormitura per mortem, hinc reddenda uitæ à CHRISTO, quum apparebit iudex uiuorum & mortuorum.
- 345 Quem supplex obtestare, ut sequentem diem uelit ac faciat te in obsequio suo totum consumere, ne quem lædas, neu à quo lædatur tua probitas: sed septus undique ac munitus pietate Christiana, sospes & integer tot euadās retia, tot pedicas, quot per uias omnes & aditus

et aditus humanos sparsit tetenditq; insidiosus diabolus.

Sanctissimam Dei parentem MARIAM, et reliquos diuos, diuesq; uenerare, tanquam charos amicos CHRISTI Dei uiuentis in secula seculorum. 345

De illorū uita et actis crebrò uel legito, uel audito attentissimus et libentissimè, pio et uenerabundo animo, ut tibi ad imitationem profint. 347

De illis sic senti, sic loquere, tanquam non iam hominibus, sed supergressis naturā omnem et fastigium humanum, diuinitati proximis et coniunctis. 348

Inter homines uerò, quum tanta sit cognatio similitudinis in copore, et toto animo, simusq; omnes pari iure in mundum inuecti, ad societatem et uitæ communionem facti: ad hanc conseruandam lex est à natura proclamata, ne quis alteri fecerit, quod sibi factum nolit. 349

Hoc unum instaurator ille naturæ collapsæ suum esse dogma professus est, sed explicatum et illustratum. 350

Nam ut humanā naturam ad similitudinem Dei, ad cius fieri potest, sublatam suis omnibus numeris cōsummaret, non modò mutuum amorem imperauit, sed eorum quoq; qui nos oderunt. 351

Vt simus cœlestis patris similes, qui suos quoq; inimicos amat: quo declarat beneficijs illos prosequendo, et quiden maximis: neminem odit. 352

Quid

- 353 Quid quod hominum ingeniū ita fert, ut beneuolos in se illos uelint, etiam in quos ipsi sunt malcuoli?

## DE CHARITATE.

- 354 S Apientissimus uitæ nostræ magister, nempe & Sautor, unicum dedit ad uiuendum documentū, ut amemus: gnarus uitam nostram, si amemus, fore felicissimam, nec alijs opus esse legibus.

- 355 Nihil felicius, quā amare: idcirco Deus & angeli felicissimi, qui amant omnia.

- 356 Infelicius nihil quā odisse, quo affectu miserrimi sunt diaboli.

- 357 Verus amor omnia exæquat: ubi is uiget, nemo alteri querit præferri, nemo à dilecto rapere, quū apud se esse censeat, quæ apud illum.

- 358 Non litem mouere fratri charo, ac neq; se unquā iniuria putat ab illo affici: ideo nec ultionem meditatur. Nemo inuidet ei quem amat, nes quisquam malis amici gaudet, nec bonis indolet: contrā potius gaudet cū gaudentibus (iuxta dictum Apostoli) flet cum fletibus: idq; non fictè aut simulatè, sed ex animo, quoniam amor omnia reddit communia, suāq; esse existimat, quæ sunt eius quem amat.

- 359 Documenti huius solidum & uerissimum exēplar oculis nostris ad imitationem propositum, sunt Christi actiones.

- 360 Venit enim Dei filius, nō ut uerbis modò, sed exemplo uiu



plouit & suæ rectam nos doceret uiuendi rationem, ut illustratis sole illo suo animis nostris, apertè qualis quæq; res esset cerneremus.

Primum exercitus per omne genus patientiæ, quã 351 tam estendit animi moderationem, in quanta potentia, impetitus tot, tam grauibus contumelijs, nemini remale dixit: tantum docuit uiam Dei, aduersam detestatus: uinciri se est passus, qui mundum euertere uel uni eo poterat nutu.

Calumniam quã patienter tulit?

352

Deniq; sic gessit sese, ut nemo in eo potentiam nouerit, nisi ad iuuandum. 353

Rex & Dominus uniuerforũ, per quem fecit pater 354 huic mundum, quã æquẽ tulit æquari se infimis mortalium, & propriam sibi domum, & charis suis ministris deesse alimenta?

Conditor rectorq; nature, malorũ nature nostræ ex 355 pers non fuit, esuriit, sitiit, delassatus fuit & mæstus: quorsum hæc nisi ad exemplum nostrum?

Tam amicus pacis, cõcordiæ, charitatis, ut nullum 356 uitium magis sit infectatus, quã superbiam: & quæ illinc oriuntur, arrogantiam, ambitionem, contentionem, dissidia, simultates.

Ostendens nihil esse, quur quis uel ab externis sibi 357 quicquam arroget, uel à corporeis, quum sint aduentitia, & aliena.

Nec

- 368 Nec ab internis, & uirtute, quum à Deo dentur:  
 & ob hoc ipsum tolluntur, quòd quis eiusmodi mune-  
 ribus sese effert, nec fontē atq; originem agnoscat, de-  
 spiciens eos, ad quorum utilitatē hęc à Deo accepit.
- 369 Et ad superbiam infringendam, ne quis tāquam ri-  
 te subditus religioni, & seruator legis Euangelicę si-  
 bi placeat, audiuius ab eo: Quum omnia quę uobis  
 pręcepi, feceritis, dicite, serui inutiles sumus.
- 370 Quanta stultitia est eorum, qui se exactē Christiā-  
 nos gloriantur, & alijs in obseruanda lege sese ante-  
 ponunt?
- 371 Quum nemo se norit, an uirtutē habeat, utrum  
 odio Dei an gratia dignus sit: an ille, cui sese pręfert,  
 uirtute sit locupletior: an ascitus & destinatus in cō-  
 sortium cœlestium, quum sit ipse miseris sempiternis  
 assignatus.
- 372 Idcirco iudicium omne de homine homini ademit,  
 cæco & ignaro recessum cordis: ad se trāstulit scru-  
 tatore pectoris humani.
- 373 Exteriora enim quę sola oculos hominis intuetur,  
 infirma & incerta sunt interiorum signa.
- 374 Non ergo uno congressu, quod nōnulli faciunt teme-  
 rarij, non cētum, non longissimo coniectu de ingenio,  
 uitij, aut uirtutibus cuiusquam sententiam in totum  
 feras.
- 375 Longissimę & obscurissimę sunt in humano cor-  
 da la-

de latebræ : quæ humana acies in tantam caliginem penetrabit?

Et cum CHRISTVS uniuersum genus hominum 376  
morte sua sibi asseruerit, tantoq; precio de seruitute  
diaboli redemerit, nemo ausit contemnere, nemo lude-  
re animam : quam ita Dominus amauit, ut nihil cun-  
ctatus sit uitam suam pro illa effundere.

Pro uniuersis crucifixus est Dominus, & pro sin- 377  
gulis.

Nec speres fore CHRISTO rem gratam, si tu o- 378  
deris quem ille amat.

Hanc uult sibi referri gratiam, ut quemadmodum 379  
ipse Dominus nos seruos nequam & pessimè meritos  
amauit, ita & nos conseruos nostros.

Hic inchoauit mutuam hominum inter se & cum 380  
Deo charitatem, hoc est, humanæ beatitudinis iecit  
fundamenta, in cælo absoluit.

Hæc est uita & gratia CHRISTI, sapientia hu- 381  
manum ingenium excedens, æquitate intelligentibus  
congruens, bonitate cunctos alliciens.

Nemo se Christianum esse putet, nemo se Deo esse 382  
charum confidat, si quem odit : quum CHRISTVS  
nobis homines omnes commendarit.

Hominem tibi à Deo commendatum, si dignus est, 382  
ama, quia dignus est quem ames : sin indignus, ama,  
quia Deus dignus cui pareas.

f

Non

- 384 Non ieiunia, non erogatae opes omnes in pauperum  
usum, hominem Deo gratiosum reddunt: sola hoc præ-  
stat hominum charitas, hoc nos Apostolus eius docuit.
- 385 Nullū uidebis hominem, quem non existimes debere  
tibi esse fratris germani loco, ut eius rebus pro-  
speris gaudeas, aduersis doleas, iuuesq; quantum erit  
opis tuæ.
- 386 Non natio affectum hunc minuat, non ciuitas, non  
cognatio, non professio, non conditio, non ingenium:  
unus est omnium pater Deus, quem tu edoctus à CHRIS-  
TO quotidie patrem compellas, qui te filium agno-  
scet, si tu eius filios fratres agnoueris.
- 387 Ne sit tibi turpe fratrem illum habere, quem Deus  
non dedignatur filium.
- 388 Pacem & concordiam, & amorem inuexit Deus.
- 389 Partes & factiones, & priuatas utilitates cum a-  
lienis damnis, sicut etiam dissidia, rixas, contentiones,  
bella, diabolus, peritissimus horum artifex.
- 390 Deus quia uult nos saluos, spargit beneuolentiam:  
diabolus quia perditos, inimicitias.
- 391 Concordia etiam pusilla coalescunt, discordia ma-  
xima dissipantur.
- 392 Qui pacem, qui concordiam student inter homi-  
nes uel conciliare, uel conseruare factam tectam, ij  
filiij Dei uocabuntur, teste CHRISTO: hi uerè sunt  
pacifici, de quibus ipse loquitur. Qui uerò discordias  
serere,

serere, charitatem hominum inter se rescindere, ij filij diaboli.

Summum inimicitiarum, quo belluarum feritatem 393  
omnium homo superat, bellum: scito rem esse non hominum, sed quod uerbum ipsum loquitur, belluarum.

Quam detestatur natura, quæ hominem inermem 394  
genuit ad mansuetudinem & communionem uitæ: auersatur Deus, qui penitus uult & imperat mutuam inter homines omnes charitatem.

Nec quisquam homo homini uel bellum facere, uel 395  
nocere potest sine scelere.

Si quem arbitreris iniquo aut infenso esse in te a 396  
nimo, nullum laborem aut operam refugas, dum illum quacunq; ratione lenias & places tibi.

Neq; in ea re uel precibus, uel obsequio, uel fortuna 397  
nis parcas, modò tibi gratiam omnium pares, celerem uiam ad gratiam Dei.

Neminem irriseris, cogitans quod uni alicui acci- 398  
dit, posse cuius accidere. Age potius Deo gratias, quòd te extra eam sortem posuerit: & ora, tum tibi ne quid tale accidat, tum illi sic afflicto saltem remedium aliquod, uel æquum animum: & ipse subueni, si potes.

Crudelis animi est, alienis malis gaudere, & non 399  
miserari communem naturam.

Esto hominibus misericors, & consequere à Deo 400  
misericordiam,

- 101 Fortuna & casus humani, sunt omnibus commu-  
nes, unicuiq; minantur, unicuiq; impendent,
- 402 Hoc amore hominibus debito, nihil existimato pos-  
se te facere aptius, & congruentius, quàm si maximū  
bonum, hoc est, uirtutem eis procuraueris: si studueris,  
ut omnes, si potes, utiq; quamplurimos reddas bonos.
- 403 Nihil magis amori dissonum, nihil damnosius aut  
deterius feceris, quàm si quos malos reddideris uel  
suasibus, uel exemplo, uel ullo alio incitamento.
- 404 Primum omnium & felicissimum est, si ames etiā  
odiosus: sed iucundissimum quoq; est, & maximè tu-  
tum amari.
- 405 Nullæ certiores opes, quàm certæ amicitie.
- 406 Nullum potentius satellitium, quàm amici fideles.
- 407 Solem è mundo tollit, qui è uita amicitiam.
- 408 Sed uera & solida, & duratura amicitia, tantum-  
modo est inter bonos, inter quos facile amor coalescit.
- 09 Mali nec inter se amici sunt, nec cum bonis.
- 410 Vt ameris, certissima est & breuissima per amo-  
rem uia: nihil enim sic amorem elicit, ut amor.
- 411 Conciliatur quoq; uirtute, quæ natura sua amabilis  
est, ut uel ignotissimos ad se amandā inuitet et trahat.
- 412 Tum etiam uirtutis signis, mansuetudine, mode-  
stia, pudore, humanitate, comitate, affabilitate: si ni-  
hil uel dixeris, uel feceris, quod arrogantiam, aut in-  
solentiam, aut petulantiam, aut obscenitatem resi-  
piat:

piat: omnia sint dulcia, mitia, lenia, & pura.

Amicitia uenenum, si ames tanquam osurus: & a= 413  
micum sic habeas, ut putes posse inimicum fieri.

Salutare illud, Odi tanquam amaturus 414

In amicitia nulla sit inimicitiae cogitatio, quem ha= 415  
bes amicum, ne credas futurum unquam inimicum:  
alioqui infirma & fragilis erit amicitia.

In qua decet inesse fidem, constantiam, simplicita= 416  
tem, ut de amico nec ipse suspiceris, nec suspicantibus  
aut deferentibus aurem accommodes.

Vita non est uita suspicacibus aut timidis, sed asi= 417  
dua mors.

Ne in alienas uitas inquiras, ne ue curiosius scrute= 418  
ris quid quisq; agat: multae hinc suboriuntur simul=  
tates.

Et qui haec faciunt, suorum solent esse incuriosi, 419  
alienorum solliciti. Stultum est, alios tam probe nosse,  
seipsum ignorare.

Nec amare tantum homines debes, sed etiam quos 420  
aequum est reuereri, ac inter eos honeste uersari, &  
cum decore, in quo est officium uitae communis.

Ne putes nihil interesse, ubi, cum quibus, apud 421  
quos agas.

#### DE CONVICTU HOMINVM.

Sit tibi inter homines modestia, & moderatio in 422  
Suniuerso corpore, & praecipue in oculis, ac ore  
f 3 toto,

toto, à quo absit species omnis fastidij & contemptus, absit gesticulatio & lasciuias, serenitas illud & quietudo exornent, argumentum animi ad eum modum affecti.

423 Solum humanæ faciei tegumentum decorum in primis & fauorabile, modestia & uerecundia, qua nudis nihil dici potest fœdus aut detestabilius.

424 Desperanda illius salus, quam desijt pudere male facere.

425 Nec uultus sit in atrocitatē, aut seueritatem nimiam cōpositus: unde colligitur sæuus & impotens animus.

426 Risus ne sit frequens, aut immoderatus, aut cum clamore & concussione corporis, ne in cachinnum aut irrisum exeat.

427 Nullam esse rem talem existima, quæ te tantopere queat exhilarare, ut ingentem attollere risum cogat.

428 Sed risus potest esse causa aliqua, irrisus nulla.

429 Irridere bona nefas, mala crudelitas, media stultitia, probos impium, improbos sæuum, notos inhumanitas, ignotos dementia: deniq; hominem, inhumanum.

430 Oculi sint quieti, manus ne ludibundæ, ne gesticulatrices.

431 Nec assuesce quenquam cedere: ex talitro uenitur ad pugnum, hinc ad fustem & ferrum.

432 Solos bonos uero ac germano honore prosequere, qui ex ueneratione animi nascitur.

Magis



Magistratibus exteriorem honorem exhibe, illisq; 433  
audiens esto, etiamsi grauiæ & molesta imperent, hoc  
enim uult Deus, propter publicam quietem.

Diuitibus cede, ne irritati, & tibi, & alijs bonis 434  
noceant.

Seni assurge, reueritus ætatem & rerum usum, 435  
prudentiamq; quæ in illa esse solet. Honorationi alie-  
næ non modò paria facito, uerum etiam, iuxta præce-  
ptum Apostoli, præuerte. Salutantem non resalutare,  
nec feliciter precanti feliciter reprecari, si id factum  
cognoscas, aut extremæ barbariei est, aut incuriæ se-  
cordissimæ. Quàm exiguae res sunt & nullius impen-  
dij, salutatio, affabilitas, comitas, honor? at quàm ma-  
gnas amicitias conglutinant exhibitæ, dissoluunt  
prætermissæ? Quanta est bonarum rerum igno-  
rantia, nolle multorum beneuolentiam tantulo re-  
dimere? Generosissimus ut quisq; est, & optimè edu-  
catus, ita se maximè mitem omnibus & comem præ-  
bet: ut fastidium et ferocia ex uilitate sunt, aut hebetu-  
dine, aut imperitia, unde in bonas artes eruditio, Hu-  
manitas nuncupata est. Ipse si non salutare, aut resa-  
lutare, negligentiae magis adscribito, uel inconsidera-  
tiæ, quàm cōtemptui. Parū blādè aut honorificè appella-  
tus, seu moribus seu naturæ attribue, nō malitiæ uel o-  
dio. Hisce interpretationibus ac similibus, sanctā tibi  
ac iucundissimā parabis uitam: quippe omnes diliges,

nec à quoquam te offensum arbitrare. Vetus dictum,  
 Vt uerax, ne suspicax: hoc uerbis nouum, sententia  
 priscum, Vt quietus, ne suspicax.

435 Neminem contemnere uidearis, non uultu, non uer-  
 bo, non facto aliquo.

437 Si inferior es, quis superiorum ferat se contemni  
 abs te? sin maior, irritas, et auertis minorem contèptu.

438 Intolerabilis est contemptus, propterea quòd ne-  
 mo uidetur sibi tam uilis, ut contemptum mereatur.

439 Multi laborant ut à contemptu se uindicerent, sed  
 plures ut de contemptu.

440 Nec quisquam tantus est, quem non aliquando for-  
 tuna indigere minimis cogat.

441 Præter hæc omnia, nullus est contemptibilis, quem  
 Deus filium dignatur, nisi in hoc Dei iudicium con-  
 temnas.

442 Et sæpe quem homines contemptu dignum putant,  
 si perscrutarentur, ueneratione & adoratione dignis-  
 simum comperirent.

DE VERBIS.

443 **L**inguam dedit Deus hominibus, ut sit instrumen-  
 tum societatis & communionis, ad quam natura  
 hominem homini conciliat.

444 Hæc magnorum & bonorum, & malorum est  
 causa, prout utaris. Scitè iacobus Apostolus asimi-  
 lauit eam clauo nauis: freni sunt illi iniijciendi, &  
 cohibenda,

cohibenda, ne uel alijs noceat, uel sibi ipsi.

Nullum est peccati, ut facilius instrumentum, ita 445  
nec crebrius.

Nemini conuiuium feceris, neminem execreris, ne= 446  
mini noceto, non modò in re, sed nec fama atq; existi=  
matione.

In neminem petulantius aut procacius debatche= 447  
ris uel effusius ac immoderatiùs inuehere, etiam la=  
cessitus & lesus: magis enim te & apud Deum, &  
apud homines cordatos lades, quàm illum ipsum cui  
maledicis.

Conuiuiũ conuiuitio reuerere, est lutũ luto purgare. 448

Minitari, muliercularum est, nec probarum. 449.

Nec sis tam tener, ut uerbulis transuerbereris. 450

Nec scundiam exerceas caninam, nec disertum lau= 451  
dem affectes in alienam contumeliam, in quem insan=  
tem & mutum esse satius est.

Alios reprehendere ne sis sollicitus: hoc cura, ne in 452  
te sit, quod alij possint meritò taxare.

Verum reprehendens ne utare acerbitate, aut as 453  
trocitate ulla uerborum, fac ut obiurgationis amarori  
aliquid admisceatur dulce, quod plagam leniat, si  
quam facis.

Modò ne fructus pereat reprehensionis, dum rem 454  
studes nimium mitigare, neu in assentationem prola=  
baris.

f s Affena

455 Assentatio deforme uisum, turpe illi, qui dicit:  
perniciosum ei, qui audit.

456 Nec putes rem ullam esse tantam, ut à recto & uero propter eam sustineas deflectere: non hoc abs te opes, non ullæ necessitudines, non preces, non minæ, non mortis metus & certum periculum extorqueant.

457 Sic tibi & auctoritatem parabis, & fidem, ut oracula putentur esse, quæcumq; dicas: aliter despiciaris, & indignissimus iudicaberis, qui uel audire.

458 Sermone utitor modesto, ciuili, comi, non aspero, non rusticano, uel imperito, sed nec accurato aut affectato nimis, ne quum loquendum sit ut intelligamur, sermoni tuo interprete sit opus.

459 Nec contumeliosum usurpes sermonem, aut reprehensorium, aut rigidum, sed neq; blandum, aut fractum, aut adulatorium.

460 Est quiddam mediocre, quod nec suam dignitatem abijcit, nec alienam tollit.

461 Lasciuia & spurcities à sermone extirpanda, ut à cibis uenenum.

462 Ne celeritatem in loquendo nimiam suscipias, nec ut cogitationem præuertant uerba: nec respondeas, antequam qua de re agatur plenè intellexeris, & quid ille cui respondes, dixerit, senseritq;.

463 Rarissimum debet esse illud Ciceronis, Quicquid in buccam: & meritò soli Attico dictum, ac nescio an usquam

an usquam admittendum, quum inter amicos cauendum sit, ne quid dicamus, quod amicitiam dirimat aut ledat.

Quàm turpe illud & periculosum, Lingua quo uadis?

CHRISTVS Dominus noster, scient ex loquacitate plurima oriri mala, & illa in primis quæ pugnant cum capite legis suæ, rixas, discordias, simulates:

Ad circumspeditionem loquendi interminatus est: De omni uerbo ocioso, quod homines fuerint loquuti, reddituros eos rationem in disquisitione illa mundi.

Idecirco Psalmista inquit: Pone custodiam ori meo & ostium circumstantiæ labijs meis.

Ne sis in sermone immodicus, ac ne multus quidem: ne uel audiri uelis solus: est enim in loquendo uicissitudo, etiamsi cum imperitissimis agas, aut uilissimis. Sed nec adeò rarius aut tardus, ut ipse te auscultare existimeris, idq; facere, quod singula tua uerba singule tibi rose uideantur.

Inter prudentes præstat audire, quàm loqui: sed locus, ubi tacere tam est uitium, quàm loqui quando non oportet. Nulla uoluptas est tanta, quæ comparari queat colloquio prudentis hominis ac deserti.

Ne sis nimis percontator, est enim molestum & odiosum. Noris & illud Horatij: Percontatorem fugito, nam garrulus idem est.

In dis=

- 471 In differendo ne sis contentiosus, aut pertinax: si  
uerum audias, hoc protinus silentio reuerere, illiq;  
tanquam diuinæ rei assurgito.
- 472 Si non audias, nihilominus concede hoc uel amico,  
uel modestiæ tuæ: præsertim ubi nullum neq; probi  
mores detrimentum accipiunt, neq; pietas.
- 473 Superuacanea est contentio, si non adsit profici-  
endi spes.
- 474 Arrogantiam, aut iactantiam, aut superbiam &  
fastidiosam auctoritatem non ferunt homines, ne in ma-  
ximis quidem uiris, & omnem laudem meritis.
- 475 Ne uerbis quod scis ostentes, sed rebus te ostende  
scire.
- 476 Nec quicquid est iucundum tibi dicenti, idem cre-  
dideris esse alijs audientibus.
- 477 Caue ne quid facias, quod securus non sis, nisi cele-  
tur: sed si fecisse contingat, nemini detexeris: quod ta-  
ceri uis, prior ipse taceas. sin detecturus es, uide etiam  
atq; etiam, cui. Arcanum quid aut celandum maximè  
amico quum committis, caue ne iocum admisceas, ne  
ille iocum ut referat, occultum retegat.
- 478 Tibi uerò arcanum creditum, accuratius & fide-  
lius custodi, quàm depositam pecuniam.
- 479 Nihil erit in humana uita tutum, si tollatur secre-  
torum fides.
- 480 Si quid promiseris, præsta, etiam si res sit ardua in  
primis

primis, & difficilis, saltem ut obligatam alteri tuam fidem soluas.

Si quid tibi sit promissum, ne exigas: acrior semper 481  
in te iudex, quàm in alios.

Existimare decet te, homines habere sensum, rationem, mentem iudicium: ne speres te illis posse persuadere, malefacta esse benefacta, aut contrà: nec falli posse rebus simulatis, tectis, fucatis, adumbratis, quæ tandem produnt se, & fiunt tanto foediores ac iniustiores, quanto prius occultiores fuerant.

In festis enim animis accipimus ea, à quibus sumus 483  
decepti.

Ideo consultius est omnia esse aperta, nuda, simplicia. 484

Nam etsi aliquando ueritas initio odiosa sit, deinceps tamen nihil est amabilius aut gratius. 485

Laborat aliquando ueritas, nunquam opprimitur. 485

Nec mendacij utilitas solida est, ac diuturna: nec 487  
ueritatis damnum diu nocet.

A mendacio tanquam corruptela quadam abhorreto: nihil est enim humane conditioni abiectius, ut quod illam procul à Deo separat, diabolo similem ac mancipium facit. 488

Deinde seu tardè, seu celeriter mendacium deprehenditur, uertiturq; mentienti in turpem ignominiam. 489

Quid despectus aut uilius mendace? 490

Si mena

- 491 Si mendacem te norint, nemo credet tibi, etiamsi  
affirmes uerissima.
- 492 Contrà, si ueracem, maiorem habebit fidem nutus  
tuus, quàm aliorum sanctissimum iusiurandum.
- 493 Si non uis loqui repugnantia, si uis inesse uerbis tuis  
constantiam, nihil opus est memoria, aut arte alia, quàm  
ut dicas semper quod credis uerum esse.
- 494 Verum uero consentiens: falsum nec uero, nec falso.
- 495 Sed si uis in opinione tua uerum inesse, ne facillè  
credas nisi comperta, uel magnam ueri faciem præ se  
ferentia.
- 496 Neu sis suspicax: unde illud sapienter dictum: Si uis  
esse uerax, suspicax non eris.
- 497 Miserum illum qui id egit, unde extricare se non  
potest, nisi per mendacium.
- 498 Iurare ne consuegas. Sapiens enim ait: Vir multum  
iurans replebitur iniquitate, & non recedet à  
domo eius plaga.
- 499 Et Dominus in Euangelio suo uetat nos penitus iurare,  
tantum affirmare, ita est: aut negare, non est.
- 500 Magna est Dei reuerentia, non illum passim, aut  
facillè testem adducere: non hoc debet, nisi ab inuito  
& coacto fieri.
- 501 Qui facillè in serijs iurat, in iocis iurabit: qui in iocis,  
& in mendacio.
- 502 Si qui tibi credituri sunt, æquè iniurato credent,  
ut iuræ



ut iurato : non credituri, magis etiam iureiurando avertentur.

QUOMODO HOMINIBVS  
utendum.

**I**Nter homines est aliquod faciendum discrimen. Sunt enim ex eis alij domestici, alij noti tātum, alij ignoti. 503

Domesticos uoco, consanguineos, affines, & quibus cum in eadem domo & familia degis. 504

Omnes sunt diligendi, etiam in ignotos talem te ostendes, ut sentiant te in uniuersum toti generi humano amicum esse, omnibusq; bene cupere. 505

Non tamen te eundem præstabis omnibus, ut lineam albam in albo saxo. Alios adhibebis consilijs, alijs parebis & obsequere, alios reuerere ac coles, alijs gratiam referes, si quod ab eis tuleris beneficium : & ijs potissimum, quorum opera usus es utili tibi, aut diligenti, aut fideli. 506

In quo animus pro opere computandus est, non in multo peiore loco uideatur esse qui conatus est, qui uoluit prodesse, quàm qui profuit. 507

Operam si accepisti, ne sis minus de reddendo & compensando sollicitus, quàm si pecunias mutuas. 508

Nec putes minus esse operam dedisse, duntaxat honestam, & à sincero profectam animo, quàm pecuniam : quin hoc maius, quo cuiq; corpus quàm externa charius debet esse. Ne expectes, dum necessitates ad te

amicis gesserint, ne te postea necessitudinis poeniteat.

Ne familiaris illi fias, cuius familiaritatem bonos 518  
uides auersari. Eos etiam uita, qui non te amabunt,  
sed tua, quales sunt parafiti, & quorum consuetudine  
ac tanquam affricu uel peior fies, uel labem aut pe-  
riculum contrahes. Illos quoq; qui amicis feliciori-  
bus inuidet: tum qui iocorum studiosi, nihil pensi ha-  
bent in uitam & maximè arcana amicorum ludere,  
ac dicta dicere, aut innata loquacitate reticenda cum  
primis effutunt. Sed illos potissimum, qui ob leuem  
rixulam grauissimas inimicitias cum charissimis su-  
scipiunt, acriusq; in eos ulciscuntur, quos aliquando  
amarunt, quàm quos semper oderunt, barbarica qua-  
dam persuasione, minus ferendam esse iniuriam qua-  
sit ab amico, quàm quæ ab inimico: in quo se ostendunt,  
nunquam amasse, alioqui non putarent se tam citò læ-  
sos. Eiusmodi præstat inimicos aut certè ignotos ha-  
bere, quàm amicos.

Esto in admittendis ad familiaritatem cunctatior, 519  
in retinendis semel admissis constantior.

Familiares elige, non placituros tantum, sed & pro 520  
futuros: non eos qui omnia loquentur ad gratiam, sed  
qui ad commodum: nec qui suauiter assentabuntur, sed  
qui uerè admonebunt.

Si consueueris assentatoribus delectari, nunquam 521  
uerum audies,

- 522 Ex bestiis exitiabiles maximè inter feras inuidia,  
inter mansuetas adulatio.
- 523 Quàm amandæ sapientia & uirtus, tam execran-  
da assentatio: quæ impedit, ne illuc perueniamus, dum  
suadet iam peruenisse: tam diligenda recta admonitio,  
quæ illuc prouehit, dum quantum supersit, & quem-  
admodum conficiendum sit, docet.
- 524 Si reprehendi fers ægrè, reprehendenda ne fe-  
ceris.
- 525 N iserum illum, qui admonitorem, cum eget, non  
habet.
- 526 Malorum hominum consuetudinem non secus atq;  
ictos peste deuicta: utrinque enim metuendum con-  
tagium.
- 527 Nisi talis sis, qui confidas te posse illos meliores  
reddere.
- 528 Sed huic fiduciæ non est nimis fidendū, præsertim  
quoniam natura nostra in malum fertur prona: ad  
uirtutem autem accliuus est, atq; ardua semita.
- 529 Explora & ipse qui sis, quo loco, qua conditione,  
nec putes rem ullam esse tantam, ob quam tibi plusquā  
cæteris liceat.
- 530 Quo tibi plus concedente more licet, hoc minus re-  
trahente moderatione libeat.
- 531 In minores præbe te comem, in maiores reueren-  
tem, in pares facilem ac tractabilem.

Sic

Sic ut uitiosis semper durus, rigidus, inexorabilis. 532

A potentioribus contemni te ne iniquè accipias, 533  
potiusq; id crede fortunæ uitio fieri, quàm hominis.

Si quid à minore proficiatur, quod tibi parum 534  
placeat, cogita non id protinus contumeliam esse, sed  
libertatem.

Te etiam nimis esse delicatum, cui leues titillatio- 535  
nes, grandes uideantur esse plagæ.

Nec oportet existimes te solum esse hominem, reli- 536  
quos pecudes, quibus nec mutire liceat: homo es,  
uiue æquo cum reliquis hominibus iure.

Imò uerò si sapientior es, si melior, hoc indulge, 537  
hoc concede magis de iure tuo cæteris tanquam impe-  
ritioribus, aut imbecillioribus: tibi uerò minus uelis  
ignosci, cui tantum robur sapientia & uirtus attulere.

Si uirtute non excellis, cur postulas uideri alijs po- 538  
tior? si excellis, cur affectibus moderandis, non plusquā  
uulgus præstas?

Iniuriam accipere, quàm facere: decipi, quàm de- 539  
cipere, satius & præstantius: quod nec humana i-  
gnorauit sapientia, ut Socrates, Plato, Aristoteles,  
Seneca.

Memineris humanæ imbecillitatis esse falli: errare: 540  
ne te grauius aliorum delicta offendant, præsertim  
aduersum.

Ignoscere, generosi pectoris; irā retinere, atrocis, 541

8 2 seu,

ſeui, degeneris, uilis: quod & natura in mutis animan-  
tibus oftendit.

542 Quumq; Deus nihil uel crebrius ſciat, uel liben-  
tius, quàm ignoscere, quis eſt tam demens, qui negare  
poſſit illud eſſe pulcherriſimum atque excellentiſimū,  
quo tam prope ad naturam illam accedimus ſummi &  
præpotentis Dei?

543 Eris in homines talis, qualem cupis CHRISTVM  
erga te.

544 Et eſt proſectò æquum, ut eam tu des hominibus  
ueniam, qua in eiſdem delictis, aut alijs non paulò le-  
uioribus ipſe eges.

545 Nulla oratio præſtantior, aut efficaciſior apud Deū  
illa, quam edoſti ſumus ab eius filio CHRISTO do-  
mino: quæ idcirco Dominica nominatur.

546 At illam non poteſ uerè ac puro animo dicere, niſi  
toto pectore homini condonariſ, quicquid ipſe condo-  
nari tibi à Deo petiſ.

547 Hac lege remittitur nobis ingens debitum, ſi nos  
exiguum remittamus.

548 Quicquid unquam homo in hominem peccauit,  
miniſſima pars eſt eiſ, quod quuiſ hominum ſingu-  
lis momentis in Deum peccat: nimirum tantum, quan-  
to maior & excelsior eſt homine Deus.

549 Si cui eſ iratus, ſic iuxta monitum Apoſtoli, ne ſol  
occidat ſuper iram tuam.

Conſ

Concessurus cubitum, omnes ex animo rixas, iras, 550  
offensiones, cupiditatès, sollicitudines depone, ut com=  
posito & tranquillo animo placidissimæ te quieti  
tradas.

Cui semel ignoueris, cura ut ille sentiat bona fide id 551  
esse actum, ut nec ipse iniuriarum memineris, & ex=  
periatur te amicum, si qua in re iuuare, aut commo=  
dare illi potes.

Affectus iniuria, caue ne ultionem tuis manibus de 552  
quoquam sumas, nec eam ulli mortalium mandes: non  
est tibi ius in seruum alienum, imò in conseruum tuum.  
Domino tuo iniuriam facis, si non illi cognitionem re=  
linquis de conseruo tuo.

Atqui Deus est omnium dominus, uniuerſi sumus 553  
eius serui: sit satis te questum, ac ne queraris quidem:  
oculus Domini singula intuetur, & iuxta sacrum uer=  
bum, ipse nouit & facientem iniuriam, & patientem.

Idcirco sic ipse omnibus edicit: Mihi uindictam, &  
ego retribuam.

Nam quum in animo sit iniuria, non in facto, solus 554  
Deus scit, qui fuerit animus, & quod ei debetur sup=  
plicium.

Plerumq; putamus eam esse iniuriam, quæ non est: 555  
ut sunt nobis affectus nostri nimis chari, qui non sinunt  
nos singula ritè examinare, sed ad iudicandum trans=  
uersos ui sua rapiunt.

QUOMODO SE QVISQVE GERET  
erga seipsum.

- 557 **C**onuenit te non charum modò esse tibiip̃si, sed etiã  
uenerabilem præbere, ut pudeat te tuiip̃sius ali-  
quid facturi uel ineptè, uel imprudenter, uel impuden-  
ter, sc̃pè, flagitiosè, sceleratè, nefariè, impiè.
- 558 Pluris facias iudicium conscientie tue, quàm uo-  
ces omnes ingentis multitudinis, quæ imperita &  
stulta est: ignota temerè ut probat, sic & damnat.
- 559 Conscientia est, quæ turbata maximos affert animo  
cruciatu, tranquilla maximam beatitudinem, cui nul-  
la opes, nulla possunt regna comparari.
- 560 Hoc est, quod Dominus in Euangelio pollicetur  
suis, multo plura etiam in hac uita recepturos eos,  
quàm quæ pro se repudiarint.
- 561 Fama nec profutura malo, nec lesura bonum.
- 562 Mortuus quid plus referes de fama, quàm pictura  
Apellis laudata? aut equus in Olympia uictor? nec ui-  
uo quidem prodest, si eam ignorat: si nouit, nihil ad-  
fert aliud, nisi ut sapiens contemnat, insipiens sibi ma-  
gis placeat.
- 563 Conscientia uerum & solidum, & duraturum red-  
dit testimonium, plurimum in illo Dei iudicio ualitu-  
rum, uitæq; huius magna est magistra: & quemad-  
modum scitè illi dixit, murus abeuent, quo & tuti a-  
ginus inter innumera uitæ pericula, & securi: nec  
ullus

Nullus est tantus terror, qui eum commoveat. Est enim mente defixus Deo, illiq; fudit uni, ac ei se nouit peculiari esse curæ, cui scit parere uniuersa.

Turpe est alijs notum esse, ignotum sibi: 554

An non tibi sufficit, te & tibi notum esse, & (quod 555 maximum est) Deo?

Qui tamen nominis curam abijciunt, ut audacius 556 & securius peccent, ij dupliciter sunt mali, quod nec homines reuerentur, nec Deum.

Et in conscientiam iniurij sunt, quam derident ac 557 deludunt, tanquam ob id spreuerint famam, ut se conscientie suæ liberius uendicarent: quæ hæc de causa effusus delinquit, quod iam nullo metu coercetur.

Hoc est amare se conari, laborare, magnis precibus 558 à Deo petere ac contendere, ut excellentissima nostri pars ornata atq; exculta sit ueris germanisq; ornamentis, nempe religione.

Non is amat se, qui opes, qui honores amat, qui uoluptates, deniq; quæcunq; siue extrinsecus sunt, siue in corpore: quum potissima hominis pars sit mens:

Nec amat se, qui ignorance sui seipsum fallit, uel 559 falli se ab alijs patitur: interdum gaudet, quum ea sibi persuadet inesse bona, quæ nulla insunt.

Hic non est in homine amor sui, quum ipse sit animus, 560 sed amor corporis inconsultus, cæcus, ferus, perniciosus sibi & alijs.



- 571 *Quem non iniuria caput esse ac originem malorum omnium, Socrates pronunciauit, quippe tollit charitatem mutuam, unde in genere humano mala omnia nascuntur.*
- 572 *Nimium qui se hoc modo amat, is nec alium amat, nec ab alio amatur.*
- 573 *Superbus mitibus discors, superbis multò etiam magis.*
- 574 *Seruator noster breui declarat documento, quid sit amare se, quid odisse. Qui odit, inquit, animam suam, nihil illi in rebus istis fortuitis aut perituris indulgendo, is uerè amat eam, & saluam cupit: qui uerò amat indulgendo, is odit, is uult perditam.*
- 575 *Laborem pro aeterno & coelesti premio, quis nisi amens refugiat, quum nec caduca hæc & fragilia citra laborem acquirantur?*
- 576 *Hæc est lex eorum, quibus pater est Adam, ut laborent: hæc eorum execratio, quibus mater Eua, ut affligantur.*
- 577 *Quanto præstat anniti, ut maxima merces opera nostra queratur: quàm exigua, uilis, & euanida, atque hinc sempiternus cruciatus & moeror?*
- 578 *Quid quòd facilius & tutius, & securius, ac proinde iucundius leuiusq; est, bene agere, quum peccatum timoris & sollicitudinis sit plenum?*
- 579 *Peccatum hominis mors, ut iugulare seipsum uideatur,*

deatur, quisquis peccat: abducit enim se à Deo uita nostra, & à quiete conscientiae suae, qua nihil est beatius.

Peccati sordes ablues lachrymis, poenitentia, et in uocatione diuinæ clementiae, multum huic confusus. 580

Occasio omnis peccandi & causa, intentissima cura uitanda est. Sapiens ait: Qui amat periculum, peribit in eo. 581

Et imminet semper occasione suae diabolus, per quem nunquam nobis libet securis agere. 582

Semper est cum eo belligerandum, ut uerè Iob dixerit: Militia est uita hominis super terram. 584

Et quum sit hostis tam potens, robustus, uasfer, tam callidus, ueteranus, exercitatus, tot vires habeat, tot stratagemata, nulla ratione, aut arte, aut ui nostra propria possemus pares illi, nedum superiores è conflictu excedere: idcirco diffusi nostris copijs, ad Deum accurrendum est ad opem implorandam. 585

Hac causa Dominus ac magister noster suis illud subinde præcipit, orent, & religiosis affectibus à patre omnium petant, ne in tentationem ducantur, hoc est, in prælium, quò manus cum diabolo conferant. 586

Et in oratione, quam ipse nos docuit, illa est coronis, Et ne nos inducas in tentationem, sed libera nos à prauo illo insidiatore. 587

Sic ergo agamus semper, tanquam in acie armati, uigilantes, accincti, intenti, occasionibus nostris non 588

indormientes. Et quum tanta sit uitæ fugacitas, in tanta incertitate, ut ne crastinum quidem possit sibi quisquam polliceri, stultum est & periculosissimum, si spes nostras in longum tendamus, differamusq; nos adornare futuro itineri, quò singulis momentis uocamur, inscij quando (uelimus nolimus) in illud pertrahemur. Quamobrem paremus nobis thesaurum ad futuram uitam, cui aliquid quotidie accrescat, quo instructi & confisi, nunquam per segnitiam aut secordiam inopinantes opprimamur: aut discedamus mœsti, sed parati abire, & uitæ huius pleni, agentes præ nobis magnam & optimam spem uitæ, innocenter sancteq; transactæ per fidem filij Dei, & pietatem, quàm nos edocuit, quo munere nullum potuit homini à Deo maius aut pulchrius dari: quo Deum noscimus, & quantum effici à mortali potest, emulamur, sequimur, consequimur.

589 Sine hoc quid est homo aliud, quàm immortale pecus?

590 Vt unus dies humane uitæ præferendus est longissimæ ætati corui aut cerui, ita dies unus ex religione actus, hoc est, diuine uitæ, toti æternitati sine religione anteponendus.

591 Hæc est uita æterna, inquit CHRISTVS Dominus, ut agnoscamus patrem, & quem ille misit IESVM CHRISTVM.

Hic

Hic est cursus absolutæ sapientiæ, cuius primus 592  
gradus est nosse se, postremus nosse Deum.

Regi seculorum immortalis & inuisibili,  
soli Deo honor & gloria.  
Erugis, 1524.

IOANNES L V D O  
VICVS VIVES D. MARIAE  
CAMBRIAE PRINCIPI, HEN-  
rici VIII. Angliæ Regis  
filiae S.



**S**OLITVM est principibus adhiberi sa-  
tellitium, quod pro custodia corporis ac  
uitæ illorum perpetuò excubet, recepto  
magis more quàm sapienti aut probo,  
quum principes eo ipso metum suum testentur, qui ferè  
ex conscientia nascitur, nec ulla certior custodia sit, aut  
fidelior, quàm innocentia & populorum amor, qui nō  
armis aut terrore extorquetur: amore, fide, diligentia,  
cura communium cōmodorum elicitur. Nec immeri-  
tò laudata est Agasicles Lacedæmonum Regis sapien-  
tissima vox, posse quemuis sine satellitio regnare: qui  
sic

sic subditis imperaret, ut filijs pater. Sed si consuetudo tot annorum usu comprobata tolli tam subito non potest, ne custodibus corporis istius careas, parentes tui curabunt. Ego uerò à matre tua, inclyta & sanctissima foemina rogatus, Satellitium circundabo animo tuo: quod te securiorem ac tutiorem præstabit, quàm hastati aut sagittarij quicunq;. Nam hæc corporea custodia, corrupta nonnunquam uel precio, uel metu, uel delicijs, imperatorem suum aut deseruit, ut Neronem: aut prodidit, ut Galbam: aut etiam occidit, ut Pertinacem. Hi abs te semel bona fide asciti, pectora sua pro salute tua aduersus impetus assultusq; & insidias omnes obijcient. Est enim maius animo periculum à uiribus & astu uitiorum, quàm corpori ab externis aut intimis simultatibus: quanto cuiq; charior esse debet animus quàm corpus, & uitiorum callidiores insidiæ atq; occultiores, & eorum tyrannis grauior, & interitus animi acerbior ac terribilior. Accipies igitur Satellites ducentos, aut paulò plures, quos sic tibi facies familiares, ut nec noctu, nec interdiu, nec domi, nec in publico sinas à tutela tui uel latum ungucem discedere, ne his, aut certè similibus desituta, prædæ sis diabolo: qui, ut Petrus ait, tanquam leo rugiens circumit, quærens quem deuoret. Symbola appellauit, quasi notas quasdam, cuiusmodi uetus mos erat Principibus se insignire, quod & fit hodie. Sed latius res paruit,

patuit, ad uulgum etiam progressa : unde tanquam ex stultitiæ fonte manarunt illa stolidæ cuiusdam arrogantiae, quæ hoc tempore Principes usurpant, indigna non modò Christianis, sed etiam gentilibus : quibus illi omnibus minantur, omnes terrent, & sibi ipsi plus tribuunt, quàm homini est concessum : maioremq; in potentia sua fiduciam collocant, quàm in Deo. Intelligi potest de quibus loquar, nec mihi explicatius quicquam dicere necesse est. Eiusdem ferociæ sunt insignia leonum, ursorum, pardorum, luporum, serpentum, draconum, molossorum, aquilarum, uulturum, gladiatorum, ignium, & huiusmodi : tanquam pulchrum & magnificum, & uerè Principe dignum sit, talis esse ingenij, qualis sunt illa, atrocis, rapacis, sæui, cruentiq;. Quanto præstaret, aliquid pro insignibus ostendere, quod humanitate, comitate, lenitate, dulcedine alliceret atq; inuitaret ? aut grauitatis & præstantiæ magnitudine ac maiestate detineret ? Porro symbolorū Sym!na  
hæc est lex, ut sententiam absoluant uerbis ad summum quinque : & quo breuiora sunt, hoc uenustatis plus habeant : quale est illud Augusti, Matura. Obscuritatis aliquid & allegoriæ symbolum condit, ut paulum à naturali sensu deflectatur : modò ne tanta sit, quanta Pythagoras est usus, ut ab intelligentia dictorum suorum arceret imperitos : qui symbola sua longissimè uerbis abduxit illinc, quò sensus spectabat :  
adco

adeò ut Tyrrhenos induxerit illis citra omnem allegoriam parère, quum eam non assequerentur. Idcirco & expositiunculas addidi, breues quidem pro rei argumento, sed in hoc tantum, ne te in multis ambiguitas uel remoraretur, uel falleret. Mihi pro hoc satellitio nolo stipendiũ aliud numerari, quàm ut lex CHRISTI, unde sunt nobis hæc desumpta, utique uoluimus, in tota uita atque actionibus tuis regnet, magno exemplo priuatarum, si talis sis Princeps ipsa: quod facile consequeris, matris tuæ imitatione. Homini enim Christiano, quod potest amplius præmium aut præstabilius in hac uita contingere, aut ad futuram fructuosius, quàm uidere rectas suas admonitiones, non irritas cecidisse? & opera sua auctam aliquorum pietatem? Impertiat tibi Dominus IESVS spiritum suum, ut & felicissima quàm diutissimè uiuas, & fortunis omnibus probitatem anteponas.

Brugis ad Calēdas Quintiles.

M. D. XXIII.

SCOPVS



## COPVS uitæ CHRIS- TVS.

Sit hoc primum symbolum tan-  
quam felix auspiciū cæterorum:  
quo monemur, omnia referenda in  
CHRISTVM, & in eum dirigenda, ut iaculentium  
sagittas in scopulum.

## Pax CHRISTI.

Hæc est quæ in totum hominem placidissimam cõ-  
cordiam & quietem inuehit, ne quid in ipso tumultue-  
tur, nec cum alio intus aut foris pugnet, uel dissentiat.

## Murus æneus sana conscientia.

Impenetrabilis est enim, & qui maximè hominem  
tutatur, ex Horatio: Hic murus æneus esto, Nil con-  
scire sibi, nulla pallefcere culpa.

## Felicitas unica, intus nil strepere.

Fons humanæ felicitatis & miseriæ in animo est,  
qui si tranquillus sit, suauissimè agimus: sin commo-  
ueatur, insuauissimè: ut si fons turbetur, cœnosa est  
aqua: si quiescat, liquida, & gustui grata.

## Bonis omnia in bonum.

Homo probus & sapiens, quæcunq; siue bona con-  
tingant, siue mala, ad suam utilitatem uertit, dexteri-  
tate sapientiæ. Deus etiam omnia quæ dat charis sibi,  
conuertit



conuertit in salutis instrumentum, sicut Paulus inquit,  
Diligentibus Deum omnia redeunt in bona.

6 Suspicionibus securis.

Non indulgendum suspicionibus; non leuiter auer-  
tendæ, sed securibus sunt rescindendæ.

7 Virtus instar omnium.

Nulla enim re ad bene uiuendum indiget, qui eam  
habet: quod Stoici senserunt, & id sentire Christianos  
magis decet.

8 Virtus citra fortunam ualida.

Et hoc ex Stoicis, & Christianis.

9 Tibicen fortunæ uirtus.

Infirma sunt sine uirtute, quæcunq; uel exterius  
contingunt, uel corpori: ideo sustentaculum fortunæ est  
uirtus: hoc est enim in ædificijs tibicen.

10 Sanus intus & exterius.

Iuuenalis, ex Socrate: Orandum est, ut sit mens sa-  
na in corpore sano.

11 Antidotum uitæ, patientia.

Horatius, Cuius dolori remedium est patientia.  
Hoc est uerum antidotum contra tot uenena uitæ hu-  
ius, quibus undique intrinsecus, & extrinsecus inua-  
dimur, ac urgemur.

12 Sal uitæ, amicitia.

Insulsa

*Insulsa est enim uita sine amicitia, & maxima quæ  
que oblectamenta insuauia, ut Cice. in Lælio declarat.*

**Oculus uitæ, sapientia.**

13.

*Sapientia est rerum humanarum & diuinarum notitia, qua sublata cæca esset uita nostra, & densissimis tenebris destituta.*

**In uirtute oculi & manus.**

14

*Inspicienda enim uirtus & agenda.*

**Multi nimium, nemo satis.**

15

*Habent, intellige, ex Seneca: Fortuna multis nimium dedit, nemini satis. Nam multi quum plus quam sufficit aut oportet possideant, nondum tamen uidentur sibi habere satis: quod ad cupiditatem uiuunt, quæ insatiabilis est.*

**Satis hoc contento.**

16

*Nihil tam exiguum, quod non sufficiat ei, qui amplius non requirit.*

**Satis relicturo.**

17

*Quid iuuat tam multa congerere, aut tam anxie custodire: quum uelimus nolimus, relinquenda sint?*

**Intus quàm exterius formosior.**

18

*Vera pulchritudo est in animo. Idcirco Stoici solim sapientem uocabant pulchrum. Cicero 3. de Fin. & Socrates apud Platonem in Alcibiade de uotis, optabat ut intus pulcher efficeretur.*

h

Intus

19 **Intus quàm exterius ornatior.**

Ornamenta interiora sunt uirtutes, eruditio, acumen: quæ excellentiora sunt uestimentis, aut forma corporis.

20 **Harmonia interna.**

Vt nihil ab alio dissonet, sed sit concentus in animo dulcissimus: hanc ueram esse musicã dicebat Socrates.

21 **Velle instar omnia.**

Apud Deum sufficit uelle. Et gentiliū sunt illa celebrata: Si desunt uires, tamen est laudanda uoluntas: & Voluntas pro facultate.

22 **Natura quis pauper?**

Nulli potest deesse, quo se sustentet: sic enim prouidit natura, ut facile suppetat animantibus alimonia, modò ne quis putet se non posse uiuere sine pane siligineo, & piscibus ex mari Aegæo aduectis, aut auiculis multò parandis. Panis & aqua uitæ sufficit, interim solum olus.

23 **Opinione quis diues?**

Nemo est humanis opinionibus diues, quæ in imensum nostros usus auxerunt, ut nemo tam habeat multa, cui non aliquid deesse uideatur. Quo fit, ut diues non sit, quum aliquid requirit amplius. Ita si errorem communè recipimus, nec sua opinione quisquam erit diues, nec aliena.

Nec

**Nec malum, nec frontem.** 24

Nec mali quid feceris, reueritus Deum: nec quod malum esse existimetur, reueritus homines: tum ne alios offendas, aut exemplo sis ad malum.

**Sapiens solus longeuus.** 25

Vita enim stultorum non est uita, ea demum est uita, quæ per sapientiam agitur. Ita præferendus est dies unus sapientis longissimæ æternitati stultorum, ex Cicerone. Tuscul. quæstionum.

**Nocere promptum, ut pessimum.** 26

**Prodesse abstrusum, ut optimum.** 27

Nihil est tam imbecillum, aut tenue, quod non possit aliquam nocere, sed prodesse difficillimum, non est hoc cuiusuis. Et nocere pessimum, nempe diabolicum: prodesse uero, utpote diuinum, præstantissimum. Idcirco nemo explicare debet uires suas nocendo, quum aranei morsus possit hominem necare: sed iuuando, quod rarum est, & pulcherrimum, diuinæq; naturæ cognatum.

**Pauper egens, non carens.** 28

Non est pauper, qui caret, sed qui eget, qui desiderat. Socrates forum ingressus, Quam multis ego, inquit, non egeo?

**Alienis lachrymis cautior.** 29

**Alieno risu lætior.** 30

h 2 Non

Non est gaudendum alienis malis, sed danda opera, ut illis fiamus cautiore, ne in illorum causam incidamus: nec invidendum alienæ lætitiæ, sed gaudendū, tanquam si tibi contigisset.

31 Cor canum in iuuenili corpore.

Vt sit prudentia senilis in iuuenta: cor enim sedes est ingenij, & mentis, unde cordati homines.

32 Pedica, nimia fiducia.

Decipitur facile, quisquis nimium fidit alijs: sed potissimum, qui sibi ipse. Ne uirtuti quidem suæ, unde facile nascitur arrogantia, & uanitas, quæ sepius uirtutibus succrescit.

33 Columbi oculus in serpentino corde.

Hoc ex Euangelio: Estote prudentes ut serpentes, & simplices ut columbæ. Decet enim nos corde sapere, sed oculos in iudicando uti minimè maligno, aut uastro.

34 Oculus in sceptro.

Nulla uirtus magis decet principem, quàm prudentia. Quid enim aliud est potentia in stulto, quàm gladius in manu furentis? Istud sumptum ex Hieroglyphicis Aegyptiorum.

35 In uirtute delphinus.

Narrant nullum animalium celerius esse delphino. Admonemur non debere nos differre bene agere, sed  
uti in

uti in eo aggrediendo magna celeritate.

### In ultione Callipedes.

36

Suetonius in Tyberio refert, hunc seu hominem, seu animans aliud, quum diem totum se commouerit, non promouere tamen cubitum unū, ut tarditas illa in pro uerbum uenerit. Significat symbolum, lentissimos debere nos esse in ulcissendo.

### Temporis minister.

37

Allusio ad uetus oraculū, Tempori pare: de quo Plauto, & Cic. & Seneca. Accomodare se debet unusquisq; tempori, nec speret coacturū se tempora, ut suis rebus seruiant. Ipse potius præsenti rerum statu subseruiat.

### Temporis parcus dispensator.

38

Et istud uetus, Tempori parce. Nihil charius debet nobis esse. Quippe nihil est aliud tempus, quam uita, quam unusquisq; tantum se amare profitetur, quū nullius rei magis sit prodigus, quam temporis. Seneca de breuitate uitæ, eodem spectat:

### Magno uendendum tempus.

39

### Gloria Crocodilus.

40

Animal est in Nilo amne Aegypti, cuius hanc ferunt naturam, ut persequentes fugiat, fugientes persequatur: sic gloria querentes fugit, negligentes sequitur. Sallustius de Catone: Quo minus gloriam petebat, hoc eam magis assequabatur.

## 41 Hemerobia uana gloria.

Aristoteles scribit, Ad Hippanim Scythiæ fluuium nasci bestiolas, quæ ad perendinum diem nunquam perueniant, quæ hac de causa dicuntur ἐφ' ἡμέρας, ἢ ἡμεροβίαι; quasi diariæ: sic inanis gloria citò extinguitur, nec diuturna esse potest.

## 42 Disce uiuere.

## 43 Disce mori.

Utrumq; ex æquo discendum, & rectè uiuere, & rectè moritur, Nemo rectè moritur, qui non rectè uiixerit. Hoc est totius uitæ exercitium, ut bene uiuamus, nec iniquo moriamur animo.

## 44 Viue, ut postuiuas.

Sic est hic uiuendum, ut ad alteram perueniamus meliorem, atq; adeò ueram uitam: nam præsens uita quid aliud est quàm peregrinatio?

## 45 Virtus exercetur, non perit.

## 46 Generosa uirtus flatu accenditur.

## 47 Virtus inimicitijs fortunæ crescit.

Eòdem pertinet, Virtutem maiorem fieri aduersis, tanquàm materia suorum incrementorum. Medium referri potest, uel ad flatum iratæ fortunæ, uel ad laudē.

## Extorquet quies.

48

Nullum imperium grauius aut potentius quieto, in quo inest plus autoritatis & maiestatis, quàm in uehement.

uehementi & turbulento. Tale describit Vergil. 1. Aeneidos: Ac ueluti magno in populo. & Claudianus de consulatu Manlij Theodori: Imperium concitatum, ut multum habet impetus, sic minus uirium, citius contemnitur, facilius frangitur.

### Terret imperium.

De imperio uehementi, quod metum quidem incutit, sed debilitat subditorum uires. 49

### Blandum imperium imperiosum. 50

Maiores enim habet uires, & fortius cogit. Ausonius: Blando uis latet imperio.

### Domitrix omnium patientia. 51

Vergilius: Vincenda omnis fortuna ferendo est. Fortuna & casus humani, & impetus hominum retunduntur, si opponatur moles patientiae: quod ostenderunt martyres nostrae pietatis.

### Nobilitatem non dat unus dies. 52

Nemo est nobilis, quod his aut illis parentibus natus sit. nec fors nascendi, quae uno die contingit, facit nobilem, sed praeclari uirtutis actus. Iuuenalis: Totum licet ueteres exornent undique, ceræ Atria, Nobilitas sola est, atque unica uirtus.

### Generositas uirtus non sanguis. 53

Ad idem tendit. Inductione ad eam rem utuntur, Quis equus generosus? quis canis? nonne qui optime



mus? & sic in cæteris animantibus, ac stirpibus. Ergo  
& generosus homo non alius, quàm optimus.

34 **Fortuna nimis blanda, hamata.**

Publius in Mimis: Fortuna cum blanditur, captas-  
tum venit. Nulla est alia Fortuna, quàm Deus: sed ad-  
monemur, non effèrri, non fidere corporis aut diuitia-  
rum successibus: hi enim fortunæ nomine solent intel-  
ligi. Nec Deus nos fallit, ipsi nos fallimus, stultè uten-  
tes rebus.

35 **Fortuna fallacior, quò blandior.**

Quod ego ad moderationem animi Cardinali Cro-  
nio dederam: sed non tam symbolum id fuit, quàm uo-  
ticinium. Nam quum se effusissimè fortuna in illius &  
Ceruiani patruì sinum effudisset, repentè utrunq; ab-  
sumpsit, sed Cardinalem adolescentem adhuc, alterius  
& uiginti annorum.

36 **Stabilissima fortuna stultissima.**

Idem Mimus: Fortuna nimium quem fouet, stultū  
facit. Adimit enim mentem, & tantis successibus inso-  
lescit animus humanus, ut iam nec alios ferre possit,  
nec se. Memini matrem tuam sapientissimam fœminā  
dixisse mihi, quum à Sion ad Richemundiam cymba-  
reucheremur, se quidem temperatam & mediā quan-  
dam fortunam malle, quàm uel asperissimam, uel lenis-  
simam: alterutrum tamen optandum si esset, electus-

ram

ram citius tristissimam, quàm blandissimam: infelici-  
bus non deesse consolationem, fortunatis. deesse men-  
tem. Quod dictum uerè pudici pectoris & sapientis,  
ego apud multos in hac regione celeberrimum feci.

### Corpus excors fragile.

57

Horatius: Robur sine consilio, mole ruit sua: & a-  
pud Ciceronem sæpe, Nihil esse uires citra consilium.

### Cor uel incorporeum firmum.

58

Consilium magnas per se habet uires, etiamsi cor-  
poræ uires desint: quod ostendit natura in formicis,  
& apiculis. Sallustius: Non uiribus, aut uelocitate cor-  
porum res magnæ geruntur, sed consilio, autoritate.  
Eadem est sententia Ciceronis in Catone maiore.

### Fideli nullæ seræ.

59

Omnia ei conceduntur, nihil est ei clausum. Theo-  
gnides: O Cyrne, argento fidelis prestat & auro. Con-  
trà, infideli nihil est satis clausum.

### Autoritas rerum gerendarum telum.

60

Plura perficit autoritas, quàm uires, aut etiam  
consilia. Declarari hoc potest in principibus, qui ma-  
gnas res gerunt, non tam opibus aut sapientia, quam  
autoritate & maiestate. Bella dicebat Cæsar, fama plu-  
rimum confici. Multum quoq; interest, quis dicat, ho-  
noratus an inhonoratus: ut ait apud Euripidem He-  
cuba.

h

s

Vera

mus? & sic in cæteris animantibus, ac stirpibus. Ergo  
& generosus homo non alius, quàm optimus.

34 **Fortuna nimis blanda, hamata.**

Publius in Minis: Fortuna cum blanditur, capta est  
tum venit. Nulla est alia Fortuna, quàm Deus: sed ad  
monemur, non effferri, non fidere corporis aut diuitia-  
rum successibus: hi enim fortunæ nomine solent intel-  
ligi. Nec Deus nos fallit, ipsi nos fallimus, stultè uten-  
tes rebus.

35 **Fortuna fallacior, quò blandior.**

Quod ego ad moderationem animi Cardinali Cro-  
nio dederam: sed non tam symbolum id fuit, quàm ua-  
ticinium. Nam quum se effusissimè fortuna in illius &  
Ceruiani patruī sinum effudisset, repente utrunq; ab-  
sumpsit, sed Cardinalem adolescentem adhuc, alterius  
& uiginti annorum.

36 **Stabilissima fortuna stultissima.**

Idem Minus: Fortuna nimium quem fouet, stultū  
facit. Adimit enim mentem, & tantis successibus inso-  
lescit animus humanus, ut iam nec alios ferre possit,  
nec se. Memini matrem tuam sapientissimam fœminā  
dixisse mihi, quum à Sion ad Richemundiam cymba-  
reueheremur, se quidem temperatam & mediā quā-  
dam fortunam malle, quàm uel asperissimam, uel lenis-  
simam: alterutrum tamen optandum si esset, electu-  
ram

ram citius tristissimam, quàm blandissimam; infelici-  
bus non deesse consolationem, fortunatis. deesse men-  
tem. Quod dictum uerè pudici pectoris & sapientis,  
ego apud multos in hac regione celeberrimum feci.

### Corpus excors fragile.

57

Horatius: Robur sine consilio, mole ruit sua: & a-  
pud Ciceronem sæpe, Nihil esse uires citra consilium.

### Cor uel incorporeum firmum.

58

Consilium magnas per se habet uires, etiamsi cor-  
poræ uires desint: quod ostendit natura in formicis,  
& apiculis. Sallustius: Non uiribus, aut uelocitate cor-  
porum res magnæ geruntur, sed consilio, autoritate.  
Eadem est sententia Ciceronis in Catone maiore.

### Fideli nullæ seræ.

59

Omnia ei concreduntur, nihil est ei clausum. Theo-  
gnides: O' Cyrne, argento fidelis prestat & auro. Con-  
trà, infideli nihil est satis clausum.

### Autoritas rerum gerendarum telum.

60

. Plura perficit autoritas, quàm uires, aut etiam  
consilia. Declarari hoc potest in principibus, qui ma-  
gnas res gerunt, non tam opibus aut sapientia, quam  
autoritate & maiestate. Bella dicebat Cæsar, fama plu-  
rimum confici. Multum quoq; interest, quis dicat, ho-  
noratus an inhonoratus: ut ait apud Euripidem He-  
cuba.

h s Veras

61 Veraci creditur, & mentienti.

*Propter auctoritatem, & præceptam fidem.*

62 Mendaci non creditur, & iurato.

*Aristoteles interrogatus, quid lucrarentur mendaces: respondit, ut quum uera dicant, nemo credat.*

63 Magnes amoris amor.

*Nihil est quod sic eliciat amorem, ut amor. Martialis: Hoc non fit uerbis Marce, ut ameris ama. Est naturalis quædam in rebus coniunctio & harmonia, ut nemo illum oderit, à quo diligitur. De hoc Plato, Seneca, & alij.*

64 Philtra amor.

*Itaque non est opus alio poculo amatorio, ad amorem exprimendum, quam amore.*

65 Magnim satellitium amor.

*Claudianus: Non sic excubiæ, nec circumstantia pila, Ut tutatur amor. Sallustius: Non arma, aut opes præsidia regni sunt, sed amici: nemo enim uult nocere ei quem amat. Simile est quod sequitur.*

66 Firmissimæ opes amor.

*Non modò impia, sed stulta est etiam in rebus mundanis illorum uox, qui aiunt omnia in pecunia esse constituta, amorem parum posse, quum uideamus maximas opes propter odium subuersas: minimas uerò, & infirmas, in amicitijs constabilitas. Hinc uerbum uetus;*

tus: Vbi amici, ibi opes. Apud Germanos & Scythas  
nullæ fuerunt olim opes aliæ.

Vbi terror, ibi timor.

67

Neceſſe eſt eum timere, qui terret alios: ex uete-  
re ſententia, apud multos celebri.

Vbi uber, ibi tuber.

68

Apuleius in Floridis: Nihil quicquam homini tam  
proſperum diuinitus datum, quin & tamen admixtum  
ſit aliquid difficultatis, ut etiam in ampliſſima qua-  
letitia ſubſit, quæpiam uel parua quærimonia, coniu-  
gatione quadam mellis & fellic; Vbi uber, ibi tuber.

Omnia propoſuit labori Deus.

69

Horatius: Nil ſine magno Vita labore dedit mor-  
talibus. & Vergilius: Labor omnia uincit improbus.  
Ferunt fabulæ, Iouem hominibus omnia uenalia expo-  
ſuiſſe, precium eſſe laborem. Dici nõ poteſt, quantum  
in re omni ualeat quantulacunq; ſedulitas, ut de formi-  
cis ſcribit Plinius.

Immodica imbecilla,

70

Modica firma.

71

Quum Theopompus rex Lacedæmoniorum Epho-  
ros regio imperio oppoſuiſſet, querenti uxori, quòd  
minorem filiis potentiam eſſet traditurus, quàm à pa-  
tre accepiſſet: Atqui firmiorem, inquit. Nodicum uc-  
rò cum mediocri eſt, tum moderatum: utròq; dictum  
pertinet.

pertinet. Et in omni uita res mediocres iucundiores ac stabiliores sunt, quam uastæ atq; immanes. Vnde illud Hesiodi: Dimidium plus toto: quia mediocritas nimie tate præstabilior, & Claudianus: Viuitur exiguo melius.

### 72 Magnus ope minorum.

Nemo ad magnitudinem peruenit, nisi auxilio minorum: quo grauius est illum infirmiores despicere, quorum adiumento eò euectus est, unde hoc ipsi facere liceret.

### 73 Vicit uim uirtus.

Virtus ut Deo cognata, uires omnes hominum infringit.

### 74 Scratuít fortunam uirtus.

Multis exemplis ostensum est, potentiorē esse uirtutem opibus, & casibus fortuitis, ut magni & excellentes uirtute uiri humanos casus sublimes & intrepidi calcarent, & quibus opes succubissent, ea uirtus superauit, uelut carcerem Socrates, Rutilius exilium, inimicitias potentum Cato, sed atrocissima dictu nostri martyres.

### 75 Fortitudo in fortunam, non homines.

Non est fortitudo cedere, sternere cladem hominibus asserre: hoc beluarum est, non hominum. Vera fortitudo est, uitia cohibere, fortuita despicere, nihil nisi  
pro-

probitatis timere iacturam.

Optima, cibus inuidiæ.

76

Inuidia non arrodit, nisi excelsa & optima: humili-  
lia, abiecta, uilia negligit, non sunt illi esui. Molestum  
est inuidiam ferre, & tamen molestius, nihil habere in-  
uidendum.

Inuidia sibi & alijs uenenum.

77

Alia perimit, sed primum seipsam: in cæteris inui-  
dia est iniquissima, in hoc æquissima, quod & illum tan-  
quam ueneno consumit, in quo est, & eum ulciscitur  
quem impetit.

Inuidia uipera.

78

Ferunt hanc edi, arrosis matris lateribus: ita prius-  
quam exeat, matrem perimit. Sic inuidia, primum om-  
nium enecat eum in quo gignitur, tum prodit uene-  
natissima fera.

Quod Deo & homini.

79

Æquum est nos ipsos uoluntati Dei præbere mo-  
rigeros, ac obsequentes: nobisq; idem placere, quod  
Deo: ne quis indignetur, aut improbet res sic aut ali-  
ter euenire, quum autor sit omnium Deus: nos quor-  
sum tendant ignari.

Da cæcus.

80

Accipe oculatus.

81

Decet eum qui dat, non meminisse beneficij, nec  
multum



multum spectare cui det, certè continuò oculos auertere, ne exprobrare aut imputare uideatur, aut laudem querere: cum uerò, qui accipit, intueri non tam inunus, quàm dantem, & semper meminisse gratiæ. Idcirco fingunt tres esse Gratiæ, duas nunquam retrospicere, tertiam semper priores intueri.

82 Bonus bonis & malis.

83 Malus nec malis, nec bonis.

Bonus & admirabilis, & charus est bonis & malis: malus uerò neutris.

84 Præsidium in innocentia.

Inter tot uitæ huius pericula, quàm reliqua omnia iniuriæ obnoxia sint, innocentia noceri non potest: tū & reliqua fluxa, & euanida, & infirma sunt: sola in nocentia efficit, ne aliquā uiolari possimus: nec quis quā alia re magis fidere, aut alia debet comparare suæ salutis munimēta, queis non tutus modò agat inter pericula, sed inter maximos terrores securus. Innocentia humanorū summum, inquit Plinius in Præfatione.

85 Matura.

Quod aliter dicitur, Festina tardè. Augusti uerbum apud Suetonium. Per quod intellige, debere in negotijs gerendis celeritatē tarditati admisceri, nec quicquam nimis properantur agi, nec nimis lētè. Hæc duo uerbo unico significari putant Matura, ut apud Salustium:

**Sallustium:** Nam prius quàm incipias, consulto: & ubi consulueris, maturè opus est factò. Quanquam in consulendo uelim suscipi plus tarditatis, in agendo autè, modò sit satis grauitèr deliberatum, plus celeritatis.

### Ciconiæ beneficium.

86

Ciconiæ hic est mos, ut unum è pullis relinquat ei domui, in qua est nidulata. Tum & parentes senio defectos tandiu & nutrit, & gestat humeris, quàm ipsa ab eis fuerat paruula atq; imbecillis educata, unde ἀνελπελαργεῖν. Ita optimè in eam collocatur beneficium, & in homines gratos, qui eius significatur nota, tametsi commodandum est cuicumq; possis. Quod uulgò nostrates dicunt, Benefac, nec spectes cui, sed gratis, potissimum propter exemplum.

### Comœdia uita humana.

87

Est enim seu ludis quidam, in quo unusquisq; agit personam suam. Danda est opera, ut moderatis affectibus transigatur, nec cruenta sit Catastrophe, aut funesta, qualis solet esse in Tragœdijs, sed læta, qualis in comœdijs, ideo additur.

### Ne uita tragœdia.

88

In qua turbulenta & sæua sunt omnia.

### Confide rectè agens.

89

Neminem metue innocens. Nam probò animo nemo potest nocere, & si corpori noceat, hætenus nocet,  
ut

ut animam ex eo tāquam ē carcere in libertatem emit  
tat, ueramq; uitam.

90 Veritas temporis filia.

Verum quod diu latuit, procedente tempore existi-  
sit & apparet, ne quis fidat mendacio, uel putet in oc-  
culto semper ueritatem fore. Cicero: Opiniorum com-  
menta delet dies, naturæ iudicia confirmat.

91 Lupus mendacio tempus.

Vorat enim, & absunit.

92 Veritas premitur, non opprimitur.

Laborat uerum, sed eluctatur tandem.

93 Mendacio comites tenebræ.

Tandem enim obscuratur, tum & amat tenebras,  
quibus tueatur sese.

94 Veritatis splendor comes.

95 Exilium inter malos.

Non est exilium à patria abesse, sed à bonis, & in-  
ter malos agere. Relegarant Sinopenses Diogenem Cy-  
nicum: Et ego illos relegaui, inquit Diogenes: quū hic  
Athenis uiueret, illi in Pontica barbarie.

96 Ne hilarem insaniam insanias.

Ex Seneca: quum quis mente abiecta, uel submer-  
sa, uoluptatibus se & delicijs mancipauit.

97 Inter spinas calceatus.

Admonet, non incautē agendum inter inimicos:  
quumq;

quumq; inimicis septa sit hæc uita, circumspectione & magna cautione opus est ad eam transigendam.

**Deum sequere.**

98

Vetus dictum ἐπὶ τοῦ θεοῦ. potest sic dici, Deus dux: ut illius & ductui atq; auspicijs te totū in hac uita militia permittas, & imperijs obtemperes, & exemplum æmulcris.

**Fama pluris quàm opes.**

99

Et iucundior est, & utilior. Multos uidemus magnis spoliatos opibus propter aduersam famam, alios propter secundū & fauorabilē rumorē locupletatos.

**Virtus pluris quàm fama.**

100

Res solida & firma, & perennitudo pluris estimāda est, quàm ficta, atq; adumbrata: & corpus quanto maioris, quàm umbra?

**Virtutis umbra gloria.**

101

Ex Socrate. Ideo compendiosa est ad gloriam per uirtutem uia.

**Oculus in pectus.**

102

In pectore est cor, sedes cogitationum. Perinde est ac si dicas, Nosce teipsum.

**Non extorquebis amari.**

103

Claudianus in Panegyrico sexti cōsulatus Honorij. Cetera extorquentur ui, amor non potest uis inferri.

**Tempus edax rerum.**

104

i Ouidij

Ouidij in Metamorph. 15. & Aristoteles : Omnia tempore contabescunt, & decidunt, præter Deum: & spiritus, quibus ille immortalitatem communicauit.

105 Subiecta Dei manu consistimus.

Nec angeli, nec animæ nostræ sunt natura sua immortales, sed uoluntate Dei: nec res ulla uel momentum duraret, nisi eam regentis Dei cura sustineret. Quo intolerabilior est in tanta infirmitate superbia, aut ingratitude, si non agnoscis cuius munus sit uita, & ea quibus intumescis.

106 Gloria uento discutitur.

Quam aliud non sit, quam flatus quidam.

107 Propter inuidiam uel opulentiam.

Inuidia, inquit Sallustius, ex opulentia orta est: ideo opes celandæ sunt, ne inuidiam nobis pariant: graue est enim eam ferre, quamuis innoxiam.

108 Honores onera.

Multæ curæ & sollicitudines suscipiendæ sunt, multi labores ad eundem constitutis in dignitate, aut honore, maxime quum illum student conseruare. Non minus erit uenustum, si dicatur, Fasces, fasces. Erant fasces magistratum Romanorum insignia, sunt & fasces sarcinae ac onera.

109 Virtutis radices altæ.

Ad fabiam

*Ad stabilitatem uirtutis pertinet, quum reliqua uix summo solo hæreant.*

**Mortalibus immortalia præferenda.** 110

*Vt uirtus & eius æternum præmium, diuitijs aut honoribus, quibusuis humanis affectibus.*

**Alata ætas.** 111

*Celerrimè enim auolat: Et fugiunt freno non remorante dies. Et hoc citius, si sit bona ætas: nam mala diutius immorantur, & premunt.*

**Fidens, non confidens.** 112

*Sperandum est bene, sed non stolidè, aut imprudenter: quumq; incerta sint omnia futura, nec in felicitate attollendus est animus, nec in aduersis contrahendus. Nec id tamen sperandum, aut aggrediendum quod maius sit uiribus, aut uerecundiæ terminos excedat.*

**Cuius pudebit, pigeat.** 113

**Ne feceris, quod factum nolis.** 114

*Finis in re omni spectandus est: stultumq; est id agere, quod postea multo redempturus sis. Ne feceris, quicquid parum proderit poenitentia.*

**Stulta de alienis superbia.** 115

*Videtur enim absonum, si ob eas te res extollas, quæ tuæ non sunt. Porro quid sit alienum, declaratur proximo symbolo.*

**Alienum quicquid adimitur.** 116

Quod

Quod tolli potest, nostrum non est, ut fortuita & corporea: solus animus est noster.

117 Quod commodauit fortuna, toller.

118 Quod mutuauit natura, repetet.

119 Quod parauerit uirtus, retinebis.

Commodata uidentur à fortuna, quæ eadem redduntur: mutuata à natura, quæ similia, non eadem: sed utraq; non diutius futura sunt apud nos, quàm creditor aut commendator permiserit. At uirtutis præclara facinora, quemadmodum inquit Sallustius, sicuti anima ipsa, immortalia sunt.

120 Princeps priuatis sublimior sentiendo.

Non decet principem aut opibus modò, aut potentia priuatos excellere: sed sensu quodam & opinionibus supra popularem captum sapientissimis, ut non moueatur exiguis & uilibus rebus, sicut plebecula, sed sit in eo, ut dignitas, ita sapientia quædam singularis. Indignum enim est, eos, quibus cæteri parent, non melius de rebus censere, quàm uulgus imperitorum hominum.

121 Princeps multis consulendo.

Hoc denum est principem agere, publicas utilitates suis antepone, existimareq; neminem esse inter subditos, cuius cura peculiariter ad se non pertineat. Itaq; princeps officium suum implet, propria commoda &

da & proprios affectus exuendo, induendo, commu-  
nes. Idcirco enim electi sunt principes, ut essent qui  
suis priuatis soluti curis, publicis excubarent. Licebit  
& sic dicere: Officium est imperare, non regnum.

**Tu tibi uenerabilis.**

122

Ne quid turpe uel agas, uel cogites, reueritus te-  
ipsum.

**Malum occultum, perniciosissimum.**

123

Non enim potest aut pœnitundine deleri, aut casti-  
gatione tolli, aut explicatione leuari, aut consolatione  
leniri, siue sit delictum, siue affectus aliquis.

**Non quandiu, sed quàm bene.**

124

Ad uitam & actiones omnes pertinet. Multis bre-  
ue tempus seu uitæ contigit, seu quid aliud agendi: ne-  
mini adempta est in quantuloquocunq; tempore facultas  
rectè se in eo gerendi, quod instituit. Ideo non refert,  
quantum sit ei diuturnitas, sed qualis administratio: nec  
uitam, ut sit bona, longam esse oportet, uel in uno mo-  
mento sanctissime licet uiuere.

**Nomen præ opibus.**

125

Pluris enim faciendum est bonum nomen, quàm di-  
uitiæ multæ, iuxta sententiam Solomonis.

**Odiosus, modò immeritò**

126

Ne cures, quòd odio habearis, modò id culpa tua  
non contingat, quòd aliquid ipse feceris odio dignum.



127 Ingratitudo multis immerētib. noxia.

Cessant enim homines benefacere, si in ingratos inciderint. Ita gratos recusant experiri, ab ingratīs laesi. Idcirco lex erat in Græcia aduersus ingratos, quod id uitium uideretur communioni, & societati hominum uehementer damnosum.

128 Iniuria obliuione ulciscenda.

Non est uerior aduersus iniuriam ultio, quàm si obliuiscaris ei: sic enim nec animum uret, nec magis ledet, quàm si fœta non esset.

129 Præcipitis consilij assecla poenitentia.

Multum enim cogitandum & deliberandum est, antequam statuas. Sententia ex Platone sumpta.

130 Quod uni, & omnibus.

Pari sumus omnes creati lege: quicquid uni euenit, potest & omnibus euenire: ne quis quum aliena uidit mala, securus agat.

131 Ne ferrum igni.

Non est ira ferro armanda. Ex Pythagoræ symbolis.

132 Lachrymis ignis extinguendus.

Iram contra te lachrymis & poenitentia, & petitione ueniae placato, non solum Dei, sed etiam hominum, Non est turpe ueniam precari, turpe est Deum aut hominem habere inimicum,

Fasti

**Fastigio caput summitte.** 133

Potentia cede: ne cum opulētiore, aut maiore, aut meliore contendito.

**Falso nomine non gaudendum.** 134

Fluxum est enim, & momentaneum: nec iuvat, quā reclamet conscientia.

**Amicus, ut non alius.** 135

**Inimicus ut non idem.** 136

Amicus sic amandus est, sic colendus, sic cum eo uersandum, ut non putes posse inimicum fieri: inimicum uerò sic oderis, tanquam aliquando amicus sit futurus: in quo damnatur à Cicerone sententia Biantis Prienæi, quam sequutus est in Mimis Publius.

**Quod uideri uis, esto.** 137

Nulla uia facilior, non idem ualent fucata & simulata, quod uera & solida: magna istis inest uis, infirma sunt illa.

**Oculum in metam.** 138

Spektandus est in rebus omnibus finis & exitus, ne presentibus periculose decipiamur.

**Nocens metuit poenam.** 139

**Innocens nec casum.** 140

Nocens stimulante conscientia, metuit paratam legibus poenam: innocens fiducia conscientia nec humanas casus pertimescit; quoniam sua omnia in se uno,

hoc est, in animo & uirtute posita esse ducat: tum & illū sequitur, illi fidit, in cuius manu sunt casus omnes.

141 Excusanda seruitus sub necessitate.

Non dico honesta, ut Publius, sed excusanda: causam enim probabilem potest asserre, cur seruiat, quia necessitate impellitur. Sed multum interest, quā quisque fingat sibi necessitatem.

142 Ne apud uincaris hoste.

Vt uoluptatibus, libidinibus, cupiditatibus, ira, & ceteris uitijis.

143 Turpibus ne seruito.

Vt uitijis, & malis hominibus, quorum consuetudine sis peior, & eorum sceleribus uideris esse administer.

144 Amicum inimicum fugito.

Hoc est, assentatorem, fucatum amicū, & eum qui sub amicitiae nomine odit, aut contemnit, aut inuidet: sunt enim, qui amicos infelices diligunt, felicibus invident. Tum illos potissimum fugito, qui amorē simulant, quum insidientur probitati & uirtuti: aut qui familiaritate ostensa, labem & ignominiam efferunt: quicquid ad flagitia & facinora uel exhortantur, uel incitamento sunt exemplo sui.

145 Ne lingua mente celerior.

Cogitandum prius quid loquaris. Velocissimus datus est

tus est animus, ne quid possit cum prauertere, si uelit;  
debet hic esse linguae clauus.

**Bellum cum uitij.**

Non cum hominibus debet geri bellum, nec uires  
ac robur in eos ostentandæ, sed in uitia, qui sunt ueri  
hostes nobis exitiabiles.

**Diuitiæ iniuriæ pignora.**

Ex Eucherio Lugdunen. Multis fit iniuria, tantum  
ut tollantur opes, expilantur à furibus, spoliantur à  
latronibus, & cæduntur: in hos calumniatores inua-  
dunt, in hos iudices acriter cognoscunt, & animaduer-  
tunt: præsertim in ijs criminibus, ob quæ fortunæ adi-  
muntur, in quibus nulli tutiores sunt, quàm qui quod  
perdât nō habent. Nulli periculo propiores diuitibus.

**Bona ad benefaciendum.**

Non conuenit bona uel animi, uel corporis, uel ex-  
terna data esse homini ad nocendum, nec ad malefa-  
ciendum tributa sunt, quod nomen ipsum indicat, ut et  
sibi profint, & alijs.

**Maximæ opes, prodesse.**

Nihil iucundius ipsi, qui id facit, nihil eidem tutius,  
nam qui profuit multis, hunc tuentur multi.

**Thesaurus gratia boni.**

Magnus est thesaurus gratia, quàm uir bonus de-  
bet pro beneficio.

## 151 Quod uides, non diu.

Quaecunq; in uita cernis, non diu cernes: aut enim illa interitus auferet, aut te.

## 152 Ut uerax, ne suspicax.

Ex Eucherio. Qui enim suspicax est, facile quæ cōperta non habet, affirmabit: ita mentietur affectus impulsu.

## 153 Non diues, ni contempnas.

Ex Seneca. Nemo enim suis diuitijs, ut oportet utitur: nec fructum ex eis ullum capit, qui noctes & dies pro illis est sollicitus: qui uerò possidet tanquam alienas, hic demum tanquam suis fruitur. Nullum bonum inuat animum, nisi ad cuius amissionem ipse paratus est: hinc illud Mimi: Despicere oportet, quod possis perdere.

## 154 Expende.

Singulorum pondus & precium aestimandum, tum quæ dicturus, quæq; acturus, exordia, progressus, exitus rerum.

## 155 Sine querela.

Viuentum ita, ut non sit cur uel de te quisquam cōqueratur, uel ipse de quoquam, aut de fortuna: nec ipse cuiquā facias iniuriam, nec factam tibi credas. Seneca de tranquillitate uitæ: Assuescendum itaq; conditioni suæ, & quàm minimum de illa querendam, & quicquid

quid habeat circa se commodi, apprehendendum. Nihil tam acerbum est, in quo non æquus animus solatiū inueniat. Hoc est symbolum nostrum.

**Frenum in lingua.**

156

Ne soluta dicat, quod noceat: unde infrenes nominantur.

**Ne bos in lingua.**

157

Allusio ad uetus prouerbiū. Bos moneta erat nummi Attici, & hinc ipse nummus sic appellabatur. Qui tacebant precio conducti, dicebantur loqui non posse, quod bouem haberent in lingua. Simile est illud, quod in Demosthenem mercede tacentem, quum anginam causaretur, quidam dixit: Non anginam patitur, sed argentanginam.

**Accuratè cogita immutabilia.**

158

Multum deliberandum est antequam facias, quod factum mutari non poterit: ut, ducere uxorem, sacris initiari, aut bellum suscipere, aut prælium cōmittere. Potest etiam aliò referri, ut multū de æternis illis post uitam cogitemus, quo sanctius hic uiuamus.

**Longius, modò tutius.**

159

Ad uitam spectat, ad tempus etiam, ne sectemur dispendiosa compendia uel in eruditione, uel in parandis opibus, aut eiusmodi. Augustus solitus erat dicere: Sat citò, si sat bene.

Populo

150 Populo cede, non pare.

Non est cum multitudine pugnandum, belua multiplici, sed nec eius opinionibus assentiendum.

151 Et pilo sua umbra.

Nullus est tam contemptibilis, qui non et prodesse in loco, et quod facilius est, nocere possit, ideo nemo contemnendus.

152 Hospes ne curiosus.

In aliena domo, in aliena ciuitate decet unumquemque modeste se gerere, nec curiose se interponere in administratione, multo magis conuenit nos in hoc mundo, minime sollicite aut curiose agere, in quo plane hospites sumus, seu exules uerius.

153 Cæde, modo doce.

Ex amore, sciendi dictum à Diogene Antistheni, cum is sustulisset baculum, ut discipulum cederet molestum sciscitatore.

154 Magnum hospitium magni hospitis.

Non potest esse exiguum hospitium, quod implet magnus hospes, nec contemnendum id corpus, quod inhabitat excellens animus.

155 Tota uita dies unus.

Ex Quintiliano in Mathematico, Si omnia uite huius diligenter excutiantur, quid aliud est uita tota, quam dies unus? aut quid est in uniuersa uita, quod  
non

non sit in quouis die? ut mirandum sit, non exatiari homines eisdem toties redeuntibus.

**Diarii omnes.**

165

Ex superiore pendet, & ad breuitatem ætatis refertur.

**Ex usu, non collatione fortuna.**

167

Vt sis diues, non spectandū est tibi quantum alij possideant, sed quanto tu egeas.

**Maiores superbus, minores mœstus.**

168

Ad minuendam superbiam spectet quisq; præstantiores se, in eo de quo intumescit, ad leniendum mœrorem, infeliciores in eo de quo tristatur.

**Foris Argus, domi talpa.**

169

In eos, qui in aliena mirè oculati sunt, ad sua cæci. Argus centoculus fuit, talpa est cæca. Fabella est de manticis apud Aesopum & Persium, quarum altera dependet ad pectus, in qua sunt aliena uitia, altera ad tergum, in qua nostra. Potest etiam dici, Domi Tiresias, foris lynx.

**Nenimum scrutare.**

170

In eandē sententiā, & sic, Nec molestus percōtatur.

**Certum incerto.**

171

Nihil est uita incertius, in hac paranda est uirtus, certissima possessio, intuenda altera illa immortalis, cogitanda mors, qua nihil est certius, nane & incertæ  
ffes



spes, & sollicitudines dimittere, ut quibus (quæadmodum Anilius inquit) dum quærimus æuū, perdamus.

172 Voluptates spectata abeuntes.

Nam quum adueniunt, delectant, ideo pulchræ iucundæq; existimetur: recedentes turpitudinem ac fœditatem suam produnt. Fossset sic affirmari, In uoluptate dorsum, non faciem. Videbis fœditatem earum, & pœnitentiam quam relinquunt: sic fiet, ut eas auerferis ac detestere.

173 Voluptas malorum esca.

Platonis sententia: Malus capitur uoluptate, bonus consilio: bono uiro Deus est lex: malo, cupiditas.

174 Falle uiuens sed non te

Vetus erat, λαθε βίωσας. Putant fuisse dictū Epicuri, de quo Plutarchus, & horatius: Nec uixit malè, qui natus moriensq; sefellit. Addendū tamen, ne quis seipsum in uita ignoret, & si ab alijs ignoretur.

175 Non refert, quā, sed quò.

Nihil refert quā transeas in hac peregrinatione uita, sed quò peruenias: in omni loco, in omni fortuna licet rectè agere, & illò peruenire quò intendimus.

176 Scopulus in undis.

Vt sit in animo tanta firmitas, quam undæ omnes, & fluctus humanorum casuū concutere non ualeant, semper immobilis, & altior fortuna.

Miserri-

Miserrimum pendere.

177

Inter spem & metum suspensum esse, miserrimum,

Ne bis puer.

178

Antiquum prouerbium, Bis pueri senes, de senibus deliis & dementibus, admonet, ne in grandiore etate uiuamus, aut sapiamus pueriliter.

Ne laborem citra præmium. Et,

179

Ne laborem laboris præmium.

Laboris in res mundanas uel præmium est nullum, aut certè uanitas, uel alter labor honestior quidem sed molestior, ut qui dignitates dignitatibus mutant. Sic clamat Hercules ille in tragœdia: Finis unius mali, gradus est sequentis. Interim præmium horum laborum est sempiternus cruciatus, sicut Paulus inquit: Stipendia peccati, mors.

Pertuso dolio, nihil infunde.

180

Allusio ad dolium Danaïdum apud inferos, ut habent fabulæ. Ad multa tendit, ne quid des prodigo & profuso: ne rimosæ auri, & loquaci arcanum credas, ne cupiditatibus inseruias, ne uoluptatibus obsequaris, ne insatiabilibus largiri assuescas.

Turpe gigantem in nano.

181

In tam pusillo corpore, quantum natura dedit hominibus, tam fragili & infirmo turpissimum est esse

ten

tam ferum & superbum animum, qui stultitia & superbia coelos etiam contingat.

182 Difficilis gloriæ custodia.

Quam multa perferenda sunt studioso gloriæ, ut paretur, ut parata conseruetur: maior perpetiunda est scruitus, quam emptis de lapide: quam gloria nisi fundamentis uirtutis innitatur, fugacissima sit.

183 Malus potentiæ custos metus.

Fragiles opes, quas multi metunt, ac proinde oderunt. Sententia est omnium serè sapientum, quam tractat in officijs Cicero.

184 Nescis quid uesper serus uehat.

Futura incertissima, ne quis nimium uel confidat, uel desperet. Dictum est Varronis, qui sic Satyras aliquot suas inscripsit. Eodè refertur, Inter os & offam.

185 Faciem ne aperias.

Tecta est facies humana uerecūdia, quod solum uealamentum reliquit ei natura. Non est exuenda tā honesto tegumento, nihil enim inuerecundia detestabilius.

186 Manum per frontem ne ducito.

Allusi ad illud, perfricare frontē, siue faciem, siue os. De ijs dictum, qui pudorem excutunt.

187 Splendor summus non intueendus.

Solem si sereno cœlo intuearis, nocet oculis, interdum excæcat: sic si diuinitatis fulgorem tentes contemplari

plari, oculos mentis amittes. Qui scrutatur maiestatem, inquit Sapiens, opprimetur à gloria: non capiunt angustie mentis humanæ rem tam sublimem atq; amplam. Non uidebit me homo, & uiuet, ait Deus: adoranda sunt hæc, non scrutanda.

**Linguas ne præscinde, sed caue.**

188

Non est libertas hominibus tollenda: nam sicut Augustus dixit: Decet in liberis ciuitatibus liberæ esse linguas: sed sic uiuendum, ne sit cur homines suam in te libertatem uelint exercere.

**Ora uirtute obtura, non metu.**

189

Eodem spectat: Nō claudenda sunt ora metu, operculo fragili & inualido: bene agendo efficies, ne quis malè de te sentiat, ac proinde nec loquatur.

**Cogitatus liber.**

190

Nemo prohibere potest quenquam cogitare.

**Cogitatus quis coget: uis ueritatis.**

191

Hæc enim suspensiones oēs tollit, et tãta est, ut ultra in mētes hominū se insinuet, efficiatq; ut nemini aliter libeat cogitare, sæpe nec liceat. Ideo rectè agēdū est: nō aliter assequemur, ut omnes de nobis rectè sentiant.

**Homo homini par.**

192

Ne quis supra hominem se efferat, ne contemnat, ne despiciat, ne se præferat alteri, quum sinus omnes à Deo parente omnium æquo iure conditi, & in hanc

h

uitam

uitam miſſi. Poſeſt etiam ex Seneca ſic dici : Deo im=  
perium, homini conſortium.

193 Suauiffimus poſt laborem fructus.

Sic demum frui iuuat, quum res labore quaſita eſt :  
ut moleſtia præterita uſu præſenti leuetur, Vulgare  
eſt, Parta labore iuuant.

194 Animo corpus fulciendum.

Non ſuccumbendum operibus honeſtis, & defici=  
entibus corporis uiribus : animi conatus tantus ſit, ut  
labens ac decidens corpus ſuſtentet, ex Seneca lib. de  
Vita beata.

195 Nocēs ſe iudice nunquam abſoluitur.

Semper enim accuſatur & condemnatur à conſci=  
entia mentis ſuæ. Iuuenal. Exemplo quodcunq; malo  
committitur, ipſi Diſſicet auctori: prima hæc eſt ultio,  
quòd ſe iudice nemo nocens abſoluitur. De hac re Ci=  
ce. in Piſonem, & pro Roſcio Amerino, & Seneca  
multis in locis. Apud Quintil. eſt illud præuerbij loco,  
Conſcientia mille teſtes:

196 Ebrietas nec madida, nec ſicca.

Ebrietas madida eſt, quæ ſit ex uino aut ceruiſia:  
ſicca uerò, quæ affectu aliquo immodico, cum is uim  
omnem mentis et iudicij conſopiuir, ut ira, lætitia, me=  
tus, inſolentia ex immodicis fortunæ ſucceſſibus: arro=  
gantia, voluptates, & omne delectamentorum genus,  
quam

quam ebrietatem Græci uocant *αἰνωση*, quasi inuiam. Vtraq; cauenda, utraq; hominem extra se pellit, & impotem sui reddit.

**Potentio rem in te ne admittito.**

197

Consuetudo uitiorum, & qui à philosophis habitus dicitur, à Græcis *ἔθης*, uolentissimus est tyrannus, quum animum occupauit. Ideo magnopere laborandum est, ne quis talis in nobis inualescat: non erimus nostri iuris illo admissio. Idem dicendum de multis perturbationibus, ut ira, ut auaritia, sed potissimam ludi cupiditate, amore, & uoluptate.

**Precibus emptum charum.**

198

Vulgare dictum. Cicero: Emere malo, quàm rogare. Idem Apuleius in Florid. Magnum premium sunt preces, quippe illis additur uerecundia. Sic igitur te compara, ut paucis egeas, quò pauca roges: & rogatus magnum te credito accepisse premium eius quod rogaris, ne sis exoratu difficilis.

**Quiesce nihil acturus.**

199

Dictum Attilij, quod citat Plinius Nonocomensis: Satius est ociosum esse: quàm nihil agere. Nihil agere, est rem inutilem, aut non successuram tractare; consultius est quiescere, quàm id agere.

**Ingenium in exercitatum, torpidum.**

200

Cato ingenium hominis dicebat ferro esse simile,

b z quod

quod ex usu splendescit: at in ocio, rubigine obducitur  
 & exeditur. Exercendum semper ingenium: ocia enim  
 fraciſſ. uitiorum seminarium, sed honesto aliquo &  
 pulchro opere, uelut eruditione & uirtute: nam rebus  
 flagitiosis aut turpibus exercere, hoc uerò nō exerce-  
 re est, sed corrumpere, de quo est sequens symbolum.

201 Ingenium situ pereat, non sentibus.

Præstat ociosum degere, quàm malis exercitamen-  
 tis occupari.

202 Nullus sine linea dies.

Ex uetere dicto, & more Apellis Cœ pictoris, qui  
 tanta fuit in arte sua diligentia, ut nullus præteriret  
 dies tam alijs rebus occupatus, in quo non ipse saltem  
 lineam aliquam penicillo duxisset. Et erat olim maxi-  
 ma pars artis in lineis tenuissimè ducendis sita. Ad-  
 monet, non debere diem ullum abire, in quo nō aliquid  
 dignū homine egerimus: opus uidelicet ingenij, uel ad  
 eruditionem, uel ad prudentiam, uel ad probitatem et  
 pietatem spectans: quem dicunt fuisse Censorij Catonis  
 morem. Is uerò qui alijs artibus uitam quærun, ali-  
 quid esse in sua cuiq; arte quotidie exercendum.

203 Calumniæ morsui remedium nullum.

Nullum ferè est tantum malum, cui natura reme-  
 dium non pararit, saltem fuga: atqui calumnia &  
 clam mordet, & antè occidit, quàm sentiatur.

Bene

**Beneuoli multi, consiliarii pauci.** 104

Ex Solomone. *Multis bene et uelis, & facias, arcam tua ne cuius committas, ne quemlibet consule. Dege, quo possis in hanc rem tutò & cum fructu uti.*

**Iustitia gratuita.** 105

Ex Cicerone, primo de Legibus: *Nihil est iniustius, quàm iustitiæ præmium querere: & qui mercede est uir bonus, mercede etiam erit malus.*

**Misericordia uenalis, crudelis.** 106

*Crudele est, cum qui sic affectus est, ut misericordia indigeat, cogere aliquid pendere, quo subleuetur. Est enim acerbus & immitis animus, quem non flectit hominis calamitas, sed suum commodum.*

**Bonorum rector, malorum uictor.** 107

Ex Seneca, epist. 85. *In secundis rebus regendū est, in aduersis pugnandū. Fortuna prospera gubernanda arte, cōsilio, prudentia, ingenio: irata retundenda magno robore, & inuicto animo superanda & calcanda.*

**Quod inuenisse pigeat, ne quæras.** 108

*Satius est id ignorari, ut probrum domesticum, tristem sortem à diuinaculo: quæ si prædicatur, nihil aliud quàm angit assiduò cor.*

**Tantum scis, quantum operaris.** 109

*Ferunt uerbū hoc fuisse frequens Diuo Francisco ita est. Verius scit uir bonus & rudis, quid sit uirtus, quàm*



quàm malus & doctus: & in rebus sacris CHRISTI spiritus copiosissimè præbet se pijs. Quid prodest malo scientia? nec verè scit, tametsi argutè differat: nam in peccato semper inest cæcitas. An non melius novit quid sit pingere, qui imperitè de pictura disputans, peritè pingit: quàm qui doctissimè disputans, indoctissimè & lineas ducit, & colores inducit?

210 Persona publica priuatam depone.

Cui magistratus, aut imperiū, aut principatus mandatur, is sciat iā nō sibi suas utilitates querēdas, sed populi, cui præest: sic optimè publicū officiū administrabit, alioquin fiet tyrannus. Deberet pro curiarū foribus dictū aliquod in hāc sententiā inscribi, quo admoneretur magistratus, & eorū cōsultores: Huc ingrediens, personā priuatam relinque in limine, publicam sume.

211 Paruo fames constat, inagno fastidium.

Nature paucis rebus satisfit, fames exiguo cibo placatur & tollitur: ingentes mensæ fastidium adferunt & morbos.

212 Vnum est necessarium.

Verbum Domini & Seruatoris nostri CHRISTI, ad augendam curam pietatis, & minuendam sollicitudinem rerum periturarum. Procuratio & cibi, & potus, & rei familiaris, in qua Martha uersabatur, utilis quidē homini ad tēpus: at sedere ad pedes Domini, & uerbum illius parvis animis haurire, quod erat  
Magda

Magdalene munus, id demum necessarium, & quod nunquam aufertur. Cum omnia siue ingenij decora atque ornamenta, siue corporis atque externa commoda expendere, intelliges unum esse homini necessarium. **Mente Deo defixus.**

213

Hoc symbolum tam fausto omine ponetur ultimum, quam illud primū, Scopus uite, **CHRISTVS.** Ipse est initium, ipse finis, ab ipso proficiscuntur omnia, in ipsum tendunt. Huic oportet nos affigamus, si uolumus beati esse, non alio clauo, quam mente ipsa. Possunt alia permulta Symbole deduci ex Platone, Cicerone, Seneca, Horatio: sed præcipue sacris literis, fonte ut copiosissimo, ita liquidissimo ac purissimo, & scriptoribus nostræ religionis. Adsunt prouerbia tot, & metaphore, & allegorie, fabule quoque & historiae, quæ suppeditare magnum numerum possunt: et nostra hæc mutari, atque in alias uerti formulas licebit, & ex scholiolis alia desumi. Quocirca nec illa attingi, quæ sunt omnibus in ore, Nosce te ipsum, Ne quid nimis: Sponde, iactura præsto est, quæ dicuntur tria Apollinis oracula: & Dimidium plus toto, quod Hesiodi: tum, Sustine & abstine, quod Epicteti. Hæc quæ posui, sufficientes siue ad sententiarum copiam, quæ omnes penè his sunt conclusæ, siue ad rationem ostendendam, quænam admodum alia possint innumera excogitari.

F I N I S.

k 4

D. ERA

D ▶ ERASMI RO=  
 TERODAMI DE RATIONE  
 STVDII, AC LEGENDI INTER=  
*pretandiq; autores, Libellus uerè*  
*aureus.*

DES. ERASMVVS ROTE=  
 RODAMVJ PETRO VITERIO,  
*liberalium disciplinarum profes=*  
*sori eximio, S. D.*



AE tu remistam, mi PETRE  
 suauissime, & perspicis acute, &  
 grauitè uereq; iudicas, plurimùm  
 referre qua ratione, quoq; ordine  
 quid instituas, idq; maximum ha-  
 bere momentum, cum cæteris in  
 rebus omnibus, tum uero præcipue in bonarum  
 studijs literarum. An non uidemus ingentia  
 pondera, si artem adhibeas, minimo tolli nego-  
 tio, quæ nullis alioqui uiribus moueri poterant?  
 Quemadmodum & in bello non perinde refert,  
 quantis copijs, quantisq; uiribus hostem adoria-  
 ris, ut quam probe instructo exercitu, quo con-  
 silio, quoq; ordine pugnam capeffas. Ac multo  
 celerius quo tendunt, perueniunt ij qui semitas  
 com

compendiarias norunt, quam qui amnem (ut ait Plautus) ducem sequuntur, & uel contempto Pythagora τῆς λεωφόρου ingrediuntur, uel uarijs etiam errorum ambagibus circumaguntur. Proinde rogas, ut tibi studiorum ordinem, ac uiam formamq; prescribam, quam tu ueluti Thesei filium secutus, & in autorum labyrinthis citra errorem uersari queas, & ad eruditionis summam celerius emergere, uel magis aliorum studijs consilere, quos bonis literis instituis, quandoquidem ipse iam propemodum ad eruditionis fastigium peruenisti. Equidem pro mea certe uirili non grauatim parebo homini tam amico, ut nephas sit quiduis etiam flagitanti negare, nedum rem tam honestam, tamq; frugiferam.

Quod si senseris nostrum hoc consilium tibi commodo fuisse, tui candoris erit, & alijs ad bonas literas enitentibus, digito uia indicare. Vale,

h y

PRIN



**P**RINCIPIO duplex omnino uidetur  
 cognitio, rerum, ac uerborum. Verbo-  
 rum prior, rerum potior. Sed nonnulli  
 dum ἀνίπτοις (ut aiunt) ῥωοὶ ἢ ad  
 res discendas festinant, sermonis curam  
 negligunt, & male affectato compendio, in maxima  
 incidunt dispendia. Etenim cum res non nisi per uo-  
 cum notas cognoscantur, qui sermonis uim non calle-  
 at, is passim in rerum quoq; iudicio cecutiat, hallu-  
 cinetur, deliret necesse est. Postremò uideas nullos  
 omnium magis ubiq; de oculis cauillari, quàm eos,  
 qui iactitant sese uerba negligere, rem ipsam spectare.  
 Quapropter utroq; in genere statim optima, & qui-  
 dem ab optimo, & quidem ab optimis sunt discenda.  
 Quid enim stultius, quàm magno labore discere,  
 quæ postea maiori cogaris dediscere? Nihil autem  
 facilius discitur, quàm quod rectum ac uerum est.  
 At praua si semel inhæserint ingenio, dictu mirum  
 quàm non possint reuelli. Primum igitur locum gram-  
 matica sibi uendicat, eaq; protinus duplex tradenda  
 pueris, Græca uidelicet, ac Latina: Non modò quòd  
 his duabus linguis omnia firmè sunt prodita, quæ di-  
 gna cognitu uideantur, uerumetiam quòd utraq; al-  
 teri sic affinis est, ut ambæ citius percipi queant con-  
 iunctim, quàm altera sine altera, certè quàm Latina  
 sine Græca. A Græcis auspiciari nos mauult Quin-  
 tilianus,

tilianus, sed ita, si his literis perceptis, non longo intervallo latinæ succedant: sanè utraq; pari cura tuendas esse monet, atq; ita futurum, ut neutra alteris officiant. Ergo utriusq; linguae rudimenta, et statim, et ab optimo præceptore sunt haurienda: qui si fortè non contingat, tum (quod est proximum) optimis certè utendum autoribus, quos equidem per paucos, sed delectos esse uelim. Inter Græcos grammaticos nemo non primum locum tribuit Theodoro Gaze: proximum, mea sententia, Constantinus Lascares sibi iure suo uendicat. Inter Latinos uetustiores Diomedes. Inter recentiores haud multum uideo discriminis, nisi quòd Nicolaus Perottus uideatur omnium diligentissimus, circa superstitionem tamen. Verùm ut huiusmodi præcepta fateor necessaria, ita uelim esse, quoad fieri possit, quam paucissima, modò sint optima. Nec unquam probavi litteratorum uulgus, qui pueros in his inculcandis complures annos remorantur. Nam uera emendatè loquendi facultas optimè paratur, cùm ex castigatè loquentium colloquio conuictiq; tum ex eloquentium autorum assidua lectione, è quibus ij primum sunt imbibendi, quorum oratio præterquam quòd est castigatissima, argumenti quoq; illecebras aliquas discentibus blandiatur. Quo quidem in genere primas tribuerim Luciano, alteras Demostheni, tertias Hero-

doto.

doto. Rursum ex Poëtis primas Aristophani, alteras Homero, tertias Euripidi. Nam Menandrum, cui uel primas daturus eram, desideramus. Rursum inter Latinos quis utilior loquendi autor, quam Terentius? purus, tersus, et quotidiano sermoni proximus, tum ipse quoque argumenti genere iucundus adolescentiæ. Huic si quis aliquot selectas Plauti Comœdias putet addendas, quæ uacent obscœnitate, equidem nihil repugno. Proximus locus erit Virgilio, tertius Horatio, quartus Ciceroni, quintus C. Cæsari. Sallustium si quis adiungendum arbitrabitur, cum hoc non magnopere contendere, atque hos quidem ad utriusque linguae cognitionem satis esse duco. Neque enim mihi placent, qui in euoluendis hunc in usum autoribus etiam quibuslibet uitam omnem conterunt, prorsus infantem existimantes eum, quem ulla chartula suffugerit. Ergo parata sermonis facultate, si non luxuriosa, certe casta, mox ad rerum intelligentiam conferendus est animus. Tamen si ex his quoque scriptoribus, quos expoliendæ linguae gratia legimus, non mediocris obiter rerum quoque cognitio percipitur, uerum ex instituto omnis ferè rerum scientia à Græcis autoribus petenda est. Nam unde nā haurias uel purius, uel citius, uel iucundius, quam ab ipsis fontibus? Sed quo ordine disciplinæ discendæ sint, et ex quibus potissimum præceptoribus, id aliàs fortasse rectius ostendemus. Interim ad primæ ætatis studia

studia reuertamur. Vt igitur ex his autoribus unde linguae copiam petendam esse diximus, fructum capias, & maturius & uberius, Laurentium Vallam tibi censeo diligenter euoluendum, qui de Latini sermonis elegantia scripsit elegantissime. Huius adiutus præceptionibus, ipse per te non pauca annotabis. Neque enim te uelim per omnia uelut additum, Laurentianis seruire præceptis. Adiuvabit hoc quoque, si figuras grammaticas à Donato ac Diomede traditas edidiceris, si carminis leges ac formas omnes tenueris, si Rhetorices summam, hoc est, propositiones, locos probationum, exornationes, amplificationes, transitionum formulas in promptu habueris. Conducunt enim hæc non solum ad iudicandum, uerumetiam ad imitandum. His itaque rebus instructus, inter legendum autores non oscitanter obseruabis, si quod incidat insigne uerbum, si quid antiquè aut nouè dictum, si quod argumentum, aut inuentum acutè, aut tortum aptè, si quod egregium orationis decus, si quod Adagium, si quod exemplum, si qua sententia digna quæ memoriæ commendetur. Isque locus erit apta notula quapiam insigniendus. Notis autem non solum uarijs erit utendum, uerumetiam accommodatis, quò protinus quid rei sit admoneant. Ad hæc si quis dialecticæ addendam statuet, non admodum refragabor, modò ab Aristotele eam discat, non ab isto loquacissimo sophistarum genere, neque rursum  
ibi



ibi desideat, et uelut ad scopulos ( ut inquit Gellius )  
apud Syrenes consenescat . Verum illud interim me a-  
mineris, optimum dicendi magistrum esse stylum. Erit  
hic igitur in carmine, in oratione libera, in omni ar-  
gumenti genere diligenter exercendus. Neq; negligē-  
da memoria, lectionis thesaurus. Eam tametsi locis &  
imaginibus adiuuari non inficior, tamen tribus rebus  
potissimum constat optima memoria, intellectu, ordi-  
ne, cura. Siquidem bonæ memoriæ pars est, rem peni-  
tus intellexisse. Tum ordo facit, ut etiam quæ semel  
exciderint, quasi postliminio in animum reuocemus.  
Porro, cura omnibus in rebus, non hic tantum pluri-  
mum ualet. Itaq; quæ meminisse uelis, ea sunt atten-  
tius ac crebrius relegenda, deinde sæpius à nobis ipsis  
exigenda, ut si quid fortè suffugerit, id restituatur. Il-  
lud minutius, sed tamen haud indignum quod admo-  
neatur. Adiuuabit non mediocriter, si quorum neces-  
saria quidem, sed subdifficilis erit memoria, ueluti lo-  
corum quos tradunt Cosmographi, pedum metricorū,  
figurarum grammaticarum, genealogiarū, aut si quæ  
sunt similia, ea quàm fieri potest breuissimè simul, &  
luculentissimè in tabulis depicta, in cubiculi parieti-  
bus suspendantur, quò passim & aliud agentibus, sint  
obuia. Item, si quædam breuiter, sed insigniter dicta,  
uelut apophthegmata, prouerbia, sententias, in fron-  
tibus, atq; in calcibus singulorum codicum inscribes,  
quædam

quædam annulis aut poculis insculpes, nonnulla proforibus, & in parietibus, aut uitreis etiam fenestris depinges, quò nusquam non occurrat oculis, quod eruditionem adiuvet. Hæc enim tametsi singula per se pusilla uideantur, tamen in unum collata acervum, doctrinæ thesaurum lucro augent, haud quaquam negligendo τῶν εἰς ἀφρονόμην σπένδοντι, id est, his opibus properanti ditescere. Postremò illud non ad unum aliquid, sed ad omnia simul plurimum conducet, si frequenter alios quoq; doceas. Nusquam enim melius deprehenderis quid intelligas, quid non. Atq; interini noua quædam occurrunt commentanti, disserentiq; nihil non altius infigitur animo.

F I N I S.

# EIVSDEM DE RATIONE INSTITVENDI DISCIPVLOS.



ED uideo te cupere, ut de docendi quoq; ratione nonnihil attingamus. Agè, mos geratur Viterio: quanquam uideo Fabium hisce de rebus diligentissimè præcepisse, adeò ut post hunc  
de iisdem

de iisdem scribere prorsus impudentissimū esse uideatur: Ergo qui uolet instituere quempiam, dabit operā, ut statim optima tradat: uerum qui rectissime tradat optima, is omnia sciat necesse est: aut si id hominis ingenio negatum est, certē uniuscuiusq; disciplinæ præcipua. In hoc non ero contentus decem illis, aut duodecim autoribus, sed orbem illū doctrinæ requirā, ut nihil ignoret, etiā qui minima paret docere. Erit igitur huic per omne scriptorū genus uisandum, ut optimum quēq; primum legat, sed ita, ut neminem relinquat ingustatum, etiā si parū bonus sit autor. Atq; id quò cumulatiorē fructu faciat, antè locos & ordines quosdam ac formulas in hoc paratas habeat, ut quicquid usq; inciderit annotandū, id suo adscribat ordini. Sed hoc qua ratione fieri oporteat, in secūdo de copia cōmentario demonstrauimus. Verū si cui uel ocium uel librorū copia defuerit, plurima Plinius unus suppetabit, multa Macrobius, & Athenæus, uaria Gellius. Sed in primis ad fontes ipsos properandū, id est Græcos & antiquos. Philosophiam optimè docebit Plato & Aristoteles, atq; huius discipulus Theophrastus, tum utrinq; mixtus Plotinus. Ex Theologis secundum diuinas literas, nemo melius Origine, nemo subtilius aut iucundius Chrysostomo, nemo sanctius Basilio. Inter Latinos duo duntaxat insignes in hoc genere, Ambrosius mirus in allusionibus, & Hieronymus in arcanis literis

nis literis exercitatusissimus. Quòd si minus uacabit im-  
morari singulis, omnes tamen censeo degustandos, quo-  
rum in præsentia catalogum texere, non est ratio. Cer-  
tè propter poëtarum enarrationem, quibus mos est ex  
omni disciplinarum genere sua temperare, tenenda est  
fabularum uis, quam unde potius petas, quàm ab Home-  
ro, fabularum omnium parente? Tametsi Metamor-  
phoses, ac Fasti Nasonis non leue momentum adferent,  
etiamsi Latine scripti. Tenenda Cosmographia, quæ in  
historijs etiam est usui, nedum in poëtis. Hanc breuis-  
simè tradit Pomponius Mela, doctissimè tradit Ptolomæus,  
diligentissimè Plinius. Nam Strabo non hoc tantum  
agit. Hic præcipua pars est obseruasse quæ mon-  
tium, fluminum, regionum, urbium, uulgo recepta uo-  
cabula, quibus antiquis respondeant. Eadem debet es-  
se cura in arborum, herbarum, animantiũ, instrumen-  
torum, uestium gemmarum nominibus, in quibus incre-  
dibile dictu, quàm nihil intelligat literatorũ uulgus.  
Horũ notitia partim è diuersis autoribus, qui de re ru-  
stica, de re militari, de architectura, de re culinaria,  
de gemmis, de plantis, de naturis animantium conscri-  
pserunt, colligitur. Quanquam Iulius Pollux ex pro-  
fesso de rerum uocabulis tradidit, quæ utinam tam ac-  
curatè distinxisset, quàm congescit copiose, partim ex  
Etymologijs, partim ex his linguis, quæ prisce sermonis  
et incorrupti manifesta uestigia seruant in hanc usq;

etatem, cuiusmodi lingua Constantinopolitanorum, Italorum, & Hispanorum, nam Gallorum oratio longius degenerauit. Tenenda antiquitas, quæ non modò ex uetustis autoribus, uerumetiam è nominatis priscis, è titulis saxisq; colligitur. Ediscenda & Deorum genealogia, quibus undiq; refertæ sunt fabulæ. Eam post Hesiodum felicius, quàm pro suo seculo, tradidit Bocætius. Non ignoranda astrologia, quòd hanc passim suis figmentis aspergunt poëtæ, præsertim Higini. Tenenda rerum omnium uis atq; natura, propterea quòd hinc similia, epitheta, comparationes, imagines, metaphoras, atq; alia id genus schemata solent mutuò sumere. In primis autem omnis tenenda est historia, cuius usus latissimè patet, non tantum in poëtis. Iam si quis Prudentium, unum inter Christianos uerè facundum Poëtam uolet enarrare, literas etiam arcanas calleat oportet. Postremò, nulla disciplina est, nec militiæ, nec rei rusticæ, nec musices, nec architecturæ, quæ non usui sit ijs qui poëtas, aut oratores antiquos susceperint enarrandos. Sed uicè eo, iam dudum frontem contrahis. Næ tu, inquis, immensum onus imponis etiam literatori. Onera sanè, sed unum, ut quā plurimos exonerem. Volo ut unus euoluat omnia, ne singulis uniuersa sint euoluenda. Iam uerò de formando puerorum ore, deq; tradendis ceu per lusum iocumq; literarum figuris, satis præcepit Fabius. Equidem post tradita  
clemen=

elementa prima, malim ad usum loquendi statim uocari puerum. Etenim cum intra pauculos menses, quamuis barbaram linguam etas ea sonet, quid uetat, quominus idem fiat in lingua Græca, siue Latina? Verum id nec in magno puerorum grege locum habet, & domesticam præceptoris consuetudinem requirit. Quamquam in ludo quoq; dabit operam, ut siue pluribus loquatur, siue seorsum uni, quam potest emendatissimè dicat. Quædam obiter interpretetur, & ut imitentur admoneat. Loquentes illos aliquoties collaudet, si quid dictum erit aptius: aut emendet, cum errabunt. Ea res efficiet, ut illi quoq; consueſcant circumſpectius & accuratius loqui, & præceptorem loquentem attentius obseruent. Iuuabit & illud, si propositis præmiolis aut pœnis, uelut ex lege prouocentur, ut ipsi quoq; inter sese alium alium emendent. Porro præceptor eruditiores aliquot deliget, qui controuersiam finiant. Neq; fuerit inutile, ceu formulas aliquot proponere pueris quibus orationibus in lusu, quibus in congressu, quibus in conuiuijs uti debeant. Has sic oportet esse doctas, ut simul & faciles sint & iucundæ. Porro, doctor ille diligens & doctus, acriq; iudicio, non grauiabitur, collatis omnibus Grammaticorum præceptis excipere quædam & simplicissima, quo ad fieri potest, & breuissima, tum ordine quam maxime commodo. Posteaquam ea tradidit, statim ad au-

torem aliquem ad id accommodatissimum ac loquendi, scribendiq; consuetudinem uocentur. Hic præceptiones antè traditas ut incident, exempla q; diligenter inculcabit, quibus etiam addet nonnihil, uelut iam tum ad maiora properant. Hinc iam thematijs exerceri debent, in quibus illud in primis cauendum, ne (quod fieri solet) aut sensu sint inepto, aut sermone insulso, sed argutam aliquam, aut uenustam habeant sententiam, quæ tamen ab ingenio puerili non nimium abhorreat: ut interim aliud agentes, simul & aliquid discant, in grauioribus studijs usui futurũ. Habeat igitur thema quod pueris proponat, aut historiam memorabilem: quod genus sunt illa, Marcelli præceptis calor rem Romanam subuertit, Fabij prudens cunctatio restituit. Quanquam hic subest etiam sententia. Nimirum præcipitata consilia parum feliciter euenire solere. Item, difficile iudicatu sit, uter altero fuerit stultior, Crates, qui aurum abiecit in mare, an Nidas, qui existimauit nihil auro melius esse. Item, Demostheni ac Ciceroni immodica eloquentia exitio fuit. Rursum, nulla laus codri regis meritis par esse potest, qui ciuium salutem propriæ uitæ dispendio redimendam putauit. Sed non magni negotij fuerit huiusmodi uim ex historiographis, præcipue Valerio Maximo, colligere. Aut fabulã habeat, ut illud, Hercules ex pugnandis monstris immortaliũ sibi parauit. Musæ fontibus ac nemoribus  
unicè

amicè gaudent, à fumosis urbibus abhorrent. Aut Apologum, ut rectè docuit Cassita, non esse committendum amicis negociū, quod per te possis conficere. Itē, manticam pectore propendentem uident omnes: eam, quæ à tergo pendet, uidet nemo. Item, Sapiebat uulpes, quæ maluit muscas iam propè saturas retinere, quàm his expunctis, uacuas ac sitientes admittere, quæ quicquid reliquum esset sanguinis, epotarent. Aut Apophthegma, ut, Longè dissentiebat à uulgo nostræ ætatis, qui maluit uirū absq; pecunia, quàm pecuniam sine uiro. Item, Iure Socrates contemnit eos, qui non edunt ut uiuant, sed uiuunt ut edant. Meritò non probauit Cato eos, qui plus sapiunt palato, quàm animo. Aut prouerbium, ut, Ne sutor ultra crepidam. Et non cuiuslibet hominis Corinthum nauigare. Ac nos quidē editis tot Chiliadibus, effecimus ne difficilis esset horum inuentio. Aut sententiam, ut Nihil carius constat, quàm quod precibus emitur. Et, Obsequium amicos, Veritas odiū parit. Et, Amici qui procul absunt, amici non sunt. Aut rei cuiuspiam insignem naturam. Vt, Magnes ad sese ferrum attrahit, Naptha ignem. Item, Palmæ ea est natura, ut pondere imposito, non modò non deprimatur ad terram, uerumetiā sursum nitatur, & altius erigat sese. Item, Mirum Polypi ingenium, quò fallat insidias piscatoris. Aut figuram eximiam, aut gradationem



tionem. Diuitiæ luxum pariunt, luxus saturitatem, saturitas ferocitatem, ferocitas odium multorum, odium perniciem. Aut Similitudinem, ut Quemadmodum ferrum si exerceas, usu atteritur: si non exerceas, exeditur rubigine: Ita ingenium si exerceas, labore absumitur: si non exerceas, magis otio situq; læditur. Aut Allegoriam: ut, Non est addendus ignis igni, Non est addendum oleum incendio. Aut commutationem, ut, Non ideo te talem iudico, quòd uehementer amem: sed ideo uehementer amo, quòd talem iudicari. Aut distributionem: Stultior est, quàm ut possit tacere: infantior, quàm ut possit loqui. Simplicior est, quàm qui possit metiri: grauior, quàm ut uelit. Sed mihi sat est indicasse tantum. Aut exquisitam aliquam elegantiam. Cuius rei non est necesse ponere exemplum. Nihil autem obstat, quo minus plures commoditates in eandem incidant orationem: ueluti sententia, historia, prouerbiū, et figura. Ergo præceptor, quem oportet assidue in bonis autoribus obuersari, huiusmodi ceu flosculos undiquaq; colliget, eosq; delectos proponat: aut etiam in eam formam demutabit, ut puerorum ingenijs sint accommodati. Postquam his rebus ad aliquantam sermonis peritiam prouectus erit puer, tum si uidebitur, ad maiora grammaticæ præcepta reuocetur. Quæ per locos et ordines quosdā ita tradēda sunt: ut primo loco simplicissima proponantur, eaq; paucis. Deinde ut cunctq;  
adolesc-

adoleſcunt diſcentium ingenia, ita maiores ſuis quæq;  
locis oportebit ſubiicere. Is ordo cuiuſmodi ſit, è Theo  
dori Gaze grammatica exemplum ſumas licebit. Nec  
in his tamen uelim eos detineri longius, ſed illico ad  
autores grauiores reuocari: præſertim ſi prius ſum=  
mam illam, de qua dixi, rhetorices, ac figuras, & car=  
minum formas teneant. Interim the matis quoq; diſſi=  
cilioribus ſunt exercendi, in quibus deligendis ac nar=  
randis, diligentem ac doctum præceptorem requiram.  
Qui ſi ſit mediocris, modò ſit idem modeſtus, non gra=  
uabitur hæc ab alio doctiore petere. Thematum autẽ  
formæ huiuſmodi ferè poſſunt eſſe. Nunc epistolæ bre=  
ue argumentum, ſed argutum, lingua uulgarî propo=  
nat, Latine Græcẽq; aut utroq; ſermone tractandam.  
Nunc Apologum, nunc narratiunculam nõ inſipidam,  
nunc ſententiam ex quatuor conſtantem partibus, u=  
triq; ſimili aut ratione ſubiecta. Nunc argumenta=  
tionem quinq; tractandam partibus, nunc dilemma  
duabus, nũc expolitionem quam uocant, ſeptem parti=  
bus explicandam, aliquando tanquam ad rhetorica  
præludentes, unum aliquod membrorum ſcorſim  
tractent. Cuiuſmodi progymnaſmata ſcripſit Aph=  
thonius. Aliquando laudem, uituperationem, fabulam,  
ſimilitudinem, comparationem. Aliquando figuram,  
uel deſcriptionem, diſtributionem, ſermocinationem,  
ſubiectionem, notationem. Aliquoties iubeantur

carmen aliquod soluere, aliquoties solutam orationē pedibus alligare. Interim Pliniam aut Ciceronis epistolam, uerbis ac figuris imitentur. Nonnunquā eandem sententiam uariatis uerbis ac figuris sæpius efferrant. Nonnunquam eandem Græcè simul ac Latine metro & oratione prosa uariant. Nonnunquam eandem quinque, aut sex carminum generibusquæ doctor præscripserit, explicent. Nonnunquam sententiam eandem per locos quàm plurimos ac schemata diffingant. Plurimum autem fructus est in Græcis uertendis. Quare conueniet eos hoc in genere sapiissime ac diligentissimè exerceri. Nam simul & exercetur ingenium in deprehendendis sententijs, & utriusque sermonis uis ac proprietas penitus inspicitur: & quid nobis cum Græcis commune sit, quid non, deprehenditur. Denique ad reddendum Græcancam emphasim omnes Latine lingue opes excutias oportet. Hæc si initio pueris difficilia uidebuntur, tum usu fient faciliora, tum præceptoris ingenium, ac studium, bonam negotij partem pueris adimet, indicantis quæ putet esse suprâ uires illorum. Atque ijs interim exercitamenti crebræ prælectiones autorum misceantur, ut suppetat quod imentur. Quanquam is, qui docet, proposito themate, simul uerborum quoque & figurarum copiam debet indicare. Sub hæc ad inueniendi quoque laborem prouocentur, ita propositis nudis argumentis, ut suo quisque Marte

Marte reperiat, quæ pertinebunt ad rem tractandam, ornandam, locupletandam. Et hic delectum ac uarietatem requiram à præceptoris eruditi diligentia, gustum interim exhibebo. Sæpius argumentum epistolæ proponat suasoriæ, dissuasoriæ, exhortatoriæ, dehortatoriæ, narratoriæ, gratulatoriæ, expostulatoriæ, commendatoriæ, consolatoriæ. Et uniuscuiusq; generis naturam, locos, ac formulas quasdam communes, deinde etiam argumento proposito, peculiare indicabit. Aliquando ceu declamatorium thema dabit, in diuersis generibus, puta si iubeat eos uituperare Iulium Cæsarem, aut laudare Socratem, in genere demonstratiuo. Item, statim optima discenda. In opibus non esse felicitatem. Matrem proprio lacte nutricæ debere, quod peperit. Literis Græcis non esse dandam, aut esse dandam operam. Vxorem esse ducendam, aut non esse ducendam. Peregrinandum esse, aut non esse peregrinandum, in genere suasorio. Item, M. Horatium indignum esse supplicio, in genere iudicali. Verum hanc palastram primum ingredientibus, non grauabitur is, qui docendi prouinciam suscepit, primum indicare, quot propositionibus id argumentum tractari possit. Præterea propositionum ordinem demonstrabit, & quo pacto alia ex alia pendeat: Deinde quot rationibus unaquæq; proposito fulciri debet, quot confirmationibus unaquæq; ratio. Tum circumstantias ac locos, unde

ista peti possint. Deinde quibus similibus, dissimilibus, exemplis, collationibus, sententijs, prouerbijis, fabulis, Apologis, unaquæq; pars locupletari queat. Ostendat & schemata, si qua insigniter uidebuntur incidere posse, quæ uel acriorem, uel ampliorem, uel magis dilucidam, uel iucundiores reddant orationem. Si quid erit amplificandum, rationem demonstret: siue per locos communes, siue per eas rationes, quas in quatuor formas distribuit Quintil. Quod si qui inciderint affectus, hi quoq; quo pacto tractandi sint, admonebit. Quin & connectendi rationes præscribat, quis sit optimus futurus transitus, ab exordio ad narrationem, à narratione ad diuisionem, à diuisione ad argumentationem, à propositione ad propositionem, à ratione ad rationem, ab argumentatione ad epilogum, aut perorationem. Ostendat & formulas aliquot, quibus ibi commodè possint exordiri, aut etiam perorare. Postremo si potest, locos aliquot in autoribus indicet, unde ualeant aliquid imitandum sumere, propter rerum affinitatem. Id ubi septies aut octies erit factum, iam incipient (q; ait Horatius) sine cortice natæ: & satis erit nudum thema ministrasse, nec necesse fuerit, semper uelut infantibus cibum præmansum in os inferere. Nec mihi displicet illud exercitationis genus quod apud antiquos in usu uideo fuisse: ut ex Homero, Sophocle, Euripede, Vergilio, aut etiam ex historijs aliquando

do lea

do legantur themata. Puta, ut Menelaus apud Troïdā  
nam concionem repetat Helenam : Aut Phoenix sua-  
deat Achilli, ut redeat in prælium : Aut Vlysses sua-  
deat Troianis, ut Helenam reddant potius, quā bel-  
lum experiantur. Quo in genere extant aliquot Liba-  
nij, & Aristidis declamationes, Præterea, uti suadeat  
aliquis amicus Ciceroni, ne conditionem ab Antonio  
oblatam accipiat, quod argumentum est apud Senecā.  
Vbi phalaris suadeat Delphis, ut taurum æneum Deo  
suo consecrent. Ad hoc genus pertineat epistolæ, quæ  
Phalaridis ac Bruti nomine circumferuntur. In emen-  
dando collaudabit, si quid felicius inuentum, tracta-  
tum, aut imitatum uidebitur : si quid prætermis-  
sum, aut non suo loco positum, si quid nimium, aut remissius,  
si quid obscurius, aut etiam si quid parum eleganter di-  
ctum erit admonebit. Et quo pacto mutari possit ostē-  
det, ac mutari, & sæpius, iubebit. Estimulabit autem  
præcipuè discentium animos, comparatione profectus,  
necut æmulatione quadam inter ipsos excitata. Iam in  
prælegendis autoribus nolim te facere, quod parua  
quadam ambitione uulgus professorum hodie facit, ut  
omni loco coneris omnia dicere, sed ea duntaxat, quæ  
explicando præsentī loco sint idonea, nisi si quando de  
lectandi causa digrediendū uidebitur. Quod si huius  
quoq; rei rationem à me requiris, hæc mihi quidem ui-  
debitur optima. Primo loco ad conciliandos auditores  
laudes

Vt Pyladis & Orestis, ad amicitiae commendationem  
Tantali fabulam ad auaritiae detestationem. In his non  
mediocriter adiuuabit docentem Eustachius, Homeri  
interpretes. Atque ita fiet (si modò sit ingenij dextri præ-  
ceptor) ut etiam si quid inciderit, quod inspicere possit  
ætatem illam, non solum non officiat moribus, uerum-  
etiam utilitatem aliquam adferat, uidelicet animis par-  
tim ad annotationem intentis, partim ad altiores co-  
gitationes auocatis. Veluti si quis prælecturus secun-  
da in maronis Eglogam, commoda præfatione præpa-  
ret, uel potius præmuniat auditorum animos, ad hunc  
modum, ut dicat, Amicitiam non coire, nisi inter similes;  
similitudinem enim esse beneuolentiae mutuae conciliatri-  
cem: contra dissimilitudinem odij, dissidiumque parentem.  
Quoque maior ac uerior, stabiliorque similitudo fuerit,  
hoc firmitior, atque actior est amicitia. Id nimirum sibi uel-  
le tot apud autores prouerbia: Boni ad bonorum conui-  
uia, & inuocati accedunt. Et, Simile gaudet simili. Et,  
A equalis æqualem delectat. Et, Aequalem tibi uxorẽ  
quare. Et, Ut semper similem ducit Deus ad similem.  
Et, Semper graculus aßidit graculo. Et, Similes habent  
labra lactucas. Et, Pares cum paribus facillimè congre-  
gantur. Et, Cascus Cascam ducit. Et Balbus balbam re-  
ctius intelligit. Et, Cicada cicadæ chara, formica for-  
micæ. Et, Cretensis cum Aegineta. Contra, tot dissimili-  
tudinis Adagia, nihil aliud sibi uelle, quam inter eos,  
qui



qui dissimili sunt fortuna, dissimili uitæ instituto, dissimilibus studiis, aut omnino non coire amicitiam, aut si coierit, non coherere, citoq; dirimi: atq; ob id fieri, ut idiota studiosum literarum oderit, prophanus sacerdotem, rusticus aulicum, iuuenis senem. Atq; in eodem genere, Epicurus Stoicum, philosophus iuriconsultum, Poëta Theologum, babus eloquentem. Hinc geminorum gratiam fratrum, Amphionis & Zyti penè dissilisse, quòd alter lyrae studiosus esset, alter agris colendis gauderet: ac dissilierat, nisi amphion abiecta lyra fratris ingenio cessisset. Ob eandem causam insincera fuit Castoris & pollucis amicitia: neq; caruit infamia tentati parricidij, cum uterq; eodem ex ovo essent prognati, ut iam magis esse gemelli non possent, quòd alter pugil esset, alter equis delectaretur. Hinc male conuenisse Remo cum Romulo, quòd alter tristioribus ac scueris esset moribus, alter blandior, unde & Romulo pro Remo mutatum nomen. Pessimè conuenisse Caim cum Abel, quòd diuerso uitæ genere caperentur. Summum autem amorem siannæ similitudinis esse comitem: atque ideo fictum à Poëtis, quemadmodum Narcissus, antè ab omni abhorrens consortio, simul atq; suam ipsius imaginem in limpidissimo fonte cõspexisset, protinus amore flagrantissimo coepit ardere. Quid enim nostri similis, quàm ipsa imago? Ergo cum doctus doctum amat, sobrius sobriũ, modestus modestum, probus probum,



bum, nihil aliud amat uterq; quàm suam ipsius in altero imaginem, hoc est, seipsum, sed alio modo. Verùm ea similitudo, si quidem sita est in bonis animi, quæ uerè sunt bona, hoc est, pietate, iustitia, temperantia, tum eiusmodi nascitur amicitia, cuiusmodi sunt et res, quibus amicitia conciliatur, hoc est, honesta, uera, symmetra, stabilis, æterna. Contrà, si in rebus corporeis ac fluxis, aut etiam turpibus, eam nec uerè esse amicitiam, nec iucundam, nec diuturnam ostendet. Proinde, Platonem duas finxisse Veneres, alteram cœlestem, alteram terrestrem. Duos item Cupidines, suæ utrunq; matri respondentes. Cœlestem ueras gignere formas, & huius filium ueros & honestos immittere amores. Inter bonos semper amorem esse mutuum: Inter uulgares plerumq; alterum amare, alterum odisse, alterum prosequi, alterum fugitare. Id accidit fere propter ingeniorum, uitæq; dissimilitudinem. Quod quidem eleganter significat apud Poëtas Cupido, qui nonnunquam hunc aurea cuspide figit, illū plumbea, illum ut amet, hunc ut abhorreat: atq; hoc amicitiae generæ nihil esse potest infelicius. Eius igitur amicitiae male coherentis, quasi simulachrum quoddam, in hac Ecloga proponit Vergilius. Corydon rusticus, Alexis urbanus: Corydon pastor, Alexis aulicus: Corydon indoctus (nam huius carmina uocat incondita) Alexis eruditus: Corydon ætate prouectus, Alexis adolescens: Corydon  
de for

deformis, hic formosus. Breuiter dissimilia omnia. Quare prudentis est, amicum suis moribus aptum diligere, si uelit amari mutuum. Hæc inquam si præferatur, tum autem locos demonstratorios perperam & bucolicè à rustico affectatos indicet, nihil opinor turpe ueniet in mentem auditoribus, nisi si quis iam corruptus accesserit: nam iste uenenum nō hinc hauserit, sed huc secum attulerit. Hoc exemplum uerbosius exposui, quò facilius in cæteris itē sibi quisq; similia reperiatur. Iam in aggressu cuiusq; operis conueniet in genere demonstrare, quæ sit argumenti natura, & quid in eò potissimum sit spectandum: uelut in Epigrammatis argutam breuitatem laudari. Tum iocandi rationes, quas Fabius & Cicero tradunt, indicabit. Hoc genus præcipuè gaudere Epiphonematis, commodè in fine adiectis, quæ cogitationem uelut aculeum in animo lectoris relinquāt. In Tragœdia præcipuè spectandos affectus. Et quidē ferè acriores illos, ij quibus rebus moueantur, paucis ostendet. Tum argumenta ueluti declamantium. Postremò descriptiones locorum, temporum, rerum, aliquoties & argutas altercationes incidere, quæ nunc distichis, nunc singulis uersibus, nunc hemistichijs absoluantur. In comœdia cum primis obseruandum esse decorum, & uitæ communis imitationem, affectus esse mitiores, & iucundos magis quàm acres. Decorum autem in primis spectari, non  
solum

solum illud commune, ut adolescentes ament, lenones  
 peierent, blandiatur meretrix, obiurget senex, fallat  
 seruus, iactet se miles, atq; id genus alia. Verum pecu-  
 liare quoddam, quod suo arbitratu alius alijs affingit  
 poeta. Velut in Andria duos inducit senes longè diuer-  
 so ingenio: Simonem uehementē, ac submorosum, haud  
 stultum tamen, nec improbum: Contrà Chremetem ci-  
 uilem, ac semper placidū, ubiq; sibi præsentem, omnia,  
 quantum potest, pacantem: at ita tamen lenem, ut mi-  
 nimè stupidum. Duos item adolescentes dissimili natu-  
 ra. Pamphilum cordatum pro ratione ætatis, & con-  
 sultabundum, sed acriorem, ut Simonis filium possis ag-  
 noscere: E' diuerso Charinum puerilem, ineptum, cō-  
 silijsq; inopem. Rursum seruos duos diuersis moribus.  
 Dauum uasum, & consilijs abundantem, ac sperandi  
 pertinacissimum autorem: è regione Birriam nullius  
 consilij, tantum perpetuum desperationis autorem he-  
 ro. Ad eundem modum in Adelphis: Mitionem etiam  
 in obiurgando mitem, ac festiuum: Demecam etiam in  
 blandiendo amarulentum. Rursum Aeschinum pro-  
 pter urbanæ uitæ consuetudinem, et Mitionis fiduciam  
 nihil non audentem, sed ita ut probum ingenium de-  
 prehendas, officiosum in fratrem, fidum in puellam:  
 E' diuerso Ctesiphontem subrusticum ac timidam, pro-  
 pter carum rerum insolentiam. Syrum callidum, &  
 audacem, nihilq; non simulantem, ac dissimulantem  
 u                      adeo,

adeò, ut sola ebrietas detexerit illius fucos: Dromonem stupidum, atq; hebetem. Sed ista persequi non huius est instituti, in præsentia satis est uiam indicasse. In Eclogis admoneat esse aurei seculi, ac priscae illius uitæ imaginem. Proinde, quicquid illic est sententiarum, similitum, aut comparisonū, à uita pastoralis sumi, affectus sunt simplices, cationibus, sententijs, ac prouerbijis delectantur, superstitione & augurijs capiuntur. Ad eundem modum, quid propriū habeat carmen Heroicum, quid historia, quid dialogus, quid apologus, quid Satyra, quid Oda, quid reliqua scripti genera, curabit admonere. Tum quæ sint singulorum autorum in singulis argumentis dotes, aut etiā uitia, non grauabitur indicare, quò iam tum assuescant adolescentes, ei quod est in omni re præcipuum, iudicio. Atq; in hac parte præceptorem, præter artem & ingenium, adiuuabit etiā libellus Ciceronis de Claris oratoribus, & Quintiliani, Senecæ, atq; Antonij Campani de scriptoribus censura, neq; non ueteres interpretes, præcipuè Donatus hac in re peculiariter occupatus. Huc pertinet & consilij ratio, ueluti, quare M. Tullius in defensione Milonis sinxerit sese timere: et quare Virgilius tanto pere laudibus uehat Turnum hostem Aeneæ: & quare abdicatus in medicus apud Lucianum non lædit nouercam, sed magis laudat, & in patrem acrior est, quàm in nouercam. Sed id quoq; in immensum patet. At iudicabit

dicabit aliquis hæc nimium habere negotij. Equidem præceptorem eruditum, longoq; usu exercitatum uolo esse. Is si continget, hæc etiam faciliè percipient pueri. Quòd si qua initio erunt duriora, progressu et assuetudine mollescent. Optima certè sunt, nisi fallor, et optimis conuenit statim assuescere: quanquam hæc non ubiq; omnia sunt inculcanda, ne tædio grauentur ingenia discipulorum, sed ut inciderint insigniora. Neq; uerò minorem adhibeat curam præceptor in exigendo quæ commiserit, quàm in prælegendo. Est omnino labor hic docetæ grauissimus, sed discipulis utilissimus. Nec ordinem exigit duntaxat, sed quicquid scitu dignum fuerit creditum, id assuescant bona cum fide reddere. Neq; uerò deterreat ab hac re difficultas, quæ uel menstro tempore spatio uincitur. Mihi nunquam placuit, ut omnia dictata scribant adolescentes: fit enim hoc pacto, ut memoriæ cultus negligatur, nisi si qui pauca quædam notulis uelint excipere, idq; tantisper donec usu confirmata memoria, scripti non desiderent adiuuamentum. Postremò tamē arbitror esse momenti incommoda docendi ratione, si modò diligens et eruditus contigerit præceptor, ut non dubitarim meo recipere periculo, me minore negotio, ac paucioribus annis adolescentes ad utriusq; linguæ mediocrem etiam eloquentiam perducturum, modò dentur ingenia non omnino infelicia, quàm isti literatores ad qualemcunq;

illam suam balbutiem, uel infantiam potius prouehunt suos. His igitur rudimentis puer in prima imbutus schola, deinde bonis auibus ad altiores disciplinas conferat sese, & quocunq; se uerterit, facile declarabit, quantopere reserat ab optimis auspiciis fuisse. Hæc habui in præsentia mi charissime PETRE, quæ tibi de studij ratione scriberem: ea si placeant, utere: sin minus, sedulitatem certè nostram pro tuo candore boni consules. Tu modò pergè, ita ut instituisi, in bonas litteras incumbere, ac Galliam tuam alioqui florentissimam, honestissimis etiam studiis illustra. Vale.

F I N I S.

D. ERASMI ROT.  
TERODAMI RATIO COL-  
LIGENDI EXEMPLA.



VI destinavit per omne genus autorum lectione grassari (nam id omnino semel in uita faciendum ei, qui uelit inter eruditos haberi) prius sibi quàm plurimos parabit locos. Eos sumet partim à generibus causarum, ac partibus uitiorum uirtutumq; partim ab ijs quæ sunt in rebus mortalium præcipua, quæq; frequentissimè solent in suadendo incidere.

dere. Eaꝓ; conueniet iuxta rationem affinita-  
tis & pugnantiae digerere. Nam & quæ inter se co-  
gnata sunt, ultrò admonent, quid consequatur. Etiam  
contrariorū eadem est memoria, puta, sit exēpli cau-  
sa, primus locus, Pietas & impietas. Huic subijcientur  
species inter se cognatæ. Prima est, pietas in Deum. Se Pietas.  
cunda, in patriam. Tertia, in parentes, aut liberos, aut  
etiā in eos, quos oportet parentum loco colere: ueluti  
præceptores, & quorum beneficio seruati sumus. Iam  
his cognata est superstitio, adiicienda igitur. Atq; hic  
aperit sese campus latissimus de prodigiosis deorū cul-  
tibus, & uarijs diuersarum gentiū ceremonijs. Sit pro-  
ximus, si uideatur, titulus, Fides. Hanc in species secus Fides.  
licebit, de fide in amicos, de fide seruorum in dominos,  
de fide in hostes, totidemq; de perfidia. Item, si titulus  
Beneficentia. Huic cum suas species subieceris, restat Benefi-  
gratitudo, non illa quidem huic subiecta, neq; rursus centia.  
contraria, sed adhærens, deq; ea ueluti cōsequens. Sed  
uirtutum ac uitiorum ordinem sibi quisq; suo fingat  
arbitrio, aut è Cicerone; seu Valerio Maximo, aut ex  
Aristot. aut ex diuo Thoma petat. Denique, si malit,  
elementorum ordinem sequatur. Neq; enim id magni  
refert. Quanquam nolin illum omnes huius generis  
particulas tā minutim cōcisas, in ordines referre, uerū  
cas duntaxat, quæ uideantur frequenter in dicendo usu  
uenire. Id autem uel ex locis causarum licebit cognos-  
cere,

scere, nempe demonstratorijs, suasorijs, & iudicialibus. Quod genus fermè sunt tituli apud Valerium Maximum, & nonnulli apud Plinium. Ceterum quæ extra uitiorum ac uirtutum genera sumuntur, partim pertinent ad exempla, partim ad locos communes. Prioris generis fermè sunt huiusmodi, Insignis longæuitas, uiuida senectus, senilis iuuenta, insignis felicitas, insignis memoria, subita rerum commutatio, subita mors, mors spontanea, mors prodigiosa, partus prodigiosi, insignis eloquentia, insignis opulencia. Ex humili genere clari, uasfricies ingenij, insigne corporis robur, insignis forma, egregium ingenium in deformi corpore, atq; id genus innumera alia, quorum singulis oportebit subijcere, quæ cum his pugnant, quæq; cum his habent affinitatem, ut insigni eloquentiæ opponitur insignis infantia: finitima sunt uocalitas, felicitas in gesticulando, histrionica, & si qua sunt huiusmodi. Posterioris autem generis sunt istiusmodi. Plurimum interest, quibus studijs puer assuescas. Magni refert, quibus cum uiuas. Suum cuiq; pulchrum. Facilis offensa, reconciliatio difficilis. Tutissimum nulli credere. Ama tanquam osurius, oderis tanquam amaturus. Bis dat, qui citò dat. Fortunam sui cuiq; mores parant. Et, Lentæ regum iræ. Et, Periculosa principum amicitia. Et, Dulce in expertis bellum. Et, Infida societas regni. Et Optimū senectæ uiaticum, eruditio.

Sed



Sed quid ego hæc recensere pergo, cū sint sexcēta mi-  
 lia? Ergo ex his ea sunt diligenda, quæ uidebuntur ad  
 dicendum maxime commoda. Ad hunc gregem perti-  
 nent & illa comparatiua, Cœlibatus ne felicior, an  
 coniugium? uita priuata, an secius? Potior monarchia,  
 an democratia? uita studiosorum, an idiotarum? Tum  
 autem ex superioribus, si qua sunt, quæ uirtuti aut  
 uitio uidebuntur esse confinia, ea licebit suo titulo  
 subiicere, ut illa: Bis dat, qui citò dat. Et, Nihil carius  
 constat, quàm quod precibus emitur. Et, Beneficium  
 dando accepit, qui digno dedit. Et, Nihil perit, quàm  
 quod confertur in ingratum. Et, Beneficij gratiam  
 perdidit, qui quis exprobrauit. Hæc atq; huiusmodi  
 ad liberalitatis titulum referri possunt. Verùm ne in-  
 digesta rerum turba pariat confusionem, profuerit ti-  
 tulos qui latius patent, in aliquas secare parteis. Libe-  
 ralitatis titulum, ut exempli causa loquamur, ita lice-  
 bit partiri, si subieceris: Beneficium promptè citòq;  
 datum: Beneficium aptum, beneficium digno aut in-  
 digno collocatum: Beneficium exprobratum: Benefi-  
 cium mutuū. Et si qua iudicabuntur magis idonea: nā  
 nos indicandi gratia duntaxat hæc ponimus. Ergo po-  
 straquam tibi locos compararis, quot erunt satis, eosq;  
 in ordinem quem uoles digesseris, deinde singulis suas  
 partes subieceris, rursum partibus addideris locos cō-  
 munes, siue sentētiās: iam quicquid usquam obuiū erit

in ullis autoribus præcipuè si sit insignis, mox suo loco annotabis, siue erit fabula, siue apologus, siue exemplum, siue casus nouus, siue sententia, siue lepidè, aut alioqui mirè dictum, siue metaphora, aut parabola. Atq; ad eum modum pariter fiet, ut & altius insideant animo quæ legeris, & assuescas uti lectionis opibus. Sunt enim, qui plurima teneant, uelut in mundo reposita, cum in dicendo scribendoq; mirè sint inopes ac nudi. Postremò, utcunq; postulat occasio, ad manum erit dicendi supellex, certis ueluti nidis constitutis, unde quæ uoles, petas. Porro nulla disciplina tam semota est à Rhetorica, unde non facias locos tuos locupletiores. Nam à Mathematicis, quæ remotissimæ uidentur sumuntur similitudines. Quandoquidem cum sphaera undiq; sui simili, cumq; tetragono, quocunq; cadat pariter quatuor angulis nixo, confertur sapiens suis opibus felix, nec aliunde pendens: & quæcunq; inciderit fortunæ procella, sua uirtute firmius & immobilis, ut ne dicam interim, quòd Theologi mysteriorum enarrationem frequenter à Mathematicis petunt propter arcanam quandam rerum ac numerorum analogiam. Nam à Physicis non solum parabola, uerum etiam exempla quædam petuntur. Parabola fuerit, si dicas: Quemadmodum fulmen summos montes frequentissimè ferit, ita summa potestas grauissimis casibus est obnoxia. Item: Quemadmodum fulmen æs liquefacit in: acta

intacta cera, ita principum animus in rebelles & ob-  
 stantes scire debet, in cæteros uti clementia. Exem-  
 pla fuerint elephanti in abdito coeuntes, si quis etiam  
 in coniungatis modestiam, & uoluptatis dissimulatio-  
 nem desideret. Et delphini foetus adultos diutius comi-  
 tantes, nec sinetes paruulos suos ingredi, nisi grandior  
 aliquis ceu pædagogus adsit, & custos: si quis admo-  
 neat quanta cura seruari atque institui debeat à parē-  
 tibus prima illa & lubrica puerorū ætas. Itaq; studio-  
 sus ille uelut apicula diligēs, per omnes autorum hor-  
 tos uolitabit. Flosculis omnibus assultabit, undique  
 succi nonnihil colligens, quod in suum deferat aluea-  
 rium. Et quoniam tanta est in his rerum fecunditas,  
 ut omnia decerpi nō possint, certē præcipua deliget, et  
 ad operis sui structurā accommodabit. Sunt autem, quæ  
 eadem non solum ad diuersos, uerum ad contrarios  
 usus quadrare possint, eoq; diuersis annotanda locis.  
 Quod genus, si de insanabili cupiditate hominis auar-  
 iagis, rectē accommodabis Charybdis sǫbulam. Rur-  
 sum, si de inexplebili uentris ingluuie, aut libidine mu-  
 lieris inexhausta, nimirum conueniet eadem. Item,  
 apologus Aesopi de hirco ac uulpe simul in puteum de-  
 scendentibus, quadrabit uel in prospicientiam, qua fit,  
 ut non aggrediare negotium, nisi prius apud te per-  
 penderit, qua ratione queas explicare: uel in fictum  
 amicorum genus, qui cum uideantur amici commodis

consulere, maximè tamen agunt suum negotium. Præterea ex morte Socratis, non solum ducitur exemplum, mortem non esse formidolosam uiro bono, cum ille tam alacri uultu cicutam biberit, uerum etiam uirtutè inuidiæ obnoxia, neq; satis tutā esse in turba maiorū. Rursum inutile, uel potius perniciosum esse Philosophiæ studiū, nisi te ad mores cōmunes deflexeris. Iamq; hoc ipsum factū trahi potest & in laudē Socratis, & in uituperiū. Laudādius enim, qui nulla sua culpa, sed sola inuidia damnatus, tam fortiter mortē neglexerit. Vituperandus, qui inutili Philosophiæ studio, neglectuq; morum communium, amicis acerbissimum luctum, uxori liberisq; calamitatem, sibi exitiū conciliarit, cū alij soleant utiles esse patriæ, suis præsidio simul & ornamento. Eoq; uerè sapientis esse, relictis aliquando tetricis illis sapientiæ decretis, uulgi studijs & opinionibus accommodare sese, temporiq; (quod aiunt) seruire. Iam si partes exempli circumspicias, quot locos licebit elicere? Accusatus per inuidiam ab Anyto & Melyto, perditissimis ciuibus, locus est: Veritas odium parit. Item alter, insignis uirtus conciliat inuidiam. Rursum alius: Apud iudices plerunq; plus ualeat nobilitatis ratio, quàm respectus honesti. Rursum alius: Nihil imprudentius opulentiæ, si cum improbis moribus copuletur. Quid enim absurdius, quàm omni facinore dedecorosos, Socratem  
in ius

in ius uocare? Rursum alius locus: Non quidlibet cui =  
uis decorum est, eoq; Socrates non abiicit sese ad iudi =  
cum pedes: neq; enim conueniebat, ut, qui per omnem  
uitam docuerit mortem non esse formidandam, nisi  
turpis esset, cum nunc ueluti ob mortis metum abie =  
ctè supplicem esse. Quæ eadem causa commouit, ut  
neq; iudicium declinaret, neq; in media causa exilium  
eligeret, neq; postremò, cum liceret, è carcere uellet  
effugere, ne ipse à seipso discrepare uideretur. Atque  
hæc quidem una pars est. Deinde cum moriturus, tam  
ociose, tamq; placidè disputat, cum non alio uultu cicu =  
tam bibit, quàm quo uinum solet, cum mox emoritu =  
rus iocatur in Phædonem, admonens, ut gallum per =  
soluat Aesculapio. Locus est: Mortem etiam optabi =  
lem esse his, qui sibi uitæ integrè actæ conscij sunt,  
Rursum alter locus: Cuiusmodi fuerit hominis uita,  
id in morte potissimùm apparere. Rursum: Constan =  
tis, suiq; perpetuo similis exemplū est. - Etenim cuius =  
modi fuerat in omni uita Socratis uultus oratioq; ta =  
lis erit etiam morituro. Tertia pars est: Dum in carce =  
re agit Socrates, interim nusquam Alcibiades, nusquā  
Agatho, nusquam Phædrus, sed Crito, Phædon, Si =  
mias. Atq; hic locus est, In periculis demum apparere  
qui sint puri amici: nam uulgares illi sibi tum consu =  
lunt, quum in officijs communibus adsunt. Quarta  
pars est: Dum cum amicis de animæ immortalitate  
multa

Parabo  
la.

multa disputat, uxorem ac liberos cum pauca mandasset, dimittit. Locus est, Philosophum leuiter tangi oportere uulgaribus affectibus, id quod mirè congruit cum doctrina Christi. Quinta pars est: Statim à morte Socratis, uersus est in accusatores populi furor. Socrati desiderato aurea posita statua. Locus erit, uulgu8 temerè odisse & amare. Rursum alius: Virtutem presentem odimus, sublatam ex oculis querimus inuidi. Rursum alius: Fucatam gloriam unà cum uita perire, uirtutis splendorem à morte maximè clarescere. Hinc arbitror liquere, in quot usus idem exemplum possit accommodari. Similiter & in parabola fiet, uelut in nauigatione, quot similia duci poterunt. Vt optimum gubernatorem tempestas, ita optimum Imperatorem aduersæ res declarant. Item, Vt nemo clauum committit amici8simo, sed nauigandi peritissimo: ita nemo reipub. gubernacula mandabit ei, cui studeat maximè, sed quem maximè iudicarit idoneum. Rursum: Quemadmodum uentis nimium secundis nautæ uela contrahunt, cum parum prosperi sunt, tum latius pandunt sinus: ita cum res uehementer succedunt, temperandus est animus, ne insolescat. Contra, cum inimica est fortuna, tum fortitudine ac spe sequitur felicitatis, dilatandus ac fulciendus. Item, quoties rectum cursum per tempestatem tenere non licet, tum obliquis flexibus eò nihilo secius, quò peruenire uelimus,

uelimus, contendere oportebit. Item, quoties nauem uincit tempestatis impotentia, tum anchoram iaciunt nautæ, uelis collectis: ita uesanti multitudini nonnunquam cedendum est, donec oratione tractabilis esse incipiat. Item, quemadmodum nauta non semper eodem modo tenet uelum, uerum nunc tollit in altum, nunc contrahit, nunc in hoc latus, nunc in illud transfert, utcunque uentorum ratio postulat: ita sapiens non in omni loco, omniq; tempore & negotio simili uitæ tenore debet uti, sed uultum, orationem, mores, præsentibus rebus accommodare. Item, sicut in magnis tempestatibus peritissimi nautæ, uel ab imperito nonnunquam admoneri se patiuntur, quòd alijs alia soleant in his casibus in mentem uenire: ita bonus rex in magnis reipub. periculis nullius consilium audire grauabitur. Item, ut minimo periculo nauigatur, eo gubernatore, qui maximis sit iactatus periculis: ita tutissimus est ciuitatis status, eo principe, qui grauissimis casibus sit exercitatus. Item, ut qui clauum regit, non satis arbitratur se suo fungi officio, nisi circumactis oculis, quid cuiq; faciendum, admonuerit: ita principem non agit, nisi qui magistratum etiã inferiorum officia moderatur ac præstat. Item, quemadmodum insaniat nauta, si propter odium aliquorum quos naui uehit, nauim perire sinat, qua perditæ, nec ipse possit esse incolumis: ita sana mentis non sit,

fit, qui ob factiones, patriæ incolumitatem non tuetur, quæ nisi sit incolumis, nec ipse incolumis esse possit. Item, ut non nisi sæuissimus tempestatibus sacram anchoram nautæ iacere solent: ita non est, nisi in grauissimis periculis ac rebus propè desperatis, ad extrema remedia ueniendum. Sed næ ego ineptus, qui ista persequar, cū iam uideas aliquot similitudinum millia hinc sumi posse. Nonnunquam eadem quoq; collationis pars ad diuersa trahitur, quod genus sit, si lunæ crebras mutationes, uel ad fortunæ uices accommodes, uel ad humanæ uitæ instabilitatem, uel ad stultorū inconstantiam. Quin eadem quoq; sententia uarios in usus deflectitur: ut, Facundus comes in uia pro uerbiculo est, Iucundior est uita, si non solus agas, sed cum lepidis ac festiuis amicis consuetudinem habeas. Rursum: Semper bonus aliquis liber circūferendus, cuius lectione tædium discutias. Item: Si te lætus animus commitetur, & bene sibi conscius, nulla pars uitæ sentiet tædium. Hic optimus est uitæ comes, si læta narret: sin turpium factorum memoriam refricet, tædio enecat. Eadem est prouerbiorum & apophthegmatum ratio. Quorum usum ostendimus in principio collectaneorum prouerbialium. Proinde quædam erunt eadem diuersis ascribenda locis, aut annotanda certè. Nam sat erit aliquando tribus significasse uerbis ascriptis autorum locis, unde peti possint, præsertim quæ



que paucis exponi non queant. Sed iam quò res exemplo magis fiat perspicua, sit titulus Inconstantia, aut morum inæqualitas, experiamurq; quot res ad hunc conferri possint. Primum è Poëtarum fabulis petam Inconstantie exēpla uaria.

Mercurium uarias formas sumere solitum, ut est uerfer deus, nunc apud superos, nunc apud inferos, nunc apud mortales agentem, uarijs etiam fungentem officijs, nunc Ganymedis agentem parteis, nunc nuntia perferentem, nunc animas deducentem ad Charontē, nunc negotiatoribus ac patronis operam dantem, nunc cithara utentem, nunc uirga, galero etiam bicolore, postremò uarijs gaudentem cognominibus. Ea sunt apud Aristophanē in Pluto. Dicitur enim στροφαῖος, ἐμπολαῖος, δόλιος, ἡγεμόνιος, ἐμὰ γῶνιος. Apud Homerū & apud Hesio. Διάκτορος, ἀεγυφὸν τῆς. Dicitur & Cyllenius & ἑριούμιος. Petā Vertūnum deū, cui inde etiā nomē, quòd uertat formā. Petā Proteū, omnia uertentem sese in miracula rerū. Petā Empusam ex Aristophanis Ranis, id est, dæmonis genus, identidē alia atque alia specie sese offerentis. Itē: Morphea quoscunq; uelit uultus induere solitū. Item: Circen ueneficijs ac magica uirga homines in uarias ferarū formas uertentē. Nā improbi secū non constāt, sed diuersis agitantur affectibus. Petā Λαερτιάδην uolubilem deum, nunquam sui similem: & huic similem, si uidetur, Rhamnusiā, Petam louem, nunc aquilam,

nunc

nunc cygnum, nunc taurum, nunc aureum hymbrem factum. Præterea Chimæram capite leonis, uentre uirgineo, cauda draconis. Ac uarium illud portentum, quod fingit Horatius in ipsa statim fronte artis poëticae. Adducam & Ianum bifrontem, & triformem Geryonem, & Bacchum, cui poëtae attribuunt εὐχρησιν, hoc est, morum leuitatem & facilitatem, ac talem in Ranis figit Aristophanes. Et si qua sunt alia apud illos, quæ prodigiosæ uarietatis imaginem habent. Adducam & Vlysssem, & quamlibet pro tēpore personam gerētem, unde & πρῶτον ἔργον statim in operis initio eū uocat Homerus. Deinde à Phisicis petam Lunæ similitudinem nunquam eodem uultu nobis redeuntis, nunc semiplenæ, nunc plenæ, nunc emorientis, nunc renascentis, nunc pallentis, nunc rubentis, nunc albicantis, nunc antecedentis Solem, nunc à tergo sequentis. Petā similitudinem cœli uerni aut autumnalis, nunc nubibus obducti, nunc sereni, nunc tranquilli, nunc uentis cōmoti. Petam collationem maris assidue uicibus æstuarijs decurrentis ac recurrētis, præcipuè Euripi mira celeritate septies die ac nocte reciprocat. Addam Polypū, cuius mutabilitas etiam prouerbio locū fecit. Addam Chamæleontem colorē subinde mutantem. Item Pantherā, ac Pardū uersicoloribus maculis uariegatū, aut si quod est aliud animal huiusmodi, Adiungam pueritiæ in horas mutatum ingenium.

Adijciam

Adijciam mulieris peculiarem inconstantiam. Vulgus leui momento mobile. Præterea argenti uiui mirant mobilitatem. Arundinem ad omnem auram facile mobilem. Foliorum arentium, plumæ, ramentiq; leuitatem. Cere fluxibilem, ac mobilem naturam. Somniorum inconstantiam, rotæ uolubilitatem. Adducam laminā, quæ summis turrium aut templorum fastigijs solet imponi, quò uentum circumactu suo indicet. Adducam bilibrem facill momento huc atque huc uergentē. Adducam opus uermiculatum uersicoloribus tessellis, miram uarietatem ostentās. Quædam etiam ingenio funguntur, ueluti si quis comparet inconstantis hominis animū, nunc hoc, nunc illud cogitantis, speculo rotundo, in foro frequentissimo suspensio, quod huc et illuc discurrente turba, figuris innumeris uarietur. Aut uietro, quod quæcunq; colorē subieceris, eū imitari uideatur: Aut pensili chalybi, quod hinc atq; hinc ad motis magnetibus, quorū alter alliciat ad sese, alter depellat, leui momento nunc huc, nūc illuc rapiatur, nec unquā conquiescat: Aut spheræ in plano uolubili. Iam ex historijs mutuò sumam Græcorum genuinam leuitatem, quam describit Iuuenalis. Lubricam Allobrogū fidem: Pœnos simili morum inconstantia. Scythus in dies mutatis pascuis, nullam certam colentes sedem. Virgani Moysi subinde in aliam atq; aliā uersam speciem. Ariastippū quamuis agentem personam, ut quem omnis (ut

n inquit

inquit Flaccus) decuit color, nunc Cynico utentem pal-  
 lio, nunc regia purpura. Item, *ἡμίλευχον* illum de quo  
 meminit Lucianus. Catilinam uario ingenio, ex Sallu-  
 stio. Hannibalem, ex Tito Liuiio: ex Valerio Maximo,  
 quibus alius fuit uita tenor ex adolescentia atq; senec-  
 tute. Rursum in tertia Horatij satyra Tigellium. Nil  
 æquale homini fuit illi, sæpe uelut qui Currebat, su-  
 giens hostē, per sepe uelut qui Iunonis sacra ferret. E'  
 Comædijs exemplū sumetur muliebris inconstantia.  
 Sostrata in Adelphis: Au mi homo, sanus ne es? an hoc  
 proferendum tibi uidetur esse ussiam? Ac paulo post:  
 Ah minime gentium, non faciam, proferam: Aman-  
 tium inconstantiam exprimit Phædria e rure repen-  
 tē rediens. Puerilem inconstantiam Antipho ex Phor-  
 mione. Sed hoc persequi perlongum est. E' Tragæ-  
 dijs mutuabor Phædræ uariatis secū sententijs, nunc  
 uolentem, nunc nolentem. Medeam item ante filiorum  
 cædem diuersis agitatam affectibus. Ab Ouidio Bibli-  
 dem, Narcissum. A' Marone Didonem, iam Aenea pa-  
 rante discessum, atque hoc genus innumerabiles per-  
 sonas passim exhibent Poëtæ. Ex Apologis allega-  
 bo rusticum illum, qui Satyro admirante, eodem ex  
 ore modò callidum, modò frigidum efflabat. Et si qui  
 sunt alij, nam in præsentia rationem duntaxat osten-  
 dimus. E' proverbijs mutuabor *τὸ πᾶν ἀγίαρ ἄρ-  
 τιμῳ*. Item, *ἀνέμῳ πᾶσι*. Et *ἐν μεταβολῇ*  
τόπος

τὸρος λεοθόρον. Et ὁ δ' ἔας ποικιλώτορος. Et, λι-  
 θυχὸν θηρίον. aliaq; consimilia. Nā ipsi in prouerbijis  
 locos adiunximus, unde ista peti possint. Et, Saxū quod  
 subinde uoluitur, non obducitur musco. Et, Arbor quæ  
 subinde trāsplantatur, non grandescit. Rursum ex a-  
 pophthegmatis adducā illud dictū in Cicronem: Dua-  
 bus sedere sellis. Et in eundē à Sallustio scriptum: Aliud  
 stans, Aliud sedēs loquitur. Ex Homero, ἄλλοτερό-  
 σαλλον. Sic enim uocat Martē incertarū partium,  
 quiq; nūc cū his sentit, nunc illis. Ex Ouidio, ni fallor:  
 Et tantū constans in leuitate sua. Ex Horatio: Leuior  
 cortice. Et, Mutat quadrata rotundis. Et, Romæ Ty-  
 bur amo, uentosus Tybure Romam. Ex Plauto: Tipula  
 leuior. E' Terentij Phormione: Volo, nolo: nolo, uolo:  
 qd' dictū est, nō dictū est. Ex Euripide: πλάγια γὰρ  
 φρονίς, τὰ μὲν νῦν, τὰ δὲ παλαιά, τὰ δὲ αὖ-  
 τί κα. Iā apparet, opinor, quanta huius quoq; generis  
 suppellex ex tot scriptoribus colligi possit. Eadem est  
 sententiarū ratio, quas nō tantum ab autoribus sume-  
 re, uerumetiā oro re nouas parere licet. Quibus omni-  
 bus, si totidem opponas contraria, deinde subiunxeris  
 utrinque finitima, nimirum quā immensus orationis  
 penus futurus sit uidēs. At cum tam uarius sit usus, id  
 quod diligentius ostendemus in opere de ratione con-  
 scribendarum epistolarum, nihil erit quod non aliquo  
 pacto possis ad locupletandam orationem accommo-

dare: quandoquidem contraria quoque adhibentur, uel per ironiam, uel per dissimile, uel per comparisonem. Per ironiam, ut si quis hominem nunquam sui similem, Socratem appellet, qui in omni uita semper eodem uisus est uultu. Per dissimile, ut si dicas: C. Iulium Cæsarem nullius unquam facti poenituit: hic nihil unquam decreuit, quod non mox resciderit. Per comparisonem, si dicas: Quam Cato ille, quem Cicero praefractum uocat, a sententia non potuit abduci: tam hic non potest in eadem retineri sententia. Porro finitima, quod sunt facili deflexu, ad uicina trahuntur. Quod genus Persianum illud: Tecum habita. Nam etsi proprie quadrat in eum, qui maiora molitur, quam pro sorte sua, tamen quia non esse sua sorte contentum, cum inconstantia cognitionem habet, huc torqueri poterit, praesertim cum Seneca scribat: Primum argumentum compositae mentis existimo, posse consistere, & secum morari. Quin eadem simul & in laudem torqueri possunt, ut si omnium horarum hominem, uersatilique ac dextro ingenio laudes. Ex inconstantiae penario sumes polypum, ad speciem subiecti soli mutantem colorem. Sumes Euripum, ac negabis mare hoc esse tam uersatile, quam huius sit ingenium. Sumes flammam, stare nesciam. Sumes coelum subinde alia facie. Sumes arundinem utcumque flauerint aurae flectentem sese. Dices sapientis esse, pro re nata, pro tempore,

tempore, pro loco mutare sententiam, ac uitæ rationem. Stupida saxa, ac brutam tellurem unam non moueri. Cæterum ex animantibus, ut quodque præstantissimum est, ita maximè mobile esse. In uniuersa natura, quò quidq; præclarius est, hoc à quiete longius abesse. Infima est, quæ non mouetur terra, at mobilis aqua, mobiliior aër, ignis hoc quoque mobiliior, cælum quàm maximè mobile. Proinde mentem hominis, auram atq; ignem ab antiquis uocari. Contrà, stultos, tardos, stupidos, lapides, plumbum, in quas res maximè cadit constantiæ uocabulum. Per huiusmodi locos pleraque è constantiæ supellectile ad uituperandum traxeris: & ex inconstantia, ad laudem detorseris. Verum de his, at modò dictum est, aliàs tempestiuus.

MODVS REPETENDÆ  
LECTIONIS EX ERASMO.

**Q**uibusdam prima ac unica ferè cura est, statim ad uerbum ediscere: quod equidem non probo.

Est enim tum magni laboris, tum fructus propè nullius.

Quorsum enim attinet psittaci more uerba nō intellecta reddere? Commodiorem igitur uiam accipe.

Lectionem quidem auditam continuo relege, ita ut igniuersam sententiam paulò altius animo infigas.

Deinde à calce rursus ad caput redibis, & singula uerba excutere incipias, ea duntaxat inquirens, quæ ad grammaticam curam attinent, uidelicet, si quod uerbum obscuræ aut ancipitis deriuationis, si heteroclitæ coniugationis, quod supinum, quod præteritum faciat, quos habeat maiores, quos nepotes, quam constructionem, quid significet, & huiusmodi nonnulla.

Hoc ubi egeris, rursus de integro percurrito, ea iã potissimum inquirens, quæ ad artificium rhetoricum spectant.

Si quid uenustius, si quid elegantius, si quid concinnius dictum uidebitur, annotabis, indice, aut asterisco apposito.

Verborum compositionem inspicias, orationis decora sciscitare. Autoris consilium indagabis, quæ quidq; ratione dixerit.

Vbi quid te delectauerit uehementius, caue præter easam (quod aiunt) fugias. Fige pedem, ac abs teipso ratione exige, quare tantopere sis ea oratione delectatus, cur non ex cæteris quoq; parè ceperis uoluptatē.

Inuenies te acumine aut exornatione aliqua oratoria, aut compositionis harmonia, aut (ne omnia persequar) simili quadam causa commotum fuisse.

Quòd si aliquod Adagium, si qua sententia, si quod  
pro



prouerbum uetus, si qua historia, si qua fabula, si qua similitudo non inepta, si quid breuiter, acutè, aut alio= qui ingeniose dictum esse uidebitur, id tanquam the= saurum quendam animo diligenter reponendum ducia= to, ad usum & imitationem.

His diligenter curatis, ne pigeat quartò iterare.

Nam hoc habent eruditorum uirorum, summo in= genio, summis uigilijs elucubrata scripta, ut millies relecta magis magisq; placeant, semperq; admiratori suo nouum miraculum ostendant.

Id quod tibi in tabula sua sæpenumero, nec sine cau= sa laudata, euenire solet, quod antea non animaduer= tisses: idẽ tibi multo amplius in bonis autorib. eueniet.

Releges igitur quartò, ac quæ ad philosophiã, ma= ximè uerò Ethicẽ referri posse uideantur, circũspicies, si quod exemplum quod moribus accommodari possit.

Quid autem est, de quo non uel exemplum uiuen= di, uel imago quædam, uel occasio sumi queat?

Nam aliorum pulchrè ac turpiter factis, quid de= ceat, quid non, iuxta uidemus.

Hæc si facies, iam uel edidiceris, quanquam aliud egisti.

Tum demum, si libet, ad ediscendi laborem accedi= to, qui tũ aut nullus erit, aut certè perquãdã exiguus.

Quid deinde? Restat ut cum studiosis congregia= ris, tuas annotationes in medium proferas, uicissimq;

illorum audias: alia laudabis, alia reprehendes: tua partim defendes, partim castigari permittes.

Postremò, quod in alijs laudasti, tuis in scriptis imitari conaberis.

Item, à lectione subinde surgas, ac tecum inambulans, quæ legeris repetas.

## CONCIODE PVERO IESV, PRONVNCIATA

A' PVERO IN SCHOLA

Coletica, nuper instituta  
Londini.



VER apud pueros uerba facturus de ineffabili puerò IESV, non optarim mihi Tullianam illam eloquentiam, quæ breui atq; inani uoluptate aures deliniat. Quantū enim abest CHRISTI sapientia à sapientia mundi (abest autem immenso interuallo) tantum oportet Christianam eloquentiam à mundana differre eloquentia. Sed illud unà mecum ardentibus uotis impetretis uelim ab optimi IESV optimo patre Deo, à quo ceu fonte, bonorum omnium summa proficiscitur, quicq; solus fecundo illo suo spiritu linguas infantium reddit disertas,  
uel

uel è lactentium ore laudem absolutam depromere solitus, ut quemadmodum omnis nostra uita non alium exprimere debet, quàm ipsum, de quo dicturi sumus, IESV N: ita & oratio nostra illum sapiat, illum referat, illum spiret, qui & uerbum est patris, & uerba uitæ solus habet, cuius sermo uiuus, & efficax, penetrantior est quicuius gladio ancipiti, ad intimos etiam cordis recessus penetrans. Utq; ipse, de cuius uentre flumina promanant aquæ uiuæ, non grauetur per organum uocis nostræ, uelut per canalem, in omnium uestrum animos influere, multoq; gratiæ cœlestis irrigare succo. Id ita futurum confido, commilitones mei charissimi, si pijs uotis purgatas, ac uerè sitientes aures adiungetis, eas uidelicet aures, quas æternus ille sermo requirens in Euangelio, Qui habet (inquit) aures ad audiendum, audiat. Nos porro cur non audiamus rem hanc, arduam quidem illam, sed tamen piam aggredi? Præsertim ipso adiutore Deo, in quo hoc plus potest mortalis infirmitas, quo minus suis nititur uiribus, & in quo PAVLVS omnia se posse gloriatur. Iam uerò cum tanto studio flagrent isti, qui mundanæ, hoc est, diabolicæ militiæ dedere nomina, ut suū quicquid ducem laudibus uehant, nobis quid prius aut antiquius esse debet, quàm ut præceptorem, uindicem, imperatorem nostrum IESVM, ac eundem quidem omnium, sed tamen peculiariter nostrum, id est, puerum

rorum principem, certatim pijs celebremus præconijs?  
 Hunc in primis cognoscere studeamus, cognitum lau-  
 demus, laudatum amemus, amatum exprimamus, atq;  
 imitemur, imitantes eo fruamur, fruantes immortali  
 felicitate potiamur. Sed in tam ubere tamq; immensa  
 rerum copia, unde quæso initium, aut ubi finem no-  
 stra reperiet oratio? Cum is de quo loqui paramus,  
 fons sit, uel (ut uerius dicam) Oceanus bonorū omniū.  
 Verū ut ipse natura incomprehensus & infinitus,  
 tamen sese uelut in arctum cohibuit, contraxitq;: Ita-  
 dem & nostra oratio in explicandis eius laudibus,  
 quæ modum nesciunt, modum tamen ipsa sibi faciat  
 oportet. Equidem tria potissimum esse uideo, quæ uel  
 discipulorum, uel militum animos solent ad gnauiter  
 agendum inflammare: ea sunt ducis admiratio, amor,  
 & præmium. Itaq; quò præceptori nostro ac duci  
 IESV studijs alacrioribus pareamus, agedum singu-  
 latim hæc in eo pia curiositate consideremus. Primo  
 loco quàm sit suspiciendus undiq; ac stupendus. De-  
 inde quantopere diligendus, atq; ob id imitandus. Po-  
 stremo, quàm ingens dilectionis fructus. Ac mos qui-  
 dem est rhetorum in hoc dicendi genere, illustrium  
 principum adhibere exempla, uidelicet quò collatio-  
 ne crescat is, quem conantur laudibus attollere. Ve-  
 rum imperator noster usque adeò superat omne celsi-  
 tudinis humanæ fastigium, ut quicquid quantumuis  
 egregium

egregium adhibueris, tenebras admoueris, non lucem. Cuius enim imagines, ac natalium splendor non uideatur esse sumus, si cum IESV componas? Qui quidem ineffabili, imò etiam incogitabili ratione Deus à Deo semper absq; tempore nascitur, æterno summoq; parenti per omnia æqualis. Quanquam huius uel humana natiuitas non ne facile regum omnium claritatem obscurauerit? Quippe qui stupente rerum natura, autore patre, afflante spiritu, pronubo Angelo, citra uirilem operam, uirgo de uirgine cœlitus grauida, natus est homo in tempore: & rursum ita natus homo, ut neq; Deus esse desineret, neq; sordium nostrarum quicquam omnino contraheret. Iam uerò quid eo fingi potest amplius, qui infusus per omnia, nullo tamen loco cohibitus, in se ipso manet immensus? Quid illo ditius, qui summum illud est bonum, à quo bona promanant omnia, nec tamen ipse diminui potest? Quid illustrius eo, qui splendor est paternæ gloriæ, quiq; solus illuminat omnem hominem uenientem in hunc mundum? Quid illo potentius, cui pater omnipotens uniuersam tradidit potestatem in cœlo & in terra? Quid efficacius eo, qui simplici nutu condidit uniuersa, ad cuius iussum silescit mare, uertuntur rerum species, fugiunt morbi, concidunt armati, pelluntur dæmones, seruiunt elementa, scinduntur petreæ, reuiuiscunt mortui, resipiscunt peccatores, deniq; nouantur omnia? Quid

Quid augustus eo, quem admirantur superi, tremunt inferi, medius hic orbis supplex adorat, ad cuius comparationem summi reges nihil aliud quàm uermiculos esse se confitentur? Quid eo fortius atque inuictius, qui solus mortem alijs inuictam, sua morte deuicit, ac sathanæ tyrannidem cœlesti uirtute demolitus est? Quid triumphantius eo, qui perfractis ac spoliatis inferis, tot pijs comitatus animabus, uictor cœlos adiit, ibiq; sedet ad dexteram Dei patris? Quid illo sapientius, qui tam admirabili ratione cuncta condidit, ut uel in apicula tot, tantâq; suæ sapientiæ reliquerit miracula, quiq; tam stupendorum ordine, atq; harmonia nectit, continet, administrat uniuersa, obiens omnia, nec tamen à seipso discedens, omnia mouens ipse immotus, omnia concutiens ipse tranquillus: postremò in quo id, quod stultissimum est, uniuersam mortalium sophorâ sapientiam longo superat interuallo? Cuius debet nobis esse grauior autoritas, quàm eius de quo pater ipse palàm est testificatus: Hic est filius meus dilectus, in quo mihi cōplacui, ipsum audite. Quid æquè reuerendum, atq; is cuius oculis perspicua sunt omnia? Quid perinde formidandum atq; ille, qui solo nutu potest & animam & corpus in tartara mittere? Quid aut for=

mosius eo, cuius uultû intueri summa est felicitas? Deniq; si multis pretium addit antiquitas, quid illo antiquius, qui nec initium habet, nec finem est habiturus.

Sed

Sed fortasse magis conuenerit, ut pueri puerum admirerur, quandoquidem hic quoq; stupendus occurrit: usque adeo, quod illius est infimū, sublimius est ijs, quæ sunt apud homines excelsissima. Quantus erat ille, quem infantulum uagientem, pannosum, abiectum in præsepe, tamen coelitus canunt angeli, adorant pastores, adorat & quæ genuit, agnoscūt bruta animantia, indicat stella, uenerantur Magi, timet rex Herodes, trepidat omnis Hierosolyma, sanctus amplectitur Syæmeon, uaticinatur Anna, in spem salutis eriguntur pii? O humilem sublimitatem, & sublimem humilitatem. Si noua miramur, quid simile unquam aut factum, aut auditū, aut cogitatum? Si magna suspicimus, quid nostro IESV modis omnibus amplius, quem nulla creatura possit uel exprimere uoce, uel cogitatione concipere? Huius magnitudinem qui uelit oratione completi, is multò stultius agat, quam si conetur uastissimum Oceanū angusto exhaurire cyatho: Adoranda est eius immanitas magis, quàm explicanda, quam uel hoc ipso magis mirari conuenit, quo minus assequimur. Quidni nos faciamus, cum magnus ille præcursor indignum sese pronunciet, qui corrigiam calciamentorum eius soluat? Agitè igitur pueri suauissimi, hoc tam inclyto puero IESV præceptore, hoc tam insigni duce sancta superbia gloriemur, huius sublimitas nobis ad piè audendum animos addat, in hoc uno nobis ipsi placeamus,

placeamus, ut existimantes illius omnia nobis esse cōmunia, nos ipsos meliores arbitremur, quàm qui semel tali addicti imperatori mundo, uitijsue, sordidissimis utiq; dominis seruiamus.

SECUNDA PARS.

**S**ed admirantur & contremiscunt etiam demones, at amant soli pij. Quamobrem altera huius orationis pars, ut propius ad nos pertinet, ita est atque tentioribus auribus accipienda. Videlicet quot nominibus IESVS sit nobis amandus, uel redamandus magis, ut qui nos & nondum conditos, ante omne tempus amarit in se, in quo iam tum erant omnia. Ita natua sua bonitate, cum nihil essemus, nos finxit: finxit autem non quoduis animal, sed hominem: & finxit ad suam ipsius imaginē, hoc est, summi boni capaces, ac sacro sui oris afflatu spiritum uitalem indidit. Ad hæc cæteris animantibus imperio nostro parere iussit. Quinetiam angelis in nostri tutelā designatis, latissimam hanc, ac pulcherrimam mundi fabricam nostris addixit usibus. In qua nos uelut in admirabili quodam theatro constituit, ut in rebus creatis opificis sapientiam admiraremur, bonitatem amaremus, potentiam ueneraremur: quoque id magis fieret, tot sensuum adminiculis instruxit, tot animi dotibus ornauit, tam perspicaci ingenij lumine cōdecorauit. Quid hoc animæ fingi poterat uel admirabilius uel felicius? Sed o  
semper



semper felicitatis comitem inuidiam. Rursum serpentis astu in peccatum, hoc est, plusquam in nihilū relapsus est miser. Sed hic tu rursum optime IESV, quàm ineffabili consilio, quàm inaudito exemplo, quàm incomparabili charitate tuum figmentū restituisti? Nam ita restituisti, ut labi propemodū expedierit, cāq; culpā quidam non absurdē felicē uocauerit. Omnia debemus conditori, at reparatori plusquā omnia debemus. Vltro temetipsum ē regno patris in hoc nostrum exilium demisisti, ut nos ē Paradiso exactos, cœli ciues redderes: nostrā humanitatē assumpsisti, ut nos in tuæ diuinitatis consortiū ascisceres: nostrum hunc limum induisti, ut nos immortalitatis gloria uestires: nostra tectus forma, nobiscū in hoc calamitoso mundo cōplures annos agere uoluisti, ut uel sic in tui raperes amorē: nudus in hāc lucē, imò noctē, emerfisti nobiscū: atq; adeo pro nobis uagisti, sitiisti, esuristi, alsisti, aestuasti, laborasti, de lassatus es, eguisti, uigilasti, ieiunasti, tot malis nostris obnoxius esse uoluisti, ut nos ab omnibus exēptos malis, in tui, hoc est, summi boni cōmunianem assereres. Deinde per omnē sanctissimæ uitæ tuæ seriem, quàm efficacibus exemplis animos nostros inflāmas? quàm salutaribus præceptis erudis, ac formas? quā stupendis miraculis expergefācis? quā blandis monitis trahis? quàm certis promissis inuitas? ut non sit alia commodior uia ad te, nisi per teipsum, quā unus es uia,

uia ueritas, & uita. Sed uiam non indicasti modò, uerumetiam aperuisti, dum pro nobis uinciri, trahi, damnari, rideri, cædi, conspui, uapulare, probbris affici, demum & in ara crucis agnus sine macula immolari uoluisti, ut nos tuis uinculis solueres, tuis sanares uulneribus, tuo lauares sanguine, tua morte ad immortalitatem eueheres. In summa, totum te nobis impedisti, ut tui (si fieri possit) iactura nos perditos seruares, uitæ redditus toties tuis apparuisti, atque illis intuentibus patrem repetisti, ut membra considerent eò se peruentura, quò caput iam præcessisse conspicerent. Deinde quo magis confirmares amicos, patre placato egregium illud perpetui amoris tui pignus misisti, sacrum illum spiritum, quo mortui mundo longè uerius ac felicius iam uiueremus in te, quàm nostro hoc spiritum uiuimus. Quæso quid his summæ caritatis argumentis poterat accedere? Ne hæc quidem tam multa, tam magna flagrantissimo tuo in nos amoris sat erant. Quis enim commemorare posset, quot martyrum moribus nos ad huius uitæ contemptum animas? quot uirginum exemplis ad continentiam accendis? quot sanctorum monumentis ad pietatem sollicitas? quàm admirandis ecclesiæ tuæ sacramentis communis pariter ac ditas? ut consolaris, erigis, armas, doces, mones, trahis, rapis, mutas, transformas nos arcanis tuis literis, in quibus uiuas quasdam tui scintillulas condi uoluisti,

magnum

magnum amoris incendium excitaturas, si quis modò pia diligentia conetur excutere. Deniq; quàm undiq; nobis obuius es, ne quando liceat obliuisci tui. Ad hæc quàm paternè toleras peccantes? quàm clementer recipis ad te redeuntēs? Nec imputas benefacta tua gratis, nec resipiscentibus nostra imputas malefacta. Ut subinde tacitis uellicas, ac trahis instinctibus? ut emendas aduersis? ut allicis prosperis? ut omnem mokes lapidem? ut nusquam cessat ardentissima charitas in fouendis asserendis, tuendis, beandis nobis? Sed quā pauca de tam innumeris perstrinximus cōmilitones, & tamen uidetis quàm sit immensus beneficiorum aceruus. Eat nunc qui uolet, & Pyladas, Orestes, Pirithoos, Theseos, Damonas, ac Pythias uerbis phaleratis efferrat, mera præ his nugamenta. Atq; hæc quidem contulit ultro nihil promeritis, imò transfugis, atq; hostibus, & à quibus nihil omnino mutui beneficij redire poterat. Si mediocribus officijs homines ad amandum hominem accendimur, hunc conditorem, uindicem, sic amantem, sic promeritū, nō saltem redamabimus? quādoquidem hanc solam gratiam ille à nobis reposcit, quàm tamen ipsam in nostrum refundit lucrum. Adam sanguine mollescit hircino: aquilæ, leones, par di, delphines, dracones, agnoscunt ac referunt beneficiū: & ô duritiam cordis humani plusquam adamantinam, si tam inaudita cbaritate non mitescit: ô ingratitudi-

nem plusquam beluinam, sit tantorum meritorū potest obliuisci: ò singularem impudentiam, dicam, an potius dementiam, si sic conditus, sic restitutus, sic locupletatus, tanta obrutus beneficentia, ad tantas uocatus spes, quicquam amare potest, præter illum unum, in quo ex quo sunt omnia, quiq; nobis omnia secum impertit. Porro autem quanquam hæc mortalis omnis completur, tamen nos illi peculiariter debemus, propterea quod in nostrum, hoc est, puerorum ordinem, singulari quadam propensione, atque indulgentia fuisse sese pluribus declarauit argumentis. Primum, quod ita ut erat uatum oraculis promissus, puer paruulus nasci uoluit, cum esset inmensus. Præterea quod adhuc uteri uirginei latebris inclusus, infantis item nondum nati, gestu atq; exultatione gauisus est saluari. Deinde quod statim innocentium puerorum sanguine, suam natiuitatem uoluit consecrari, ut his quasi uelitibus dux inuictu bellum auspicaretur. Adde his quod instante morte triumphali, Hierosolyma ueniens, puerorum occursum atq; officio decorari, puerorum uoce suas laudes decantari maluit. Iam uerò quàm amantem, quãq; sollicitum puerorum patronum agit, cum matribus infantes suos offerentibus, ut IESU contactu consecraretur, discipulis ne possent admitti uetantibus indignans, Sinite (inquit) paruulos uenire ad me? Neq; uerò pueris benedixit tantum, uerumetiam negat ulli

mor=

mortalium aditum patere in regnum cœlorum, nisi qui ad paruulorum formã descenderit. Rursum quàm amanter & illud, cum tam grauitè deterret ab offendendis pusillis, affirmans magis expedire, ut molari saxo collo alligato præceps in mare detur aliquis, quàm ut unum quemlibet ex his paruulis offendat? Atque his quàm insigne addidit elogium ad puerorum commendationem? Amen dico uobis, angeli eorum semper uident faciem patris. Gratias agit tibi tuus, tibiq; dicatus grex IESV præceptor, cui quæso, ut sacras tuas manus semper admouere uelis, & ab omni scandalo procul arceas. Quid illud? nõne magnum amoris indicium, cum puerum in medio collocatum discipulis cum exemplum proponit? Nisi, inquit, conuersi fueritis, & efficiamini sicut paruulus iste, non intrabitis in regnum cœlorum. An non eodem pertinet, cum Nicodemo sciscitanti, qua uia possit ad uitam immortalem pertingere, iubet ut denuo renascatur, hoc est, in puerum redeat? Usque adeò CHRISTO duci nostro placuit infantia, ut senes etiam cogat repuerascere, si modò uelint in illius admitti consortium, extra quem nulla salutis spes est. Neq; uerò à CHRISTO dissonat Petrus, cum admonet, ut tanquam nuper editi infantes lac concupiscamus. Neque discrepat PAULVS, Filioli mei, inquit, quos iterum parturio, donec sermetur CHRISTVS in uobis. Idem paruus

los in CHRISTO lacte potat. Multa sunt id genus loca in mysticis literis. Omnino Christianismus nihil aliud est, quàm renascentia, quàm repuerascentia, quædam. Magnum igitur pueri, magnum pueritiæ sacramentum, quò IESVS tantopere delectatus est. Non contemnimus ætatem nostram, quàm uerus ille rerum æstimator tanti fecit. Tantum demus operam, ut eiusmodi simus pueri, cuiusmodi diligit IESVS. Diligit autem innocuos, puros, dociles, simplices: atq; illud interim meminerimus hanc Deo gratam pueritiæ, non in annis esse sitam, sed in animis: non in temporibus, sed in moribus. Est enim præposterum quoddam, nobisq; magnopere fugiendum puerorum genus, qui mento leui, mente sunt hirsuta, & ætate impuberes, uitiosa astutia scnes sunt. Est igitur nouum quoddam pueritiæ genus, quod à CHRISTO probatur, pueritiæ citra puerilitatem, & omnino senilis quædam pueritiæ, quæ non æuorum numero constat, sed innocentia, sed ingenij simplicitate. An non id palàm indicat Petrus cum ait: Deponentes igitur omnem malitiam, & omnem dolum, & simulationes, & inuidias, & destructiones. sicut modò geniti infantes rationabile, & sine dolo lac concupiscite, ut in eo crescatis in salutem? Cur addidit rationabile? nempe ut excluderet stultitiam, quæ huius ferè ætatis consuevit esse comes. Cur detrahit inuidias, simulationes, ac reliqua id genus uitia

uitia, quæ senum sunt quasi peculiaria? nimirum ut intelligeremus CHRISTI queros simplicitate ac puritate æstimare, non natalibus. Ad eundem modum et Paulus: Malitia, inquit, paruuli estote, sensibus autem perfecti. Quamquam est omnino in ipsa puerorum ætate natiua quædam bonitas, ac uelut umbra quædam ac simulacrum innocentie, uel spes potius atq; indoles futuræ probitatis. Mollis, et in quemuis habitum sequax, animus, pudor optimus innocentie custos, ingenium uitij uacuum, corporis nitor, ac uelut flos quidam uernantis æui, et nescio quomodo quiddam spiritibus cognatum ac familiare. Neq; enim temerè fit, ut quoties apparent angeli, puerili specie sese offerant oculis. Quinetiam magi si quando suis incantamentis spiritum eliciunt, in puerile corpus feruntur accersere: at quanto libentius spiritus ille diuinus, pijs ac sanctis euocatus uotis, in huiusmodi domicilia demigrabit? Ergo ad has naturæ dotes, si accesserit summi illius et absoluti pueri imitatio, tum demum et grati in illum, et illo digni pueri uidebuntur. Etenim sic promeritum quis possit non amare? Verum enim uero ea ueri amoris uis est, ut eius quod ames, quam similitum esse cupias. Quod si in nobis efficit amor humanus, quantum emulandi studium excitabit amor diuinus, cui ille collatus uix amoris umbella est? Proinde si uerè atq; ex animo, non uerbotenus IESVM amamus, IESVM pronos

stra uirili conemur exprimere, uel potius in illum  
 transformari. Quòd si uirum assequi non possumus,  
 saltem pueri puerum imitemur. Quinquam hoc ip-  
 sum facinus est haudquaquam puerile, imò senilibus e-  
 tiam uiribus maius, sed quod ferè nusquam succedat  
 felicius quàm in pueris. Etenim quoties negotium ab  
 humano pendet presidio, tum robur, etis, sexus expè-  
 ditur: uerùm ubi gratiæ res agitur, non naturæ, tum  
 hoc efficacius exerit sese miraculum spiritus, quo mi-  
 nus erat opis ac fiduciæ in carne. Denique quid dubite-  
 mus, aut diffidamus, ipso formante, fingente, ac trans-  
 formante nos, quæ n conemur exprimere? Quis Da-  
 nieli puero tantum adludit prudentiæ? quis puero Salo-  
 moni tantum tribuit sapientiæ? quis tribus illis pueris  
 tantum adiunxit tolerantiae? quis puerum Heli dig-  
 num diuino fecit alloquio? quis Nicolao puero, quis Ae-  
 gidio, quis Benedicto, quis Agneti, quis Cæcilie, quis  
 tot tam teneris uirgunculis, tam masculam atq; inui-  
 ctam uirtutem dedit? Profectò non natura, sed gratia:  
 Et ubi minus succurrit natura, ibi mirabilius operatur  
 gratia. Hac igitur freti, magno animo studium æmu-  
 landi puerum RESVM capeffamus, nec unquam ocu-  
 los ab eo uelut à scopo defleuimus. Absolutum exem-  
 plar habemus, nihil est quod aliunde petere oporteat.  
 Omnis illius uita, quid nos sequi debeamus, clamat.  
 Qui autem docuit puer ille purissimus, de purissima  
 uirgine



uirgine uatus, nisi ut omnem huius mundi spurcitē,  
& inquinamenta uitemus, atque angelicam quandam  
uitam iam nunc in terris meditemur, hoc est, id esse  
meditemur, quod illic semper sumus futuri? Porro  
spiritus IESV cum omneis sordes auersatur & odit,  
tum præcipue beluinam illam, & prorsus homine in-  
dignam libidinem. Quid autem docuit nos, natus pe-  
regre, editus in tuguriolo, abiectus in præsepe, pan-  
nis inuolutus, nisi ut semper meminerimus nos hic  
paucorum dierum hospites esse, utq; calcatis opibus,  
spretis mundi falsis honoribus, per pios labores ad  
cœlestem illam patriam expediti festinemus, in qua iā  
nunc animo uiuamus oportet, etiamsi corporeis in-  
terim pedibus terram contingimus? Rursum quid ad-  
monuit in Aegyptum aufugiens nisi ut inquinatorum  
commertium modis omnibus deuitemus, qui IESVM  
in nobis, hoc est, innocentiam, ac mundi negle-  
ctum conatur extinguere? Quid uerò docuit cir-  
cuncisus, nisi ut omneis carnis affectus ad CHRI-  
STVM properantibus obstrepentes amputemus, ac  
tanquam in nobis ipsis mortui, solo IESV spiritu  
ducamur ac uegetemur? Quid docuit oblatus in tem-  
plo, nisi ut totos nos ab ipsa iam infantia Deo re-  
busq; sacris dedicemus consecremusq; , ac protinus re-  
centi adhuc mentis testa IESVM imbibamus? Ne-  
que enim ulla ætas ad discendam pietatem immatura  
est,

est, imò non est alia magis tempestiua ad discendum  
 CHRISTVM, quàm ea, quæ mundum adhuc nescit.  
 Iam ipsi apud uos æstimate pueri, puer ille sic natus,  
 sic Deo dicatus, quàm sanctis studijs totam pueritiam  
 transegerit, non otio, non cibo, non somno, non ineptis  
 lusibus, non stultis fabulis, non euagationibus, quem  
 admodum puerorum uulgus facit, sed aut parentum  
 obsequijs, aut sacris orationibus, aut auscultandis do-  
 ctoribus, aut pijs meditationibus, aut sancti ac serijs  
 cum equalibus pueris colloquijs. An non hæc, & mul-  
 ta similia summatim complexus est sanctus Lucas?  
 cum scribit ad hunc modum: Puer crescebat, & con-  
 fortabatur, plenus sapientia, & gratia Dei erat in illo.  
 An non palàm uidetis nouum pueritiæ genus? de pristi-  
 nis pueris dictum est: Stultitia colligata est in corde  
 pueri. De nouo hoc auditis, plenus sapientia. Quid  
 adhuc ætatis inscitiam præteximus, cum audiamus  
 non sapientem, sed plenum sapientia puerum? Videte  
 ut omnem rerum ordinem hic puer inuertit, qui loqui-  
 tur in Apocalypsi: Ecce ego noua facio omnia. Perdi-  
 tur sapientia senum, ac prudentia prudentium repro-  
 batur, ac pueri implentur sapientia. Nimirum hoc na-  
 mune gratias agens patri: Quoniam, inquit, abscondi-  
 sti hæc à sapientibus, & reuelasti ea paruulis. Porro ne  
 stultiam huius mundi, ac fucatam sapientiam affertare  
 mus, protinus adieci: Et gratia Dei erat in illo. Is ue-  
 rò de-

ro demum sapit, qui mundo desipit, & nil nisi CHRIS-  
TVM sapit. Is non è philosophorum libris, non è  
Scoticis argutijs, sed sincera fide cognoscitur. sse tene-  
tur, charitate deuincitur. Iam uerò quàm multa do-  
cuit nos? Vbi duodecim natus annos, à parentibus fur-  
tim subduci sese, ne inter notos quidem ac propinquos  
reperitus, post triduum deniq; inuentus est. Sed ubi tã  
dem inuentus? Num in circulis? num in choris? num  
in uijs aut foro? Audite pueri, ubi reperitus sit IESVS,  
relictis parentibus, quodammodo fugitiuus, & ubi  
uos uersari conueniat, intelligetis. In templo inquam,  
inuentus est, in medio doctum sedens, audiens illos,  
ac uicissim interrogans. Quid docuit nos IESVS his  
tam admirãdis factis? Non dubium quin rem magnam,  
rem seriam, rem imitandam docuerit. Quid autem?  
quid? nisi ut grandescere in nobis CHRISTO, quan-  
doquidem & in nobis nascitur, & habet suos etas-  
tum gradus, donec occurramus in uirum perfectum,  
& in mensuram plenitudinis eius. Ergo cum grandef-  
cit in nobis, docet ut naturales parentum & amico-  
rum affectus in Deum transferamus, nihil hic amemus  
nihil miremur, nisi in CHRISTO, & CHRISTVM  
in omnibus. Meminerimus nos uerum patrem, pa-  
triam, cognatos, amicos habere in cœlis. Verum ne  
quis imaginetur hunc parentum neglectum, fistum,  
aut inobedientiam sapere, consequitur, Et erat subdi-

tus illis. Imò nemo suos parentes uerius amat, nemo magis piè colit, nemo obseruantius morem gerit, quàm qui sit contemnit. Quid autem est sedere in templo, nisi in rebus sacris conuiescere, & ad discendum animum ab omnibus tranquillum curis adferre? Nihil autem uitij est turbulentius, & ocium ac quietem amat sapientia. Iam quid tandem nos grauemur discere, quàm attentas aures præceptoribus præbere conuenit: cum puer ille cœlestis, sapientia Dei patris, in medio doctorum sedeat, audiens uicissim ac respondens: sed ita respondens, ut omnes eius sapientiam admirarentur. Neque id mirum, cum is esset, ad quem omnis mundi sapientia stulta est. Præclara res legum prudentia, egregiæ res philosophiæ cognitio, suspicienda res theologiæ professio. Verùm si quis LESUM audiat, illico stultescunt omnia. At nostra responsio, si sapientiæ miraculum excitare non potest, certè sapiat modestiam, sonet innocentiam. Rursum obsecro, quàm morigeros, quàm obsequentes nos esse decet parentibus ac præceptoribus, quos potiores ueluti ingenij parentes habemus, posteaquam ille dominus omnium cum à parentibus non intelligeretur, tamē subditus illis redierit in Nazareth. Debetur hoc pietati, debetur parentum reuerentiæ, ut aliquoties illorum uoluntati cōcedamus, etiam si nos meliora uiderimus. Sed iam operæ precium est audire, quàm apto siue Lu

cas IESV pueritiam concluderit. Et IESVS (inquit).  
 proficiebat sapientia, ætate & gratia apud Deum,  
 & apud homines. Quàm multa, quàm paucis nos do-  
 cuir? Primum, cum ætatis accessione, pietatis item ac-  
 cessionem oportere copulari, ne illud in nos iure dici  
 possit, quod in hominum uulgus diuus dixit Augusti-  
 nus: Qui maior est ætate, maior est iniquitate. Néue  
 in hoc pulcherrimo certamine unquam restemus, aut  
 nos affecutos arbitremur, sed in morem currentium  
 in stadio, à tergo relicta negligentes, in anteriora nita-  
 mur, ac semper à bonis ad meliora, à melioribus ad op-  
 tima proficere conemur, donec ad metam, hoc est, hu-  
 ius uitæ finem peruentum erit. Socrates iam admo-  
 dum senex, perinde quasi nihil sciret, ita semper & à  
 quouis discere sitiebat. Itidem & nos quo magis in  
 CHRISTO fuerimus, hoc minus nobis placebimus,  
 si modò uerè in illo fuerimus progressi, adeò φιλαυ-  
 τία pestis est & studiorum, & pietatis. Ac iuxta Fa-  
 bium præcox illud ingeniorum genus, non temerè per-  
 uenit ad frugem uel eruditionis, uel innocentie. E-  
 quidem nec ordinem ociosum esse puto apud Deum,  
 & apud homines, ut intelligamus in primis dandam  
 operam, ut uita nostra Deo placeat. Id agentes,  
 humanus fauor ultrò consequetur. Nihil enim uirtu-  
 te pulchrius, nihil amabilius, quàm laus hoc magis se-  
 qui solet, quò minus appetitur. Paucis, ut potuimus,  
 uobis

vobis expressimus exemplar pueri, quem & amare  
 plurimum, & imitati studiosissimè debemus. Atq; o-  
 mnino tantum uidebimur amare, quantum fuerimus  
 imitati. Rursum, tanto plenius imitabimur, quanto  
 amabimus ardentius. Proinde hoc ipsum ab illo quoti-  
 dianis ac puris præcibus flagitemus, ut nobis donet a-  
 more sui flagrare, sui similes euadere, hoc est, castos,  
 puros, incontaminatos, mites, simplices, tractabiles,  
 expertes fuci, ignaros doli, nescios inuidiæ, parentibus  
 morigeros, præceptoribus dicto audientes, mundi con-  
 temptoris, rebus diuinis addictos, pijs literis intentos,  
 nobis ipsis quotidie meliores, probatos superis, gratos  
 hominibus, odore bonæ famæ quàm plurimos ad CHRI-  
 STVM allicientes. Hæc, inquam, assiduè flagitemus,  
 hæc manibus pedibusq; conemur, dum habilis ætas,  
 breui alioqui fugitura. Etenim si rectè monuit Fabius,  
 optima statim ac primò discenda, quid prius disci de-  
 bet, quàm CHRISTVS, quo nihil est melius? Imò  
 quid aliud discere oportet Christianum, quàm eum  
 unum, quem nosse, uita est æterna? quemadmodum ip-  
 se testatur patrem orans in Euangelio. Id si curabi-  
 mus, utcumq; pro uirili gratiam referemus tam sin-  
 gulariter de nobis merito, & illi referendo gratiam,  
 ipsum nobis lucrificiemus. Referemus autem hoc ple-  
 nius, quò uehementius redamabimus. Porro hoc ma-  
 gis illum redamabimus, quò magis uita ac moribus  
 expri-

exprimemus. Iam quo magis exprimemus, hoc magis ipso locupletabimur.

## TERTIA PARS.

**A**T interim nonnullis forsitan succurret animo, du-  
ram hanc esse militiam, repudiatis omnibus, cū  
CHRISTO crucem tollere. Sed memineritis fratres  
dilectissimi, longè diuersam mundi & CHRISTI esse  
naturam. Mundus seu fucata meretrix, prima fronte  
blandus nobis, & aureus occurrit: postea quo ingre-  
diare altius, quo propius inspicias, hoc magis ac ma-  
gis tetra, putida, fellita sunt omnia. E diuerso CHRIS-  
TUS procul intuentibus durior apparet, dum cru-  
ces uidemus, dum uoluptatum ac uitæ contemptum.  
Verum si quis fidenti animo totum sese in illam rei-  
ciat, reperiēt nihil esse mollius, nihil expeditius, ni-  
hil dulcius. Nisi fortè uerum non dixit ueritas in Euan-  
gelio, cum ait: Tollite iugum meum super uos, & inue-  
nietis requiem animabus uestris: iugum enim meum  
suauē est, & onus meum leue. Hæc nimirum uerè est  
ardua illa uirtutis uia, quam & olim tanto ante  
CHRISTVM, utcunq; somniauit Hesiodus, primo as-  
ditu asperior, progressu semper & facilior, & amœ-  
nior. Sed quidem tandem asperum uideri potest, quo ad  
tam ingens, tam certum itur præmium? Si iuxta sapi-  
entis dictum, spes præmij minuit uim flagelli, quis in  
hac momentanea uita, non leue, non dulce iudicet,  
quo

quo cœlestem illam, & nunquam desituram sibi faceret uitam, æternum regnare cum CHRISTO, assidue summum illud intueri bonum, uersari in angelorum contubernio, ab omni malorum metu procul abesse? Quis, oro, tantum hoc præmium, non uel sexcentis mortibus emptum uelit? Atqui hoc tantum donatiuum pollicetur militibus suis imperator noster IESVS, qui neque fallere potest, neque mentiri nouit. Iam apud uosmetipsos expendite fructus, æternitatem ac magnitudinem: contra quam breue huius militiæ tempus, nimirum haud longius ipsa uita: quæ quid aliud est, quam uapor ad exiguum tempus apparens, aut unius horæ somnium? Sed agendum de hoc interim inestimabili præmio fileamus, atque inspiciamus quàm abunde magna mercede dux noster militum suorum labores etiam in hac uita compenset, quanquā disparem metant messem, qui mundo militant, & qui merent sub CHRISTO IESU. Audiamus quid ipsi dicant impij in libro Sapientiæ: Lassati sumus in uia iniquitatis & perditionis, ambulauimus uias difficiles, uiam autem domini ignorauimus. Ille erat mundus fucatis honorum simulachris, quæ nihil aliud sunt quàm mellita uenena: mox attractos, & uelut inautoratos, Deum immortalem, in quas curas, quas sollicitudines, quas turbas, quæ dispendia, quæ dedecora, in quam conscientiae mentis carnificinam  
in quàm



in quàm infelicem exitum miseros adducit? Vt hic  
quòq; iam abunde magnas impietatis pœnās dedisse  
uideantur, etiam si nulli consequantur inferi. At qui  
reiectis mundi fucis, in IESVM, hoc est, summum  
bonum, omnem amorem, curam, studiumq; transfe-  
runt, totiq; ab illo pendent, ij iuxta promissum euange-  
licum, non modò uitam aeternam possidebunt, uerum  
etiam in hoc seculo centuplum accipient. Quid est au-  
tem accipere centuplum? Nempe pro fucatis bonis ue-  
ra, pro incertis certa, pro fluxis aeterna, pro ueneno  
tinctis syncera, pro curis ocium, pro solitudine si-  
duciam, pro turbulentia tranquillitatem, pro di-  
ssendijs utilitatem, pro flagitijs integritatem, pro con-  
scientiæ cruciatu secretum & ineffabile gaudium, pro  
turpi atque infelici exitu gloriosam ac triumphalem  
mortem. Spreuisti diuitias amore CHRISTI, in  
ipso ueros inuenies thesauros. Reiecisti falsos hono-  
res, in hoc longè eris honoratior. Neglexisti paren-  
tum affectus, hoc indulgentius fouebit te pater uerus  
qui est in cœlis. Pro nihilo habuisti mundanam sapien-  
tiam, in CHRISTO longè uerius sapiēs, ac feli-  
cius. Aspernatus es pestiferas uoluptates, in ipso mul-  
tò alias inuenies delitias. Breuiter, ubi arcanas illas  
sed ueras opes CHRISTI, diffusula mundi cali-  
gine uideris, omnia quæ prius arridebant, quæ solici-  
tabant, ea non solum non admiraberis, sed perinde ut  
pestis

pestes quasdam fugies, reijcies, auersaberis. Fit enim mirum in modum, ut simul atq; cœlestis illa lux animos nostros penitus attigerit, protinus noua quedam rerum omnium species oboriatur. Itaq; quod paulo antè dulce uidebatur, nunc amarescit: quod amarum, dulcescit: quod horrendum, blanditur: quod blandiebatur, horrescit: quod splendidum antè, nunc sordidum: quod potens, infirmum: quod formosum, deforme: quod nobile, ignobile: quod opulentum, egenum: quod sublime, humile: quod lucrum, damnum: quod sapiens, stultum: quod uita, mors: quod expetendum, fugiendum, & contrà. Vt repentè mutata rerum specie nihil minus esse iudices, quàm id quod esse uidebantur. Ergo in uno CHRISTO, compendio ac uera reperiuntur omnia bona, quorum inanes ac mendaces imagines & umbra ceu præsigijs, mundus hic ostendit, quis miserum mortalium uulgus tanto animi tumultu, tantis dispendijs, tantis periculis, per fas nefasq; persequitur. Quam obsecro beatitudinem cum hoc animo conferre queas, qui iam liber sit ab errore, liber ab affectibus, securus, semper gaudens ob testimonium conscientie, nulla de re sollicitus, altus, sublimis, ac cœlo proximus, iamq; supra sortem humanam, qui in CHRISTO, excelsissima petra, nixus, omnes huius seculi fucos, tumultus, procellas ex alto rideat, negligat, uel potius commiseretur? Quid autem timeat

is, qui propugnatorem habeat Deum? Ignominiam? at summa est gloria, pro CHRISTO ignominiam pati. Paupertatem? at opum sarcinam lubens abijcit, quisquis ad CHRISTVM properat. Mortem? at ea maxime in votis est, per quam scit sese ad immortalē uitam esse trāsmittendum. Qua de re sit sollicitus, cuius pater cœlestis etiam pilos habet annumeratos? Quid autem cupiat is, qui in CHRISTO possidet omnia? Quid enim non commune membris & capiti? Iam uerò quanta est hominis non modò felicitas, uerum etiam dignitas, uiuum esse membrum sanctissimi corporis ecclesiæ, idem esse cum CHRISTO, eandem carnem, eundem spiritum, communem cum illo habere patrem in cœlis, CHRISTVM habere fratrem, ad communem cum illo hereditatem destinatum esse: breuiter, iam non hominem esse, sed Deum? Adde his gustum quendam felicitatis futuræ, quem piæ mentes subinde percipiunt. Hæc nimirum uiderat, hæc senserat Propheta, cum ait: Nec auris audiuit, nec oculus uidit, nec in cor hominis ascendit, quæ præparasti Deus diligentibus te. Proinde charissimi sodales, si dābimus operam, ut uerè CHRISTI membra simus, iuxta illud propheticum dictum: Iustus ut palma florebit, etiam in hac uita perpetua quadam adolescentia uernabimus, non animo tantum, uerum etiam corpore. Etenim quemadmodum floridus ille IESV spiritus

in nostram spiritum redundabit, ita noster uicissim in suum corpus influet, & quoad fieri potest, in sese transformabit. Nec poterit tantus animi ac corporis nitor uestium sordes ferre. Nam animus noster habitaculum est Dei, animi domicilium est corpus. Porro uestis & ipsa, corporis quodammodo corpus est. Ita fiet, ut capitis puritati totus homo respondeat, donec peracta hac uita ad immortalitatem traducatur.

## EPILOGVS.

**A**gitè igitur optimi commilitones, ad hanc tantam felicitatem, summis uiribus enitamur, dum ceterum nostrum IESVM unum admiremur, quo maius nihil esse potest, imò sine quo nihil est omnino magnum. Hunc unum amemus, quo nihil esse melius potest, imò extra quem nihil est omnino bonum. Hunc imitemur, qui solus est uerum & absolutum pietatis exemplar, extra quem quisquis sapit, desipit. Huic uni inhereamus, hunc unum amplectamur, hoc uno fruamur, in quo est uera pax, gaudium, tranquillitas, uoluptas, uita, immortalitas. Quid multis? Summa bonorum est omnium. Extra hunc nihil suspiciamus, nihil amemus, nihil appetamus, huic uni placere studeamus. Meminerimus nos sub illius oculis, & illius angelis testibus, quicquid agimus agere. Zelotypus est, nec ullas mundi sordes patitur. Quare puram & angelicam in illo uiuamus uitam, ille sit nobis in corde, in ore,

in ore, in omni uita. Hunc penitus sapiamus, hunc lo-  
 quamur, hunc moribus exprimamus. In illo negocium,  
 otium, gaudium, solatium, spem, præsidium omne col-  
 locemus. Hic à uigilantium animis nunquam discedat,  
 hic dormientibus occurrat. Hunc & literæ nostræ, &  
 lusus etiam sapiant, per hunc & in hoc crescamus, do-  
 nec occurramus in uirum perfectum, & gnaui-  
 uiter obita militia, perpetuum cum  
 illo triumphum agamus  
 in cœlis.

DIXI.

FINIS.

P 2 D.

D▶ ERASMI ROTE-  
 RODAMI, EXPOSTVLATIO  
 IESV CVM HOMINE SVAPTE  
 culpa pereunte.



VM mihi sint uni bona, quæ uel fron-  
 dea tellus,  
 Vel olympus ingens continet.  
 Dicite mortales, quæ uos dementia  
 cepit,

Hæc aucupari ut undeuīs  
 Malitis, quàm de proprio deponere fonte,  
 Adcò benigno, & obuio?  
 Mendacesq; iuuet trepido, miseroq; tumultu  
 Vmbras bonorum persequi?  
 Pauci me, qui sum ueræ largitor & autor  
 Felicitatis, expetunt.  
 Forma rapit multos, me nil formosius usquam est.  
 Formam ardet hanc nemo tamen.  
 Suspiciunt ceras, antiquaq; stemmata multi:  
 At me quid est illustrius?  
 Vt qui sim genitore Deo, Deus ipse profectus,  
 Genitrice natus uirgine.  
 Vnde fit, ut mecum uix gestiat unus & alter  
 Affinitatem iungere?

Maximus

Maximus ille ego sum coeliq; soli q; monarcha,  
    Scrui re nobis cur pudet?  
Diues item, & facilis dare magna, & multa roganti,  
    Rogari amo, nemo rogat.  
Sumq; uocorq; patris summi sapientia, nemo  
    Me consulit mortalium.  
Ipse ego sum aetherei splendorq; decusq; parentis,  
    Me nemo stupet, aut suspicit.  
Sum firmus iuxta, ac iucundus amicus amico:  
    Me pariter, ac meas opes  
Candidus, atq; lubens charis impertio: nemo hanc  
    Ambit necessitudinem.  
Sum uia, qua sola caeli itur ad astra, tamen me  
    Terit uiator infrequens.  
Cur tandem ignarum dubitat mihi credere uulgus,  
    Aeterna cum sim ueritas?  
Pollicitis cur stulte meis diffidere perstas,  
    Cum sit nihil fidelius?  
Autor adhuc uitae cum sim unicus, ipsaq; uita,  
    Cur sordeo mortalibus?  
Lux ego sum, cur huc uertunt sua lumina pauci?  
    Dux, cur grauantur insequi?  
Viuendi rectè certissima regula solus,  
    Aliunde formas cur petunt?  
Ipse ego sum solus uera, & sine felle uoluptas,  
    Quid est quòd ita fastidior?

Vnica pax animi, quin huc deponitis ægri  
Curas edaces pectoris?  
Si benefacta truces etiam meminere leones,  
Referuntq; belluæ uicem:  
Respondere feri merito didicere dracones,  
Si meminit officij canis:  
Si redamant aquilæ, redamant delphines amantem,  
Cur effrator feris  
Me me non redamas homo? cui semel omnia feci,  
Quem condidi, quem sanguine  
Asserui proprio, propriæq; à morte recepi  
Dispendio uitæ uolens.  
Si bos agnoscit dominum, si brutus asellus  
Agnoscit altorem suum,  
Cur me solus homo male gratus nosse recusas,  
Et conditorem, & uindicem?  
Vnus ego hic tibi sum cunctorum summa bonorum,  
Quid est quod extra me petas?  
Quorsum distraheris per tot dispendia, grassans  
Laboriosa inertia?  
Sum placabilis, & pronus miserescere, quin hoc  
Miser ad asylum confugis?  
Idem iustus, & implacabilis ultor iniqui,  
Cur non times offendere?  
Corpus ego, atq; animum nutu sub tartara mitto,  
Nostri metus uix ullum habet.

Proinde



Proinde mei desertor homo, secordia si te  
 Adducet in mortem tua,  
 Præteritum nihil est: in me ne reiſce culpam.  
 Malorum es ipse autor tibi.  
 Nam quid adhuc superest, si te neq; prouocat ardens  
 Suiq; prodiga charitas?  
 O bis marmoreum pectus, neq; mitigat unquam  
 Adeò profusa benignitas.  
 Si neq; tantarum spes uel certissima rerum  
 Expergefacit, & allicit:  
 Si neq; tartaræ cohibet formido gehennæ:  
 Nec ullus admonet pudor:  
 Imò si durant magis hæc, adduntq; stuporem,  
 Tamq; tamq; insignia,  
 Vt facile nanesq; seras, chalybemq; petramq;  
 Rigido uictu molliant:  
 Quid faciat pietas, quibus artibus abstrahat ultro  
 Deuota morti pectora?  
 Inuitum seruare, nec est mentis (puto) sanæ,  
 Et patria prohibet æquitas.

IMAGO PVERI IESV POSITA IN  
 ludo literario, quem nuper in-  
 stituit Coletus.

Discite me primùm pueri, atq; effingite puris  
 p 4 Moribus,

Moribus, inde pias addite literulās.

CARMEN PHALECIVM.

Sedes hæc puero sacra est IESV,  
Formandis pueris dicata: quare  
Edico, procul hinc facessat, aut qui  
Spurcis moribus, aut inerudita  
Ludum hunc inquinet eruditione.

CARMEN IAMBICVM.

Non inuenusto antiquitas enigmatē  
Studij magistrā, uirginem  
Finxit Minervam, ac literarum præfides  
Finxit Camœnas uirgines.  
Nunc ipse uirgo matre natus uirgine,  
Præsideo uirgineo gregi.  
Et sospitator huius, & custos scholæ.  
Adsunt ministri uirgines,  
Pucros meos mecum tuentes angeli.  
Mihi grata ubiq; puritas  
Decetq; studia literarum puritas.  
Procul ergo sacro à limine  
Morum arceant mihi literatores luem:  
Nihil huc recipiant barbarum,  
Procul arceant illiteratas literas,  
Nec regna polluant mea.

ALIVD:

Quin hunc ad puerum pueri concurritis omnes?

Vnus

Vnus hic est uitæ regula, fonsq; piæ.  
 Hunc qui non sapiet, huius sapientia stulta est:  
 Absq; hoc uita hominis mors (mihi crede) mera est.

## SAPHICVM.

Cœperit faustis auibus precamur,  
 Semper augefcens meliore fato,  
 Hic nouæ sudor nouus officinæ,

Auspice IESV.

Hic rudis (tanquam noua testa) pubes  
 Literas Græcas, simul & Latinas,  
 Et fidem sacram, tenerisq; CHRISTVM

Combibet annis.

Quid fuit leta sobolem dedisse  
 Corporis forma, nisi mens & ipsa  
 Rite fingatur, studijsq; castis

Culta nitefcatur

Stirpe ab hac sensim noua pullulabit  
 Ciuium prolos, pietate iuxta, ac  
 Literis pollens, breuiterq; regno

Digna Britanno.

Ludus hic syluæ pariet futuræ  
 Semina, hinc diues nemus undequaq;  
 Densius surgens decorabit Anglum

Latius orbem.

FINIS.

p s

DE CIO

# DE CIVILITATE MORVM PVERILIVM, DES.

ERASMI ROTERODAMI LIBELLVS AD  
generosum cum primis, & optimæ spei puerum HEN-  
RICVM à Burgundia ADOLPHI prin-  
cipis Veriani filium.



ITER maximum illum Paulum non  
pigit omnia fieri omnibus, quò pro-  
desse posset omnibus, quanto minus  
ego grauari debeo, iuuandæ iuuentutis  
amore subinde repuerascere? Itaq;  
quemadmodum pridem ad MAXIMILIANI à  
Burgundia fratris tui primam adolescentiam memet  
accommodaui, dum adulescentulorum formo linguam;  
ita nunc HENRICE suauiſime, me ad tuam attem-  
pero pueritiam de puerorum moribus præcepturus:  
non quòd tu hisce præscriptis magnopere egeas, pri-  
mum ab incunabulis inter aulicos educatus, mox na-  
ctus Ioannem Crucium tam insignem formandæ rudis  
ætatis artificem: aut quòd omnia quæ præscribimus  
ad te pertineant, & è principibus & principatui na-  
tum: sed ut libentius hæc ediscant omnes pueri, quòd  
ampliſsimæ fortune summæq; spei puero dicata sint.  
Nec

Nec enim mediocre calcar addet uniuerſæ publi, ſi conſpexerint heroum liberos à primis ſtatim annis dicari ſtudijs, & in eodem cum ipſis ſtadio currere.

Munus autem formandi pueritiam, multis conſtat partibus, quarum ſicuti prima, ita præcipua eſt, ut tenellus animus imbibat pietatis ſeminaria: Proxima, ut liberales diſciplinas & amet, & perdiſcat: Tertia eſt, ut ad uitæ officia inſtruatur: Quarta eſt, ut à primis ſtatim æui rudimentis ciuilitati morum aſſueſcat. Hanc poſtremam nunc mihi propriè ſummiſſi. Nam de ſuperioribus quum alij complures, tum nos quoq; permulta conſcripſimus. Quanquam autem externum illud corporis decorum ab animo bene compoſito proficiſcitur, tamen incuria præceptorum nonnunquam fieri uidemus, ut hanc interim gratiam in probis & eruditis hominibus deſideremus. Nec inficior hanc eſſe craſſiſſimam philoſophiæ partem, ſed ea, ut ſunt hodie mortalium iudicia, plurimè conducit & ad conciliandam beneuolentiam, & ad præclaras illas animi dotes oculis hominum commendandas. Decet autem ut homo totus ſit compoſitus animo, corpore, geſtibus, ac uestitu: ſed in primis pueros decet omnis modestia, & in his præcipuè nobiles. Pro nobilibus autem habendi ſunt omnes, qui ſtudijs liberalibus excolunt animum. Pingant alij in clypeis ſuis leones, aquilas, taurros, & leopardos,  
plus

plus habent ueræ nobilitatis, qui pro insignibus suis tot possunt imagines depingere, quot perdidicerunt artes liberales.

Vt ergo bene cōpositus pueri animus undiq; reluceat, (reluet autē potissimū in uultu) sint oculi placidi, uerecundi, compositi: non torui, quod est truculentiae: non improbi, quod est impudentiae: non uagi ac uolubiles, quod est insaniae, non limi, quod est suspiciosorum & insidias molientium: nec immodicè diducti, quod est stolidorum: nec subinde cōnuiuentibus genis ac palpebris, quod est inconstantium: nec stupentes, quod est attonitorum, id quod est in Socrate notatum: nec nimium acres, quod est iracundiae signum: non innuentes ac loquaces, quod est impudicitiae signum: sed animum sedatum ac reuerenter amicum præ se ferentes. Nec enim temerè dictum est à priscis sapientibus, animi sedem esse in oculis. Picturae quidem ueteres nobis loquuntur, olim singularis cuiusdam modestiae fuisse, semiclusis oculis obtueri, quemadmodum apud Hispanos quosdam, semipetos intueri blandum haberi uidetur & amicum. Ibidem ex picturis discimus, olim contractis strictisq; labijs esse, probitatis fuisse argumentum. Sed quod suapte natura decorū est, apud omnes decorum habebitur. Quanquam in his quoq; decet interdum nos fieri polypos, & ad regionis morem nosmet attemperare. Nam sunt quidam oculorum habitus, quos

quos alij alios addit natura, qui non cadunt sub nostras præceptiones, nisi quod incompositi gestus non raro uitiant non solum oculorum, uerumetiam totius corporis habitum ac formam. Contra compositi, quod natura decorum est, reddunt decentius: quod uitiosum est, si non tollunt, certè tegunt minuuntq;. Indecorum est clauso oculorum altero quenquam obtueri. Quid enim hoc aliud est, quàm seipsum eluscare? Eum gestum thymis ac fabris relinquamus.

Sint exporrecta supercilia: non adducta, quod est toruitatis: non sublata in altum, quod est arrogantiae: non in oculos depressa, quod est male cogitantium.

Frons item hilaris & explanata, mentem sibi bene consciam, & ingenium liberale præ se ferens: non in rugas contracta, quod est senij: non mobilis, quod est erinaciorum: non torua, quod est taurorum.

A naribus absit mucoris purulentia, quod est sordidorum. Id quoq; uitium Socrati philosopho datum est probro. Pileo aut ueste emungi, rusticanum: brachio cubitoque, salsamentariorum, nec multò ciuilius id manu fieri, si mox pituitam uesti illinas. Strophiliis exciperi narium recrementa, decorū, idq; paulisper auerso corpore, si qui adsint honoratiores. Si quid in solum deiectum est emuncto duobus digitis naso, mox pede proterendum est. Indecorum est subinde cū sonitu spirare naribus, bilis id indicium est. Turpius etiam ducere  
ronchos,

re buccas, fastus indicium est: easdē demittere, est animū despōdentis. Alterū Caimi est, alterū Iudæ proditoris.

Os nec prematur, quod est metuentis alterius halitum haurire: nec hiet, quod est morionum, sed leuiter osculantibus se mutuò labris coniunctum sit. Minus etiam decorum est subinde porrectis labijs ueluti poppysmum facere, quanquam id magnatibus adultis per mediam turbam incedentibus condonandum est: illos enim decent omnia, nos puerum formamus.

Si fors urgeat oscitatio, nec datur auerti aut cedere, strophio uolāue tegatur os, mox imagine crucis obfignetur. Omnib. dictis aut factis arridere, stultorū est: nullis arridere, stupidorum. Obscōenē dictis aut factis arridere, neqtia est. Cachinnus et immodicus ille totū corpus quatīēs risus, quē ob id Græci στυγχερός τριον appellant, nulli decorus est ætati, nedum pueritiæ. De decet autem quōd quidam ridentes hinnitum edunt. Indecorus ē ille qui oris rictū latē diducit, corrugatis buccis, ac nudatis dentibus, qui caninus est, ē Sardonius dicitur. Sic autem uultus hilaritatē exprimat, ut nec oris habitum dehonestet, nec animum dissolutum arguat. Stultorum illæ uoces sunt, Risu diffluo, risu diffilio, risu emorior: ē si qua res adēdō ridicula inciderit, ut nolentibus eiusmodi risum exprimat, mappa manūue tegenda facies. Solum, aut nullam euidentem ob causam ridere, uel stultitiæ tribuitur, uel insan-

niæ;



in quadrā cibo, cocleare reddito. Si liquidius est quod datur, gustandum sumito, & cocleare reddito, sed ad mantile extersum. Digitos unctos uel ore praelingere, uel ad tunicam extergere pariter inciuile est, id map=pa potius aut mantili faciendum. Integros bolos subito deglutire ciconiarum est, ac balathronum. Si quid ab alio fuerit resectum, inciuile est manum quadrām ue porrigere, priusquam ille structor offerat, ne uideare præripere, quod alteri paratum erat. Quod porrigitur, aut tribus digitis, aut porrecta quadra excipien=dum. Si quod offertur non congruit tuo stomacho ca=ue ne dixeris illud Comici Clitiphonis, Non possum pa=ter, sed blandè agito gratias. Est enim hoc urbanissi=mū recusandi genus. Si perstat inuitator, uerecūde dici to aut nō cōuenire tibi, aut te nihil amplius requirere.

Discenda est à primis statim annis secandi ratio, nō superstitiosa, quod quidam faciunt, sed ciuilis & com=moda. Aliter enim inciditur armus, aliter coxa, aliter ceruix, aliter cratis, aliter capus, aliter phasianus, aliter perdix, aliter anas: qua de re sigillatim præcipe=re, ut prolixum sit, ita nec operæ pretium. Illud in uni=uersum tradi potest: Apitiorum esse omni ex parte quicquid palato blanditur abradere. Abs te semesa al=teri porrigere, parum honesti moris est: panem præro sum iterum in ius immergere rusticum est. Sicut & cibum mansum faucibus eximere, & in quadrā re=ponere,

ponere, inelegaus est. Nam si quid fortè sumptum est quod deglutiri non expedit, clàm auersus aliquò projiciat. Cibus ambesum aut ossa semel in quadram seposita repetere uitio datur. Ossa, aut si quid simile reliquum est, ne sub mensam abieccheris, pauimentum conspurcans, nec in mensæ stragulam projice, nec in patinam repone, sed in quadræ angulum sepone, aut in discum qui apud nonnullos reliquijs excipiendis adponitur. Canibus alienis de mēsa porrigere cibum, ineptia tribuitur: ineptius est illos in conuiuio contrectare. Qui putamen digitorum unguibus aut pollice repurgare ridiculum est: idem incerta lingua facere magis etiam ridiculum, cultello id fit decentius. Ossa dentibus arrodere caninū est, cultello purgare ciuile. Tres digito salino impressi, uulgari ioco dicuntur agrestium insignia. Cultello sumēdum est salis quantū satis est. Si longius abest salinum, correcta quadra petendum est. Quadram aut patinam cui saccarum aut aliud suaue quiddam adhæsit, lingua lambere felium est, non hominum. Carnem prius minutim in quadra diffecet, mox addito pane, simul aliquandiu mandat, priusquā traiciat in stomachum. Id non solum ad bonos mores, uerumetiam ad bonam ualeitudinem pertinet. Quidam deuorant uerius quàm edunt, non aliter quàm mox (ut aiunt) abducendi in carcerem. Latronum est ea turburcinatio, Quidam tantum simul in os ingerunt, ut utrinq;

re, alterum deprimere. Nam huiusmodi gestus in pueris neglecti, uertuntur in naturam, & corporis habitum præter naturam deformant. Itaq; qui præ desidia collegerunt consuetudinem inflectendi corpus, sibi gibbum conciliant, quem natura non dederat, & qui deflexum in latus caput habere consueuerunt, in eum habitum indurescunt, ut adulti frustra mutare nitantur. Siquidem tenera corpuscula plātulis similia sunt, quæ in quamcunq; speciem furca funiculoue deflexeris, ita crescunt & indurescunt. Vtrunq; brachium in tergum detorquere, simul & pigritiæ speciem habet & furistæ neque multo decentius est altera manu in alia iniecta astare federæue, quod tamen quibusdā elegans ac militare uidetur. At non statim honestum est quod stultis placuit, sed quod naturæ & rationi consentaneum est. Reliqua dicentur, quum ad colloquium & conuiuium uentum erit. Membra quibus natura pudorem addidit, retegere citra necessitatem, procul abesse debet ab indole liberali. Quin ubi necessitas huc cogit, tamē id quoq; decente uerecundia faciendum est, etiamsi nemmo testis adsit. Nunquam enim non adsunt angeli, quibus in pueris gratissimus est pudicitie comes custosq; pudor. Quorum autem conspectum oculis subducere pudicum est, ea multo minus oportet alieno præbere contactui. Lotium remorari ualetudini perniciosum, secreto reddere uerecundum. Sunt qui præcipiant ut

puer

cogat necessitas, aut abs quopiam inuitetur. Lepide dictis modicè arrideat, obscenè dictis ne quando arrideat, sed nec frontem contrahat, si præciliit dignitate qui dixit, sed ita uultus habitum temperet, ut aut non audisse, aut certè non intellexisse uideatur. Mulieres ornat silentium, sed magis pueritiam.

Quidam respondent priusquam orationem finierit qui compellat, ita sæpe fit, ut aliera respondens sit risui: detq; ueteri locum prouerbio, ἄμας ἀπ' ἑτοῦ. Docet hoc rex ille sapientissimus, stultitia tribuens respondere priusquam audias: non audit autem, qui non intellexit. Si minus intellexit percontantè, paulisper obticescat, donec ille quod dixit sponte repetat. Id si non facit, sed respōsum urget, blandè ueniam præfatus puer, oret ut quod dixerat, dicat denuo. Intellecta percūctatione paululū interponat moræ, deinde tum paucis respondeat, tum iucundè. In conuiuio nihil effutendum, quod effuscet hilaritatem. Absentium famam ibi ledere piaculum est. Nec cuiquam illic suus refrigerandus est dolor. Vituperare quod appositum est, inciuilitati datur, & ingratum est conuiuatori. Si de tuo præbetur conuiuium, ut excusare tenuitatem apparatus urbanū, ita laudare aut commemorare quanti singula constiterint, insuaue profectò condimentū est accubentibus. Deniq; si quid à quo quam in cōuiuio fit rusticius per imperitiam, ciuilitèr dissimulandum potius quàm

quidem hic est alter uestis usus, ut ea tegat quæ impudicè ostenduntur oculis hominum. Olim habebatur parum uirile discinctum esse, nunc idem nemini uitio uertitur, quòd indusijs, subuculis, & caligis repertis tegantur pudenda, etiamsi diffuat tunica. Alioqui uestis breuior, quàm ut inclinanti tegat partes quibus debetur honos, nusquam nõ inhonestà est. Diffecare uestimentum est, picturatis ac uersicoloribus uti morosum est ac simiorum. Ergo pro modo facultatum ac dignitatis, proq; regione & more, adsit cultui mundicius, nec sordibus notabilis, nec luxu aut lasciuiam aut fastum præ se ferens. Neglectior cultus decet adolescentes, sed citra immunditiam. Indecorè quidam interularũ tunicarũ oras aspergine lotij pingunt, aut sinũ brachialiaq; indecoro tectorio incrustant, non gypso, sed narium & oris pituita. Sunt quibus uestis in alterum latus defluit, alijs in tergum ad renes usq; nec desunt quibus hoc uideatur elegans. Vt totum corporis habitum mundum & compositum esse decet, ita decet illum corpori congruere. Si quid elegantioris cultus dedere parentes, ne teipsum reflexis oculis contemplare, nec gaudio gestias, alijsq; ostentes nam alterum simiarum, alterum pauonum: mirentur alij, tu te bene cultum esse nescias. Quo maior est fortuna, hoc est amabilius modestia. Tenuioribus in cõditionis solatium concedendum est, ut moderatè sibi placeant. At diues

ostentans splendorem amictus, alijs suam exprobrat miseria, sibiq; conflat inuidiam.

## DE MORIBVS IN TEMPLO.

**Q**uoties fores templi prateris, nudato caput, ac modicè flexis genibus ad sacra uerso uultu, Christum diuosq; salutato. Idem & aliàs faciendum, siue in urbe, siue in agris, quoties occurrit imago crucis. Per eadem sacram ne transieris, nisi simili religione saltem breui precatiuncula Christum appelles, idq; reiecto capite, & utroq; genu flexo. Cum sacra peraguntur, totum corporis habitum ad religionem decet componere. Cogita illic præsentem Christum cum innumeris angelorum milibus. Et si qui regem hominem alloquuturus circumstante procerum corona, nec caput aperiat, nec genu flectat, non iam pro rustico, sed pro insano haberetur ab omnibus: quale est illic opus habere caput, erecta genna, ubi adest Rex ille regum immortalis & immortalitatis largitor, ubi uenerabundi circumstant ætherei spiritus? Nec refert si eos non uides, uident illi te, nec minus certum est illos adesse, quam si uideres eos oculis corporeis. Certius enim cernunt oculi fidei, quàm oculi carnis. Indecentius etiam est, quòd quidam in templis obambulant, & Peripateticos agunt. Atqui deambulationibus porticus & fora conueniunt, non templa, quæ sacris concionibus, mysterijs, ac deprecationi dicata sunt. Ad concionantem

nantem spectent oculi, huc attentæ sint aures, huc in-  
 hiet animus omni cum reuerentia, quasi non hominem  
 audias, sed Deum per os hominis tibi loquentem.  
 Quum recitatur Euangelium, assurge, et si potes, au-  
 sculta religiose. Cum in symbolo canitur, Et homo factus  
 est, in genua procumbe, uel hoc pacto te submit-  
 tens in illius honorem, qui semet pro tua salute, quum  
 esset supra omnes cœlos demisit in terras: quum esset  
 Deus, dignatus est homo fieri, ut te faceret Deū. Dum  
 peraguntur mysteria, toto corpore ad religionem com-  
 posito, ad altare uersa sit facies, ad Christum animus.  
 Altero genu terram cōtingere, erecto altero cui leuius  
 innitatur cubitus, gestus est impiorum militū, qui Do-  
 mino Iesu illudentes dicebant: Aue Rex Iudeorum. Tu  
 demitte utrumq; , reliquo etiam corpore nonnihil in-  
 flexo ad uenerationem. Reliquo tempore aut legatur  
 aliquid è libello, siue preclarum, siue doctrinæ saluta-  
 ris, aut mens cœlestis quippiam meditetur. Eo tempo-  
 re nugæ obgannire ad aurem uicini, eorum est, qui nō  
 credunt illic adesse Christum: huc illuc circumferre ua-  
 gos oculos, amentium est. Existima te frustra templū  
 adisse, nisi inde melior decesseris, puriorq; ,

## DE CONVIVIIS.

**I**N cōuiujs adsit hilaritas, absit petulātia. Non nisi lo-  
 tas accūbe, sed ante præfectis unguibus, ne qd in his  
 hæreat sordiū, dicarisq; εὐπρόκδωστος, ac prius

clām reddito lotio, aut, si res ita postulet, exonerata etiam aluo: & si fortè stricte cinctum esse contingat, aliquantulum relaxare uincula consultum est, quod in accubitu parum decorè fiat. Abstergens manus, simul abiice quicquid animo ægrè est. Nam in conuiuio nec tristem esse decet, nec contristare quenquam. Iussus consecrare mensam, uultum ac manus ad religionem componito, spectans aut conuiuij primarium, aut si fors adest, imaginem Christi, ad nomen Iesu matrisq; uirginis, utrumq; flectens genu. Hoc muneris si cui alteri de legatum fuerit, pari religione tum auscultato, tum respondeto. Sedis honorem alteri libenter cede, & ad honoratiorem locum inuitatus, comiter excusa; si tamen id crebrò serioq; iubeat aliquis auctoritate præditus, uerecundè obtempera, ne uideare pro ciuili præfractus. Accumbens utranq; manum super mensam habe, non coniunctim, nec in quadra. Quidam enim indecorè, uel unam, uel ambas habent in gremio. Cubito uel utroq; uel altero inniti mensæ, senio morboe lassus condonatur; idem in delicatis quibusdā aulicis, qui se decere putant quicquid agunt dissimulandum est, non imitandum. Interea cauendum, ne proximè accumbenti cubito, neu ex aduerso accumbenti pedibus sis molestus. In sella uacillare, & nunc huic, nunc alteri nati uicissim insidere, speciè habet subinde uentris flatum emittentis, aut emittere conantis. Corpus igitur



igitur equo libramine sit erectum. Mantile si datur, aut humero sinistro, aut brachio laevo imposito. Cum honoratioribus accubiturus, capite pexo, pileum relinquito, nisi uel regionis mos diuersum suadeat, uel aliæ cuius autoritas præcipiat, cui non parere sit indecorum. Apud quasdam nationes mos est, ut pueri stantes ad maiorum mensam capiant cibum extremo loco, reiecto capite. Ibi ne puer accedat nisi iussus, ne hæreat usq; ad conuiuii finem, sed sumpto quod satis est, sublata quadra sua, flexo poplite salutet conuiuas, præcipue qui inter conuiuas est ceteris honoratior. A dextris sit poculum et cultellus escarius rite purgatus, ad leuam panis. Panem una uola pressum, summis digitis refringere, quorundam aulicorum delicias esse finito, tu cultello seca decenter, non undiq; reuellens crustum, aut utrinq; rescans: delicatorem hoc est. Panem ueteres in omnibus conuiuijs ceu rem sacram religiose tractabant, unde nunc quoq; mos relictus est, cum forte de lapsum in humum exosculari. Conuiuium statim à poculis auspiciari potorum est, qui bibunt, non quòd sitiant, sed quòd soleant. Nec ea res solum moribus est inhonesta, uerumetiam officit corporis ualitudini. Nec statim post sumptam ex iure offam bibendum, multo minus post lactis esum. Puero sæpius quàm bis, aut ad summum ter in conuiuiis bibere, nec decorum est, nec salubre. Semel bibat aliquandiu pastus de secundo

missa, præsertim sicco: deinde sub conuiuij finem, idq; modicè sorbendo, non ingurgitando, nec equo sonitu. Tum uinum, tum ceruisia, nihilominus quàm uinum inebrians, ut puerorum ualitudinem ledit, ita mores dedecorat. Aqua feruidè conuenit ætati, aut si id non patitur siue regionis qualitas, siue alia quæpiam causa, denui ceruisia, utitor, aut uino nec ardenti, & aqua diluto. Alioqui nro gaudentes hæc sequuntur præmia, dentes rubiginosi, genæ defluentes, oculi lusciosi, mentis stupor, breuiter senium ante senectam. Antequam bibas, præmandè cibum, nec labra admoueas poculo, nisi prius mantili aut linteolo absterfa, præsertim si quis suum poculum tibi porrigit, aut ubi de communi bibitur poculo. Inter bibendum in tortis oculis alios intueri illiberale est, quemadmodū & ciconiarum exemplo ceruicem in tergum reflectere, ne quid hæreat in imo cyatho, parum est liberale. Salutantem poculo resalutet comiter, & admotis labris cyatho, paululum libans bibere se simulet: hoc ciuili nugoni satis erit. Qui si rusticius urgeat, polliceatur se tūc responsurum, quum adoleuerit.

Quidam ubi uix bene confederint, mox manus in epulas conijciūt: id luporum est, aut eorum qui de chytropede carnes nondū immolatas deuorant iuxta prouerbium, Primus cibum appositum ne attingito, non tantum ob id quòd arguit auidum, sed quod interdum

cum

cum periculo coniunctum est, dum qui feruidum inexploratum recipit in os, aut expuere cogitur, aut si deglutiatur adurere gulā, utroq; ridiculus æquē ac miser. Aliquantisper morandum, ut puer assuescat affectui temperare. Quo consilio Socrates ne senex quidem unquam de primo cratere bibere sustinuit. Si cum maioribus accumbit puer, postremus, nec id nisi inuitatus, manum admoveat patinæ. Digitos in iussulentā immergere agrestium est, sed cultello fuscinaue tollat quod uult: nec id ex toto eligat disco, quod solent liguriores, sed quod fortē ante ipsum iacet, sumat: quod uel ex Homero discere licet, apud quem creber est hic uersiculum.

Οἱ δ' ἐπ' ὀνείαβ' ἐ' τοιμα πρόκειμενα κείρασι  
ἱ' ἄλλοι.

Id quoq; si fuerit insigniter elegans, alteri cedat, & quod proximum est accipiat. Vt igitur intemperantis est in omnes patinæ plagas manum immittere, ita parum decorum patinam inuertere, quò ueniant ad te lautiora. Si quis alius cibum porrexerit elegantiorē, præfatus excusatiunculam recipiat, sed resecta sibi portiuncula reliquum offerat ei qui porrexerat, aut proximè assidenti communicet. Quod digitis excipi non potest, quadra excipiendum est. Si quis è placenta uel artocrea porrexerit aliquid, cocleari, aut quadra excipe, aut cocleari porrectum accipe, & in qua=

in quadrā cibo, cocleare reddito. Si liquidius est quod datur, gustandum sumito, & cocleare reddito, sed ad mantile extersum. Digitos unctos uel ore praelingere, uel ad tunicam extergere pariter inciuile est, id mappa potius aut mantili faciendum. Integros bolos subito deglutire ciconiarum est, ac balathronum. Si quid ab alio fuerit resectum, inciuile est manum quadrā uel porrigere, priusquam ille structor offerat, ne uideare præripere, quod alteri paratum erat. Quod porrigitur, aut tribus digitis, aut porrecta quadra excipienda. Si quod offertur non congruit tuo stomacho caue ne dixeris illud Comici Clitiphonis, Non possum pater, sed blandè agito gratias. Est enim hoc urbanissimū recusandi genus. Si perstat inuitator, uerecūde dicto aut nō cōuenire tibi, aut te nihil amplius requirere.

Discenda est à primis statim annis secandi ratio, nō superstitiosa, quod quidam faciunt, sed ciuilis & comoda. Aliter enim inciditur armus, aliter coxa, aliter ceruix, aliter cratis, aliter capus, aliter phasianus, aliter perdix, aliter anas: qua de re sigillatim præcipere, ut prolixum sit, ita nec operæ pretium. Illud in uniuersum tradi potest: Apitiorum esse omni ex parte quicquid palato blanditur abradere. Abs te semesa alteri porrigere, parum honesti moris est: panem prærosum iterum in ius immergere, rusticanum est. Sicut & cibum mansum faucibus eximere, & in quadrā reponere,

ponere, inelegaus est. Nam si quid fortè sumptum est quod deglutiri non expedit, clàm auersus aliquò proijciat. Cibum ambesum aut ossa semel in quadram seposita repetere uitio datur. Ossa, aut si quid simile reliquum est, ne sub mensam abieceris, pauimentum conspurcans, nec in mensæ stragulam proijce, nec in patinam repone, sed in quadræ angulum sepone, aut in discum qui apud nonnullos reliquijs excipiendis adponitur. Canibus alienis de mēsa porrigere cibum, ineptiæ tribuitur: ineptius est illos in conuiuio contrectare. Qui putamen digitorum unguibus aut pollice repurgare ridiculum est: idem incerta lingua facere magis etiam ridiculum, cultello id fit decentius. Ossa dentibus arrodere caninū est, cultello purgare ciuile. Tres digito salino impressi, uulgari ioco dicuntur agrestium insignia. Cultello sumēdum est salis quantū satis est. Si longius abest salinum, porrecta quadra petendum est. Quadram aut patinam cui saccarum aut aliud suauis quiddam adhæsit, lingua lambere felium est, non hominum. Carnem prius minutim in quadra diffecet, mox additò pane, simul aliquandiu mandat, priusquā traijciat in stomachum. Id non solum ad bonos mores, uerumetiam ad bonam ualeitudinem pertinet. Quidam deuorant uerius quàm edunt, non aliter quàm mox (ut aiunt) abducendi in carcerem. Latronum est ea turburcinatio. Quidam tantum simul in os ingerunt, ut

utrinq;

cogat neceſſitas, aut abs quoquam inuitetur. Lepide dictis modicè arrideat, obſcœnè dictis ne quando arrideat, ſed nec frontem contrahat, ſi præciliit dignitate qui dixit, ſed ita uultus habitum temperet, ut aut non audiſſe, aut certè non intellexiſſe uideatur. Mulieres ornât ſilentium, ſed magis pueritiam.

Quidam reſpondent priuſquam orationem finierit qui compellat, ita ſæpe fit, ut aliera reſpondens ſit riſui: detq; ueteri locum prouerbio, ἀμὰς ἀπ' ἑτοῦ. Docet hoc rex ille ſapientiſſimus, ſtultitia tribuens reſpondere priuſquam audias: non audit autem, qui non intellexit. Si minus intellexit percontantè, pauliſſer obticeſcat, donec ille quod dixit ſponte repetat. Id ſi non facit, ſed reſpoſum urget, blandè ueniam præſatus puer, oret ut quod dixerat, dicat denuo. Intellecta per cūctatione paululū interponat moræ, deinde tum paucis reſpondeat, tum iucundè. In conuiuium nihil effutientum, quod effuſcet hilaritatem. Abſentium ſamam ibi ledere piaculum eſt. Nec cuiquam illic ſuus reſfricans eſt dolor. Vituperare quod appoſitum eſt, inciuitati datur, & ingratum eſt conuiuatori. Si de tuo præbetur conuiuium, ut excuſare tenuitatem apparatus urbanū, ita laudare aut commemorare quanti ſingula conſtiterint, inſuaue proſectò condimentū eſt ac cūbentibus. Deniq; ſi quid à quoquam in cōuiuium fit ruſticius per imperitiā, ciuilit̃er diſſimulandum potius quàm

stem iure perfundas. Candelam emuncturus, prius illā ē mensa tollito, quodq; emunctum est, protinus aut harena inmergito, aut solea proterito, ne quid ingrati nidoris offendaſ nares. Si quid porrigis infundis'ue, leua id facias caueto. Iussus agere gratias, compone gestus, paratum te significans donec silentibus conuiuis dicendi tempus adſuerit. Interim iulius ad conuiuium præsidentem reuerenter uersus sit & constanter.

## DE CONGRESSIBVS.

**S**I quis occurrerit in uia, uel senio uenerandus, uel religionē reuerendus, uel dignitate grauis, uel alioqui dignus honore, meminerit puer de uia decedere, reuerenter aperire caput, nonnihil etiam flexis poplitibus. Ne uerò sic cogitet, quid mihi cum ignoto? quid cū nihil unquam bene de me merito? Nō hic honos tribuitur homini, non meritis, sed Deo. Sic Deus iussit per Salomonē, qui iussit assurgere cano: Sic per Paulū, qui presbyteris duplicatum honorem præcipit exhibere, in summa, omnibus præstare honorem quibus debetur honos: complectens etiam ethnicum magistratum: & si Turca, quod absit, nobis imperet, peccaturi simus, si honorem magistratui debitum illi negemus. De parentibus interim nihil dico, quibus secundum Deum primus debetur honos. Nec minor præceptoribus, qui mentes hominum quodammodo dum formant, generant. Iam & inter æquales illud Pauli locum habere debet,

debet, honore inuicem præuenientes. Qui parem aut inferiorem honore præuenit, non ideo fit ipse minor: sed ciuiliior, & ob id honoratior. Cum maioribus reuerenter loquendum & paucis, cum æqualibus amanter & comiter. Inter loquendum pileum leua teneat, dextera leuiter admota umbilico: aut quod decentius habetur, pileum utraq; manu iuncta suspensum, pollicibus eminentibus, tegat pubis locum. Librum aut galerum sub axilla tenere rusticius habetur. Pudor adsit, sed qui decoret, non qui reddat attonitum. Oculi spectent eum cui loqueris, sed placidi simplicesq; nihil prociac improbius præ se ferentes. Oculos in terram deijcere, quod faciunt catoblepæ, male conscientie suspitione habet. Transuersim tueri, uidetur auersantis. Vultu huc illuc uoluere, leuitatis argumētum est. Indecorum est interim uultum in uarios mutare habitus, ut nunc corrugetur nasus, nunc contrahatur frons, nunc attollatur supercilium, nunc distorqueantur labra, nunc diducantur, nunc prematur, hæc animum regunt Protei similem. Indecorum & illud, concusso capite iactare comam, sine causa tussire, screeare, quemadmodum & manu scabere caput, scalpere aureis, emungere nasum, demulcere faciem, quod est ueluti pudorem abstergentis, suffricare occipitium, humeros adducere, quod in nonnullis uidemus italys. Rotato capite negare, aut reducto accersere, & ne persequar omnia,



omnia, gestibus ac nutibus loqui, ut uirum interdum deceat, puerum minus decet. Illiberale est iactare brachia, gesticulari digitis, uacillare pedibus, breuiter non lingua, sed toto corpore loqui, quod turturum esse fertur, aut motacillarum, nec multum abhorrens à piarum moribus. Vox sit mollis ac sedata, non clamorosa, quod est agricolarum, nec tam pressa, ut ad aures eius cui loqueris non perueniat. Sermo sit non præceps, & mentem præcurrens, sed lentus & explanatus. Hoc etiam naturalem battarismum, aut hæsitantiam, si non in totum tollit, certè magna ex parte mitigat, quum præcipitatus sermo multis uitium conciliet quod non dederat natura. Inter colloquendum subinde titulum honorificum eius quædam appellus repetere, ciuilitatis est. Patris ac matris uocabulo nihil honorificentius, nihil dulcius: Fratris sororis uenamine nihil amabilius. Si te fugiunt tituli peculiare, omnes eruditi sint tibi præceptores obseruandi: omnes sacerdotes ac monachi, reuerendi patres: omnes æquales, fratres & amici: breuiter omnes ignoti, domini, ignotæ dominæ. Ex ore pueri turpiter auditur iusiurandum, siue iocus sit, siue res seria. Quid enim turpius eo more, quo apud nationes quasdam ad tertium quodq; uerbum deierant etiam puellæ, per panem, per uinum, per candelam, per quid non? Obscœnis dictis nec linguam præbeat ingenuus puer, nec

aures accommodet. Deniq; quicquid inhoneste nudatur oculis hominum, indecenter ingeritur auribus. Si res exigat, ut aliquod membrum pudendum nominetur, circumitione uerecunde rem notet. Rursus si quid incidit, quod auditori nauseam ciere possit, ueluti si quis narret uomitum, aut latrinam, aut oletum, præfertur honorem auribus. Si quid refellendum erit, caue dicat, Haud uera prædicas, præsertim si loquatur grãdiori natu, sed præfatus pacem, dicat, Mihi secus narratum est à tali. Puer ingenuus cum nemine contentionem suscipiat, ne cum æqualibus quidem, sed cedat potius uictoriam, si res ad iurgium ueniat, aut ad arbitrum prouocet. Ne cui se præferat, ne sua iactet, ne cuiusquam institutum reprehendat, aut ullius nationis ingenium morèsue suggillet, ne quid arcani creditum euulget, ne nouos spargat rumores, ne cuius obtreçtet famæ, ne cui probro det uitium natura insitum. Id enim non solum contumeliosum est & inhumanum, sed et iã stultum: ueluti si quis luscum appellet liscum, aut loripedem loripedem, aut strabum strabum, aut nothum nothum. His rationibus fiet, ut sine inuidia laudem inueniat, & amicos paret. Interpellare loquentem ante quàm fabulam absoluerit, inurbanum est. Cum nemine simultatem suscipiat, comitatẽ exhibeat omnibus, per paucos tamen ad interiorem familiaritatem recipiat, eosq; cum delectu. Ne cui tamen credat quod tacitum uclit.

uelit. Ridiculum enim est ab alio silentij fidem expectare, quam ipse tibi non præstet. Nullus autem est adeo linguae continentis, ut non habeat aliquem, in quem transfundat arcanum. Tutissimum autem est nihil admittere, cuius te pudeat si proferatur. Alienarum rerum ne fueris curiosus, & si quid fortè conspexeris audieris, ue, fac quod scis nescias. Literas tibi non oblatas limis intueri, parum ciuile est. Si fors te præsentem scrinium suum aperit aliquis, subducito te. Nam inurbanum est inspicere, contrectare aliquid inurbanius. Item si senseris inter aliquos secretius oriri colloquiū, submoue te dissimulanter, & in eiusmodi colloquium ne temet ingeras non accitus.

## DE LVSV.

**I**N lusibus liberalibus adsit alacritas, absit peruicacia rixarum parens, absit dolus ac mendaciū. Nam ab his rudimentis proficitur ad maiores iniurias. Pulchrius uincit qui cedit contentioni, quàm qui palmam obtinet. Arbitris ne reclamita. Si cum imperitioribus certamen est, possisq; semper uincere, nonnunquam te uinci patere, quò ludus sit alacrior. Si cum inferioribus luditur, ibi te superiorem esse nescias. Animi causa ludendum est, non lucri gratia. Aiunt puerorum indolem nusquam magis apparere, quàm in lusu. Si cui ad dolos, ad mendacium, ad rixam, ad iram, ad uiolentiam, ad arrogantiam, propensius ingenium, hic emi-

cat naturæ uitium. Proinde puer ingenuus non minus in ludo quàm in conuiuio sui similis sit.

## DE CVBICVLO.

**I**N cubiculo laudatur silentium, & uerecundia. Certè clamor & garrulitas indecora est, multo magis in lecto. Siue cum exuis te, siue cum surgis, memor uerecundiæ, caue ne quid nudes aliorum oculis, quod mos & natura tectum esse uoluit. Si cum sodali lectum habes communem, quietus iaceto, neque corporis iactatione uel teipsum nudes, uel sodali detractis pallijs sis molestus. Priusquam reclines corpus in ceruical, frontem & pectus signa crucis imagine, breui præcatiuncula temet Christo commendans. Idem facito quum mane primum temet erigis, à præcatiuncula diem auspicans. Non enim potes ab omine feliciore. Simul ac exoneraueris alium, ne quid agas, nisi prius lota facie manibusq; & ore proluto. Quibus contigit bene nasci, his turpe est generi suo non respondere moribus. Quos fortuna uoluit esse plebeios, humiles, aut etiam rurestres, his impensius etiam adnitendum est, ut quod fors inuidit, morum elegantia pensent. Nemo sibi parentes aut patriam eligere potest, at ingenium moresq; sibi quisq; potest fingere. Colophonis uicè ad dam præceptiunculam, quæ mihi uidetur propemodum primo digna loco. Maxima ciuilitatis pars est, quum ipse nusquam delinquas, aliorum delictis facile ignoscere,

ignoscere, nec ideo sodalem minus habere charum, si quos habet mores inconditiores. Sunt enim qui morum ruditatem alijs compensent dotibus. Neq; hæc ita præcipiuntur, quasi sine his nemo bonus esse possit. Quòd si sodalis per inscitiam peccet in eo sanè, quod alicuius uidetur momenti, solum ac blandè monere ciuilitatis est.

Hoc quicquid est muneris Henrice fili charissime, uniuerso puerorum sodalitia per te donatum esse uolui, quo statim hoc congiario, simul & commilitonum tuorum animos tibi concilies, & illis liberalium artium ac morum studia commendes. Præclaram inde dolem tuam Iesu benignitas seruare dignetur, semperq; in melius prouehere. Datum apud Frisburgum Brisgoiæ, mense Martio.

Anno M. D. XXX.

STEMATVM AC IN-  
 GENIORVM NOBILITATE CLARIS  
 PVERIS, ADOLPHO GVLIELMO DOR-  
 nibergo, & Adolpho Rhauu, discipulis suis studio-  
 sissimis, Reinhardus Hadamarius S.



TSI mihi dubium non fuit, honestissi-  
 mi pueri, quin (ut iā sunt tēpora ac mo-  
 res) suboriturus esset, qui lucubratiun-  
 culam hāc meā genuino sint arrosuri,  
 tamen cū uobis eandē non paruo usui  
 fuisse compertū habere, malui per uos, & alijs maxi-  
 mē pädagogicis nostris inseruire publicādo, q̄ irreptu-  
 ra zoilorū petulātia deterritus quiescere supprimē-  
 do. Quippe nullius salē nigrū, aut succū (ut Horatius  
 inquit) loliginis extimescā, dūmodo uel aliquid utili-  
 tatis illi mea opera cōsequantur. Et neminē inficias i-  
 turū crediderim, ē cōcinnis frugi de rebus quæstionibus  
 nō multo minus emolumenti, quā ex continuo structu-  
 ra contextu, ac longiore uerborū ambitu iuuenilibus  
 ingenijs accessurū. Nec eruditissimos uiros ab eodem  
 docēdi genere abhorruisse, sed plurimas τῶν ἑρῶτων  
 μαάτων καὶ προβλημάτων commoditates euulgan-  
 do, puerorū studia quā plena manu promouisse, per-  
 suasum habentes, dignissimū laude, nedum calumnia,  
 quocumq;

quocūq; tandē pacto, quacūq; ratione, quocūq; modo puerilibus studijs prodesse, & huic rei sese accingentes, nihil melius, nihil laudabilius, nihil deniq; honestius facere posse. Porro si non multum ex isto labore meo, tamē illud ad pueros pædagogicos nostros utilitatis peruenturū erit, ut cum bis in harenam examinis descendere soleant quotannis, atque lustrari, certas in CIVILITATE MORVM (ut in alijs disciplinis acceperunt) sint habituri quæstiones, quibus instructi, alacriores multò responsuri, professoribus nostris omnium cruditissimis examinaturis, quos suas haud grauatim interrogationes, ad præscriptas quæstionū formulas accommodaturos cognouerint. Alioqui semp futurū, ut qui nihil in lingua latina fundamenti iecerint, hæsitantes ac balbutientes, mala responsa daturi, & quæ, si dictetur (ut factū est) perperam excipientes, pessimè sint reddituri. Adde, quòd in uestertinis, iuxta utilissimam pædagogij nostri consuetudinem, repetitionibus utrorūq; hoc est, & propositionum & responsionū, penuria posthac nō sint laboraturi. Ex quibus omnibus, si quid frugis bonæ prouenerit, id omne uobis acceptum referri debet, qui bene faciendi præbuitis occasionem. Vos autē ingeniosissimi pueri, melioribus in studijs, stēmata uestra, literis ac uirtutibus (quæ uera nobilitas) exornātes, infracti progredimini, parentibus uestris ac amicis hominibus clarissimis honori, pa-

trie maximo usui: illustrissimo deniq; Hessorũ Principi, cuius beneficio, disciplinis hic optimis imbuimini, propediẽ summo futuri ornamento. Valete. Ex Museo meo pædagogico Marpurgi, VI. Idus Sept. Anno 34.

GERARDVS GELDENHAVRIVS

Nouiomagus ad Lectorem.

**A** Mice Lector, hunc qui primam conspicias  
 Nouum libellum, quæso, ne quod plurimum  
 Fieri solet, nasuto nostro seculo,

(Quo quisq; iam sapit atq; cuncta intelligit)

Mox altum exclames: nugarum puerilium

Quando ergo satis? Sic has subinde renascier,

Et esse nomen qui profitentur hic suum?

Sed istud ipse rectius considera,

Pueros perinde operam nostram deponere

Sibi, nec his deberi hanc fastidiosius

Quam reliquis, eadem doctis iam uia.

Frustraq; laborem insumerent, quotquot libris

Sibi nomen aucupantur clarioribus,

Ni sint, studio quorum queant intelligi.

Nam nemo uir unquam doctiora intelliget,

Qui non puer his similes nugas edoctus est.

Nugas pro more appello, sed quæ seria

Ducunt, pietatem, officia, mores, literas,

Quare hos sua ne dedigneris gloria,

Qui liberis, lector, student etiam tuis.

Ex tempore,



MORVM INTEGRITATE NOBILI-  
 TATIS ADOLESCENTIBVS GVLIELMO  
 & Philippo, filijs generosi domini D. PHILIPPI  
 Comitis à Solms, ac domini in Mintzenberg, &c.  
 Discipulis suis probissimis, Reinhardus  
 Hadamarius S. D.

Vt iuuentuti reliquæ præitis  
 Copta rerum, specie uenusta,  
 Laude maiorum, potioris alto  
     Sanguine stirpis:  
 Sic eam, ueri cupidos honoris,  
 Vos decet claro superare cultu  
 Artium, ac morum serie bonorum  
     Vincere longa.

Vnde uos dici merito potestis  
 Nobiles, Virtus generosa confert  
 Sola, non fictos titulos, honores,  
     Nobilitatem.

Quod parens uester generosus, imis  
 Sensibus uoluens, modò uos alendos  
 Arte Marpurgum potiore, Licha  
     Misit ab arce.

ERAS.

ERASMI ROTEM-  
 RODAMI CIVILITAS MOR-  
 RVM, IN SVCCINCTAS QVAESTIONES  
 digesta, ac per REINHARDVM HADAM-  
 MARIVM locupletata.

QVAESTIO PRIMA.



- VNVS formandi pueritiam quot  
 partibus constat? RESP. Quatuor  
 potissimum. Principio, ut tenellus  
 animus seminaria pietatis imbibat.  
 Deinde, ut liberales disciplinas ex-  
 amet, et perdiscat. Postmodo, ut ad uitae officia in-  
 struatur. Postremo, ut à primis statim cui rudimentis,  
 2 Ciuitati morum assuescat. INT. Quid est ci-  
 uilitas? RESP. Est morum comitas et huma-  
 3 nitas. INT. Vnde ciuitas morum elucet?  
 4 RESP. Ex animo bene composito. INT. Vnde  
 animus bene compositus dignoscitur? RESP. Ex  
 oculis, supercilijs, fronte, et breuiter, ipso uultu, to-  
 5 tiusq; corporis habitu. INT. Quales debent esse  
 oculi? RESP. Non torui, non uagi ac uolubiles,  
 non limi, nec immodicè diducti, non coniuuentibus sub-  
 inde genis ac palpebris, non stupentes, nec nimium acres,

non innuentes ac loquaces, sed placidi, uerecundi, ac  
 cōpositi. INT. Cur tam accurata oculorum ha- 6  
 benda ratio? RESP. Quoniam animi sedem in  
 oculis esse, prisca sapientes tradiderunt, Et iuxta Pli-  
 nium, Oculi, ceu uasa quædam, uisibilem animi par-  
 tem accipiunt, ac transmittunt. INT. Cuiusmodi 7  
 decet esse supercilia? RESP. Exporrecta, non  
 adducta, non sublata, non in oculos depressa. Fastus  
 enim ac superbiæ sedes habetur in illis. INT. Qua- 8  
 lis debet esse frons? RESP. Hilaris & expla-  
 nata, non in rugas contracta, non mobilis, non torua.  
 Est enim tacitus animi sermo. INT. Decet ne fa- 9  
 ciem aut dicturum quippiam, apud ignotos manu  
 faciem perfricare? RESP. Quamuis autore Plu-  
 tarcho, dicturus ipse Tullius, leua faciem demulserit,  
 tamen hunc gestum inter pronunciationis uitia Quin-  
 tilianus notat, inquiens: Vitiosa sunt illa, intueri la-  
 cunaria, perfricare faciem. INT. Quales debent 10  
 esse nares? RESP. Mundæ, & ab omni mucoris  
 purulentia alienæ. INT. Decet ne pileo, aut 11  
 ueste nares emungere? RESP. Non, sed stro-  
 phiolo, id' que paulisper auerso corpore, si qui adsint  
 honorationes: nam illud rusticorum, hoc salsamenta-  
 riorum est. INT. Est ne pituita uesti illinenda? 12  
 RESP. Minime, sed emuncto duobus digitis naso, in  
 solum deijcienda, & mox pede proterēda, ne cui muc-  
 ci spurs

- 13 ci spurcitia nauseam moueat INT. Est ne decorū  
naribus uocem, aut ronchos emittere? RESP. Ne  
quaquam. Illud enim cornicinium ac elephantorum,  
14 hoc furiosorum. INT. Cur non decet cum sonitu  
spirare RESP. Quoniam bilis est indicium, ac  
15 phrenescos. INT. Quos decet crispare nasum?  
RESP. Scurras, irrisores, ac saniones, non indolis  
16 puerum liberalis. INT. Quid faciendum, si in-  
cidat sternutatio? RESP. Corpus auertendum est,  
os crucis imagine signandum. Resalutandi qui salutas  
runt. Non opera data sternutamentum iterandum, nec  
17 sonitus, quē natura tulerit, reprimendus. INT. Quae  
les debent esse malae? RESP. Non fūco aut ascis-  
titio colore tinctae, sed natiuo ac ingenuo pudore.  
18 INT. Est ne decorum pudore suffundi? RESP.  
Modesto ac temperato decet, non qui stuporem ad-  
19 ducat, aut deliranti similem reddat. INT. Quo  
pacto rusticus pudor temperari potest? RESP. Si  
uiris grauitate praecellentibus conuerferis, & comae-  
20 dijs agendis sepius exercearis. INT. Est ne de-  
corum buccas inflare, aut eas prorsum demittere?  
RESP. Minime: Quoniam alterum utriculariorum  
est, & in primis eorum, quos prouerbiū  $\kappa\acute{o}\mu\pi\tau\omicron\varsigma$   
 $\mu\acute{o}\varsigma$  quos celebrat: alterum animos despondentiū, aut  
21 arborem suspendio deligentium. INT. Quisnam  
oris habitus erit? RESP. Non prematur, non hiet,  
non

non porrigatur? sed leniter osculantibus se mutuò labris coniunctum sit. INT. Quinam porrigere labra, ac ueluti popismū facere solent? RESP. Adulti magnates, per mediam turbam incedentes, qui omnia sese decere putant. INT. Quodnam decorum in oscitando seruandū est? RESP. Si nō datur auerti, aut cedere, strophio, aut uola tegendū os, crucis imagine signandum. INT. Cur oscitante uno, oscitat & alter, ut inde natum sit prouerbum? RESP. Quia ut natura quendam similitudinū consensum, ita affectuum habet. INT. Est ne omnibus dictis aut factis arridendū? RESP. Omnibus arridere stultorum est, nullis stupidorum. Proinde in his, ut in rebus alijs omnibus praeſtiterit auream seruasse mediocritatem. INT. Quinam obscenè dictis aut factis solent arridere? RESP. Bipedum nequissimi, quibus impudens os, perfricta frons est. Verū honestus puer non arridebit, imò uultum componet, quasi non intelligat, aut factum turpe uideat. INT. Decet ne puerum risu syncrusio concuti? RESP. Minimè. Nam ut honesto puero turpe est muliebri more ciulare, si quid doceat, ita gaudio immoderato in cachinnū effundi, parum decorum est. INT. Est ne decorum ridendo huiusmodi edere, & corrugatis buccis, nudatisq; dentibus oris rictū latè diducere? RESP. Nequaquam: illud enim scurrarum est, ac morionum: hoc

canum

- 29 canum furiosorum. INT. Quibus conueniunt  
 illæ uoces, Risu diffusus, dissilio, emorior? RESP.  
 Stultis, quorum rationem affectus absorpsit. INT.
- 30 Quo uultu hilaritas exprimenda? RESP. Sic ut  
 habitus oris non dehonestetur, nec animus dissolutus  
 31 arguatur. INT. Quid faciendum si res incidat,  
 ridicula, atq; adeò, ut risus teneri nequeat? RESP.  
 Ciuilitatis erit, mappa aut manu faciē tegere, & mo-  
 32 destē, non effuse ridere. INT. Decet ne ridere cui-  
 dentē nullā ob causam? RESP. Minime: Verū si  
 quid eiusmodi fuerit obortū, causa risus aperiēda, quæ  
 si non idonea prolata, commentitium aliquid afferen-  
 33 dum, ne quenquā deridere uidearis. INT. Cur nō  
 decet labrorum oras circumuoluta lingua subinde lā-  
 bere? RESP. Quoniam ineptorum is gestus est,  
 non bene moratorum, & magis canibus ac felibus,  
 34 quā pueris ingenuis competens. INT. Habe-  
 tur ne urbanum labra dentibus mordere? RESP.  
 Non, quoniam id ruitantis est, & qui stomachatur,  
 35 animoq; ringitur. INT. Cur indecorum est por-  
 recta aliquem lingua deridere? RESP. Quoniam  
 id scurrarum est, qui nulla uerecundie aut dignitatis  
 habita ratione, quodlibet patrant, atq; adeò ut qui  
 semel scurra, nunquam bonus paterfamiliās. INT.
- 36 Quid in expuendo pueros facere decet? RESP.  
 Corpus auertere, ne quem conspurcent, aut aspergant.  
 Deinde

Deinde si quid purulentius in terram reiecerint, pede  
 proterere, ne cui nauseam moueant: id si nō liceat, lin-  
 teolo sputum excipere. INT. Cur inciuile puta- 37  
 tur ad tertium quodq; uerbum, ut quidam solent, ex-  
 puere? RESP. Quoniam consuetudo turpis est, ex  
 officinis quorundam cerdonum profecta, & eos qui  
 non ex necessitate, sed ex usu crebrius expuunt, taxa  
 prouerbum, Psccas aut ros. INT. Cur inter lo- 38  
 quendum identidem subtuſſire non decet? RESP.  
 Quia is gestus mentientium est, & inter dicendum  
 quid dicant comminſcentium. INT. Quibusnam 39  
 conuenit ſaliuam reſorbere? RESP. Inurbanis,  
 canem reuerſum ad uomitum, aut ad luti uolutabrum  
 ſuam repræſentantibus. INT. Cur non decet mo- 40  
 re quorundam ad tertium quodq; uerbum cructare?  
 RESP. Nempe quòd indecora res ſit, quæ ſi à teneris  
 in conſuetudinem abierit, hæſura ſit in grandiorena  
 etiam ætatem. INT. In tuſſiendo quod'nam deco- 41  
 rum obſeruandum erit? RESP. Vt in os nemini  
 tuſſiamus, nec clarius quàm natura poſtulet, tuſſire  
 geſtiamus. INT. Eſt'ne turpis uomitus? RESP. 42  
 Turpiſſimus eſt, ac fœdiſſimus accerſitus ingluuie.  
 Verū ut neceſſitati naturæ ſuccurras, uenia dignus ha-  
 betur. INT. Eſt'ne curanda dentium mundicies? 43  
 RESP. Eſt: quod ſi neglexeris, damnum accipient  
 dentes, qui indomiti flammis tabe cauantur, & pitui-

- ta. Eos igitur mane pura aqua prolues, non pulviscu-  
lo, quod puellarum, nec sale aut alumine, quod gin-  
44 giuis perniciosum, defricabis. INT. Est ne id quod  
dētibus inhæsit, cultello, aut mātīli, aut unguibus exi-  
mendum? RESP. Minime, sed potius auicularū  
pennis, aut ossiculis ē gallorum, aut gallinarum tibijs  
45 detractis. INT. Qualis debet esse capitis orna-  
tus? RESP. Mundum sit caput, non impexū, nec  
lendum aut uermiculorum sordibus fœdum. Absit ni-  
46 tor puellaris. INT. Decet ne subinde scabere ca-  
put? RESP. Non, quia ut reliquum corpus fricare  
unguibus, præsertim si fiat usu, non necessitate, sordi-  
dum est, ita caput subinde scabere indecorū est. INT.  
47 Qualis debet esse coma? RESP. Non prolixior,  
non frōtem tegat, nec humeris inuolitet, ut meritò cæ-  
48 saries dici possit. INT. Quibus conuenit concus-  
so capite discutere capillitium? RESP. Lasciu-  
entibus equis, & quassantibus hydras Eumenidibus.  
49 INT. Quibus uidetur elegans cæsariem à fronte in  
uerticem manu retorquere? RESP. Opilionibus  
prolixam comam nutrientibus. Item mollibus et inur-  
50 banis Epicuri de grege porcis. INT. Qualis de-  
bet esse ceruix? RESP. Non inflexa, non in læuum  
nec in dextrum uergens, sed (ut etiam corpus) mol-  
51 liter sit erecta. INT. Qui nam solent ceruicem in-  
flectere, & scapulas adducere? RESP. Nulli ado-  
scētes



lescentes industrij, sed ranciduli Dromones, longo ueterno torpescences, & horridi desidia, latamq; traehentes inglorij alium. INT. Quali libramine tēperari debent humeri? RESP. Aequo, non in morem antennarum alter attolli, alter deprimi. INT. Cur in pueris gestus corporis negligi non debent? RESP. Ne consuetudinem in naturam uersi, corporis habitum praefer naturam olim deforment. Tenacius enim haerent, quae rudibus annis percipiuntur. Vnde illud: Quo semel est imbuta recens, seruabit odorem Teste diu. INT. Decet ne brachium in tergum re- torquere, aut manus in ilia iniicere? RESP. Minime, quoniam ueternosi alterum est ac furis, alterum Thraconis ac Ardelionis. INT. Quamnam elegantes ac decentes corporis gestus probantur? RESP. Nō qui stultis, nec delicatis aulicis placent, sed qui naturae ac rationi consentanei sunt. INT. Sunt ne membra quibus natura pudorem addidit, retegenda? RESP. Minimè, uerum si necessitas ad denudandum compulerit, id facies decente uerecundia, credens & angelos adesse, & oculum Dei omnia uidere. INT. Est ne decorum eadem membra alienis manibus tangenda porrigere? RESP. Minimè, nam quorum conspectum oculis subducere pudicū est, ea multo minus oportet alieno contactui praeberē. INT. Est ne ciuilitatis remorari lotium? RESP. Vrinam se-

- creto reddere uerecundum est, remorari autem, uale=
- 59 tudini perniciosum. INT. Est' ne decorum com=
- preßis natibus retinere flatum uentris? RESP. Ru=
- fficitatis ac impudicitie argumentum est, assessoribus
- oppedere, si id mala consuetudine facias, naturali nul=
- 60 la neceßitate impulsus. INT. Quibus conuenit
- diductis genibus sedere, aut stare diuaticatis tibijs ac
- distortis? RESP. Thraßonibus, qui à confidentia
- 51 dicti arrogantes atq; stolidi. INT. Quomodo igi=
- tur standum aut sedendum? RESP. Sediti coe=
- ant genua, stanti pedes, aut certè modicè diducantur.
- 62 INT. Decet' ne puerum hoc gestu sedere, ut alteram
- tibiam genu suspendat? RESP. Non decet, quos=
- niam anxiorum est, et quorum capiti lapis (ut aiunt)
- 63 Tantali uideatur impendere. INT. Decet' ne
- puerum stare decussatim compositis tibijs? RESP.
- Minimè, quoniam id ineptorum est, quibus Sicula (ut
- 64 aiunt) nugæ, nō boni mores sunt curæ. INT. Qui' nā
- olim sedentes dextrum pedem læuo femori iniicere
- solebant? RESP. Prisci reges, quos temporum
- 65 nostrorum consuetudo uetat imitari. INT. Qui' nā
- stantes alterum pedem, altero honoris gratia preme=
- re, uniq; propemodum tibi ciconiarum ritu insistere
- solent? RESP. Quidam Itali, quos an puer in=
- 66 genuus imitari debeat, ambigitur. INT. Quod' nā
- in flectendis genibus decorū seruare decet? RESP. Cū
- neminem

neminem inuenias cui patriæ suæ consuetudo non uel optima uideatur, liberum erit hîc uernaculis uti moribus, uel alienis obsecundare, maxime si uarietas nihil cum honesto pugnet. INT. Qualis debet esse 67 incessus? RESP. Non fractus, quod mollium est: non præceps, quod furiosorum: non uacillans, quod ebriorum: non subclaudicans, quod eorum est, qui magnum ornamentum putant in pileo gestare plumas. INT. Quibus conuenit sedendo pedibus ludere, et 68 manibus gesticulari? RESP. Illud stultorum est, hoc eorum, quibus mens parum integra.

## DE CVLTU.

## QVAESTIO PRIMA.

EST ne uestitus decori ratio diligentior habenda? 1  
RESP. Est, cum uestis quodammodo corporis sit corpus, unde habitum animi liceat conijcere. INT. Potest ne certus uestium modus ac habitus præscribi? 2  
RESP. Non potest, quoniam non omnium par est uel fortuna, uel dignitas, nec apud omnes nationes eadem decora aut indecora, nec omnibus seculis eadem placent, displicent ue. INT. Quid faciendum 3 in tantis uestimentorû uarietatibus? RESP. Quemadmodum non minimæ prudentiæ pars fuerit, Polypimentem obtinere, hoc est, pro tempore, loco, ac consuetudine alios atq; alios mores assumere: Ita ciuilita-

- tis erit inferuire ὡς καὶ ἡ φύσις, maximè si honestas  
 4 non fuerit reluctata. INT. Qualis cultus decet  
 adolescentem? RESP. Neglectus, adsit tamen cul-  
 tui mundicies, non muliebris, unde rectè Ouidiana  
 Phœdra: Sint procul à nobis iuvenes ut fœmina cōpti,  
 Finc coli modico forma uirilis amat. Et alibi: Forma  
 5 uiros neglecta decet. INT. Quid Socrates con-  
 specto adolescentulo, qui cultu delicato & parum ui-  
 rili incedebat, dixit? RESP. Non te pudet, qui peius  
 tibi uelis, quàm ipsa natura uoluit: siquidem illa te ui-  
 rum fœcit, tu te ipsum refingis in fœminam. INT.  
 6 Cui nam decorum est proluxas uestium caudas trahere?  
 RESP. Nemini homini, cum id in fœminis rideatur,  
 7 in uiris improbetur. INT. Cur multitia cùm ui-  
 ris tum fœminis probro dantur? RESP. Quoniam  
 olim infames pellucente atq; mollicina ueste non de-  
 cebat uti. Vnde Iuuenalis ait: Talem non sumet dam-  
 nata togam. Ergo cum præcipuus uestiura sit usus ho-  
 nestare corpus, ac tegere partes eas, quæ impudicè o-  
 stenduntur oculis hominum, ualde decuerit, honestio-  
 ribus uti uestimentis, iniuria nulla corpus adfœcturis.  
 8 INT. Quibusnam conueniunt uestes breuiiores, quam  
 ut inclinantibus nates tegant? RESP. Non mo-  
 ratis & ingenuis pueris, sed cinædis, smiis, aut cer-  
 9 copythecis. INT. Decet'ne pueros reiectis circa  
 humeros tunicis, ac manicis in terram propendenti-  
 bus

bus ac demissis, incedere uentilando? RESP. Minime. Id enim discinctorum Nacarum est, non honestiorum puerorum, quos decet manicas ac togas decenter induere, non quasi ueterem acturos tragœdiam longa formata trahere. INT. Quibusnam disseccare uestes, aut picturatis uti conuenit? RESP. Illud amantibus, hoc simijs ac morionibus. INT. Est'ne ciuilitatis, si quàm uestem à parentibus elegantiorē acciperis, passim ostentare, & reflexis oculis admirandum te contemplari? RESP. Minime: alterum enim lenularum uanissimarum est, & eorum qui suam alijs miseriam exprobrant: alterum cornutorum beatorū atq; pauonū stolidorum. Ergo quò maior fortuna tua fuerit, eò modestia sit excellentior & amabilior.

DE MORIBVS IN TEMPO.

QVAESTIO PRIMA.

Quid'nam in templo cum sacra peraguntur, facere puerum decet? RESP. Tolum corporis habitum ad religionem componet, ad altare faciē, animi neruos ad Christum diriget. Cum recitatur Euangeliū, assurget, et si poterit, auscultabit religiose, idq; nudato capite. Ad nomen saluatoris nostri genua flectet, ad concionem oculi spectabunt: attentæ aures erunt, huc inhiabit animus cum omni reuerentia. INT. Est'ne decorum nugas obgannire, obam=

obambulare, huc illuc oculos circumferre uagos, exercere petulantiam? RESP. Minimè gentium: illud enim infidelibus, hoc factioni Peripateticæ, tertium amentibus, quartum nebulonibus conuenit. Vnde existimandum nos frustra templum adiisse, nisi inde meliores ac puriores discefferimus. INT. Decet ne in procumbendo, terram altero genu contingere, creto altero cui leuius inmitatur cubitus? RESP. Nō: id enim Iudæorum est, qui subsannatores illufere Christo. Corpore igitur ad uenerationem composito, genu demittendum est utrunq;.

## DE CONVIVIO.

## QVÆSTIO PRIMA.

- <sup>1</sup> **Q**uid ornat conuiuium? RESP. Modestia, hilaritas, uerecundia ac taciturnitas. INT.
- <sup>2</sup> **Q**uomodo puer mensam adornabit? RESP. Mappam nitentiozem insternet. Circulum ponet in medium, quadras iniacet, ad quarum sinistram partē repurgatos panes, quatuor ad mensæ angulos relictis: salinum apponet elegans, coclearia & pocula bene mundata, in horum appositione patriam imitabitur. Sellas ex ordine collocabit, iniectis singulis puluinariis: gutturnium eluet, aquam manibus eluendis asseret. INT. Quonam gestu stabit mensam consecraturus? RESP. Vultum ac manus ad religionem componet.

componet, conuiuij primarium, aut si fors adsit, imaginem Christi spectabit, ad nomen Iesu matrisq; Virginis utrunq; genu flectet. Orationem proferet articulatim, non uerba præcipitabit. INT. Quorum 4 admonendus est mensæ administrator? RESP. Ut erectis ad iunctis pedibus stet, respiciens ne quid desit. Amandatus aliquò, reditum maturet. Cum infundendum, porrigendum, apponendum quid fuerit, id ciuilitè faciat, neminem per fundat, pocula porrecturus, nò in manus præbeat, sed in mensam ponat. Conuiuatarum sermones non interturbet. Interrogatus breuiter respondet. Ad uarietatem ferculorum quadras mutet. Si uaria uina, eadem non commisceat. Sub coenam promungendis lucernis euigilet. Emuncturus è mensa tollat, non extinguat candelam, quam ad illuminandū portans præcedat. Quod emunctum, harenæ immergat, aut solea proterat. Quod de mensa remotum, nò abliguriat. INT. Quomodo remouenda est mensa? 5  
RESP. Eodem ferè quo apparatus. Orbes colligentur primum, posthæc salsamenta & sal. Inde caseus, uel quicquid aliud est pemmatum. Ad ultimum unà cum pane remouetur & mappa. INT. Quid faciet ad conuiuium uocatus? 5  
RESP. Nò sit tardus, sed hora præscripta ueniat. Non adducat canem uel umbrā. Quicquid in animo agrè est, abijciat. Ad honoratiore locum sedere iussus, primū excuset. Si instabitur, au-  
toritate

toritate prædito obtemperans, sedeat, sed lotis manibus, unguibus præfectis. Cultrum habeat acutum, non qui magis premat quàm scindat. Non gesticuletur manibus, aut pedibus ludat. Non mensam aut quadrā fodiāt. Quod in terram lapsum, ori non admoueat. Buccellas non nimis amplas aut densas sumat. Salino digitos non indat, quantum satis est cultello sumat, si longius est, porrecta quadra petat. In poculo nō appareat  
 7 supernatans pinguedo aut saginem. INT. Quænam in conuiujs uehementer inciuiilia reputantur? RESP. Abs te semesa alteri porrigere, panem decoratificare uel excauare, caseū ita scindere, ut falcis aut ferræ figurā repræsentet. Ore pleno uel bibere, uel loqui. Cibus mansum ē faucibus eximere, & in quadram reponere. Cogitabundum accumbere. Stupere, quasi totus animus sit in patinis. Oculis circumactis, obseruare quid quisq; comedat. In quenquam conuiuiarum oculos diutius intentos habere. Transuersim hircus intueri qui in eodem accumbāt latere. Retorto in tergum capite contemplari quid rerum geratur in altera mensa. Effusire quod offuscet hilaritatem. Absentiū famam ledere, suum cuiq; dolorem refricare, quod appositum est uituperare. Dicta uel facta foras eliminare. INT. Quænam inter edendum habentur inurbana? RESP. Tantum simul in os ingenere, ut utrinq; cœu folles tumeant buccæ. Buccellas nimis densas



densas & amplas sumere, piper edens digitos praelin-  
 gere. Thoracem commaculare. Mandendo labiorum  
 diductu sonitum more porcorum edere. Ore pleno uel  
 bibere, uel loqui. Offa cultris purganda, dentibus ar-  
 rodere. Eadem, aut si quid simile reliquum, sub men-  
 sam abijcere, panem pectore proscindere. Cibum aut  
 ossa semel seposita repetere, panem prerosum iterum  
 in ius immergere. INT. Accumbentis ubi manus, 9  
 erunt? RESP. Vtraq; supra mensam, non coniun-  
 ctim, non in quadra, nec in gremio. INT. Decet' ne 10  
 utroq; uel altero cubito inniti mensæ? RESP. Mi-  
 nime, id enim senibus & egrotis condonatur: delica-  
 tis item quibusdam aulicis, qui se decere putant quic-  
 quid agunt. INT. Decet' ne inter conuiuandum 11  
 relaxare uincula? RESP. Nullo modo: uoracitatis  
 enim odiosæ signum est, in eos competens, qui sunt per-  
 nicies & tempestas, barathrumq; macelli. INT. 12  
 Quod' nam decorum sedentis erit? RESP. Pexum  
 ac reiectum caput, & æquo libramine corpus erectū  
 habere, non in sella uacillare, non iam huic, nunc alte-  
 ri nati uicissim insidere. Non cubito proximè accum-  
 bentem, nec pedibus ex aduerso sedentem molestare.  
 INT. Adhærebit' ne puer mensæ usq; ad conuiuij finē? 13  
 RESP. Non manebit, sed sumpto quod satis est, sub-  
 lata quadra sua discedet, flexo poplite salutans con-  
 uiuas, inter eos maximè honoratiorem. INT. Est' ne 14  
 panis

- panis una uola pressus summis digitis restringendus,  
aut crustum undiq; reuellendum.<sup>s</sup> RESP. Minimè:  
id enim est delicatorum, Apitiorum. Quare cultello  
decenter secandus, & ut res sacra, panis religiose tra=  
15 ctandus. INT. Cur panem fortè delapsum inter=  
ram solemus exosculari.<sup>s</sup> RESP. Quoniam sacrū  
charitatis & concordie symbolum est, quo ueteres a=  
micitiā uerā conciliabant. Vnde illud Pythagoriz  
16 cum: Panem ne frangito. INT. Decet ne puerum  
à poculis conuiuium auspicari.<sup>s</sup> RESP. Non de=  
cet: etenim ea res cum moribus non solum inhonesta sit,  
sed etiam corporis ualetudini officiat, relinquenda est  
potoribus, qui bibunt, non quòd sitiant, sed quòd sole=  
17 ant. INT. Quomodo reficiendum puerile corpus.<sup>s</sup>  
RESP. Citra plenā saturitatem, & magis crebrò,  
quā copiose, nō immodico cibo diffarciendū. INT.  
18 Cur nimio cibo puerile corpus non est plus æquo di=  
stendendum.<sup>s</sup> RESP. Quoniam, ut Gellius ait, cō=  
pertum est, pueros, si plurimo cibo nimioq; somno u=  
tantur, hebetiores fieri, indeq; tarditatem elici. INT.  
19 Quando & quoties in mensa bibit puer.<sup>s</sup> RESP. Cū  
aliquandiu pastus fuerit, de secundo missu, maximè  
sicco, non statim post sumptam ex iure offam, nec post  
lactis esum. Et sæpius quā bis, aut ad summum ter, in  
conuiuiu bibere, puero nec decorum, nec salubre. Et  
quartam crateram insanie esse contendit Anacharsis.  
Cauendum

Cauendum autem in primis, ne potu ingurgitetur, aut equorum sonitu bibat. INT. Quæ nam præmia 20  
mero gaudentes sequuntur? RESP. Dentes rubiginosi, genæ defluentes, oculorum luscitio ac ulcera, mentis stupor, manus tremulæ, furiales somni, noctes inquietæ, & breuiter, Senium ante Senectam. INT. 21

Quis nā potus puexili ætati maximè cōuenit? RESP. Qui feruidam ætatem, non magis feruidam (ne iuxta prouerbum, oleum camino addatur,) reddit, nec qui inebriet. Non mala est igitur cereuisia tenuis, itē aqua, si regionis qualitas patiatur: ad hæc, uinum non ardens, sed aqua dilutum. INT. Quid faciet de cō- 22  
muni aut alieno poculo bibiturus? RESP. Cibū præmandet, & hæretem in ore deglutiet primum, deinde labra mantili aut linteolo absterget. INT.

Quod nam inter bibendum habetur ualde rusticum & illiberale? RESP. Alios intortis oculis intueri, & more ciconiarum reflectere ceruicem, ne quid hæreat in imo cyathi. Quod eorum est, quibus conuenit prouerbum: Tollere maschalam. INT. Inuitatus 24

ad bibendū quid faciet puer? RESP. Admotis cyatho labris, paululum libabit, & si non sitiat, se bibere simulabit. At si quis rusticus urserit, se tum responsurū pollicebitur, cum adoleuerit. INT. Sunt ne manus 25

statim, ubi uix bene confederis, in epulas cōijciendæ? RESP. Non sunt: id enim luporum est, & eorum qui de chy-

- de chytropode cibum nondum sacrificatum rapiunt,  
 26 more pecudum ad cibum capiendum irruētes. INT. Quare cibum appositum primus statim attingere non debes? RESP. Nempe ut affectui temperare adsue-  
 scas, & ne feruidum inexploratum recipiens, cogaris expuere, aut ridiculus gulā adurere: postremus igitur  
 27 ac iussus adnouebis manum patinæ. INT. Quid respōdebat Socrates, rogatus cur de primo cratere nō biberet? RESP. Ne consuecam, inquit, affectibus obsequi. Digna certē philosopho sententia. INT.  
 28 Sunt ne digiti in iussulentā mittendi, & toto quæ plas- ceant disco eligenda? RESP. Non sunt: illud enim agrestium est, hoc liguritorū. Ergo quod ante te iacet,  
 29 sume uel cul:ello, uel fuscina. INT. Decet ne ma- num in omnes patinæ plagas mittere, aut patinam, ut ad te ueniant lautiora, inuertere? RESP. Minimè: id enim est intemperantium, ac uentri, non honestati  
 30 inserviientium. INT. Decet ne porrectum cibum assumere? RESP. Decet, sed digitis tribus, aut porrecta quadra. Attamen præmittenda prius est ex-  
 cusatiuncula, postmodū resecta portiuncula, reliquum offerendum ei qui porrexerat, aut proximè asidenti  
 31 communicandum. INT. Quomodo recusandum id est, quod oblatum non conuenit stomacho tuo? RESP. Non dicendum cum Terentiano Clitiphone, Non pos-  
 sum pater: sed comiter agenda gratiæ. Quòd si per-  
 stiteris

stiterit inuitator, uerecundè respondendum, aut non  
conuenire tibi, aut te nihil amplius requirere. INT.  
Quomodo placenta, uel artrocrea, uel simile quiddam 32  
accipiendum est? RESP. Nō digitis, sed quadra aut  
cocleari, quod scilicet inuerso in quadram cibo, reddē-  
dum. INT. Quid faciendum, si liquidius quiddam 33  
tibi gustandum cocleari porrigatur? RESP. Quod  
offertur sumendū est, et cocleare, sed ad mantile prius  
extersum, reddendum. INT. Decet' ne unctos di- 34  
gitos, uel ore praelingere, uel ad tunicam extergere?  
RESP. Minimè, nam id mappa potius aut mantili  
faciendum. INT. Est' ne decorum integros bolos 35  
subitò deglutire? RESP. Non est, nam hoc ipsum  
ciconijs ac philoxenis conueniens, puerilem ualetudi-  
nem offendit. INT. Est' ne ciuile, si quid à structore 36  
refectum fuerit, & priusquam ille offerat, porrigere  
manum aut quadram? RESP. Minimè, nam sic  
præripere quod alteri paratū erat, uidereris. INT.  
Est' ne à primis statim annis secandi ratio discenda? 37  
RESP. Maximè, sed non superstiosa. Porro aliter  
armus, aliter coxa, ceruix, cratis, capus, perdix, anas  
inciditur. Iuuenalis ait:

—Nec minimo sanè discrimine refert,

Quo gestu lepores, & quo gallina secetur;

INT. Quomodo manducabit ouum puer? RESP. 38

Panem prius stustulatim scindet, testam uno ictu ape-  
riet,

- riet, ne quid præterfluat cauebit, salem adhibebit, non potabit, nec olfactu tentabit, non unguibus aut pollice, aut inserta lingua purgabit, sed cultello, testas non
- 39 confractas in catinum reijciat. INT. Quoniam inter edendum proijci debent seponenda? RESP. In quadra angulum, aut discum, qui reliquijs excipiendis apponitur, ne uel pauimentum, uel mensæ stragulam
- 40 conspurcent. INT. Est ne canibus aliquid proijciendum? RESP. Vt canes inter conuiuandum tractare stoliditatis est argumentum, ita eos de alieno pascere simultatis, ac odij gliscentis irritamentum, ijs solum conueniens, qui de alieno sunt liberales, & ex
- 41 alieno tergore solent lata secare coria. INT. Quomodo manducabit puer carnes? RESP. Minutim prius diffecabit, mox addito pane, aliquādiu mandet, priusquam in stomachum traiciat. Nam deuorare ac tuburcinari, fossorum ac latronum est, non puerorum
- 42 honestiorum. INT. Quibus conuenit quadram, aut patinam cui saccarum aut aliud suauis quiddam adhæsit, lingua lambere? RESP. Canibus & felibus, non ijs qui se homines esse meminerunt. INT.
- 43 Est ne decorum in conuiujs citra intermissione edere aut bibere? RESP. Non est, cum id facere soleant illi qui gestus moderari nō possunt, unde etiam rusticis moribus imbuti, aut scabunt caput, aut scalpunt dentes, aut gesticulantur manibus, aut ludunt cultello, aut tussunt,

fiunt, aut screant, aut exspuunt, ignorantes quòd fabularum uicissitudo, interuallis esum perpetuum dirimere, aliorumq; sermonum auscultatio hoc tædij fallere debeat. INT. Cur non est respondendum prius 44 quàm orationem finieritis qui compellat? RESP. Ne aliena, nihil (ut aiunt) ad Bacchum respondens, sit risui. Detq; locū ueteri prouerbio, αἷμας ἀπ' ἡτοῦ. Vnde rex Salomon in prouerbijs inquit: Qui prius respondet quàm audiat, stultum se demonstrat, & confusione dignum.

## DE CONGRESSIBVS.

## QVAESTIO PRIMA.

**Q**uid faciet puer, si quis in uia honore dignus occurrerit? RESP. De uia decedet, reuerenter caput aperiet, poplites etiam, si nobilior homo, uel persona grauior obuiam uenerit, inflectet. INT. Honoribus digno ueniente obuiam, debet ne puer sic cogitare: Quid mihi cū ignoto? RESP. Nō debet, cum hic honos non homini, sed Deo tribuatur, qui cano iussit assurgere, ac presbyteris duplicatū honorem exhibere. INT. Deberemus ne Turcam, si (quod absit) nobis imperet, honorare? RESP. Deberemus: Nam quod diuus Páulus ait, Nos omnibus honorem prestare debere, quibus honos debeat:

- complectitur etiam ethnicum magistratum. Et sanctus Petrus dicit: Nos subditos esse debere, non solum bonis
- <sup>4</sup> dominis, uerum etiam prauis. INT. Quibus nam à Deo secundus debetur honor? RESP. Parentibus ac præceptoribus: illis, quòd nos generarint, nostra causa tot labores subierint, ac tædia deuorauerint: His, quòd mentes nostras, meliorem hominis partem, in multo sudore forment & expoliant. INT. Habetur ne ciuile, æquales inuicem honoribus se præuenire? RESP. Habetur, cum diuus Paulus Romanis scribens, doceat, ut honore alius alium præcedat. Porro si parem, aut inferiorem honore præuenerimus, non minores reddimur ipsi, sed ciuiliores. INT. Quomodo loquatur cum maioribus puer? RESP. Vt cum æqualibus amanter ac comiter, ita cum maioribus reuerenter, ac paucis, titulum honoris subinde repetendo. Nec abibit nisi præfatus ueniã, aut dimissus ab illis. INT.
- <sup>7</sup> Inter loquendum ubi manus, ubi pileum habebitur? RESP. Pileum utraq; manu iuncta suspensum, pollicibus eminentibus, teget pubis locum. INT. Decet ne librum aut galerum sub axilla tenere? RESP. Non decet, ne forte (ut ait Horatius) sub ala. Fasciculi portas librorum, ut rusticus agnum: Vt uinosa globos furtiue Pyrrhia lance. INT. Inter loquendum oculi quò spectabunt? RESP. Intenti sint in eum cui loqueris, sed placidi ac simplices, nihil procax, nihil improbum præ



præ se ferētes, Porro huc illuc oculos uoluerē, leuitatis  
 est. In terram dei ceciderē, malæ conscientia: transuersim  
 tueri, auersantis. INT. Quali titulo puer alicui lo- 10  
 cuturus utetur? RESP. Honorifico. Quod si titu-  
 lus eum suggerit: Eruditi omnes, præceptores sibi erunt  
 obseruandi: Omnes potentes et ignoti, domini: Omnes  
 æquales, fratres & amici. INT. Quæ nam inter 11  
 loquendum indecora reputantur? RESP. Vultum  
 in uarios habitus, ut Proteus, transformare, corrugare  
 nasum, cōtrahere frontem, attollere supercilia, distor-  
 quere labra, diducere os aut premere, capite concussa  
 iactare comā, sine causa tussire, screare, caput scabere,  
 aures scalpere, nasum emungere, demulcere faciem,  
 suffricare occipitium, humeros diducere, rotato capi-  
 te negare, reducto accersere, & breuiter, gestibus ac  
 nutibus loqui. INT. Inter loquendum quæ nam 12  
 uehementer sunt illiberalia? RESP. lactare bra-  
 chia, gesticulari digitis, pedibus uacillare, toto corpo-  
 re loqui, corpus incuruare, interpellare loquentem,  
 antequam fabulam absoluerit. INT. Qualis debet 13  
 esse uox? RESP. Mollis & sedata, non clamosa,  
 nec tam pressa, ut ad aures eius cui loqueris non per-  
 ueniat. INT. Qualis debet esse sermo? RESP. Nō 14  
 præceps & mentem præcurrent, sed lentus, explana-  
 tus ac distinctus, qui hesitantiam immatam ac Bat-  
 tarismum solet emendare, INT. Quomodo puer 15  
 6 2 Sineo

- (sineceffe fuerit) rem pudendam, aut quæ naufeam mouere possit, nominabit? RESP. Illic uerecundæ circuitione utetur, hic honorem auribus præfatur.
- 16 INT. Quod tacitum uelis, cui credendum erit? RESP. Nemini: Ridiculum enim est ab alio silentij fidem expectare, quam ipse tibi non præ-
- 17 stit.
- INT. Cur præsterit malorum consortia uitare? RESP. Quoniam (ut dicitur) corrumpunt bonos mores, colloquia praua. Et modicum fermentum totam massam corrumpit. Atq; dat in plures unius contagio labem. Sicut grex totus in agris Vnius scabie cadit, & porrigine porci, Vnaq; conspe-
- 18 cta liuorem ducit ab uua.
- INT. Quæ res potissimum beneuolentiam conciliare, & amicitiam conseruare solet? RESP. Virtutis studia: Idem uelle ac nolle: Mutua beneuolentia: Facile omnes perferre, ac pati: Non  $\phi\acute{\iota}\lambda\epsilon\upsilon\tau\omicron\upsilon$  esse: Nemini se præferre: Fidei tesseram non confringere: Sedula beneficiorum recordatio: Spontanea obsequia.

DE MORIBVS IN PAEDAGOGIO, & inter prælegendum seruandis.

QVAESTIO PRIMA.

- 1 IN Phrontisterio quid faciendum pueris? RESP. Taciturnitatis ac modestiæ studiosi, nullis susurrijs, aut

aut indisciplinatis colloquijs prælectiones interturbabunt. Cauebunt ne meritò uapulent. Officiorum admoniti nunquam proteruè responsabunt. Peruicaciam omnem ac contumeliam exuent. Ingenium induent & docile & tractabile. Semper attentè, & auribus arrectis auscultabunt. Dictata libenter excipient. Etiam à præceptore solum narrata, non sinent præterlabi. Excepta, quasi thesaurum condentes memoriæ mandabunt. INT. Quid Diogenes adolenscentulo garrulo, & indecorè loquēti dixit? RESP. Nō erubescis, ex eburnea uagina plumbeum gladium educere? INT. Quid faciēt à Pædagogio dimissi pueri? RESP. Matura festinatione domum properabunt, non more sutorum ad oppida nundinaria raptim accelerantium cursitabunt, nec more Stentoris clamorem edent, aut turbas, ut lasciuientes caballi facient. Non ut pecudes horsum, aut deorsum cursitabunt. Si quid operis domi faciendum, hilariter, ac citra murmurationem capeissent & expedient. Ad studia non inuiti, sed admodum libenter redibunt.

## DE LVSV.

## QVAESTIO PRIMA:

**Q**uænam requiruntur in liberalibus lusibus? RESP. Alacritas ac modestia, non dolus, non mendacium, non peruicacia rixarum parens, sed concordia rerum omnium nutritrix. INT. Cur ludendi

- dēdi datur copia? RESP. Defessi studijs animi.  
 3 demulcendi gratia, non lucri causa. INT. Quē nā  
 decorant ludum? RESP. Grauitas honesta, leti-  
 tia, uiuacitas, uigor animi, ordo, charitas mutua, in-  
 genuē ac legitime ludere, uirtute, non fraude uince-  
 4 re. INT. Qui nam pueris prohibiti ludi? RESP.  
 5 Alea, tesserae, chartae, natāre in aquis. INT. Quē nā  
 relaxamenta sunt honesta, et pueros decentia?  
 RESP. Trochys, pila, globuli, agitatio corporis, cur-  
 sus, lusus sphaerae, et genera saltus, ut locustarum,  
 utraq; tibia, iunctis pedibus, unica tibia. INT.  
 6 Quē nam est pulcherrima uictoria? RESP. Sci-  
 7 psium uincere. Vnde longē melius, contentioni cedere,  
 quā palmam reportare. INT. Vbi puerorum in-  
 doles maximē relucere solet? RESP. In lusu: nam  
 cui ad dolos, mendacium, rixam, iram, uiolētiam, ar-  
 rogantiam propensius ingenium est, hic naturae uitium  
 8 emicat. INT. Quē nam in lusu puerum decent in-  
 genuum? RESP. Cum nemine contentionem susci-  
 pere: uictoriam, si res uenire uideatur adiurgium, ce-  
 dere potius, quā palmā obtinere. Aut ad arbitros pro-  
 uocare. Arbitris non reclamare, non tumultuari, non  
 uociferari, non insanire, non alicui rei damnum infer-  
 re. Illud igitur diui Pauli, tu lufurus, aut aliud actum  
 rus, memoria tenebis: Omnis amarulentia, et tumor,  
 et ira, et uociferatio, et maledicētia tollatur à uobis,  
 cum

cum omni malitia. INT. Quomodo ludus fiet ala- 9

rior? RESP. Si cum imperitioribus certamen est, possisq; semper uincere, nonnunquam te uinci patiaris: si cum inferioribus, ibi te superiorem esse nescias.

INT. Qui nam ludi Musis sunt magis accommodi? 10

RESP. Delectamenta Musices, in cantionibus, & instrumentis musicalibus ingenium exercere. INT.

Debent ne ludentes pueri mummos, graphia, libellos, 11

aut ligulas deponere? RESP. Minimè. Quoniam

ista res ad furtum aperit fenestram, & ad maleficia sollicitare solet animos pueriles. INT. Est ne piū 12

parentibus aliquid surripere, & dicere non esse peccatum? RESP. Impiissimum est. Vnde Solomon

ait: Qui deprædatur parentes, & negat id esse pec-

catum, is socius est homicidæ. INT. Proquare 13

pueri ludendo certabunt? RESP. Qui uictus

fuerit, pro pacti conditione, faciet imperata uictoris,

aut conclauis uerret pauimentum: Aut manibus ab-

luendis aquam afferet: Aut aliquot recitabit carmina:

Aut ex pacto quod ictum fuerit, lappa coronatus in-

ambulabit: Aut simile quippiam subibit.

## DE CVBICVLO.

### QVAESTIO PRIMA.

Vesperis cubiculum ingressus quid puer agat? 1

RESP. Ad preces sacras se componet.

- dēdi datur copia? RESP. Defessi studijs animi.  
 3 demulcendi gratia, non lucri causa. INT. Quē nā  
 decorant ludum? RESP. Grauitas honesta, leti-  
 tia, uiuacitas, uigor animi, ordo, charitas mutua, in-  
 genuē ac legitime ludere, uirtute, non fraude uince-  
 4 re. INT. Qui nam pueris prohibiti ludi? RESP.  
 5 Alea, tesserae, chartae, natāre in aquis. INT. Quē nā  
 relaxamenta sunt honesta, et pueros decentia?  
 RESP. Trochus, pila, globuli, agitatio corporis, cur-  
 sus, lusus sphaerae, et genera saltus, ut locustarum,  
 utraq; tibia, iunctis pedibus, unica tibia. INT.  
 6 Quē nam est pulcherrima uictoria? RESP. Sci-  
 7 psim uincere. Vnde longē melius, contentioni cedere,  
 quā palmam reportare. INT. Vbi puerorum in-  
 doles maximē relucere solet? RESP. In lusu: nam  
 cui ad dolos, mendacium, rixam, iram, uiolētiam, ar-  
 rogantiam propensius ingenium est, hic naturae uitium  
 8 emicat. INT. Quē nam in lusu puerum decent in-  
 genuum? RESP. Cum nemine contentionem susci-  
 pere: uictoriam, si res uenire uideatur adiurgium, ce-  
 dere potius, quā palmā obtinere. Aut ad arbitros pro-  
 uocare. Arbitris non reclamare, non tumultuari, non  
 uociferari, non insanire, non alicui rei damnum infer-  
 re. Illud igitur diui Pauli, tu lusus, aut aliud actu-  
 rus, memoria tenebis: Omnis amarulentia, et tumor,  
 et ira, et uociferatio, et maledictia tollatur à uobis,  
 cum

cum omni malitia. INT. Quomodo ludus fiet alacrior? RESP. Si cum imperitioribus certamen est, possisq; semper uincere, nonnunquam te uinci patiaris: si cum inferioribus, ibi te superiorem esse nescias.

INT. Qui nam ludi Musis sunt magis accommodi? 10

RESP. Delectamenta Musices, in cantionibus, & instrumentis musicalibus ingenium exercere. INT.

Debent ne ludentes pueri mummos, graphia, libellos, aut ligulas deponere? RESP. Minimè. Quoniam 11

ista res ad furtum aperit fenestram, & ad maleficia sollicitare solet animos pueriles. INT. Est ne piū 12

parentibus aliquid surripere, & dicere non esse peccatum? RESP. Impiissimum est. Vnde Solomon

ait: Qui deprædatur parentes, & negat id esse peccatum, is socius est homicidæ. INT. Pro quare 13

pueri ludendo certabunt? RESP. Qui uictus fuerit, pro pacti conditione, faciet imperata uictoris,

aut conclauis uerret pauimentum: Aut manibus abluendis aquam afferet: Aut aliquot recitabit carmina:

Aut ex pacto quod ictum fuerit, lappa coronatus inambulabit: Aut simile quippiam subibit.

## DE CVBICULO.

### QVAESTIO PRIMA.

Vesperis cubiculum ingressus quid puer agat? RESP. Ad preces sacras se componet.

- Nec prius in dulcem declinabit lumina somnū, Omnia  
 2 quā longē reputauerit acta diei. INT. Quo-  
 rum in cubiculo puer meminisse uel in primis debet?  
 RESP. Taciturnitatis, honestatis ac uerecundiæ:  
 horum siue cū exuat se, siue cum surgat, nunquam de-  
 bet obliuisci. Quod si fiet, nihil inciuiliter, nihil impu-  
 dicē faciet, nihil aliorum oculis denudabit, quod mos  
 3 & natura tectum esse uoluit. INT. In lecto quod  
 decorum seruabit puer? RESP. Priusquam re-  
 clinet corpus in ceruical, frontem ac pectus crucis i-  
 magine signabit, breui precatiunculu se Christo com-  
 mendabit. Neminem enecabit garrulitate, quietus ia-  
 cebit, corporis iactatione se non nudabit, nec sodali  
 4 detractis pallijs molestus erit. INT. Quomodo  
 cubabit puer? RESP. Non Pronus neque supinus,  
 sed primū lateri dextro innitetur, brachijs ita trans-  
 uersim complicatis, ut pectus muniant figura crucis,  
 dextra manu sinistro admota humero, laeua dextro.  
 5 INT. Quid puer cum manē se primū erexerit, fa-  
 ciet? RESP. A precibus diem auspicabitur, ni-  
 hil faciet nisi prius pexo capite, lota facie, manibusq;  
 & ore proluto,

#### PERORATIO.

**H**abetis studiosissimi pueri Ciuilitatem morum  
 Erasmi, in commodas (ut opinor) quaestiones  
 contra



contractam. *Quas* si uobis usui futuras intellexero, satis autoribus gratiae uel habitum uel relatum arbitror: Sin minus, persuasum habebo uenia dignum, prodesse uoluisse.

ORATIO PVERIS MA-  
NE DICENDA.

**C**Ratias tibi pater coelestis ago, quòd prae<sup>ter</sup>itam  
Inoc<sup>tem</sup> mihi uolueris esse prosperam, precorq;  
ut diem itidem hunc totum mihi bene fortunes ad tui  
nominis gloriam, & animae meae salutem, & ut tu,  
qui es uera lux occasum nesciēs, sol aeternus omnia ui-  
uificans, alens, exhilarans, digneris illucescere, menti  
meae, ne usquam impingam in ullum peccatum, sed du-  
ctu tuo perueniam ad uitam aeternam. Amen.

ALIA ANTE INGRESSVM  
PAEDAGOGII, PVERIS DI-  
CENDA,

**I**esu Christe, Dei fili unigenitè, Domine misericordiae,  
te suppliciter oro, ut qui puer duodecim annos na-  
tus, sedens in templo docuisti doctores ipsos, cuiq; pa-  
ter coelitus emissu uoce dedit auctoritatem docendi  
mortalium genus, quum diceret: Hic est filius meus di-  
t s lectus,

lectus, in quo mihi complacitum est, ipsum audite: quiq; es aeterna sapientia summi patris, illustrare digneris ingenium meum, ad perdiscendas honestas literas, quibus utar ad nominis tui gloriam, et animae meae salutem.

## ORATIO IN TEMPLO

DICENDA.

**C**Ratias ago tibi Iesu Christe pro ineffabili charitate, quod genus humanum morte tua redemisti. Te precor, ut aures et oculos mentis ac cordis mei digneris aperire, ut eloquia tua sancta, non solum uerè et examussum percipere queam et intelligere, sed factis etiam debitis exprimere. Te suppliciter oro, ne patiaris tuum sanguinem pro me frustra fustum esse, sed tuo corpore semper pascas animum meum, tuo sanguine uiuifices spiritum meum, ut paulatim adolescens ego uirtutum auctibus, efficiar idoneum membrum corporis tui mystici, quod est Ecclesia, nec unquam deficiam ab illo sanctissimo tuo foedere, quod in extrema coena distributo pane, et porrecto poculo, pepigisti cum discipulis tuis electis, et per hos cum omnibus, qui per baptismum in societatem tuam sunt insiti. Amen.

F I N I S.

IACOBI

# IACOBI SADOLE=

## TI AD GVLIELMVM BEL=

LAIVM LANGEVM, DE LI=

beris rectè instituendis

Liber.



VRIPIDIS est, in Andromacha o= pinor, non tam formam fœminæ, quàm uirtutes esse quæ delectent coniugem. Te uerò Gulielme Bellai, optime ami= corum omnium, quanta oportet affici uoluptate, qui eam uxorem nuper duxeris, cuius ad e= gregias animi uirtutes atq; dotes, species ac forma adiuncta sit, digna electissimis moribus: quos habuit quidem illa unde disceret, nata in familia nobilissima, et in eis educta quotidiane uitæ consuetudinibus, quæ splendorem et elegantiam optimi generis apprimè redolerent. Sed tibi certè contigit ex tui animi sententia, ut talem haberes, qualem semper optas= sti. Nam cum etiam tu antiqua nobilitate, et claris maioribus procreatus, plura ac multo præ= stantiora ornamenta tibi ex uirtute ac quisueris, ijs quæ à natura et à fortuna multa ac magna acce= pisti: sanè fuit æquum, ut sociam thori atq; uitæ eam tibi

tibi adiungeres, cuius ingenium & uirtus tuis humanissimis moribus responderet. Maxime autem in hoc laudanda FRANCISCI Regis nostri sapientia est, & consilium summo principe dignum, qui quod cæteri ferè in equis & canibus, ipse præcipuè in uiris facit, ut prouidentiam omnem adhibeat, quò ex spectatis utrinq; generibus electi, in hoc sanctum fœdus matrimonij conueniant, ut ex bonis parentibus nascatur progenies, quæ postea & Regi, & patriæ possit esse utilis. Et si in eo præterea necessaria esse disciplina quædam uidetur, quemadmodum domi ali atq; institui debeant pueri atq; adolescentes. Quo de genere nos cum nuper nescio quid cōscripsissemus, uiam patribus & rationem ostendere conati, qua bene atq; ingenuè erudire liberos possent, statuimus tibi deferre hoc munus, quod futurum esset monumentum nostri in te amoris: etsi tu minimè omnium huius quidem præceptionis indigeas. Quis enim est, de instituendis rectè liberis scribere aliquid uolens, qui non plura & potiora domi uestræ huiusce generis documenta reperiatur, quam ipse ad instruendū alios possit asferre? In quo sæpe solitus sum mirari parentis uestri felicitatem, an uirtutem, an uerius dicam utrunq; : qui cum plures sustulerit alueritq; liberos, sic eos omneis æqualiter artibus optimis, & præclarissimis moribus expoliuit, ut cuncti ex eadem quasi forma humanitatis simul ac dignitatis

tatis conflat, & quodammodo excusi esse uideantur. Sed tamen non inacceptum tibi fore hoc animi mei studium sum arbitratus, quod & iucundum amicitia, & opportunum recens tuum coniugium facturum sit. Et quo Deum immortalem precari non desino, ut te gignere prolem eam cōtingat, quæ paternam & auitam uirtutis imaginem in omni posteritate possit propagare. Verum ut ad ipsum iam sermonem de liberis rectè instituendis ueniamus: Cum sederem olim in meridie domi ociosus, nescio quid tum de meis studiis cogitans, accessit ad me Paulus Sadoletus, adolescens sanè quàm deditus studiis honestissimis, quem ego fratris filium, traditum mihi à patre, in filij educans loco, omnibus cum instituere contendebam & literis bonis, & moribus. Quem tamen laborem leuem mihi & iucundum faciebat, cum summum eius ingenium, tum uoluntas natura & consuetudine iam ad omnem optimam partem rationemq; propensa. Is tunc cum introisset ad me aliquantum temporius quàm solebat, (erat enim tempus dici certum constitutum, quo audiebat quotidie de me Aristotelis Ethica) sic eum interrogare ingressus sum. IACOBVS. Quid est Paule quòd te huc tam maturè? num te fefellit hora? aut aliud quid fortè apportes noui? PAVLVS. Nihil quicquam magnopere Patruè mi, aut si non tam huius quæ in corpore sit, quàm sanctioris in animo generationis, & meæ pietatis

tatis erga te proprium nomen quaeritur, longè iustum mi Pater. Sed ego ad te accessi prudens aliquanto maturius, non ipse aliquid apportans noui, sed expectans potius à te. IAC. Quid isthuc quod expectas? Agè, exprome, nihil enim recto studio tuo abnuet unquam uoluntas mea. PAV. Scio ego isthuc, etiam te tacente, mi Pater: facile enim mihi declarat res ipsa. Sed modò percunctanti mihi cum cubicularius dixisset oncium tibi esse, non inopportunum sum arbitratus petere à te, ut de instituenda rectè adolescentia ea mihi in unum praecepta componeres, quæ sparsim & intercise saepe edere es solitus: cupio enim habere mecum tanquam commentarium praeceptionum huiusmodi, è quo ipse me conformare ad uirtutem possim, ut talis fiam, qualem tu me esse uis. Sed hoc nisi molestum est, & si non aliud quid anteuertendum putas. IAC. Mihi molestum? aut aliud quid anteuertam? an est quicquam omnium rerum quod malim, quàm te & optimum & doctissimū esse? Sic enim puto te hoc quaerere, ut quod & ad bonos mores, attinet, & quod ad literas bonas, totum tibi id à me explicari cupias. PAV. Istud ipsum est quod ego cupio. IAC. Atqui Paule, si rem tractare & exequi ordine suo uolumus, ab ipsa pueritia exordiendum est. Nemo enim institui rectè potest adolecens, qui nequiter fuerit eductus puer: nam ut radix indolem ingeniumq; arboris, sic bene moratam &

conserua-

compositam adolescentiam pueritia ipsa producit. Hoc primum tempus ætatis, quod imprimis lubricum est atq; anceps, minimè est omnium legibus his quibus nunc utimur, animaduersum atq; tractatum, neq; adhibita cura, ut id publicè excolatur, cum maximè in eo uno ciuium boni mores, & ciuitatum salus constituta sit. De actionibus & controuersijs inter sese ciuium accuratè iura constituta sunt: in quo autem ferme sunt omnia, de genere uitæ eligendo, de educatione liberorum, de officio parentum, de uirtute, de moribus, quas quenq; sequi artes, & quas reiicere conueniat, mirum silentium est, præterquam si qua sunt Pontificio iure ad doctrinam uirtutis ac religionis præcepta iuuentuti, uel generi potius certo, ijs uidelicet qui sacris initiati sunt: nec tamen ea ordinatim, neq; à pueris, ut potius innuisse præclara quedam, quàm diligenter exposuisse uideantur. Græci diligentiores, nec tam in agendo præcipiendoq; ea quæ sunt uirtutis, (in hac enim laude nulli omnino nationi neq; generi prisce illi maiores nostri concessere, quod ueterum rerum monumenta perspicuè indicant) quàm in conseruando & tradendo posteris ea quæ optimè essent statuta. Cum apud nos & XII. tabularum lex totius æquitatis ac iuris seminarium, & uetera omnia plebis scitu, s. consulta, magistratuum edicta, nouorum iuris consultorum infinita quadam ubertate et redundantia iamdiu

iamdiu offusa & obliterata sint . At me hercule apud Græcos non modò Draconis ac Solonis ueteres quàm plurimæ leges, uerumetiam Lycurgi rhetræ, ut illi appellant, conseruatæ perquàm diligenter sunt, Quod eò est miserabilius, quòd ille bonam partem legum suarum, non in tabulis, sed in mentibus atq; animis ciuium suorum inscripserat, ut usu, non scriptura perdiscerentur . Redeo ad Solonem, cuius legibus sic ad unguem & propè curiose omnia perscripta sunt, quod ad educationem quidem attinet puerorum, nihil ut omnino, quod ad eà spectet rationem, omissum sit . Est enim ille quæcunq; etiam minima tenuissimè persecutus, quæ de gymnasijs, quæ de pædagogis, quæ diei hora, quosq; ad ludimagistros ueniendum esset, quo etiam uestitu & comitatu incedendum : ac ne illud quidem prætermissum, ut cum procederent in publico, intra pallium manus continere deberent . His, ut mea opinio & coniectura fert, nequaquam indiligentius maiores res nostros illos ueteres accurauisse, quæ ad disciplinam iuuentutis facerent, existmandum est: nam & illæ in campo quotidianæ exercitationes hoc declarant, & tempus militiæ præscriptum, & gerendi mutandiq; uestitus diuisa tempora, cum à prætexta ad togam puram, inde ad togam uirilem transitus esset : quæq; huiusmodi multa, non tam ex antiquis legibus, quarum scriptura interijt, quàm ex annalium monumētis &



tis & rerum gestarum historia se ligere licet: quibus promptum est cognoscere, ex illis disciplinæ bonæ seminibus, atq; illa tanquam noualium agrorum, sic recentium animorum diligente cultura, eas uirtutum et morum optimorum fruges fuisse effusas, quibus præscia ætas redundauit. Nos ista contemnimus scilicet, curamq; penitus liberorum parentum permittimus arbitrio. Ast quotusquisq; est qui sapiat rectè? & aut liberos studeat effici quàm optimos, aut etiam id si uellit, noverit tamen modum & uiam instituendi? nonne ignaris plerumq; hominum mentibus lumen à legibus præferri oportuit, quo & uolentes docerentur, & cogerentur inuiti? Nunc in hac perturbatione uitæ atq; morum, mihi uenit in mentem canticum illud quod usurpatum olim apud ueteres, cum esset laus iam præcorum temporum unà cum Rep. & libertate Pop. Rom. profligata, nostræ ætate instaurari uideo. PAV. Quòd nam id est? IAC. Aetas parentum peior auis, tulit nos nequiores, mox daturos progeniem uitiosiore. PAV. Iam memini Horatianum. IAC. Iam illud maximum uinculum in legibus Solonis, ac continendos patres in officio, atq; uti liberorum curam secundum præscriptum legis gererent. Quandoquidem, si prætermisissent, & uel auaritia uel scelere compulsi uiolassent sententiam legis in educandis atq; instituendis liberis suis, propositæ erant poene, & grauis iudicij

metus, ad quod eos adduci à quolibet uolente, & nomen deferri illiusmodi patris licebat: legitima quoq; illis adempta, quæ naturæ lege quadam atq; humanitatis patri debeat filius: nam neq; colore illū talem cogebatur, nec reuereri, nec sustentare suis opibus egenam aut debilem. Deniq; qui parentis boni officio in filium usus non esset, in eum noluit lex ullum à filio pietatis & grati animi officium sua autoritate extare. Illud unū excepit sanè quàm humanè, ut defunctu eiusmodi patri, iusta tamē filius faceret: cum in eo nō ullū commodum ageretur parentis, sed illa pietas naturæ ipsiq; humanitati debita redderetur. Sed quorsum hæc? ut intelligas Paule magnam huiusce primæ ætatis curam rationemq; ducendā esse sapientissimis fuisse iudicatum: ut quæ uestibulum quodammodo uitæ sit, totamq; annorum consequentium quasi formam quandam & ædificationem præferat. PAV. Sane persuasum mihi habeo optimo hæc ab illis consilio instituta fuisse, quæ & rationem bonam in sese habeant, & egregiam cæteris omnibus utilitatem asferre uideantur. Quò etiam magis cupio explicari mihi ea à te, & sub unum quasi aspectum pueritiam cum adolescentia constitui: non enim mihi hoc soli, sed pluribus fortasse erit emolumento. IAC. Bene ominaris Paule, itaq; est faciendū. Et quoniam omnium rerum bonarum principia ab Deo immortali ducenda sunt, ambo eum uenerantesq;

rantes obsecremus, ut uolens & propitius adsit nobis  
sibiq; grata, & reliquis utilia iubeat à nobis proferri.

PAV. Sic agamus. IAC. Est igitur huius nostræ præ  
ceptionis ratio in duas diuisa partes. Altera in mori-  
bus pars, altera in literis tota consistit. Mores pertinet  
eò, ut quodcumq; fiet diceturue, habeat in sese mode-  
stiam quandã, ordinemq; agendi aptũ & convenien-  
tem, in quo splendeat decorum illud, quod non animos  
modò prudentium, sed imperitorum etiam oculos de-  
lectet, moueatq; necessariò in admirationem sui. Lite-  
rarum uerò & artium earum quas uocamus optimas,  
ea uis est, eaq; natura, ut quod caput in nobis est, atq;  
adeò quod uerè & propriè sumus ipsi, id tanquam in-  
choatum & rude acceptũ à natura, ad summã ipsæ di-  
gnitatem perpolcant, exprimantq; in eo formã diuinæ  
illi similẽ. PAV. Par est præclarũ mediũfidiũ mi Pa-  
ter, siquidẽ altera ex parte facit, ut similes Deo simus,  
ex altera, ut uideamur. IAC. Atqui Faule hoc tibi in-  
primis & maximè animaduertendum est, hoc penitus  
tenendũ & comprehendendũ, non esse nos quod oculis  
cernitur hoc corpus, & hanc compactam ex ossibus &  
neruis molẽ carnibus contextam, cute uestitam: neque  
hunc uultum nostri primam imaginem, in quo notare  
signa interiorũ sensuũ solemus atq; animũ penè ipsum  
in eo noscere: Sed quo sapimus intus & cogitamus, un-  
de omnis est nobis ratio atq; consiliũ, hoc nos homines

esse, factum ipsum quidem ad imaginem effectoris sui Dei, sed obscurum per se & languens, nisi scientiæ & literarum lumen accendat. Iam quod dicebamus rectâ educationem in literas & in mores distributam esse, rursus alia diuisione secandem est, quatenus quidem pertinet ad mores: nam literæ continenti fere cursu gradus habent suos, quorum ex alio ad alium transitus fiat: mores diuisi nec ratione solum, uerumetiam tempore. PAV. Quo pacto? IAC. Non est eorum unū genus, neq; simplex tractatio. Aliud enim in moribus profectò est, quod aliena cura & ratione imprimi-  
tur in nobis. Aliud quod à domestica mente atq; consilio nobis ipsi consciscimus. PAV. Quid amborum ut diuisa tempora sint, nōne una ac eadē est ratio? IAC. Quorum alterum cum ratione est, alterū nullam continet rationem, non potest amborū una atq; eadem ratio esse. PAV. Cupio mihi hoc fieri planius. IAC. Conabor equidē, quod melius ut possū, simile tibi proponam, in quo intueri imaginem meæ rationis possis. Dic ergo tu mihi, uidistin' Romæ Apollinem illū, qui in xysto positus adhortos Vaticanos, anteriorem illam ambulationem, & omnem gyrū uiridariorū exornat, cui proximum est Laocoontis simulachrum, ea qua sci-  
mus omnes artis præstantia & nobilitate? PAV. Amplum illud signum dicis & procerum, facie augusta hominis plus paulò quàm adolescentis? quod tanquam sagittam

gittam emiserit ex arcu, diducto gestu brachiorum, uidetur expectare, an quo intentum fuit telum còperuerit: in quo lenes illi conatus motusq; corporis, atque oris eximia pulchritudo, summam & opificis artem, & operis gloriam demonstrant. IAC. Illud ipsum. PAV. Et uidi sepe numero, & contemplatus sum. IAC. Quæro ergo ex te, si ipse Iouis Apollo filius illa prorsus facie sit, ab eoq; in lapidem omnia descripta sint oris, & corporis liniamenta, gressus quoq; & motus, necnon uoces, soniq; uerborum, ita ut nihil fieri possit similis, mentis uerò & cogitationis nihil omnino intus sit, dixeris ne tu unam eandemq; rationem Apollinis in Deo & in marmore esse? PAV. Agnosco ὁμοῖον, & simul uenit in mentem imaginis illius, quæ Nube caua tenuem sine uiribus umbram, in faciem Aeneæ finxit, non tam Iuno suis manibus, quàm carmine maximus omnium Poëta. IAC. Optimum hoc quidem, & ad id quod dicebamus etiam appositius: cuius ego in memoriam si rediissem, non habuissem necesse certare cum Polycleto, & tanquam addere conari quæ ipsius statuariae arti decissent ornamenta: cū multo præstantior ille polycletus simulacrum cuiusmodi querebamus, omnibus absolutum & perfectū artis ornamentis, nobis effinxisset, sed simulacrum duntaxat hoc est, quod non mente & uoluntate sua, sed imitatione quadam solum moueatur: quod ego te arbitror non

eiusdem modi, neq; unius generis cum uero ipso Aeneae existimaturum esse. PAV. Minimè uerò existimem: iamq; intueri mihi uideor, quæ sit utriusq; moris distantia; alter enim extrinsecus inductus est, & aliena ratione impressus, suæ expers rationis, tanquam inanimatus mos, ueri moris simulachrum, & quædam quasi penicillo in aliena tabula ducta similitudo. Alter quæ sua & propria ratio gignit formatq; consulto istud agens, gnara muneris sui atq; officij, eademq; continet quod in priore illo genere non accidit: ita hoc ueritas est, illud ueritatis adumbratio. IAC. Nunc mihi tu sapis, & ueram insistis rationem: non enim in puero, neq; homine pueri simili, qui sit mentis suæ & consilij inops, illa extrinsecus inducta moris imitatio, aut certi ordinis uim, aut uirtutis proprium nomen habet.

PAV. Assentior. IAC. Quin & uocabulis quoq; ac nominibus rem distinctã esse uideo, quod extraneum illum morem disciplinã uocamus, proprium autem nostrum, uirtutem. PAV. Quid ita? IAC. Disciplina est, assuescere ad alienæ uirtutis imperium: uirtus, ad suæ.

PAV. Iam intelligo. Sed quid tandem isto more opus, ac non sua potius ratio ad informandum optimis moribus hominem in unoquoq; expectatur? IAC.

Rem facis Paule difficile cognitu, iuuenibus præsertim, quos nondum dies, & usus, & rerum multa cognitio edocuit, quanta sit consuetudinis, & quam propè ineluctabilis

instabilis uis, quò etiam non conuenit, neq; potest cadere in ætatem istam exacta illa & subtilis uirtutis notio, quam etiam senectæ ætate qui consequuntur, beati iure appellantur. Sed uobis pueris uel etiam adolescentibus scientiæ & cognitionis loco persuasio quædã tradenda est, ut credatis parcatis maioribus natu, quos tamen existimatione hominum probari intelligitis: nihil enim in laude hominũ, bonaq; opinione uersari diu potest, quod abhorreat ab æquo atq; uero. Quantum autem afferat ad uirtutem consuetudo, uel ex eo patet, quòd quæ de uirtute philosophia pertractat, ea nõ à consilio, neq; à scientia, sed ex more ipso appellata est moralis: non enim magis corpus tenerum in membris manu fingitur, atq; componitur, quàm animus purus atq; recens in eum discedit morem, in quo instituitur. Quemadmodum enim in stirpibus, sic in hominum animis, quàm diu molles hi sunt atq; tractabiles, quæuis facillè inducitur forma: quæ si postea usu & die calidum obduxerit, fit propè immutabilis. Cum autẽ illud incommodè natura paratum esse uideatur, ut tantò antè in animis nostris cupiditates rationem anteueniant, omni ope curandum est, ut extraneæ interea cogantur obedire rationi, dum sua & domestica aduentet ratio, cuius tanquam legitime domine imperia libentius deinde exequantur: nam si quoad illa abest, nullius cura coercitiæ, regnum sibi in animo uindicare co-



natæ fuerint, & quæ libuerit omnia ad uoluntatem gerere, ne frustra post reclamabit, & aduersus illas ne quicquam contendet ratio. Ac ut tibi, quanquam adhuc penè puero (annum enim modò ætatis undeuigesimum attigisti) aliquid tamen aperiā de opere ipso, consilioq; naturæ, quando studium me tuum & ingenij bonitas inuitat, sic habeto: Duas in homine esse animi partes dissimiles natura inter se, & fermè repugnantēs: unam rationis, alteram cupiditatis. Harū partium ratio perspicax ex sese est, & luminis particeps, mentisq; habet oculum cernentem clarissimè atq; acutissimè omnia: cæca & luminis penitus expertus est cupiditas. Porro harum partium utriq; consiliarij sui ad sunt bini: in suadendo unus, in dissuadendo alter. Rationi quidem ipsi atq; menti, honestum & turpe: Cupiditati, iucundū & molestū. Hic cuncti numero sex, cū contubernales sint, & in unis commorentur ædibus, si non consentiant & congruant inter se, sed sint turbulentī atq; discordes, quas tu ibi rixas atq; pugnas, quos perturbationum motus, quantos fluctus seditionum inesse putas? Cū aut tanquam turpe repellit ratio, quod sibi iucundum cupiditas adsciscit: aut cupiditati molestum est, quod ratio iudicat honestum: clamores intus assidui scilicet, tumultus, prælia. Quæ est igitur uera ratio bene uiuendi? hæc nimirum, ut sese exæquet cupiditas, & cōponat rationi, suūq; iucundū cū illius honesto



nesto, & cum turpi molestum coagmentet, & constru-  
at: quod assuescendo maximè, et agendo, commodè fit.  
Nihil enim tam iucundum, quàm illud in quo assue-  
ris, esse potest. Hoc tu in tuis sodalibus ac socijs, necnò  
in eis locis in quibus es alitus, studijsq; quæ pertractas,  
facile per te potes Paule existimare, à quibus si quis te  
auellat, conuertatq; ad familiaritates alias & ad alia  
studia, molestè accipias, quòd insolitum & inusitatum  
morem odiosum ducas: ad consuetum uerò cum uolu-  
ptate delabare. Quod tantũ habet cõsuetudo & incon-  
suetudo uirium, ut altera efficiat iucundi sit, molesti  
altera. Cum itaq; se sic habeat res, contendendũ est om-  
ni studio parentibus, ut liberos à teneris rectè doceant  
assuescere. Quamquam enim mos iste aliena cura im-  
pressus, non uera uirtus est, sed simulacrũ imitatioq;  
uirtutis: tamen quemadmodum de Pygmalionis mulie-  
bri statua in fabulis traditũ est, processu temporis eue-  
nit, ut Deorum aliquo beneficio, in spiritum & uitã ue-  
ræ uirtutis transeat. PAV. Ni te à primo aliud per-  
contatus essem, libenter paterer te hunc diem totum in  
his sermonibus ponere: ita cùm perpulchra sunt ista  
quæ narras, tum mihi quidem uehementer iucunda.  
IAC. Atqui iucundiora multò tibi erunt Paule, cùm  
re ipsa experieris ita esse, & quæ nunc auribus & co-  
gitatione tua concipis, etiam usu intelligentiaq; per-  
cipies, à quibus tamen ingenium tuum iam propius ab-  
est, quàm

est, quàm ætas: finxit enim te natura ad studia uirtutis aptum. Cura etiam accessit patris tui primum, deinde nostra. Proinde iactis præclare adolescentiæ tuæ fundamentis, tua reliqua est contentio, ut spei laboriq; nostro, aliorum quoq; expectationi, quæ multa de te excitata est, studio & diligentia & omni uirtute respondeas. PAV. Incensus amore sum mi Pater, cum sponte mea, tam tuis imprimit monitis & hortationibus incitatus, ac magis etiam aliquantum, postquam sum à te in Græcæ linguae cognitionem, & philosophiæ studia inductus, ex quibus quidem dici non potest, quot & quantæ ad animum meum perueniant uoluptates. IAC. Macte uirtute, talis enim animos haud est difficile rectè instituere. Tanquam autem si omnes ceteri eodem animo sint, sic nos ad educationem pueritiæ prius, ac deinceps adolescentiæ aggrediamur. PAV. Quid si non sint eodem patre, & naturam difficilem, minusq; aptam afferant? IAC. Meministi opinor, quod à tuo Poëta de labore est dictum. PAV. Quai ille labore improbo uinci omnia affirmat, id fortasse dicis. IAC. Dico enim uero: uerum & illud quoq; in cōmuni prouerbio fertur, Vsum fieri alteram naturam. PAV. Fertur quidem, atq; imprimis. IAC. Verūtamen sic habeto: si natura minus idonea sit, posse quidem euinci labore atq; industria, ut is quicumq; ille fuerit, sub disciplinam bonam datus, minus incommodus euadat, nulla

nulla insigni re ad turpitudinem notatus: præclaram autem illam speciem, decusq; eximia uirtutis, nemo potest omnino sine initijs naturæ, & naturalibus quasi seminibus acquirere. Quæ cum ita sint, nobisq; id optandum sit in puero, in quo naturæ est potestas, non nostra, ingenium bonum uidelicet, quid obstat, ut non id optemus quod sit cõmodissimum? quod itẽ de genere, & fortuna, & conditione eius quẽ instituturi sumus, est dicendum, ut sit honesto genere, bonis parentibus, locuplete familia, legitimo coniugio procreatus: non quod cæteris, quibus cuncta ista non adsunt, sit interdicta ad uirtutem uia: sed quoniam his certè qui à talibus principijs proficiscuntur, magis expedita sit, & planior. Prudenter enim Græcus Poëta, cum crepido generis non bene statuta sit, ferme progeniem inhonoratã prædicat sequi: & re uera illud altum & fidens & liberũ in animo, contrahat sese & minus audeat necesse est, cum est generis sui probris in parẽtibus ipsis notatum. Nato igitur puero, nam quoad materna aluo contineatur infans, etsi quedam de exercitatione corporum, ac de quotidiani uictus disciplina matribus præcipi non inutilia possunt, tamen quoniam uentrem non omnes æqualiter ferunt, suntq; aliæ alijs magis imbecilles, naturæ illius temporis sit cura potius, quàm patris. Natum quidem infantem curare protinus debet pater, ut uberibus mater præcipuè suis alat, & propter cognationem

tionem sanguinis, & quòd ea res non mediocre uincu-  
lum adiungit amorì: in quo enim plus laboratur, id cū  
perfectum fuerit, plus etiam diligitur. Verùm si ali-  
quo casu nutrix fuerit adhibenda, deligere oportet u-  
nam, quæ sit moribus casta, ingenio providēs. Vt enim  
affici animum etiam nostrum, non corpus solum, eis ci-  
bis cernimus, quæ à nobis quot idie sumuntur: sic lac ex  
eo corpore haustum, quod temperato regitur ani-  
mo, animi ipsas illas qualitates in infantis naturam  
non minimam defert. Providere autem oportet, ne aut  
asperior in puero tractando nutrix sit, ne uē rursus  
quàm fuerit æquum, blandior: obrepit enim mos ex il-  
lo usu non quotidiano solum, sed singularem penē hora-  
rum & punctorum etiam temporis, in naturam pueri  
ut uel asperitate perterritus demittat animum, atque  
illiberalem quandam timiditatem contrahat: uel si  
blandimentis nimis fuerit corruptus, non queat dein-  
de diutius in una uoluntate consistere. Sed cum omnes  
ipso initio uitæ protinus nati ad fletū & uagitū simus,  
quasi præfagiente natura fortunam humanæ conditio-  
nis, quæ miseriæ plena est, non dubium est per ocu-  
los & aures infantū, tanquam rudes rerum omni-  
um, & penitus insuetos, sensationes adlabi ad animum  
etiam in somnijs, quæ eū concutiant & terreant: quòd,  
ut iam diximus, omne inusitatum ferè molestum ac-  
cidit, atq; inde illis assidui fletus excitentur: cui rei re-  
medio

medio est assidua uestitio, & nutricum cantus, atq; ut in uultibus & in affatibus familiarium infans assuescat. Ac uestitio quidem maximè in omnem partem est salubris: nam & confirmat corpus, & animum illis terriculamentis liberat: motu enim externo interio rem illum motum, umbratilemq; uincente ac dissipante, sensuū impulsiones illæ hebetantur: ob eamq; causam & cunæ repertæ sunt, quasi natura ipsa commonstrante quid conueniat agi, & gestatio in uulnibus puerorum assidua. Quare danda opera est, quoad eius fieri potest, ut quæ pueros sceminae alunt, habitent tanquā semper nauigantes. Cantus uero eam uim habet, ut nō modò turbatos sedet animos, sed sæpe etiam furentes sicut in Corybantibus fit manifestum. Iam cum ad id ætatis fuerit uentum, ut puer concipere iam uerba, & auscultare attentius loquentium sermones incipiat, tunc maximè patrem attendere oportet, & circumspicere familiæ disciplinam, ne quod turpe uerbum aut impium erga Deū ad aures pueri allabatur: ut uicē quis gestus obscenior in oculos incurrat. Ac matris tū quidem etiam præcipua est curatio, illi enim in sinu, atq; in uultu præcipuè hæret infans, ingrediq; ab ea & fari discit. Quapropter ductare cum ipsa, ac gestare debet ad templa, ad res diuinas, ad familiarium matronarum colloquia atq; conspectus, ut cognatos affinesq; diligere iam puer, & eos discernere, atq; distinguere nō  
de fac

de facie solum, sed ipsis nominibus queat: nec cum tamē  
ullam in domū introduxerit, in qua non casta & gravis  
sit disciplina. Vndiq; enim tanquam à locis circumcir-  
ca salubribus salutares aures, sic ab integris & sanctis  
ex omni parte moribus, afflatus bonæ disciplinæ in a-  
nimum pueri influendus est. Procedunt anni, fitq; in-  
dies puer & animo & corpore uegetior, ut tanquam  
idoneo in solo iam feri aliquid possit: nullumq; semen  
est aut prius aut præstantius, nec quod uberiores ex  
se fruges aut utiliores ad beatam uitā efferat, quàm  
inijcerere illi in intimos animi sensus & nomen & co-  
gitationem præpotentis Dei, ut cum incipiat & ama-  
re, & reuereri, à quo sibi omnia dari atq; donari quo-  
tidie audiat, quod commune iam est utriusq; parentis  
officium. Quem enim ipsos uideri adorantes, & cui  
agentes pro benefactis gratias, eiusq; opem atq; auxi-  
lium in rebus dubijs implorantes supplici uultu atque  
gestu, de eo iam ipse eam opinionem concipiet, tanquā  
quiddam sit, hominum, quos ipse nouit, & potestate &  
natura multò maius: præsertim si, ut fit, cum quid pu-  
er appetiuerit quod sibi flagitet dari, aut bullam, aut  
pretextam, aut quippiam simile, quod ad ingenuitatis  
& familiaris nobilitatis pertineat cultū, quotiescunq;  
dabitur, totiens Dei illud esse donum atq; munus pue-  
ro inculcetur, ut de principio amare condiscat, quē ne-  
cesse est etiā timere, nō timore illo seruili (is enī neq;  
gratui

gratus Deo esse potest, neq; ad innocentiam, utramq;  
uirtutem quicquam proficit) sed ipso eo, qui cum amo-  
re ita coniunctus est, ut nequeat auelli, de quo diuinius  
scriptum est in sacris literis: Timorem domini omnis  
sapientiæ initium esse. Et uerè cuius in animo insede-  
rit iste Dei siue amor, seu timor: quando utrumq; in u-  
troq; mixtum & copulatum esse dicimus, de eo nun-  
quam extimescendum est, quòd ad malas uitæ ratio-  
nes, quisquis ille est, penitus se dedat: quod in puero  
polissimum conandum est, ut hæc bona radix ad bea-  
tam uitam fruticans, in eius animo quàm maturissimè  
& quàm solidissimè pangatur, dum uacuus locus est,  
neq; alienis aut etiam contrarijs animi conceptionibus  
propter nouitatem naturæ, atq; ortus, mens etiam  
nunc occupata: cum quæ primo & spatiosè deposita  
sunt semina, firmiter comprehendunt, nec stirpium ad  
huc multarū sylua in angustum coguntur. Atq; huma-  
na quidem eiusmodi sunt, ut errare & labi quandoq;  
sit necesse: ueruntamen si ista pietatis erga Deum pu-  
ræq; religionis tanquā arbor intus adoleuerit, sicut in  
utiles herbas umbrosis in locis nasci fortasse & uirere  
contingit aliquandiu, maturescere quidē certè, & fru-  
gem ferre cōmodè non contingit: Sic omnia uitia quæ  
capitalia fuerint, hac demum religionis uelut umbra  
necabuntur. Atq; hoc quod de Deo, & de religione in  
Deum dictum à nobis hoc loco est, sic primum est in  
puero



puero & ante omnia curandum, ut nihilominus intel-  
ligatur in omnem id uitam pertinere debere. Omnis  
enim profectò uirtus, omnis dignitas, omnis uite iucun-  
dæ ac beatæ spes, in hoc uno studio præcipuè posita est,  
ut Deum & amare & uereri non desinamus. Sequitur  
altera puerilis animi cultio, posterior ea quidem illa  
quam modò diximus, sed cæteris longè antecedentior,  
ut pater qui filium suū alere atq; educere ad laudem  
excellentis uiri cupiat, talem sese illi ostendat ipse, qua-  
lem eum effici uult: non enim ulla hac esse potest præ-  
stantior disciplina. Neq; hoc eò dico, quò non multa  
sint quotidie uite ornamenta ad augenda in pueris, quæ  
in patre fortasse non sunt: ut literarum, uerbi causa,  
atq; artium illarum quæ optimæ nominantur, studium  
atq; cognitio, aut iuris ciuilis Pontificiæque scientia, bel-  
li quoq; & militiæ, si id ita contingat, exercitatio atq;  
usus. Fieri enim potest, ut pater horum omnium expertus  
parentum suorum culpa, uel etiam fortunæ, existat ipse,  
quæ tamen in filio procuranda sunt: commune enim est  
& à natura inditum in omnium animis parentum de-  
siderium, ut filios relinquunt meliores & clariores se,  
quod euenit amore quodam naturali, neq; magis filij,  
quàm sui ipsius in unoquoq;, propter insitum & inna-  
tum studium perpetuandæ uite, quo ad cupiditatem  
rapimur immortalitatis, pater enim in filio ipse uiue-  
re, & transferre semetipsum in suam imaginem sibi  
uidetur



uidetur. Sed ut aliqua in patre sint, ad quæ non ampli-  
us iam illa est ætas, fundamentum tamen omnium in ip-  
so est bonus rectusq; mos uidelicet, & constans ac gra-  
uis domi disciplina, de qua summatim nobis dicendum  
est, & hic locus totus continenti oratione breuiter com-  
prehendendus: quandoquidem quæ ad literas & inge-  
nuas disciplinas attinent, ordine paulò antè proposito,  
in secundum locum dicendi reiecta sunt. PAV. Et re-  
ctè quidem, non enim difficile postea fuerit reuerti ad  
annos & pueritiæ primordia, si sic fuerit opus: & e-  
rgo nunc quidem hac parentum uirtutis, & quasi qua-  
dam in filiis delineatione ualdè delector, siue quòd est  
egregia & digna animaduersione ista res, siue quòd ho-  
rum maximam partem ego quoq; in memet à uobis, qui  
me aluistis ac produxistis, expertus sum. IAC. Si igitur  
hæc prima parentibus proposita lex erga eos liberos,  
quos ipsi uolunt ad uirtutis optimam frugem produce-  
re, ut quales eos effici student, tales ipsi eis uideantur.  
Neq; hoc tamen quod præcipitur à nobis, facile factum  
admodum est: quòd ei qui uelit assequi, noscenda & te-  
nenda est in rebus mediocritas: cuius usus difficilissimus,  
fructus præclarissimus semper fuit. Verùm si quis, for-  
tè fuerit pater, qui minus ipse regendo filio idoneus, il-  
lum tamen cupiat in uirum magnum adolescere, requi-  
rat magistrum aptiorem, cuius in disciplinam filium  
suum committat: satius est enim externis moribus pro-  
ximum,

bum, quam domesticis degenerem filiū educari. Et hoc tamen factitatum sæpe à summis uiris non legimus solum, sed perspeximus ipsi: nisi fortè Philippi Regis Macedonum consilium reprehendendum est, qui cum Alexandrum filium haberet ea spe atque indole maximæ uirtutis, quam res deinde ab illo gestæ comprobauerunt, tradidit eū à puero summo Philosophorum Aristoteli instituendum. Sed nos quidem sic nunc ponamus, tanquam parens ipse ad puerum instituendum atq; erudiendum aptus sit, quod & sæpe animi ardore quodam efficitur, ut etiam si antea minus cogitauerit quæ ad eiusmodi uitā moderatam atque grauem pertineant, amore filij incensus in eam curam totum se conferat. Adhibeda igitur, ut diximus, est mediocritas, sine qua nihil uel specie præclarū, uel usu iucundum uerè esse potest: cuius etsi integram, plenamq; notionem sola philosophia præbet, attamen qui natura bona præditi atque ingenio bono, laudem sibi adipisci ex uirtute contenderunt, etiam absq; philosophia aliquam aliquando in se imaginem huius omnium uirtutum dominæ mediocritatis haud ignobilem expressere. Hoc ex genere hominū sit pater, natura modratus, uirtutis ac dignitatis studio præcipuè flagrans, qui se totum in animū ingeniumq; pueri per oculos & aures illius infundere studeat. Statim enim conijcit oculos puer in patrem familiarē, ut primum ualere cogitatione incipit, attentiusq; omnia

omnia illius dicta & facta intuetur, ut magnopere sit  
 prouidendum, ne quem fingere ipsi atq; formare ad o-  
 mne uirtutis decus cupimus, aliquo ex nobis eum deho-  
 nestamento potius inficiamus. Quoniam uero sensus  
 oculorum sensum audiendi anteit, priorq; adhibet uim  
 sibi à natura traditam, ponenda primum ante oculos  
 filij species in patre est grauis uiri, quæ in amictu, &  
 omni motu corporis animiq; consistit, inq; his rebus o-  
 mnibus quæ domi geruntur quotidie, in quibus pater  
 seruare uestitus consuetudinem eam debet, qua popu-  
 lus maxime utitur, ita uti neq; nimis uestimentis lautus,  
 quod leuitatis: neq; rursus plebeius sit, aut sordidus,  
 quod aliquando negligentiae, sæpius autem ascribitur  
 auaritiæ. Motus uero animi sui atq; impetus, qui ab  
 iracundia, ab aliqua molestia, ab amore, ab odio, à spe,  
 ab inopinato gaudio, ab alicuius mali & calamitatis  
 metu, à subitis tristum rerum nuncijs, à cæteris cuiusq;  
 modi affectibus, intestinisq; pulsionibus feriunt animos  
 & quatiunt, & de statu eos demouere conantur, ita su-  
 stentet & regat, ut appareat intuenti, motus illos ani-  
 mi, quamuis incitados & celeres, expectare tamen &  
 morari rationis imperium: nec excurrere, audere, nisi  
 cū, & quoad illa præstituerit: quo spectaculo quid ni-  
 hil cerni in rerū natura potest diuinius. Quid enim ocu-  
 lis hominū tā præclarū, tamq; magnificū, atq; in omni  
 pulchritudinis dignitate tā eminens accidere potest, q̃

uirtutem animi intueri moderantis motus, & cupiditates suas, easq; ad rationis normam aptè dirigentis? qua consuetudine si à primo imbutus puer in parente ipso fuerit, nã ille egregiam sementem in animo conceperit futuræ in se præstantissimæ uirtutis. Sed hanc modestiam & temperationem animi sequitur corporis in omni motu ac gestu quædam quasi tarditas: non ponderis illa neq; lentitudinis: id enim plerunq; ignauia, & desidiæ potius est, aut etiam stultitiæ interdum, & stoliditatis: Sed quæ se ad illam interiorem grauitatem accommodet, eisdemq; & astringatur habenis, & laxetur, quibus regitur animus, ut cum eueniat interdum ut acrius aliquid agendũ conrendendumq; sit, manuum pedumq; celeritas, & uultus uocisq; acrimonia, non interdicta nobis à natura, sed ab ratione intus atq; consilio ad usus necessarios reseruata fuisse uideatur. Hoc ut dixi, quod est ipsius uitæ quasi decorum quoddam, ornans illã totam atq; illustrans, nosse quid quacunq; in re deceat, & quando, & quatenus, maxime quidẽ cõprehenditur & perficitur ex philosophia, quæ una facit, ut sit ipsum sibi undiq; , & in omnem uitam semper consentiens: sed plurimum etiã ætas, & rerum multarũ usus affert, & in humanis euëtibus quid plerunq; acciderit, & accidat, diligens animi aduersio, quæ & Philosophiæ ipsi materiã instrumentumq; suppeditat, & sola sine philosophia in homine acuto natura,

natura, atq; probo, speciem potest effingere uiri sapiē-  
tis, plenam autem ac perfectam sapientiam nequaquā  
potest. Debet autem pater familiæ cum semper animū  
suum habere in potestate, tum uerò cum præsente filio  
aliquid eiusmodi contingit, in quo uideatur debere cō-  
moueri, aduocare meminerit consilium rationis, neq;  
solum quod conueniat, agere id atq; exequi, sed cum  
quadā etiam dignitate, ut quā maxime fieri potest,  
in animo pueri illæ præclare species insinuentur & in-  
sideant, quæ ubi sedem sibi, locumq; in eo constituerint,  
usumq; & autoritatē domicilij fuerint nactæ, nullo po-  
stea modo passuræ sunt dedecorosas alias, deformisq;  
species prope se accedere, aut diutius cōsidere. Sit itaq;  
pater ab hoc uitæ instituto pius ac reuerens erga Deū  
immortalem, cū æqualibus comis, maiorum absq; as-  
sentatione & uenditatione sui obseruator: in seruos ue-  
rò ac domesticos mitis potius, quā asper; uerū ut reti-  
neat grauitatē imperij, sibiq; ad nutum omneis præsto  
esse instituat, ut aturq; domi breuiloquio, uoce leni qui-  
dem atq; placata, sed uerbis ualentibus: neq; seruorū  
congressus & colloquia nimis sæpe appetat, aduenti-  
bus tamen, & aliquid expositulantibus, semper sit co-  
mis, respondeatq; summatim quod sit æquum & bo-  
num. Ut autem ipsi inter se sint concordēs & pacē co-  
lant, neminiq; fiat iniuria, atq; uti inopia laboranti-  
bus, uel etiā morbo oppressis ipse subueniat cum quæ-

dam cura, significationeq; beneuolentiæ, uerbis quoq;  
& factis aliquantò benignioribus: hoc patri utiq; fami-  
liâs non in ultimis habendum est, si eos continere in a-  
more sui, & in magno metu suæ amittendæ familiari-  
tatis uelit, quam illi sic tractati, sæ penumero uita sua  
habent cariorem. Et inest tamen in hoc toto genere  
grauitas quædam & autoritas imperij, specimen digni-  
tatis eximiū demonstrans, quæ ad magnificentiam ani-  
morum exaggerandâ pertineat. Ingeniendū est enim in  
animo naturâq; pueri excelsū illud & rectū, quod  
nec in potentioribus obseruandis grauitate carcat, ne-  
que in regēdis humilioribus mansuetudinem deponat,  
cuius uti pulcherrima, sic difficillima est tractatio: &  
tamen eius prima lineamenta ducere in animo filij, sui  
imitatione debet pater, quæ postea in eo ætas illustret,  
usus confirmet, philosophia perpoliat. Atq; hæc, nos  
sermone percurrimus, non ut instituamus familiæ pa-  
trem, maius enim id negotiū & maioris opere sit, sed  
quantum ex eo manare ad filium boni moris quadam  
specie uirtutis ac dignitatis imitanda potest, id ut quasi  
penicillo leui ducamus, & describamus in animo recē-  
te & tenero, quo tanquàm in arbuscularum molli ad-  
huc cortice incisæ literæ, sic hæc uirtutis in puero de-  
scriptio, tempore demum aucta & confirmata obcal-  
leat. PAV. Optimè istuc quidem, nā nec difficile fue-  
rit, mea quidē animo, ubi tales parentes extiterint, fi-  
lios

lios probos & prudenteis existere. IAC. Recte san-  
 ne: sed ego illud abs te existimari Paule uolo, cū uirtu-  
 tis omnis doctrina, aut in exemplis constituta sit, aut in  
 præceptis: hoc est, ut uel oculis, uel auribus in animo  
 concipiatur, maiore propè habere uim hæc quæ quasi  
 prætereundo, & non dedita opera fieri uidentur, tan-  
 tumq; exemplo mouent oculos ad informandas puero-  
 rum ad uirtutem mentes, quā quæ ad istum ipsum finem  
 palā intenta sunt. Mouet enim illa admiratio paternæ  
 uirtutis, quæ in quotidianis moribus elucet, pueriles  
 animos ad uoluntatem imitandi, præclaroq; spectacu-  
 lo inuitat, ut fieri cupiant similes: cū præsertim uideāt  
 eos qui circum sunt, cū silentio & ueneratione patris  
 familiæ imperia exequi. Obuersatur enim illis ante o-  
 culos & in intimos sensus obrepit, nec uigilantibus so-  
 lum, sed sæpe etiam in somno, decorum & pulchrum  
 illud, quod est solum per se, suaq; sponte spectabile: cu-  
 ius aspectus & admiratio prompta est, eaq; omnium  
 omnium communis. Scientia uerò paucis concessa, at-  
 que in hoc quidem genere tacita magis, quā uocalis  
 patris eloquentia ad instituendū filium proficit, ea ui-  
 delicet quæ ipsis factis loquitur: nam uerbis agere, &  
 dare ea uitæ præcepta filio, quæ pater ipse sibi non  
 siampserit, idem est ac profiteri se itineris ducem esse  
 in eum locū, à quo ipse longè diuersus abscedat. Quod  
 si talem ut quæat gerere personā, aut à natura non ac-

dam cura, significationeq; beneuolentiæ, uerbis quodq;  
 & factis aliquantò benignioribus: hoc patri utiq; fami-  
 lias non in ultimis habendum est, si eos continere in a-  
 more sui, & in magno metu suæ amittendæ familiari-  
 tatis uelit, quam illi sic tractati, sæpenumero uita sua  
 habent cariorem. Et inest tamen in hoc toto genere  
 grauitas quædam & autoritas imperij, specimen digni-  
 tatis eximiū demonstrans, quæ ad magnificentiam ani-  
 morū exaggerandā pertineat. Ingenerandū est enim in  
 animo naturaq; pueri excelsum illud & rectū, quod  
 nec in potentioribus obseruandis grauitate careat, ne-  
 que in regēdis humilioribus mansuetudinem deponat,  
 cuius uti pulcherrima, sic difficillima est tractatio: &  
 tamen eius prima lineamenta ducere in animo filij, sui  
 imitatione debet pater, quæ postea in eo ætas illustret,  
 usus confirmet, philosophia perpoliat. Atq; hæc, nos  
 sermone percurrimus, non ut instituamus familiæ pa-  
 trem, maius enim id negotiū & maioris opere sit, sed  
 quantum ex eo manare ad filium boni moris quadam  
 specie uirtutis ac dignitatis imitāda potest, id ut quasi  
 penicillo leui ducamus, & describamus in animo recē-  
 te & tenero, quo tanquā in arbuscularum molli ad-  
 huc cortice incisæ literæ, sic hæc uirtutis in puero de-  
 scriptio, tempore demum aucta & confirmata obcal-  
 leat. PAV. Optimè istuc quidem, nā nec difficile fue-  
 rit, mea quidē animo, ubi tales parentes extiterint, fi-  
 lios



lios probos & prudenteis existere. IAC. Recte san-  
ne: sed ego illud abs te existimari Paule uolo, cū uirtu-  
tis omnis doctrina, aut in exemplis constituta sit, aut in  
præceptis: hoc est, ut uel oculis, uel auribus in animo  
concipiatur, maiorē propè habere uim hæc quæ quasi  
prætereundo, & non dedita opera fieri uidentur, tan-  
tumq; exemplo mouent oculos ad informandas puero-  
rū ad uirtutem mentes, quā quæ ad istum ipsum finem  
palā intenta sunt. Mouet enim illa admiratio paternæ  
uirtutis, quæ in quotidianis moribus elucet, pueriles  
animos ad uoluntatem imitandi, præclaroq; spectacu-  
lo inuitat, ut fieri cupiant similes: cū præsertim uideāt  
eos qui circum sunt, cū silentio & ueneratione patris  
familiæ imperia exequi. Obuersatur enim illis ante o-  
culos & in intimos sensus obrepat, nec uigilantibus so-  
lūm, sed sæpe etiam in somno, decorum & pulchrum  
illud, quod est solum per se, suāq; sponte spectabile: cuius  
aspectus & admiratio prompta est, eaq; omnium  
omnium communis. Scientia uerò paucis concessa, at-  
que in hoc quidem genere tacita magis, quā uocalis  
patris eloquentia ad instituendū filium proficit, ea ui-  
delicet quæ ipsis factis loquitur: nam uerbis agere, &  
dare ea uitæ præcepta filio, quæ pater ipse sibi non  
sumpserit, idem est ac profiteri se itineris ducem esse  
in eum locū, à quo ipse longè diuersus abscedat. Quod  
sit alem ut queat gerere personā, aut à natura non ac-

cepit pater, aut sibi ipse studio & meditatione fingere non potuit: eum, ut iam diximus, hominem requirat, cui rectè in disciplinam filium possit tradere. Verum nos, ut cœpimus, in patre insistamus, qui aut esse talis debet, aut ut sit, optandum certè est, qui prœcundo filiū possit ipse in iter rectū ad uirtutē deducere. De quo nondū à nobis dictum est, quod est maximum, & ab hominum usu fortassis atq; opinionibus longè remotissimum. PA. Quodnam quæso istud est? magnum enim esse profecto, quicquid sit, necesse est, quod ad tot res, tam præclaras, quot iam strictim oratione percurse sunt aliquam accessionem quæat afferre. IAC. Hoc uimirum est, in quo uita cōmunis tanquam in scopulo erroris alliditur, quòd omnes penè homines diuitias putant & magnitudinē pecuniæ, ad uitā benè ac laetè agendam, maximum simul adiumentum, ornamentūq; existere. Atque hoc fortasse non usquequaq; falsum est, magna enim commoda atq; adiumenta hominibus, non ad uitā solū, sed ad usum etiam exercitationemq; uirtutis, à pecunia parata atq; à domesticis opibus sunt. Sed hac opinione & sententia longius ductos nescire sibi constituere finem, & modū ignorare tam quærendi quidē, quàm etiā utendi: nullam hac ergo statuo pestē in humano genere perniciosiorem incidere potuisse: per quā, quod patet scilicet & perspicuū est, hominū inter se societas & fides iampridem sublatā

sublata penè, & de uita tota exterminata est. Ast ego contrà contendo, domũ eam quæ diuitijs, pecuniæq; redundet, necessariò omnis recti moris, & propter eam causam uitæ quoq; pacatæ ac iucundæ expertem esse. Neq; id eò dico, quòd paupertatem & inopiam è contrario adsciscendā putem: facili enim assentior Re gi sapientissimo Deum obsecranti, ut nec diuitias sibi, nec paupertatem, sed tantum ad degendā uitā donet necessaria: quam item sententiam, pater ille philosophorum, noster Plato comprobat. Sed cum flagitia hominũ & scelera maiora quædam sint, alia minora, suscipiendum est maioribus nimiam rerum copiam fontem originemq; esse, minoribus inopiam causam afferre. Ego uerò malim eius familiæ, è qua ingenuum puerum adolescentemq; instituimus, sic opes domi & fortunas esse constitutas, ut dominus quæstum nullũ faciat, sitq; domesticis uectigalibus contentus, quæ potissimum consistant in fructibus prædiorũ: ea porrò suppeditent ad usum cultumq; quotidianũ, non modò commode, uerumetiam liberaliter, sed quibus dispensandis frugalitas adhibeatur. Nam luxũ, & opulentiã, & uarietate supellectilis, multiplicesq; domi ornatus, atq; cultus, tanquã uitæ uenena imprimis fugienda esse duco: frangit enim, & conterit uim totam uirtutis, animumq; prorsus dissipat illa abacorũ, mancipiorum gemmarum, tabularũ pictarum uestisq; stragule elegantia ac

uarietas, suiq; inani in admiratione detinet: ut uariis studiis homines occupati, ad ea quæ sunt uirorum, industriae nervos & continentiae nequeant intendere: ac tunc minimè, si in quotidianis epulis, & ijs quæ epulas sequuntur, ludis, iocis, cantibus, festiuis lepidisq; diæis, omnis & uitæ & pecuniæ fructus reponatur. Hoc enim ex genere uitæ & assiduis domi delitijs, uini cibiq; affluentia, ac quotidianis quodam modo lustris, cum dies, & horæ, & tempora in aliqua semper uoluptate consumantur, non modò feroces & infesti, & arrogantes animi adolescentium fiunt, sed immoderati etiam, & effrenati, & crudeles, atq; in omni genere deprauati: ut in naturā mentemq; tyrannicā euadant, nihilq; iudicent rectū, nisi ipsis quod libuerit: ceteros autē homines pecudū ac iumentorū instar sibi seruire statuunt oportere: ut confitendū planè sit, quā in domo, atq; adeò quā in ciuitate huiusmodi uigeant mores, sementē in ea omniū malorū & calamitatum esse iactam: nec fieri posse, ut status illius reipub. aut diu quietus, aut in uniuersum diuturnus sit. Atqui hanc uulgus liberalē uitam appellat, falso istud quidē, uti alia multa: quippe cū ex hac potissimū consuetudine uiuendi, his profusis & luxuriosis sumptibus auaritiā existere necesse sit, illā uiolentā & rapacē dico, per quā nationes urbesq; euertuntur. Sed quoniam de his rebus subtilius differēdi non est in præsentia locus, sic

patrifā

patrifamiliâs præscribamus (sit modò is qui liberos cupiat in uiros fortes industriosq; euadere) frugalitatem domi, & tēperantiā, ac in omni cultu uictuq; parsimonia illi retinendam esse: quæ tamen absit à sorde, nec minuti angustiq; animi indiciū præ se ferat. Quod fiet si quotidiano & penè stato apparatu, mensis mundis potius quàm locupletibus, non obsonium parcè præbitū, sed conquisitio & uarietas fuerit repudiata: uidetur enim in hac moderatione uitæ ratio inesse splendida & liberalis, uitium in utranq; patrē deuitans, digna sapiente patrefamiliâs, cuius quod ad liberos educandos pertinet, in hac parte quidē peculiariis curatio est: nā matres ferè & foeminæ omnes indulgentiores sunt, itaq; infarciendo & suggerendo quodcunq; expectitum fuerit, corrumpunt mores puerorū, neq; aduersus eorum uoluntatem uel ipsæ quicquam moliantur aut dicunt, uel alios patiuntur loqui: quo uno maxime regnum in anima cupiditatū, & Tyrannus ipse alitur. An non attendisti his diebus Paule cum Persarum res gestas legeres (me enim autore & Cyrum Xenophonæ, & Herodoti historias Græcè amplexus es) quantū ex diuerso cultu institutioneq; puerili, diuersæ Regum illorū naturæ, & contrarij inter se mores extiterint? Cyrus ex patre nobili ille quidem & imprimis claro apud Persas, sed tamen in illis moribus educto, quibus panis & aqua cibus, obsonium autē nasturtiū herba, aut

aut si carnibus uellent uesci, illæ erant labore & sudore, nec sine uitæ interdum periculo in syluis & à fratribus expetendæ, magnus exitit Rex, natus ad res gerendas, laudem & gloriâ in imperio amplificando unam præcipuè spectans: cuius erga populares comitas atque æqualitas, in bello uictas nationes clementia atque iustitia effecit, ut non magis eum carum haberent ciues sui qui semper amauerant, quam deuicti hostes, qui antea illi grauiter offensi fuerant: nomen quidem illustre est, & sempiternam laudem uirtutis ad posteritatem consecutus. Hic Cambysem filium, quem heredem nominis atque imperij relicturus erat, alijs ipse uidelicet negotijs occupatus, alendum mulieribus permisit: non enim uirtutis uim neque rationem è philosophia, quæ una facit, ut illa sit sibi in omnem partem consentiens, sed à natura tantum acceperat. Ergo dignum inuenit in progenie sua muliebris discipline fructum. Omnibus enim in delitijs, & mulierum blandimentis educatus Cambyses, & assuefactus à puero nihil offendere quod esset suis cupiditatibus obuium, postea Rex appellatus, ad eam intemperiem animi amentiamque progressus est, nihil ut eum neque saturare, quod usitatum esset: neque quod legitimum, delectare posset: ita ad cædes multorum, & in his fratris sui germani, furore quodam amentiaque inductus, cum etiam Deorum immortalium numini illuderet, ad extremum sibi manibus allatis, & semet-

semetipsum unâ, & totam Cyri domū pessundedit. Delatum est postea ad Dariū Persarum regnū spectatæ nobilitatis inter Persas, sed cuius tamen domi cultus atque fortuna longè à regalibus delicijs absuijset. Is porò ad imperandum non eādē fortasse animi magnitudinem quā Cyrus, parem quidem iustitiam atque humanitatem attulit: quare eius quoque opera regnum Persarum maius effectum est: è quo genitus Xerxes, ab eadem atque Cambyses educatione muliebri, paternâq; negligentia, Persas honore & laude cumulatōs, graui ipse dedecore et calamitatibus plurimis affecit. Atque hæc iccirco memorata sunt à me tibi Paule, ut appareat quod pluribus uerbis fuit necesse dici, nullū esse obicem ad uirtutem adipiscendam maiorem, quā delicias domi, & conquisitiores, quam moderata ratio postulet, rerum apparatus: quorum studio si captus fuerit parens, nil est quod contendat fortem & strenuum, & idoneum magnis rebus post se filium relinquere. Quid ergo est? placet mihi seueram & castam domi esse disciplinam, neq; eam tetricam tamen, sed corditam liberali quadam comitate, ut domestici nullius rei indigeant, amici autem & hospites intro libenter commeent: ad quorum aduentus inuitationesq; pater familiâs splendorem conuiuij, & hilaritatem uultus, ac sermonis maiorem aliquantò illa quotidiana adhibeat: Lautius quoq; accipiat, & elegantius, nec tam

men



men profusis sumptibus, hos enim semper abesse à bene constituta domo uolumus. Quin in ipsis epulis & qui no tacita poterit inesse exploratio & obseruantia quædam, quo se nam pacto filius gerat, num patriæ disciplinæ ac moderati usus memor, pudorem in conuiuio modestiamq; retineat, noueritq; sibi ipse in poculis temperare: hoc enim documentum capi in pueris atq; adolescentibus imprimis conducere censet Plato, ad speculandum quæ sit natura cuiusq; : neq; id nos repudiamus. Etenim consilium est periculo uacuum, præditum utilitate, in quo si satisfecerit adolescens, lætitiâq; conuiuij hilaritate potius & sermone liberali, quàm palato & gutture metiendam sibi duxerit, nã de eo non ne quicquam sperare licitum fuerit, talẽ eum fore, qualem quisq; debet unus suum optare filium ut sit pater. Sed ut nostræ in hoc genere præceptionis summam faciamus, debet is paterfamiliâs, qui in ingenua disciplina, ac liberali, eademq; casta & moderata, alere liberos suos uult, sic habere constitutam domi quotidianæ impensæ rationem, ut & parsimoniam sciat tenere sine sordẽ, & splendorem ac liberalitatem adhibeat, cùm uenit usus, sine profusione & luxuria: ab omni quidem parua & concisa cogitatione rei cuiusq; uel minimæ curandæ prorsus refugiat, qua omnis planè eijcitur ex animo ingenuitas, & uirtutis indoles obsolescit, Hoc enim ex genere morosi, & difficiles, & molesti



molesti homines efficiuntur, nec cæteris solum, sed sibi ipsi infesti, omnia quasi semper desferantes, iidem lucifugi, pusilli, ubi in coetus se dedere, ridiculi, siti propè in angulis, nihil latum & liberum in animo comprehendentes, oppleti mentem sordibus, & minutissimis occupationibus: quo quid uirtuti, grauitati, dignitati, altitudini animi fieri potest inimicius? Sed ut ab hoc aliquando genere abeamus, habes Paule in patre formam eius exempli, effigiemq; dignitatis, cuius ego aspectum & contemplationem propositam uelim fìlio ci, qui ad magnas spes alatur, ad imitandum atq; assequendum: quæ quidem in oculorum sensu posita sit, quorum interdum muta speculatio non minus proficit ad uirtutem, quàm aurium auditus uocalis, de quo ipso posthac dicendum nobis est: hic enim sensus disciplinæ est & doctrinæ & omnis sapientiæ peculiaris ac proprius, ut qui animū solus cernat, quē nequeūt oculi intueri. Itaq; Socrates ille Græciæ sapientissimus, oraculo quoq; Delphico sic iudicatus, cum adolescentem quendam facie honesta ac liberali diutius contemplaretur, illeq; adstaret tacitus, dixisse fertur: Tandem ut te uideam, aliquid loquere: uidelicet ille hominem esse ipsum animum, animi autem cognitionem & perficientiam non oculis, sed auribus attribuebat: neque id iniuria: hauriunt enim aures uocem, quæ format & distinguit oratio, quæ cum sit simulacrum cogitationis

tationis atq; mentis, uehiculum sensuum intestinorum, ex animo ad alium animum uiam sibi faciens, perfert meditationes & commenta illius mentis, unde ipsa profecta est, per aurium meatus ad alteram mentem, legationeq; opportunissima & maximè utili fungitur, ut quæ in arcanis mentium penetralibus occulta alioquin laterent & abdita, hæc auditus uocisq; ministerio cum tota humanorum animorum nobilissima atq; acutissima gente communicentur. PAV. Et si quæ de uisione oculorum dicta à te sunt, quatenus per eos species quædam magnifica atq; grauis transmittitur animo, cuius ille exemplo & imitatione sit ornatior, sum mopere me delectauerunt: tamen expecto non minorem ex aurium sensu uoluptatem: quippe cū earum ope, illa ipsa quoq; quæ de oculis dicta sunt, ad animū meū grata iucundaq; peruenerint. Namq; & tu ad hunc ipsum sensum ornandum ac commedandum ijs uerbis usus es, ut non mediocris mihi sit in te audiendo facta expectatio. IAC. Agemus hoc loco Paule, id quod tu paulò ante dixisti factò opus fore, si accideret usus, ut reuocemus orationem ad priores annos, quos noster sermo erat pretergressus, perueneratq; ad quandam metam, hoc est, ad terminū eius ætatis, quā nos tribus septennijs & quarti dimidio admodum intendimus definire: illo enim institutionis genere quod exemplis & moribus maiorum intuentis uitam uirtutis imi-

tis imitatione exornat, tota modò à nobis adolescentia comprehensa est. Cum uerò ad ea referri orationem oporteat, quæ in præceptis & monitis, assiduísq; parentum uocibus erga filios posita sunt, quo illis non solum proponatur, sed exponatur etiã ipsa uirtus: Principium fuerit nobis ad hoc quintus ætatis annus: nam & is dimidium ferè stature conficit, quod ad mensuram corporis pertinet, quantum alterum, tantum uide licet auctioris & incrementi uiginti cæteri anni addunt consequentes: & eo uertente anno, primùm puer, qui in potestate mulierum totus antea fuit, ad curam patris bona ex parte traducitur. Iam enim & proloqui expedit quæ ipse intus concepit omnia, & planè telligere alios loquentes potest. Ergo ab eodem initio & fundamento, quo prius omnem nostræ ædificationis substructionem de integro coagmentantes, ab religione inquã, & ab Dei immortalis amore atq; cultu, principia iterum nostræ ducamus orationis. Non enim si solem quotidie oriri & reuerti iucundè cernimus, propter excellentiam claritatẽq; maximi syderis, cuius splendore & lumine exhilarescunt omnia, minus debet ad animum uoluptatis accidere, cùm de Deo sæpius eadem repetimus, atq; adeo multò plus, quando omnis pulchritudo, & fulgor, & uarietas cælestium astrorum, ab eius ipsius summi Dei infinita pulchritudine, tanquam exiguis riuus deducta est. Primum igitur

tur & ante omnia curare debet pater, ut animum pueri illo timore Dei imbuat, de quo antè dictum est, qui timor solus ad inuictam fortitudinem animi aduersus humanos omnes casus firmandam & constituendam maximè facit: quod erit, si uim illius, & ubiq; præsentiam, immensamq; maiestatem, nō tam rationibus quidem, quas nondum capere potest filij ætas, quàm exemplis, & narrationibus rerum earum, quæ diuinitus miræ acciderūt, exposuerit filio: in beneficijs quoq; eiusdem Dei commemorandis, quibus & priuatim ipse ab illo, & omne genus humanum communiter affectum est, & assiduus fuerit & diligens: in quo mysteria nostræ religionis continentur, quæ sunt tradenda & insinuanda penitus, neq; hac informatione filij ad pietatē et religionem quicquā habendum est antiquius. Quod præclare fiet, si quæ sanctè & piè filio de rebus diuinis monstrauerit pater, ea non uerbis ipse tantum, sed factis & operibus usurpabit. Secundum Deum autem Diuosq; omnes, quot aut bonitas Dei statim ab initio, aut post præclara ipsorum in terris merita, & honestissimè acti diēs in cœlum sustulerunt, quorum utiq; debet præcipuus uigere honos, & immortalis apud mortales gloria, parentes suos cuiq; maximè docebit esse honorandos, & reuera cū ferè omnia parentibus debeantur. Ortus enim noster & uita, lux quoq; ista diurna, quā ore, oculis, naribus, totius deniq; corporis contactu.

contactu uolutatūq; libenter & iucunde percipimus,  
 ipsis accepta referenda est: tum autem labores ab eis  
 causa nostra suscepti, pleni curarum & sollicitudinis,  
 quos illi ut alant nos, & producant, sistantq; honestē  
 in cœtu ciuium atq; equalium nostrorum, non modò  
 non refugium, sed appetunt ultrò, & consecretantur:  
 digni profectò sunt, ut illis omnis à libris gratia debeat  
 tur, quæ pietate potissimum, & cultu eximie cuiusdā  
 uenerationis reddenda est: quam sequitur procuratio  
 illorum uitæ ac salutis, & ut eorum necessitates atq;  
 incommoda, labore ac diligentia nostra depellamus:  
 suppeditemus egestati, infirmitatē sustineamus, omnes  
 domi forisq; molestias, quæ undecumq; inferantur, ab  
 illis propulsemus. Etiam si bene Hesiodus, qui iubet  
 pari mensura reddere beneficiū, quod ab alieno accepe-  
 ris, aut cumulatiore etiam, si queas: quantū tandē erit  
 parentibus impendendum, quorum beneficijs par  
 nulla est gratia quæ possit reperiri? Nec uerò etiam  
 quamuis infirmi, decrepiti, depositi unquam inutiles  
 filijs parentes sunt. Sed ut Diuorum imagines, & si-  
 mulacra colimus, ob memoriam beniuolentiamq; eo-  
 rum, quorum uultibus assimulandis illa effecta sunt, et  
 quòd arbitramur ipsos illos Diuos propterea ad beni-  
 gnè nobis faciendum propensiores fore: sic nullum Dei  
 immortalis simulacrum apud nos, quàm in patre &  
 matre, potest esse præstantius. Atq; his ita crudiendus

est tener animus filij in honore cultuq; parentum, ut pater matrem filio, mater patrem, utrunq; autem domesticum ac familiares colendum ac uenerandū puero proponant. Neq; in solis tamen parentibus hic à liberis honos insistere, sed ad auos, reliquosq; maiores, si fortè superstites adhuc sint, progredi etiam debet: cum in illis omnium quæ à parentibus accepimus causa uideatur etiā esse antiquior. Porro ab hac in patres auosq; reuerentia, hocq; honore pio ac debito, reliquis quoq; iste honor & communis cultus, qui senibus, & grauibus, & ætate affectis hominibus impenditur, tanquam ex aluelo pleno pudoris & probitatis exuberat: iustus ille quidem, neq; illi ætati non congruens, quæ sibi patrium nō immeritò nomen uindicat. Nam & de principio pueri quos nondum subtiliter & exquisitè ex oris uultusq; lineamentis possunt discernere, illo aspectu se nili admoniti, cunctos uocant patres: & deinde postea cum æqualibus consuetudo propè fraterna, coniunctioq; amoris, præbet in patribus eius nominis communionem. Iam illa ætate quicumq; est, si non generatione, at consilijs potest puero atq; adolescenti fieri pater. Quam ob rem rectissimè Romulus, siue ille Numæ extitit, quorū alter urbis, alter iuris & religionis Romanæ fuit parens, hac senectutis cum nomine paterno cognatione adductus, summum concilium ciuitatis, Senatū, ipsos autem Senatores Patres nominauit: statuitq;

tuitq; senioribus decedi de uia, caput nudari, & assurgi aduenientibus ab iunioribus debere. Quod maxime ac diligentissime Lacedæmone obseruatum fuisse literis traditum est: mirum enim quanto in honore habitafuerit semper in illa ciuitate prouectior ætas. Ex quo extat illud, ab homine Spartano false ac doctè Atheniensibus exprobratum. Ludis enim Athenis ciuon Lacedæmoniorum legati in gradibus orchestræ honorifico sanè loco assedissent, postq; aliquantum pleno iam theatro ingressus senex, innixus baculo, homo sanè haud magni precij, circumiret quærens locum, neque eum sessum reciperet quisquam: ut uenit ad Lacedæmoniorum legatos, illi confestim ob ætatis reuerentiam honorificè assurgentes, superiore illi subsellio concessere: propter quod eis cum esset maximo plausu ab uniuerso theatro gratulatio facta, unus eorum non illepide, Ergo propè, inquit, norunt Athenienses quid facere rectum sit, sed id facere ipsi negligunt. Formadus itaq; parentum præceptis & diligentia est puer, ut honorem senibus & maioribus natu habere condiscat, habeatq; eos penè in parentum loco: proficit enim ista obseruatio cultusq; maiorum ad omnem uitæ modestiam adolescentibus plurimum, quod & pudorem in animis eorum ingenerat, & multos illis actorū dictorumq; suorum constituit testes, ut nullā in partem ipsi audeāt extra honestum & rectū se cōmouere. Dū enim quos

uerentur & colunt, corū magisterium (ut ita loquar)  
& malam de se reformidant opinionem, difficilem ha-  
bent magis rationē peccandi, deprehensiq; erubescunt:  
unde à uerendo dicta est uerecundia, quæ est actus ipse  
pudendi atq; erubescendi, in uultu peccatum pingens,  
& liberalem ferens criminis commissi multam, uadē  
boni ingenij tamen, & expectatæ in puero uirtutis: ut  
sanè appositè uideatur dictū: Erubuit, salua res est. Nā  
pudor ipse habitus est cauendi & prouidendi, ne quid  
tale cōtingat ut sit erubescendū, omni quidem ætati  
congruens, sed ornamentum præcipuum adolescentiæ:  
quem si amatorem flagitiorum, & propugnaculū con-  
tinentiæ uirtutisq; dixerimus, haud sanè falso eum ap-  
pellauerimus nomine. De qua suaserim equidē parētī-  
bus, quibus nostra nō leuis futura est autoritas, ut hanc  
pudoris stirpem in ingenuis animis satam à natura, o-  
mni ipsi ope fouere ac propagare in liberis nō postmit-  
tant, fructus ex ea uberes suorum laborū percepturi.  
Quamuis enim non sit pudor idem planè quod uirtus,  
firmamentum est tamen præcipuum uirtutis: malæ  
enim de se opinionis atq; infamiæ est timor, in quo  
seuera est & diligens uirtutis custodia. Itaq; qui pu-  
dorem diuinum timorem esse dixerunt, huius uim  
affectionis melius denotasse sunt uisi. Solus enim perti-  
mescit ne id amittatur à nobis, quod unum obtine-  
mus honore ac dignitatē propemodum diuinum,  
decus



decus atq; honestatem uidelicet. Ac ceteros mortis & periculorum pauores, metus, formidines, qui animos abijciunt ac propè exterminant, cum plerunq; uanos atq; inutiles, tamen semper turpes esse meritò existimamus, quorum etiam species ipsa indecora & illiberalis sit: nam & lurido pallore os, & tremoribus membra concutiunt atq; deformant, quod accidit animo refugiente ad arcem uitæ quæ in corde est, & omnia illuc subsidia undiq; auocante: ut quasi deseruisse exteriorem mœnium ambitum, & cecidisse hosti loco uideatur. Pudor uerò occurrit foras, extra enim est periculum, ab opinione scilicet, atq; oculis & ruborē in uultu, tanquā personam ad peccatum opponens, se celatum cupit, in quo ipse sese indicat, nec tamen magis deliquisse sese, quàm uri in animo, quòd deliquerit, ostendit: idq; ita uenustè facit, ut cùm uideatur sateri peccatū suum, in eo ipso deceat in quo sâtetur. Sed quoniam de his satis multa, redeamus ad id quod dicebamus, illud idemq; de integro sæpiusq; dicamus, huius affectionis uim atq; naturam, quæ timorem alit in animis ignominie, atq; propagat ab eis patribus, quibus recta liberorum educatio est cordi, studiosè in filiis inserendam, colendā, adaugendamq; esse, ut quæ quoad uera ratio & philosophia ipsa adueniet, bonam in eis mentē opinionemq; custodiat: in quo aliqua non leuis à parentibus diligentia & cura, sè adhibenda, PAV.

Quæ mi pater? incredibile est enim quantopere audire cupiam. Nam etsi acceperam à uobis, qui me alui-  
stis atq; instituis-<sup>ti</sup>s, honorandos esse parentes, & ma-  
iores natu colendos, idq; ego pro mea parte ut agerem  
essẽm; uobis dicto audiens, studiosè enitebar: nunc ta-  
men cognita utilitate uestri consilij, & quantus inde  
pudoris existat fructus intelligens, quod antea non ani-  
maduertebam, ero posthac in parendo, & perseueran-  
do etiam constantior: quod quidem mihi præcipuè præ-  
ter cæteros conuenit, quando cæteri à singulis, ego ex  
binis parētibz ad uenerandos colendosq; maiores pro-  
ductus sum. IAC. Lætor Paule non inaneis fuisse o-  
peras nostras, quibus te ad philosophiæ studia applica-  
re cœpimus: iam enim mente concipere te intelligo,  
quantū ad rectam morē uera ratio & scientia ipsa fir-  
mamenti asserat. Sed quod de pudore in liberis alendo  
& conseruando dicebam, id eiusmodi est, ut patres  
quos iste amor filiorū ad decus & ad dignitatem insti-  
tuendorum, dignus patria charitate indulgentiaq; ce-  
pit, suscipiant negotium cum lenitate & mansuetudi-  
ne, nec ullam asperam, ac perterriticrepā (ut uetus Poë-  
ta inquit) erudicendi atq; instituendi incant uiā: uerū  
facilitate clementiaq; nitantur. Verū ut in omnibus  
seruetur semper grauitas: non enim usq; eò demittere  
se debet pater, ut familiarem se, & ueluti sodalem cō-  
stituat filio: ex quo oritur in puero patris contemptio,  
& fidu-

Et fiducia quædam sui ipsius, ut tanquam nulla astrictus lege, quodcumque libuerit, præfractius id concupiscat: neque rursus ita austerus esse et pertinax, ut non multum comitatis atque humanitatis filio impertiat: uiuamque imaginem sui, qua nihil est parentibus in omni uita dulcius, non ardore quodam beneuolentiæ foveat charius atque amplectatur. Sed ut moderandum est amori, ne nimia indulgentia corruptus puer, exuat metum et reuerentiam sui patris: sic à præcipiti et prærupta asperitate uehementius etiam abstinendum est, quæ amore elidit ex animo filij, cumque in id uoluntatis et studij adducit, ut quæcumque patri placere in se cognouerit, habeat ipse odio: et uel ad illiberalem animi timiditatem se abijciat, uel si fuerit natura contumacior, nitatur in aduersum, et detrectando imperium patris, quotidianaque deterius aliquid faciendo, quasi paternas iniurias sibi uideatur ulcisci. Hæc intuens qua fuit sapientia et quousu rerum maior ille Cato, imprimis ferre et habere in ore solebat: Non minus pollui, et detestandos esse patres familiâs, qui coniugibus et liberis, quàm eos qui delubris Deorum immortalium manus attulissent. Et uerè si cogitare uolumus, cum nemini expediat metu contineri in officio, minimè conuenit liberis, quorum præsertim animos ad decus et ad honestatem cupimus informare: infirmus enim et debilis uirtutis custos metus, quem qui adhibere in filiis uolunt, au-

lunt, audiant Terentium è communi uita huiuscemodi-  
patres commodè admodum obiurgantem. Et erat lon-  
gè meà quidem sententia, qui imperium in liberos gra-  
uius & stabilius esse putat, ui quod sit, quàm quod a-  
more adiungitur. Sit igitur hoc patri imprimis propo-  
situm, ut se amari & magnificari uelit à filio: quod as-  
sequetur, si neq; morosus, neq; asper, neq; singula cu-  
riosius insectans, nullamq; in partem inuitis fuerit,  
& truculentus, præbueritq; se facilem & indulgen-  
tem filio, grauitate tamen ubiq; retenta. Id autem erit  
si ita facta dictis temperauerit, inter seq; miscuerit, ut  
in his quæ erunt studij alicuius & uoluptatis (quæ qui-  
dem sit concessa atq; ingenua) nihil aut parum uerbo-  
rum interponens, largiter cuncta suppedita uerit filio,  
siue equis ille oblectetur, seu canes ad uenandum appe-  
tat, uestitu etiam indulserit liberali & splendido, neq;  
nimio tamen, ac deinceps hisce omnibus, ut uocare æ-  
quales suos, hospitesq; accipere domi, munera etiam  
interdum aliquem ex sodalibus suis possit. Hæc enim  
pater si nihil prius garriens cum filio, neq; ineptis col-  
locationibus iocum & hilaritatem quærens grauitè  
atq; magnificè, ac tanquam consilio certo utenda, agē-  
da, regendaq; concesserit: mirum quantus in animo il-  
lius insidebit, & ad amorem, & ad reuerentiam, nihil  
ut audeat, ne cogitare quidē filius, in quo displiceat pa-  
tri. Rursus si in his quæ erunt uirtutis atq; officij, quæ  
ad

ad modestiam, quæ ad continentiam, quæ ad comitatem cum equalibus pertinebunt, humanitatē cum inferioribus, erga superiores cultum atq; honorem, pater orationi præceptisq; non pepercerit, fueritq; in monendo & docendo assiduus: Porro autem in rebus ipsis atque factis, in quibus recta disciplina cernitur, nihil gratiæ causa permiserit filio, neq; siuerit ut suo ille arbitrio, ac non ex præscripto patris, præceptisq; uirtutis quicquā gerat, agatq;: nimirum hoc modo maxime, illa pudoris fertilis uirtutum & fragifera radix idoneos nacta cultus, ad summā dignitatem in puerorum animis adolescet: neque illis solum ignominia, sed amorem etiā iniiciet & cupiditatē incredibile adipiscendæ laudis: altitudine quoque animi & celsis rectisq; non luntatibus illos adornabit, ut abhorreant omnē sordem indignitatēq;. Optimus enim artifex pater atq; is qui refert ad dignitatē omnia, cum se & propter indulgentiā suā amari à filio, & propter grauitatem metui obtinuerit facile illius ducet animū in quamcunque uolet parē, nec ullū semē in eo uirtutis frustra iaceat. Itaq; se ille primum cupiet à patre & laudari & probari, laudato ipso (ut Hector ille Neuianus inquit) uiro: de inde ad equalium familiaritas & consortia ita se dabit, ut cum splendore uitæ, & morum nobilitate illis antecellat, humanitate tamen uelit esse par. Sic uita erit noster inquit Terent. facile omnes perferre ac pati

cum

cum quibus erit, cumq; unà his sese dedere, eorum obsequi studijs, aduersus nemini, nunquam præponens se illis, ita ut facillimè sine inuidia laudem inuenias, & amicos pares. At noster iste aliquantū plus: præter laudem enim atq; amicitiam nouam, etiā admirationem summæ uirtutis obtinebit. Sed quoniam multa cadunt in hanc ætatem, quæ sunt interdum uitio propiora, quā uirtuti: quod quidem necessarium uidetur ita esse, propter effervescentiam cupiditatum, tum maxime quòd nondum adulta in pueris & adolescentibus est ratio, quæ posteaquam bene confirmata est, uix etiam uidetur posse senes, & ætate prouectos homines, ab omni errato & culpa cohercere: diligenter uidendum est patri, ut ad regendam & gubernandam lubricam ætatem filij multum æquitatis & patientiæ afferat, acuteq; dispiciat, si quid sit commissum uirtuti alienum, atque officio: num id ex eo genere crimen sit, quod ad bonum morem corrumpendum ualeat, an quod ab ætatis & adolescentiæ quasi fermento quodam fuerit profectum. Horum nos criminum genera in præsentia non distinguimus, alienus enim de his differēdi est locus. Sed tamen sunt nonnulla in quibus pater dissimulare & pati, & aliquid permittere adolescentiæ poterit, dum teneant illa aliquem modum, neq; habebit necesse omnia pro suo iure exequi. In quibusdam autem acrior & uigilantior sit necesse est, nec patefieri aditum sinat ad  
ea

ea insinuanda uitia, quæ cum ætate postea accrescunt simul, indolemque statim ab initio, si inualuerint, uirtutis, mox et rem, et omnem bonam famam eijciunt: cuiusmodi alceæ, ganeæ, atque impotentes illi amores sunt, quos tyrannos animi præclare describit Plato. Ac in superiore quidem illo genere, quod mitius est minusque periculosum, si euenerit ut non possit, aut ne debeat pater dissimulare, adhibeat filium, leniterque cum obiurgat suam de illo curam, sollicitudinemque, et suum illi ipsi errorem detegens, oret, obtestetur, ut ne patris et propinquo rum spe, suamque ipse laudem sperata atque exoptata dignitatis contēdat ire perditum. Nec multa erunt opus, si ritè ego coniecto, et superiora prudentis discipline præcepta constabunt, grauior erit patre improbator sui facti ipsemet filius, minusque sibi ignoscet, magnoque cum dolore feret preces et monita charissimi parentis. Sin autem (sed nollem tristius aliquid ominari, cum in hac familia, et in his moribus nihil uideatur accidere posse secus, quam uelimus. Sed tamen si quid deterrius fuerit factum, uehementer quidem agendum erit à patre, et uerbis grauioribus: non tam usque eò, ut ad trocem illam iracundiam se rumpat, quæ cum uocē uultumque perturbet, gestusque omnes impediat loquentes, nunquam non de grauitate detrahit, et spectato uiro semper indecora est. Sed imitabitur senem illum Terentianum, sat sècherè, ut uidetur, obiurgantem filium:

Hem,

Hę, tibi ne hæc diutius licere speras facere me uiuo patre, Amicam ut habeas propè iam uxoris loco? Erras, si id credis, & me ignoras Clinia. Ego te meum esse dicantissimè uolo, Dum quod te dignū est facies. Sed si id non facis, Ego, quod me in te sit facere dignum, inueniero. Videntur ista permotura quamuis corruptum filium: hoc magis, si fuerint ab ea disciplina, & ex eiusmodi patris, qualem suprà formauimus, ore prolata: cuius nullo exemplo in paternæ culpæ similitudinē filius deductus sit. Erit item remedio, si grauitas rei postulabit, ad quod tamē extremū decurri placet, si pater à filio uidebitur factus alienatior, nec eum amplius ut consueuerat adhibebit, paulatimq; pristinam suam in illum indulgentiam, & antea solitam restringet liberalitatē: uel enim proderunt ista, uel aliud erit agendum. Verū quod nos prohibemus in filio, ne eum pater uerberibus cædat, nec ingenuā naturam ad seruile detrahat conditionem id in seruo & operario homine facile permittimus, cuius ea sit natura, quēadmodū de Phryge uetus prouerb. est, ut plagis fiat melior. Quod etiam erit studiosius faciendum, si quod peccatum in filio egrè ferat pater, id contingat in seruo delicto simili ut sit puniendum: ut omnibus modis intelligat filius, mentem ab sese patris, quamdiu ipse illiusmodi fuerit, & à similibus factis uehementer abhorrere. Verū hæc nos naticinamur, & nequicquā tanquam accide-

re pos-



re possint pertimescimus, à quibus omnis natura abhorret: non enim nec suspicandum quidem est, quos talis aluerit institueritq; disciplina, & ad rectū iter uirtutis induxerit, ut eorum possit natura & uoluntas ad praua studia conuertere. Reliquum illud tantum uidebit pater, & in eo quidem intendet animum curiosius, ut perspiciat & animaduertat cuiusmodi sint qui de familiā aut ex iuuetute, multa familiaritate atq; usu adhærebunt filio: uigilandum est semper, multæ sunt infidiæ bonis nostris inquit Ennius, & profectò uix datur spatium diligenti patri ullius capiendæ quietis, sed ut illis sollicitudinibus & curis, si bene locatæ sint, nihil fieri possit dulcius. Ac de familia quidē breue præceptū est (quanquā sui cuiq; domestici debēt esse notū) ut omnes æqualiter colant, honorentq; filium, aliquid mandanti dicto audientes sint: quotidianum autem obsequium, & cultum circa eum bi gerant, qui sunt nominatim præfecti à patre. Si quis uerò extra ordinem insinuare in comitatum & consuetudinem nimis studeat, is tanquā aliquid malitiose cogitans repellatur. In iuuentute maius periculū est, nam & maior sæpe in magna copia sodalium dissimilitudo inest morum, & sint inter eos aliqui natu grandiores, uel etiā annis lōgius pro uecti, qui ex illa ætate simplici atq; lubrica uarijs suis cupiditatibus pastum quærun, quorum inprimis pernitiōsa ingenuis moribus est consuetudo: qui quidē  
omni

omni & sono & strepitu, tanquam insidiosæ aues, ab grege mansuetarum perterrendi sunt. Iuuenem autem à iuuenum æqualium congressu & consuetudine arce-  
re æquum non est. Igitur ad omnia huiusmodi pericu-  
la remedium iam antiquitus usitatum, pædagogorum  
cura atq; industria: qui cum assidui comites sunt ado-  
lescentibus, continent in officio, & aliquid præuē cœ-  
ptantibus, obuiam eunt: quos maximè probatos, & si-  
bi fideles eligere debet pater. Sed & si horū studiū ac  
diligentia nonnihil aliquando proficit, nullum tamen  
fortius est in adolescentibus uirtutis præsidium, quàm  
pudor de quo antè diximus, & illa ordine directæ ac  
sibi benè constans disciplina familiaris, patrisq; impri-  
mis sapientia & grauitas, quam cum usu quotidiano  
imbiberit filius, exemploq; illo domestico & præcep-  
tis patrijs imbutus, præclaras decori honestiq; imagi-  
nes, quæ in animo illius penitus insiderint, detulerit se  
cum in forū, & se cum cæterorū moribus studijsq; com-  
posuerit, tum incipiet notare atq; discernere, quid in-  
ter se atq; eos intersit, qui nequaquam simili à disci-  
plina profecti sunt, nec tantum habuerunt Deorū im-  
mortalium beneficium. Tunc suis fortunis gratulabi-  
tur, gaudebitq; experiri, & quotidie aliquid agere ex  
illo ingenuo more atq; modo, cuius fructum percipiet  
non solum in animo suo lætitiā, sed ab æqualibus ho-  
nore, & à senibus admirationem ab uniuersis infi-  
gnem

gne quandam beneuolentiam: eoq; uelut stimulo amoris & laudis adulteriora semper incitatus, fiet quotidia in omni bona parte usu confirmatior, benignitatemq; imprimis exercebit, iuuabit quos poterit, omnibus erit comis, molestus nemini: probos & bonos aetioe sibi uinculo familiaritatis adiunget, reliquos non aspernabitur: ita aget dicetq; omnia, ut in uerbis & in factis existat dignitas, non seuera illa & grauis quae maioribus natu cōsentanea est, sed quae cum hilaritate modestiaq; coniuncta maximè deceat adolescentiā. Deniq; omnem illam paternae uirtutis ac dignitatis, optimorumq; morum similitudinem nondum planè robustam, sed ueluti cum aetate secum unā pubescentem, in coetum aequalium & comitum suorum domo transferet, ut multi qui intuebuntur ex eodem loco eademq; aetate, quosq; illa egregia & peruenusta species uirtutis commouerit, uideantur fore eo animo, ut conentur imitari: ex quo potest coniectura capi, quantum ciuitati & toti reipub. euenturum sit boni, si haec rectè instituentiae adolescentiae disciplina aliquando publicè coletur, cum unius interdum exemplo intelligamus cunctam penè iuuentutem ad imitationem uirtutis facile accendi posse. PAV. Ita afficior mi pater, cum te haec audio loquentem, ut laetitiam meam ipse uix ferā: quippe qui Dei immortalis maximo dono adeptus sum ut & hac uoluntate ad consecrandam uirtutem, & in

hac disciplina alitus essem, ex qua fructus iam aliquos capere incipio ex his qui à te modo numerati sunt. Sed cum in hunc uitæ statum & uirtutis usum perductus est adolescens, quidnam quaeso illi amplius deest, quò minus felix sit ac beatus? IAC. Totum id Paule quod est maximè necessarium, uirtus ipsa uidelicet, cuius umbram rectum esse morem iam totiens diximus: nobis uerò uestigandum & tenendum corpus est, ne tantquam in somno uisis inanibus decepti, sed uigilantes, & re uera summi boni efficiamur compotes. PAV. Iam intelligo te uelle philosophiam dicere. IAC. Volo inquam uerò: illa enim est una, sine qua nullius hominis uita (diuinam semper excipio sortem) suoapte certè ipsa consilio, nec sapiens unquam, nec beata esse potest. PAV. Cur igitur non quamprimum ad illam tertiam partem nostræ institutionis tendimus? in qua ut arbitror, philosophia ipsa inest: cuius tota est, ut dicis, uirtutis expositio. Etsi enim me summopere hæc delectent quæ dicta sunt & dicuntur, tamen ad ipsum fontem & caput omnium uirtutum cupio accedere. IAC. Vnum etiam restat Paule, de quo à nobis aliquid dicendum est: quod cum honore atq; utilitate primariū sit, propter quandam tamen opportunitatē in oratione à nobis factū est postremum: nullum enim adhuc uerbum de ueritate fecimus. At ea est præcipua non solum benemorate, sed etiam uerè beata & sapientis uitæ procreatrix,

creatrix, sine qua nihil neq; probum, neq; prudens, neque liberale, neq; magnificū uerè potest existere. Quis enim mentiri & fallere non dico assuesfactus (monstrū enim illud hominis potius quàm homo est) sed uel paululū modò inducens animū, licere aliud sentire aliquādo, aliud loqui, & habere linguā à corde discrepantē, in numero eorū ponendus est, in quibus species à nobis futuræ eximiæ dignitatis constituatur? PAV. Videatur uerò repudiādus quisquis ille est: nec mihi uenerat in mentē, cum tamen iā quotidie magis ex te, & in Aristotele ipso, quē te hortante ac præmonstrante in manibus habeo, possim incipere nosse hoc tantū et tā eximium bonū ueritatis. Sed cur de ea mentionē in hoc extremo, ut tute inquis, loco faciēda tibi reseruaueris, id ego audire ex te expeto. IAC. Quia anceps est in utranq; partē, & cū in omne genus doctrinæ scientiæq; diffusa, tum ad bonū morem etiā pertinens. Quoniā autem de more & disciplina domestica, qua imprimis assuescendus ad omnia recta & honesta est adolescens, dictū à nobis fuit: nō quin plura alia possint dici, sed quia hæc futura sunt satis: Nunc autem ad ea tēdimus, quæ non tam consuetudinis, quàm certi consilij, & suapte scientia ac ratione directæ uoluntatis sunt: ueritatē in utroq; genere instituendi præcipuam & primas ferentē parteis, in hoc potissimū loco constituimus, ut cū una eademq; dominetur utrobiq;, una quoque

Et morale illud ac modestum facileq; monenti rectè obtemperans cogat agmen, Et hoc sapiens eruditumq; ducat. PAV. Quasi ueritatem uinculum dicas, quo ambo genera hæc contineantur. IAC. Imò lumen à quo ambo ista Et creantur Et illustrantur, hoc quidem diurno sidere tanto potentius, quòd sol iste oculis, ueritas mentibus lucē Et diem affert, atq; hic facit ut res, quales sunt, tales etiā cernantur: illa, ut quod sunt, id illud ipsum sint. Sed hoc lumen Et propriè Et proximè philosophia ipsa sectatur: omnemq; suam curam, omne operam studiumq; impendit in eo, ut huius luminis percipienda ueritate fiat compos, quod cum apprehenderit, suumq; Et proprium tenuerit, iam ipsa in luce Et in ueritate habitans attollit in altum circūcirca errantibus, ut communicatione lucis illi admoniti, minus ruant in tenebris, minus perturbentur. In quo maximus est concursus omniū mortaliū maxima uarietas. Hi enim quanquā luminis aliqua ex parte participes, umbris tamen plurimis impediti atq; impliciti, quæ quò longius absunt ab editiore lumine, hoc uolitant maiores, sepius falluntur in eo quod appetunt, Et pro bonis mala amplectuntur: cumq; se pedem tutò ponere existimauerint, labuntur præcipitis. Hoc lumen, quod est sua cuiq; ratio, certissimis scientijs ac doctrinis illuminata, Et sibi ipsa in omni consilio actioneq; prægre diens, neq; alieno indigens ductu, philosophia ipsa continet:

tinet: ad quam quod sit rectum iter, tertia mox nostræ institutionis pars indicabit. Sed ut in hoc lumine suam me & maximè ueritas est, sic in illo genere posteriore uirtutis, quod disciplina & monitis diximus comparari, quemadmodum luminis, ita & ueritatis radius qui dam ineſt, non principem, sed accersitam insinuans lucem. De quo nobis restabat aliquid dicendum, antequàm de moribus & disciplina sermonum totum cõplere-  
mus: ideoq; seruauimus in hunc locum, ut à radio ad lumen, & ad ueritatē ipsam à ueritatis simulachro propinquus transitus foret. PAV. Commodè sanè, & ita fuit faciendum. Sed quis est qui ista considerans, non ad amorē & studium philosophiæ totus rapitur? IAC. Deberet hoc quidē ita esse: sed tamen non desunt Pauli, qui illam contemnant, atq; adeò uituperent, & in inuidiam ad populum adducant. PAV. Iniquos homines narras: estq; propterea iam dudum à te suscepta philosophiæ defensio aduersus uituperatores huiusmodi, quam ut perficias, atq; aliquando edas, cum alijs sepe multi, tum uerò duo doctissimi & amicissimi homines Paulus Iouius, & Lazarus Bonamicus te quotidie flagitāt: quorū de uirtute & doctrina quid sentias, crebrò ex te audire soleo. IAC. Quidni audias de hominibus cū amantissimis nostri, tum dignissimis ipsis qui ab omnibus amentur? quorum magnum in utroq; nostræ ætati positum est decus. Nam Iouius non solum

*medicinæ scientia, in qua excellit, tam cognitione ar-*  
*tis, quàm utilitate ex ea & obsequio erga amicos, ue-*  
*rum omnibus ingenuis & liberalibus disciplinis instru-*  
*ctus, imprimisq; eloquentia, & dicendi genere quo-*  
*dam magnifico, contulit se ad scribendam historiã, in*  
*qua ueterum optimorum scriptorum & fidem & glo-*  
*riam in nostram etatē refert. Lazari uerò in Latinis*  
*& Græcis literis, præsertimq; in hac de qua loquimur*  
*philosophia, tanta est eruditio, eaq; præstantis ingenij*  
*uis, ut ipsum cum audimus, nullius ex antiquis aut no-*  
*uis doctoribus, aut scientiam maiorem, aut copiam re-*  
*quiramus: quod quidem in eo speciosius existit, quòd*  
*ita uiuit, & ita factus ipse est, ut in omni uirtutis & hu-*  
*manitatis officio, philosophiam habuisse uideatur non*  
*dicendi magistrum, sed faciendi. Quibus quidem am-*  
*bobus hoc quod dicis à me desiderantibus, quippiã ne-*  
*gare esse arbitror nefas. Sed quis scit an diuino quodã*  
*consilio hic illi noster dialogus fortè præpositus fuerit?*  
*PAV. Quid ita? IAC. Ut per gradus, & uelut pla-*  
*nore uia, ab his præceptis & rectè consuescendi disci-*  
*plina, ad illa altiora philosophiæ consilia, & ipsum a-*  
*plicem uirtutis ascendatur. PAV. Verisimile hoc qui-*  
*dē nā & bene cogitantibus semper adest Deus. IAC.*  
*Redeamus Paule ad partem illam ueritatis, quam mo-*  
*ralis huius discipline esse diximus, aut potius quò me-*  
*lius ista ueritatis diuisio intelligatur, sic agamus. PAV.*  
*Quo*



Quo pacto? IAC. Falsum natura quædam est maxime contraria & inimica ueritati. PAV. Ita est. IAC. Huius partes sunt duæ. PAV. Quæ? IAC. Una pars cernitur in eo, cum ipsi nosmetipsos decipimus, & praua aliqua opinione inducti, aut captiosus rationibus argumentisq; constricti, quæ cum aliquam cupiditatem ualentem in nobis suffragatricem nacta sunt, maximam habent uim ad mouendum & persuadendum, scire nos arbitramur quod nequaquam scimus, hæremusq; in eo, & restamus confidenter: quod accidit, cum uel id quod est, non esse: uel quod non est, esse, aut cuius est generis, rationis qualitatis, efficietie, id non illius, sed alterius modi esse suscipimus. PAV. Intellego. IAC. Hoc falsum Paule quod est erroris, mendacij, & totius ignorantie caput, Dijs medijs fidius & hominibus est inimicissimum: quanquam in diuinam naturam non cadit falsitas, neq; error. Verumtamen tanquam è regione illi sempiternæ uarietati oppositum, non solum hominum mentes quotidie, sed & illas cælestes, & incorporeas potuit olim peruertere. Nec uerò grauiore ullo malo, acerbior, atq; exitiosior alia ulla peste uita nostra conflatur & perturbata est, quam huius labe ignorantie, quæ sibi ipsa scientia esse uideatur: hinc contumacia, hinc illa immoderata atq; infinita cupiditas, hinc nimius suiipsius amor, & iuris atq; iniuriæ parum æqua descriptio; ex q; deinde illa in uitâ tot incômoda dimanant,

nant, iræ, inimicitie, bella, cædes, urbium & nationū  
funditus euerfiones, unicuiq; secum, non solum aduer=  
sus alios, semper frè dissensio, & cum popularibus, cū  
ciuibus, cum affinibus, cum cognatis grauis sæpe dis=  
cordia: deniq; omnis hominū ad homines societas, quæ  
naturæ fœdere ipso & conciliata & sancta est, huius  
tanti perniciæ mali tamdudum uiolata, conuulsa, & in  
totum penè dissipata est. PAV. Magnum incommo=  
dum prædicas ignorantie, mi pater. IAC. Quid mi  
rum, cum illa lumen animi nostri mentem ipsam extin=  
guat, & falsis persuasionibus tanquam clauis excæcet,  
si erroris & temeritatis & uariarum offensionum ple=  
na sunt omnia? Sed hoc tantum malum sola philoso=  
phia se ablaturam esse pollicetur; idq; adeò præstat, si  
ritè tractetur, sitq; ad Deum & summū rerū omnium  
bonum tota cum fide & religione conuersa. Quod no=  
bis uerum Deum & filium Dei colentibus, unis asse=  
qui diuinitus est concessum. PAV. Sanè præclarum  
est hoc & philosophiæ, & Christianæ religionis do=  
num. IAC. Res ipsa indicio fuit ita esse sicut dicis  
Paule. Sed quoniam non est huius temporis insistere in  
his diutius, ad alterā partem falsi, quo de agimus, ac=  
cedamus. PAV. Equidem te in his morari diu uellem:  
nec est quicquam quod audiam iucundius, rursusq; phi=  
losophiæ amore incendor. Sed uereor ne mea ignoran=  
tia ~~non~~ quoq; ad illam adipiscendam impedimēto sit.

IAC.

IAC. Nequaquam Paule, nec tu istam ignorantiam  
pertimueris, quæ ad discendum, accipiendum parata  
est, tanquam uacua domus & patens, utq; honesta sus-  
pellectile instruat expectans. Illam tu mihi ignoran-  
tiam præsta ut caueas, quæ falsis opinionibus referta,  
in eisq; pertinax, cum orichalcum pro auro ipso am-  
plexa fuerit, ueras amplius opes nil moratur: aderit  
tempus, uel potius adest, cum ex plebis cupiditatem  
hanc tuam, & nobilissimorum amorum fies compos:  
quorum iam gustum aliquem ex Ethicis Aristotelis, ad  
quæ paulò antè es ingressus percipere potes. PAV. Sic  
faxit ille summus nostri generis conditor, idemq; pòst  
eiusdem per unigenitum filium suum contaminati &  
perditi liberator effectus, cui me tota mente atq; omni  
corde deuoueo. IAC. Atqui hoc sentire & sic face-  
re Paule, & prima & summa est philosophiæ ueritas.  
Nunc attende de altero illo falso quid rei sit. PAV.  
Dic modò. IAC. Hoc falsum tanquam uirgultum &  
propago ab illius prioris falsi radice prouerens, consi-  
stunt in eo, si quis non se ipse fallens, nec mēticens sibiip-  
si, sed callidus & gnarus apprimè quid agatur, alterum  
uelit circumuenire & fallere, ut in errorem inducat,  
ut aliud illi pro alio obijciens, longè eū abducatur & di-  
moueat à uero. Idcirco autè proficiscitur à primo hoc  
alterum falsum, quòd nequaquam circūuenire & frau-  
de irretire alterum conaretur quispiam, nisi esset ipse  
prius

prius praua illa opinione captus & circumuētus, quærendum esse quoquo modo auaritiæ, libidini, aut cuiq; cupiditati pastum. Sed hæc consuetudo atq; exercitatio fallendi alterum, & mentiendi, his quibus hodie uiuitur moribus, sic in omnes ferè uitæ sectas ac quotidiana uitæ officia effusa est & dimanauit, ut angustum admodum inter homines locum ueritati & fidei reliquisse uideatur. PAV. Fertur uulgò quidem ita se rem habere. IAC. Quidni feratur quod extat ante oculos, quod eminet? Quis enim est uel paulum modò in hæc communis uitæ studia ingressus, qui cum cōmercia hominū inter ipsos uiderit qua fide gerantur, non intelligat quemadmodū gladio in prælijs milites ad deiiciendum capiundumue hostem, sic fraude plurimum & mendacio uti homines, qui quidem malitiæ quasi gladius est, ad proximum constringendū, ut supplantato altero, ad sua quisq; optata facilius perueniat? Sed quamuis desueta iam hisce moribus ac tēporibus, quamuis neglecta atq; posthabita, tamen quò rarior, hoc clarior est & preciosior fidei possessio. Licet qui uasri sunt, astuti, uersipelles, cuiusuis precij homines ducantur, hisq; à populo plaudatur interdum, & qui callidè circumuenire aliquem, aut lepidè norant imponere alicui, omniāq; ad gratiam & uoluptatē agere, in aulis etiam principū magni habeantur: tamen nec unquam tuta, & semper ipsis turpis, alijs etiam pernitiōsa

Neciosa horū est ratio uitæ, atq; exercitatio. Nihil enim  
Potest esse decorū neq; splendidum, neque item sibi fi-  
dens, aut sat munitum aduersus casum atq; fortunam,  
unde absit ueritas: quæ cuius insedit in animo, & san-  
cto cum illo fœdere copulata, omniū eius doctorū atq;  
factorum fit particeps, admirabilē quandam illi auto-  
ritatem & speciem præbet inter homines, tanquam  
mortalis Dei. Debet igitur pater huius posterioris sal-  
si (quando ad illud maius, quod à philosophia ipsa de-  
pellitur, ætas adhuc non est adolescentis) culpam om-  
nem & labē à filio propulsare, monereq; & præcipere  
diligenter, ut unquā inducat animū aliud sentire intus,  
aliud loqui. Sed in puero facilis est præceptio: neque  
enim multū malicia illa ætas peccat. Cū adolescente  
iam factō, accuratius est insistendū, ut animaduertat,  
sibiq; persuasum habeat, neq; uirtutis uim, neq; exem-  
plū optimi moris, nec uerò honorē illū qui ab æquali-  
bus expetitur, nec dignitatē ad quā omnia consilia di-  
riguntur, sine fide & integritate cuiquā constare pos-  
se: ut assuescat abhorreere à mendacio, & linguā habe-  
at semper cordi consonantē: nec solū in uerbis & ser-  
monibus ad alterū, recta, uera, simplicia discat loqui,  
sed in cōsilijs & factis nihil fictū, nec fallax, nec simul-  
latū habeat. Quò enim facta uerbis potiora sunt, hoc  
magis in ijs q̄ illis mētiri decipereq; est dedecorosum.  
Mētūtur autē q̄ uersutiloquis (ut ille ait) malitijs, hone-  
stam

istam speciem uirtutis parum honestæ prætendunt cupiditati, neq; ad ueritatem referunt, neq; quia ita decet, neq; quia ita rectum est, sed inclinant & uergunt ad alterum aliquem finem, quæ quidem e mentita uirtute nullum uitium est monstrosius. Atque horum quidem illa obstructio simulationis neq; diuturna est, & ab acutioribus statim perspicitur: dant enim manus, oculi uultus, celeriter aliqua signa, nec unquã usq; eò oculi & abscondi potest ueritas, ut non emergat aliqua atq; appareat. Vbi uerò deprehensi sunt, & persona detracta producti in publicum, maiore in uituperatione ignominiaq; uersantur, quàm si uitium palàm ex initio fuissent professi. At qui ex fide bona adolescens studuerit uirtuti, decusq; & ornamentum uitæ à ueritate sibi duxerit, nullum unquam locum simulationi & mendacio in moribus suis esse sinet, nisi ioci interdum causa: cum non fraus fuerit, sed lusus, atq; id tamen parcè & molliter, ut ne lædat eum cui uult illudere: scitè enim & aptè scire hoc agere, condimentum est nonnunquam sodalitiij & familiaritatis: nec nos austrium, aut tetricum, aut difficilem esse adolescentem uolumus, sed hilarem, & comem, descendantē ad omnia quæ illa ætas natura fert, modestiam tamen & mediocritatem secū deferentem. In eandem quoq; mendacij & simulationis affinitatē transit imitatio: quid enim aliud est imitari, quàm capere similitudinem eius quod non sis? Sed  
hoc

hoc si fiat in eam partem, ut effingas imitando quæ re-  
cta honestaq; sunt: ut si eius gestum uultuq; imitære, qui  
dolorem corporis fortiter tulit, aut in uoluptate fuit  
temperans, aut amissam iam aciem restituit, referasq;  
eum uoce, motu corpore: laudabilis est imitatio, nec ue-  
ritatem reiiciens illa, sed aduocans: quemadmodum  
etiam nostra, hæc de qua differuimus probata domi dis-  
ciplina, ueræ uirtutis dicta est imitatio. Si uero imita-  
tionē conuerteris ad deteriora, & aliquos nimirū mo-  
tus, uultusq; scurrarum, eorumq; dicta & facta, cap-  
tandi risus gratia, uolueris imitari: nihil est hoc gene-  
re ludendi illiberalius, nec quod pudori & modestiæ  
magis contrariū sit: extremæ enim impudentiæ est, ad-  
de etiam si uis stultitiæ ac leuitatis, uelle deridiculum  
esse: nec aliquid bonæ indolis residere in eo potest, qui  
id agit ipse ut rideatur. Sed ut hoc turpe & sordidum  
lusionis genus reiicimus, sic multas relinquimus adolef-  
centi lætitiæ & hilaritatis uias. Decet enim adolescen-  
tem hunc quem nos instituimus, ita studere præstare cæ-  
teris in omni ornamento honoreq; uirtutis, ut ad illa  
quæ sunt adolescentiū communia, cum paribus suis æ-  
qualiter se dedat: currere, saltare, ludere, eos utiq; lu-  
sus, quibus corpus exerceatur, choreas ducere inter-  
dum, conuiuuiū habere, cachinnari aliquando liberius,  
iocis & dictis hilaritatem accersere: sed ut seruet in  
his quæ sæpius diximus modū, in quo ipso inest id quod  
debet,



deceat, quod non erit illi difficile notare ab illis patrijs institutis, disciplinaq; domestica, per quā sensim illa diuina decori species moribus eius adlita & insinuata fuerit. Consequetur autē ex his, ut cūm propter facilitatē, humanitatem, comitatēq; naturæ plurimū eū sui æquales diligant, tum uerò propter uirtutū integritatem, elegantiam morum, etiam cum quadā illum admiratione uenerentur, summamq; habeant illi omnium rerum fidem, & prope uoluntarij illius sese imperio subijciant: multi etiam ut studeant imitari, & quidem omnes ferē ex quotidiana consuetudine atq; usu, aliqua ex illo uirtutis lineamenta in suos mores trāferent: nonnulli uerò accedent propius, & similes fieri conabuntur. Vt quod aliās diximus, & dicendum sæpius est, perscilē possit iudicari, quantum sit bonum euenturum ciuitati, primū si puerorum recta educatio publicē excolatur: deinde ab unius sæpe bene instituti adolescentis imitatione atq; exemplo. Quod potuisti modò in te expertus, commodē existimare Paulē. Cūm enim in te unum spectet iuuentus nostræ ciuitatis, cunctaq; sese ad te applicet, & familiaritate tua maiorem in modum gaudeat, potuisti reprimere paulo antē maledicentiam, quæ increbuerat in iuuentute tam promptē de altero & tam libenter detrahendi: à quo more cūm pro natura tua abhorrens ipse, comiter ab ijs petiisses ut abstinerent, facta est iuuentus tua ope



ra modestior. PAV. Equidem quid egerim nescio, nec si quid etiam ago, id mihi pater tribuendū est, sed tibi: ueruntamen illud & cognosco & fateor, plurimū in eo fore ornamenti & cōmodi ciuitati, si iuuentus bene instituta sit. Quod ut cōtingat, utinā ea omnes, quā tu mihi modō præscripsisti, utantur disciplina: quicūq; ille quidem extiterit sic educatus atq; alitus, hic maximū habiturus est profecto Deorū immortalīū erga se beneuolentiæ testimonium. IAC. Nimirum ita est Paule, orandusq; Deus, ut quā plurimos uelit suæ huius bonignitatis esse participes. Verū nos hoc transactō bonorū morum & disciplinæ rectæ curriculo, rursus aliū cursum ueluti reprehēdentes, ad caput & pueritiæ principia iā tertio redeamus. PAV. Nempe ut quæ literarum iam & doctrinæ sunt, artiumq; earum quas uocamus optimas, eorum ornatu & ordine instituas adolescentiam? IAC. Ne: atq; ut ubi uera residet uirtus, non ubi imitatio agitur uirtutis, eā illuc deducamus. PAV. A' Dijs penatibus ad Apollinis & Musarum uidelicet. IAC. Quid si ac eam sapientiam potius, quæ ē capite patris prognata, & eodem amoris spiritu cum patre ipso nexa atq; concors, ad omnem mortaliū illustrandā uitam olim egressa est, & cū nihilominus permaneret in patre, ad nos se cōtulit, ut abiectos humi, & nil sublime meditantes, ad cœlestium bonorū, & certam immortalitatis spem excitaret

citaret? huic enim debetur quodcunq; profectum est, quod in trinitate potissimè est spectandū. PAV. Sic quidè oppido melius, sed ego latino more locutus sum. IAC. Quod quidem ego minimè reprehenderim Paul: dare enim aliquid stilo & consuetudini eius lingue in qua uelis loqui, necessum sanè est: sicut & uos ubi de diuinis nominatim non agitur, figuras illas & modos Latine dictionis ad illuminandam orationem non inuiti adsciscimus: ut Me hercule interdum dicamus, medius fidius, Deos etiam immortales plurium numero nonnunquam proferimus, non sensum ex his uerbis ullum, sed sonum duntaxat querentes, atq; ut splendior & fortior, nec adhorrens ab ipsa antiquitate procedat oratio: quando ea quidem suis ornata atq; instructa dotibus, ad docendū quid uerum, sanctum rectūq; sit, & impellendum in id quod conueniat agi, maius multò pondus & maiorem quandā uim affert. PAV. Nauiter studendum est igitur orationi & stilo, ut te intelligo loqui. IAC. Et maximè quidè, si quid agere aut perficere uis quod sit egregiū: nam philosophia & quam præcipuè quærimus uirtus ac sapientia, si tibi tecum uiuendum esset soli, forsitan se una contenta foret, neq; requireret quicquam amplius. Cum uerò tibi in coetu hominum, & cum plurimis uiuendum sit, omniumq; studiorum utilitatum, officiorumq; & tuorum cum illis, & illorum tecum communicatio facienda, ad hanc

ad hanc humanæ uitæ societatem aptè commodèq; gerendam, nullum instrumentū est oratione præstantius. Itaq; & facio sæpe, & facturus sum, ut te adhorter imprimis ad hæc studia, quibus dicendi egregia & præstans ratio comparatur: hoc etiam studiosius, quòd me quantum proficias, & quid mihi spei præbeas, nil pœnitet. PAV. Faciam equidem quod meum est, ut labore & diligentia tibi satis faciam mi pater: quantum uerò effici per me possit, totum tuo iudicio permittam: IAC. Dabitur hac in re opera ab utroq; nostrū Pau-  
le, ut rectè sit. Sed nos aliud initium nostri sermonis facientes, redeamus ad eandē pueritiam, de qua totiens iam iterauimus loqui: ut eam alio quodā itinere, alia semita ad indagandum melius uirtutem deducamus: nam quæ adhuc de uirtute dicta sunt, etsi uerissima ea sunt, creduntur tamen à iuvene, non intelliguntur. Hic autem tertius quasi actus nostræ deductionis reliquis perfectior, in eum locum adducet adolescentiam, unde non alienos imitari gressus, sed ipsamet cernere quò & quā uadendum sibi sit, tanquam è specula poterit, suiq; erit consilij domina & uoluntatis. Igitur puerū, ut primum fari commodè, & uerba disertè proloqui poterit, aliquosq; ingenij cœperit igniculos iacere pueriles, studiose inducat pater in opinionem & desiderium addiscendarum literarum: quod perquam aptè fiet, si accersendis maiusculis pueris, qui iam aliquan-

A tum

tum in legendo profecerint, & illis auscultandis laudauerit præsente filio rectè recitantes, exosculatusq; fuerit, aliquid etiam dederit muneris ac præmij. Mouebitur enim animus filij ad eadem æmulanda studia, in quibus alterum sic probari perspexerit: ipseq; ultro petet, ipse flagitabit easdem sibi tabellas, & eandem exercitationem dari. Quæ dandæ erunt, cum ornatæ ipsæ & concinnæ per sese, tum illustribus scriptæ literis, ut omnibus rebus quibus capi potest illa ætas, ad amorem & cupiditatē legendi perliciatur. Semper enim providendū diligenter est, ut literarum desiderium ita antecedit in puero, ut nunquā satietas nimia consequatur. Sed etsi pater eiusmodi sit, ut omnibus ipse optimis artibus literisq; eruditus, docere possit filium, & præclare eū in omni doctrinæ genere instituere, censurim tamen idoneum illi magistrū esse eligendum, qui huic uni uacet negotio, nullaq; omnino re alia neq; occupatione teneatur, sed sit in hanc curam erudiendi filij totus intentus, à qua patre sæpe familiās tam forensibus quàm domesticis negocijs necesse est auocari. Hæc nostram de adiscendo liberis magistro sententiā Marcus Cicero comprobat, qui cum ea esset ingenij, literarum, & omnis scientiæ gloria, ut locupletasse ipse & ornasse potius eloquentiā, quàm ulla ab ea ornamenta sumpsisse uideretur, in erudiendo tamē filio alienis magistris usus est. Verū hoc quod facile est præceptu atq;

impe

imperatu, re ipsa & experiendo uehementer sit difficile. Rari enim sunt, utinamq; adeo rari isti, aliqui tamen essent, qui comprehendissent animo, quid sit uerè sapere, & uinculū illud quo omnes humanitatis artes inter se continentur, ad cuius unius sapientiæ spem & alimus & constituimus filium, quale sit tenerent: neq; isti aut ostentandi sui causa, aut lucrifaciendi, aut popularis auræ colligendæ, ad singulas addiscendas sese dererent artes: si tamen addiscere est ignorare, quem ad finem percipiendum sit quod addiscas. Sed quoniam de hoc errore uulgato & propè communi in nostro de laudibus philosophiæ libro satis est dictum, & alibi sæpe dicetur, reuertamur ad puerū cum quem in manibus habemus, magistrumq; illi præficiamus è literario ludo, cuius mores probati sint, & diligentia in docendo cognita: qui ita quotidianum pensum legēdi & scribēdi à puero exigit, ut nulla in re sit asper, nec minis aut uolentia utatur: summopere enim cauendum est, ne eas literas odisse incipiat puer, quas nondū potest ipsarum causa diligere: spe ille potius & laude prouocandus est, interdūq; ex pacto agendū, ut cum plures horas sibi ipse sumpserit ad pueriles obeūdos lusus, unā aliquā præbeat magistro. Legēdi ergo & scribēdi prima præceptio est pueritiæ, & primū rudimentū: quod pròptè et celeriter facere debet puer, ac sine ulla dubitatione uel minima nosse literas, uel ipsas per sese;

A 2 uel in

uel in syllabis dictionibusq; cōiunctas: nec nosse solam, sed pronunciare commodè sono uocis simplici recteq;, literis neq; oppressis nimium, neq; expressis: itemq; perlegere cursim quicquid scriptum oblatum fuerit, idq; & prorsus & rursus retro contraq; reuoluere. Hæc enim quamuis minima uidentur, tamen quoniam fundamenta sunt cæterorum, firmitus sunt statuenda, inamorandumq; in his aliquanto diutius, quoad planè resideant, atq; comprehendant. Quod autem de literis, uel de literarum potius elementis ac notis dictum est, non de latinis tātum, sed de Græcis quoq; uolumus intelligi: harum enim utramq; linguarum ab eo uolumus addisci, qui ad eximiam spem summæ uirtutis alatur. Vtriusq; enim maximi & doctissimi autores sunt, omniaq; doctrinarum genera in utraque egregiè sunt tradita: tum autem prudentiæ, sapientiæ, eloquentiæ utrobiq; summa uis, & ita nexa inter se, ac mutuò se continens, ut qui alteram sine altera perceperit, debile quiddam & mancū esse adeptus uideatur. Ad utranq; igitur & Græcam & Latinam orationem legēdis & scribēdis literis statim de principio imbuendus est puer. In quo illud primum admodū occurrit laudabile, quod est in more positum, ut simul cum literarum notis, elementa quoq; Christianæ religionis in puero insinuentur. Nā ut dictum est, nec uirtus, nec doctrina, nec spes honestæ aut beatæ agendæ uitæ ulla est, qua non pertinet,

tinet, nec comes est religio: grauesq; tū sententiæ summorum autorum proponendæ illi sunt, ad sanctitatem uitæ, & ad exemplum fugiendarum aut expetendarū rerum pertinentes, quas animus tener bene apprehendat, deſerātq; ſecum in omnem poſtერიorem uitam. Sed hanc conſuetudinem legendi iam ſcribendiq; familiari- ter ſequitur continuo grammaticæ ars: cuius nomen ductum quidem à literis, tenuem uidetur habere ap- pellationē, ſed eſt eius facultas uberior: nō literas enim ſolū, & nomina, uerbaq;, ac reliquas omnes oratio- nis partes, ſed poëtarum quoq; & oratorum cognitio- nem ita complectitur, & pertractat, ut paruum in ijs relinquere uideatur uelle alijs artibus quibuſdam lo- cum, quod meo eſt animo non tam grammatices pro- prium, quàm eorum qui ad ſuam ex alijs generibus ſa- cultatem doctrinamq; oſtendendam, huius artis nomi- ne abuti uoluerunt. Scripſerunt enim de ea complures docti uiri, cūm Græci tum Latini: ſed alij alio modo, preſſè caſtigatēq; nonulli, multi abundantius: niſi forte neceſſariò credimus tria millia librorum amplius à Di- dymo in arte grammatica fuiſſe ſcripta. Apollonius in Græcis, & Herodianus probatiores: magnam lau- dem apud noſtros meruit Donatus, & qui illum Seruius æ- mulatus eſt: tum deinde multi. Sed noſtrum non eſt enu- merare ſcriptores: potius illud uideamus, quomodo, & quatenus grammaticæ tradenda puero eſt: neq; uim ar-

tis totam, sed captum ætatis illius consideremus. Nam si qua sunt in illa arte difficilia & ardua, non tam necessarijs quàm subtilibus implicata disputationibus, reijciantur in id tempus, cum alijs pluribus disciplinis instructus adolescens, ocium contere in huiusmodi quæstionibus poterit, quæ tunc ultrò sese illi offerent, & ex aliena quadam facultate acutius disceptabuntur: tene-  
rum quidem pueri animum onerare his difficultatibus nullius consilij est. Quid enim illi proderit nosse contro-  
uersiam, utrum Participium sit pars orationis, an re-  
digatur sub uerbo? & utrum uocabuli an nominis in rebus appelladis potior usus sit, & similia multa, quæ ne intelligentibus quidem admodum usui esse possunt? Potius mihi is ad illa apertè & simpliciter perdiscen-  
da ducatur, quæ necessariam habent utilitatem: ut literas distinguat, aliasq; nouerit uocales, quæ purum ex se proferant sonum: alias consonantes, quæ cum illis iunctæ & compositæ sonent: rursusq; ex consonantibus semiuocales quarum sonus incipiat à uocale cæteras mutas, in quibus uocalis sonus tantum desinit: intelli-  
gat etiam bissonas, quas, *Αιφθόγγες* Græci, ex dua-  
bus uocalibus esse compositas: tum his adiungat omni-  
bus pronunciationem congruam. Ad dictionum uerò syluam ita traducatur, ut sine ulla ambiguitate addi-  
scat octo illas peruulgatas orationis partes: quarum sin-  
gularum proprietates, & quasi insignia quedam debet  
cogno-



cognoscere, ut sciat internosse: ut uerbi causa, Nomē esse, quod rei naturam aut qualitatem denotet in suo statu manentem, idq; casibus deflecti, speciebus diuidi numeris mutari, generibus uariari, figuris distingui. Verbum esse, quod rem in motu aliquo signet uel agendi, uel patiendi, in quo pro casibus sunt temporum flexiones. Participium, quod affine utriq; & uerbo & nomini, tempus & motum accipiat à uerbo, in reliquis sequatur nomen. Pronomen uerò quod uicem præbeat nominis, in ijs nominibus scilicet quæ propria sunt, & certam personam aliquā indicant. Aduerbia porro & præpositiones: illa, quod nisi uerbo adiuncta uim habēt nullam: hæ, uel nominibus separatim apposit, idq; ferè semper præeundo atq; antecedendo, unde nomē nactæ sunt, uel etiam cum his & cum uerbis in compositione copulatæ augment, uel minuunt, uel uertunt sensa corū, quibus cū componuntur. Coniunctiones uerò, quod superiores quinq; partes orationis binas trinas ue adherescendo coniungant. Interiectiones è contrario, quod cursum & sensum clausulæ interpungunt aliqua uoce humani affectus, indice interposita, quæ habeat spem, letitiam, metum, dolorem, alacritatem, admirationē, & similia quædam. Sed hæc quæ in puerili disciplina commodius traduntur, perstringenda tantummodo nobis sunt: indicamus enim iter duntaxat, non disciplinam ipsam tradimus. Sequuntur flexiones quatuor

primarum partium orationis, quarum tres casibus, uer-  
 bum ipsum temporibus tantum inclinatur: quæ propè  
 et penitus memoriæ mandandæ sunt, earumq; uarie-  
 tas facillimè est et familiarißimè discernenda: tum au-  
 tem qui cuiq; uerbo casus subsequatur, quiue antece-  
 dat. Hæc enim summa est, meo quidem animo, grama-  
 ticæ facultas, scire ita struere et contexere orationem  
 casibus, numero, genere, temporibus: ut nihil sit per-  
 turbatum, nihil non concors, nihil non inter se aptè co-  
 hærens et consonum, quod tam in uersibus, quàm solu-  
 ta oratione tenendum grammatico est. Est enim et hu-  
 ius artis propria quantitatis syllabarum notio, et quis  
 cuiq; carmini pes conueniat. Nam uerborum et nomi-  
 num quæ communi analogiæ præuaritata sunt, et di-  
 screpantes à consimilium cæterorum ratione inducere  
 formas, usus et cognitio non tam scrupulosis anxijsq;  
 præceptis, quàm ex bonorum autorum crebra lectione  
 percipienda est: quod idem de rectè scribendi scientia,  
 quæ Græcè orthographia est, dicimus. Hanc enim one-  
 rosam et difficilem pueris ad noscendum, si per regu-  
 las præceptaq; tradamus, assiduus legendi scribendiq;  
 usus melius cõfirmat, et in uniuersum tota ista ars plu-  
 rimum communi consuetudine loquendi, et ueterum  
 doctorum auctoritate nixa est: cuius extremum et finis  
 est scire aptè construere, et coagmentare orationem,  
 ut nihil discors in ea, neq; præposterum sit: idq; tum  
 prosa

prosa cū carmine, in quo syllabarū præterea quantitas expendatur. Hoc cum efficere poterit puer, promptè & paratè, atq; ut in agendo nihil hæsitet. Est enim propterea quod hæc ars fundamentum est, & ueluti solum reliquarum artium, ut si ea debiliter comprehensa sit, omnem superextructionem nutare oporteat, diligentius in ea elaborandum, optimè ut teneatur. Cū inquam fuerit hæc puer bene percepta & cognita, tū audentius quicquid libuerit oneris est illi imponendū: nam & ipse his nodosis & minutis difficultatibus expeditus, quæ laborem animi in puero non mediocrem delectationem habent propemodum nullam, tanquam equus modò domitus gestiet in campos procurrere liberiores, & suarum uirium, suiq; ingenij aliquod periculum facere: ita quæ sequentur, iam non laboriosa illi, sed grata iucundaq; erunt. Igitur è uestigio ad exercitationes & præcepta artis rhetoricæ traducendus est: cui eadem quidem quæ ipsi grammaticæ est materia, nominum & uerborum ualet, & omnis formandæ componendæq; orationis, uerū alio modo. Illa enim ut diximus, sat habet struere aptam inter se & congruentem personis temporibusq; orationem, aut carmen suis pedibus & numeris integrum componere, eoq; functa officio quiescit, nec habet causam ulterius progrediendi. Rhetorica uerò hoc quidem accepit ab illa, tanquā sibi necessarium, sed nulla est in necessarijs dignitas.

A 5 Itaq;

Itaq; sic excolit acceptū atq; exornat, ut illo apparatus  
 tu instructūq; orationis nihil fieri possit admirabilius.  
 Hac de arte plura dicenda essent, quippe ē qua tantū  
 sit humanæ uitæ ornamentum, nisi in Cicerone præcla-  
 riſſimè expressa essent omnia: quem & meo hortatu,  
 & uolūtate tua assiduum in manibus Paule geris. Hic  
 enim tibi & nunc, & postea, & semper legendus est:  
 nec legendus solum, sed omnibus intimis sensibus &  
 modis deuorandus. Nulla est enim laus prudentiæ, nul-  
 lum lumen orationis, nulla sententiarum dignitas, nul-  
 la uerborum, nullus in dicendo lepos, nullum acumen  
 ingenij, nulla uis animi, quæ non in eo, non dicam appa-  
 reat atq; extet, uerū ita emineat acrisq; ad permo-  
 uendum uehemensq; sit, ut torrente quodam omnium  
 suauitatum obruat sensus animosq; legentium. Sed etsi  
 in hoc uno omnia insunt, quæ ad huius præclari gene-  
 ris facultatem uidentur esse requirenda, prætereāq;  
 & doctrinæ & sapientiæ maxima cum his coniuncta  
 uis: tamen ubi te ad huius imitationem conformaueris,  
 neq; colorem solum, sed succum etiam & habitum il-  
 lius orationis fueris nactus, tum legendi cæteri quoq;  
 tibi sunt autores Latini Græciq;, tum oratores, tum  
 etiam poëtæ. Est enim huic ætati, in qua tu es Paule,  
 & uerò etiam consequenti, magno ornamento simul  
 & emolumento, uidere multorum ingenia atq; scrip-  
 ta: quod & multa addiscuntur à multis, quæ ad usum  
 & ma-

et manum quotidie opportuna accidere possunt: et lectio uaria ac multiplex iudicandi uim prudentiamque confirmat: quæ si uno duntaxat genere uersetur, nec habeat qui cum quid compareret, non delectu ullo ad id se applicuisse, etiam si sit optimum, sed casu et fortuna in illud solum incidisse uideatur. At nos delectu uolumus et iudicio ualere, uel maximè eius adolescentis naturam, de quo iam dudum insistimus loqui. Quamquam non est adolescentiæ iudicare, uigere ingenio illi etati potius cõuenit. Porro autem ingenij est, cum percipere celeriter id quod tradatur, tum uerò arrepto et demonstrante principio, præcurrere aliquantum, et ex paucis statim plura aliqua intelligere: quod quidem eximium, imprimisque optabile Deorum immortalium in nobis donum est. Iudicandi aut ipsa uis, non tam celeritatem, quam pondus habet, neque in præuidendo magis, quam in circumspiciendo est posita. Ex multis enim circumcirca sese offerentibus eligat illud oportet quod maximè sit accomodum: quod quidem fieri sine comparatione plurium non potest. Quam nobis probandi et adsciscendi potiora facultatem, usus rerum multarum et in hominum consilijs, fortuitisque euentibus longa agitatio, imprimisque lectio crudita et uaria affert: neque tamen absque illo naturæ munere, quo bono ingenio præditi in lucem uenimus: nam si ingenium absit, pro nihilo cuncta sunt, ut naturam ubique  
præcio

præcipuè dominari appareat. Sed etsi non est iudica-  
 tio propria adoleſcentiæ, eis tamen armis, & eo cultu,  
 comitatuq; rerum illa ornanda ætas est, ut cum matu-  
 rum fuerit, acutè queat & rectè iudicare: in quo maxi-  
 mam partem literarum scientia adiuuabit, & cogni-  
 tio uetustatis, & lectio quàm plurima summorum pro-  
 batiſſimorumq; autorum, quorum nemo est aspernan-  
 dus ex his, quos iniuria temporum de multis reliquos  
 nobis fecit: nec solū egregia utilitas, sed maxima quoq;  
 delectatio ex illorum lectione uaria percipietur. Iuua-  
 bit cognosſe ac mirari unā uim illam incredibilem ue-  
 hementiamq; Demosthenis: cuius oratio sic sensis inter-  
 ſe, quasi hamis conferta eſſe mihi uidetur, ut si literam  
 unam tollas, ſeriem totam labare ſit neceſſe: ita quidē  
 eſt pugnax, ut ſemper uincere: ita plena ac reſerta, ut  
 obruere: ita arguta, ut nunquam non decipere aduerſa-  
 rios poſſit: Quàm crebra præterea in ea prædicatio  
 antiquitatis, qui delectus uerborum ac ſententiarum,  
 quàm multæ ad laudem & ad decus ſumptæ ex tempo-  
 re & ex cauſa cohortationes? ut meritò huius unius  
 principis in dicendo gloria Graiæ gentis eloquentia  
 nitatur. Huius inimicus & in repub, aduerſarius Aef-  
 chines, toto genere omiſſior, canorū tamen habet quid-  
 dam & profluens. Subtilis Lyſias, & uerbis maximè  
 proprius. Nam Iſocratis eloquentiam, probatam  
 alioquin, nimis concinnitates, & quedam quaſi deli-  
 tiæ, ut

tiæ, ut minus uideretur uirilis, efficere. Horum & cæ-  
terorum, ut dico, crebra lectio non solum uoluptate  
afficit cognoscendis summorum hominum ingenijs ac  
dissimilitudinibus, sed auget etiam facultatē inter dis-  
similia & uaria genera dijudicandi. Quod idem de re-  
rum gestarum scriptoribus est dicendum, quorum nos-  
tris me hercule non minor est quàm Græcis, aut ele-  
gantia aut copia: atq; in his aliquanto etiam expres-  
sius apparet, quod ad confirmandam prudentiam ho-  
minum pertinet. Veterum enim ducum, & eorum qui  
in gubernatione rerum publicarum floruerunt, consi-  
lijs actisq; perdiscendis, & quid cauendum in uita, &  
quid sectandum sit, ex cunctis illorum facile intelli-  
gitur. Quid de Poëtis dicam? quorum cernis profeclō &  
quæ in utraq; lingua copia, & quanta non solum ad  
delicendos, uerumetiam ad impellendos animos no-  
stros uis sit. Atq; hoc genus sanctum, & Dijs amabile  
semper habitum est: non enim tam studio humanæ  
cogitatione, quàm spiritu quodam diuinitus inflati ui-  
dentur illa effundere, quæ sonis numerisq; constructa,  
aures sensusq; corripunt, & ad permiscendos ani-  
mos nostros, tanquàm illiquefacta funduntur, ut in quam-  
cūq; impulcrit partē, non uideatur posse obsisti. Quo  
etiam ex illa Platonis rep. quam is in libris perfectē  
condidit, poëtæ exire iussi sunt, ne si ad suum arbitriū,  
& quodcūq; eorū animis libuisset, scribere ac diuul-  
gare

gare aggressi essent, quod in communi liberum erat Græcia, ciuium suorum mores facillimè corrumperet. Et re uera plus est in hac facultate momenti, quàm quisquā forte suspicetur, tum ad frangendos atque eneruandos uoluptate aut cæteris permotionibus animos, tum rursus ad eosdem uirtute et constantia corroborandos. Sed quoniam hoc uidetur esse communis Musicæ officium, cuius pars uel præcipua poëtica est, eaque adeo sedes et basis, qua tota res musica collocata est et sustinetur, de ea est aliquid dicendum, si quid nobis uelimus hoc cursu, et hac commemoratione artium ingenuarum, et quem ad finem contendamus, prius exposuerimus. PAV. Equidem pendeo animi quo tu loco statuas esse poëtas, et illā Platonis sententiam pertimesco: sed tamen cum recordor, me, te autore, cum illis uiuere iandudum familiariter, eosque sæpius in manibus habere, consolor ipse me, nec uereor ut tu mihi illā uel oblectationem et requiē à seuerioribus studijs, uel etiam, ut ego experior, non mediocrem utilitatē ad linguā et uitā excolendā adimas. Nam si quis mei ingenij captus est ista expendenda, in quibus tamē quotidie uersor, nec intelligo quid Homero uberius aut magnificentius legere possim, nec quid Vergilio diuinius qui duo cum sint non singulorum sæpe hominum studio solū, sed ipsarum nationum contentione inter se comparati, utri dandus sit in hac laude principatus, seleo cre-

brō n=



brò usurpare sententiã tuam , qui sic dicere es solitus,  
Plurima esse in Homero quæ in cælum tolli , nihil in  
nostro quod melius possit optari: ab illo tamen tanquã  
fonte & patre omnium doctrinarũ, ceteros ueluti ri-  
uos fluxisse putas: Nam quòd comœdiam sepe affir-  
mas priuatæ uitæ & ciuilis consuetudinis esse magi-  
stram, speciem habet, ut ego arbitror, hos quoq; poë-  
tas non repudiantis. Quorum Terentius, ceu se datus  
amnis, quemadmodum fluat purè & leniter, nihil se-  
cum turbidum neq; fecatum deferens: utq; se accom-  
modet ad omnia quæ incidunt, aptè, scitè, eleganterq;  
& narranda & respondenda, quis legens non cum qua-  
dam animi delectatione miretur? in quo mihi uidetur  
habitare ipsa modestia. Sic enim cauet ab obsceno spur-  
coq; , ut interdum quid quanq; deceat personam , parũ  
attendere uideatur. Plaut. fort asselicientior, sed tamen  
quid eo ad locupletandã latinam orationẽ, & facilita-  
tem sermonis , copiamq; uerborum potest esse utilius?  
De poëtis ceteris non loquar , quorum est & Græcis  
& Latinis festiua copia: plurã enim genera Poëtarum  
habentur, quod in oratoribus fortasse non ita est. Sed  
hoc dicam communiter de uniuersis, cum sit aliquid in  
unoquoq; quod excellat in aliqua ingenij parte, & in  
plerisq; laudabilia permulta, non uideri hoc genus ab  
institutione bonorum morũ, & à studijs doctrinæ eius  
quam expetimus, repellendum esse. Quòd si fortunæ  
etema

et temporis iniquitas aut nobis in uetustis conseruan-  
dis autoribus tragœdiam reliquisset, aut non ademif-  
set Græcis comœdiam, magnam opinor uoluptatem  
ex Græcorum et Latinorum inter se scriptorum  
contentione caperemus. Sed quando hoc nobis bonam  
ereptum est, siue ista hominum iniuria fuerit, siue tem-  
poris, ex alternorum tamen lectione licet animadu-  
tere, quæ sit utriusq; generis uis: quanquam tragœdia  
fortè turbulentior, et ad concitandos diuersis affecti-  
bus animos non parum certè potentior. IAC. Politè  
ista admodum, et perquam commodè Paule. Itaq; gau-  
deo hac tua in expendendis scriptoribus Græcis et La-  
tinis attentione ac diligentia, in qua specimen nobis  
eximium tui ingenij præbes: mihi quidem non paruam  
laboris partem ademisti in discernendis et dijudican-  
dis poëtis. Nam hos modò quos commemorasti, et a-  
lios ferè horum similes, non legendos solum, sed haben-  
dos tibi perquam familiareis puto: nec usq; eò Plato-  
nis illud interdictum horreo, ut non putem bonum mo-  
rem potius poëtis, quàm poëtas bono mori legem esse  
laturos. Sed tamen neq; ille in eo statuendo, non ali-  
quid secutus est: et nos te nolimus in numero ducere  
poëtarum Sotadicos istos impuros uersificatores, qui  
ad omnem petulantiam progressi, omnia scurrilibus pro-  
bris referferunt. PAV. Nequaquam mi pater, intela-  
ligo enim quos dicas, nisi si quando illi legendi sunt, ut  
exce-

excellentium & grauium poetarum uirtus & sapien-  
 tia magis eluceat. Sed quod de Musica te uelle dixisti  
 dicere, id ego audire sanè aueo. IAC. Quippe qui  
 in hac arte patris tui cura apprimè à pueritia instru-  
 ctus fuisti. Sed ego non ea dicam quæ huius uulgatæ, &  
 triuiualis symphonie sint, cuius auribus tantum suauit a  
 te demulcendis omne est lenocinium, & quæ in sola pe-  
 nè uocum flexione ac modulatione ipsa consistunt. Hæc  
 enim uelut bonis moribus inimicissimant, iure & ab re  
 publica sua exclusit Plato, & in suas ciuitates Aegyp-  
 tij nunquam admifere. Sed dicendum est de uera Musi-  
 ca cuius animis ab agresti illo rigidoq; sensu ad urbani-  
 tatem reflectendis, & eisde rursus in mollicia nimia  
 perfluant, uirtute & constantia uiuendis, totum of-  
 ficiū est. Et quoniam diximus esse quiddam quod ar-  
 teuertendum primò nobis uideretur, sic habeto: eum,  
 quemadmodum in stadio fieri solet, nos in hoc discipli-  
 narū & artium ingenuarum ueluti decursu, quasi è  
 carceribus deducamus adolescentiā, ut eam in loco, ubi  
 est præmium certaminis positum, sistamus. Summū  
 esse illud & extremum quò tendimus, ipsam illam, de  
 qua totiens iam locuti sumus, perfectricem naturæ hu-  
 manæ ac rationis, & beatæ uitæ largitricem philosophi-  
 phiā: ad quā cū fuerit peruentum, constituenda in ea  
 sedes est, & omnium consiliōrū collocandum domici-  
 lū: quippe cum nec quod ad salutem nostri tranquilli-  
 tatemq;

tatemq; pertineat, nec quod ad sani animi plurimas capiendas voluptates utile sit, quicquā ibi possit deesse. Porro exorsus huius nostræ deductionis grammaticæ ipsa extitit, è qua cum tantum insliteris in ea quantum fuerit necesse, ad ornandam & excolendam alia quædam arte & doctrina orationem discedendum est: cuius imprimis necessaria & maximè præclaræ facultatis studiū in omnem reliquam deinceps uitam pertinere debere diximus, tanquam sine qua magnus uir quissiam, & inter cæteros gloria eminens, nec domi, nec uerò etiam belli existere facile possit. Verum etsi hanc exercitationem grauitè, distinctè, ornateq; differendi qua de re cunq; fuerit propositum, comitem adolescētī in omnem ætatem tradimus: cum unā cum eo ad philosophiam tanquā ad mare fluuius peruecta fuerit, coalescat cum illa impunum quasi corpus & confluat: sic eam uolumus aliarum artium ac disciplinarum, tanquā aquarum & fluminum accessu, uberiorem fluere. Itaq; nulla est earum artium, quæ liberales sunt, & ingenuo homine dignæ existimantur, non suscipienda adolescenti, quatenus commodum sit, hoc est, ut tantum in unaquaque ponatur temporis, quantum fuerit satis: nam neq; erit negocium difficile, & ille tamen societate & consensu quodam nexæ inter se & colligatæ sunt, ut qui in unam penitus intrarit, facilem sibi aditum patefaciat ad cæteras. Itaq; antiqui illi Græci, qui

qui hæc curiosius & in maiore ocio quàm nostri tractauerunt, cum cernerent ad perfectam summamq; sapientiam, quam illi in gubernatione rerum publicarũ, & in excellendo ac præstando cæteris hominibus consilio ac eloquentia positã arbitrabantur, iter esse per huiuscemodi artes, præceptores quidem dicendi simul & sapiendi, quos illi Sophistas uocabant, quasi ciuilis prudetiæ magistros, impenso cõducebãt precio liberis, ut affixi illis semper, ab eorum latere nunquam discederent. Ad alios uerò doctores, Geometras, Musicos, Astronomos, filios tanquam decambulatum iuebant duci: apud quos tamen aliquid reperirent quod operæ precium esset addiscere. Sed cū etas puerilis & paulò etiam magis adolescens, plurimo igni citata & uiuida, quiescere nullo pacto queat, semperq; in agitato motuq; sit, nec garriendi, cursandi, clamandi constituat modum, quas putauerunt artes regendæ illi etati et temperamento quodam fingendæ idoneas potissimè esse, eas primas adhibuerunt, gymnasticam uidelicet et musicam: quarũ altera corporis in puero motus, altera animi, effusos ipsos per sese & immoderatos, sub leges quasdam redigeret: ut cū suos naturæ cursus impetuq; permisisset, affingeret tamen quiddam ex arte & disciplina, quod cum uenustatem omnibus illis motionibus, tum corpori ualitudinem, animo modestiam præterea posset asserre. Ac quod ad corpus quidem &

eius exercitationes attinet, permulta ex illo antiquo usu contraria consuetudine sublata sunt : non enim nos neq; frequentibus balneis utimur, neq; quotidie lauamus, quod illi studio faciebant : nec oleum iam diu aut palæstram ullam nouimus: tantum quæ erant Romanæ exercitationis propria, in nostris moribus remanserunt pleraq; equitare, currere, pila ludere, iaculum mittere, certare rudibus, & si qua eiusmodi sunt ad laborem corporis ualitudinemq; spectantia, quæ non tam sunt artis, quam studij, & in quibus decor omnis accersendus est, non à præceptis magistri, sed ab ipsius ingenio & modestia adolescentis. Vnum etiam reliquum est commune gymnasticæ & musicæ, agitando corporis artificium, quod in choreis situm est, & in ipsa arte studioq; ad fidiũ sonitum tibiærumuè saltandi. In quo ipso tamen musicæ priores partes obtinet, ad quam, quoniã de gymnastica satis est dictũ, eis coloribus quos probauit antiquitas in puerorum animis, depingendam iam transeamus. PAV. Quam uereor, ne hoc quicquid ego didici musices, ex eo genere sit, quod tibi minus probandum esse uideatur : quanquam ego iam dudum ab illo propè defueui, & ut tu uidere potes, minus minusq; eo quotidie delector, & ad hanc grauiorem & nobiliorem musicen, quam conspicio in poëtis, libentius me dedo, quæ animum meum illis numeris & dignitate ac grauitate sententiarum propè in cælum rapit.

pit. IAC. Quod didicisti Paule de uocibus & tonis  
 (sic enim uos appellatis) aut tollendis in acutum, aut  
 rursus in graue deprimendis, itemq; de certis falsisq;  
 uoculis, necnon de eo quantum integer tonus, quantum  
 dimidiatus pendat, quæ sit in diapason uis, quæ in dia=  
 pente, qui gradus uocum numeriq;, & ipsorum inter  
 se permutationes, quæ cui uoci cum uoce quaq; conso=  
 nantia, & si qua sunt talia musici ludici documēta, nō  
 inficiabor ea abs te et ritè & necessario percepta esse.  
 Sed harum rerū cognitio est non difficilis: illud uiden=  
 dum, ne malo usu ars sine dubio ad hominis naturam  
 imprimis accommodata, si corrupta ea sit, mores dein  
 de quoq; & animos nostros ipsa corrumpat. Etenim  
 nihil est profectò ad obligandum & comprehendendū  
 animum numero potentius, nec quod se magis illi infi=  
 nuet, aut normam legemq; præscribat, quemadmo=  
 dum cum uelit moueri & affici. Declarat hoc tacite  
 ipsa sæpe lectio oratorum & poëtarum, quando in  
 utrisq; numerus modi q; sunt, & mensuræ interualla q;  
 uerborum, etsi in poëtis id multo est expressius: sed ta=  
 men hos cum legimus, sentimus nos intus affici, & quā  
 numerosa illa uis sese inferat, cum hac unā ferri, & in  
 omnem partem pertrahi sensus nostros. Quòd si uox  
 cantusq; accedat illi compositioni accommodatus &  
 congruens, uix ullam animi robur obstitit, quin det  
 manus, & se ducendum tanquam addictum præbeat.

Quid ergo est? quo plus in hoc genere est actionis & uirium, hoc magis prouidendum erat (quod tamen ne quaquàm sit) ut ne cuiq; liberum esset, quemadmodum quisq; uellet musicæ modos & uariare & flectere, sed statim quibusdam & publicè probatis omnes cogerentur uti. Quod quidem antiquitus Lacedæmone usque eò seuerè fuit obseruatum, ut Timotheum citharædum nobilem imprimis magno concursu artem Sparte profitentem, quòd chordam unam addidisset in cithara, tanquam soluentem leges, & Labefactantem iuuenum disciplinam, illa ciuitas exterminandum curauerit. Quòd si queratur qui modus sit in musicis tenendus, hæc ego omnia attendenda esse puto: cum cor. str. cho-  
rus ex tribus, sententia, rhythmo (hic enim numerus nobis est) & uoce. Primum quidem omnium & potissimum sententiam esse, utpote quæ sit sedes & fundamentum reliquorum, & per se ipsa ualeat non minus ad suadendum animo uel dissuadendum: numeris autem modisq; contorta penetret multo acrius, si uerò etiam cantu & uoce fuerit modulata, iam omneis intus sensus & hominem totum possideat. Videndum est igitur acutè uel ciuitati, si quæ fortè aliquando publicè huius rei suscepit curam, uel priuato ciui, qui bene & pudice erudiendi filij certè sit curiosus: ita ut addiscatur ista ars, ut quod subiectum materiesq; est artis, uerba uidelicet & sententiæ, ex genere eo sint, quod



quod ad optimos conseruandos alendosq; mores ualeat plurimum. Quod idoneè fiet, si aut laudes clarorum uirorum, eorumq; dicta & pronunciata ad uirtutem pertinentia, aut diuinæ res, & de Deo ipsæ prædicabuntur, quæ habent illius bonitatis, benignitatis, clementiæq; commemorationem, cum maxima nostrantilitate beneficijsq; coniunctam: cuiusmodi primum scripsit in Originibus Cato, usurpatum fuisse apud ueteres Romanos, ut post epulas ad tibiam fortium uirorum laudes, & præclara in patriam merita canerentur. Altero interdum utuntur poëtæ, ut apud Virgilium Iopas, de sole, & luna, & coelestibus rebus illic canens: apud nos uerò sublimius multo atq; sanctius, qui sacris numeris diuinæ potestatis & erga nos beneficentiæ mysteria cecinerunt: quod & nuper musis omnibus approbantibus fecit homo ingenio & eloquentia, et Christiana pietate in omni poetica facultate præstas, Actius Syncerus. Hac quidē basi supposita et collocata, adhibendus iā deinceps numerus est: qui nequaquā poterit profectò fluidus esse, & mollis, & inconstans, si dignitatem illius sententiæ aptè debeat modulari: sed habebit suauitatem austerā et uirilem necessariò, grauesq; confectabitur modos. Non enim aut natura ipsa fert, aut nostra potest pati expectatio: ut factū egregiū Nutij Scæuæ si quis narrando astringat numeris celestibus, id iambis debeat euoluere: festinationis enim &

auditis, & turbati iratiq; animi pedes illi sunt non  
constantis inuictæq; uirtutis. Neq; item deuotio illa  
Deciorum, & in medios hostes procursus, cum se illi  
pro patriæ salute ad certam proiecere mortem, molli  
bus elegis aut fluentibus dithirambis uinciendus est:  
sed horum querit carmen, ut dignitatem rerum par  
numerus consequatur. Porro sententia & numero con  
sonantibus non poterit uox illis solidum & uirile te=  
nentibus ipsa infracta & muliebris esse, qui iam crit  
concentus non solum ad bonos mores & disciplinam  
utilis, sed etiam, ut mea fert opinio, iucunditate ipsa,  
& amœnitate longè superior; non enim dulci quodam  
ueluti decocto satietatem citò afferret, & sensus fasti=  
dio abalienabit, sed suauitatem auctoritate condiens te  
nebit diutius, atq; in adolescentium animis insinuans  
præclarum illud fœdus honestatis cum uoluptate, quod  
caput esse bonorum morum diximus, idoneum erit, id  
& conciliare in animo, & conseruare. Hanc ego mu=  
sicam & tibi Paule, & omnibus adolescentibus qui uir  
tutis uolunt esse studiosi, & sectandam cupidè, & fir=  
miter comprehendendam præcipio: quanquam tu qui  
dem nostra monita tuo studio antecedis. Nam ista quæ  
nunc uulgò & passim celebris est musica, quid habere  
in se potest recti ac decori, quæ aut nulla uerborum fer  
mè & sententiarum sede suffulta sit: aut si etiã habeat  
subiectam aliquam sententiam, illius tamen sensum ac  
notio

notionem concise fractis ac uibratis inter fauces uocibus infuscet et impediat? quasi uerò iccirco reperta musica sit, non quæ mulceat temperetque animos, sed quæ auribus tantum deseruiat, et imitetur uolucrum ac bestiarum cantus, quarum tamen similes esse nollemus. At hoc est corporeum animum efficere, et minimè cōpotē sui. A quo iure optimo cū abhorreret Plato, huic esset tali in sua ciuitate noluit locum: namque ubi molles in fracta, uoluptariæque sententiæ paribus numeris, et simili uocū modulamine proferuntur, uel ad libidines fluxa, uel in doloribus languentes, uel ad subitos turbidi animi motus præcipites, et concitatæ, quam tu ibi labem uirtutis, quam bonorum morum uastitatem fieri putas? Et nimirum hoc modo primum pristinum suū morem rectum et laudabile corrumpit Græcia theatris et scenis nimium frequentandis, chorisque illis imprius adsciscendis, qui suauitate aures, animos autem maximè affectionibus uarijs permouissent: inde in urbem Romam deuecta illa perniciēs, neruos antiquæ grauitatis perfregit, et discidit. Nostra autem hæc ætate quid sperari debeat boni ex huiusmodi musica, promptum est cognoscere, cum uideamus quibus moribus sint hi, qui eam tradunt et profitentur. Quamobrem non illa hæc est digna homine libero, sed quam paulo antè protulimus, laudabili sententiā, grauibus numeris, uoce uirili ad studium uirtutis animum accēden-

tem. Cui si adiungatur præterea motus agitatioq; corporis ad sonum numerumq; conuersa, iam saltatio exoritur, & choreæ ipsæ, quarum nos usum non penitus interdiciamus adolescentiæ, raro modò illæ & sobriè exerceantur: non inutiles erunt exhilarandis animis, & ex studiorum laborè & contracta illa cura reficiendis. Verùm missas eas facere celeriter oportet, & saltationem totam deserere: maturè enim fit inepta, ne quæ potest cum grauitate uirili, sedationibusq; moribus ullo pacto in unum locum tempusq; conuenire. Paulatim deinde quoq; cantus & uocis modulatio relinquenda est, ut ne utamur ea ipsi, non ut ne audiamus utenteis alios. Nam auditio cuiusq; ætati concessa sanè sit, etiam senectæ, & ultimæ, dū modicè fiat, neq; nimis dedita opera expetatur. Rhythmos quidem & sententias numeris astrictas ex illo genere graui, siue in legendis poëtis, siue in carminibus interdum etiam pangendis, omnis uitæ comites uolumus esse. Habent enim amœnum iuxta atq; opportunum à seuerioribus sepe studijs & publicis ciuicis occupationibusq; diuersorium. PAV. Percepi planè mi pater, & quid tu adsciscis, probesq; in musicis, & quid repellis: dabo operam igitur ut tibi in utroq; ac ueritati ipsi satisfaciam. IAC. Ne Arithmetica quidem Paule non aduocanda est in cæterarum consortium disciplinarum, quæ est ipsa ars & scientia numerandi: cuius usus ita nobis

nobis necessarius est, ut uideamur absq; ea ne quot digitos quidem habeamus in manibus, aut quot oculis intueamur scire posse: qd' ridiculè uidetur accidisse priscis hominibus ante Palamedē, cuius hoc inuentū apud Troiam fuisse fertur: quo quidem tempore neq; Agamemnon tanti exercitus dux, neq; is qui in consilijs excellere ab Homero dictus est Nestor, neq; uerò Vlyssēs mortaliū omnium uersutissimus, numerum earū nauium, quibus appulerunt ad Troiam, potuissent dicere. Sed fabulis missis, huius artis scientia atq; exercitatio adolescentibus tradenda est, quatenus quidem expedit: principia enim certè percipiēda sunt, & introrsum nonnihil penetrandum, ut numerorū differentias, parisq; & imparis uim, ac ipsorum inter se multiplices ac uarios intelligamus nexus, responsusq; propè mirabiles referentiū certis interuallis & spacijs priores in numeris antecedentibus affectiones ac notas posteriorū semper numerorū, ac si qua sunt alia eiusdē modi, quæ cum ingenua oblectatione noscendæ artis liberalissimè ad acuendum excitandumq; ingenium præcipuè idoneæ sunt, mentemq; præterea à corporeis abstrahunt rebus, & ad meliorem suimet usum conuertunt: ut sua ui nixa, neq; sensibilibus rerum diuerberata cogitationibus, in illa æterna & immobili ueritate intuēda firmitus hæcere possit. Id quod scientia hæc habet impri-

mis, Est enim numerorum ea natura & uis, ut null-

lo aut

lo aut minimo commercio cum fluxis rebus, & nunquam in eodem statu manentibus implicata sit, sed tanquam pura & simplex, & sibi seposita uirgo, non ad eum oculis, nec manibus, sed castis tantummodo mentibus attrectetur. Quo etiam deterius sibi ex illa & suae uitae auspiciū faciunt, qui illam eius partem, quae in subducendis & colligendis summis posita est, quam rationatiuam appellamus, conferunt ad quæstum, neque emolumentum ex ea sibi met ipsis, sed arcæ & loculis suis appetunt. Etsi enim huic quoque ministerio appositā est, non alio fini tamen recte usurpatur, quam ut belli & domi bene geratur respublica. & priuatae quoque rationes ordine administrentur, quae sine hoc studio teneri rite non queunt. Ac quæstus quidem ingenuis animis turpis semper & sordidus est: recta autem communis rei priuatæque gubernatio, sapientis hominis propria. Quid quod ab ista arte cæteris omnibus artibus, quas mathematicas uocamus, principia traduntur, nec sine hac illæ suū munus obire possunt? Quid enim sine notione numerorum Musica? Quid Geometria? Quid ipsa cœli & syderū speculatrix Astrologia potest efficere? Quæ cum artes ab hac arte numerum tanquam animum acceperint, uestiunt deinde illum ipse, & de suo aliquid quasi corpus adglutinant: ut uerbi causa, Vnitati, qua nihil est in natura rerū simplicius, neque in seipsa contractius, & ab omni omnino aliena re absolutius.

lutius, situm & positionem Geometria addit, Musica sonum, uisum etiam & motum adiungit Astrologia. Quid? Geometriam quibus uerbis honestabimus? cuius uis disciplinæ latius etiam permanat, & in omneis artes penitus opificiaq; humanæ uitæ diffusa est. Cum enim puncti sit, linearum, superficierum, figurarum tã in plano, quàm in solido scientia, certissimisq; nixa rationibus & fundamentis, nusquam labatur, nunquã titubet, cum admirabiles præbet in tuenda ueritate animis uoluptates, tum omnibus apta rebus non solum atque appositæ, uerum imprimis etiam & maximè necessaria est. Illud enim quod unum cõtinet omnia, quæ arte & manu effici solent, libratio ipsa & collocatio, & unius ad alteram proportionem facta commensio, Geometrica tota est: neq; starent tecta urbium & moenia, illaq; ampla & præclara operum monumenta, quæ in templis, theatris, fornicibus uetustis Romanæ urbis adhuc conspiciamus, non tanta admiratione nos afficerent, nisi Geometricis fuissent elaborata mensionibus. Quid columnæ, porticusq;? Quid belli instrumenta, & machinæ? Quid fingendi, pingendi, & aut ex ære, aut ex marmore cudendi tantis opificum ingenijs nobilitata quondam, & solis ingenuis permissa ars? ipsaq; tota nauigatio, & locorum, orarũ, regionũ, littorum ex geographia sumpta descriptio? agrorumq; dimensus, & aquarum deriuationes? ac deniq; ne sim=

gula

gula memorem, quicquid uel oculis spectabile & magnificum, uel ad usus uitæ commodū ac necessariū est, huius omne est artis & geometricæ facultatis inuentum. Quæquam quid nos manufacta recensemus? cum ipsa hæc cœlestia quæ supra nos circūq; torquentur, quorū & species & utilitas nulla est oratione explicabilis, ipsaq; itē ista leuis et grauis in inferiore mundo & cōmutabili connexio librat aq; paribus momentis æqualitas, qua diuersæ res, & plurimū inter se repugnantes, ita ligantur & uinciuntur unā, ut cum se alterne maximè fugiant, sic maximè contineantur, ratione geometrica quidem, sed ea diuina, fabricata sint. Hanc tantā huius artis uim & potestatem cum intellexeret Archimedes, qui unus fuisse traditur in hac scientia longè omnibus præstans, dictitare solitus erat, confidere sese, si alter inuentus foret terrarū orbis, hūc posse ad illum applicare & adiungere. Et sanè ea ille de se indicia perhibebat, ut nō id loqui temerè, neq; inaniter & falso gloriari uideretur. Ponderū enim & mēsurarū rationes, quibus reguntur dirigunturq; omnia, cum ex Geometria optimè calleret, intelligebat earum uim non quotidianis modò his instrumentis subsidijsq; cōmunis uitæ, sed maximis etiam uoluendis & moliendis rebus idoneam esse. Atq; hic tantus uir, qui patriæ suæ obsessæ contra exercitus Romani uim, et maximi imperatoris uirtutē, propter Geometriæ & pōderum



derum scientiam unus fuit auxilio: reprehensione tamen non caruit, quod scientiam hoc ipso in primis notabilem, quod à sensibus oculisq; remota, sola mentis intelligentiaq; nitatur, quasi direpto honore prodixisset in publicum, Etenim apud illos eruditos Academiae pulveres, ubi ista quondā liberalius tractabantur, potior quaedā & magis occulta expendebatur huiusce artis vis, siuctusq; petebatur alendis atq; ornandis bonis ingenijs multo uberior, qui non in oculis & admiratione uulgi, sed in ipsius ueri contemplatione artisq; speculamentis, quæ theoremata Græci uocant, positus esset, quæ perpetua serie aliud ex alio, tanquā orta tractaq; sic subtiliter, uerè, perspicueq; monstrātur, ut illa cognoscēdi suauitate contētus animus nil amplius requirat: ne suæ tranquillissimæ uoluptati, populari extrinsecus plausu uelit obstrepi. PAV. Dij immortales, tot ne & tanta nobis cognoscenda esse præcipis, præsertim properantibus ad philosophiam, quæ uideantur singula unius ætatem hominis distingere facile posse? etsi tibi ego assentior, fateorq; debere omnia percipi, si etiā potis est, ad eamq; rem sane alacris animo sum. Sed audio tamē sæpe permultos accusantes breuitatem hominum uitæ, & difficultatem, ac magnitudinem huiusmodi artium uerbis exaggerantes, quasi earū finis nulla capi possit. Itaque habent illud Theophrasti identidem in ore, qui moriens accusasse naturam dicitur,

tur, quæ brutis animantibus, uolucrisq; nonnullis per longa uiuendi spatia tribuisset, cum eorū nihil illa res interesset: hominem uerò qui esset ad intelligendum et contemplandum natus, tunc potissimum extingueret, cum is mente & ratione bene uti uix cepisset. Quorū de opinione quid sentias, itemq; ad philosophiam percipiendam quam præcipuè sectamur, ecquā in istis quas commemorasti, artibus opportunitatem esse constituas, audire, si placet, sanè uelim. IAC. Maximam Paule, ut tibi ad posterius tuum respondeam prius, neque eam simplicem & uniusmodi, sed multis rationibus utilem & accommodatam: nam cum omnis cognitio & scientia est liberalis, tum aut artes hæ, de quibus iam dudū loquimur, illius ipsius, quam appetimus, philosophiæ, tanquam unius magni corporis quasi membra quædam sunt. Quicquid enim in rerū naturis tractandis noscendisq; quocunq; ille è genere sint, & in illarum uerò intueundo uersatur atq; inheret, totū sub ditione philosophiæ est, ac lumine illius, tanquam ueritatis radiò illustratur. Porro in Philosophia quædam sunt quæ cæterorum maxima præstantissimæq; habentur, qualis est de summo omnium bono cognitio, deq; eo quod summè est, quodq; cæteris causam, ut sint, præbet: & si qua sunt alia eiusdem modi naturæ illius eximie & principis cognata atq; affinia: ad quæ intelligenda, quoniā in excelsissimo mentis loco posita sunt,

per

per huiusmodi studia & disciplinas, tanquam per cli-  
uos gradusq; scanditur : multaq; adhibentur ex hisce  
ipsis facultatibus mentē animūq; adminiculātia, & in  
sublime tolli adiuantia: sine quibus labare atq; errare  
ferme esset necesse, ut harum in hac quoq; parte egre-  
gia artium opera utilisq; reperiatur: uerum illa palma-  
ris, quod auocant animum à sensibus, ipsumq; docent,  
per semetipsum quæ consideranda sunt, ea seorsum à  
sensionum corporarum strepitu, solum in semetipso  
considerare & cernere, quod est maximè certum &  
propriū philosophi munus. Nam cum naturas rerum  
omniū, & illud ipsum quod sunt, uel summouerit pro-  
cul natura à conspectu nostro, uel quas etiam obtulit,  
& tradidit nobis penè contubernales, tantis eas tamen  
inuolucris contexerit, ut aures, oculos, cæterosq; sen-  
sus permoueant modò, menti autem ipsi conāti appre-  
hendere illud quod quidq; est, offundant tenebras: non  
fuit mediocris operæ, neq; exigui laboris, facere ani-  
mum ipsum sibi met uiam per mediam turbam, concur-  
sionemq; sensilium, & illud ipsum inuenire, quod quæ-  
que res una est, unum ipsum scilicet idemq; semper, ne-  
que tēpore ullo, neq; mutatione uariabile. Quod quo-  
niam nullo pacto fieri potuit, nisi coercitis & reiectis  
sensibus, ac illis etiam imaginum similitudinibus, quæ  
ex sensationibus rerum exterarū introductæ in animum  
atq; impressæ uolitant uagæ, contemplantiq; obstre-  
punt,

pūt, silere penitus iussis: idcirco ut quæq; ars sic se gerere animum, atque à sensibus quoad potest discedere, redireq; sese maximè docet, ita maximè ad philosophiam utilis ea atq; opportuna est, quòd in his numerandi metièdiq; disciplinis præcipuè licet cernere: illæ enim menti ea tractanda cogitandaq; proponunt, quæ à motu, quæ à sensu, quæ à tempore, quæ à uarietate, à discrepantia, à contrarijs pulsionibus penitus remota alienaq; existunt, perpetuamq; obtinent & immutabilem in seipsis cōstantiam ac ueritatem. Quæ cū sit familiaris philosophiæ facultas, mathematicæ istæ artes & scientiæ, uel quòd animum sic erudiunt, ut solus ad speculandum sua uiniti & confidere consuescat, uel quòd ipse quoq; philosophiæ partes & membra quodam modo sunt, ad illam ipsam aspirantibus noscendæ quadā tenus, nec sine honore debito sunt prætereundæ. Nam quòd magnitudo earum deterreat non nullos, & desperare penè sibi cogat, non est hoc artis, nec difficultatis ex arte, sed imbecillitatis, & desidia uitium. Equidem nō eo inficias, esse in artibus ipsis non difficultatē mehercule, neq; operositatē (ut ita loquar) abhorret enim res à natura uerbi, sed subtilitatem potius, & abstrusionem quandam rerum intelligibilium, nequaquam expositā populo, nec patentem hebetibus tardisq; ingenijs, quæ tamē acutorū, & ualentium ingeniorum aciem non effugiat, quo illa paruo ductu exiguaq;

mon=

monstratione intenta, tam facile tamq; celeriter penetrant, nō ut alienas & inhospitas peragrarē regiones, sed uti in suo regno dominari uideantur. Est enim per magna hominum ingenijs innata uis, in quibus illa hominibus ab natura bene locata & constituta sunt: atq; ita magna, ut neq; numero rerū, quas concipiūt apprehendunt que, uincantur, neq; amplitudine & mole operantur, nec tenuitate acuminēq; frustrentur. Sed quemadmodū oculi, quibus à natura uegeti & perspicaces sunt traditi, facili leniq; cōuersu in quam se cūq; dederint partē, celeriter omnia & sine labore quæ uolunt contuentur: Sic mens bene instituta, & subornata à natura ad omnia cōprehendenda in quæ intenderit, est perspicax. An si hoc esset difficile, tantopere plurimum artium scientia & copijs se instruere, tot olim è scholis Græciæ doctissimi homines prodissent, illāq; magnificam & gloriosam (ut tum qui dē uidebatur) promulgassent uocem, sese paratos esse omnibus quacūq; de re quis quæreret, statim respondere? Quod primus fecisse traditur Leontinus Gorgias: cui quidē ob eam rē tanti honores à cōmuni Græcia habiti sunt, ut ex omnibus uni non inaurata Delphis, sed aurea statua collocaretur: quæ tamen nouæ ostentationis professio principiō id admiratione habita, postea turba & multitudine idem facientium, profitentiumq; euiluit: atq; alij tamen suo ingenio & studio ostentando, artium

istarum, quas liberales dicimus, & bonarum literarum regionibus se tenuerunt. Hippias uero, qui in Olympiorum celebritate totius Græciæ multo maxima, non solum ingenuas omneis disciplinas callere sese, earumque idoneum cuius autorem & magistrum se fore professus sit, se palam audiente Græciæ, etiam annulum quem in digito haberet, soccos quibus indutus, pallium quo amictus esset, ab sese factos & fabricatos gloriatus est, nonne declarat nullam esse artem quæ effugere hominis ingenium aciemque possit? quanquam iste quidem fortassis nugator, et cæteri cum illa gloria non ferendi. Ad illos te reuoco, qui summam uim & gloriam perfectæ sapientiæ sine ulla ostentatione consecuti sunt. An tu putas quicquam fuisse in rerum natura, aut in ullius artis scientia, quod aut amplitudinem prudentiamque Platonis, aut acumen ingeniumque Aristotelis, aut ubertatem Theophrasti, aut Polemonis, Arcesilæ, Chrysippi, Carneadis copiam diligentiamque præterierit? quamquam horum quidem talium & multitudine & gloria redundauit uetus Græciæ, ut singulos nominari non sit necesse. Nostri in hoc genere infrequentiores, quod accidit fortunæ uitio. Vix enim apertò ad philosophiæ aditu, primus M. Varro ueterum omnium doctissimus, deinde flumē illud aureū eloquentiæ Cicero eò se immerat, Romanæque ingenia secum pertrahebat, cum repetitæ cōmutato reip. statu, barbari & mores et literæ silentium

tium optimis artibus indixere. Sed ut ab illis antiquis seculis ad nostra tempora deueniamus: non te puto arbitrari eum quem maxime miraris, quem semper in manibus habes, quem assidue legis, Petrum Bembum, sine multarum disciplinarum cognitione et scientia ad tam eximiam laudem eloquentiae totiusque sapientiae peruenire potuisse: in quo quidem homine maximum est ornamentum aetati nostrae constitutum, et mihi singularis ex eo letitia, quando nos inter nos sanctissimo foedere amicitiae iam inde ab adolescentia coniuncti, nihil germanis fratribus in amore mutuo concedimus. Quid de Hieronymo Aleandro? Quid de Desiderio Erasmo dicam, hominibus doctissimis, et omnium artium ac doctrinarum cognitione, usu, memoriaque celebratissimis? Quid de Andrea Alciato nostro? ac ne longius abeam, tuus Paule Gregorius Lilius, cuius tu primo, cum patre tuo etiam dum cum esses, autoritate et diligentia bonis literis imbutus es: nonne complurium doctrinarum scientiam sine difficultate tanta affecutus est? Nam is quo cum ipse assidue uiuit, quem nos quoque admirari soliti sumus, uir clarissimus et nobilissimus Ioan. Franciscus Picus, cuius tandem scientiae aut disciplinae expertus ulli unquam uisus est? qui cum haberet domesticum exemplum quod imitaretur, hominis omnium in omni uirtute et doctrina maximi, Ioannis Pici patris sui, suo ingenio diligentiaque perfecit, ut non illum desiderare iam mortuum, sed eum



in huius ipsius eodem sanguine procreati, doctrina & moribus recognoscere possimus. Verum ne sit infinitum numerare omnes, qui studio acri atq; ingenio præditi in pluribus artibus facultatibusq; uiguerunt, sic in præsentia concludamus. Cum hæc quæ in ingenuis & præclarissimis artibus posita sunt, habeant quandã in dissimilibus generibus, consimilem tamen ad quærendũ & inuestigandum uiam, per quam tanquam uno eodemq; spiritu omnia contineantur : fœcilè patère ea bonis & acutis & uigilantibus ingenijs, ijsq; ad comprehendendum parata expositaq; esse: tardis autẽ, atque hebetibus, et imbecillitate desidiaq; corruptis apparere difficilima, uerissimè ut dictũ esse uideatur, aut citò ea percipi, aut nunquam : quod non uarietatis in illis, neque artium difficultatis, sed ingeniorum & uoluntatum omnino sit discrimen. Nec si qui extiterunt, extantq; quotidie, qui singularem aliquam ex his artem cũ sibi tractandam cognoscendamq; proposuissent, omnem suam ætatem in ea cõsumpserunt, id sanè mirandũ est: quod idem potest contingere nauigantibus, ut cùm sibi portum aliquem proposuerint, quò uelint proficisci, capti fortè inter nauigandũ alicuius loci amœnitate, dimisso pristino cursu, resideant ibidem, & sua omnia componant. Properantibus quidem ad philosophiam (ut tu modò dixisti) in qua est portus nostris fortunis constitutus, hæc tanquam diuersoria capienda sunt, commorandumq;



randumq; in his, quoad expedit, & cognitioni satis sit, quæ hæcenus esse debet, ut locorum situm & mores cultusq; hominum non tanquam ciuis & incola, sed ut curiosus uiator inspexisse uideare: ut cū cōdem fortasse redeundum tibi fuerit, non itineris monstrator quærendus, sed notum & familiare hospitium sit ineundū. Sic in disciplinis & artibus cæteris, per quas gradimur tendimusq; ad philosophiā, ipsa artium principia & fundamenta cognoscenda sunt, capitaq; illa rerum, è quibus omnis postea ad singulas tractandas & confirmandas res argumentatio ducitur, percipienda penitus, & in memoria sunt constituenda. Aliquæ etiam singulares noscendæ quæstiones, neq; omnes tamē quæcūq; in illa arte colligi & cōcludi possunt: id enim iam infinitū est, et in quo cōplures uiri boni tēpus omne suū atq; ociū disposuere, capti illecebra desidiosæ cuiusdā delectationis: parit enim ex sese semper aliquid atq; gignit ipsa in unaquaq; arte assidua uolutatio, quod cum uoluptate contēplere, dum res cūctas minutatim obire uult, quæ sub illius artis cadunt notionem: nec modum sibi facit, nisi is se euoluat & explicet, qui quæadmodū Vlysses maiore ui ad se eijciendū nixus est, quàm ut ad Sirenarum cātus possit adherescere. Illud possum ego confirmare & polliceri audacter, si quis per hæc facultates & disciplinas contenderit ad philosophiam, & illarum cognitione doctrinaq; mediocri nō tam in-

structus quàm imbutus, huic omnium scientiarum domine totum sese dediderit, fore uti postea cum usus acciderit, ad illarum unam quamcunque rediens, & aliquid in ea nosse tractareq; instituens, multo id & facilius agat & melius, quàm si expers philosophiæ in illius unius studio ætatem totam contriuiisset: reuertetur enim ex opibus copijsq; philosophiæ, & animo & ingenio multo paratior. PAV. Iam intelligo mi pater, & facilitatem illam quam dicis, & modum, & ordinem quem tenendum putas, prorsusq; ita agi oportere persuasus sum. Sed quod sæpius iam mihi te loquente accidit, ut amore quodam ferrer ad philosophiam, eò nunc uehementius me inflammari sentio, quòd nihil usquam præclarum neq; appetendum esse uideo, quod non ex illa, aut propter illam sit. Ecquis igitur mihi ille erit dies, cum in tanti possessione boni, Decorum immortalium summo, & tuo pater beneficio positum esse me cognoscā? IAC. Et breue est quod tibi uia etiā nunc restat, & omnia futura sunt tuo isti animo facillima: ac moralis quidē philosophiæ initia iam attigisti, ad summas autem & altissimas philosophiæ partes ac rationes certa semita est, qua ego te deducam, cum curriculum hoc confeceris, quod tamen totum penè percucurristi: cæteris enim liberalibus disciplinis à te perceptis, Geometriæ aliquantum plus & Astrologiæ quoq; studiij ac temporis est impendendum: quod tamen utrumq;

una

una æstas effecerit, at ita ut omnia è Græcis scriptoribus petas, quando latina perturbatius scripta sunt. Et quoniam de Astrologia adhuc nihil diximus, ne ea quidem silentio uidetur prætereunda esse, quæ est cœlestium, non tam naturarum & corporum (id enim philosophiæ munus est) quàm motuum illorum tot atque tantorum, & diurnarum ac nocturnarum concursionum circuitionumq; tam in uniuersis globis continentibus omnia, quàm in ipsis stellis sideribusq; scientia: cuius nō omnes partes, neq; singula articulatim membra nosse necesse est, nisi si quis illam artem uelit profiteri. Scire quidem quantum satis est ad philosophiam tendentibus, & quod in facultatis illius principijs consistit addiscere, certè humanum est. Quis enim est tam agresti animo, & tam auersus aureis suis ab ipsa uoce naturæ, qui non spectaculo & contemplatione tantorū luminū, ad aliquā eorū considerationem moueatur? aut qui nō studeat nosse locū in quo siti sumus, mediū, infimus, an summus ille sit? ortus quoq; signorū & obitus, solisq; & lunæ, & cæterorum errantium conuersiones, tum dispares inter se, tum suis tamen unamquāq; spatijs & temporibus solennes atq; statas: astrorū quoque ipsorum unius ad aliud accessus, & plerunq; antecessus, subitos etiam interdū recessus: Defectus item (ut poët. a inquit) Solis uarios, Lunæq; labores, Cur tantum oceano properent se tingere soles Hyberni, uel

C s que

quæ tardis mora noctibus obstet: et cætera eiusdem modi quæ qui percipere animis suis contineant, non ut philosophiã idẽ percipiant, sed ut homines esse existimantur, magnopere est illis elaborandum. PAUL. Verè ita est, nam si orta est ex admiratione cura cognoscendi & percipiendi, ut te sæpe audio loqui, nihil est profectò rerum istarum quæ in cælo sunt cõtemplatione admirabilius. IAC. Hoc quidem cursu Paule confecto (quoniam ad tuæ ætatis spacia iam accessimus, nihil enim tibi, aut paulum quiddam adhuc deest ex his quæ suprà dicta sunt) intrandum demum est in philosophiæ campos latos atq; patentes, eosdemq; feraces & frugiferos rerum omnium, quarum ad alendam beatissimam uitam usus esse aliquis atq; opportunitas potest: quod nos quidem facere in te cœpimus, qui te ad mouimus ad Aristotelis Ethica: qua ex lectione intelleges quæ tibi in moribus recta atq; ingenua sunt, usu & disciplina comparata non ipsam uirtutem esse, sed simulacrum imaginemq; uirtutis: cui tamen, ut alio loco diximus, spiritum atq; animã philosophia infusura, & simulacrũ exanime ac mutũ, uitale simul ac uocale effectura est. Verũ huic philosophiæ studio Dialecticã esse adiunctã oportet, quã eandẽ et Logicã appellamus: cuius artis partem eã, in qua de figuris et modis argumentandi traditur, iam pridem te docuimus, quarũ ipse argumentationum multis iam rebus usum utilitatemq;

tēq; cognosti: sed restant multa atq; ardua, quæ si intractata imperceptaq; sint, labare mentem nostram in maximis inuestigandis rebus firmè sit necesse. Est enim certa quædam uia et persubtilis ratio explorandi in quoque genere quo de quæraturn aliquid, quid sit illius generis cognatum imprimis et proprium, unde ad cōcludendum et demonstrandum firmissimæ res argumentationesq; ducantur, quod hoc enucleatius scire, nosseq; oportet, quod infinitæ penè sunt aptæ ad fallendum, et in se quidem ipsæ longè alienæ à uero, sed ueri tamen similitudinem præ se ferentes rationes: quæ non imbutos modò mediocriter, sed sæpe homines doctissimos eruditissimosq; peruerunt, stantesq; deiciunt, et circumueniunt cautos, quibus nisi arma dialecticæ scienter periteq; tractetur, minimè possit obsisti. Sed quoniā et hæc ipsa quæ nūc de dialectica dicimus, et totā illius uim et potestatem paulò post in ipsis Aristotelis libris nobis monstrantib. cogniturus es, non attinet plura loqui, nisi id tantū monere et præcipere, quoniā in ipso iam limine philosophiæ constitutus es, ut optimos autores scientiæ præstantissimæ, tibi semper legendos uolūtadosq; proponas: Platonem imprimis, et Aristotelē: quorū quidē duorū cœlestibus ingenijs admirabiliq; sciētia, iure se omnib. gētibus anteponit Græcia. tū autem Græcos potissimū interpretes: nā hos qui latinam scriptionē professi, barbara omnia pollutaq; reddiderunt,

diderunt, & inquinatis literis, præposterisq; quæstio-  
nibus, magnas offuderūt philosophiæ tenebras, magno  
pere tibi uitandos & fugiendos esse sentio: nihil enim  
asserunt ingenui neque recti, sed cū ueram ignorent  
philosophiæ uim, et rationes nothas, quas Græci sophis-  
mata uocant, pro legitimis & ueris rationibus conse-  
ctentur, ad clamādum quidem & litigandū ualde ro-  
busti sunt, in doctrina uerò, & in ipsa sapiētia prorsus  
sunt imbecilles: qui etiā uanitate quadā ingenij igno-  
rantiaq; inducti, in eis rebus populi aucupantur famā,  
quarum eos rerum maximè pudere oporteret. Sed ho-  
rum turba ineptijsq; reiectis, tu Paule sic philosophiā  
amplexator, ut eam intelligas artem esse bene beateq;  
uiuendi: nec intelligendi solum, sed etiā agendi facien-  
diq; magistrā. Hæc tibi constātiā & firmitatem in  
bonis moribus allatura est: hæc copiā & ubertatē pul-  
cherrimarum rerum ac sentētiarum orationi tuæ sup-  
peditabit: hæc te optimis instituet & consilijs & uolū-  
tatibus, fideiq; tibi erit et officij et integritatis semper  
magistra: hæc efficiet ut illud excelsum & erectū et li-  
berū in animo, in quo inest dignitas, nunquā cedat for-  
tunæ, non secundis ullis rebus, non aduersis permoue-  
atur. Quod si qui huc peruecti & uberibus philosophiæ  
aliquandiu aliti, ad alia uitæ studia deinde se cōuerte-  
rint, siue ius ciuile uoluerint exequi, siue reipub. curam  
domi belli' ue, siue quācunq; aliam artem sectamq; ea-  
rum

rum quæ cum honore laudeq; suscipiuntur, sciant illi ad quam se cunq; dederint partē, & facilitatis multo plus in assequendo, & in agendo prudentiæ atq; industriæ esse secū delaturos. Qui uerò in philosophia perpetuū uitæ suæ domicilium cōstituerint, eos Dei potius similes, quàm ex cōmuni hominū more ac natura iudicandos esse. Quorum quidem de numero te imprimis cuspicio esse Paule, ut tua ad uirtutē indoles, nostrūq; desiderium optimo ac præclarissimo fini terminetur: egoq; qui nullos refugio, ut te erudiam et instituam, labores, hac potissimum in te posteritatis spe consolationeq; sustenter.

F I N I S.

DE CORRIGENDIS  
STVDIIIS, SERMO PHILIPPI  
MELANCHTONIS.

D. OTHONI BECMAN IVRISCONS.

Philippus Melanchton S. D.

**N**ON parū refert ad uitæ tuæ rationes, quo genere literarū rudis ætas initio formetur: cū ob alia multa, tū hoc maxime quod nihil efficacius est ad mutanda ingenia moresq; hominū, literis. Nā fere sēper talis est unusquisq;



quifq; qualē studia faciūt. Nec mihi bonæ literę,  
 niſi quæ mētis bonę ſunt, uidentur. Itaq; præſtat  
 optimis iuuentutē erudiri: mores enim optimos  
 optimę literę cōſerunt. At uideas hodie paſſim in  
 Germania tale quoddā genus iuueniliū ſtudioſū  
 tractari, quod non modo ſit ad omnē reliquam  
 uitā inutile, ſed omnino etiam pernicioſum. Ete-  
 nim deſerta prædia, quibus neſcīo nugis ingenia  
 cæterū felicia occupātur ac frangūtur: philoſo-  
 phiā ipſi uocāt. Non hoc dico quo a philoſophia  
 ſtudioſos auocē, ſed hūc philoſophādi ordinē ac  
 ductū nō probo. Nec enim anguſtis adeo finibus  
 circūſcripta eſt philoſophia, ut philoſophari ni-  
 hil aliud ſit quam nugari. Maxima eius pars cō-  
 tēpta iacet, ea uidelicet quæ ſola humanitatis no-  
 mine maioribus noſtris digna uifa eſt. Adole-  
 ſcens quiſpiam ad Xenocratem adductus perci-  
 piendæ philoſophiæ gratia, cum nondum quic-  
 quam Cyclicorū attigiſſet, ſapientiæ ſacris pro-  
 hibitus eſt. Sic enim ait Xenocrates: *Ὅντος πάρε  
 ἔμοῦ πόνος οὐ λυαφθήσεται.* O nos felices, ſi re-  
 cta ſtudia Deum ſauore renaſcantur, quę iā fere  
 caput exerere in Saxonibus cōperunt. Proinde  
 iuuentutem uoſtrā ſermone nuper habito inhor-  
 tatus ſum, ut ad bonas literas lætis animis adſpi-  
 ret. Atq; hoc unum egi paucis, ut intelligat quæ  
 nam ſit barbaricorum, quæ bonorum ſtudioſū  
 ratio. Neq; dubito, cui ſatis utruq; genus co-  
 gnitum eſt: conaturum totis uiribus, ut ea parte  
 præſtet, quæ & optima eſt, & ab optimis ſola  
 probatur. Quæ enim ueſania fuerit, immenſo  
 labore, cura, nugas emere. Orationem tuo no-

mini

Humanio  
 res literę  
 contēptæ  
 à Sophi-  
 ſtia.



mini Otho doctissime dedico, *δοσιμὸν ὅλῃν τε φιλην τε*. Debemus enim tibi quicunq; literas profitemur, atq; adeo ego multis sane nominibus, quem pluribus quotidie soles officijs cumulare. Hoc igitur munus qualecunq; est, si de animo æstimes meo amplissimum ac pulcherrimum accepisti.

Vale.



AB EGO planè uidear impudens, atq; mei prorsum oblitus, in hoc cœtu, magnifice Dn. Rector, eximij princeps Academiæ, dicturus, quem (cum aliàs & ingenium, & umbratile studiorum genus ab huiusmodi theatris, & hac plausibili Oratorum quasi curia auocet) abstertere modò cum primis rei, quam acturus sum, difficultas potuit: ni mecum pietas in recta studia, tum officij mei rationes inhortentur, quo bonas literas ac re nascentes Musas, quàm quod maxime, commendatas uobis uniuerfis uelim. Illarum enim causam suscepi tutandam, aduersus eos qui uulgò sibi in scholis, doctorum titulos ac præmia, barbari barbaris artibus, hoc, est, ui et fraude arrogarunt, & hæcenus ferè malitiosis ingenijs homines retinent, Germanicam iuuentutem paulo superioribus

Indocto-  
rum in  
bonas  
literas  
calūnię.

rrioribus annis alicubi conatam in hoc felix certamen li-  
terarum descendere, iam nunc quoq; non pauci, uelut è  
medio cursu, commento plusquàm Thracio reuocant,  
difficilius esse studium literarum renascentium, quàm  
utilius: Græca à quibusdam malè seriatim ingenijs arri-  
pi, ac ad ostentationem parari: Dubiæ fidei Hebræa  
esse: Interim à genuino literas cultu perire, philosophi-  
am desertum iri: & id genus reliquis conuitijs. Cū isto  
grege indoctorum congressuro, quis non intelligat uel  
Herculi non uno Theseo opus esse: adeo suscepto nego-  
cio non parum æquo dicar audacior: ut interim sileam  
uix posse hanc à me prouinciam administrari citra mo-  
destiæ periculum: qua, dispeream, si quid unquam rerū  
humanarum prius duxi. Ardeo enim amore recti: &  
quum studia uestra uehementer iuuari adolescētes cu-  
piam, fiet ut quædam liberius, quàm isti uolent, dicam.  
At quando me huc siue ratio (ita enim uideor mihi) si-  
ue casus aliquis impulit, uolo hanc mecum, Clarissimi  
uiri, causam habere uos cōmunem, quorum industria,  
cōsilijs, operaq; fit, ut passim à situ & squalore adse-  
ratur literæ, natiuumq; nitorem ubiq; recepturæ spe-  
rentur. Placuit igitur paucis commonere iuuentutem  
illustris Academiæ nostræ, ut quantū ad summam præ-  
clari instituti uestri attinet, intelligat quæ sit renascē-  
tium studiorum ratio: quæ illorum, quæ Barbari maio-  
res nostri è Scotis in Galliam, è Gallijs in Germaniam  
innexerunt:

inuexerunt: ut ordine ac ductu generis utriusq; cognito, ipsi iudicetis, utrum maiore cōmodo, periculo minore, liceat amplecti. Atq; in hoc omnis oratio mea incumbet, uti spem uobis elegātis literaturæ (de Græcâ ac Latina loquor) faciā. Scio enim in ipso iam uestibulo plerosq; nouitate rei, si nō deterrerī, certē angī. Præstabat autem orationis argumentum, & quasi filum, ab ipsis studiorum fontibus, & omnium seculorum literatis institutis ducere: sed ea scenæ alterius erunt. Iā quod attinet, breuib; barbarâ studia cum synceris cōmittam; docebo quibus auspicijs Latina discenda sint, et, Græcâ tētanda. Interim quæso dicentē benigni audite, id quod à uobis uel singulare meū erga uos studiū, ue ipsa literarum dignitas impetrabit. Annis ab hinc opinor octingentis, orbe propē uniuerso à Gotthis cōmoto, et à Lōgobardis deuastata Italia, simul cū império Romano Rōmanæ literæ sunt intermortuæ: quod unā belli furor & bibliothecas exciderat, & Musas officio, ita ut sit, negato extinxerat. Scitis enim quā conueniat cum sapientiæ studijs, atq; ad eō ciuiliū rerū cultu Marti, quē fingit Homerus noster cū Pallade æcerbis odijs conflitantem, *μαχρὸν μένον*, ut ipse ait, *τυχεῖν Λαοῖν*. Quo ferē tēpore Gregorius, quē isti Magnum, ego præfultorē *καὶ διδασκάλον* Theologiæ pereūtis uoco, cæterū eximia uir pietate, Romanā ecclesiam administrauit, & infelicißimi sæculi casum,

Gregorius,

D

quoad

quoad potuit, docendo scribēdoq; sustinuit. Sub id etas-  
tis nemo, ut uidetur, nostrorū hominū fuit, qui aliquod  
insigne scriptum ad posteros dederit. Verū hactenus  
in Scotis atque Hibernis literas diuturna pax aluerat.  
Clarebātq; hi cū alijs quibusdam, tū maximē Venera-  
bili Beda, Græcē & Latine haud uulgariter perito: ad  
hæc in philosophia, Mathematicis, sacris sic erudito,  
ut cū uetustis quoq; cōferri posset. Interim frige-  
bat Italia, frige-  
bat Gallia: Germania, ut semper, armis, quā-  
literis instructior erat, eaq; tum potissimum in Italia  
seuiebat: nondū enim uniuersa CHRISTVM profite-  
batur. In hunc rerū statū Carolus natus, cum fines Ro-  
mani imperij pacasset, ad instaurandas literas animū  
adiecit. Nā & ipse præter multarū linguarum cogni-  
tionē, plerasq; disciplinas, quæ scholis debentur, expe-  
ditas & cōpertas habebat. Alcuinū ex Anglia in Gal-  
los duxit: quo autore, Parisij literas p̄fiteri cœperūt,  
auspicio certē leto. Nam puræ adhuc erant et accede-  
bat Græcarū rerū mediocris peritia. Ea nobis etas Hu-  
gonēs, Ricardos, & alios non pessimos scriptores edi-  
dit. Philosophia nō uti nūc ex Aristotele petebatur, sed  
totam sibi adseruerant Mathemata, quæ magnæ curæ  
tū literati omnes habebāt, id quod indicāt ueteres Mo-  
nachorū diui Benediicti bibliothecæ, c̄ quibus nemo cla-  
rus extitit, qui non opere Mathematico sit eruditionē  
suam egregiē testatus. Deinde usu res acta est, incide-  
runtq;

Beda.

Carolus  
magnusAlcui-  
nus.

Aristoteles.

runtq; homines quidam, siue libidine ingeniorum, siue amore litiū ducti, in Aristotelem, eumq; manū & la- cerū, & q alioqui Græcis obscurus, ἀγὰ τῆς ἀορίστου similis uidetur, Latine sic redditum, ut etiam Sibyllæ furentis coniecturas exerceret: huc tamen incauti homines impegerunt. Sensim neglectæ meliores disciplinæ, eruditione Græca excidimus, omnino pro bonis non bona doceri cœpta. Hinc prodire Thomæ, Scoti, Durandi, Seraphici, Cherubici, & reliqui, proles numerosior Cadmea sobole. Accedit insuper, quod non solum contempti ueteres studio nouorum, sed omnino si qui in eam supererant ætatem, ceu in Lethen ablegati, perierūt, ut dubites num alia re argutiarum auctores plus nocuerint, quàm quod uercores tot milia ueterum scriptorum ad internecionem usq; aboleri passi sunt. Talibus deinde, semel iuris diuini ac humani potestas facta est: ex horum decretis iuuentus erudiebatur. Proinde in sciētiam iuris ac rem medicam pariter posthac seuitum est. Oportebat enim similem præceptoribus discipulū esse, ut aiunt uulgo λακκοῦ λεδορακος λακκοῦ ὠδῶν. Hæc ratio studiorū annos circiter trecentos in Anglia, in Gallijs, in Germania regnauit, ut ne quid interim dicā immodestius. Quàm pernitiōsa, cōiungere licet propemodum ex his quæ dixi: atq; ut planè intelligatis, animaduertite. Primum, desertis ueterum disciplinis, quando audax ista commentandi

Et philosophandi ratio inualuit, simul Græca contē-  
 pta, Mathematica deserta, Sacra negligentius culta  
 sunt. Quo malo, quæ seuior pestis esse potuit? Certè  
 nulla uulgarior unquā fuit. Nā cū ad eam usq; etatē,  
 et philosophia tota Græca fuisset, et Sacrorum La-  
 tine literæ, præter Cyprianū, Hilarium, Ambrosium,  
 Hieronymum, Augustinū, nullæ insignes extarent, et  
 Græcorū usum uernaculū Sacra occidentis magna ex  
 parte eatenus habuissent: fieri nō potuit, quin Græcis  
 contemptis, unā quicquid cōmodi studijs humanis phi-  
 losophia confert (confert autem longè plurimum) de-  
 inde cura sacrorum sensim interiret. Hic casus, uerè  
 Christianos ecclesiæ ritus ac mores: ille, studia literarū  
 labefactauit. Aequius forsā alterius fortuna ferri po-  
 tuit. Nā et lapsantes literas, incorrupti ecclesiæ ritus  
 facile instaurare poterant: et bonis literis, si quæ saluæ  
 mansissent, liberū erat ruinosos ecclesiæ mores corri-  
 gere, animos hominū iacentes excitare, confirmare, et  
 in ordinem cogere. At uerò siue fato, siue nostro uitio  
 euēnit, simul bonæ literæ nō bonis, prisca pietas cere-  
 monijs hominū, traditionibus, constitutionibus, decre-  
 tis, capitulis, extrauagātibus, glossis *δευτερον πατρων*  
 mutata est: neq; retulit quod Nicena synodo Patres tā  
 prudēter cauerūt, τὰ ἀρχαῖα ἐν ἡμῶν πατέρι τω. Auda-  
 cior uidear alicui, quā ex usu uel etatis, uel studiorum  
 meorū: uerū, ut sic dicā, res uestre, ingenui iuuenes,  
 postulant.

postulant. Nam ut quidam segnius cū bonis artibus in gratiam redeant, nimirū in causa est, quod nondū quisquam eos liberè admonuit. Iam igitur cognoscite. quæ nam sit illa barbarorum commentandi ratio, quæ e quibus manarit fontibus, audistis. Artiū genera omnino tria sunt, λογικόν, φυσικόν, ποικίλον. Logicū uim omnē ac discrimina sermonis tractat: & cū per ipsum in illa superiora sit iter, primū formandæ pueritiæ rudimentum est, literas docet, proprietatem sermonis, aut regulis adstringit, aut collatis autorum figuris indicat quid obserues, id quod ferè Grammatica præstat. Deinde cum paulò progressus fueris, iudicium animis comparat, quo metas rerum, ortus, fines, ductū, sic agnoscas, ut sicubi quid inciderit exactè tractandum, omnia quæ ad institutum pertinent, quasi innumerato habeas, & artis adminiculis ita sensus auditorum capias, ut dissentire temerè non queant. Hæ partes illius sunt, quam uos Dialecticam, alij Rhetoricam uocant: nominibus enim uariant autores, quā ars eadem sit. Atq; hic docendi ordo quondam fuit, quum uigerent adhuc literæ, donec in bullatos quosdam magistros incidimus, qui scitis qua mole commentariorū grammaticā primū oppresserant. Sed quando ea reuixerūt, de Dialecticis uideamus, quæ adhuc ex Tarsaretis, Bricot, Perucfore, Eccijs, Copulatis, Bursæ Montis, Exercitijs taurinis & caninis, & alijs huius

Tria ar  
tium ge  
nera.

Diale-  
ctice &  
Rhetorice eadem ars

farinæ petimus. Licet hac parte mihi liberius agere, et  
 ijsdem ego annos iā sex perpetuos penè detritus sum.  
 Et cum rem probè meditatam habeam, nō erit diffici-  
 le mihi suis eam coloribus pingere ac declarare, nō ef-  
 fici. *Διαλεκτική*, quæ isti amusi in scitiæ magistri pro  
 ca quid. fitentur. Primum, *Διαλεκτική*, methodus quædam est  
 omnium questionum compendiaria, *Διαλεκτική* τε *ἡ*  
*Διακριτική*, qua constat ordo et iudiciū cuiusq; rei  
 tractandæ, ut in quoq; uideamus, quid, quantum, qua-  
 le, quur, quomodo. Si simplex sit, si complexum, ue-  
 rumne, an falsum. Simplicium discrimina, notionesq;  
 isti per loca senta situ cogunt, noctemq; profundam,  
 Complexorum doctrine, quas tenebras non offude-  
 runt argutijs? Quales sunt, Genus est species: Nullus  
 et nemo mordent se in sacco: Parisijs et Romæ uēdi-  
 tur piper. Arcent foro suo, quæ non adsequuntur. Librū  
*λεκτηνογραφίῳ* aiunt dialecticæ tabulis non censeri,  
 quum inde omne artificium inueniendi, ceu è fonte  
 fluat, et *λεκτηνογραφία* non sint, nisi *μέθοδος* quæ-  
 dam simplicium. Et hic argutantur, num singula ge-  
 nera generaliss. realiter (ut uocant) discrepent, atque  
 de eo nondum inter Scotistas ipsos conuenit, multo  
 minūs cum factionis diuersæ nominibus. Analytica po-  
 steriora, cum sint disponendi series, ac, ut Simplicius  
 Peripateticus ait, canon ac amussis artificiosæ disputa-  
 tionis, inter metaphysica nostri resulerunt: nempe  
 quæ



quò rem per se non admodum difficilem, ac mirè uti-  
 lem studijs honestè tractandis, & difficilem & in-  
 utilem redderent. Hoccine est illud docere quod ia-  
 ctant? heccine sunt sine quibus pensum arti cuique  
 suum reddi nequit? Hæccine sunt, quæ tam splendidis  
 philosophiæ titulis auctionantur? At quanto minoris  
 didicissent rectè sapere quàm desipere. Sed cohibeo  
 animum, ne quem uel bonorum nimia libertas offen-  
 dat. Vos à me adolescentes hoc unum agi putetis, uti-  
 lius, quàm quod olim tractabant, studium uideri rena-  
 scentium literarum. Equidem aliquot noui recti iudi-  
 cij uiros, quibus cum sæpe rem eandem contuli, prorsus  
 sum nostræ sententiæ omnibus calculis adstipulantes.  
 Amicus mihi quispiam est non uulgaris, sub quo pri-  
 mùm puer præceptore in Sueuis Tubingæ dialecticis  
 merui annum unum aut alterum, hætenus ut fratre  
 semper familiariß. usus, Franciscus Stadianus, crudi-  
 tione ac uitæ genere tali, ut à bonis ac doctis omnibus Franci-  
 certatim diligi mereatur, is Analytica posteriora Sue- scus Sta-  
 dianus.  
 uicæ iuuentuti anno superiore prælecturus, à nobis  
 Themistij libellos, quos Latine reddidit Hermolaus,  
 accepit. Addidi quædam è Philopono transcripta, ne-  
 que Græca omnia satis mihi probantur. Admonui insu-  
 per illic ab Aristotele Rhetorica doceri. Legit, rele-  
 gitq; & quo est iudicio, protinus ad scopum aduor-  
 tit animû. Ibi re penitus cognita, & pro felicitate in-

genij sui aucta illustrataq; tot notabilibus, acceptio-  
nibus, distinctionibus exautoratis, causam integram  
ueluti recuperatorio iudicio restituit, scholæ simplici-  
ter ac cādide summā rei τὸ ἀλφά κριε traditurus.  
Ad hæc male precatus nugis, obnoxiè à me contendit,  
Aristoteli purgādo socias manus adijcerem: conaturū  
omnia sese pro uiribus, uti artium elementa uindicta  
barbarorū liberarētur: primi nominis studia, à sordi-  
bus recipi non posse, nisi purgatis adolescentiæ rudi-  
mentis: id ferè quenque in summis posse, quod in infi-  
mis assueuerit: in summa, omnia sibi de grandioribus  
polliceri, si exercendæ iuuentæ ratio melior iniretur.  
Placuit amici consilium, & negotium unā literarium  
suscepimus: Dij reliqua secudent. Nunc quæso uos,  
quanti facitis huius uiri iudiciū, cū in alijs discipli-  
nis οὐ τῶς ἐξ ἑσῶς, tum in hoc genere summa cū lau-  
de annos opinor decem uersati? Hoc egero uobiscū te-  
ste, atq; eo sanè iurato, non esse in his uulgatis stroma-  
tis, quod probari cuiquā, præter personatos quosdam  
pseffores γαλλοῦς μάλλον ἢ φιλοσόφους, queat.  
Iratas habeam Musas, ni hæc ita damnē, ut pro eis me-  
liora felicioraq; uos amplecti uelim: alioqui liberum  
per me cuiq; fuerit, quorsum uel usus uocat, uel inge-  
niū trahit, sequi. Sat scio nullū fuisse seculū, neq; Græ-  
corū, neq; Latinorum, quod non sit egregiè nugatum  
philosophando: ueteres aliquanto quā noui felicius.

Quare

Quare afferas ad ea studia oportet animum acrem & curam: deinde Magistrum adhibeas boni iudicij, qui feligat, quæ nã, et quatenus discenda sint. Dolet enim sanis, esse qui persuaserunt sibi, nisi hæc nugalia didicerimus, non fore ex usu quicquid studiorum affectemus. Modestus uir Socrates erat, qui cùm opinione sapientiæ uulgò coleretur, dicebat, Hoc unum se scire, quòd nihil sciret: illi contrà, hoc unum nesciunt, quòd nihil sciunt. Atq; utinã feliciter eos aliquando ἐμῆς ἀλο'γος uirga sua demulceat: ut expergefiãt, ut desipere se agnoscant. Vt euagarer lōgius, ipsa me rei in dignitas perpulit. Volo enim fidem studiosis factam, aliud quoddam literarum genus utilius esse, quàm sit quod Copulata iactant: atque hæc in Rhetoricis nostris longius. Quin uideamus, & hoc facile ne sit, hac enim se commendatione diuendunt: quasi uerò angustis adeò finibus contenta uirtus esse debeat, ut quod cuiq; procliue sit aggredi, cōtinuò idem honestum sit. Quantum ætatis homini datum est, nedum adolescentiam, insumunt, ut Euripos omnes (sic enim Nazianzenus uocat) Aristotelicos exhauriant: id quod nescio Aristotelici. an unquam alicui contigerit. Subinde enim quod ex telici. hauritur influit, felicius id quidem, quàm quòd de Danaïdum dolijs ferunt. Adde quòd cum se ueri scientiam meditari gloriantur, plurimum operæ fallacijs nectendisq; dolis linguæ nauant, ut festiuiter ludit Isoncrates,

crates, cum ait: Οἱ προσποιοῦνται μὲν τὴν ἀλὴ-  
 θεαν ἐκ τῆς εὐθυσίας, ἐν ᾗ δὲ ἐν ἀρχῇ τῶν ἐπαγγελ-  
 μάτων, ψευδῆ λέγουσι περὶ τοῦ σιγῆ. Deinde ex  
 tot fāctionū diuersis opinionibus, uix unā aut alteram  
 quæ sibi constet, reperis. Solent enim, ut ex ueteribus  
 theologis quidā primi nominis dixit, In omni humano  
 dogmate, falsis uera, ueris falsa misceri, καὶ τὸ ἀλ-  
 θὲς πολλοῖς ψεύδεται ἐγκρύπτειν, ut Dio-  
 nysij uerbis utar. Ibi uerò quanto agas negotio, quibus  
 auditorē perfugijs trahas, dū sententiæ doctores inter se  
 conueniant, nimirū ut candida nigris: at nil refert, ca-  
 dat, an recto sit fabula talo, modò clamatū sit fortiter.  
 Quāto satius erat hic uel τὸ ἐπεὶ nouæ Acade-  
 miæ amplecti. Vereor ne molestum sit uobis audire tā  
 inconditas nugas, alioqui exēplis hæc cōprobarem nō  
 paucis. Interim partiū studiis disceditur, aluntur odia,  
 friget humanitas, cum à literis nihil abesse debeat lō-  
 gius rancore. Nam communia erant Musis et Gra-  
 tijs quondam sacra. Horum studia, quæcunq; sunt,  
 uel sola nutrit inuidia. Sic imbuti, quum ad sublimia,  
 Theologiam, iuris scientiā, aut rem medicam, effoetis  
 iam annis pedem mouent, quid aliud defectis ingenij  
 uiribus, quā quod in ludo consueuerunt, agant? Nu-  
 gantur ergo bis pueri senes: quanquam si cui paulò fe-  
 licior est genius, lusiisse pudet, sed non incidere ludum:  
 Porro uobis a dolescentibus uestram gratulor felicita-  
 tem,

tem, quibus benignitate optimi ac sapientissimi principis nostri Friderici, ducis Saxonie, Electoris, contigit longè saluberrimis erudiri, fontes ipsos artium ex optimis autoribus hauritis. Hic natiuum ac syncerum Aristotelem, ille Quintilianum rhetorem, hic Plinium tantum non ditissimum pædiæ, ac ueluti quoddam copiæ cornu, ille argutias, sed arte temperatas, docet. Accedunt, sine quibus nemo potest eruditus censeri, Mathematica, item Poëmata, Oratores, professoribus non proletarijs. Hæc si cognoueritis, quo ordine tractanda sint, certò scio, et facilia, et admirandi profectus uidebuntur. Puerilia studia, quæ appellant *το πο γυμνασματα*, Grammatica, Dialectica, Rhetorica, catenus discenda sunt, qua ad dicendū ac iudicandum instructus, fastigia studiorum non temerè affectes. Iungendæ Græcæ literæ Latinis, ut Philosophos, Theologos, Historicos, Oratores, Poëtas lecturus, qua te uortas, rem ipsam adsequi, non umbram rerum, uelut Ixion cum Iunone congressurus, in nubem incidit. Hoc quasi uiatico comparato, per compendia *καὶ εὐπετῶς*, ut Plato ait, philosophiam accede. Nā in ea sum planè sententia, ut qui uelit insigne aliquid, uel in sacris, uel foro conari, parum effecturum, ni animum antea humanis disciplinis (sic enim philosophiam uoco) prudenter, et quantum satis est exercuerit. Nolo autem philosophando quenquam nugari: ita  
 enim

enim sit, ut communis etiam sensus tandem obliuiscere: sed ex optimis optima selige, eaq; cum ad scientiã naturæ, tum ad mores formandos attinentia. In primis hac eruditione Græca opus est, quæ naturæ scientiam uniuersam complectitur, ut de moribus appositè ac copiosè dicere queas. Plurimum ualent Aristotelis moralia, leges Platonis, Poëtæ, atq; ij sanè, qui & optimi sunt, & in hoc legi possunt ut animos erudiant. Homerius Græcis fons omnium disciplinarum. Vergilius ac Horatius Latinis. Necessaria est omnino ad

Historiæ  
laus.

hanc rem historia, cui si ausim, me hercle non inuitus uni contulero, quicquid emeretur laudum uniuersus artium orbis. Hæc quid sit pulchrum, quid turpe, quid utile, quid non, plenius ac melius Chrysippo & Crantore dicit. Hac nulla uitæ pars, neq; publica, neq; priuata uacare potest. Huic administratio rerum urbanarum domesticarumq; debet. Ac nescio an minore incommodo mundus hic noster sole, animo uidelicet suo, cariturus sit, quàm historia, ciuiliū negotiorum ratio. Consensu maiorum nostrorum celebratum est, Musas ex memoria natas esse. Eo, ni fallor, significa-

Philoso  
phi et no  
mine  
que cō-  
plectan  
tur.

tum, ex historia omne artium genus manare. Complector ergo philosophiæ nomine scientiam naturæ, morum rationes, & exempla. Quibus qui rectè imbutus fuerit, ille uiam sibi ad summa munit. Causas acturus, habebit unde diuitem rerum ac amplam orationē condat:

dat: Ciuitatem administraturus, unde æqui, boni, iusti formulas petat. Nimirum hæc philosophiæ commoda Demostheni, clarissimo oratori, uisu sunt, quæ tam accuratè eâ adolescēti cuidâ cōmendarit, *ὁμοίᾳ δὲ*. reliqua ipsi in Erotico legite. M. Cicero nusquam non dedit philosophiæ primas: *ἔ* audistis opinor, quid ille in comparatione Seruij Sulpitij, *ἔ* Quinti Sceuolæ iuriscōsult. Quendam *σὺ* Romani cognominas-  
runt, admirati uberem in cō philosophicarum rerum scientiam. Verùm quod ad sacra attinet, plurimū re- Sacre li-  
fert quomodo animū cōpares. Nā si quod studiorū ge- terg.  
nus, sacra profectō potissimū ingenio, usu, et cura o-  
pus habēt. Est enim odor ungueutorū domini super hu-  
manarū disciplinarū aromata: dūce sp̄ritu, comite ar-  
tiū nostrarū cultu, ad sacra uenire licet, sicut ad Hera-  
culianū Synesius scribit, *ἐξ ἡμέρας, εὐλυμῶς δὲ αἰ-*  
*βιώης φιλοσοφίᾳ χάμενοι ἐς τὸ βέλτον ποδὶν ἔ-*  
*ποισν, ἀφίστασθαι*. Id si cui non uidetur, cogitet  
præter cætera *ἔ* orichalcū à Tyrijs in templi Solymi  
fabricā collatū esse. Itaq; cū Theologia partim He-  
braica, partim Græca sit (nā Latini riuos illorū bibi-  
mus) linguæ externæ discendæ sunt, ne ueluti *λαφρὸς*  
*πρόσωπα* cū Theologis agamus. Ibi se splendor uer-  
borum ac proprietates aperiet, *ἔ* patefcet uelut intra  
meridiana cubilia uerus ille ac genuinus literæ fœsus.  
Proximè cū literā percepimus, sequemur elenchū re-

rum.



rum. Faceffent iam tot frigida glossula, concordantia,  
 discordantia, & si quæ sunt aliæ ingenij remora. Atq;  
 cum animos ad fontes contulerimus, CHRISTVM  
 sapere incipiemus, mandatum eius lucidum nobis fiet,  
 & nectare illo beato diuinæ sapientiæ perfundemur.  
 Ac cum in uincis Engaddi cyperū legerimus, occurret  
 sponsus saliens super montes, & transiliens super col-  
 les, ductos in palatia Edem שׁוּבָה לְיִשְׂרָאֵל succo li-  
 quido, fragrante, impios animos diffuente inunget,  
 ac morte osculi dignabitur. Illius mēbris inserti uiue-  
 mus, spirabimus. uegetabimur, Sion contemplantes, et  
 silentio ἐν ὁσιότητι solē adorantes. Hic cœlestis sa-  
 pientiæ fructus est. Eam igitur quā purissimē, nō in-  
 terpolatam nostris argutijs, colamus. Id quod cum ali-  
 quoties inculcat Paulus, tū in epistola ad Titū sedulo  
 à Christiani hominis doctrina exigit ἀσχετοῦ,  
 integritatem, hoc est, ne lubrica sit fides. Deinde  
κατασκευασμένη, munditiem, hoc est, ne alienis literis im-  
 probè sacra contaminemus. Opinor quòd futurū scie-  
 bat, si sacris prophana miscerentur, fore, ut simul pro-  
 phani affectus, odia, studia factionum, schismata, iur-  
 gia, consertim succederent. Proinde qui diuinis initia-  
 ri uolet, Adam illum ueterem exuat oportet, ut incor-  
 ruptibilem Adam induat: hoc est, humanos affectus,  
 ipsumq; callidi serpentis iugum supera uirtute fran-  
 gat, excutiat, ut in gloria Domini transformetur in  
 abyssum

Id est, o-  
 leo effu-  
 so.



abyssum abyssus. Hoc sanè in causa erat, cur dicerem  
usu literarū destitutam Ecclesiam, ueram ac germanā  
pietatem traditionibus humanis alicubi mutasse, post  
quam hominum commenta placere cœperunt, et a  
more operum nostrorum uicti, pro Manna, Beelphe-  
gor gustauimus, homines, non χριστοί, esse cœpimus.  
Hæc uelim ita dicere uidear, ut sentio: sentio autem  
omnino aliud nihil, quàm quod Euangelicæ ueritati  
Ecclesiæ decretis probatur, eritq; mihi quod He-  
braei dicunt, צנות וסתר אמת <sup>iam ne obli-</sup>  
scire intelligitis, quantum sit in renascentibus studiis <sup>scutū &</sup>  
momenti, quantum ad excolendas bonas mentes con- <sup>clypeus</sup>  
ducant? Quem non misere scat superioris ætatis, quæ eius.  
tam clara luce studiorum deserta, in orci tenebras et  
nescio quas feces literarum incidit? Quem non tangat  
ingens nostri seculi calamitas, quod et uetustis au-  
toribus nostratum incuria orbatum est, deinde quod  
hi quoque lucrificissent ex bonis, ni periissent illi, de-  
siderat? Superest igitur iuuenes, ut audeatis: quan-  
quam ita se res habeat, et difficilia sint quæ pulchra  
sunt, tamen ita uincet industria difficultatem, ut lon-  
gè minore impedio bona quàm mala uos sperem asse-  
quuturos. Deligunt uobis præceptores uestri quæ ex  
usu est scire, friuola secernūt, atq; hi Latina quidē. Si-  
mul cū Latinis Græca disci et debet, et facile possunt.  
Modò succisinas aliquot horas Græcis date, ego saxo stu-  
dio

dio ac labore meo, ne opera uos uestra frustretur. Statim enim ab initio difficultatē rei grammaticæ optimorum autorum lectione temperabo, ut quod illic regula, hic exēpla doceant. Accedit obiter in autoribus interim, quod ad mores, uel rerū secretarum scientiā pertinet: omnia si contuleritis, pulcherrimè absoluent orbem studiorum. Erit enim curæ mihi, ut pro re, quæ uidentur diligenter admoneam. Homerum habemus in manib, habemus et Pauli epistolā ad Titū. Hic spectare uobis licebit, quātū sermonis proprietās ad intelligēda sacrorū mysteria cōferat: quid itē intersit inter interpretes Græcè doctos et indoctos. In alijs nota mala pro bonis ducātur, in hoc negotio diutius citra iacturā ineptire nō licet. Capeſſite ergo sana studia, et quod à poëta dictū est, animo uoluite, Dimidiū facti, qui cœpit, habet. Sapere gaudete, ueteres latinos colite: græca amplexamini, sine quib, latina tractari rectè nequeūt. Ea pro omniū literarū usu, ingeniū alēt mitius, ac elegātius undequaq; reddēt. Paucis annis prodire in lucē, qui uobis et exēplo, et stimulo sint. Videor enim uidere mihi tacitus aliquot locis reſſoreſcere Germaniā planeq; moribus et cōmuni hominū ſenſu miteſcere, et quaſi cicurari, quæ barbaris olim diſciplinis efferā, ne ſcio quid immane ſolita eſt ſpirare. Proinde locabitis operā, nō modò cōmodo ueſtro, eoq; ad poſteros propagando, ſed omnino gloriæ nō intermorituræ principis  
omnium

omniū gentiū consensu optimi, qui nihil afferendis bonis literis habet potius. Equidem quod ad me attinet, nihil non conmitar, ne defuisse uel pientiſſ. principis uolūtati, uel studijs uestris, optimi auditores, uidear. Atque hoc me nomine uobis clarissimi uiri Academię Saxonice principes addico ac deuoueo: uestrū erit a=dolescentiam meam bonis literis consecratam, minimè malis artibus imbutam, deniq; in fidē uestram sedulo cōmendatam, benignè officioſeq; tueri ac conseruare.

DIXI.

SIMONI GRYNÆO SVO PHI-

LIPPVS MELANCHTON S.



SV COMPERIMVS, eam esse optimarū rerū conditionem, ut uulgo fere fastidiantur. Nam cum literis nihil neq; melius, neq; pulchrius habeāt humana: tamen uiu paucos, diuino haud dubie beneficio nuper restitutæ, admiratione sui cepere. Etenim quod Pindarus optimam rerū aquā, & pulcherrimā possessionē aurū esse cecinit, nā ille, nisi multitudinis auribus inseruisset, rebus omnib. literas ante tulisset. Neq; enim quicquā est cuius uel usus latius pateat, uel dignitas harū amplitudinē superet. Et ea est uulgi amētia, ut nō aliud perinde contemnat, atq; elegantiorē literaturā: eamq; cū uiderem hoc potissimū tēpore nostris sordere, breui

B

declama-

declamatione laudauī. Institueram equidem pro eo ac res merebatur, ἐπίδραξιν copiosiore. Sed cū immorari non liceret, malui qualicūq; oratione reuocare in uiam studiosos, quam causam literarum, ut Græce dicam, διαπραξέην. Planeq; accidit, ut cū amphora, iuxta Poëtā, institui cœpisset, currēte rota urceus exierit. Verū quicquid hoc est operis, tibi, mi Simon, propter incredibilē amorē tuū erga meliores disciplinas, dedicare uisum est, ut uel tuo exemplo nonnullos ad literarum studium inuitem. Vale. Vuitembergæ.

# DE STUDIO AR- TIVM DICENDI, PHILIPPI MELANCHTONIS DECLAMATIO.

παῖδες  
a simili.



QVEMADMODVM Hesiodo dolet, nescire mortales quantum & Malua & Albucum adferre commodi rebus humanis queant, tametsi uiles herbæ: Ita nos quoq; non nunc primū querimur, ignorare adolescentes quantum momenti habeant ad solidam eruditionem parandam dicendi artes, quæ in speciem nihil profitentur eiusmodi cui uulgus adplaudat, cæterū utilitate facili res humanas omnes uicerint. Neque enim usquam quicquam est in tota rerum uniuersitate, unde ad mortales ampliora commoda,

da, quàm ex hoc artium genere redeant. Sed cum earum precium iuuentus ignoret, fit, ut plerisque sordèant, minimeque dignæ iudicentur, quibus discendis operam nauent. Præclarum est Philosophum dici: magnificum, Iurisconsultum audire: Theologico nomine nihil hoc tempore ad uulgus plausibilius est: dicendi artium, tanquam Megarensium, nulla ratio habetur. Propterea uisum est hoc loco ostendere, quæ res maxime nobis earum studium commendare debeant. Atque hic mihi uel Pericleam uim optarim, dum stultam iuuentutem in uiam reuocare contendo, quæ elegantiores literaturam partim errore contemnit, quod ad reliquas disciplinas comparandas inutilem esse cõset: partim inertia, fugit. Est enim & literarum, perinde atque aliarum bonarum rerum, ea natura, ut sine summo labore nemini contingant. Notum enim illud est: Difficilia esse, quæ pulchra sunt. Quanquam qui rationem subduxerit, quantulo negotio quantum lucri faciat, qui commodorum magnitudinem ob oculos posuerit, hunc nullæ res, quantumuis duræ, ab harum artium studio deterruerint: quas nisi cognoris, ne dici quidem potest quàm infelicitè reliquas disciplinas tractaturus sis. Proinde æquis animis audite, quæ me rationes adduxerint, cur elegantiores literaturam rebus humanis planè necessariam esse iudicem. Primum, nemo tam uacors est, qui non uideat nobis certa

E 2      quadam

quadā loquēdi ratione opus esse, qua dilucidē explicemus animorū nostrorū sensa, quacūq; de re uel publicē uel priuatim agendū est. Fortasse ridiculū fuerit hic disputare, quā necessarius homini sermo sit. Nā qui literas cōtemnunt, neutiq; uideri uolunt homini sermonem adimere, sed orationis cultū aspernātur. Proinde quātum referat certā loquendi rationē tenere, paucis indicabimus. Nā qui rectē rē aestimare uolet, is intelliget nō ita multū interesse, mutus sis planē, an artē ad dicendū non adhibeas. Neq; enim fieri potest, ut quæ sentis, sic exponas ut intelligi queant, nisi arte loquendi facultatē & pares, & confirmes: Vsu enim cōpererunt prudentes uiri, nihil esse difficilius, quā dilucidē ac perspicuē de re quapiā dicere. Primum enim, nisi uim pondusq; uerborū dicendo tueare, orationē tuam quī adsequetur auditor? Nam cū usu, uelut nūmi, uocabula probentur, receptis utendū est: quæ quia eloquentes homines quasi per manus posteris tradidere, obscuritate uacant. Superiore seculo, cū sua sibi quisq; uerbā cuderet, & peregrina latinis miscerētur, eiusmodi cōflata est oratio, quæ ne ab illius quidē ætatis hominib. intelligi potuit: tantū abest ut posteritas adsequatur. Quis enim Scotū, aut eius farinæ aliū scriptorē hoc tēpore intelligat? De inde uix exercitatisimi præsterint, necubi structurā orationis ac phrasin uiolēt: quæ si uitiata fuerit, necesse est orationem obscuriorē reddi. At hic quā multa  
effrunt

efferunt improprie etiam eruditi? Quoties absurdis ac  
 ineptis metaphoris sermonem obscurant? Quis enim A=  
 puleium, et huius similes ferat? Sed recte Apuleius, qui  
 cum asinum repraesentaret, rudere potius quam loqui  
 maluit. Postremo, ut uerba phrasinque satis noris, diffi=  
 cilimum tamen est suo quaque loco distribuere, alia de=  
 primere, alia attollere: quaedam breuiter astringere,  
 alias euagari liberior: quaedam dissimulare ac tegere,  
 alia promere, ut tanquam inter umbras lumina extent  
 ac emineant. Est enim eloquentia omnino amplius quid=  
 dam, quam tumultuaria uerborum congeries. Verum ui=  
 deo errore labi iuuentutem, quae cum nesciat eloquen=  
 tia cum uim, tum naturam, non arbitratur precium ali=  
 quod operae fore, cur eam sibi maiore studio contentio=  
 neque pareat, et laudari a nobis professorculis putat uul=  
 gari more, quemadmodum sua unguenta solent Phar=  
 macolopolae: nec optimorum prudentissimorumque homi=  
 num autoritate commouetur, qui ad illius studium una  
 uoce adolescentes, et communi classico inuitant. Misera  
 hominum conditionem, quando, ut quaeque res optima  
 est, ita longissime a conspectu nostro recessit, minimeque  
 agnoscitur. Nec dubitarim ego, quin si oculis cerni pos=  
 set eloquentiae dignitas, mirabiles, ut ille ait, amores  
 sui excitaret. Sed cum casu iuuentus, non ratione uiuat,  
 temerario quodam impetu ad ea delabitur, quae uulgo  
 maxime celebrantur. Quare si quis est non imprudens

Excur=  
 sus.



rerum æstimator, is apud se expendat, primum, nihil esse cuius usus latius pateat, quàm sermonis commoda. Omnis hominum societas, ratio uitæ instituendæ publicè ac priuatim, conquirendorumq; omnium quibus uitam tuemur, deniq; commercia omnia sermone continentur. Deinde persuadeat sibi neminem ad positè ac dilucidè de ulla re dicturum esse, nisi qui arte quadam, imitationeq; optimorum, & magna cura orationem ea lingua qua publicè utimur, formarit. Quod ubi animaduernerit, haud dubiè nihil prius, nihil antiquius habebit discendis loquendi artibus: Siue enim cõsilio alij iuuandi sũnt, siue docendi, siue tuẽdum est dogma aliquod, siue de iure, æquo ac bono differendum est: nihilo plus efficias, quàm in scenis mutæ personæ solent, nisi arte elaboratam orationem attuleris, quæ

Occu- res obscuras tanquam in lumine collocet. Non ignoro  
patio. esse, qui elegantiam à rectè loquendi ratione separant, nec referre putant, modò rem indicent, qualicunq; oratione utantur. Qui si rem proprius inspexissent, neutiquam adscititium & superuacaneum ab eloquẽtiæ professoribus fucum requiri iudicarent. Ipsa orationis pu-

Elegan- ritas, natiuaq; facies, Elegantiæ est: quã nisi tuere, nõ  
tia quid. modò non uenustè aut inquinatè, sed improprie, obscure, ac ineptè dixeris. Et quemadmodum in fingendis corporibus ea demum elegantia est, ubi iusta proportionem membra omnia inter se consentiunt: si quid secus facias,



facias, monstrosus erit: Ita, cum germanam orationis speciem noua compositione deformaueris, monstrosam planè ac ineptam facies. Picus in epistola qua barbaris philosophiæ scriptoribus patrocinatur, ludens credo in ædō fæ argumento, & elegantiam à rectè dicendi ratione separat, et explicari res qualicunque oratione posse censet. Huic equidem nihil succenseo, qui barbariæ nō magis ex animi sententia tuetur, quàm febrim Fauorinus laudabat. Hoc miror, esse quibus tã friuolæ argutiæ serio persuaferint, nihil referre quomodo loquamur. An uerò rectè corpus imitabitur pictor, si nulla ratione penicillum regat, si temerè feratur manus, nec ducantur arte lineæ? Ad eum modum nec animi cui sententiam alij ob oculos posueris, ni proprijs et illustribus uerbis apta uocum compositione, iusto sententiarum ordine utare. Num perinde atq; corpora coloribus, animi sententiam oratione repræsentamus, Quare necesse est dicendo certam aliquam imaginem arte concipi, quæ discernat inter se tanquam uultus sententiarum. Flagitiū est, si quis uix ignaro deuiam semitam monstret. At qui rectè dicendi cura uacāt, quoties lectore à uia abducunt? quoties unius uerbi abusu ludificantur? Non semel imposuere in philosophia, in sacris literis, solæcisini nostris interpretibus. Quis enim omnium, PAVLI sententiam in Corinthijs adsecutus 2. Cor. 1 est, ubi Grilli isti elegantiae contemptores, uerterunt,

Ex multis facierum personis? &c. Quæ Augustinum tempestas aufert, quo minus propositū teneat in enar-

Ioan. 8. rādo eo qd' est apud Ioannē, τὸ αὐτὸν ὁ καὶ λαλῶ

Id est, ὁ μὲν? Hoc genus extant innumera passim, ubi medio-  
principi criter etiam eruditos barbarissimi se fellerunt, Adeo nō  
um qui quouis orationis genere lectori satis feceris: sed cura  
& lo- studioq; paranda facultas est, qua animi tui sententiam  
quoruo perspicuē aliorum oculis subijcere possis, omniaq; cō-  
bis. modē quæ res poscit eloqui, id est, eleganter dicere.

Quin igitur helleborum propinamus ijs qui uenustatē orationis fastidiunt, adeo à cōmuni hominū sensu alienis, ut ne quidem quid loqui sit intelligāt? Peperit elegantia necessitas, quod et barbara omnia incerta sunt, & quæ oratorijs ornamentis illustrata sunt, clarius percipiuntur. Nam in hunc usum adhiberi schema Fabius scripsit, neq; unquam ueram speciem ab utilitate rectē diuidi sentit. In sacris libris, ut interim prophetas nos omittam, quid quæso desideras rhetoricorū schematum? At his, opinor, non usuri erant Prophetæ, si nihil ad rē facere iudicassent. Videtis qua ratione uobis eloquentiæ studia commendem, quod nec exponere quæ uolumus ipsi, nec quæ à maioribus rectē scripta extāt, intelligere possimus, nisi certā dicendi normam perdidicerimus. Equidē non uideo quomodo alijs hominū uice futuri sint, qui nec quæ sentiūt, explicare, nec quod rectē dicitur assequi queūt. Quare ut nulla sit eloquentiæ

tiæ dignitas, nulla gratia: tamen eas uis est, ut non igni,  
 non aëre, ut aiunt, non aqua pluribus in locis utamur.  
 Quomodo enim consistant res humanæ, si legū sacrarum  
 et prophanarum patrociniū eloquentia deferat:  
 si nec publicis, nec priuatis consilijs oratio, quæ intel-  
 ligi possit, adhibeatur: si res gestæ nullis literis ad po-  
 steros transmitti queant? Ecquod uestigium humanita-  
 tis in tali republica reliquum fuerit? Porro ad hæc quā-  
 tulum distabat ætas superior. quum sacrorum librorū  
 sermonē propè nemo iam intelligeret, quoti dieq; stul-  
 torum Sophistarum arbitrio figerentur ac refrigeren-  
 tur sacræ leges? Res gestæ illorum temporum æternis  
 obrutæ tenebris iacēt: nemo enim erat, qui eis literarū  
 lumē adhibere posset. Disciplinæ omnes, dicēdi genere  
 sic obscuratæ sunt, ut ne doctores quidem ipsi quid pro-  
 fiterentur satis compertum haberent. Digladiabātur  
 inter se de figuris sermonis Philosophi, tanquam in te-  
 nebris Andabatæ, nec quisquam à domesticis suis planè  
 intelligebatur. Rectè ille, Ἀνάχαρσις πᾶς ἀπὸ  
 πάντων σολοικίσει, ἀθηναίης παρὰ σκύβαλις.  
 At isti domi suæ ἐσολοικίζον, suamq; singuli dialectō  
 mira libertate cōminiscebātur. Iures eis uoluptati fuis-  
 se, nō aliter atq; Heraclito illi, cæteris mortalibus tene-  
 bras offundere. Iam cū minimè obscurū sit, quāti nobis  
 eloquētiæ contemptus cōstiterit, cur barbariem nō abo-  
 minamur tanq̃ nocentiſsimam pestem? cur non magno  
 E s consensu

Argu-  
mentum  
a fructu

Oratio  
quid.

consensu è scholis exhibamus? cur ipsi nobis tantisper  
inuidemus eloquentiã, qua nihil melius, nihil amplius  
in terris hic Sol uidit? Hactenus docuimus quæ cogat  
necessitas certã dicendi rationẽ sectari ac tueri: quæ si  
quem parũ mouet, ei uerò multo iustius asini auriculas  
dij addiderint, quàm Midæ. Accedit huc nõ contemnẽ-  
dus studiõrũ eloquentiæ fructus, quòd earũ artiũ usu,  
quibus eloquentia continetur, excitantur erudiunturq;  
ingenia, ut res humanas omnes prudentius difficiant.  
Neque propius umbra corpus adsectatur, quã eloquen-  
tiam comitatur prudẽtia. De rebus humanis adhuc lo-  
quor, de sacris postea. Videbant inter maiores nostri,  
hæc duo, bene dicẽdi scientiam, & animi iudiciũ, na-  
tura coherere: quare & non inepti quidam orationem  
esse dixerunt, explicatam animi rationem. Et Home-  
rus poëta ijsdẽ eloquentiam ac prudentiã tribuit (mit-  
to iam alios) Vlyssi, cuius orationem hybernis niuibus  
comparat, utrunq; uno uersiculo adscribit, cum inquit:  
Σοὶ δὲ νῖ μεν μορφὴ ἐπέων, ἐνὶ δὲ φρεσὶ  
ἐσθλὰ.

Nec tempero mihi quo minus recenscam & Latine  
ab erudito quodam expressum:

Mente uales. iuncta est secundis gratia dictis.

O diuinã sententiã, multoq; digniorẽ quæ iuuenili-  
bus pectoribus sollicitè inseratur, quã Delphica aliquot  
scita. Quid enim spectabat aliud optimus senex, q̃ sic  
inter

inter se copulatas esse prudentiā ac eloquentiā, ut diuelli nulla ratione possint? Atq; utinā sibi omnes adoleſcentes hunc uersiculū propositū putēt. quorsum tanq̃ episcopū omnia studia sua, rationesq; dirigāt: sepiātq; sibi omnē operā, curam, industriam, cogitationem, mētem denique omnem in his artibus parandis fingendā esse, quarum Homerus haud dubiē eā ob causam mētionem fecit, quod uideri omniū rerum humanarū, ut sunt, & pulcherrimas & maximē utiles uoluit. Quid in consilio fuisse censetis ueteribus Latinis, cur dicendi artes humanitatem appellarint? Iudicabant illi nimirū harū disciplinarū studio, non linguam tantū expoliri, sed & feritatem barbariemq; ingeniorū corrigi. Nā cultu, perinde ac pleriq; syluestrem indolem exuūt, mansuescūt ingenia cicuranturq;. Duae sunt autem causae, cur rectē dicēdi studio animi iudiciū acuatur. Prior est, quod qui ijs artibus operā dant, ad eiusmodi scriptorū exempla se comparent necesse est, qui in maximis rebus gerendis, ac tractandis uersati, summam prudentiam usu cōsecuti sunt: quorū commercio fit, ut nōnihil iudicij contrahāt lectores, & tanquā qui in Sole ambulant, colorerentur. Solet enim iuuenilibus ingenijs exemplar aliquod rectē dicendi sentiendiq; proponi, unde & uerborū uim, & orationis structuram, & explicādi figuras discant. Nā & dicendi rationē, perinde ac ceteras artes, imitatio adiuuat. Neq; enim uerisimile est, pingēdi arti

Dicendi  
ars cur  
humani  
tas dicta.

Lectio,

di arti tantum ab Apelle uenustatis gratiæq; adijci potuisse, nisi fingendorū lineamentorū rationē multo antè ostendissent ij, qui primū *μονογραφία*. deinde *εὐκταγραφία* pinxerūt. Sic & ex optimis scriptoribus concipienda est certa quædam & dicendi & iudicandi ratio *ἡ ἐν δέῃ*, quā sequaris, quacūq; de re disserendū fuerit. Proinde qui desertos scriptores in manibus habent, secū expendant, quid in quouis potissimū

Qui auctores legendi.  
Poetæ.

mirari, laudare, imitariq; deceat. Primi omnium sunt, ad quos cognoscendos inuitatur iuuentus: poetæ ac historici, quos qui uoluptatis tantū causa, perinde atq; in conuiujs cytharistris accersunt, nē illi summorū hominū estimationem grauitè lædūt. Nā et prodesse illi uoluere, et bonas mētes optima potissimū delectāt. Est itaq; ab illis & dicendi forma petenda, & obseruandū quid de cōmunibus rebus ferè iudicauerint. Sæpe ride-  
re soleo Græcorum Grāmaticorū uulgus, qui ad phy-

De Homero.

siologiam totum Homeri carmen referunt, mireq; sibi placēt, cū noua Metamorphosi, belli nugatores, ex Ioue æthera, ex Iunone aērē faciūt: quæ ne per sebrim quidem unquā somniatur userat Homerus. Quāto satius fuerat ea ostendi, quæ ille lectoribus propriè admirationi esse uoluit: proprietatem ac lucem in explicādo, carminis οἱ *νομοὶ* αὖ, cum uaria consilia, uarios casus miro ordine recenset, cum aptas occasiones nouis euentibus accommodat, quanta decōri seruandi cura, quanta sit

fit item uerborum ac figurarum copia uarietasq; ijs locis, in quibus detineri lectorem uolebat, quàm minimè frigida sit aut ieiuna seditionis descriptio in secundo Iliados: nam & motus eius occasionem, et ipsum uulgi furorē, & seditiosas quorundam conciones qui multitudini frigidam, quod aiunt, suffundebant, & Thersitæ mores, morūq; argumentū, formam: duas item grauissimas eorum orationes, qui multitudinis animos sedabant, in quibus uehementior est Vlyssæa, lenior Nestorea. Bone Deus, quàm perspicuè, quàm grauitè tractat: nec rectè dicendi archetypum facile usquam reperias hoc loco absolutiorem, cuius elegantiam uirtutesq; omnes is demum proprius cernet, qui imitari & exprimere stylo conabitur. Caue enim putes Homerū temerè à Marco Cicerone planè oratorem uocari, aut inconsultè scripsisse Fabium, excelere hunc poëtā oratorijs omnibus uirtutibus. Iam quæ scenares humanas uerius representauit, quàm Homeri carmen? ut fieri nequeat, quin obiter & rerū admiratione tangamur, quum dictionem cōsideramus. Offerunt sese ultrò spectanda morum exempla, principum uulgiq; adfectus, uaria rerum gestarum cōsilia, quibus nisi erudiri animos Archesilaus sensisset, nunquam amasium suū Homerum uocasset. Mihi quidem omnium quæ hominum ingenia peperere, nullū prudentius Homericò scriptū extare uidetur. Nec dubitarim adfirmare, quod Homerū  
ratiū



Syderū  
nomen-  
clatura  
apud  
Homerū

ratiū censuit, Homerum quid rectum, quid utile sit,  
melius Chrysippo & Crantore docere. Quæso qui  
potuit regum temeritas festiuius notari, quàm cum  
fingit somnio commotum Agamemnonem, uniuersum  
exercitum Græcum in discrimen adducere? Con-  
stat enim quàm ob friuolas causas nonnunquam omnia  
misceant principes, Quid in Achyllis clypeo? non ne re-  
rum elementa & clarissima sydera, præterea horū po-  
situs etiam ac meatus graphice descripsit, unde postea  
philosophi dimetiendi cœli rationem acceperunt? Nā &  
eodem loco circumagi Arctō inquit, nec unquā occide-  
re, & ē regione illi oppositum esse Oriana: qua senten-  
tia bonā Astronomiæ partem cōplexus est. Quid quòd  
ibidem & pacis cōmoda & belli ærumnas inter se cō-  
fert, cum duas urbes, alteram pace florentem, alteram  
bello uastam depingit? quo magis inuisum, opinor, bel-  
lum rem perniciosissimam optimo cuiq; facere. In pa-  
cata urbe nuptiis locus est, exercentur iudicia, agūtur  
causæ, admiationi sunt oratores, In altera iugulantur  
liberi, silent leges, mutum est forū, postremò miserāda  
est omniū rerum ciuiliū uastitas. Quid cedò potuit hoc  
commento excogitari prudentius? Neq; enim plures  
Homeri locos hic attingere uisum est. Tantū hos indi-  
caui, ut studiosis adolescentibus fidem facerem, bonorū  
scriptorum cognitione, non os tantum ac linguam, sed  
pectus etiā formari. Id, opinor, in consilio quondā Græ-



cis fuit, cur Homerum familiarissimè notū esse suis hominibus uoluerint. Solon enim & Pisistratus lege cōstituerūt, ut illius carmē ordine digereretur. Nam aureo illo seculo adhuc suarum partiū principes esse sentiebant, præstare ne quod utile scriptum intercideret. Nunc regiū nihil est, nisi idem sit ἀμύσσοι. Mox institutum est, ut Rhapsodis seu Homeristis, publicè in theatris decāretur Homericum poēma, ut diuino carmine iuuenum aures adsiduò personarent: essetq; semper in promptu rectè dicendi iudicandiq; regula. Felicissimè cū Homero certauit ex Latinis Virgilius: planeq; Virgilipar, nisi fallor, utriq; laus, siue dictionē spectes, siue sententiarum grauitatem, debetur. Quid Tragici, quā multis exemplis Tyrannorum mores & fata proposuere? Quid Comœdia, nisi priuata uitæ speculum? In uniuersum quid prestare studiosis poetica possit, indicauit Fabius. Ego figurarum copiā præcipuæ nostræ orationi suppeditare uideo, uarietateq; rerum animos tum erudire, tum delectare. Historia iudicium formæ Dehieri, dicendiq; facultatē augeri Demosithenes censuit, cū storia. Thucydidem adeò familiarem sibi fecit, ut oēties etiam descripserit. Amauit Xenophontem Cicero. Et cū uniuersa historia πολιτεία quædā sit, uarias constitutendarum rerum publicarū formas adumbrat. Nam ut hic nihil aliud dicā, qd admirabilius est τῶν πολιτεῶν collatione apud Herodotum, ubi Persarum satrapæ alij

διηµα

δικαρχίαι, alij δὲ λειγαρχίαι, alij μοναρχίαι probāt? Quo loco uidēs grauiſſimum ſcriptorē morbos omnes uitiaq; ciuitatū, uelut in tabula depinxiſſe. Verū nemo tam imprudēs eſt, qui nō hoc cōſilio animaduertit conſcriptas eſſe hitorias, ut omniū humanorū officiorū exempla tanq̃ in illuſtri poſita loco cernerentur: Quæ ſi nihil ad erudiendos excitandosq; mortalium animos cōducūt, quid fuit cur Scipio ſenſerit ſe clarorum uirorū imagines intuentem, ad uirtutem accendiſſe

Oratores.

Oratores cum reſpublicas adminiſtrarint, & in iudicijs uerſati, de iure, æquo ac bono tā multa diſſeruerint, conſentaneum eſt pleraq; utiliter monere. Quis enim philoſophiæ moralis locus eſt, quē nō attigerint Demotheſenes ac Cicero? Optimam πολιτείαν nemo philoſophorum ſic ἐζωγράφηκε, ac illi in actionibus ſuis, cū inimprobos ac ſeditioſos ciues, tanq̃ ferrum, ſtylum ſtringunt, cum aduerſus hoſtilem uim reſpublicas conſilio muniunt. Quid de pace popularius ueriusq; excogitari potuit, quā quod in ea oratione qua legē Agrariam diſſuadet, Cicero dixit? Quid ciuilius ea legum prædicatione, quam ex Demotheſenica oratione λεγεται ἰſογείτονος, iuriſconſulti in ſuos cōmentarios trāſtulere? Sed quorſum attinet hic prolixius ſcriptorū ἐγκώμιον texere? Quin ipſi periculū facite, qd ex claſſicis quiſq; præſtet, quāta perſpicuitate gratiaq; omnia explicet, quam prudenter omnia colligat, quæ  
ad inſtitu-

ad institutū pertinent. Nisi enim ad horum imitationē te cōponas, prorsus desperanda est rectē dicēdi iudiciā diq; facultas. Superest ut indicemus & alterā causam, cur eloquētiæ studijs iudiciū acui statuerimus. Id uerō fit, quòd bene dicendi cura per sese uegetiorem animū reddit, ut quid in quaq; re maximē cōueniat, aut prosit, rectius perspiciat. Nā ut corporū robur exercitio cōfirmari uidemus, ita fieri nequit quin hebescāt eorū animi, qui nullo ingenioso labore excitantur. Nemini dubiū est, quin multū cōducat bonorū scriptorū lectio. Verū nisi ad illā scribendi dicendiq; consuetudo adcesserit, neq; perspicere satis acutē poteris illorū sentētiās ac uirtutes, neq; animo certā iudiciādi cōmentandi; regulā concipere. Propterea ad cōparandam tum loquēdi tū iudicandi facultatē, nihil perinde necessariū est atq; styli exercitiū. Quid enim aliud uolebat Afranius, cū fingeret Vsu patre sapientiā prognatā esse, quā adfido dicendi cōmentandiq; studio animū experge fieri ac erudiri? Reliquit in eā sententiā, dignā memoria posteritatis uocē Anaxagoras, τὸν χεῖρα, σοφίης αἰτὶ τῶν ἐν ὧν, quòd uidebat artes omnes usu cōparari, ocioq; ingenia ferē sterilescere. Nā ut mechanicas artes experiūdo discimus, neq; quisquā tā demēs est, qui se mox Appellē fore cōfidat, ubi penicillū primum in manus acceperit: ita multo usu adfuefacienda mens est, ut sese acrius in omnia intendat. Itaq; tantū

Stylus stylo tribuit Marcus Cicero, ut optimū & præstantis-  
 optimus simum dicendi effectorem ac magistrū esse scripserit;  
 dicendi solitusq; sit per otium, aliās è Græcis Latina facere, a-  
 effector. liās noua cudere, aliās declarare: qua industria & in-  
 genij uim ac uigorē tuebatur, & locupletabat facun-  
 diā. Sic enim de se ipse in Bruto, ne quid temerè cōmi-  
 nisci uidear: Nos aut non desistebamus, cū omni genere  
 exercitationis, tū maximè stylo nostris illud quod erat,  
 augere quantumcunq; erat. Demosthenes aliquandiu  
 meditando orationis causa, se in specum quendam ab-  
 didit, feruntq; pertinacissimè fraudato genio lucubra-  
 re solitum: estq; Plutarchus autor, lucernis noctu usum  
 assiduus, donec quinquagesimum annum attigit. Di-  
 cecerunt enim usu prudentissimi homines, quā non  
 Obiur- uulgaris artificis sit dilucidè apteq; dicere. At ex no-  
 gatio. stris iuuenibus quotusquisque uel perpetuo decennio  
 unum aliquem uersiculum scribere instituit? Plerique  
 compendiariam uiam ad consequendam eruditionem  
 esse censent, si quā plurima audierint aut legerint. Ita-  
 que alij totos dies sursum ac deorsum currunt, scholas  
 omnes perreptant, præceptores passim audiūt, miran-  
 turq; nō intellectos, dictata excipiunt, uncialibus lite-  
 ris elenchos commentariorum notant, minio illustrant.  
 In precio sunt interpretes, qui quā plurima dictando  
 tempus extrahunt, nec quisquam semisse præceptorem  
 emerit, qui ab hac cōsuetudine uel transuersum unguē  
 discesserit.

discesserit. Rursum alij domo nusquā pedē proferūt, librisq; se tanq̃ pistrino cuidam addicunt, chartas uolunt ac reuoluūt, beatos se putāt, ubi quotidie magnū numerū chartarū percurrerint. An nō utriq; miseri uidentur, cū tanto labore, tantaq; ualitudinis iactura desipere tantum discant? Primiū enim nisi stylo excitetur animus, per sese hebescit: deinde cū immodica se uel auscultatione, uel lectione obruūt, ingeniorū aciē, si qua cōtigit, obtundunt. Iam & iudiciij inopia fit, ut ferē pessima quæq; cupidissimē audiant, ac legant, ne nō multa peruagentur. Quod si quis ceu domū reuocatus interroget, quid hac discendi ratione sequantur, quis finis, quæ meta animo proposita sit: intelliget nō aliter ac mente captos, quid agant nescire. Nec enim uel sententias, uel sermonem scriptorū obseruant, cū imitandi cura uacent. Tantum oculis auribusq; negocium faciunt, a nimis interim Epimenideum quendam somnū dormit: & cū nullū certum exemplar exprimere studeant, fit, ut & dicendi, & iudicandi ratio deprauetur. Gratulatur sibi Demosthenes apud Athenienses dicturus, quod ipsi per sese quæ optima sint cernant. At nos styli exercitium prædicamus his, qui nunq̃ periculum rei fecerunt, nec commodorum quæ secum hæc exercitatio adfert, uim amplitudinemq; uel per transennam uiderunt, quo magis metuo ne parum fidei habeat oratio nostra, cū stylo tantū tribuimus. Verū si quis

Ratio  
doeendi  
discēdiq;  
apud ue  
teres.

est nō planè iniquus Musis, is apud se expēdat, quæ ue-  
teribus docēdi discēdiq; ratio fuerit, qua disciplina o-  
mnes non tantū illustratæ, sed etiā auctæ sunt. Pauci in  
ludis literarijs autores, sed hi optimi proponebantur,  
quos imitaretur iuuentus. Et quemadmodum de re rura-  
lica præceptum est, ne maior fundus sit, quàm qui coli  
probe possit, ait enim Virgilius,

Laudato ingentia rura,

Exiguum colito:

sic illi cū uiderēt, nec perdisci, nec exprimi posse mul-  
tos feliciter, turbaq; scriptorū cōfundi potius, quā e-  
rudiri iuuenilia ingenia, pauciores admittebāt, quos si  
bi studiosi quā familiarissimos facerent. Declamabatur  
item assidue, scribebāt alij uersus, alij solutam orationē.  
Et quia inter se bene dicēdi studio certabāt, cura solici-  
tudoq; iudiciū acuebat. Quo instituto cū nullum iucū-  
dus erat spectaculū, tū nihil priuatim aut publicè uti-  
lius fieri potuit. Nā ex eiusmodi ludis prodire clarissi-  
mi superioribus seculis homines Græci ac Latini, ple-  
riq; etiā Christiani: quos si imitari studerēt nostri, bone  
Deus, quāto res humanæ magis florerēt, & sacræ lite-  
ræ felicius tractaretur? Porro cū ueteres tantū operæ in  
exercēdo stylo posuerint, cū nec eruditio nec eloquētia  
mediocris citra hoc studiū parari queat, cū intelligi nō  
possint, quæ ab alijs prudēter scripta sunt, nisi ipsi styli  
usu ingenia excitemus: Sinite quæso à uobis impetrari,  
ut stylo

ut stylo nonnunquā uestrās uires experiamini. Rē po-  
 stulo non perinde difficilē, atq; salutare: neq; enim  
 aliunde studijs uestris amplior accessio fiet. Ludos aut,  
 & uersiculos, & solutā orationem: uideo enim puti-  
 diusculē dicere, quotquot pōtice nō attigerunt, pla-  
 neq; humi repere, nec uerborū pōdus, aut ullā figurarū  
 uim tenere. Iā cū asperas cōfragosasq; cōpositiones mul-  
 to sit facillimū in uersibus deprehendere, sit ut qui car-  
 men condunt, de solutæ orationis numeris rectius iudi-  
 cēt. Et haud scio an de literis omnibus actū sit, ubi poē-  
 tice fastidiri cōeperit. Fit enim ut ornatus splendorq; uer-  
 borum nullo in precio sit, minore cura scribatur, osci-  
 tantius legantur omnia, rerū inquirendarū studiū fri-  
 geat. Quare & Romanis temporibus poëtica cōtem-  
 ptum, ēncredibilis inscitia rerū omniū infantiaq; secuta  
 est. Et nuper adeo, cū nostri homines uersiculos facere  
 cōpissent, cū literis melioribus in gratiā rediere. Nec  
 uideo ego conseruari posse quicquid illud est elegantiæ  
 quod hoc seculo re floruit, nisi exercendo stylo carmen  
 iuuentus meditetur. Sensit & M. Cicero ficundiā uer-  
 sibus scribendis ali, eamq; ob causam & sēpe scripsisse  
 carmē, & poētarū perstudiosum fuisse cōstat. Vidit po-  
 sterritas pleraq; eius epigrāmata, extātq; hodie loci ali-  
 quot illustriū poētarū ab ipso Latinis uersibus luculen-  
 tissimē expositi. Plinius orator editis etiā poēmatibus te-  
 statur, hoc studio dicēdi uim adiuuari. Proinde qui di-  
 scendo

Poetices  
 glectū  
 quid se-  
 quatur.



scendo bonas horas bene collocare uolent, ueterū exemplū imitentur, styloq; ut Quintilianus ait, fideli & facundiam parent, & iudiciū acuant. Vehementer enim falluntur, si quid sine hac exercitatione promoturos se in literis sperāt. Mare uitē citius ferat, quā eruditionē aut dicendi facultatē consequatur is, qui tanquam Mandragora sopitus, nunq̄ incalescit ut ingeniū cōmentando expergefāciat. Exposui quæ me rationes ad artium dicendi studiū inuitent, nempe. quod & certa dicendi ratio obseruanda sit, & harum artium usu studiosis nō = nihil iudicij accedat. Quæ si quis ad se nihil pertinere sentit, is haud dubiē ab omni humanitate longissimē abest. Contrā boni, ubi commodorum uim, quæ ad nos a sermone redeūt, contēplati fuerint, animaduertentq; & certa ratione dicēdi opus esse, & his artibus ingenia cultiora reddi, uelis, ut aiunt, ac remis ad hæc studia properabūt. Verū sunt nō parū multi, præsertim hoc tempore, qui bonorū cursum morātur: hi ad Theologicarū literarū tractationem negant dicendi artium scientiam conducere: cepitq; hic error, ceu contagione quadam late uagatus, plurimos, qui ne non ualde theologicari uideantur, humaniores disciplinas omnes cōtemnunt. Ego uerò serio illos theologicari optarim, eaq; præstare quæ Christianam mentem decent. Nunc uideo Theologicū nomē ignauia tantum prætexi, cate-rum uibii minus esse, quā quod profitentur. Nam diū piget

Epilo-  
gus.

Confu-  
ratio.



piget elegantiam discere, seq; difficilimis scriptoribus  
 euoluendis exercendoq; stylo macerare (neq; eum ul=  
 larum literarum cognitio sine acris studio contingit) si  
 quando domū bene poti rediere, concinculi aliq le=  
 gūt: inde ubi decerpserint quæ ad stomachū faciūt, pas=  
 sim in conuiujs (nam ibi potissimū sapiūt) declamant:  
 et quia uulgi adplaudit, iam uerò sibi tantū nō ab=  
 solutè Theologi uidentur, cum de grauiſſimis rebus ob=  
 scœni homines, impuro ore, nulla religione disputent.  
 Et cum uetet PAVLVS *καταλέγειν λόγον θεοῦ*,  
 nemo impudentius cauponatur uerbum Dei, quàm hi  
 qui cum nec moribus, nec eruditione bonis se probare  
 possint, uulgi fauorem impia sacrarum literarum tra=  
 ctatione emercentur. Quid multa? uideas eos aspernari  
 literas nostras, quibus res bonæ honestæq; omnes, qui=  
 bus pietas, quibus mores publici, imò quibus CHRIS=  
 TVS ipse fabula est. In quos, si bene constitutā habere  
 mus rempublicam, nō nos oratione, sed ui magistratus  
 animaduerneret. Quam enim crucē nō merētur hi, qui  
 ut præterea nihil peccēt, exēplo suo iuuentutē à literis  
 auocant? Quæ nisi discantur, posteritatem sumus habi=  
 turi nihilo sanioſiorem superioribus seculis, cum literarū  
 imperitia res omnes humanas ac diuinas labefactas=  
 set. Qui igitur sic cogitamus, Olim cum grauiſſimè  
 succenseret Ecclesiæ Deus, ereptas esse literas, secuta  
 est sacrarū inscitia. Nam cū nostris uerbis loqui Deus

uoluerit, de sermone diuino ineptè iudicauerint imperi-  
 ti artiũ dicēdi. Porro quæ illis temporibus cæcitas mē-  
 tem hominũ tenebat? CHRISTVM quotusquisq; no-  
 rat? Imò chartæ iā obfoluerant, quibus cōtinebantur sa-  
 cra. Articulos Parisij cōdebant, quos interim mundus,  
 tanquā diuinas leges, adorabat: piũ nihil erat, nisi qd'  
 illi somniassent. Et belli homines, cū literas nullas tene-  
 rent unde sapere discerēt, fatuā illā sophisticen pepere-  
 rūt: cœperuntq; rixari de cōmenticijs uerborũ cōposi-  
 tionibus, ne nō rhetoricarentur quid intersit inter hæc,  
 Papā uidi, & uidi Papā. Extatq; hodie articulus Pari-  
 siensis, Ego currit, malè Latine dici, hæreticũ esse quis  
 quis dissenserit. Satin' uidentur ultæ contumeliã literæ  
 neglectæ? Quis enim credat cerebrũ fuisse talũ nuga-  
 rũ autoribus? Hæc uerò calamitas magna ex parte li-  
 terarũ inscitie imputanda est: nō enim patebāt sacra,  
 tanq̃ interclusa uirgultis ac frondibus, unde mētis rectè  
 erudiendæ ratio peteretur. negligebātur et disertī scri-  
 ptores, qui monerent humana. Quanto tolerabilius fue-  
 rat pestilite aut annonæ caritate plecti ecclesiã, q̃ tan-  
 ta amentia? planeq; mihi persuadeo, certũ esse diuinæ  
 iræ exemplũ, si quando mūdo literæ eripiūtur. Nā reli-  
 quis pœnis pij quoq; nō rarò mulctantur. At literarum  
 inscitiam publica comitatur impietas. Nuper uerò cum  
 respicere afflictos iterũ cœpisset optimus Pater, essetq;  
 redditurus nobis Euangeliũ, pro sua liberalitate & li-  
 teras

terat restituit, quibus euangelij tractatio adiuuaretur. Nec magis nouū uideri debet donū linguarū Apostolis collatū, quā quod hæ à tātō squalore receptæ, ex tenebris plus q̄ Tartareis in lucē reuocatæ sunt. Nec in obscuro est, bonis quibusdam uiris auxilio fuisse literarū scientiam in Theologia restituenda. Primū itaq; ingratitudo fuerit, cœleste donū aspernari: deinde cū beneficio literarū restituta sint sacra, impiissimum, si nullam harū rationem habeamus, sine quibus stare res Theologica nō potest. Et ut paucis exponam quid iudicē ad sacrarū literarū tractationem conferre linguarū scientiam, nō sum in eo errore, ut humani ingenij industria, sacra penetrari statuam. Sunt in sacris, quæ, nisi monstrante Deo, nemo unquam cernat: nec innotescit nobis

CHRISTVS, nisi doceat spiritus sanctus. Sic enim

CHRISTVS. ipse inquit, à spiritu se doſcēdū vocē.

Verū præter prophetiam uis uerborū cognoscēda est, in quibus tanq̄ in sacrario quodam, diuina mysteria recondita sunt. Quid enim si non intellecta uerba magico more pronuncies: non ne surdo fabulam? At de sermone iudicare nemo rectē poterit, nisi qui rectē dicēdi rationem perdidicerit. Quid enim magis procliuē est, quā uerbo aliquo aut schemate falli? Nuper quidam ex magistris nostris cū enarraret ea quæ de Melchisedec in Genesi prodita sunt: Rex salem panem ac uinum obtulit, nō animaduertēs, Salem loci nomen esse, multa

Lingua  
rum sci-  
entia  
quid ad  
sacrarū  
literarū  
cognitio-  
nem cō-  
ferat.

Gen. 14

de cōdimentū uī ac natura differuit. Imposuit enim bono uiro uocū affinitas. Nā oscitātius omnia legunt, qui ingenium dicendi artibus nō exercuere. De ceperunt et eruditos figuræ: adeo nulla exercitatio dicendi ac scribendi satis cautos facit. Interrogabat me pridē doctus quispiā homo, ecquid sibi uellet **PAVLVS**, cum inquit

1. Tim. 2 in epistola ad Timotheum: Saluatur mulier per filiorū generationē, si in fide permanserint. Nā Græci plurali numero uerbum extulere. Ego cum non haberem quod aptè respōderi uideretur, cōmentarios cōsulo. Ecce uobis Chrysostomū, quā bellè nugatur: cū uerbū *μαρίων* ad sobolem refert. Quod quā nō cōueniat sentētiae Paulinae, facile est iudicare. Nec uidet senex ille Synthesin esse grāmaticam, cū uniuersum sexū plurali uerbo cōplectitur. Similia horū exempla nō rara suppediabit quotidianis scriptorū usus. Postremo, quā aliā ob causam Sophistæ sacris libris ablegatis, nouū Theologiæ genus reperere, quā quod illorum sermonem, & discerendi rationē non adsequebantur? Quorum exemplū si quem à barbarie nō deterret, fustuario, non oratione castigādis est: nā si perrexerit iuuētus bonas literas cōtenere, haud dubiè futurū est, optimis neglectis, ut rursus sacræ bonæq; res omnes pessum eant. Fallitur enim quisquis uerbis tantum, nō etiam mēte barbaros fuisse Theologastros istos censet. Iā si quādo Ecclesiasticū dogma tuendum fuerit, quid quæso præstabit is, qui quid sentiat,

sentiat, explicare non potest? An confusaneam aliquā ac Stoicam orationem adferet, in qua de uerbornm interpunctione rixetur? Ab hoc auditor cum expectarit perspicuā sacri dogmatis tractationē, perinde ac hians coruus discedet, diu frustra molestis disunctionibus fatigatus. Itaq; quos pietatis tenet studiū, ij uel CHRISTO, uel publicæ necessitati ecclesiæ, hoc præstent officij, ut rectè loqui discāt. Vocat huc etiā PAVLVS, cū in Corinthijs linguarum studium probat, cuius autoritas meritò apud uos ualere debet, quibus in ore tā multus est. Indicaui paucis quid ad literarum prophanarū ac sacrarū tractationem cōducatur rectè dicendi sciētia. Nunc uestrum est cū elegantiore literatura in gratiā redire, eāq; cupidè amplecti. Video plerosq; intempesti uè properare ad grauiores, ut uocāt, disciplinas, quosdam ad iura discēda, ad medicinam spes quæstus rapit, alij ad Theologiam contendunt, prius q̄ robur aliquod fecerint in studio artium dicendi. Qui si suo quæq; ordine adgrederētur, bone Deus, quanto rem felicius gererent? Nunc male tētato compēdio, ipsi sese morātur.

Fuit apud nos Morio quispiam, qui in heri culinam ex more ligna ferebat. Is solitus est ex infima strue, ea reuellere, quæ moueri sine magno negotio non poterant. Interrogatusq; cur id fieret, respondit, se difficilissimam laboris partem primū confecturū, summa illa facilius moueri: nec uidit quantum referret singula ordine

dine tollere. Huius mihi per similes uidentur, qui fasti-  
ditis his artibus ad sublimia prouolant. Nā et augetur  
discēdi labor, et incōmodius omnia tractātur, cū nondū  
sint perpoliti primis rudimētis. Deū immortalē, q̄ infē-  
liciter cessit maioribus nostris hęc præcipitātia? Nullū  
genus artiū superioribus seculis non fœdē cōspucatum  
est ab his, qui cū elegantiores literas non attigissent, in  
optimas quasq; & grauißimas disciplinas tanq̄ in ro-  
sas porci irruerūt. Theologia stultis & impijs quæstio-  
nibus prorsus obruta est. Qui philosophiā professi sunt,  
ne nomen quidē artis satis intellexerūt. De lure, æquo  
ac bono, fieri non potuit ut quidq̄ sani cōminiscerentur  
hi qui elegantioris literaturæ rudes erant, qd' et ipsum  
disciplinæ genus ex medijs humanitatis artibus deriua-  
tū sit, & ueterū Iuriconsultorū literæ plenæ sint pri-  
scæ ueræq; eruditionis. Neq; nunc ego sermonis spurci-  
tiem tantū in artiū professoribus accuso, sed impru-  
dentiam, à quo seruitio adserere non possunt, quorum  
ingenia dicendi artibus non sunt exulta. Quare non  
cesso uos adhortari ad elegantiae earumq; artium stu-  
dium, sine quibus disciplinæ reliquæ non possunt non  
felicissimè tractari, quod à uobis par est ut uel publica  
necessitas impetret. Nam ubi disciplinas grauiores ui-  
tiarit barbaries, periclitari solent et hominum mores.  
Est enim multo uerius hoc, cōparari mores ex doctri-  
na, quàm quod Plato scripsit, ex musicorum cantibus.

DIXI.

## DE FORMANDO

STVDIO, RODOLPHI

AGRICOLAE EPISTOLA.

RODOLPHVS AGRICOLA

IACOBO BARBIRIANO S.



SCRIBIS *suauissime* IACOBE, atq;  
*optas* dari tibi facultatem degendæ me  
*cum* uitæ, quò *posses*, id quòd maxime  
*cupis*, uelut ductu auspicijsq; meis, stu-  
 dia tua instituire atq; formare. Velle  
 equidem tantæ mihi eruditionis, tam magni in literis  
 doctrinisq; usus cõsciusssem, ut istud tã iure meritoq;  
 deberes cupere, q̃ te scio uerè id atq; ex animo optare.  
 Hortarer te, ut rebus omnibus relictis, quæcunque uel  
 utilitatis specie te deuinciunt, uel uoluptatũ illecebris  
 blandiuntur, eruditionis studiaq; me duce sequerere: et  
 incisis omnibus, uel abruptis etiam uinculis, quibus alli-  
 gatus teneris, prona præcipitiq; ad optima tenderes  
 uia. Facerem id non modò tua causa, cuius maxime  
 deberem, & uellem, sed et mea quoq; quum sperarem  
 tantũ nominis opinionisq; apud multos consequi posse,  
 tantumq; fuisse me plerisq; persuasum iri, quantum te  
 monitis præceptioneq; mea factum uiderent, quantũq;  
 fieri te pòsse exploratum habeo, & de te ingenij uis,  
 amor studiorũ, naturæq; tuæ felicitas mihi promittũt.

Nunc



Nunc cum ad nullā tantam spē mei uocare te possim,  
 quæ ullo incommodo rerum tuarum tibi sit redimēda:  
 rebus ipsis pareamus oportet. Vtī quæ optabile nobis  
 esset, si unum aliquem in locū nos felicior casus cōtu-  
 lisset: sic hoc desiderium nostrū est hac cōmoda rerum  
 tuarū cōditione leniendū, & iucūdiſsima putāda, quæ  
 optima sunt. Vt tamē interea præceptoris apud te mu-  
 nere fungar, & per literas (qua datur) ostendā qua ra-  
 tione tibi putem studia tractanda, paucis, & quantum  
 epistolæ capit angustia, quod optimum cēseo, explica-  
 bo. In studijs formandis duo præcipuē spectanda credi-  
 derim. Prius, quod studiorum maximè genus cui lectā-  
 dum sit. Deinde, qua ratione quis in eo quod elegerit,  
 plurimū efficiat, de utroq; ordine dicam. Studiorū ge-  
 nus, alteri necessitas uel rerū, uel naturæ suæ assignat.  
 Alter uoluntate sua ad id quod optimū censet, sese ad-  
 iūgit. Vt enim cui angustior res familiaris cōtingit, eas  
 ferè sequitur arteis, unde promptissimū putat posse ne-  
 cessitatibus suis præsidium parare: Vt etiā cui segnior  
 natura, obtusior mentis acies est, si modò perdere nolit  
 operā, ea sequi debet non quæ maximè cupit, sed quæ  
 rectissimè potest: Sic is, cui facultatū uberius copia, &  
 felicior ingenij uis tributa est, nimirū errabit, si nō totis  
 uiribus ad optima feretur, quādoq; ad summa pertinē-  
 gere possit, malit inter secūda potius terciāue subsiste-  
 re. Ergo ciuile ius alius, alius Pōtificū sanctiones, alius

Medicinæ

Duo in  
 studēdo  
 preci-  
 pua.  
 Primū.



*Medicinæ artē discendā sumit: pleriq; etiam loquaces  
 has, & inani strepitu crepitâtes, quas uulgò artes iam  
 uocamus, sibi uindicât, & perplexis disputationū am-  
 bagibus, uel etiâ (ut uerius dicam) ænigmatibus diē te-  
 runt. Quæ tot iam seculis nullū inuenerūt Oedipodem  
 qui ea solueret, nec inuentura sunt unq̃. His miseras a-  
 dolescentiū onerant aures, hæc subinde ingerūt incul-  
 cātq; , et in plerisq; meliorē ingenij spem atq; frugē, in  
 teneris adhuc annis, uelut in herba enecant. Laudo eas  
 omnes, tamen plus certè laudaturus, si rectè ordineq;  
 tractarentur: nec enim tantum desipio, ut solus damnē  
 quas tam multi laudant. Quidni laudem uerò, quibus  
 uideam multos summas opes, ampliſsimos honores, au-  
 toritatem, famam, dignitatem consecutos? Et quas cer-  
 te uēdibiliores (ut Ciceronis uerbo utar) sciam & pla-  
 nè fatear, alijs nonnullis, quas steriles & ieiunas uo-  
 cant, ut quæ magis animum expleant quàm arcam.  
 Si lucri rationem itaque ducis, habes ex illustrioribus  
 illis aliquam, quam sequaris, ut diues fias: dum ta-  
 men scias hanc laudem, ut contingat, tibi cum fœne-  
 ratore fore communem. Sin rectius credis, quæ ho-  
 nestæ sunt, propter se expetere, & quas habes sô-  
 cultates, suffecturas putas modestiæ tuæ (quandoqui-  
 dem immodestiæ, & quantumuis paruæ, nimis sunt:  
 & quantumuis magnæ, non sufficiunt) censeo, ut ad Philoso-  
 philosophiam te conferas, hoc est, enitaris ut rectè phiē stu-  
 de rebus dendi.*

de rebus sentias: & quæ sentis, commodè ut possis elo-  
 Reſte qui. Sentire autem duplex eſt, proinde & duplex con-  
 ſentire ditio rerum quas inquirimus. Aliæ nanq; res ad actio-  
 eſt du- nes, moreſq; noſtros pertinent, quibus omnis ratio ui-  
 plex. tæ rectè riteq; degendæ continetur, quam Philoſophiæ

Morale. pars ea quæ moralis uocatur, tradit. Huius prima no-  
 bis, & præcipua habenda eſt ratio. Hæc autem eſt pe-  
 tenda tibi non modò à philoſophis, qui literis eam tra-  
 didere, ut ſunt Ariſtoteles, Cicero, Seneca, et ſi qui ſunt  
 alij uel Latini, uel ita Latinè redditi, ut digni ſint qui  
 legantur: ſed ab hiſtoricis etiã, et poëtis, et oratoribus.  
 Quoniam ij, & beneficia laudando, & quæ contrà ſa-  
 cta ſunt, uituperando, non docent quidem, ſed (quod  
 efficaciſimũ eſt) exēplis propoſitis, quæ recte ſecus ue-  
 fiant oſtendunt. Per hæc gradus ad ſacras literas faci-  
 endus eſt, & ad illarum præſcriptum dirigendus uitæ  
 nobis ordo, ſaluberrimiſq; illis ducibus, de noſtra ſa-  
 lute credendum. Reliqua omnia aliorum tradita, plus  
 minus' ue erroris, tamen habent admixtum aliquid. Ne-  
 que enim contingere potuit eis, ut rectum, & nulla  
 aberrantem parte curſum uitæ inſtituerent, quiſquis  
 eſſet uitæ propoſitus finis, aut neſcirent, aut ueluti per  
 nubem ſpectantes ſuſpicarentur, dicerentq; conſtantius  
 quàm crederent. At ſacræ literæ, tam longè ab omni  
 errore emotæ ſunt, quàm qui eas tradidit, Deus. Hæ  
 ſunt quæ ſolæ nos certa, ſolida, rectaq; ducunt uia,  
 quæq;

quæq; omni discussa caligine, sequentem se non falli, nō excidere, non usquam aberrare patiuntur. Sunt & aliæ res, quarum cognitio magis ad ornamentum animi nostri, honestatiq; uoluptatem, quàm ad necessarium utique usum pertineat. Cuiusmodi est omnis disputatio de natura rerum, multiplex certè, uariumq; negotium, & multipliciter quoque à multis summo ingenio uiris tractatum. Quæ ut non necessaria sit ad boni uiri mentem formandam effingendamq; non parū tamē contulerit, uel eo, quòd ubi hæc cura perquisitioq; rerū bona fide sibi cuiusquam uindicauerit animū, nullū sordibus uilibusq; curis locū relinquit: deinde quòd docet contemnere atq; pro nihilo putare ea, ad quorum conspectum uulgus stupet: per quorum possessionem etiā eis, qui felices putantur, misereatur, quādo ostendat, quā uanis omnia futilibusq; consistit causis, dicatq; nullam rerum naturæ posse perniciem contingere maiorem, quā si omnes eius uel sordidissimæ partes tales fiant, quales nunc sunt aurum, gemmæq;, quibus publica humani generis insania summum esse precium uoluit. Postremo, quia quādo intelligimus hac monstrante, fragilis huius caduciq; corporis nostri habitum, omnibus casibus obnoxium, discimus omnem curam nobis ad animam esse transferendam, hancq; excolendam, in qua nulla nobis opera frustra, aut peritura locatur: quippe in quam quicquid collatum sit,

Cognitio rerū naturalium.

Anima excolenda.

G

inimor

immortale (sicut ipsa est) æternumq; sit mansurum. Transeo multa: neq; enim epistola esset, sed uoluminis opus, omnia complecti quæ in hanc possent sententiam dici. Hoc satis est ostendisse, quod tute minimè ignoras, dignam hanc esse studiorum, in qua uiri boni mens elaboret. Nec ego aditum tantum primà quæ initia harum artium percipere te uelim, quod nunc uulgò in scholis fieri uidemus, quodq; tu pridem cum ma-

Res ipsa  
tentadæ gna laude pulchrè prolixèq; præstitisti, sed res ipsas  
attingendas censuerim: tam terrarum, marium, montium, fluuiorum situs, naturas, gentiumq; in his mores, terminos, conditionem, imperia uel accepta, uel prolata: tum arborum, herbarumq; uires, quas Theophrastus: iam animantium historiam, generationē, partes, quas Aristoteles literis mandauit, perquirendā. Quid dicā, quæ de re rustica tractata sunt? quidq; de Medicina? alius rem militarem, alius architecturā, alius pingendi fingendiq; rationē cōscripsit. Quas artes, tamen si non sum nescius non intra partem eam disciplinarum claudi, quæ rerum naturam scrutatur: tamen quia cognitæ sunt illi & ab eisdem ferè prodeunt fontibus, non est quòd nunc in eo magnopere sum sollicitus, quando ad eundem ordinem redigēdas putem. Hæc ergo omnia, quæ dixi & ad mores nostros, & ad rerum naturam pertinere, ex eis discenda tibi sunt autoribus, qui rebus cognitis dignis clarissimum eloquentiæ lumen

men addiderunt: ut una opera, & rerum notitia tibi,  
 et quod post eam proximum feci, commodè eloquendi  
 ratio contingat. Qua quidem de re scis multa à sum=  
 mis uiris tradita esse præcepta. Quod tamē ad corru=  
 ptam institutionem loquendi emendandam pertinet,  
 quam pueri in scholis accipimus, huius mihi admonē=  
 dus uideris. Fac suspectum tibi sit, quicquid hætenus  
 didicisti, damnes omnia atq; abijcienda putes, nisi me=  
 liorum autorum testimonio, & uelut decreto, rursus  
 in eorum mittaris possessionem. Præterea quicquid  
 apud emendatos autores leges, utilissimum fuerit, id  
 ipsum quàm maximè proprijs & idem significantibus  
 uerbis reddere uernaculo sermone. Hac enim exercita=  
 tione assequeris, ut quoties dicendum tibi aliquid scri=  
 bendum ue fuerit, quando cōcipiendis uerbis apud ani=  
 mum tuum sese, quo natura fert, uernaculus sermo pro=  
 tulerit, statim quoq; Latina uerba iampridem illic hoc  
 usu accōmodata sequantur. Ad hæc quoq; si quid scri=  
 bere uoles, optimum erit id ipsum quàm plenissimè re=  
 ctissimeq; patrio sermone intra animum tuum forma=  
 re. Deinde Latinis purè proprièq; id significantibus  
 explicare. Sic fiet, ut omnia aperte & quàm maximè  
 plenè dicātur. Omnes enim, si quid in dicendo est uitij,  
 facillimè in eo perspicimus sermone, ad quem sumus na=  
 ti: & si quid uel dilucidè parum, uel breuius quàm con=  
 ueniat, uel contortè nimium, nec satis cum re proposi=

Verna-  
 culus  
 sermo.

ta coherens dictum fuerit, in eo sermone expeditius annotabit quisque, quem notissimum habebit. Postremo, ut hunc locum concludam, quicquid eris scripturus, des operam, ut quam purissime id recte tantum, Latineque inter initia eloquaris, Ornate dicendi posterior erit cura: quod contingere certe, nisi sana et inte-

Eloquē-  
tia cor-  
pori col-  
lata.

gra sit oratio, non potest. Euenit enim eloquentiae. quod corpori: in quo si non omnia membra sint suo quodque loco disposita, si sint à recto habitu detorta, si magnitudinis suae modum egressa, frustra illi circumdederis ornatum. Pugnabit enim cum ornamentis suis corpus, et illustriorem deformitatem eius decor externus faciet illi comparatus. Sed de hac parte, quae tibi studia potissimum sectanda putem, haecenus. Reliquum est, ut dicam quo pacto plurimum in studijs fructus consequuturum te credo. Alius aliter fortasse. ego ita sentio. Quisquis in percipiendis doctrinis cupiet dignum aliquem laborum fructum adipisci, illi tria esse praecipue praestanda. ut planè recteque percipiat, quod discit: ut fideliter, quod percepit, contineat, ut et ex eo aliquid ipse deinde parere proferreque ualeat. Primum diligentis lectionis est opus: Secundum, fide memoriae: Tertium, assidue exercitationis. In lectione id conandum in primis est, ut id quod legimus, quam maxime fieri poterit intelligamus, et penitus habeamus perspectum: nec rem tantum quae traditur, sed et uerborum

Secun-  
dū prae-  
cipuum  
in studē-  
do, tri-  
plex est.  
Lectio  
diligens

in di-

in disertis autoribus uim, proprietatem, structuram,  
 ornatumq; perspiciamus: quis decor, quod pondus sen-  
 tentiarum, quæ uis explicandi, & res proferendi uer-  
 bis, & uelut in lucem conspectumq; protrahendi. Nec  
 tamen istud eò pertinet, ut si uel per se obscurior, uel  
 nobis ignotus occurrerit locus, statim resistendū illic,  
 nec progrediendum ultra putemus, ut (quod nonnulli)  
 statim proiciamus librum, damnemusq; studia, & in-  
 genium nostrum deploremus. Diligentia enim, non in-  
 dignatione ad profectum est opus. Transeundum ergo,  
 si quid erit ubi intellectus non possit crui, & in aliud  
 reseruandum tempus, donec uel homo, uel liber nobis  
 contingat, qui id aperiat, uel ad alia lectio, quod cre-  
 brum est, doceat. Dies enim (quod dicere soleo) diem  
 docet. Quod si Quintilianus inter uirtutes gramma-  
 tici numerandum putauit aliqua nescire, quanto magis  
 nobis, ut nō dicam necessarium, saltem cum uenia erit,  
 nonnulla ignorare? Nolim tamen uideri cuiusquam de-  
 sidiæ patrociniū me his commemorandis parare. Nā  
 contra uideor mihi nulla re alia cuiusquam studium  
 posse uehementius accendere, quā si ostendam ipsam  
 sibi lectionem aperire uiam, & omnem legendi la-  
 bore legendo superari. Proximum est, ut memoria  
 firmiter, quod accepit, asseruet. Constat autem memo-  
 ria in primis natura: ea tamen adiuuatur arte, quam  
 alij quidem aliter tradidere, sed sic tamen, ut summa  
 conferat.

Locus  
obscurus notā  
duserit.

Diligen-  
tia.

Lectio  
lectionē  
adiuuat.

Memo-  
ria fida,  
quæ ad  
duo po-  
tillimū  
conferat.



rerum eòdem ferè redeat. Eam artem duobus maxime  
usibus accommodam arbitror. Aut enim subito dicen-  
dum est, & maior aliquis rerum numerus commemo-  
randus, in quo periculum adeundum est ne ut ordine,  
uel numero destituamur: ut quum legati apud princi-  
pem, aut Senatum aliquem uel proponimus petita no-  
stra, uel partis aduersæ cogimur respondere postulatis,  
tunc certè ab hac arte commodissime præsidium pete-  
tur. Aut quando exercere memoriam uolumus, id hac  
uia facile & quàm minima molestia facere licebit:  
quod sanè ad memoriam firmandam utilissimum esse,  
& Quintilianus autor est, & rei usus, si quis experiri  
uolet, expeditè docebit. Si quod aliud enim, memoria  
uel maxima est quam creber usus auget, quàmque incu-  
ria negligentiaque destituit. In ijs uerò quæ perpetuò  
animo nostro cupimus hæere, optimum contenderim  
esse, quàm intentissima cura primum complecti ea:  
deinde, quàm creberrimè ab animo nostro reposcere,  
& subinde admonendo eum ad fidem præstandam co-  
gere: postremò, ut animo uacuo, & quantum datur ab  
aliarum curarum turba ocioso, id agamus, quod qui-  
dem in actionibus omnibus & negotijs, quicquid id est  
quod ulla parte nostri fieri debet, exploratum est, ut  
nemo pluribus æquè sufficere possit. Ingenium certè id  
est, quod ubi intenderis (ut inquit Sallustius) ualet, quod  
ei in multas diducto curas contingere minimè potest.

Tertium



Tertium est, & quod proposueram postremum, quo pacto ex ijs quæ discendo percepimus, ipsi excudere aliquid proferreque ualeamus: ne ue studia nostra apud animum segnia, & (ut ita dicam) sterilia reponantur: sed, quod semina solent in terra condita, fructum aliquem uberiores cum sænore profundant. Amplius copiosiusque est hic locus, & dignus qui pluribus dicetur, quemque ego aliquando exactiori cura mihi putodendum, quando hic præcipuus esse uidetur longi laboris, sollicitudinisque in studia collatæ fructus. Quod si nihil ipsi ad posteros mandare poterimus, nihil extra ea quæ didicimus, ad præsentis proferre, quid tandem inter librum & nos intererit? nisi qualiter quidem ea, quæ semel in illum congesta sunt, bona fide semper seruat, redditque nobis: ut quæ accepimus, continere possimus, iteranda sunt toties, & subinde in animum inculcanda. Complectitur sane locus hic duo, quorum utrumque per se quando sit magnum, cõiuncta certè plurimum in studijs laudis merentur. Horum alterum est, ut quæ didicimus, in usum prompta habeamus, & ubicunque res postulat, parata. Plerosque enim uideas, qui quando multa didicerint, multorum habeant memoriam: ubi proferendum tamen sit aliquid eorum, nihil succurrat eis, nihil queant meminisse: at sciunt quidem, sed id ipsum scire se nesciunt. Alterum est, ut ex eis quæ accepimus, ipsi præter hæc inuenire aliqua possimus &

Primo  
lociscō-  
muni-  
bus.

Lucre-  
tiæ ex-  
plum,

conficere, quæ nobis asseramus, nostrâq; esse queamus  
affirmare. Duo sunt autem, quæ præcipuè huic parti  
profutura crediderim. Horum unum est, ut certa quæ-  
dam rerum capita habeamus, cuiusmodi sunt, uirtus, ui-  
tiū, uita, mors, doctrina, ineruditio, beneuolentia, odiū,  
& reliqua id genus, quorum usus ferè communis ad o-  
mnia, & tamquam pulicis sit. Hæc crebrò iteremus, et  
omnia quæ didicimus, quantū fieri potest. Certè quæ-  
cunq; discimus, ad ea redigamus, ut repetendis capita-  
bus illis ea quoq; quæ ad ea redeimus, repetantur. Sic  
fiet tandem, ut omnia quæ discimus, certa nobis præ-  
sentiaq; & propè sub conspectu maneant. Poterit au-  
tem persæpe uel exemplum unum, uel una sententia,  
in multa capita cōferri, ut quod de ui illata Lucertiæ,  
apud Liliū est: primū de pudicitia, quanti scilicet ea  
facienda sit, cuius damnum Lucretia morte putauit pēsan-  
dum. Post de pulchritudine, quantorum malorum ea  
sæpe sit causa, quantum etiam pudicitia ab ea periculi  
sit. Iam de morte, ut ea mala nō sit habenda, quā Lucre-  
tia impudicæ uitæ prætulit. Hinc de libidine, quas  
clades, quæ bella ea mouerit, utq; etiā ingētia mala ma-  
gnorum sæpe bonorum præbeant causam, quando ex  
eo scelere populo Romano sit libertas quæ sita. Senten-  
tia itidem diuidetur, ut, Est uirtus, placidis abstiniuis-  
se bonis. Ad uirtutis caput ducetur, dicit enim: Virtus  
est, placitis bonis abstinuisse. Ducetur ad ad caput bo-  
norum,

norum, non omnia bona expetenda esse: quoniam placitis bonis abstinuisse, est uirtus. Ducetur ad caput abstinentiæ, quia abstinuisse placitis bonis, est uirtus. Secundum quod huic parti adiumento erit, id est, ut in ijs quæ discimus, diligenter pensumq; conferamus uerba Collatione u-  
 inter se, & latiori quodam tractu explicemus. Summa-  
 mus, exēpli gratia, quod apud Verg. est: Optima quæ-  
 que dies miseris mortalibus æui, Prima fugit. Primū, nius ad  
 alterum  
 optima inquit. qualia sunt putanda bona humana, quā-  
 do optima sint, eaq; nedum abeāt, sed fugiant, & sem-  
 per peiorum expectatione torqueant? quæ etiam du-  
 riora uideantur necesse est, ex meliorum quæ præces-  
 serunt, comparatione. Sequitur dies æui, id est uita  
 nostra: ea quā parui est faciendā, si fugax est, & o-  
 ptima protinus initio, uelut in flore consumitur. Quæ  
 potest autem esse felicitas in uita, quando qui fruuntur  
 ea, mortales nedum, sed & miseri sunt? Hinc iam mi-  
 seris mortalibus. quidni miseri, quorum talia bona sunt  
 talis est uita, quiq; morti obnoxij sunt? Postremum est,  
 prima fugit. Prima ergo nondū usu cognita, nulla per-  
 functione possessa, ut semper quæ sequitur, quantūuis  
 forte per se bona, tamen melioris collatione dura ui- Vnum-  
 deatur. Fugit etiam, non dimittitur, non abire iubetur, quodq;  
 Quā fallax ergo, quā incerta, quā nequaquā no- per lo-  
 stri iuris aut arbitrij est. Quòd si quis latius ista, & lecticos  
 per omnes locos dialecticos fuderit, quatenus cuiusq; de ducē-  
 dum.

natura capax eorum est, ingens itaq; copia & ad dicendum, & ad inueniendum se praebebit. Quod quomodo faciendum sit, maius est quam ut epistola id capiat, & copiose est à me ea de re in sex libris eis, quos de inuentione dialecticae scripsi, disputatum. Quisquis ergo prius id rectè & cum cura tractauerit, praesertim si rationem dialecticae inuentionis illi adiunxerit, ingens illi, paratissimaq; de omni ferè proposita re discedi facultas cōtinget, modò ea res illa ex parte ad eas pertineat, quas didicit artes. Hocq; pacto ueteres illos professores artiū, quos Graeci sophistas, id est, doctores, uocabāt, exercuisse deprehēdo, quantū ex Aristotele et Platone conijcere licet, atq; ad eam eruditionem promptitudinemq; dicendi peruenerunt, ut de qua re audire quis uellet, proponi iuberent, dicerentq;, quantum, quantumq; uideretur de eo quod esset propositum. Sic Gorgias Leontinus, primus tam audacis coepti auctor, sic Prodicus Chius, sic Protagoras Abderites, atq; Hippinus Eleus, et instituti, et alios docuere. Ad id quod secundū feci, multū iudicij parabit in ijs quae discuntur, & nouas argumentationes, nouasq; sententias, aut ueteres, sed quibus noua facies sit, inueniet: estq; eiusmodi, ut si stylus ei addatur, statim exercere eloquentiam possit, & ad bene dicendū aditum parare. Sed haec haec tenus, ut pro rerū cōditione pauca, ut pro modo epistolae nimis multa. Vt enim Demetrio Phalerio uisum est

est in libro, quem *ἡ ἐπιστολή* *ἡ grandior*, id est, de explicat-  
tione, scripsit in epistola, quæ grandior facta est, non tã  
epistola dici debet, quam liber, cuius initio sit salus ad-  
scripta. Verum id utcunq; æstimari poterit, haud po-  
nam equidem in magno discrimine: mihi statutum est,  
aliquo modo, quocunq; possum, studia tua iuuare. Quod  
ipsum, si non potero ostendere, tamen ut me uoluisse in-  
telligas: quod uoluisse, ut in multis quæ effectum exi-  
gunt, parum est: ita in amicitia, cui pro effectû animus  
est, tale est, ut nihil plus exigi, nihil magis præstari  
possit. Vale. Heydelbergæ, Anno 1484.

Septimo Idus Iunij.

CHRISTOPHORVS HEGEN-  
DORPHINVS CVM PRIMIS ET NOBIS  
li & studioso iuueni MATHIAE de  
DREVITSH S. D.



VLTIIS iam annis Mathia Ge-  
nerosissime, expertus sum, quam  
laboriosum, quam molestum sit  
iuuentutis mores recte fingere, iu-  
uentutem ad quātulamcunq; tan-  
dem eruditionis frugem perducere. Cæterum nō  
nunquam antehac mihi perinde res ista labori-  
bus iuxta ac molestijs plena uisa est, atq; hoc  
tem-

tempore, quo præterquam quod iuuenes literas bonas perosifunt, etiam moribus impurissimis, paritet & intractabilissimis præditi existunt. Etenim quando unquam iuuentus magis lufit in aleam? quando scortationibus, stupris, adulterijs, omnibus libidinum generibus fuit addictior? quando patrimonij profusior? quando famæ, rei omnium preciosissimæ, magis prodiga? quando temporis, rei irrecuperabilis, minus curiosa extitit? Breuiter, quando in præceptores præfractor, contumeliosior, in gravior unquam? quando in Deum magis imple, magis blasphema in Christum unquam fuit? Ac mihi mecum reputanti, & animo uoluenti, quidnam isto seculo iuuentutem nostram corrumpat, perdat: hæc in mentem ueniunt: Primo, omnium parentum indulgentia, qua, ut ille inquit, omnes deteriores reddimur: pudet me dicere, quæ parentes hoc tempore liberis suis impudenter permittant facere. Ludere uolunt filij, sumptum eis parentes suggerunt: si filium cum scortis omnia perdere, profundere, certo resiscant parentes, dissimulant, conuiuent, & tantum non ueluti Melitensem caniculam in delitijs habent, studijs iuuenis dignis occupari clament. Vbi totos dies perpotauit filiulus, domum reuersus, ne uerbulo quidem a parentibus obiurgatur. Execratur horrendis diris tum suum ipsius, tum aliorum caput: adplauditur ei, tam a patre quam matre. Totum diem otio insumit charum illud caput, id parentibus minus curæ est, quam si fulgur, ut in Prouerbio est, ex pelui reddatur. Si in Deum

Optimum

Optimum Maximum patrem probra iecerit charus filius, ad hoc parentes piscibus magis muti existunt. Si CHRISTI passionem conuicti sine cessat Pamphilus noster, parentes perinde ac in Iouem illum Ethnicorum Deum blasphemus fuisset, ne uerbulo quidem cum illo commutant. Quid hic commemorem de uestibus Sybarithicis, quibus parentes filios suos (nam de filiabus dicere nihil ad me) non secus ac puppas exornant? Et in huius rei luxu filijs ad improbitatem & libidinem, materiam & ignem non paruū subdunt. Iam cum uix tandem a bonis uiris persuasi parētes, filium in Academiam quādam præceptoribus ad humanitatem informandum committunt, multis obtestationibus cum præceptoribus uerbotenū agunt, ne filium omne quod sibi cunq; libitum est, facere concedat. Et si minus morigerus futurus sit, uerberibus eum cedat, inhortantur. At cum præceptor intractabilem illum elephantem cicurandum ad se recepit, & aliquando uerberibus in eum animaduertit, atq; id parentes olfecerūt, mox aut ipsi adsunt, aut per suos ministros cum præceptoribus agi curant, se non mancipium eis domandum concredidisse, sed unicum rerum omnium suarum hæredem: proinde si illum discipulum habere uelit, a uerberibus abstineat. Id quod cum improbus ille Cresiphon audit, huius quantum animum ad nulla, non audenda sibi sumit? Itaq; ergo in dies deterior euadit, dum in totum perditus, deploratio domum redeat, quā abiuerit. Atq; ut iam dixi, illa parentum indulgentia



gentia, unus est fons, ex quo hoc seculo corruptela & intractabilitas iuventutis nostræ manant. Deinde, non parum iuvenes hoc tempore a quibusdam præceptoribus adeo peruicaces, adeo contumaces, adeo effrenes redduntur. Sunt enim in Academijs plerique, qui dum præceptorem aliquem pro suo officio, in discipulos non nihil duros esse odorentur, illi discipulos adeuntes, Ecquid, clamitant, te tuo præceptori adeo obiurgandum, adeo uerberandum propinas? Ad me demigra, apud me omnia cum dicendi, tum faciendi licentia erit, modo mihi pecuniam numeres: dabitur tibi a me mutuo argentum, ut huc uel illuc comessatum eas. Tum non raro ad aures iuuenum occinunt illud Terentij: Liberalitate & pudore liberos retinere satius est, quam metu. Cur igitur dicunt isti, in tanto metu uiuere uis? Discipuli, ut omnes mala obuijs, quod aiunt, manibus arripimus, oblata sibi ad nequitiam tanta & tam ostentata occasione, quo iure quaque iniuria relicto suo uetere præceptore, ad illum uouum morum corruptorem se conferunt. Istæ sane pestes rerum publicarum efficiunt, quod hodie bona pars illorum iuuenum, qui in Academijs ad comparandum ingenij & morum cultum mittuntur, adeo præcipites in quoduis flagitiorum genus ruant. Illos sane impostores dicam, an corruptores iuuenum, publicis Academijs legibus mulctatum oportuit. Leges Imperatoriæ poenam statuerunt ijs, qui seruum alicuius corrumpunt? Merito igitur & poena ad faciendum, qui adolescentes auocantes ad se,



ad se, pertractos misere deprauant: nam quod homines impudentissimi clamitant, Liberalitate & pudore satius esse pueros retinere quam metu, uerum quidem fateor: uerum nebulones illi non considerant, non eodem ingenio adolescentes quoslibet perditos existere, proinde nec eadem ratione omnes tolli posse. Sunt qui suapte sponte, quæ optima sunt, faciant, in quos si quis uerbis animaduertere uellet, non minus stulte ageret atq; auriga, qui equos citra calcaria ultro præcurrentes, calcaribus ad cursum incitare uelit. Sunt qui suapte quidem sponte cessatores sunt egregij: ceterum si a præceptoribus ueris admoneantur, pudore suffusi, quoquo uolumus statim se inclinant, & hos uerbis magis corrigendos, quam uerbis ad honestatis studia impellendos existimo. Sunt uero iuuenes adeo frontis perfrictæ, ut nec pudore natio, nec a præceptoribus obiurgati, id quod suarum partium est præstent. Sunt adeo duri, ut nullis uerbis molliri queant: quos si quis liberalitate & pudore in officio continere uelit, nihilo plus agat, quam si agaso asinum ad clitellas ferendas extimulare conetur. In hoc ergo adolescentum genus uirgis animaduertendum est, & faciendum periculum, an metu tandem coacti, officium suum facere uelint: quod si actum esse uidebitur, rus, ut inquit Fabius, ablegandi sunt. Iam satis, opinor, liquet, quam toto, quod aiunt, coelo isti iuuenum corruptores errent, qui adolescentes quoslibet ex senis illius Terentiani sententia instituendos

instituendos esse contendunt. Iam satis opinor constat, & istam impostorum turbam non parum in causa esse, quod iuuentus hoc nostro seculo adeo intolerabilis, adeo effrenata existat. Postremo, illud uel multo maxime iuuentutem nostram tam intractabilem, tam immorigeram reddit, quod præceptores eam uel nunquam, uel admodum raro ex literis sacris, quæ unæ mores cum omnium hominum, tum maxime iuuenum fingunt, quæ aut Deo cordi, aut odio sint, quæ Deusa nobis postulet, quæ in proximum collocanda charitatis sint officia, admonent. Proinde iuuentus nostra cæca, omnia sibi licere putans, in omne uitiorum genus transuorsum agitur. At uero, cum hoc ultimum uel multo maximum sit, ob quod iuuenes hoc nostro seculo tam efferi sint, ego cum discipulos non parum multos instituendos & habuerim, & habeam, officij mei esse duxi, meis in primis, deinde uero & alijs bonæ mentis iuuenibus, ut paruas, ita utiles & uiuendi & mores corrigendi, paræneses perscribere: an uel aliquos tandem in officio continere possim, & an quosdam, qui ab officio suo discesserint, in uiam reducere queam. Tradidi uero, ut & id indicem, præcepta & pietatis, & ciuilitatis. Pietatis quidem, dum quid iuuentus Deo debeat, quæ Deo arrideant, quæ Deo displiceant, ostendo. Pietatis in quam præcepta trado, dum quæ iuuenis uitia fugere, & pietati aduersa sint scelera, quæ in proximum impendenda sint charitatis studia, & pietati cum primis amica sint officia, commonstro. Ciuilitatis uero Paræneses obiter

obiter aspersi: in quibus, quæ cura sit corporis suscipienda, quid inter prandendum, quid inter cœnandum iuuenem deceat, doceo, dum quid in alijs rerum functionibus dextre obeundis iuueni conueniat, præscribo. Etenim vero, cum tu mi Mathia, is iuuenis sis, qui & uitæ integritate, & morum candore facile alijs ad recte uiuendum, et mores formandos, uiuum exemplum esse possis, & cum adeo luculenter, quæ in hoc libello præcipiuntur amplexeris, quæ uetantur fugias, non male congruiturum ratus sum, si hoc quicquid est libelli de moribus iuuentutis corrigendis conscripti, sub tui nominis auspicio in publicum emitterem. Quod si forsitan libellus ille humilior uidebitur, quam qui tibi iuueni adeo & stemmatis & uirtutibus claro dedicetur, cogitabis, amantes non tam munera, quam animum illius qui largitur, spectare solere. At cum tu nō minus amore mei flagres atque ego tui flagro, hoc munusculum, re ipsa quidem paruum, at si animum consideres, maximum, boni æqui que haud dubie feceris. Vale, Lipsiæ.

Anno M. D. XXIX.



# DE INSTITVENDA VITA, ET CORRIGENDIS MORIBVS IYVENTVTIS, Paræneses.

Eloquē-  
tia.

Ency-  
clopæ-  
dia.



**I**VVENIS in Academiam præceptori  
alicui creditus, omnes nervos inten-  
dat, ut duo illa assequatur: Vnum, ut in  
Eloquentiæ studio promoveat. At cum  
eloquentiam dico, non inanem illum  
verborum strepitum, non ambitiosum orationis fastum  
intelligo, sed totam Encyclopædiam, id est, orbem il-  
lum artium optimarum, comprehendo. Ita sanè, ut iu-  
uenis illa quæ in quavis arte columnæ, & præcipua  
sunt, imbibat. Qua de re in præsentia à me nihil di-  
cetur, tum quòd Fabius Quint. ERASMVVS ille RO-  
TEROD. hæc iustis voluminibus tractarunt, à quibus  
aliquid de comparandis studijs iuventutis scribere, est  
Iliada post Homerum contexere. Tum quòd nostri in-  
stituti est ostendere, quibusnam moribus iuventus per-  
polita esse debeat, & mores iuvenum admodum hoc  
præsertim seculo prauos & corruptos in melius insti-  
tuere. Et illud alterum est quòd discipulus apud præ-  
ceptorem discat, nimirum ut moribus probatior quàm  
aduolauit, ædum ad suos reuolet. Quæ duo Achillem  
à Phocæ

à Phœnice optimi præceptoris optimo exemplo, non parum feliciter edoctum fuisse, Homerus libro Iliados nono testatur, dum Phœnicem ita ad Achillem uerba facere introducit:

Τούνεκά με προέκκε διδασκέμεναι τὰ δὲ  
πάντα,

Μύθων τε ξητῆς ἔμεναι, πρὸς κτῆρά τε ἔργων:

Quos uersus ego sic ut cunq; uerto:

Huic me præmisit te cuncta ut illa docerem,

Cum bene dicendi, uita quoq; noscere normam.

Et illa sanè morum cura uel præcipua esse debet. Morum Quid enim, obsecro, refert, iuuenè, quâuis omni disci-  
cure. plinarum genere excultum existere, si parum Christianus, parum ciuilibus moribus sit præditus? Cum enim iuuenis uel hoc uno nomine præceptor ad bonas literas informandus detur, ut aut aliquâdo Rempub. optimis moribus constituere, cōsilijs regere, prudentia cōseruare possit: aut si hoc non contingat, ut non est cuius homini datū adire Corinthum, alia quadam ratione proximi commodis consulere queat. Meræ pestes Rei-  
publ. erunt iuuenes, qui, ut in omni doctrinarum genere excellent, uita omnibus flagitijs inquinatissima existunt: qua non dici potest, quàm illis, quibus præ sunt, officiant: cum, ut Plato inquit, tales frerè sunt subditi, quales ij qui Reipubl. clauo admoti existât. Neq; uerò hic necesse est referre Antonios, Syllas, Marios,

Catilinas, qui literis quidem omnibus sese exornarant: sed quia moribus non perinde probatis erant præditi, remp. Rom. non parum uulnerarunt, ciuium moribus non parum obsuerunt. Quòd si non ciuiles magistratus gerere contingat, non potest tamen non nocere is, qui literas nō cū morū integritate coniunxerit. Quid enim magni Ludimagister, quamuis literis ornatissimus, apud suos effecerit, si uita sit spurcissima præditus? Quid præceptor in publicis Academijs dignum laude in suæ fidei creâitis discipulis egerit, nisi uitæ quoq; sanctimoniâ suos docuerit? Pater ut ut literatus sit, Leonis (ut in prouerbio est) catulū educauerit, nisi moribus quoq; suis ab omni parte integris, filio ad optimum uiuendi iter præluxerit. Corruptet pupillum tutor, si præter literas nihil Christiano homine dignū Vitiōrū in se ostenderit. Est enim ut corporum, ita uitiorū ani-  
 cōtagio. mi contagio: nam ut conuictor scabiem cōuictori facile adfricat, ita quoq; morū lues non difficulter in animū aliorum serpit. Et id omnium maxime accidit, si is qui animi uitijs laborat, nobis & amicis præcedat, & plus quàm nos sapere & intelligere uideatur. Cuiusmodi parentes nostri sunt, è quibus huius lucis usurā accepimus: cuiusmodi præceptores animi parentes existunt, quibus ad humanitatem informandi creduntur iuuenes, utriq; tales ferè formant, illi liberos, hi discipulos, quales ipsi euaserūt. Hinc et illa paroemia uulgò iactatur,  
 Mali

Mali corui malum ouum. Nec huc male quadrare uideatur illud Horatianum:

Fortes creantur fortibus, & bonis  
Est in iuuentis, est in equis patrum  
Virtus: nec imbellem feroces  
Progenerant aquilæ columbam.  
Doctrina sed uim promouet insita,  
Rectiq; cultus pectora roborant.

Sub hæc morum cognitio adeo necessaria est iuuenibus, ut sine illis eloquentia, Plinio iunioris teste, ægrè dicatur. Cum Eloquentia Sapientiæ soror esse & uelut, et debeat, prauos hominum animos, cum uelis tum remis refugit. Proinde, usu ipso cõperimus, quàm raro aliquid precium operæ in eloquentiæ, germanæ τῆς σοφίας, studio faciant ij, qui morũ, ueluti Megarensiũ (ut in prouerbio est) nullam rationem habent. Et ut aliquando usu ueniat, ut malis moribus imbutus aliquo tenus in illa copiose loquente sapientiâ progrediatur: id sanè tam eum ornat, quàm si quis optimum unguetum pixidi cœnosæ infundat, aut preciosissimos uniones uasculo limoso inferat. Nam quòd Deus Opt. Max. iam olim Ethnicos quosdam sceleratissimos etiam sapientiæ artibus perpoliuit, id ex singulari quadam Dei bonitate factum est, qui ut de omnibus, ita et de Ethnicis, quamuis impuris, bene mereri uoluit. Cum uerò morũ optimorũ cognitio, et honestæ dicæ, an potius Christiæ

Eloquē-  
tia Sapi-  
entiæ io-  
ror.

ne uitæ ratio, iuuentuti adeò utilis, adeò necessaria quæ sit, putauit officij mei esse, uitæ Christianæ iuxta morũ corrigendorũ præcepta meis, qui mihi ad humanitatem informandi crediti sunt, præscribere. Faciã uerò id quàm possum paucissimis, ueluti digito cõmonstraturus, ad quenam iuuentus uitam & mores componere debeat. Enim uero, ut iuuentus rectè & honestè uiuat, sic futurum est, si quid pensi Deo, si quid pensi proximo suo persolvere debeat, si quomodo corpus curandum, animus excolendus sit, perspecta habuerit. Porro quid & Deo & proximo iuuentus debeat, nõ aliunde rectius quàm ex decem Dei Optimi Maximi præceptis cognoscet, quæ subiiciemus, ut in illis, cœu in speculo, quæ optima uiuendi ratio sit perspiciat.

## P R A E C E P T U M I.

## Vni crede Deo.

Hoc est, ut Salomon in Gnomis suis interpretatur, Fide Deo toto corde, & prudentiæ tuæ ne inuitare. Ne fide tua sapientia. Time Deum, & recede à malo. Hic præcipitur iuuentuti, ut Deo fidat, Deum timeat, nec uelut æthiœ, quosuis Ethnicos turpiter uiuendo superet. Docetur hic, ut à Deo prosperum studiorũ cursum petat: docetur iuuentus, ut se Deo totum, quanta quanta est, in manum, quod aiunt, det. Ita sanè nihil aduersi unquam ei oboriri poterit. Si enim Deus pro nobis, quis contra nos? inquit PAULVS. Exigit ergo Deus



go Deus hoc præcepto à iuvene fiduciam, metum, amorem, spem.

## II.

Non usurpabis nomen Domini tui temere.

Hoc est, laudibus uehe & nomen, & gloriam Dei. Implora nomen Dei, confuge ad illud, uelut ad sacram, ut dicunt, anchoram. Et ut Psalmographus Psalm. 49. præceptum hoc exponit: Immola Deo sacrificium laudis, & redde altissimo uota tua. Et inuoca me in die tribulationis, et eruā te, et honorificabis me. Huc facit illud Iohelis tredecimo: Reddemus uitulos labiorū nostrorum, Porro quid hic commemorem, quā iuuentus nomē Dei temere usurpet? Et ut alias nominis ὁ θεὸς λέαταχρῆσις omittam, quid uerò referam de hoc, quòd pleriq; nullum uerbum ferè faciunt, quin Dei nomen admisceant? Sunt qui adeò per nomen Dei iurare assueuerunt, ut illis desuescere sit difficilimum. Verum, quā utrisq; uanus ille & temerarius nominis Domini usus fraudi futurus sit, Moses ille nomotheta Exodi 20. indicat, dum inquit: Non usurpabis nomen Dei tui frustra: nec enim infontem habebit Dominus eum, qui assumpserit nomen Domini Dei sui frustra. Tu audis, quod exemplum in illum futurū sit, qui nomine Dei frustra utatur. Audis Dominum, eum non infontem habiturum; hoc est, non impune illi futurū, qui

Id est, nomen illud  $\tau\pi\sigma\mu\acute{\epsilon}\gamma\iota\sigma\omicron\upsilon$  ore impuro temerè propheter ma-  
 ximum. Quòd si, ut autor Epistolæ ad Hebræos ait, horrē-  
 dum est incidere in manus Dei uiuentis: saxeus es, quis  
 quis nō minis Dei deterritus, à temeraria nominis diui-  
 ni usurpatione uelis (qd' aiunt) equisq; refugis. Et quid  
 hic cōmemorē de illis nominis CHRISTI Seruatoris  
 nostri blasphemi nebulonibus, qui ob rem nec  $\tau\pi\chi\omicron\varsigma$  &  
 $\alpha\acute{\epsilon}\lambda\alpha\upsilon$ , ut Græci dicunt, CHRISTI passionē, ut alicui  
 exitio sit, imprecātur. In illos sanè publicis legibus me-  
 ritò animaduertendū esset. Ecquid enim capitalius cō-  
 mitti possit, quā passionē CHRISTI, quæ nobis o-  
 mnibus saluti fuit, quæ ut Græcis in Prouerbio est, Ma-  
 re omniū bonorū existit, adeò scelestis imprecationibus  
 conspurcari, detestari? Capitale est, si quis Imperatorē  
 terrenum maledictis adficiat. Ecquanto capitalius esse  
 deberet, si quis  $\tau\omicron\upsilon\ \chi\rho\iota\varsigma\omicron\upsilon$ , cui pater omnia dedit in  
 manus, Ioan. 13. & cui data est potestas in cœlo et ter-  
 ra. Matth. ult. tanis probis adfecerit? Et ut maximè  
 Magistratus ciuiles in istos passionis CHRISTI blas-  
 phemos nō animaduertant. Deus tamē ipse id nunq̃ in-  
 ultum dimittet. Sic enim in primo Regū libro, cap. se-  
 cūdo proditū est: Quicumq; honorificauerit me, glori-  
 ficabo eum. Qui autē contemnet me, erunt ignobiles.

## III.

Sabbata sanctifica.

Hoc est, diebus festis feriam age. Et quāuis hoc præ-  
 ceptum

ceptū de Sabbatis, quæ iudæis sacra & fuerūt & sunt, loquatur: tamē nos de omnib. diebus festis accipere possumus, siue dies Sabbati, siue dies Dominicus, siue alius quispīa dies festus in hebdomade receptus sit. Est ergo caput huius præcepti, ut dies festos sanctificemus: hoc est, sanctis studiis cōsecremus. Sancta uerò studia sunt, precibus incūbere, cōcionibus uerbi diuini interesse, beneficia quibus nos Deus immerentes per CHRISTVM ornauit, ornatq; in animū reuocare, illi beneficiorū acceptorū ergo nos gratos præbere. Et quid obstat quo minus hic recenseā nobile illud dictū Gregorij Nazian. in sermone de feriis Πέτεcostes? Εορτάζομεν καὶ ἡμεῖς, ἀλλῶς δοκῶν τῶν ἐνέματι. Δοκῶ δὲ λέγοντες τι τῶν λειόντων, καὶ πράττοντες. καὶ τὸ ἐστὶ τὸ εορτάζειν ἡμῶν, ψυχῇ τι θεοσυνείσασαι τῶν εὐωδῶν καὶ λερατουμένων, ἀλλὰ μὴ τῶν ποχωρούντων, καὶ λυομένων, καὶ μικρὰ σαινόντων τὴν αἰσθησιν. Quæ sic trāspono: Et nos feriamur, sed ita, ut spiritui uidetur: uidetur uerò, ut aliquid honesti et dicamus, & faciamus. Et hoc est nostro, et sic Christianorū more ferias agere: Animæ aliqd earū reserū, quæ cōsistunt, quæ durāt, cōgerere: sed nō occupari rebus tēpori cedentibus, & fluxis, et parua quadā uoluptate sensui blandiētibus. An nō uerò Theologus ille paucis uerbis, quibusnā studiis dies festi traducēdi sunt, docet? Vult, et id autore spiritu, ut ijs diebus quibus in

Sanctifi  
care  
Sabbata  
quid.

stitium indictum est, honesta dicamus: quod quid aliud est, quā de rebus honestis sermones conferere: de pietate, fide, spe, charitate? Nolo uerò, ut his de rebus iuuentus acriter digladietur: sed alter alteri cedat, sed preceptorū, & aliorū quibus sacræ literæ perspectæ sunt, interpretationi, modò nō ἀλλασσο καί αἰσῖ sit, palmam deferat. Vult Gregorius, ut diebus festis, honestarū rerū functionibus distingamur. Ecquid uerò honestius facere potest iuuentus, quā si oret, sacris intersit, cōcionibus adsit? In quibus hoc non parum cōmodi iuuentuti attulerit. Nouum testamentū uel ab ERASMO traductū, uel in sua natiua lingua in manibus habere: & locos à cordatis concionatoribus citatos, reuocatos, in memoria thesaurū recondere: in memoriæ thesaurū recōditos, crebra usurpatione in medium proferre: & quod τὸ λεφάλαϊ οὐ ἐστὶν, uitā ad locos illos institueret. Sunt quidē hoc nostro seculo iuuenes pleriq; de sacris literis mirè loquaces, sed εἴθε μὲν ὡς περ τὰ γλῶσσαι ἐν σοφοῦ ἐχουσι, καὶ δεινὰ ἐπιθέσθαι λόγοις ἐν γενεαί τοις τε καὶ δολιμωτέ τοις, οὐ τῷ ἔτε καὶ περὶ τὰς πράξεις ἡσχολῶντο. Hoc est, Sed utinā ut linguā quidem ualde uolubilē habent, & ad de sermonibus honestis & probatis differendū promptā, sic & operibus uacarent. Sub hæc uult Gregorius ille, ut festis diebus bona, quæ non uetustatis iniuria corrumpuntur, paremus. Ecquæ illa sunt? illa haud dubiè, de quibus

Id est, irrita, uana speculationio.

Nouum testamentum.

Id est, caput, præcipuum.

quibus CHRISTVS Matth. 5. Primū quærite regnū Dei & iustitiam eius, & omnia adjicientur vobis. Hæc prolixius tracto, quod sciā iuuentutē nulla omnino cura orationis, sacrarum concionū, & aliorū studiorum quæ diebus festis congruunt, distorqueri. Imò putant iuvenes, illos dies ocio & ignaviæ datos: proinde nullo tempore magis prodeambulant, perpotant, quàm quo ab Ecclesia feriis indictis à laboribus externis superscædetur. Sed ex illis quæ retuli, iuventus, opinor, quibus rebus dies festi dedicari debeant, liquidò intelliget.

## I I I I.

Honora patrem & matrem, ut bene sit tibi, & longæuius sis super terram.

Id est, parentibus obtempera, illos cole, metue, illis pro re succurre, coram illis caput aperi, adsurge, sine illos priores partes habere, obedi illis in omnibus. Sic enim PAULVS ad Colos. 3. inquit: Filij, obedite parētibz in omnibus, hoc enim placet Deo. Porro, quod in præcepto additur, Si vis longæuius esse super terram,

θελκτήσεσθαι ueluti est, quo iuuentus ad honorē parētibz habendum allicitur. Cum enim iuuentus ferē uitæ amore flagret, Deus hoc præcepto uitam longæuam pollicetur, si erga parentes pro eo ac decet, adfecti fuerint. Vnde et Homerus Ethnicus lib. Iliados 8. scribit:

Οὐδ' ἐ το κεῦσι

δρεπτα φίλοις ἀπέδωκε, μιν νυθαείδιος δ' ἐοῖ  
αιώρ.

Hoc

Pro. 30.

Hoc est, neq; parentibus præmia nutritionis re-  
pedit, breue ei æuum erat. Hinc Salomō, ut sacra pro-  
phanis misceam, inquit: Oculum qui patrem fastidit, et  
matris imperium contemnit, corui iuxta flumen effo-  
dient, & uorabunt aquilæ. Huc refer illas nobiles ue-  
terum sapientum Gnomas, quibus iuuentutem ad pa-  
rentibus obtemperandum adeò diligenter cohortati  
sunt. Cuiusmodi est illud Pythagoræ, τοῦς δὲ γονεῖς  
τίμα. id est, parentes honora. Cuiusmodi est & il-  
lud, nescio quo autore profectum:

Βούλα γονεῖς πρὸ πάντων ἐν τιμαῖς ἔχειν.

Γονεῖς δὲ τίμα, καὶ φίλος εὐδργέται.

Ἐπιτίμῳ τὸν γονεῖς πράξει λαλῶς.

Θεοὶ μέγιστοι τοῖς φρονοῦσι τοῖς γονεῖς.

Ἰκανῶς βιώσεις γρηγοροσκοῦν τοὺς γονεῖς.

Νόμιζε αὐτῷ τοὺς γονεῖς εἶναι θεοὺς.

Id est, Velis parētes ante omnia in honore habere.

Parentes quidem honora, & de amicis bene merere.

Spera si honore adficias parētes, te facturū esse honestē.

Dij maximi sunt, ijs qui sapiunt, parentes.

Commodè uiues, si parentes senio confectos nutrias.

Existima tibi ipsi parentes Deūm loco existere.

Huc facit illud Ciceronis lib. Offic. 1. In ipsa autem  
communitate sunt gradus officiorum, ex quibus quid  
cuiq; præstet, intelligi possit. Et prima Dijs immorta-  
libus secunda patriæ, tertia parentibus, deinceps gra-  
datim

datim reliqua cæteris debeantur. Ad hæc, ut iuventus  
 parentibus obtemperet, illos uicissim si usus poposce-  
 rit, alat, & bruta animantia eam extimulent. Nā Plin-  
 ius ita de ciconijs scribit: Ciconiæ nidos eosdem repe-  
 tunt, genitorum senectam inuicem educāt. Et de gliri-  
 bus quoq; ita ait: Glires genitores suos fessos senectā  
 alunt, insigni pietate. Cæterum hoc præceptum non  
 tantum à iuuentute exigit, ut parentibus, ex quibus lu-  
 cis huius primordia sumpsit, honorē habeat: sed etiam  
 Magistratibus obediat, illos colat, metuat. Nam & illi  
 parentum numero sunt, ut qui non secus atq; parentes,  
 ut res & publicæ, & priuata singulorum in tuto col-  
 locentur, sedulò prospiciunt. Huc refer illud PAULI  
 ad Rom. 13. Omnis anima potestatibus excellentibus  
 subdita sit, &c. Huc facit illud ex Epistola PETRI  
 priore, capite secundo: Proinde subditi estote *πᾶσι ἀν-*  
*θρώποις ὡς ᾧ κυρίου.* Exigit hoc præceptum, ut iuuentus  
 uiros maiores natu honoret, ueneretur, amet, obser-  
 uet. Vnde PAVLVS in Epistola ad Timoth. priore,  
 capite quinto: Seniorē ne sauius obiurges, sed adhorta-  
 re ut patrē. Et Cicero Ethnicus lib. Offic. 1. inquit: Est  
 igitur adolescentis maiores natu uereri: ineuntis enim  
 ætatis inscitia senum constituenda & regenda, prus-  
 dentia est. Huc facit & illud Iuuenalis Satyra. 13.  
 Improbitas illo fuit admirabilis æuo.  
 Credebant hoc grande nefas, & morte piandum,  
 Si ius

Lib. 10.

cap. 23,

Magi-  
stratib.  
obedien-  
dum.Id est, o-  
mni cre-  
aturæ  
humana-  
æ.  
Maio-  
res natu



Si iuuenis uetulo non assurrexerit, & si  
 Barbato cuicunq; puer licet ipse uideret  
 Plura domi farra & maiores glandis acervos.  
 Tam uenerabile erat præcedere quatuor annis.

Præceptores. Sub hæc iuuentus in hoc præcepto quarto docetur,  
 ut præceptoribus, animorum (ut Fabius inquit) paren-  
 tibus, quibus ad bonas literas informanda credita est,  
 honorẽ tribuat, illos colat, metuat. Nã si carnales pa-  
 rentes, qui liberis de uictu prospiciunt, honorãdi sunt:  
 meritò et præceptores honorantur, qui de animi disci-  
 pulorum pabulo interdum noctuq; distorquentur. Si pa-  
 rētib; corporis honor debetur, quòd in lucem liberos  
 ediderint: meritò & honor præceptoribus debetur, ut  
 qui id quod parentes progenuerunt, honestis & mori-  
 bus, & literis formant, ne bestię magis quàm hominis  
 simile existat. Celebres enim sunt illi uersiculi Poëtæ:  
 Artibus ingenuis, quarum tibi maxima cura est,

Pectora mollescunt, asperitasq; fugit.

Adde quòd ingenuas didicisse fideliter artes,

Emollit mores, nec sinit esse feros.

Honorandi sunt parētes, quòd infantie nostræ mo-  
 lestiam pertulerint: honorantur & meritò præcepto-  
 res, qui in animo rudi discipulorum erudiendo, IES V  
 bone, quantum molestiæ, quantum laboris deuorant.  
 Honore adficiendi sunt parentes, quòd uitæ nostræ au-  
 tores sunt: honore adficientur et præceptores, qui ui-  
 tam



tam à parentibus acceptam, ita instituunt, ut & nobis  
 ornamēto, & alijs usui esse possit. Ideo uerò nos Deus  
 uita potiri patitur, ut uita nostra aliorum cōparemus  
 cōmoda. Iam uerò cum non aliter sit atq; dixi, iuuentus  
 certò animum suum inducat credere, quòd ut Dominus Id est, o-  
 ὁ πατήρ καὶ ὁ υἱός ut puto, eū, qui, ut Salomon inquit, mnipo-  
 patrē adfligit, id est, nō honorat, persecuturus sit (exē- tens.  
 plum habes in Absolone) ita quoq; non parsurus sit ei,  
 qui parentem animi, hoc est, praeceptorem, adfligit, id  
 est, nullo honore dignetur. Quid ego hic exempla ue-  
 tera commemorem, cum nusquam nō exempla uel ho-  
 die obuia sint? Videmus enim istos praeceptorum uitu-  
 perones, & famae, & rei familiaris naufragium inci-  
 dere: uidemus plerosq; mala morte citius opinione oc-  
 cumbere: uidemus istos ita ab alijs uituperari, conte-  
 mni, ignominia adfici, ut praeceptores uituperarunt,  
 contempserunt, ignominia adfecerunt, Cum si qui isto-  
 rum contemptorum animi parentum, liberos sustollāt,  
 eos erga se experiuntur, quales olim ipsi erga praece-  
 ptores fuerint. Et sunt quidem haec mala, quae retuli, Id est, ad  
 πρὸς καὶ πα. sed nulli dubiū sit, Deū quoq; in futuro se tempus  
 culo, illam τὴν ἀπειρίαν, illā rebellionē discipulorū duratā.  
 aduersus praeceptores, impunitam nō dimissurum. Et Id est, in  
 ut iuuentus propensioribus animis parentes tam cor- obedien-  
 poris quàm animi, obseruet, moueat eam exemplum tiam,  
 CHRISTI: qui, ut Lucas scribit, descendit eū parenti-  
bus,

Id est,  
muni-  
mentū  
Græco-  
rum.

bus, et erat subditus illis. Moucant ea exempla Ethni-  
corum, qui adeò pij, adeò religiosi in suos præceptores  
extiterunt. Et ut ex omnibus unū adferam, non obscu-  
rū est ex Homero, quā Achilles ἐπὶ φῶνι, Phœ-  
nicem præceptorem, & antehac, & legatum ad se ab  
Agamemnone missum, præceteris honorificè tracta-  
rit. Nec clām esse arbitror, quā Phylliridem, cui ut ci-  
tharæ pulsandæ artem disceret, commissus erat, Achil-  
les obseruarit, coluerit, metuerit. Sic enim de illo in-  
quit poëta Elegiographus:

Phyllirides puerum citharæ præfecit Achillem,

Atq; animos molli contudit arte feros.

Qui toties socios, toties exterruit hostes,

Dicitur annosum pertinuisset senem.

Quas Hector sensurus erat, poscente magistro

Verberibus iussas præbuit ille manus.

De illo & Iuuen. Saty. 7. scribit:

Qui Præceptorem sancti uoluere parentis

Esse loco: metuens uirgæ cum grandis Achilles

Cantabat patrijs in montibus, & c.

Iam si Achilles rex tantus, Phœnicem præceptorē  
suum adeò honorauit, adeò coluit: quantum obsecro  
dedecus est iuueni, cum Achille ne tantulū quidem cō-  
parando, se aduersus præceptorem suum tam honorifi-  
cū, tā irreligiosum præbere? Si sic cit rex ille Ethnicus,  
quanto magis faciet iuuenis plebeius? Et ut maxime

quis

quis paritius sit, communibus tamen baptismi sacris inauguratus est, quæ ei aurem, ut in Proverbio est, uel-  
lent, ut præceptorum honorem habeat. Achilles Ethnicus  
etiam Citharædum metuit, observavit. Et iuuenis  
Christianus præceptorem suum, qui docet eum  
Μὴ ὀφείτε ἐκ τῆς ἐμῆς φωνῆς, πρὸς τὴν ῥατὴν τοῦ ῥυθμοῦ.

Hoc est,

Et bene dicendi & uiuendi noscere normam:  
non metuet? non observabit?

Sed nos immensum spacijs confestim æquor,  
Et iam tempus equum spumantia soluere colla,

Verg. 2.  
Georg.

v.

Ne occidas.

Hoc est, neminem manu occide, nemine inuide, ne-  
minē uerbis probrosis incesse, nemini succense. Nam sic  
hoc præceptum ipse CHRISTVS Matth. 5. exponit,  
Audistis quòd dictum sit ueteribus, Non occides: quis  
quis autē occiderit, obnoxius erit iudicio. At ego dico  
uobis, quisquis irascitur fratri suo temerè, obnoxius  
erit iudicio. Quicumq; uerò dixerit fratri suo Racha,  
obnoxius erit concilio. Quisquis uerò dixerit Fatue,  
obnoxius erit gehennæ incendio. Exigit ergo hic à iu-  
uentute Deus, ne homicidium perpetret, ut quod Deus  
non unquam inultum patietur. Exemplum habes in  
Chain, Gen. 4. Exigit, ut iram frenet. Vnde ad Eph. 4.  
inquit PAVLVS: Irascimini, & ne peccetis, Sol nō oc-  
cidat

cidat super irā uestrā. Et ut prophana sacris admisceā,  
Poëta quoq; inquit:

Vince animos iramq; tuam, qui cætera uincis.

Et rursus:

Pertinet ad faciem rabidos compescere mores:

Candida pax homines, trux decet ira feras.

VI.

### Non sis adulter.

Id est, Tu quantus quantus es, & corpore & ani-  
mo, ne adulterio te conſpurca: ne corpus libidinibus  
æſtuet, ne mens cupiditatibus ueneris ardeat: oculos,  
manus cõprime. Nam sic CHRISTVS Matth. 5. præ-  
ceptum hoc exponit, Audistis, quòd dictum fuerit anti-  
quis, Non committes adulteriũ: at ego dico uobis, quòd  
quicunq; aspexerit uxorem alterius ad concupiscendũ  
eam, iam adulterium cum ea cõmisit in corde suo. Atq;  
hic audit iuuetus, Deum summam castimoniã exigere.  
Audit, libidinem omnem, siue illa adulterio, siue scorta-  
tione fiat, prohiberi. Et ut de scortatione pauca dicã,  
hac sanè nulla maior, nulla turpior peſtis homini acci-  
dere potest, ut quæ totũ hominem adeò cõmutat, ut nõ  
cognoſcas eundem eſſe. Testis est David, quo nemo ma-  
gis masculus, nemo cordatior erat: at is, ubi turpiſſimæ  
libidinis æſtu exardet, adeò ſui diſimilis euadit, ut ue-  
rè de illo, uerbis pauculis cõmutatis dicere poſſes, O  
quantum mutatus ab illo es Davide: uſque adeo uerum  
illud

De scor-  
tatione.

illud Ozeæ 4. Fornicatio, & uinum, & ebrietas, auferunt cor. Accedit huc quod cum Deus Opt. Max. præcipiat, ut corpori nostro suum honorem, qui est *ὁ ἅγιος μὸς*, ut Paulus inquit, & puritas, indelibatū Id est sanctificatio.

seruemus. Is qui scortatur, in corpus suum peccat. 1. ad Corinth. 6. hoc est, corpus illo suo honore fraudat.

Quid uerò commemorem, quātum τὸ πλάθον (ut in τὸ πλάθον Græcorū proverbio est) malorū scortatio, cum omnis *ἅπασαν* generis tum liberalibus artibus addictæ iuuentuti ad- Vide

portet: nimirū patrimonij profusionem, famæ dispen- Eras.

dium, uirū corporis enervationem, innumera morbo- prouer.

rum agmina, morbum regium quem plerique Gallicū Dathus

adpellant, morbum testicularem, *φθίσις*: nō raro enim bonorū.

compertum est iuuenes non parum multos, qui se scortationi dederant, acceptis ab amicis, imò inimicis potius, philtris, contabuisse. Taceo, quod nil scortationi Scorta-

cum literis commercij sit: id quod etiam poetæ miri re tioni ni-

rum omnium adumbratores in hoc designarūt, dum & literis.

Palladem ē cerebro Iouis natā, & Musas uirgines esse, confinxerūt. Quod si hæc quæ cōmemorauī, iuuenem Scorta-

à scortationis studio non absterreant, absterreat illud tionis pu-

quod Deus non ullum ferè peccatum grauius puniat, nitio.

quàm scortationem. Quid obsecro Sodomam & Gō- Gen. 19.

morrām, urbes florētissimas, ad eō in cinerem redegit,

ut ne ruina quidem supersit? quid illarum urbium in-

colas æternis cruciatibus destinauit? scortatio & stu-

prum.

prum. Sic enim inquit Iudas in Epistola sua: Sicut Sodomæ & Gomorra, & ijs finitimæ ciuitates, quæ ad consimilem modum cum illis stupris inquinatæ fuerāt, propositæ sunt exemplo, ignis æterni pœnam sustinentes. Cur uerò Dominus uiginti tria millia hominum ex populo Israëlítico, uno die occidit? scortationis, stupri ergò. Sic certè PAVLVS in Epistola ad Corinth. priore, cap. 14. inquit: Neque stupris inquinemur, sicut quidam illorum stupris polluti sunt, & conciderunt uno die uiginti tria millia. Absterreant iuuentutē à scortatione scripturæ sacræ, quæ tam crebrò & prohibent, et pœnam huic libidini propositā certò adfirmāt. PAVLVS 1. ad Corinth. 6. Fugite scortationē, inquit. Et ad Thessal. 4. Hæc est uoluntas Dei (arrigat aures iuuentus) sanctificatio uestra, ut abstineatis à scortatione, & sciat unusquisq; uestrū, suum uas possidere cum sanctificatione & honore, non cum adfectu concupiscentiæ, quemadmodū & gentes quæ non nouerant Deū. Salomon cap. 5. Stillans fauus est scorti os: & mollius est q̃ oleum, collum eius: uerū postrema amara sunt uelut absynthiū, & acuta ceu gladius. Proinde fili ausculta mihi, nec à sermone meo discede, uia eius procul fugito, nec accede ad fores ædiū eius. Porro, pœnā propositam ostendit PAVLVS ad Corinth. 6. Neq; scortatores, neq; adulteri, regni hæreditatem accipiēt. O scelus abominandū, o scelus iuueni cū remis tū uelis fugiendum.

endū. Audis scortatores regni æterni hæreditate priuari: hoc est, perpetuis inferni tenebris addici. I nunc, & scortare. At inquiet aliquis, quinā hoc malū tā de-  
 testabile fugere possim? Audi, ut fugias, hoc primū re-  
 mediū erit, si à CHRISTO Opt. Max. quotidie inti-  
 mis precibus cōtenderis, ut pudicitia tuæ florē illibatū  
 conseruet: si CHRISTVM ex toto pectore rogaueris,  
 ut te à turpißimo libidinis incendio liberet, tum sanè  
 CHRISTVS, ut est erga pudicos animo propensissi-  
 mo, in te efficiet, ut nullo prorsus scortationis ardore  
 inflāmeris. Audi obsecro, quid dicat Salomon cap. 2.  
 Eripiet item sapientia (id est, CHRISTVS qui est sa-  
 pientia à Deo, prima Corinth. 2.) à muliere aliena,  
 quæ te blāditijs uēdicat, & relicto pristino marito, pa-  
 cti diuini obliuiscitur. Vt scortationē effugias, & illud  
 effecerit, si otīū, ut omniū malorū, ita unicū scortatio-  
 nis seminarium fugeris. Noti sunt isti uersiculi Poëtæ:  
 Otia si tollas, periire Cupidinis arcus,

Quo pa-  
cto scor-  
tationē  
effugere  
poteri-  
mus?  
Precib.  
ad Deū.

Contemptæq; iacent & sine luce faces.

Fuga  
oti.

Queritur Aegystus quare sit factus adulter.

In promptu causa est, desidiosus erat.

Quā platanus riuo gaudet, quā populus unda,

Et quā limosa canna pallustris humo:

Tam Venus oia amat: finem qui queris amori,

(Cedit amor rebus) res age, tutus eris.

Est & celebris uox senis illius Terentiani conque-

1 3 rentis



rentis de amoribus filij: Ex nulla alia re istud, nisi ex  
 nimio ocio uenit. Tum si ab hoc malo immunis esse uis,  
 Fuga illorū cōtubernia cane peius & angue odi, q̄ in scortis  
 impudi- male audiū: ut enim corporis, ita & animi uitia cōta-  
 corum. gio serpunt in uicinum. Vnde illud Senecæ in lib. de ira  
 tertio, quod utinā iuuenes nō legerent solū, uerū etiam  
 mentibus insculperent: Sumuntur, inquit, à cōseruantia-  
 bus mores. Et ut quædam in cōtactis corpore uitia trā-  
 siliunt, ita animus sua mala proximis tradit. Ebriosus  
 conuictores in amorem uini traxit. Impudicorū coetus  
 fortēq; & si liceat, uirū emollit. Porro nec illud parū  
 ad uitandū hoc scelus fecerit, si prospexeris, ne te illis  
 adiūgas, qui nil nisi de scortatione, de stupris blaterāt.  
 1 Cor. 15, φθειροσιν τὰς ψυχὰς αὐτῶν ὁμιλία λευκά. Id est,  
 Corruptum bonos mores colloquia praua.

Quem uersum & apostolus PAVLVS priori ad  
 Corinth. epistole inferere dignatus est. Deniq; si scōr-  
 Occasio scortandi fugiēda. tari noles, occasione scortandi fugito. Proinde PAV-  
 LVS dicit, φευγετε τὸν πόρνεον, id est, Fugite  
 scortationem. Ecce fugam, et hoc malū à nobis propul-  
 sare, admonere uult. Exemplum est nobis Ioseph, qui ne  
 turpi amore uxoris Putipharis accēderetur, eā quoad  
 eius fieri poterat, fugiebat. Flāma, inquit Comicus qui  
 dā, fumo proxima est. Si libidinis flamma inflammari  
 non uis, & loca & homines fuge, à quibus ad hoc uitij  
 Proue. 5 incitari potes. Nā ut Salomon inquit, fieri nequis quin  
 adurat



adurat uestem, quisquis ignem in sinu fouerit: & pedes  
 haud dubiè leserit, quisquis supra carbones incesse-  
 rit: Ita, quisquis ad alterius uxorem accesserit, quisquis  
 attigerit, feret infortunium. Et quod penè præterie-  
 ram: à scortatione alienus esse uis? cura ut immode-  
 stam & uini, & ceruissæ ingurgitationem, id est, e-  
 brietatem, uites. Notum est illud Valerij:

Venter uino æstuans faciliè in libidinem despumat.

Ebrie-  
 tas ui-  
 tanda.

Notum est illud Poëtæ:

Vina parant animos Veneri.

Et hæc quidem, quæ hæctenus dixi, ad scortationē  
 pertinent. Quid uerò de adulterio dicā? quod ut à scor De adul  
 tatione nonnihil diuersum est, ita nō minus malorū in- terio.  
 uehit, non minus Deo aduersum existit, non minus pœ-  
 ne homini creat. Dicit enim PAVLVVS: Neq; scorta-  
 tores, neq; adulteri, regni hereditatem accipiēt. sed de  
 hoc aliās. In præsentia satis sit iuuentuti cōmonstrasse,  
 quā turpis, quā omnibus malis referta, quā Deo  
 odiosa res sit scortatio, satis est me ostendisse, malum  
 hoc diuina gratia & alijs honestis functionibus expu-  
 g्नari posse. Faxit CHRISTVS, ut hoc scelus, quā  
 est detestabile, tam iuuentuti exosum reddatur. Amen.

VII.

## Non furtum facias.

Hoc est, benè merere de proximo tuo, illius bona ne  
 compila, ab usuris illicitis tibi tempera. Huc facit illud

Ad E- PAVLI: Qui furatur, non amplius furetur, magis  
 phel. 4. autem operetur, laborando manibus quod bonum est,  
 ut possit impartire ei qui opus habuerit.

## VIII.

## Non loquaris cōtra proximū tuum falsum testimoniū

Hoc est, neminem falso testimonio opprimere: ne in  
 testem uocatus, contra proximum circumueni, clarā  
 proximi tui famam ne obscura, ne obtreccionibus, ne  
 calumnijs indulgeto. Hic exigit à iuuentute Deus, ut  
 Ephe. 4. ueritatis amore teneatur, mendacij odio capiatur. Sic  
 enim PAVLVS: Quapropter, deposito mendacio, lo-  
 quimini ueritatem quisq; proximo suo, quoniā sumus  
 Obtre- inuicem membra. Hic exigit Deus, ut iuuentus uitium  
 ctatio. illud proximo obtreccandi, uel clām, uel apertè, hoc se-  
 culo proh dolor adeò uulgatū in omnibus circulis, con-  
 uiuijs, prādijs, cœnis, fugiat. Id quod ut iuuetus faciat,  
 præter edictū Dei, etiā illud ab ea impetrauerit, quòd  
 in proximo nihil damnare, nihil maledica lingua per-  
 cerpere potest, quin illum, qui proximū ita labi, ita er-  
 rare patitur, dānet, lingua petulanti incessat. Damnas  
 illum, quòd non insigniter doctus est: sed heus tu an nō  
 damnando proximum, damnas Deum, qui pro suo con-  
 lio unicuique impartit id quod uult? Obtreccas huic  
 quòd iam hic, iam alibi lapsus sit: at illa obtreccatione  
 insultas

insultas Deo, cui stat quilibet & cadit, ut PAULVS ad Romanos scribit. Obtrectas huic, quòd non opibus Rom. 14  
 abundet: obtrectas igitur & Deo, à quo paupertas proficiscitur. Ecclesiastici undecimo: Bona & mala, vita & mors, paupertas & honestas, à Deo sunt. Breuiter quid de ullo homine malè prædicare potes, quin malè prædicando de homine, & de Deo omnium rerum autore prædices? Quid quòd cū nemo, ut Poëta ille Ethniscus inquit, sine uitij nascatur: quam fronte proximo obtrectare audes, qui in te tam multa obtrectioni, si ea licita esset, exposita ostendas? Insanum putas, si claudus loripedem derideat, de illo male prædicet. Cur non etiā insanū putes, si tu eiusdē quod aiunt, cum proximo monet, in proximo tuo insectando, tam ridiculè, tam uirulentè declamas? Accedit huc, quod iuuentutem uel cum primis ab obtrectandi studio abstrahāt, nempe quòd sacræ literæ hoc uitium adeò execratur, adeò detestantur, adeò interdicunt. Leuitici nono inquit Dominus: Non eris criminator, nec susurro in populis. Prouerbiorū uigesimoquarto: Cogitatio stulti, peccatum est: & abominatio hominum, detractor. PAULVS ad Ro. primo, inter τῶν ἁσέβειν, & ἡ ἀπειθεῖν, ist est, obtrectatores quoq; numerat. De detractores. niq; ab hoc uitio iuuentutem absterreat, quòd Deus obtrectandi studium grauissimè puniat. Cuius exemplū in historia Susannæ, Danielis 13, memoriæ proditum est.

## IX. ET X.

Non concupisces uxorem proximi,  
non desiderabis uxorem proximi, non  
seruum, non ancillam, non bouem, non  
asinum, non omnia quæ illius sunt.

Hoc est, ne bonorū proximi tui cupiditate flagres,  
ne opta tibi bene esse, etiamsi proximo sit male: ne in-  
uide proximo & honestam & pudicam uxorem, bene  
educatos liberos, fidelem & sedulam familiam, & ut  
Id est, breuiter ἀποτόμως dicam, præceptum hoc exigit, ne quis cu-  
piat omnia sibi ad nutum fluere, etiamsi proximus ex-  
trema paupertate distorqueatur. Neq; uerò Christianū  
est, quod impius ille apud Terent. gannit: Omnes sibi  
melius esse malunt, quàm alteri: imò omnes alteri me-  
lius esse maluerunt, quàm sibi. Charitas enim Christia-  
na non querit quæ sua sunt, sed quæ aliorum, prima  
ad Corinth. 13.

## PERORATIO.

EX his decem præceptis, opinor, iuuentus didicit,  
quidnam Deo, quidnam proximo debeat. Debet  
uerò Deo fidem, spem, charitatem, religiosam nominis  
eius usurpationem, Sabbatorum eius sanctificationem.  
Proximo debet charitatem, quæ est totius legis ἀνά-  
κτασις καὶ ἀλάωσις. Iam ut mea refert sententia, iuuen-  
Id est, re-  
capitu-  
latio. tus tenet, quæ uita Deo cordi, quæ odio sit: qui mores  
Chri-

Christianum redoleant, qui paganum resipiant. Cate-  
 rium cum Deus Opt: Max. hominem ex corpore & a-  
 nimo constituerit, me precium operæ facturum reor, si  
 id quod etiam in principio recepi, paucula quædam  
 præcepta de cura tam corporis quàm animi præscri-  
 psero. Tum nec abs re erit, si & in plerisq; alijs rebus,  
 quid dignum sit, iuuenibus ostendero. Enimvero cum  
 corpus certis partibus constet, quàm potest fieri bre-  
 uissimè, curam τὴν πρὸ τοῦ σώματος partium corporis, Id est, de  
 non omnium quidem, sed præcipuarum, commonstrā centem.  
 bo. Et primum omnium, qualis cura totius corporis  
 iuuenem deceat, Ovidius his uersiculis, ut eruditissi-  
 mè, ita breuissimè complexus est:

Mundiciæ placeant, fuscantur corpora campo.

Sit bene conueniens, & sine labe toga.

Linguaq; nec rigeat, careant rubigine dentes,

Nec uagus in laxa pes tibi pelle natet.

Nec male deformet rigidos tonsura capillos:

Sit coma, sit docta barba resecta manu.

Et nihil emineant, & sint sine sordibus unguis,

Inq; caua nullus stet tibi nare pilus.

Nec male odorati sit tristis anhelitus oris,

Nec ledat nares uirq; paterq; gregis.

Quàm sepe admonui ne trux caper iret in alas,

Quid si præcipiam ne fuscet inertia dentes?

Oraq; suscepta mane lauentur aqua.

VT OCVLIS VTI IUVENIS  
debeat.

Ne paſſim, ut Salomon inquit, uagentur oculi, ſed  
rectè te præcurrant.

QUALIS CVRA MANVVM  
iuueni habenda.

Manus ſordibus careant. Et, ut Poëta dixit:  
Et nihil emineant, & ſint ſine ſordibus unguis.

Dum iuuenis cum uiro aliquo graui colloquitur,  
manus compoſitas habeat, nec ut ruſticis ſerè in more  
eſt, inter colloquia aut manibus geſticuletur, aut è mi-  
tra plumas, ſi quæ inſederint, carpat.

QVAE PEDVM CVRA IUV-  
uenem deceat.

Inter colloquendum iuuenis pedes coniunctos ha-  
beat, nec more ebriorū buc illuc uacillet: id quod moni-  
niturus non eram, niſi & id iuueni ornamēto eſſe, ſatis

Id eſt, de certo ſcirem. Aliorū membrorū τὸ πρῶτον, & curā  
centiā. in præſentia nō reſerā, tū quòd infiniti laboris futurū  
eſt, tū quòd membrorū primariorum curā τὸ δεύτερον &

Id eſt, ἀξίον οἰστέδιſſe, ſatis duco, Cū uerò & non parū reſe-  
doleſcē- rat quonam inceſſu utatur, & de illo pauca ſubijciam.  
te dignā

INCESSVS IUVENE  
dignus quis.

Rectè incede, & uiae tue rectæ ſint, nec declina ad  
dextram nec ſiniſtram, deſpecte à malo: hæc Salomon.  
Cur enim non ex illo potiùs quàm alio ſcriptore, iuuen-  
tutis

tutis mores formem? ut qui spiritu Dei adflatus, Gnomas Christianae iuventuti semper in sinu gestandas, imò ediscendas potius edidit. Huc refer & illud Ciceronis ex lib. Officiorū primo: Cauendum est autē, ne aut tarditatibus utamur ingressu mollioribus, ut similes pō parum ferculis esse uideamur: aut in festinationibus suscipiamus nimias celeritates, quæ cum fiunt, anhelitus mouentur, uultus mutantur, ora torquentur. Ex quibus magna significatio fit non adesse constantiam.

QUALIS CVLTVS IYXTA VESTITVS corporis iuuenem ornet.

Cū nō parū referat quo cultu, pariter et uestitu corporis iuuenis utatur, libet et de utroq; pauca subijcere: Sint procul à nobis iuuenes ut fœmina compti:

Fine coli modico, forma uirilis amat.

Forma uiros neglecta decet.

De uestitu iuventutis nō est quòd multa præcipiam, cum tot ferè genera uestitus sint, quot rationes existāt. Proinde hoc admonuisse satis sit, ut iuuenis uestitu se digno ornet. Et hoc unum cū primis curet, ut membra uirilia obtecta, & ab hominum obtutibus remota sint. Quæ enim, inquit Cicero in lib. Officiorum primo, natura occultauit, eadem omnes qui sana mente sunt, remouent ab oculis, ipsiq; necessitati dant operā, ut quā occultissimè pateant. Hæc ille. Sed quid hodie, proh pudor, fit? Ecce iuuenes perfricta fronte, coram honestis  
simis



simis puellis, coram integerrimis matronis, coram  
 ipsis etiam praeceptoribus, membra illa uirilia impu-  
 dentissimè ostentant. Et ubi à praeceptore admonentur,  
 ut illa obtegant: nescio quot paralyfes ei imprecantur.  
 In hos sane cinēdos, Academiārum moderatores uel  
 grauissimè animaduertere deberent. Indignum enim  
 est iuuentutem in tanta inuerecundia adolescere, indi-  
 gnum est illam inuerecundiam inultam existere.

QVALES MORES IN MENSA  
 iuuenes deceant.

Cum plerique iuuenes adeò ineptè, adeò rusticè se  
 inter prandendum iuxta cœnandum gerant, proinde  
 & de mensæ moribus pauca præcipere duxi. At qui  
 mores inter cibum capiendum iuuenes ornent, Ouidius  
 paucis uersiculis scitissimè complexus est:

Carpe cibos digitis, est quidam gestus edendi:

Ora nec immunda tota perunge manu.

Nèue diu præsume dapes, sed desine citrà

Quàm cupias paulo quàm potes esse minus:

Et ut obiter quoq; hoc admoneam, iuueni inter præ-

Ebrietas dendum, cœnandum, commessandum, ebrietatē fugien-  
 fugiēda. dam effectum quòd literæ sacræ eam Christianis inter-

dicant. Sic enim Lucæ 21. CHRISTVS inquit: Caue-  
 te, ne grauentur corda uestra crapula & ebrietate. Et

PAVLVS ad Romanos 13. inquit Tanquam in die  
 cōposite ambulemus, nō in cōmessationibus & ebrie-  
 tatibus.



tatibus. Tum quòd nulla res sit, quæ plus malorum iu-  
 uenibus adportet. Hinc enim, ut Plinius scribit, pallor  
 & genæ pendulae, oculorū ulcera, tremulae manus ef-  
 fundentes plena uasa, & (quæ sit poena præsens) furia  
 les somni, & inquiet nocturna. Salomon in Gnomis  
 suis: Vinum, inquit, subsannatores facit, & tumultus  
 ebrietas. Verum quod omnium malorum ultimum est,  
 ebriosos PAVLVS regni Dei hereditatem non con-  
 secuturos, in epistola ad Corinthios priore, cap. 6. scri-  
 bit. Et hæc quidem de ebrietate fugienda *ἡ ἀπεργία* Id est,  
 iuventutem admonitā uolo. Quod si bibere uolet, ita obiter.  
 bibat, ut officium præstet mensq; pedesq; suū: sic enim  
 Ouidius in primo artis. Sed cur non alios quoque illius  
 Poëtæ uersiculos refero?

Iurgia (inquit) præcipuè uino stimolata caueto,

Et nimium faciles ad fera bella manus.

Occidit Eurytion stultè data uina bibendo.

Aptior est dulci mēsa merumq; ioco.

Atq; utinam iuuentus studiosa Romuli regis illius  
 Romanorum exemplum inter bibendum æmuletur,  
 qui ad cœnam à quodam inuitatus, cum non ita multū  
 bibisset, quia postridie negotium haberet, ei dicūt: Ro-  
 mule, si istuc omnes homines faciant, uinum uilius sit.  
 Tum ille: Imò uerò carum, si quantum quisq; uolet, bi-  
 bat: nam ego bibi quantum uolui. Quòd si iuuentus so-  
 brias, ut æquum est, compotatiunculas adornauerit, &  
 inter

inter præbibendum aliquid scrij agat, ne & hoc tem-  
pus frustra adfluat. Nimirũ iuuenis præbbiturus suo  
compotori, uersiculo aliquo ex tempore cõfictõ præfe-  
tur. Et ut docendi gratia exempla pauca subijciam:

FORMVLAE PRAEBIBENDI.

Hoc tibi τῷς χαε petros poclum do chare sodalis.

Vel sic,

Præbibo quicquid id est pocli studiose Iacobe.

Vel sic,

Iam bibo, deinde statim me Petre se quare bibendo:

Vbi is cui præbbitur, respondere poterit uersiculo  
quoq; eiusdem farinae, hoc est, extemporario. Et hoc qui-  
dem uel pentametro, uel si potest, hexametro:  
Sit felix, faustum, Petre diserte tibi.

Vel sic,

Sit felix, charus potus utriq; tuus.

Vel sic,

Accipio oblatum pergrato pectore poclum.

QVIBVS DE REBVS IVENTVS INTER  
cibum capiendum confabulari debeat.

In mensa iuuenes nec omnino muti sint, nec nimium  
loquaculi. siquidem illud tristis, hoc stolidæ mentis in-  
dicium est. Quòd si uerò loqui uolent, de rebus hone-  
stis, & illis è quibus tam ipsi quàm alij cõuictores me-  
liores abeant, loquantur. Et ut syluam quandã sermo-  
num, qui iuuenes inter edẽdum deceant, cõmonstrem:  
aliquando

aliquando de nomenclaturis ferculorum, quæ in men-  
 sam apponuntur, inter se sermones conferant. Aliquã-  
 do de uarijs potus generibus confabulentur. Neq; uerò  
 ἀπορροή fuerit, illa, quæ interdum uel à præceptoribus Id est,  
 audiuerūt, uel priuatim suo Marte legerunt, ueluti cō absurdū  
 tentionis malum in mediū conijcere, & aliorum quoq;  
 de illis sententiam inquirere. Non ineptū fuerit & de  
 carniū uarietate, salubritate, facili digestionē disse- Carniū  
 rere. Nimirū aues imbecillius alimentū sufficere quàm uarietas  
 quadrupedes, præsertim quàm sues, sed concoctu faci-  
 lius. Aues iuniores ueteribus humidiores existere, iu- Aues.  
 xtà coctu faciliores, tū alimenti ualidioris. Anseris car Anseri-  
 nem plurimū superfluitatis in humano corpore relin- na.  
 quere, ægrè concoqui. Præterea carnem suillam ualidā Suilla.  
 quidem esse, sed ex illius esu alimentū contrahi & glu-  
 tinosum, & haud facile dissipatu. Ouillam carnem su- Cilla.  
 persluitatibus redundare, maliq; succi esse. Bubulam Bubula.  
 carnem, atram bilem parere. Leporinam carnē cras- Lepori-  
 si succi existere. Cerui carnem duram, coctūq; difficilē na.  
 præbere alimoniam. Hæc & huiusmodi (quæ cū aliās, Ceruina  
 tum in Paulo Aegineta traduntur) inter comedendum  
 producere admodum & decorum, & utile erit: tum si  
 quis quid de hac uel illa aue, de hac uel alia fera, de  
 hoc uel illo piscium genere, quod memorabile sit, uel  
 legerit, uel audiuerit, exponat. Cuiusmodi est illud  
 Martialis (Exempla enim pauca, ut iuuentus ad similia

Obseruanda, & promenda acuat, adferam.)

Inter aues Turdus, si quis me iudice certet:

Inter quadrupedes gloria prima lepus.

Sic eiusdem est illud de Anserē:

Hæc seruauit auis Tarpeia templa tonantis:

Miraris, nondum fecerat illa Deus.

Vulpes. Sic Plin. de uulpe scribit, animal esse solerti auditu, ut quod aure ad glaciem adposita, cōiectet crassitudina

Cerui. nem gelu. Sic de ceruis scribit, quod cum crexerint aures, acerrimi auditus: cum remiserint, surdi existant.

Lac. Huc refer & sermones de lacte. Nimirum lac cōctum alere quidem corpus, sed gingiuis dētibusq; officere. Lac caprinum mediocris esse substantiæ, ouillum

Oua. crassioris. Huc accerse & colloquia de ouis: Gallinarum Phasianorumq; oua prima existere. Sorbilia melius descēdere, & gutturis asperitatem lenire, reliqua omnia cōctu difficilia existere. Porro, fricta in sartagi-

Vini genere, omniū pessima esse. Adhæc et de uini generibus parriter, quod uinū alio præstantius, quod magis nutriat, iuuentus confabulabitur. Sic nullum non uinū nutrire, sed rubicundū magis, Cæterū, rubicundum uinum non boni succi esse: dulce nutrire quidē, sed stomacho inimicum existere. Acerbum, ut stomacho gratum sit, ita non facile transmitti, ac minus alere: & id multo minus, si album existat. Sub hæc inter comedendum & illud non absurdum erit, si iuuentus inter se colloquatur, ubi Vir-

gilius

gilius uel Theocritum, uel Homerum uersibus suis expresserit. Cuiusmodi est illud (ut et huius rei gustum quendam praebeam) apud Virgilium in Eclogis:

Vt uidi, ut perij, ut me malus abstulit error.

Quem uersiculum ex Theocriti Idyllio appositissime traduxit.

Ὅς ἴδ' ὅλον, ὥς ἐμάνην, ὥς μιν πρὶ θυμὸς ἰάφθη.

Cuiusmodi est et ille uersiculus Ecloga 3.

Nec dum illis (de poculis uerba faciens)

Labra admoui, sed condita seruo:

Quem ex Theocriti illo in Idyllio primo bellissime deriuauit: (λεῦταε.

Οὐδ' ἐτί πω ποτὶ χεῖλος ἐμὸν θέγει, ἀλλ' ἔτι

Est apud Virgilium in 2. Aeneidos periphrasis uenientis noctis:

Vertitur interea caelum, et ruit Oceano nox,

Inuoluens umbra magna terramq; polumq;.

Hanc Periphrasin ex libro Iliad. Homeri ὁ. transtulit, uersus Homeri sunt:

Ἐν δ' ἐπεὶ ὥ κεά νω λαμπρὸν φάος ἠελίοιο

Ἐλκον νύκτα μέλαιναρ ἐπὶ ζείδωρον ἄρσραρ

Et quod penè oblitus eram, inter comedendum de sacris quoq; literis iuuenes conferet, et in memoriam reuocabunt ea quæ ab eruditis cōcionatoribus audiuerunt. Conferent inter se locos quosdam PAULI, qui prima fronte pugnare uidentur. Pluribus moneo, quæ

libus sermonibus iuuentus inter edendum utatur, idq;  
hoc nomine, quòd exploratum habeam, quàm friuo=  
lis, quàm obscuris sermonibus omnia prandia, omnes  
cœne, omnes comessationes iuuenum perstrepant.  
Quotus enim quisq; uel Latinè loquitur? quotus quisq;  
inter prandium, inter cœnam, uel uerbulo rerum qua=  
rum modò mentionem inieci, meminit? Optimus fere  
conuictor est, qui quàm spurcissima euomat. Bellus cõ=  
uiuia est, qui non nisi Bacchũ, Venerem, & nescio quæ  
alia *μὴ λέειν κοῦτα*, ut PAULI uerbis utar, es=

Id est, non conueniētia. à nobis rationem exacturus sit, Matth. 12. curabit iu=  
uenis, ut sermonis rationem habeat, & nihil dicat, nisi

Id est, ad ædifi= cationē. quod, ut PAVLVS inquit *πρὸς τὸν ὁμόλογον*,  
proximi redundet. Neq; uerò inter comedendum tan=  
tũ, ne os sermonibus lapsabundis & uanis scateat,  
cauendum est, sed ubiubi erit iuuenis, ne quid pestilens,  
ne quid spurcũ euomat, prospexerit. Sic enim PAV=  
LV S ad Colos. inquit: Sermo uester semper cum gra=  
tia sit sale conditus, ut sciatis, quomodo oporteat uos

Sermo unicuiq; respondere. Porro, ut hoc obiter indicem, ser=  
monem sale conditum, PAVLVS uocat sermonem  
fale conditus, non insulsum, ineptum, spurcum, sermonem qui eru=  
quis diat rudem, consoletur pusillanimum, erigat lapsum.  
Paulo. Et hætenus quidem de sermone iuuenibus digno, ul=  
tra modum, uel potius intra modum diximus.

## DE ANIMI CURA

ἐπιτροπή.

**C**um, quæ cura corporis iuventuti suscipienda sit, quàm fieri potuit paucissimis à nobis dictum sit, pauca quoq; de animi cultu, ut & paulo antè recepimus, iuvenes admonebimus. Primò omniū curet iuuenis, ut animū diuinæ particulam auræ, ut Horatius inquit, clarum uirtutibus politicis reddat: cuiusmodi sunt, sapientia, prudentia, pietas, iustitia, liberalitas, temperantia, modestia, & si quæ aliæ uirtutes politice existant. Deinde, si ad bonas literas discendas traditus est, à Deo Opt. Max. prosperū in literis successum petat. Siquidē ut literæ bonæ Dei dona sunt (1. ad Corinti. 2.) ita quoq; illo fortunante in illis progressum facimus. Sic enim inquit Salomō: Deus ex ore suo sapientiam, scientiam, & intelligentiā largitur, rectis dat successum. Tū ubi iuuenis literis operā nauare coeperit, urgeat institutū: nō secus uocationi (ut PAULI uerboutar) atq; Poëta scenæ seruiat: animum inducens, credere tā Deo exosum esse, si præceptori ad humanitatem informandus creditus, non officium suum faciat, quàm in re alia quapiam, non quod & se dignū sit, & Deus uelit, præstet. Vult enim Deus, ut quisque uocationi suæ pro sua uirili faciat satis. Iam si ad animi cultum capiendum Dei Opt. Max. benignitate uocatus es, tuum erit officium, uocationi tuæ, quantum in te est,



respondere. Id quod utinam plerique iuuenes hoc nostro seculo & scirent, & secum reputarent: haud dubie non tam segnem operam in literas collocarent. At uero cum Deum in illorum segnitie non animaduersurum credant, mirum est quam frigide literarum studia excolant. Præterea hic omnem, quod aiunt, rudentem moueat iuuenis, ut literarum sacrarum panoplia, animum suum aduersus diaboli, mundi, carnis, capitales iuuentutis hostes, aduersus omnia uitiorum genera propulsanda munitum et infractum habeat. Nulla enim est tam ualida tentatio, quin eam sacrae literae retendant ac frangant. Et ut paucula exempla docendi gratia proferam:

DIABOLO RESISTENDUM  
esse.

Docet Petrus in Epist. priore, c. 1. Sobrii estote, uigilate, quoniam aduersarius uester diabolus tanquam leorugiens obambulat, querens quem deuoret. Cui resistite, solidi fide. Iacob. 4. Resistite diabolo, & fugiet à uobis.

NON ANIMVM DESPONDENDUM  
in aduersis.

Docet CHRISTVS Ioannis decimoquarto: Non relinquam uos orphanos, ueniam ad uos. Et Ioannis decimosexto: Vos autem mœrore adficiemini, sed mœror uester uertetur in gaudium. &c.

NON CARNIS LIBIDINIBVS  
obtemperandum.

Ad



Ad Romanos 13. Carnis curam ne agatis ad concupiscentiam, &c.

NON MVNDI ILLECEN-  
bris indulgendum.

Prima Ioannis secundo: Ne diligatis mundum, neque ea quae in mundo sunt. Si quis diligit mundum, non est charitas patris in eo.

VITANDAM ESSE  
fornicationem.

Prima ad Corinth. sexto: Fugite fornicationem. Omne peccatum quodcumque fecerit homo, extra corpus est: qui autem fornicatur, in corpus suum peccat.

FUGIENDAM ESSE EBRIETATEM & CRAPULAM.

Lucæ uigesimo primo: Cauete autem uobis, ne quando grauentur corda uestra crapula & ebrietate.

NON INSOLESCENDUM ESSE.

Prima ad Corinthios tertio: Quid autem habes quod non accepisti? quid gloriaris quasi non acceperis? Prima Petri quinto: Humilitatem animi uobis infixam habete: propterea quod Deus superbis resistit, humilibus autem dat gratiam.

INANEM GLORIAM  
fugiendam.

Quinto ad Galatas: Ne efficiamini inanis gloriae cupidi, inuicem uos prouocantes, inuicem inuidentes.

A CALVMNIA LINGVAM  
frenandam.

Leuitici nono : Non eris criminator & susurro in  
populis.

BENE MERENDVM DE  
male merentibus.

Ad Romanos duodecimo: Si esurit inimicus, pasce  
illum: si sitit, da illi potum.

IRAM DOMANDAM ESSE.

Ad Ephesios quarto : Irascimini, & non peccetis:  
Sol ne occidat super iram uestram. &c.

SERMONES SPVRCOS VITANDOS

Omnis sermo spurcus ex ore uestro ne procedat, sed  
si quis est bonus ad ædificationem, &c. ad Ephes. 4.

Hæc paucula exēpla docendi gratia subiēcisse sus-  
fecerit: aduersus alia uitia, alios scripturæ sanctæ lo-  
cos iuuenis conquirat. Et in primis illos locos in prom-  
ptu habeat, qui conscientiam consolentur. Cuiusmodi  
est ille Ioan. 2. Sic Deus dilexit mundum, ut filium suū  
unigenitum daret: ut omnis qui credit in eum, non pe-  
reat, sed habeat uitam æternam. Et ille apud Matth. 1.  
cap. Et uocabis nomen eius IESVM, is enim saluū  
faciet populum suum à peccatis suis. Teneat & iuuenis  
locos, qui ad charitatem proximi nos uocāt, ut est ille  
Ioannis 11. Præceptum nouū do uobis, ut diligatis uos  
inui cem, sicut dilexi uos, ut & uos diligatis inui cem.  
Sed

*Sed quid multa? hæc de instituendis iuxta corrigendis moribus iuventutis, in præsentiarum dicta à me sint: qui plura scribere hac de re uolet, scribat per me licet, excipiat lampada cursu: nobis sat est, utcumq; uiam quandam & componendi & corrigendi mores iuuenibus aperuisse.*

F I N I S.

DE DISCIPLINA  
ET PVERORVM INSTITV-  
TIONE OTTHONIS BRVNVEL-  
SII Parænesis.

QVOMODO MANE SVRGENDVM.



ATTENVANT, ut inquit Ouidius,  
uigilatæ corpora noctes.

Quare in primis habēda cura so-  
mni, ne aut plus quā oportet tenuior  
sit somnus, aut quā expedit lethæus.

Septem horis dormisse, etiam puero satis est.

Surgens itaq; mane, primum ab ipso lectu in nomi-  
ne patris, & filij, & spiritus sancti, diei auspiciaberis  
initium: & dominica oratione cōmendabis te CHRIS-  
STO.

K s Gratias

Gratias ages, quòd eam noctem uoluit esse prosperam tibi.

Deinde precaberis, ut diem itidem illum totum tibi fortunet bene, ne impingas in peccatum.

Mox ueniens in conspectum, felicem diem precaberis parentibus.

Inde capillitium comabis, manus & uultum laua-  
bis, ut quàm primùm recipias ad ludum te:

Ante ingressum, spiritum suum ut tibi largiatur  
CHRISTVS, orabis: quia citra illius opem, frustra-  
neum est quod tentatur.

Interim tamen sic stude, quasi nihil sit ille auxiliij  
laturus, nisi gnauiter laboranti.

Diuis deferre salutem, aut inuocare ut scientiam  
dent, Christiano puero piaculum est.

Vnus est enim Deus, qui uult adorari & coli solus,  
qui solus ministrat omnibus omnia.

DE DILIGENTIA ADHIBEN-  
da in ludo.

**L**ibenter ausculta.

Et quod agis, toto pectore agito.

Responde uerecundè.

Praua non mordicus confuta, sed uerecundè.

Ante omnia caue, ne meritò uapules.

Ne quid dicto factòue uel præceptorem offendas,  
uel sodales tuos.

Dispu=

Disputantem contra te, magis doce, quam vince.

Lectiōe assidua, pectus tuum bibliothecam fac  
CHRISTI.

Ab infantia disce sacras literas.

Pro lectiōe quotidiana, pensum fixum habeto,

Neq; ante somno indulgeas, quam præclaris ali-  
quot sententijs pectoris calathum oppleueris.

Interdum si quid de penso lectiōis omissum, mul-  
tam tibi iniungito.

Disce certis quibusdam ingenijs assuescere & in-  
niti, quæ exprimas.

Probatiores autem legito semper.

Non abscedat dies, in quo non aliquid adijcias, ut  
melior fias.

Nam eloquentiæ tantum studere, ut eruditione do-  
ctior fias, non melior, diabolicum est.

Prodest eloquentia, si VIRTUS fuerit magistra.

Et mores dicentis sunt, qui persuadent, non oratio.

Autores quibus paratur eloquentia, sunt, Cicero,  
Terentius, Gellius, Quintilianus, Sallustius, ERAS-  
MVS. His præcipue uelut principibus eloquentiæ,  
nitendum est.

Terentium quosdam audio contemnere, & uetare  
ne pueris prælegatur; sed eos qui nunquam assequuti  
sunt Terentium,

Neq;

Necq; nos unquam passiim, & absq; delectu omnes  
poëtas probauimus.

In disciplinis quoq; liberalibus, itē in Geographia,  
historijs, & in studijs linguarum, conuenit saltem pri-  
ma elementa attingere in pueritia. Sed de hoc aliās.

DE REDITV EX LVDO.

**D**imissus à ludo, domum propera rursus, nec in  
platea moram feceris.

Domus si quid est obsequij præstandum parentibus,  
diligenter obi.

Quòd si uacat tecum repetere quod prælectum est  
in schola, repete.

Nihil enim in uita preciosius tempore.

Cogita enim quòd irrecuperabile est, & perit, &  
quòd transigitur.

Vbi hora ingruerit prandij, mensam adornato.

DE APPARATV MENSÆ.

**M**ensam in tempore adornato. Sed ante appara-  
tum, pocula diligenter mundato.

Mensæ primùm supponitur mappa.

Inde circulus æreus.

Proximè salina.

Post hæc orbes.

Ad postremum panis.

De poculorum appositione, patriam imitare. Nam  
hic variant regiones.

CONSE

CONSECRATIO MENSÆ,  
ex Chrysostomo.

**B**enedictus Deus, qui me pascis à iuuentute mea,  
qui cibum præbes omni carni : reple lætitia &  
gaudio corda nostra, ut affatim quod satis est habentes,  
abundemus in omne opus bonum in CHRISTO  
IESV domino nostro: cum quo tibi gloria, honor, &  
imperium, cum sancto spiritu, in ævum, Amen.

ALIA CONSECRATIO  
brevis.

**Q**uicquid appositum est, & quicquid apponetur,  
felix ac sacrum esse iubeat, qui sua benignitate  
pascit universa, Amen.

DE REMOTIONE MENSÆ.

**E**odem autem modo quo apparatur, ita & remouetur mensa.

Orbes colligentur primum:

Post hæc salsamenta & sal.

Inde caseus, uel quicquid aliud est  $\pi\epsilon\mu\mu\alpha\tau\omega\nu$ , id  
est, secundarum mensarum.

Ad ultimum unà cum pane remouetur & mappa.

HYMNVS ET GRATIARVM ACTIO

post sumptum cibum.

**G**loria tibi domine, gloria tibi sancte, gloria tibi  
Irex, quoniam dedisti nobis escas: imple nos gaudio  
& lætitia in spiritu sancto, ut inueniamur in conspectu

spectu tuo acceptabiles: nec pudeſiamus, quando red=  
des unicuiq; ſecundum opera ſua. Amen. Pater no=  
ſter, &c,

ALIA GRATIARVM ACTIO?

**G**Ratias agimus tibi pater cœleſtis, qui tua ineffa=  
bili potentia condidiſti omnia, tua inſcrutabili ſa=  
pientia gubernas uniuerſa, tua inexhauſta bonitate cū=  
eta paſcis ac uegetas. Largire filiis tuis, ut aliquando  
tecum bibant in regno tuo nect̃ar illud immortalitatis,  
quod promiſiſti ac præparaſti uerè diligentibus te, per  
IESVM CHRISTVM. Amen. Pater noſter.

DE GESTIBVS IN MINIM

ſterio menſæ.

**E**Rectus & compoſitis pedibus ſta, ſollicitè ani=  
maduertens ne deſit quid. Et cum inſundendum,  
ſue quid porrigendum, apponendum, aut tollendum,  
ciuilit̃er id ſeceris.

Amandatus aliquò, reditum matura.

Ante & poſt epulas Deo benedicas, & confeſcra=  
tionem recitabis.

Aſtans non turbabis, ſeu interturbabis aliorum ſer=  
monem: ſed interrogatus, breuiter reſpondeto.

Cantharos & uafa ne per obliuionem confundas,  
ut alterum fundas pro altero, ſi uaria ſunt uina.

Salis ne obliuiſcitor:

Sciſſum uel conſractum, menſe ne apponito.

Inter=



Internoctu sub coenā aduigilato attentè pro emungendis lucernis, & ne quid foedi odoris in nares redeat conuiuantium.

Emungens ne extinguito.

Sed nec assuesces etiam quicquid de mensa remotum est, uel reconditum domi habetur, abligurire.

Actis gratijs, & sublatis omnibus, si quid uacat, lusu quopiam honesto animum laxa cum sodalibus, donec hora reuocet in ludum à lusu.

DE MORIBVS OBSERVANDIS  
dis in conuiuio.

**S**I autem contingat, ut ipse quoq; mensæ accumulas, hæc obseruabis:

In primis ungues præcisos habeto.

Manus lauato.

Erectus accumbito.

Hospiti collocanti acquieueris.

Ebrietatem fuge.

Sobrius esto.

Sic præbebis hilarem te, ut semper memineris quid deceat ætatem tuam.

Postremus omnium admoueto manum patinæ.

Si quid datur lautius, recusato modestè.

Si instabitur, accipe, & gratias age.

Mox decerpta portiuncula, quod reliquum est, illi reddito, aut alicui proximè accumbenti,

Alterius

*Alterius tamen uxori, marito assidente, nihil reddideris.*

*Similiter principi aut magnati nihil reddideris.*

*Parenti, amico, cognatis licet frangere & distribuere quæ optima uidentur.*

*Si quid lautius ministratur, ut hepar pisciū, & alia quædam, parcius gustaueris, & reliquum distribuas.*

*Si quis præbuit tibi, hilariter illi bene precator.*

*Sed ipse bibito modicè.*

*Si non sitis, tamen admoueto cyathum labijs.*

*Arride loquentibus.*

*Ipse ne quid loquere, nisi rogatus.*

*Si quid obscœni dicetur, ne arride, sed compone uultum quasi non intelligas.*

*Ne cui in mensa obtrectato.*

*Ne cui temet anteponito.*

*Ne tua iactato.*

*Ne aliena despicio.*

*Esto comis erga tenuis fortune sodales.*

*Deserto neminem.*

*Ne sis lingua futili.*

*Ita fiet, ut sine inuidia laudem inuenias, & amicos pares.*

*Si uideris conuiuium esse prolixius, precatus ueniam, ac salutatis conuiuii subducito te à mensa.*

*Panem pectore ne proscideris.*

Digitulos proscindens cultro ne apposueris.

Quæ ante & iuxta te posita sunt, edito.

Decerpturus ex catino quippiam, summo cultro comprehendito.

Ne ut suus effundas te supra cibum.

Ne confundas uel turbaueris, præsertim digitis, quæ posita sunt in catino.

Oua manducaturus, panem conscindito frustulatim prius.

Verum ne quid præterfluat curabis.

Maturè edes ouum.

Testas non confractas in catinum reijcito.

Inter edendum ouum non potabis.

Comesturus, thoracem præseruabis, ne cõmacules.

Piper quoq; edens, digitos non prælinges.

Suprema labia aut nasum manica non emunges inter epulandum.

Nasum non absterges, nisi strophio, idq; ciuilitè & modestè.

Mucum digito non excalpes.

Salino digitos ne indas, ne'ue salsamentis & pipere ratis omnibus.

Bucellas ne nimis densas sumito, uel amplas, sed singulas conscindito.

Ex ore nihil extraxeris in orbem.

Caput inter epulas ne scalpito.

L

Omnis

Omnis cachinnus effusus in conuiuio turpis est.

Potaturus, duobus digitulis labia suprema abster-  
gito.

Non appareat supernatans in poculo tuo sagimen,  
aut pinguedo.

Sed neq; cibum habens in ore, & necdum uorato  
potabis.

Simul & mandere & loqui rusticum est.

Screare similiter, aut oscitare, aut expuere cre-  
brius, similiter inciuile habetur.

Agreste et ethnicū est, in supremo cubito recūbere.

Panem tinctum uino edere ex poculo in cœtu ho-  
minum, ridiculum est.

Non recumbas in dorso supinus.

Cochleari quantum satis est haurito, & sorbeto.

Inter sorbendum nihil disilles, neq; bis uno haustu  
sorsferis.

Donec manderis & glutiuers, ne sorbeas iterum.

Caninū est, immēsos bolos uorare, & ossa rodere.

In osibus si quid pulpamenti hæret, modestè cultro  
proscindito.

Alij uerò conuiuæ quid præcerpant uel appositum  
habeant, ne temerè circumspectaueris.

Quod semel dentibus demorsum ac rosum, paro-  
psidi ne inferas.

Italica, et Galliësis ciuilitas est, sed apud Germanos  
turpis,

turpis, osium & eduliorum quisquiliis sub mensam deijcere.

Indecens quoque, unguibus, lingua, aut cultro repurgare dentes, sed agendum id est extra conuiuium.

## DE HIS QUAE POST

prandium.

Compositis & remotis omnibus, atque gratijs actis, si quid uacat, lusu quoque iam honesto laxa cum sodalibus animum, donec hora reuocet à lusu in ludum,

Ad lectionem adsis rursus in tempore, totis uiribus hoc agens quod postulat locus.

## DE REFECTIONE PRIVATA.

Cibus sit temperatus, ac tempestiuus.

Prande liberalius.

Cœna parcius.

Cibi uel potus non quantum libidini, sed quantum naturæ satis est, sume.

Pransus hilariter quædam facito.

Sub cœnam paulisper ambula.

Cœnatus idem facito.

Ieiunius studebis ac scribes.

## DE PRÆCEPTORE ELIGENDO,

& obedientia illi exhibenda.

Præceptorem tibi deligas quàm cruditiſſimum.

Neque enim fieri potest, ut is rectè quenquam erudiat, qui sit ipse incruditus.

L 2 Quem

Quem simul atq; nactus fueris, fac modis omnibus efficias, ut ille patris in te, tu filij uicissim in illum induas affectum.

Neq; minorem enim honorem debemus ijs, à quibus rectè uiuendi rationem, quàm à quibus uiuendi initia sumpsimus.

Alioqui credito te frustra literatum præceptorem habiturum, nisi habueris & amicum.

Deinde ut te illi attentum & assiduam præbeas.

Optima quæq; statim ac primum discere.

Extremæ est dementiæ, discere dediscenda.

Præceptorem interpretantem, non attentus modò, sed & auidius auscultato.

Non contentus impigrè sequi differentem, aliquoties præuolare contende.

Omnia illius dicta memoriæ, præcipua etiam literis mandabis, fidelissimis uocum custodibus.

Noli committere, ut codices eruditos habeas ipse ineruditus.

Audita ne effluant: aut apud te, aut apud alios retracta.

Diem in horas partire, quibus certa habeas quæ legas.

Nec his contentus, aliquam temporis partem tacite cogitationi tribuere memento.

Conflictatio, & tanquam palæstra ingeniorū nera

uos animi præcipuè tum ostendit, tum excitat, tum ad-  
auget.

Nocturnas lucubrationes atq; intempestiua studia  
fugito.

Nam & ingenium extinguunt, & ualitudinem  
uehementer offendunt.

Aurora Musis amica est, apta studijs.

DE RATIONE STUDII

ex Rodolpho Agricola.

**I**N studijs formandis duo præcipuè spectanda sunt.  
Primum, quod studiorum genus maximè sectari uelis.

Secundum, qua ratione in eo quod elegeris pluri-  
mum efficias.

De primo, si facultatum uberior copia, & felicior  
ingenij uis tributa est, quantum in te est, totis uiribus  
ad optima te conferto.

Optima autem sunt, studia linguarum, Poësis, Ora-  
toria, Geographia, Medicina, Historiæ, & cognitio  
sacrarum literarum.

Steriles & ieiunæ scientiæ sunt, quas uocamus ar-  
tes, ius canonicum, Barbaries grammatarum, &  
Sophistica philosophorum: quæ miseras adolescentium  
onerant aures, & meliorem ingenij spem in plerisq;  
tenerioribus adhuc annis, uelut in herba enecant.

Meliores artes sic rectè ab infantia discas, si quod  
apud probatos autores legeris, id ipsum quàm maximè

proprijs & idem significantibus uerbis reddere uernaculo sermone coneris : ut quoties dicendum tibi aliquid est, aut scribendum, quando concipiendis uerbis apud animum tuum, sese quo natura fert uernaculus sermo protulerit, statim quoq; Latina uerba iampridem illi hoc usu accommodata sequantur.

Ad hæc, si scribere uoles, optimum erit idipsum quàm plenissimè rectissimèq; patrio sermone intra animum tuum formare : deinde Latinis purè proprièq; id significantibus explicare. Sic fiet, ut omnia aperte, & quàm maximè planè dicantur. Et alia multa in epistola, quàm de formando studio autor is scripsit elegantissimam.

QVAE SIGNA OPTIMAE INDOLIS,  
ex ERASMO atq; Politiano.

**M**Agistris dare operam non assiduam modò, sed alacrem.

Doctioribus condiscipulis se adiungere.

Et quos moribus uel sàmæ obfœre credat, ab eorum consuetudine penitus abstinere.

Nullum cum alijs certamen habere, nisi de literis, ac de ijs perpetuum.

Facile percipere quæ traduntur, retinere fideliter, imitari feliciter, pronuntiare eleganter.

Vt caueat ne loquendo præcipitet sermonem, aut hæsitet lingua, aut palato immurmuret. Sed distinctè,  
clarè,



clare, articulateq; singula uerba proferre consueſcat, ut pudeat ab alijs ſuperari, imò magis præuolare contendat. Emendatus non irascatur, laudatus gaudeat. Vt ſtudeat nequid ineptum, immodeſtum, improbum ſiue durum in ſe appareat: ne inuerecunda frons, elatum ſupercilium, licentes oculi, proteruior lingua ſiue inconfans uultus notari poſſit. Et non aliquid poſtremo uel in facie tota, uel in geſtu, uel in ſtatu uel in inceſſu quod offendant, quod moleſtum aut odioſum eſſe poſſit.

DE GESTIBVS IN LVDIS, ET RE-  
creatione animi.

**I**Nterdum animus laxandus à ſtudio remittendusq; eſt. Id efficitur honeſtis ludis, & laxamentis. Laxamenta honeſta ſunt, quæ pueros decent, trochus, pilæ, globi, agitatio corporis, curſus, ludus ſphæræ, ſaltus. Saltus genera ſunt, ſaltus locuſtarum, utraq; tibia, iunctis pedibus, unica tibia. Probatur & palæſtra & gladiatoria, ſi in præſentia præceptoris & abſq; inuidia fiat. Natandi artis præſtat ſpectatorem eſſe poſtius quàm actorem. Præſtat & in cantionibus, & in ſtrumentis muſicalibus ingenium exercere, quo delectamento nihil ciuilius, nihil Muſis magis ac commodum. Ludi prohibiti ſunt, alea, teſſeræ, carthæ, natæ in aquis: & ſi qui ſunt alij huius generis, gauconum exercitamenta. Decorant ludum, grauitas,

honestā lētitia, uiuacitas, uigor animi, ordo, charitas  
mutua, ingenuē & legitime ludere, uirtute, non fraude  
uincere. Dehonestant ludum, nimia insolentia, clamor,  
insania, immoderate & stultae gesticulationes, nimia  
turba, dolus malus. In honestis ludis pulchrum est arte  
uincere etsi quilibet locum suum gnauiter tuetur.  
Hanc gratiam conciliat quibusdam letioris gestus  
spes. Leges ludorum hae sunt, ne quis inter ludendum  
natiua aut uernacula lingua loquatur, sed uel ea que  
familiaris minus est: inde fiet ut & ludendo discatur.  
Longe utilissimum fuerit, statuta mercede, certatim  
ex autoribus aliquid recitare. Id fieri curabit diligens  
praeceptor.

MONITORIA IN COMMUNI-  
bus congressibus.

**Q**uoties alloquitur te quispiam cui debes honorē,  
componē te in rectum corporis statum. Aperi ca-  
put. Vultus sit nec tristis, nec toruus, nec impudens, nec  
proteruus, nec instabilis, sed hilari modesta tempera-  
tus: oculi uerecundi, semper intenti in eum cui loque-  
ris: iuncti pedes, quietae manus. Nec uacilles alternis  
tibijs, nec sint gesticulosae manus. Nec mordeto labra,  
nec scabito caput, nec sordito aures. Vestis item ad de-  
corum componatur. Totus cultus, uultus, gestus, &  
habitus corporis, ingenuam modestiam, & uerecun-  
dam indolem prae se ferat. Ne sis ineptē loquax, aut  
praeceps.

*præceptis. Nec uagetur animus interim, sed sis attentus quid ille dicat. Si quid erit respondendum, id facito paucis, & pudenter, subinde præfatus honorem: nonnunquam & addito cognomento, honoris gratia. Atque identidem modicè flectas alterum genu, præsertim ubi responsum absolueris. Nec abeas, nisi præfatus ueniam, aut ab ipso dimissus.*

DE VITANDO PRAVORVM  
confortio.

**A** Diuuat & profectum bonæ educationis, prauorum consortia uitare.

De his sic admonet & Salomon: Fili mi, si te lætauerint peccatores, ne acquiescas eis.

Ne delecteris in semitis impiorum;

Nec tibi placeat malorum uia.

ET PAVLVS:

Corrumpunt bonos mores colloquia praua.

ET:

Modicum fermentum totam massam corrumpit.

DE BONORVM SOCIETATE  
ambienda.

**N** Vllibi libentius uerseris, quàm in conspectu magistrorum.

Doctiores & modestiores condiscipulos humanitate tibi & obsequio deuincito.

Nam hoc omnium maximè conducit ad eruditionē,

L s si quis

si quis cum studiosis & eruditis assiduam & domesticam consuetudinem agere possit.

DE VERECUNDIA ADHIBENDA

da in incessu.

**S**unt qui sensim ambulando gressus imitantur histrionum, & quasi fercula pomparum portantium: et quotiescūq; gradum transferunt, modulos quosdam seruare uidentur: horum gressum ut pestem fugito.

Nec cursim nimis ambules, nisi cū causa exigit alius cuius periculi, uel iustae necessitatis: sed nec lēte nimis.

Est gressus probabilis, in quo est species autoritatis, grauitatisq; pōdius, trāquillitatis uestigiū: hūc imitare.

In summa, Motus sit purus & simplex.

Nihil fucatum & affectatum placet.

Motum natura informet.

Si quid autem in natura uitij est, industria emēdet.

Vt ars desit, non etiam desit correctio.

DE PUDICITIA ET

castitate.

**V**erecundiae pudicitia proxima est, quae nunquam tutius retinetur, quā per uerecundiam & oculorum industriā: ut intueri impudicē mulieres parumpendas, non ut execreris sexū, sed ut effugias flagitiū.

DE VESTITV.

**I**n uestitu mediocritas & decentia plurimum commendatur.

Sint

Sint igitur uestes nec preciosæ nimis, nec nimis for-  
didæ, sed quæ publicam honestatem deceant.

Semper hæreat hoc Ouidianum:

Procul sunt à te iuuenes ut fœmina compti.

DE NVTRITIONE COMÆ.

**D**E hoc audi statutum Apostoli: Vir si comam nu-  
triat, ignominia est illi. Mulier uerò si comam  
nutriat, gloria est illi, quoniam capilli ei pro uelamine  
dati sunt.

Vir autem non debet uelare caput suum, quoniam  
est imago & gloria Dei.

MONITORIA AD CIVILITATEM ET  
conuictum humanum.

**P**incipio eum animum obtine, qui nihil acerbum,  
nihil durum existimet quod sit honestum.

Qui nulli uel metu deterritus, uel spe captus, ab of-  
ficio deslektatur.

Quàm optimos tibi adiungito.

Malos ne laceſito.

Tua ne tactes.

Aliena ne carpas, aut despicias.

Fac cū omnib. sis anteferendus, ipse te præferas ne &

Cum bonis, officijs certa.

(mini.

Nemini aduerſeris.

Neminem deferto.

Esto comis, etiam erga tenuis fortune sodales.

Omnibus

*Omnibus te affabilem præbeto.*

*Domi hilaris.*

*Foris compositus.*

*Nemini tua arcana committas, memor quàm fallax  
sit multorum amicitia.*

*Beneficium confer libenter.*

*Inuitus accipe.*

*Gloriam si contemnes, ulirò te sequetur: sin seque-  
ris, fugiet sequentem.*

*Ne capta laudari, sed fac laudanda.*

*Cum potentibus aut nulla sit consuetudo, aut comis.*

*Nullus sumptus tibi sit preciosior tempore.*

DE DISCRETIONE IN STUDIIS.

**C**ontentione immodica obruuntur ingenia di-  
scientium.

*Afuiditas uerò & mediocritate perdurat, et quo-  
tidianis exercitationibus, maiorem opinione accruum  
accumulat.*

*Satietate cum omnibus in rebus, tum præcipuè in  
literis nihil est perniciosius.*

DE REDITV POST HORAS POMER-  
ridianas ad domum.

**D**omum reuersus idem ages quod ante prans-  
dium.

DE HIS QVAE POST COENAM.

**A** Coena suauibus fabulis temet oblecta.

Mox

Mox prosperam noctem parentibus precatus & familiae, maturè te conferto ad nidum.

Illic flexis ante lectum genibus, tecum reputa, quibus studiis dies tibi peractus sit.

Si quid est grauioris admissi, CHRISTI clementiam implora, ut ignoscat, pollicereq; meliora.

Si nihil est, age gratias illius beneficentiae, quod te seruarit ab omni uitio.

Deinde toto pectore te illi commendato, ut protegat te ab insidijs mali genij, & ab obscænis somnijs.

His factis lectum ingressus, modestè te componito in somnum.

Neq; pronus cubueris, neq; supinus, sed primum lateri dextro innitens, brachijs ita transuersim complicatis, ut pectus muniant figura crucis, dextra manu sinistro admotâ humero, leua dextro.

#### DE MEDITATIONE IN LECTO

sub requiem nocturnam.

**S**ub somnum exquisiti quippiam ac dignum memoria legito: de eo cogitantem sopor opprimat.

Id experrectus à te ipso reposcas.

In summa, Plinianum illud semper animo infideat tuo: Omne tempus perire, quod studio non impertias.

FINIS.

INSTI

INSTITVTIO PV-  
ELLARVM, EX EPISTOLA  
DIVI HIERONYMI AD  
LATAM.



IC erudienda est anima, quæ futura  
est templum Dei.

Nihil aliud discat audire, nihil lo-  
qui, nisi quod ad timorem Dei per-  
tinet.

Turpia uerba nō intelligat, cantica mundi ignoret.  
Adhuc tenera lingua dulcibus Psalmis imbuatur.  
Procul sit ætas lasciuia puerorum.

Ipsæ puellæ, & pedissequæ à secularibus consortijs  
arceantur, ne quod malè didicerint, prius doceant.

Fiant ei literæ uel buxæ, uel eburneæ, & suis no-  
minibus appellentur.

Ludat in eis, ut & lusus ipse eruditio sit.

Et non solum ordinem teneat literarū, ut memoria  
nominum in notitiam transcat, sed & ipse inter se cre-  
brò ordo turbetur, & medijs ultima, primis media mi-  
sceantur, ut eas non sono tantum, sed & uisu nouerit.

Quum uerò cœperit trementi manu stylum ducere  
in cera, uel alterius superposita manu teneri regantur  
articuli, uel in tabella sculpantur elementa, ut per eos-  
dem



dem sulcos inclusa, marginibus trahantur uestigia, ut foras non queant euagari.

Syllabas iungat ad præmium, & quibus illa ætas deliniri potest, munusculis inuitetur.

Habeat & in discendo quæ secum exerceantur, quibus inuideat, quorum laubibus excitetur.

Non obiurganda est, si tardior, sed laudibus excitandum est ingenium, ut & uicisse gaudeat, & uicta doleat.

Cauendum in primis, ne oderit studia, ne amaritudo eorum percepta in infantia, ultra rudes annos transeat.

Ipsa nomina per quæ consuescit paulatim uerba contexere, non sint fortuito, sed certa & coaceruata de industria, Prophetarum uidelicet, & Apostolorum, & omnis ab Adam Patriarcharum series, de Matthæo in Lucam descendat, ut dum aliud agit, futuræ memoriæ præparetur.

Magister probæ ætatis & uitæ atq; eruditionis est eligendus.

Nec puto erubescere uirum doctū id facere in anima Christiana, quod Aristoteles fecit in Philippi filio.

Non sunt contemnenda quasi parua, sine quibus magna constare non possunt.

Ipse elementorū sonus, & ipsa institutio præceptoris, aliter de erudito, aliter de rustico ore profertur.

Vnde

Vnde summopere providendum est, ne aliorum uitio corrumpatur: difficulter enim eraditur, quod rudes animi perbiberunt.

Lanarum conchilia quis in pristinum candorem reuocet?

Græca narrat historia, Alexandrum potentissimū regem, orbisq; domitorem, & in moribus & in incestu Leonidis pædagogi sui non potuisse carere uitijs, quibus adhuc paruulus fuit infectus.

Procliuius est enim malorum æmulatio, & quorum uirtutes assequi nequeas, citò imitaris uitia.

Nutrix ipsa non sit temulenta, non lasciua, non garrula.

Habeat modestam gerulam, nutricium grauem.

Cauere aures uirguncule perfiores, ne cerussa, & purpurisso consociata CHRISTO ora depingas.

Nec collum auro & margaritis premas, nec caput gemmis oneres, nec capillum crispes, & ei aliquid de gehennæ ignibus auspiceris.

Non uescatur in publico, id est, in parentum consuiuiu, ne uideat cibos quos desideret.

Disceat iam nunc uinum non bibere, in quo est luxuria.

Ante annos robuste etatis, periculosa est teneris grauis abstinentia.

Vsq; ad id tempus, si necessitas postulauerit, & balneas

balneas adeat, & uino utatur modico, si libet, propter stomachum, & carniū edulio sustentetur: ne prius deficient pedes, quàm currere incipiant. Et hoc dico iuxta indulgentiam, non iuxta imperium, timens debilitatem, non docens luxuriam.

Surda sit ad organa. Tibia, lyra, cythara, cur facta sint, nesciat.

Reddat sibi pensum quotidie de scripturarum floribus carptim.

Discat Græcorum uersuum numerum.

Sequatur statim & Latina cruditio, quæ si non ab initio os tenerum composuerit, in peregrinum hominum lingua corrumpitur, & externis uitij sermo patrius sordidatur.

Discat & lanam facere, tenere colū, ponere in gremio calathum, rotare fusum, stamina pollice ducere.

Spernat bobicum telas, serum uellera, & aurum in fila lentescens.

Talia uestimenta parat quibus pellatur frigus, non quibus uestita corpora nudentur.

Sic comedat, ut semper esuriant: ut statim post cibum possit psallere & legere.

Si quando ad suburbana pergis, domi filiam non relinquant. Nesciat sine te, nec possit uiuere: & cum sola fuerit, pertimescat. (contubernia.

Non habeat colloquia seculariū, nō malarū uirginū

M

Non

Non intersit nuptijs seruulorum, neq; familiæ per-  
strepentis lusibus misceatur.

Scio præcepisse quosdam, ne uirgo CHRISTI cū  
Eunuchis se lauet, nec cum maritatis fœminis: quia  
alij non deponunt animos uirorum, aliæ tumentibus  
uteris proferunt fœditatem.

Mihi omnino in adulta uirgine lauacra displicent,  
quæ seipsam debet erubescere, et nudā uidere nō posse.

Si enim flammam libidinis, & incentiua feruentis  
ætatis extinguere cupit continentie frigore, si appe-  
titis sordibus turpare festinat naturalem pulchritudi-  
nem, cur è contrario balnearum fœmentis sopitos ignes  
suscitat?

Pro gemmis & serico diuinos codices amet, in qui-  
bus non auri, & pellis Babylonicæ uermiculata pictu-  
ra, sed ad fidē placeat emendata & erudita distinctio.

Discat primò Psalteriū, hic se canticis auocet. Et  
in prouerbijs Salomonis erudatur ad uitam.

In Ecclesiaste, consuescat quæ mundi sunt conculca-  
re: in Iob, uirtutis & patientiæ.

Huc usq; Hieronymi uerba percensuimus, quibus  
Leta filiam instituit CHRISTO dicatam, sed quæ  
in quemuis puerum, quamuis uirginem Christianam  
applicari non ineptè possint.

FINIS.

GENE

# GENERALIA EX

SOCRATE, STOBOEO, SEPT  
PTEM SAPIENTIBVS, ET  
cæteris.



VANTVM in te est, pacem cum omni  
bus habeto.

Temerè nihil feceris.

Amicis aduersa fortuna utëtibus idem  
est.

Infortunium tuum celato, ne uoluptate afficias ini-  
micos.

Veritati adhereto.

Pietatem sectare.

Misericors esto.

Sapientum utere consuetudine.

Bonos in precio habeto.

Age quæ iusta sunt.

Principibus cede.

A iureiurando abstine.

Laudato honesta.

Beneficium repende.

Litem oderis.

Audi quæ ad te pertinent.

Probrum fugito.

Ea facito, quorum non possit aliquando poenitere.

M

2

Ne

Ne cui inuideas.

Benemeritos honora.

Calumniam oderis.

Cum erraueris, muta consilium.

Affabilis esto.

Concordiam sectare.

Sperato tanquam mortalis, Parce tanquam immortalis.

Ne efferaris gloria.

Cede magnis:

Mortuum ne rideto.

Arcanum cela.

Faxis ut libeat quod est necesse.

Multis terribilis, caueto multos.

Ne extollaris fortunæ prosperitate.

In rebus aduersis ne frangaris.

Audito multa.

Loquere pauca.

Prius intellige, & deinde ad opus accede.

Ne ob diuitias laudaueris hominem indignum.

Compara in adolescentia quidem modestiam, in senectute uerò sapientiam.

Diues est, qui nihil cupit.

Pauper est, omnis auarus.

Opus prudentis, cum possit, nolle nocere.

Stulti proprium est, non posse, & uelle nocere.

Que

*Quæ facturûs es, ne dixeris: frustratus enim rideberis.*

*A familiaribus in minutis rebus læsus, feras.*

*Ne contende cum parentibus, etiam si dixeris iusta.*

*Ne lingua præcurrat mentem.*

*Nosce teipsum.*

*Ne quid nimis.*

*Inimicitias solue.*

*Suspiciones abijcito.*

*Aliena ne concupiscas.*

*Ne teipsum precipites in discrimen;*

*Quæ oderis, alteri ne feceris.*

*Ne cui miniteris, est enim muliebre.*

*Quanto plus licet, tanto libeat minus.*

*Susurrionem fuge.*

*Qualis fueris in alios, tales alij futuri sunt in te.*

*Bis est gratum, quod opus est, ultrò si offeras.*

*Ne sis proclivius in risum.*

*Quæ facere turpe arbitraris, ea ne dictu quidem putes honesta.*

*Assuesce non esse tristis, nec cogitabundus.*

*Exerce teipsum ad pietatem.*

*Adulantium ne capiaris amore.*

*Delibera diu, confice uerò statim quod decreuisti.*

*Duo tempora tibi deputa ad dicendum, uel dum quid noris apertè, uel ubi necesse est loqui.*

*Vince dolorem patientia.*

M 3

Tristitiam,

Tristitiam, si potes, non admiseris: si non potes, ne ostendas tamen.

Neminem citò accusaueris, ut licentiosa mancipia:  
Coërce linguam, uentrem, & libidinem.

FINIS.

## EX SENTENTIIS

NILI EPISCOPI ET MARTYRIS

GNOMAE QUAE

dam selectiores.



IMOREM pariter, & desiderium erga Deum habere necesse est, erga homines uerò cunctos puro conscientiae testimonio uti decet.

Deum ipsum in singulis quae agis, semper praesentem esse existima.

Cum uirtuose quid agis, gaude. Ideo tamen te extollere noli, ne in portu naufragium accidat.

Quanto magis in lege proficies, tanto plus ad perfectionem tibi deesse intelliges.

Vniuscuiusque rei, ante principium, finem exquire.

Die ac nocte, ultima tibi coram oculis uersetur horum, & nullum uitae desiderium ad terrena te detrahet.

Cum



Cum eo homine, à quo bonos abhorrere cernis,  
nullum tibi sit commercium.

Nemini siue dictis, aut factis, uel studijs tuis nocere uelis.

Obea quæ in præsentī uita florida esse uidentur,  
ne lateris. Nam graminis flos, etsi leuiter attrectetur tabescit.

Rectè agere potius, quàm alios reprehendere conemur: nam & multa in nobis existunt, quæ ab alijs taxari queant:

Oratio cum sobrietate fiat, ne Deum in his quæ respuit placare conemur.

Semper mens Deo inhereat, cœlestisq; tua fiat cogitatio.

Oculos refrena, nā cū haud aduertis, circūflectūtur:

Linguam coërce, sæpius enim profert quæ satius est celare.

Legis meditatione intellectus agrum colito. id si frequentabis, cogitationes peruersas extirpabis.

Carnis uoluptates odio prosequere, nam corporis sordes animam quoq; inficere solent.

Ventri quantū indiget, non quantū cupit, impende.

Delitias ne amplectere, amorem enim præsentis uitæ conciliant, uerū Dei odium generant.

Vitæ gaudia fuge: nam labilia cum sint, in eis exultantes deserunt.

Ieiunia armaturam, orationem muros, lachrymas  
uerò balneum existima.

Exitus nouissimi cum gemitu recorderis: hinc enim  
animæ compunctio oritur assidua.

Pauperes foueto, illi enim iudicem nobis placatum  
reddunt.

In Ecclesia non secus ac cœlo uersare: ideo in ea nil  
loquere uel cogita terrenum.

Carnem tuam sanctis afflige laboribus, uerūtamen  
penitus eam domari posse haud existimes.

Vino utere moderate: quemadmodum enim ingur-  
gitatum haud modiocriter offendit, ita temperatè hau-  
stum bibentem corroborat.

Iram compeſce, nam cum modum exceſſerit, inſa-  
niæ flamma exiſtit.

In uale tudine aduerſa, oratione primò, inde uerò  
medicis ac pharmacis utere.

Sacerdotes omnes honora, cum bonis uerò tantum  
conuerſare.

Dei domum uenerare, at Dei domum conſtruere ex  
te ipſo adnitere.

Eccleſiam frequentato, à motibus enim ac pertur-  
bationibus exterioribus nos liberare ſolet.

Cum omnia terrena ſint fluxa, ne te perturbent e-  
uani da.

Quotieſcūq; te uoluptatis inuadit affectus, turpi-  
tudinem

tudinem humanam, offensamq; oppone diuinam,

Præcipuè auditum ac uisum munire memento, potissimum enim illac malitiæ tela penetrant.

Cum oras, ad Deum mentem attinge: quòd si inde exorbitet, iterum colligere stude.

Sensus haud unquam desinit cogitationes generare, at tu prauas expellere, bonas uerò fouere assuesce.

Humilitate gaude, nam ex ipsa decidere haud poteris altè.

Cum Deum humiles exalare, potentes uerò deprimere cernis, non tantum Deo, quantum hominibus id acceptum refer, quibus haud tutum est mediocritatem supergrediendo attolli.

A risu immoderato abstine, nam animam eneruat. legis quoq; frenum laxare conatur, ni tempestiuè remedium adhibeatur.

Verè sanctos ab operibus dignosce, à fructu enim omnis discernitur arbor.

Cum conuitio afficeris, considera num rem aliquam conuitio dignam perpetraueris, quòd si insonantem te esse cognoueris, conuitium sumum existima.

Nullā rem uirtute preciosiorē existima: nā cū imago Dei sit, quemadmodū & ipse, immutabilis existit.

Matrem uitiorum signiticem putato. quæ enim possides, auferre solet: quæ uerò non possides, ne ea consequaris prohibet.

Philosophia præcipua est hominib. possessio: at cum sit unigenita, sola à solo possessore intelligi dignatur.

Cum uirtutis te labor affligit, cogita quòd labor est temporaneus, merces uerò æuiterna.

Cuncta corruptioni subiacere existima, uirtutem uerò solam corruptionis expertem.

Fortiter tribulationes perfer, eis enim qui in illis decertant, coronæ plicantur.

Mortem semper expecta, nō tamen timeas: utrūq; etenim ueræ philosophiæ est character.

Si cœlum desideras, nil tibi cum terra: haud enim illa ad illum tendere permittit.

Si potus aquæ frigidæ iustificat misericordem, quam retributionem pauperibus denegantem manere existimas?

Ne compassionem negliges, illa enim ex cœlo nobis salutem nostram detraxit.

Ne dicas, ex inimicis ultionem sumam: iustum enim iudicem in cœlis habebimus.

Mortuum ne fuge: communis etenim est uia, & beatus qui præcessit.

Deo loquere multa, hominibus uerò pauca: at legis meditatione utraq; rectè dispones.

Balneum animæ bonum, oratio est lachrymosa: at cum oratione memor sis, cuius rei gratia lachrymas effundis.

Seculi

Seculi principes ne beatos existima: potentes enim cum potenter præsint, ipsi quoque iudicem austeriorem habebunt.

In rebus gerendis conscientia pro lucerna utere, hæc enim quidnam in uita bonum, pariter et quid sit malum, ostendit.

Timor pariter ac pudor à peccato te absterreant, quamuis facile sit his utrisque rectè uti.

Malis patrociniū ne præstes, quod si secus feceris, non solum scelerum adiutor eris, sed et peccati communionē inquinaberis.

Peccantem admonere, priusquam accusare uelis: contumelia enim posterior, compassio uero prior.

Si errantem redarguis, compassionis benignaque cominisce uerba, et aures emollientur, cor uero illuminabitur.

Quemadmodum neque uirtutes, ita neque uitia absconsa remanere ualent.

Ita curras ut uincas, hoc est, indefinenter: per uirtutis enim semitam currere oportet, donec uitæ stadium exuperemus.

Patientiā ad necessitatem exerce, ut in ea necessitatis tempore omnem armaturā præparatam inuenias.

Diligentia multa à rebus terrenis oculos contine, ex illis enim fumus oritur, qui animam fuligine denigrare solet.

Si con-

Si consuetudine aliqua praua detineris, eam paulatim rescinde, et sine labore ab anima spinas extirpabis.

Nil philosophia gloriosius puta : nam cum mater legis sit, regni quoq; Dei consors existit.

Cum à Deo corripieris, ne murmura : nam ut pater castigat, ideo tanquam benefaciens gratiarum actione dignus existit.

Quæ tristitia & hilaria in uita accidunt humana, umbrae, fumo, & rota equipara : tanquam enim umbra haud permanent, & ueluti fumus euanescent, instarq; rota uertuntur.

Alieno infortunio ne arrideas, ne & tu cum haud uelis, ab alijs irridearis.

Semper in operibus bonis ulterius procedere cura : nam si minutum minuto accumulaueris quotidie, breui diuitias ab omnibus expetendas congregabis.

Si uitam expetis sempiternam, humanam mortem semper expecta.

Odio præsentem uitam prosequere : quàm inordinatè enim ipsius uersetur rota, cernis.

Fortunate agentes ride, infortunatis uerò condole : illud enim philosophiæ est documentum, hoc uerò misericordiæ indicium.

Omnia terrena sunt corruptibilia, anima uerò est immortalis : quapropter immortalia corruptibilibus anteferre decet.

Fortiter

Fortiter perfer aduersa, & consequeris eterna.

Paupertatem incusare noli, immobilem enim legis athletam constituit.

Diuitijs ne exultes, illarum etenim curæ ut plurimum hominem à Deo separant.

Humilitatem, etsi magnus existas, dilige, ut in die iudicij exaltari queas.

Ne temerè quempiam increpa, ne ab hominibus arrogantiae inculperis.

Bonorū futurorū multitudo, pulchritudo, et magnitudo est inexperta: at presentia, umbra, fumus, bulla.

Ve impio, quia cum illuminabuntur omnia, tum ipse solus obscurabitur.

Ve blasphemo, nam lingua eius ligabitur, & quo pactu iudici loqui poterit?

Ve iniusto, ad iudicem enim austerum, & iustum legislatorem perget.

Ve auaro, quia diuitiae ipsum fugient, & ignis suscipiet.

Ve secordi, quæret enim tempus quod malè consumpsit, & quærens non inueniet.

Ve superbo, nam cum sepulchrum ingreditur, quisnam sit intelliget.

Ve scortatori, quoniam stola eius nuptialis sordabit, ex regijsq; nuptijs turpiter eiicietur.

Ve conuiciatori, & cum ipso, ebrio: cum mœchis enim

enim constituentur, & cum homicidis punientur.

Ve delicatis, nam tempore exiguo, tanquam uittulus iugulandus saginantur.

Ve hypocritæ, quia pastor suum esse negabit, & iudex eum lupum esse demonstrabit.

Beatus qui per angustam incedit semitam, coronatus etenim cœlorum regnum ingreditur.

Beatus qui uoluptates calcatur, nam coram illo demones tremunt.

Beatus puro corde, & anima simplici: iudicare enim dignus est mundum, & non ipsum mundus.

Beatus uita sublimis, humilis uerò prudentia: CHRISTVM enim imitatur, cui & assidebit.

Beatus à cuius lingua lex non recedit, ab huius enim tabernaculo Deus non separatur.

Beatus qui multis benefacit, iudicandus enim multos inueniet aduocatos.

Beatus qui uirtutem non corrumpit, in iudiciis enim uentilabrum haud incidet.

Beatus qui uirtutes exornat proprias, antequam accendatur ignis.

Beatus qui ad uitam sempiternam festinat, presentia enim corruptiones esse, ad mortemq; trahentia intelligit.

Beatus qui mala abigit, puriusq; cum puro conglutatur.

Beatus



*Beatus qui audit, & custodit admonitiones istas.*

*Beatum enim est timere Dominum, & sollicitè cogitare diem illam, cum occulta cuncta manifestabuntur. Et quid facient negligentes, cum nullam amplius utilitatem pœnitentia asseret?*

*Hortor igitur omnes, ut his dictis mentem adhibeant, gnauiterq; perpendant, quam lance eorum facta paulo pòst expendi debeant.*

FINIS.

# QVOPACTOIN

GENVI ADOLESCENTES

FORMANDI SINT.

GEROLDO MEYGER ADOLESCENTI OPTIMO, CHRISTIAN

*nus Theodidactus gratiam & pacem à Deo,*

*& domino nostro IESV*

CHRISTO.



VVM te nuper a thermis redeuntem læti omnes excipiunt, aliq; alijs te muneribus honorare certant, uisus sum ipse mihi prorsus inciuilis futurus, si te non qualicunq;

cunq; dono afficerem, Gerolde adolescens sua-  
uissime: præsertim cum mos iste lauantes hono-  
randi sit uulgo inter amicos receptus: inter quos  
te duplici nomine censem, & quod literis o-  
peram feliciter nauas, & quod sub Ioannis no-  
stri signis meres. Cumq; diutius apud me quæ-  
rerem, quidnam tibi possit esse gratissimum, in-  
uenio tandem aut sanctum, aut doctum, aut  
utrumq; esse oportere, quod tibi placere cupiat.  
Nam ut natura uideris ad pietatem uirtutemq;  
natus esse, ita urbanitatis ac elegantie fructus,  
præcoces quidem illos, sed eo gratiores, sponte  
iam nunc præbes. Docta autem, perlustrata,  
quamuis diligenter, omni suppellectile, cum  
præstare nulla uia possemus, reliquum erat, ut  
prijs quibusdam ac ad salutem tum animi, tum  
corporis, uirtutemq; conducibilibus te demere-  
remur. Olim itaq; cum consilium, quemadmo-  
dum ingenuos instituere adolescentes oporteat,  
condendi libellum cœpinus, propositumq; ut  
est præsentium rerum status, uarij tumultus mo-  
rati sint, subueniebat tamen anxie munus dili-  
genti, in animum, capti olim consilij mentio.  
Et quamuis plerostq; uideam sollicitos esse, ut  
absolutum laborem digno alicui patrono nun-  
cupent, nobis tamen contra euenit: nā cui nun-  
cupari oportet, præsto est, sed deest ocium, no-  
uemq; illi anni, quibus premi oportet opus. Qua  
propter inter ista duo incommoda, quod ad te  
aliquid omnino missitandum est, & quod occu-  
pationes, istuc ut digne fiat, haud permittunt: in-  
ueni, quo in præsentia utriq; nostrum satisfaceret.  
Furatus

Furatus sum ipse mihi tantum tempusculi, ut tumultuarie præceptiones pauculas congesse-  
rim: & certe in uniuersum paucas esse oportet,  
sed probe expensas, ne copia fastidium pariat:  
ita enim fere comparatum est, ut quæ parcius  
propinentur, auidius hauriantur. Quas tu non  
ab ornatu æstimabis, sed a sensu, & ab animo a  
quo profectę sunt. Pia enim sanctę polliceri pos-  
sumus, si sumus ipsi nō impij. Docta promittere,  
etiam si sis ipse doctissimus, pudor est. Habent  
primę præceptiones, quemadmodum sit tener  
ingenui hominis animus in his quæ ad Dēum  
attinent, imbuendus. Secundæ, quemadmodum  
in his quæ ad se. Tertiæ, quemadmodum in his  
quæ alios spectant. Neq; hic propositum est a  
cunis ordiri, sed neq; a rudimentis: uerum ab ea  
ætate quę iam sapere, ac sine cortice natate in-  
cipit: in qua etiamnum ipse degis. Has tu dili-  
genter, ut spero, leges, teq; in ipsas transfigura-  
bis, ut alijs quoque uiuum specimen ex-  
hibeas. Id faxit CHRISTVS  
Opt. Max. Amen.



PRIMARVM PRAECEPTIO-  
NUM APHORISMI.



NTE omnia, cum non sit humana-  
rum uirium cuiusquam pectus ad fi-  
dem unius Dei pertrahere, etiamsi  
quis Periclem suadendo superet, sed  
coelestis tantummodo Patris, qui nos

Ioan. 6.

Nemo  
potest  
uenire  
ad me,  
nisi Pa-  
ter, qui  
misit me  
traxerit  
eum.

ad se trahit, adhuc tamen iuxta uerbum Apostoli: Fi-  
des ex auditione est, modò auditio sit uerbum **CHRI-**  
**STI**: non hercle, quòd ipsa uerbi prædicatio tantum  
polleat, ni spiritus intus canens moueat. Ideo uerbis  
purissimis in stillanda est, oreq; dei usitatissimis, fides:  
iungendæ simul preces ad eum, qui solus fideles facit,  
ut quem nos docemus uerbo, ipse afflatu suo illuminet.

Ro. 10.

Nec fortasse alienum fuerit ab instituto **CHRI-**  
**STI**, si in agnitionem Dei etiam per uisibilia addu-  
camus: puta, si uniuersam mundi molem ante oculos  
aduocemus, singula digito monstrantes esse mutationi  
obnoxia, sed immutatum immotumq; esse oportere  
eum, qui omnia, cum tam uaria sunt, tam firma mira-  
biliq; concordia conciliauit.

Rursus cum qui tanta solertia cuncta disposuit, ne  
susplicandum quidem esse, negligentem operis sui fu-  
turum, cum inter mortales uitio uertatur, si quis rei  
domesticæ parum diligens fuerit.

Hinc

Hinc discet ille noster, Dei prouidentiam res omnes curantem, omnia disponentem, omnia seruantem. Nam duorum passerum, qui asse parati sunt, alter ne in terram modò nobis decidit citra eius consilium: quæ pilos quoq; capitis nostri numerauit, nihil prorsus hac cura uilescens. Quo manifestum fit, eam non modò quibus anima, sed ea quoq; quibus corpus eget, destinare: cum coruos uideamus tam liberaliter ab ea excipi, lilia uerò tam splendide uestiri. Hactenus de diuina prouidentia rectè imbuta mens, fieri non potest ut unquam anxia fiat, aut sordide cupida. Quem adfectum, si in ipsa herba reciderimus, iam nocentissima peste mentem liberauimus.

Mat. 10

Psa. 145

Math. 6

Sciet enim Deum non solummodo Dominum, sed et patrem esse omnium in se credentiū, hoc est, fidentiū: cupereq; ut ad se pro imploranda ope haud segnius adcurramus, quàm ad parentem qui genuit, proprijsq; uerbis opem pollicitum, quòd orari nimirum amet.

Proinde, si ægritudo uel animi uel corporis adfligit, me de lam ab illo impetrandā: si urget hostis, si degrauat inuidia, ad eum confugiendū: si sapientiam, si eruditionem adfectamus, apud hunc ambiendas, imò coniugem quoq; et liberos hinc petendos esse. Res et honores si paulo uberius adfluant, ab eo petendū, ne animū his emolliri patiatur, inq; transuersum abduci.

Quid multa? in uniuersum omnia sciet hinc esse

N 2 pe=

petenda, nefasq; putabit, quicquam ab illo petere, quod ei præstare indecorum esset: pudebitq; tandem quicquam uel cupere uel habere, quod per Deum non licet, & eas res unicè comparabit ac reponet, quæ uerè beatos reddunt. Euangelij mysterium hac uia capiet statim primi hominis ante omnia resciet, nempe ut is sit morte mortuus, posteaquam præceptum Dei præuaricatus esset, ut suo facinore posteritatem omnem uitiarit: mortui enim uiuos generare nequeunt, nec æthiopem uidimus unquam apud Britannos natum: unde hic non ster suum quoq; morbum agnoscet.

Agnoscet hinc quoq;, si sciat, ut omnia ex adfectibus, & κτῶν παθῶν geramus nos: Deus autem, ut sit ab cis alienissimus. Ex quo indubiè sequitur, nos quoq; alienissimos esse oportere, si cum Deo habitare cupimus. Vt enim innocentissimus quisq; nihil commercij cum flagitiosissimis habet, atq; è diuerso iustum ferre nequit iniquissimus (Nerones enim ut Senecas duci iubent, ita è diuerso Ennios cum Scipionibus idem tumulus tegit) sic cum Deo quoq; non alius habitabit, quàm qui incedit sine macula, & sanctus est quemadmodum ipse sanctus est, cordisq; mundicia præditus. Beati enim mundo corde, quoniam ipsi Deum uidebunt.

Psal. 14.

Matt. 5.

Tantam autem innocentiam qua ratione parabimus, qui adfectibus impurissimis undique septi sumus? Hic inter malleum & incudem positi, cum Deus tan-

tam

tam innocentiam exigit, nos aliud uitiatum præstare nō  
possumus quàm uitium: uelimus, nolimus, Deo manus  
dare cogimur, & eius gratiæ permittere. Hic Euan-  
gelij lux oritur. His angustiis inclusos CHRISTVS  
eximit, qui nos longè melius quàm ullus Iuppiter ser-  
uator liberauit, conscientiam desperationi proximam  
ante omnia erigens, ac mox certissima spe sibi iunctā,  
felicem reddens. Ipse enim ab omni labe quorumcunq;  
uitiosorum adfectuum cum sit alienissimus (de spiritu  
enim sancto conceptus, exq; uirgine illibata genitus  
est) primum, ut liberaret, hanc innocentiam suam pro  
nobis exposuit: nam labores & dolores nostros ipse  
uerè tulit. post, eos qui hoc inconcussè credunt, beatos  
efficit.

Qui enim hanc liberalem condonationem credide-  
rit, à Deo per CHRISTVM misero mortalium ge-  
neri præstitam, saluus erit, & coheres CHRISTI  
factus, apud Patrem in æternum letabitur. Vult enim  
ille, ut ubi ipse sit, illic sit & minister suus.

CHRISTI innocentia pro reis, imò damnatis, ex-  
posita nos absoluit, ac Deo dignos hac potissimum  
causa reddit, quòd ipse modum & mensuram diuinæ  
iustitiæ adimplere potuit: alienissimus enim erat à  
corruptis adfectibus. Cumq; talis, tantusq; sit, nempe  
Deus, noster tamen factus est. Ex quo sequitur, quia una  
caremus, iustitiam quoq; suam nostram esse factam.

1. Cor. 1. Ipse enim factus est nobis à Deo, sapientia, iustitia, sanctificatio, & redemptio.

Rom. 5. Iam per ipsum accessum habemus ad Deum: noster enim est, pignus gratiae Dei est, aduocatus, uas, praeses, intercessor, mediator, prora & puppis est, & c. & c.

Qui hactenus Euangelij mysterium tenent, coq; fi-  
dunt, ex Deo nati sunt: nam humanae imbecillitatis  
captus tam profundum gratia Dei consilium non ad-  
sequitur.

Hinc fluit, ut qui per Euangelium renati sunt, non  
peccent: omnis enim qui natus est ex Deo, non peccat:  
at qui credit Euāgelio, ex Deo natus est. Nō ergo pec-  
cant qui per Euangelium renati sunt, id est, peccata  
eis ad damnationem ac mortem non imputantur, quòd  
ea CHRISTVS precio mortis suae redemit.

Nam etsi ipsi, dum in hoc corpore peregrinamur à  
Domino, sine adfectibus esse non possumus, & hinc  
etiam non sine peccato: CHRISTVS tamen, quo-  
niam noster est, omnem hanc impotentiam sarcit. Ae-  
ternus enim Deus, ac spiritus cum sit, preciosior est ad  
omnium hominum flagitia redimenda, quàm ipsa cō-  
mereri possint.

Quae quidem fiducia non segnes reddit, sed accin-  
git et urget ad rectè gerendum rem. Non enim ab ho-  
mine nata est: qui enim fieri posset ut humana mens,  
quae à sensibus ferè pendet, tota in id incumberet, quod  
sensu



sensu nullo pacto percipitur? sed à Deo. Nunc ubi Deus operatur, caue anxius sis quomodo res rectè geratur.

Deus enim, ut est Endelechia, quæ immota cuncta uersat & mouet, cum etiam cuius pectus ad se traxerit, desiderare nō patietur. Quæ quidem sententia probationibus non constat, sed usu: soli enim fideles experiuntur quàm nihil ocij det suis CHRISTVS, quāq; hilariter in negotio eius iucundeq; uersentur.

Quisquis igitur Euangelij mysterium capit, rectè uiuere conatur: quamobrem tradi oportet, quoad fieri potest, mundissimè ac diligentissimè.

Iam hoc quoq; tempestiue tradendum est, quibusnam officijs Deum maximè demereamur, eis nimirū, quibus ipse nunquam non erga nos utitur, iustitia, fide, misericordia. Deus enim cum sit spiritus, non alia quàm spiritali deditæ mentis hostia coli rectè potest. Huc igitur aciem dirigat adolescens, ut maturè bonum uirum meditetur, qui sit innocentissimus, ac Deo quàm similimus. Is prodest omnibus, nocet nemini, ni quis sibi ipsi prius nocuerit: sic, qui omnibus prodesse, omnibus omnia fieri studet, ac omni prorsus iniuria manum abstinet, Deo similimus est. Ardua sunt hæc, si

uires nostras spectes: sed credenti  
omnia sunt possi-  
bilia.

SECUNDARVM PRAECE-  
PTIONVM APHORISMI.



OSTEAQVAM animus solidae uirtu-  
ti destinandus, per fidem rectè forma-  
tus fuerit, proximum est, ut se totum  
intus bellè adornet & componat: nam  
si apud se rectè comparata sunt omnia,  
facile alijs rectè consulat.

Rectius autem animum componere non poterit,  
quàm si uerbum Dei nocturna manu diurnaq; uerset.  
Id autem commodè faciet, si linguas, Hebraicam &  
Linguae. Graecam, probè calleat: quòd sine altera uetus instru-  
mentum, sine altera nouum purè capi difficulter possit.

Quoniam uerò istos docere suscepimus, qui iam  
Latina. primarudimenta exantlarunt, latinâq; passim apud  
omnes obtinuit, deferendam omnino non censemus:  
nam & si ad sacrarum literarum intellectionem mi-  
nus faciat, quàm uel Graeca uel Hebraica, ad reliquum  
tamen uitæ usum haud mediocriter proderit. Vñ uenit  
etiam aliquando, ut apud Latinos quoq; CHRISTI  
negocium agere cogamur. At linguis ad quæstum a-  
buti, id uerò à Christiano homine debet alienissimum  
esse. Sunt enim linguae diuini spiritus donum.

Graeca. Proxima ab ista, cui operam demus, erit Graeca,  
propter

propter nouum instrumentum, ut dictum est: nam ut pace omnium dicam quod sentio, doctrinam **CHRISTI** iam inde ab exordio uideo minus dignè tractatam à Latinis hominibus, quàm à Grecis. Ad fontes igitur hic noster mittendus est.

Quanquam in utraq; istud obseruandum est, ut si de innocentiaq; pectus prænunitum habeat: sunt enim haud parum multa, quæ perniciose discerentur, petulantia, imperandi belligerandiq; libido, uasfricies, inanis philosophia, & similia, quæ tamen omnia præmonita mens instar Vlyssis intacta prætereire poterit, cum scilicet ad primam uocem sic se admonuerit, hæc audis ut caueas, non ut capias. Hebraicæ ultimum hac potissimum causa damus, quòd, ut paulo antè dictum est, Hebraica. Latina apud omnes inoleuit, & eam opportunissimè Græca sequitur: alioqui Hebraicæ meritò primas tribuissemus, quòd sine huius schematis, apud Græcos etiam, multis in locis sudet, quisquis germanum scripturæ sensum eruere uelit. De linguarum utilitate ad saturitatem dicere non est huius propositi.

. His armis ad sapientiam istam cœlestem, cui humana nulla comparari, nedum equiparari iure debet, irrumpere poterit, quisquis humili sitibundaq; mente accedit.

Quò cum irruperit, omnigenas rectè uiuendi formas inueniet, nempe **CHRISTVM** absolutissimum

N 5      omnis

omnis uirtutis exemplar: quem ubi ex dictis factisq; planè cognouerit, ita amplectetur, ut in omni uel actione, uel consilio, partem aliquam uirtutum ipsius exprimere, quoad humanae tenuitati fas est, conetur.

Tempestiue ab eo & loqui, & tacere discet: pudebit immaturè de his loqui, quæ maturrimos requirunt, Luc. 2, quòd CHRISTVM uideat anno uix tandem tricesimo reposuisse: quamuis duodecimo quoq; anno periculum sui legisset dederit. Quo nos exemplo non tam docemur citò prodire, quàm à teneris res magnas, sed Deo dignas, moliri.

Silentiū Nam ut femina summū per omnē uitam ornamentum est silentiū, ita adolescentē nihil cōmendabiliorem facit, quàm ad certum tempus silentij studium, donec et pueros & mulieres de mens & lingua, tam seorsim quàm inter se probè constent. Neq; hic Pythagoricum silentium exigimus, sed loquendi cupiditatem premimus. Ac nisi tempestiue loquuturus sit adolescens, loqui omnino uetamus.

Eloquentia, dum apud præceptores meditatur, non deformabit ad horum exemplum, si quid uitij habeat: Neq; id præcepti leuis momenti quis putet, nam ueterum quoque memoriā proditum est, auditores quosdam non modò linguae præceptorum uitia, sed corporis quoque imitatos esse.

Linguae Vitia linguae cuiq; obuiū est cognoscere. Orationis uitia. autem habitus, tum præter artificij, de quo hic dicendi locus

di locus non est, uitiosus est, si nimis celeriter aut tardè nimis incedat oratio, si accentus sit nimis humilis & languens, aut uehemēs nimis, si in quauis causa & genere quolibet idem sit oris habitus, eademq; hypocrisis, ut uocant, uel gesticulatio insolens.

Elephantos obseruatum est anxie solos, pro quibus uapulassent, meditados esse: sic adolescens crebro secum meditabitur, ut sit os compositurus, ut manus prolaturus, ut eis uerecundè quod oportet indicaturus, non remigaturus. Atq; hæc omnia ita moderabitur, ut ueritati seruiant, non ut alijs lenocinentur. Nam meretricij quorundam mores, ut fieri à Christiano petore possent? Vnde isto exercitio, quod hic requirimus, non aliud intendimus, quàm ut quisque apud se exterioribus uitijs imperare discat, quæ uitiosæ mentis haud incertiſſima signa sunt. Hanc igitur primùm integram esse oportet, quæ ubi fuerit, facile tempeſtatem exteriorum membrorum moderabitur, ne aut immodicè frontem contrahamus, aut os transformemus, aut caput concutiamus, aut manus dissipemus, sed in adfectata, rustica, & simplici quadam modestia hæc omnia temperemus. Hæc de oratione & silentio.

Vini saturitatem æquè ac cicutam fugiet: nam se Ebricundū hoc, quod iuuenile corpus, quod suapte spōte ad uehementiam procliuum est, ad insaniam adigit, senesciendū. Etiam etiā adhuc dubiè nos expectantē, in herba uitiat:

quo

Gestus  
mode-  
randi.

quo sit, ut cum fors ad eam uentum sit, morbum, non requiem reperiamus. Fieri enim non potest, ut qui se impensius uino proluere consueuerit, ut non in aliquem fonticum morbum tandem, incidat, ut est epilepticus, paralyticus, hydropicus, elephanticus, & consimiles. Quapropter maturè fias senex, si uis diu esse senex.

Victus  
ratio.

Reliquus uictus parabilis esto: nam quid adolescenti, cuius stomachus natura expeditus est ad perfectionem, cum perdiciis, turdis, ficedulis, capis, capreis, ac id genus lauticijs? quin eos dentibus tandem obtusis, palato detrito, gulæ diuturno usu callosæ, stomacho iam segni, corpori semimortuo utendos reponit. Nam fouendi senij quæ spes erit, si, quorum cupidum est, lasciuia iuuentus per intemperantiam fastidiosa fecerit?

Fames interim uincenda modo est, non profliganda: nam Galenum perhibent annos centum uiginti uixisse, quod à tabula nunquam satur abierit. Neq; hic exigo, ut fame teipsum conficias, sed ne supra quam usus uitæ postulat, implacabili uoracitati seruias: non enim ignoro, facile peccari posse in utranq; partem, si uel in lupos uoracitate abeamus, uel fame inutiles nos reddiderimus.

Vestiti  
luxus.

Nihil esse stolidius autumo, quàm uestium pretio claritatem ambire, cum hoc pacto pontificiæ quoq; mulæ claræ fieri possent ac celebres: ut enim robustæ sunt, plus auri, argenti, gemmarumq; ferre possent, quàm

quàm ullus Milo. Quem uerò ambitiosi uestitus non pudeat, qui filium Dei ac uirginis audiat in præsepi uagitus suos edere, tot solummodo fascijs inuolutum, quot uirguncula ad partum imparata secum gestabat?

Peregrinas aut nouas uestium figuras qui quotidie producunt, inconstantissimæ, uel si id nimis est, effæminatæ mentis aut teneræ certissimum signum dant, CHRISTI non sunt. Nam egenos interea frigore perire sinunt & famæ. Vnde à uestium luxu tam est temperandum, quàm à quauis mali specie.

Amare dum incipit adolescens, animi sui tyrocinium exhibere debet: ac dum alij uiribus & armis per tumultum lacertos suos explorant, hic noster omne robur huc uertet, ut se ab amoris insania tueatur: cumq; amandum prorsus esse uiderit, caueat ne desperet, sed talem eligat ad amorem, cuius se ferre mores in perpetuo matrimonio posse confidat: eiq; congressum suum usq; ad connubium tam illibatè custodiat, ut præter hanc ex omni mulierum uirginumq; corona nullam nouerit.

Pecuniæ gloriæq; cupiditatem quid hic uetare at= Auari-  
tinet, cum apud Gentiles quoq; malum istud malè au= tia,  
diat? & hic noster non sit Christianus futurus, si ei seruiat, quæ non unum & alterum pessundedit, sed florētissima regna euertit, urbes potentissimas excidit, rem quancunq; publicam inuasit, funditus perdidit.

Hæc

Hæc ubi arcem mentis occupauerit, nihil recti geri permittit: nocentissima pestis est, sed heu potens: quam per solum CHRISTVM iugulabimus, si assidui æmulatores eius fuerimus: is enim quid aliud hic egit, quam huic malo mederi?

Disci-  
plinæ  
mathe-  
maticæ

Mathematicas disciplinas, quibus Musicen quoque connumerant, non leuiter, tametsi perfunctorie, attingendas esse putamus: ut enim cognitæ magno sunt usus, neglectæ uerò impedimento haud mediocri: ita si quis in eis consenescat, nihil aliud emolumenti reportabit, quàm ij, qui ne ocio pereant, deambulando subinde locum mutant.

Palæstram non usque adeò damnamus, aliter tamen pronuntiaturi, si non uideremus quosdam prædiuites constanter abhorrere ab eo labore, qui communem uitam iuuat. Christiani tamen hominis fuerit, ab armis prorsus abstinere, quoad per reipublicæ statum & tranquillitatem licet. Nam Deus qui Dauid armorum rudem contra Goliath funda proficiscentem, uictorem reduxit, & inermes Israëlitas ab imminente hoste seruauit, nos etiam indubiè seruabit: aut si aliter ei uisum erit, dexteris armabit: ipse enim docet manus nostras ad prælium. At si omnino statutum est palæstram quoq; experiri, hic unicus sit scopus, ut patriam uelimus, ac eos quos Deus iubet, tueri.

Velim itaq; cunctos, præcipue tamen eos qui officio

cio



cio uerbi Dei destinandi sunt, non aliter putare, quàm quòd una solàq; priscorum Massiliensium ciuitate positiri queant, qui neminem in ciuium numerum censebant, qui nihil artificij nossset, quo uictum pararet: hoc enim pacto fieret, ut ocium omnis lasciuiæ seminarium exularet, & corpora nostra longè salubriora, diuturniora, robustioraq; euaderent.

PRÆCEPTIONVM VLTIMARVM  
APHORISMI.



**P**RINCIPIO ita secum reputabit ingenua mens: CHRISTVS sese pro nobis exposuit, nosterq; factus est, ita & te oportet omnibus expositum esse, nō tuū putare, sed aliorū: non enim ut nobis uiuamus nati sumus, sed ut omnibus omnia fiamus.

Solas igitur, iustitiam, fidem, constantiam, à teneris meditabitur, quibus Reipub. Christianæ, quibus patriæ, quibus sigillatim omnibus sit profuturus. Languidæ mētes sunt, quæ hoc solummodo spectant, ut sibi tranquilla uita cōtingat: nec Deo tam similes, atq; eæ, quæ omnibus suo etiam cū periculo prodesse student.

Hic tamen providè custodiendum erit, ne quod ad gloriam Dei, patriæ, omnium utilitatem suscipitur propositum, à diabolo aut philantia uitietur, ut quod  
aliorum

aliorum gratia suscepisse uideri uolumus, ad nos tandem trahamus. Multos enim uidere licet, qui ab initio recta feliciter incedunt, post pauca uerò à uana gloria, omnium bonorum consiliorum peste, in transuersum aguntur.

In secundis & aduersis aliorum, non aliter se geret, quàm si sibiipsi accidissent: si alij secunda euenierint, sibi euenisse putabit, æquè si aduersa. Rem etenim publicam unam, ueluti domum ac familiam existimabit, imò unum corpus, in quo membra ita simul gaudent, moerent, ac se mutuò iuuant, ut quicquid uni acciderit, omnibus acciderit.

Ad hunc modum gaudebit cum gaudentibus, flebit cum flentibus: omnium enim euentus suos putabit. Adde quòd iuxta Senecæ uerbum, cuius potest contingere quod cuiquam.

Gaudiū Neq; hos adfectus, gaudium & moerorem, ita præac moer-standos esse docemus, ut uulgò mos est: non enim uor quolumus, ut secundis rebus exultemus, & aduersis desperemus: sed posteaquam sine his alijsmodi-feremus: nunquam sumus, ita, si sapiamus. tcoro nusquam recedamus. rum felicitate æquè bimur, hoc est.

A con- Ab his c  
gressib. uenitur  
publi-

tum ludi, tum feriae, non sollicitè arceo: quòd CHRISTIANIS non  
STVM uideam in publicis aliquando partem non in- abhor-  
 gratissimam fuisse. Magis enim nobis probatur, si quòd rendū.  
 omnino fieri oportet, in publico fiat, quàm si in angulis Ioan. 2.  
 aut ganeis: testum enim multitudo quosdam uehemē-  
 tius terret, quàm propria mens: et omnino deploratus  
 erit, quem publicè indecorè se gerere non puduerit.

Ex publicis congressibus semper aliquid boni au-  
 ferre contendet, ne quemadmodum Socrates quereba-  
 tur, semper deterior domum redeat. Obseruabit, si  
 quis in publico uerecundè se gerat, & imitabitur: si  
 contrà, impudenter despuet.

Hoc autem cum ægrè qui maturimi sunt, præstare  
 possint, suadeo quàm rarissimè fieri potest in publicos  
 coetus coire: & si omnino insaniam sociare oportet,  
 mox nos ipsos repetamus. Desertioni faciliè prætexi-  
 tur causa, cui adquiescant ij, qui nos bonis studijs sem-  
 per intentos esse norunt.

bus al-  
 exis frenis adcurrere decet: his  
 præclarum est: hic tenet  
 malum, tractari, amari,

immortalem Deum  
 apud infideles  
 dendum est  
 i, quæ

aliorum gratia suscepisse uideri uolumus, ad nos tandem trahamus. Multos enim uidere licet, qui ab initio recta feliciter incedunt, post pauca uerò à uana gloria, omnium bonorum consiliorum peste, in transuersum aguntur.

In secundis & aduersis aliorum, non aliter se geret, quàm si sibi ipsi accidissent: si alij secunda eueniant, sibi euenisse putabit, æquè si aduersa. Rem etenim publicam unam, ueluti domum ac familiam existimabit, imò unum corpus, in quo membra ita simul gaudent, moerent, ac se mutuò iuuant, ut quicquid uni acciderit, omnibus acciderit.

Ad hunc modum gaudebit cum gaudentibus, flebit cum flentibus: omnium enim euentus suos putabit. Adde quòd iuxta Senecæ uerbum, cuius potest contingere quod cuiquam.

Gaudiū ac moeror quo modo moderanda. Neq; hos adfectus, gaudium & moerorem, ita præstandos esse docemus, ut uulgò mos est: non enim uolumus, ut secundis rebus exultemus, & aduersis desperemus: sed posteaquam sine his alijsq; adfectibus nunquam sumus, ita, si sapiamus, temperemus, ut à decoro nusquam recedamus. Gaudebimus ergo de aliorum felicitate æquè ac de nostra, nec aliter contristabimur, hoc est, moderatè omnia feremus.

A congressib. publi- Ab his cœtibus quò uel promiscuè uel publicè conuenitur, quales sunt propinquorum nuptiæ, & annui

tum

tum ludi, tum feriæ, non sollicitè arceo: quòd CHRIS-  
 TUM uideam in p*ro*p*ri*arum aliquando partem non in-  
 gratissimam fuisse. Magis enim nobis probatur, si quòd  
 omnino fieri oportet, in publico fiat, quàm si in angulis  
 aut ganeis: testum enim multitudo quosdam uehemē-  
 tius terret, quàm propria mens: et omnino deploratus  
 erit, quem publicè indecorè se gerere non puduerit.

abhor-  
 rendū.  
 Ioan. 2.

Ex publicis congressibus semper aliquid boni au-  
 ferre contendet, ne quemadmodum Socrates quereba-  
 tur, semper deterior domum redeat. Obseruabit, si  
 quis in publico uerecundè se gerat, & imitabitur: si  
 contrà, impudenter despuet.

Hoc autem cum ægrè qui maturimi sunt, præstare  
 possint, suadeo quàm rarissimè fieri potest in publicos  
 cœtus coire: & si omnino insaniam sociare oportet,  
 mox nos ipsos repetamus. Desertioni facillè prætexi-  
 tur causa, cui adquiescant ij, qui nos bonis studijs sem-  
 per intentos esse norunt.

In rebus asperis, laxis frenis adcurrere decet: his  
 primum postremumq; esse, præclarum est: hic tendi  
 nerui debent, considerari malum, tractari, amoueri,  
 consilium dari.

Parentes secundum immortalem Deum summo in-  
 precio habendos esse, apud infideles quoq; receptum  
 est. His igitur ubiq; cedendum est. Et si quando se non-  
 tia.

Parenti  
 reueren-

ex sententiâ CHRISTI, quæ & nostra est, gerunt,

O

non

non est in, fortunè illis oblectandum, sed quod dictum factum ue oportet, cum mansuetudine summa proponendum. Quod si recipere nolunt, potius deferendi sunt, quàm contumelia adficiendi.

Iram ex calida causa nasci perhibent Physici: cūq; hæc ætas sit calidissima, diligenter ab illa cauendum est, ne quicquam ex eius impulsu uel dicamus, uel agamus. Suspectum esse debet quicquid in mentem uenit, hoc adfectu feruente.

Calumnia non  
regerenda.

Calumniam, si deuorare præ amaritudine prorsus non possumus, ad iudicem aut magistratum referre oportet: nam conuitium pro conuitio reddere, & contumeliam regerere in eum qui dedit, aliud non est, quàm talem fieri, qualis is est quem damnas.

Lusus  
docti.

Lusus cum æqualibus suo tempore permittimus, sed doctos tantum, & ad corporis exercitium utiles. Docti sunt, certare numeris, quod Arithmetice docet: aut locationibus, quod laterunculorum excursionses & cunctamina. stationes quoq; & insidiæ. Is enim ludus præ omnibus docet, ne quid temerè suscipiatur: modus tamen interim in eo seruandus est: fuerunt enim, qui posthabitis serijs huic uni hæerent. Subcisiuis tantum horis hæc obiter tractanda permittimus. Talorū tabularūq; quas chartas uocant, ludos, & s'λόγας relegamus.

Exercitatio  
corporis.

Corpus exercebunt, cursus, saltus, discus, palæstra, lucta

lucta (qua uerò parcius utendum est, nam sepe in seriū abiit) lusus apud omnes ferè gentes usitati, sed apud maiores nostros, Heluetios dico, usitatissimi, & in uariis euentus utilissimi. Natationes paucis uideo esse proficuas, tamen si nonnunquam iuuet membra in flumen suspendere, piscemq; fieri: utiles tamen ad quosdam aliquando casus fuere: natus ex Capitolio qui Camillo nunciaret miserabilem auaræ Romæ statum. Clælia membrorum remigio ad suos remeauit.

Conuersatio uniuerſa simul & oratio talis sit, ut eos quibus cum uiuimus, iuuent.

Alium si obiurgare oportet, tam cordatè, tam salſe, tamq; festiuiter id fiat & consultè, ut uitium propellamus: hominem autem lucrifaciamus, arctiusq; nobis iungamus.

Veritatis studiū tam constans & unicū esse oportet, ut semper tum nostrum, tum aliorū sermonem ita expendamus, ne quid doli commentū ue admixtum habeat: debetq; bona mens non alia sibi causa magis displicere, quàm si uel inuitè solummodo quiddam mendacij excidisse deprehenderit. Taceo quanto illam deceat pudore confundi, si se tam leuem ac uanam inuenit, ut uel ipsa cudat, uel ab alijs cusa reddat. Veritatem enim quisq; cum proximo loqui iubetur. CHRISTVS ueritas est. Christianum igitur oportet ueritatis esse tenacissimum. Vir duplici animo incōstans est

in omnibus uis suis. Nihil tutò ei committi potest, qui lingua uariat. Oratio cordis est nuncius: proinde si hæc fuerit uana, mendax, inconstans, certissimum signum est pectus longè peius habere. Adde quod mendacium aliquandiu, sed perpetuo latere non potest. Vnde stultum fuerit malitiam domesticam, latendi spe, uel alere, uel solari.

Quod de ueritatis studio diximus, in actionibus cunctis obseruandum est, ne scilicet fictè quicquam agamus, ne frons, ne oculi alios se esse mentiatur, quàm cor ipsum, quod actionum omnium fons est.

Incessis quoq; ascitus, argumèti satis præbet, qualis uir sit qui aliter incedit atq; ingenium flagitat: nempe uani, et mente prostibulari.

Quid multa? huc omne studium accelerandum est, ut CHRISTVM adolescens quàm purissimè bauriat: quo hausto, ipse sibi regula erit. Rectè faciendo nunquam concidet, nunquam extolletur, augefcet quotiæ die, sed sibi decrefcere semper uidebitur: promouebit, at postremum se esse ducet omnium: bonum erga omnes operabitur, sed nō imputabit quicquam: sic enim CHRISTVS fecit. Absolutus igitur erit, CHRISTVM unicè statuerit æmulari.

Hæc sunt elegantissime Gerolde, quæ ad educandos ingenuos adolescentes profutura duximus, quamuis ita sint confuse tradita, ut ne indicari quidem opus fuerit:



*fuerit: oculis enim omnium facile patet. Tu uero ista tecum sepe uoluta, & quod hic calamo rudi delineatum uides, moribus exprime: ita enim fiet, ut quæ hic ordine ferme nullo effusa sunt, tute factis in ordinem pulcherrimum cogas, & huius formulæ spirans ac uiuum exemplar fias. Quin constantius dicam, fieri nequit, ut non aliquando absolutior euadas, quàm nos uerbis adsequi potuimus, si modò neruos omneis instanter intendas: id quod supra modum proderit ad propellendum ocium, quo quidam ex recepta, sed pessima, consuetudine usque adeò impudenter in ipso uitæ limine torpent, ut uideantur non aliud fieri cupere, quàm fuci & uitiorum omnium lernæ. Tibi autem utendum est (ut ille inquit) ætate: cito pede labitur ætas, Nec bona tam sequitur, quàm bona prima fuit. Christiani hominis est, non de dogmatis magnifice loqui, sed cum Deo ardua semper ac magna facere. Perge igitur optime adolescens, genus, formam, patrimonium, quæ tibi omnia magnifica contigerunt, hisce ueris ornamentis clariora reddere: minus dixi, sola ista ornamenta putare, illa uero fortunæ esse cognoscere, Deo Opt. Max. duce, qui te incolu-  
mem seruet, Amen.*

F I N I S.

O 3 PH16

PHILIPPI ME=  
 LANCHTONIS DE LOCIS  
 COMMVNIBVS RATIO.



PHILOSOPHI digesserunt res hu-  
 manas omnes ceu in formas quasdam  
 uiuendi, ut alia sunt natura, ut uita,  
 mors, forma. Alia fortuna, ut opes,  
 natalium splendor, honores. Alia sunt  
 in nostra potestate, ut uitia, ac uirtutes. Sic in singulis  
 studiorum generibus sunt quædam capita, in quæ re=  
 ferri solêt, quæ tractantur illic: ut in Theologia, fides,  
 ceremonia, peccatum. In iure, æquitas, seruitus, poena,  
 maleficiûm, iudex, aduocatus, & his similia. Qui uo=  
 let igitur de rebus humanis rectè iudicare, illum opor=  
 tet, quicquid inciderit fortè fortuna, ad has ceu formas  
 rerum exigere. Pariter, cui cordi est rectè de studijs  
 iudicare, illum oportet tales locos in numero habere.  
 Nam præter id quòd sunt formæ rerum & regulæ,  
 mirè etiam memoriam adiuuant. Voco igitur locos  
 communes, omnes omnium rerum agendarum, uirtu=  
 tum, uirtiorum, aliorumq; communium thematum cõ=  
 munes formas, quæ ferè in usum, uariasq; rerum hu=  
 manarum ac literarum causas incidere possunt: pos=  
 suntq; comprehendi locis argumentorum generis de=  
 liberatiui,

liberatiui, ut fortunam, opes, honores, uitam, ~~uirtutem~~,  
 uirtutem, prudentiam, iustitiam, liberalitatem, tem-  
 perantiam. Et his contraria, paupertatem, ignomi-  
 niam, exilium, temeritatem, iniustitiam, sordes, intem-  
 perantiam seu luxum. De usu locorum communium  
 optimè scripserunt, Rodolphus Agricola in epistola  
 De ratione studij, & Erasmus in Copia, in hanc fere  
 sententiam. Qui destinauit per omne genus auctorum  
 lectione grassari, prius sibi quamplurimos paret lo-  
 cos. Eos sumat partim à generibus ac partibus uitiorū  
 uirtutumq; partim ab alijs, quæ, ut antè dixi, sunt in  
 rebus mortalium præcipuæ, ut natura, fortuna, fatum:  
 digeratq; iuxta rationem affinitatis & repugnantie.  
 Nam & quæ inter se cognata sunt, ultro admonent  
 quid consequatur. Et, Contrariorum est eadem memo-  
 ria. Puta, sit exempli causa primus locus, Pietas & Pietas.  
 Impietas. Huic subiicientur species inter se cognatæ: Impie-  
 tas.  
 Prima est, pietas in Deum: secunda, in patriam: ter-  
 tia, in parentes aut in liberos, aut etiam in eos, quos  
 oportet parentum loco colere, ueluti præceptores, &  
 quorū beneficio seruati sumus. Accedit ad hæc super-  
 stitio, adiicienda est igitur. Atq; hic aperit se latissimus  
 campus de prodigiosis deorum cultibus, ac de diuersa-  
 rum gentiū diuersis ceremonijs. Est ad hæc accersenda  
 etiam fides in amicos, in hostes: totidemq; de perfidia.  
 Item, sit titulus Beneficentia. Huic cū suas species subie-  
 ceris,

Rodol-  
 phus A-  
 gricola.  
 D. Eras.  
 Roterō.

Pietas.  
 Impie-  
 tas.

Super-  
 stitio.

Benefi-  
 centia.

ceris, restat gratitudo, non illa quidem huic subiecta, neq; rursum contraria, sed adhærens, eiq; ea ueluti cōsequens. Virutum ac uitiorum ordinem sibi quisque suo singat arbitrio, aut ex Philosophis petat. Vtile cōsiliū est, quod suprà dedi, exercendos in locis communibus genere didactico iuuenes, ut singulorum naturam uinq; propriè perspiciant. Plurimum ex eo studio iudicij comparari, si quando in sublimibus agendū sit, ut in Theologia, quid affectus, quid uirtus, quid uitium. In iure Ciuili, quid iustitia, quid ἀρετή, ὁ δὲ νόμος, quid ἐπιτήδευσ. In singulos autem locos pertinent fruitiones, descriptiones, sententiæ, & exempla fabulosa, seu historica. Vt si iustitia titulus sit, erit eius finitio: iustitia est, qua cuiq; quod suū est redditur. Descriptio, qualis est apud Gellium ex Chrysippo, aut apud Hesiodum: Virginem esse, apparere ad Iouis tribunal. Subijcienda interim & ratio fabulorum, seu mythologia: non illa quidem imperitè aut temerè conficta, sed ex illustri aliquo autore petita: ut si iustitiæ Hesiodianæ descriptionē ex Platone de legibus, enarras: iustitiæ est comes Nemesis, temeritatis & arrogantiæ mortalium uindex. Eius item descriptio addenda. Gerit enim frena & amussim. Notandū adhæc, si quid uerbiā de iustitia insigne dixerunt Poëtæ, sicubi epitheto illustri notauerūt, ut quomodo eā dixit Orpheus ἀρετὴν ὁμοῦ τὸ σὺν δόλῳ. Iam sententiæ diligenter coacer-

coaceruandæ sunt, nonnunquam ad describendum quomodo usus sit autor sententiæ qua petitur. Neq; enim procliuè est cuius, sententias prouerbiaq; sic usurpare, ut suam referant faciem. Qualis est illa Theognidis poetæ: Iustitia in sese uirtutem complectitur omnem. qua sic uti liceat, ut est usus in Moralibus Aristotel. Exempla, ut est Camilli de Faliscorum proditore: Brutus, de Aquilijs: Manlij, de filio, quod contra imperium pugnasset. His qui instruxerit sese, habebit quod supeditet ad copiã semper in promptu: si quaecunq; inciderit argumentum, in aliquem locorum communium pluresue referat, ut Cicero restitutionem Marcelli, in clementiam: in qua prædicanda, dici non potest quàm eleganter uersetur. Causam Archiæ, fecit laudem humanitatis. Hæc de locis communibus satis. Neq; uerò eos temerè confingi: ex intimis naturæ sedibus eruti formæ sunt, seu regulæ omnium rerum.

**S** Equitur nunc locorum quorundam index semper a studioso locupletandus. Quem Solim M. Petrus Fladrinus, ex Brisgaudia Vuralkilch oriundus, ædium Sapientiæ Friburgi alumnus, linguis tribus præcipue insignis, & præceptor non tam doctissimus, quam etiam fidelissimus, discipulis suis conscripsit. Qui præmatura morte, magnum ætatis suæ & tenerum

O 5 ipse

ipse ingenium, maximo discipulorum mœrore,  
ut maiori literarum iactura, uelut in herba enc-  
ctus, in Alsatia Rubeaco obiit, Anno

M. D. XXVI. XV.

Cal. Nouemb.

1 Deus	6 Mens
Summum bonum	Intellectus Idem
Felicitas.	Animus
2 Fatum	Voluntas
Providentia	Appetitus.
Fortuna.	7 Philosophia, id est,
3 Natura	Sapientia rerum
Ingenium	Sapientia
Indoles	Cyclopædia
4 Homo	Eloquentia
Vita	Doctrina
Valetudo	Eruditio
	Institutio.
Mors	8 Discipline
	Diuine
5 Aetas	Humane
Pueritia	9 Bonum
Adolescentia	Vtile
Iuuentus	Delectabile
Senectus.	Honestum.
	10 Virtus

- |  |  |
|--|--|
| <p>10 Virtus<br/>         Officium<br/>         Mediocritas<br/>         Decorum.</p> <p>11 Vitium<br/>         Abundantia<br/>         Defectus.</p> <p>12 Affectus<br/>         Ira<br/>         Amor<br/>         Odium<br/>         Voluptas<br/>         Spes<br/>         Metus<br/>         Misericordia<br/>         Dolor.</p> <p>13 Fortitudo<br/>         Constantia<br/>         Perseuerantia<br/>         Periculum<br/>         Bellum<br/>         Pax.</p> <p>14 Audacia<br/>         Temeritas<br/>         Insanies<br/>         Fiducia.</p> | <p>15 Inconstantia<br/>         Timiditas<br/>         Metus.</p> <p>15 Temperantia<br/>         Abstinentia, seu cibi ho-<br/>           nestas<br/>         Sobrietas, seu potus ho-<br/>           nestas<br/>         Pudicitia<br/>         Castitas<br/>         Virginitas<br/>         Verecundia<br/>         Pudor.</p> <p>17 Intemperantia<br/>         Voracitas<br/>         Ebrietas<br/>         Vinolentia<br/>         Veneris prouocatio<br/>         Procacitas<br/>         Libido<br/>         Scortatio<br/>         Inuerecundia.</p> <p>18 Liberalitas dando &amp;<br/>         accipiendo<br/>         Diuitiæ<br/>         Pecunia</p> |
|--|--|

Aurum

Aurum	Laus.
Argentum.	26 Superbia
29 Pauperies	Lenitudo
Inopia	27 Pusillanimitas
Penuria rerum.	Pigrities
20 Prodigalitas.	Ignauia
21 Illiberalitas dando	Ignominia
Tenacitas	Vecordia
Auaritia accipiēdo.	Ocium
22 Lenocinium	Obscuritas.
Vsura	28 Modestia
Alca	Ambitio.
Ars parasitica.	29 Mansuetudo
23 Magnificencia	Clementia
Magnifici sumptus.	Pœna
24 Luxus	Indulgentia
Ruditās	Licentia
Sordities.	Reconciliatio.
25 Magnanimitas	30 Iracundia
Honor	Vindicta
Gloria	Iniuria
Nobilitas	Crudelitas
Natales	Fecritas
Nouitas	Sauitia.
Industria	31 Affabilitas
Labor	Humani congressus
	Humanitas



- |                    |                         |
|--------------------|-------------------------|
| Humanitas          | Facetiae                |
| Taciturnitas       | Sales                   |
| Sales              | Ludi honesti            |
| Compositi mores.   | Iocus                   |
| 32 Difficultas     | Recreatio               |
| Contentio          | Relaxatio animi.        |
| Rixae              | 37 Rusticitas           |
| Inhumanitas.       | Agrestis                |
| 33 Adulatio        | Durus                   |
| Assentatio         | Importunus              |
| Garrulitas         | Molestus.               |
| Detractio          | 38 Obscenitas           |
| Scommata dentata   | Turpitude               |
| Inelegantes mores. | Scommata                |
| 34 Veritas         | Scurrilitas             |
| Fama               | Histrionica ars         |
| Lucrum.            | Scurra                  |
| 35 Mendacium       | Cachinno.               |
| Arrogantia         | 39 Commune bonum        |
| Disimulatio        | Respublica              |
| Malitia.           | Regnum                  |
| 36 Comitas         | Principatus             |
| Urbanitas          | Optimorum potestas      |
| Dexteritas         | Optimates               |
| Festivitas         | Magistratus             |
| Opportunitas       | Censu potestas, id est, |
|                    | Timocratie.             |

Timocratia.	Iniquæ leges
40 Tyrannis	Iniquitas
Paucorum potestas	Iniustum civile
Democratia	Inobedientia
Labes Reipublicæ.	Seditio
41 Iustitia	Clades
Lex, ius, Mos,	Furtum
Aequitas commutativa	Violentia
Aequitas distributiva	Iniuria
Iustum civile.	Cædes
Iustum herile	Membrorum captio
Iustum paternum	Conuitium
Iustum æconomicum	Contumelia
Magistratus	Adulterium furti genus
Plebs	est
Obedientia.	Rapina
42 Contractus	Latrocinium
Mercatus	Servorum seductio
Venatio	Falsum testimonium.
Emptio	44 Fides
Mutatio	Charitas
Vadimonium	Pietas
Locatio	Religio.
Depositio	45 Superstitio
Mercede conductio.	Perfidia
43 Iniustitia	Periurium.
	45 Amicitia


- |                      |                    |
|----------------------|--------------------|
| 45 Amicitia          | Indignatio         |
| Benevolentia         | Inequalitas        |
| Concordia            | Discordia          |
| Aequalitas           | Rixæ               |
| Retaliatio           | Querelæ            |
| Beneficentia         | Iurgia.            |
| Gratitudo            | 48 Prudentia       |
| Fortunæ participatio | Consilium          |
| Consuetudo           | Sagacitas          |
| Conuictus            | Sollicitudo        |
| Familiaritas.        | Sententia.         |
| 47 Inimicitia        | 49 Imprudentia     |
| Malevolentia         | Stoliditas         |
| Ingratitudo          | Consiliorum inopia |
| Inuidia              | Oblivio.           |

In hæc capita subsignandę digerendęq; sunt singulorum locorum finitiones, descriptiones, etymologię, sententię, scite dicta, exempla, epitheta, comparationes, metaphore, allegorię. Illi enim & similes loci, thesaurus eruditionis & eloquentię perhibentur.

FINIS.

DIVI

DIVI BASILII MAGNI  
CAESAREAE CAPPA-  
DOCIAE ARCHIEPISCOPI, CONCIO  
ad adolescentes, quomodo ex Grecis auto-  
ribus utilitas capienda sit. Iano  
Cornario Medico Physico  
interprete.



**M**ULTA sunt quæ me inuitant ad con-  
sulendum uobis, filij, et quæ optima  
esse iudico, et quæ profutura uobis  
arripientibus scio. Nam et quòd ad  
hoc ætatis peruenerim, et quòd per  
multa negocia iam exercitatus sim, imò et quòd mu-  
tationis in utramq; partem omnia docentis, abunde  
particeps factus sim, expertum me esse rerum huma-  
narum fecit, ut his qui recens uitam constituunt, uelut  
uiam securissimam ostendere possim. Et sanè familia-  
ritate ac necessitudine à natura statim post parentes  
uobis coniunctus sum, ut neq; ipse minus quippiam be-  
neuolentiæ quàm patres uestri in uos conferam. Vos  
autem puto, nisi me animus uester fallit, ne desiderare  
quidem parentes, dum ad me respicitis. Siquidem igitur  
promptè exceperitis ea quæ dicuntur, secundi or-  
dinis laudatorum ab Hesiodo critis. Sin minus, ego qui-  
dem nihil dixerim molestius. Ipsi uerò meministis uera  
suum

suum nimirum, in quibus ille dicit, Optimum quidem Tres or  
 esse cum qui ex seipso ea quæ decent perspicit. Bonum dines ho  
 autem etiam illum, qui demonstrata ab alijs sequitur. minum.

Qui uerò ad neutrum idoneus est, cum ad omnia inu-  
 tilem esse. Neq; uerò admiratione duci debetis, si uo-  
 bis quotidie ad præceptores euntibus, & cum præstan-  
 tissimis tum doctrina tum eloquentia ueteribus uiris,  
 per ea quæ reliquerunt scripta conuersantibus, ipse  
 quiddam conducibilius ex me ipso inuenisse dico. Hoc  
 quidem igitur ipsum etiam consulturus uobis adsum, Basili  
 nimirum non oportere in totum uiris his, uelut nauis consiliū.  
 gij, ita animi uestri gubernacula concedere, & qua-  
 cunq; duxerint, hac sequi: sed quantum utile est ex  
 ipsis assumere, & nosse quid oporteat contemnere.  
 Quenam igitur sint hæc, & quomodo discernamus,  
 hoc ipsum sanè docebo inde exorsus. Nos ò filij, nullius Huma-  
 omnio rei esse humanam hanc uitam sentimus: neq; næ uitæ  
 bonum quiddam penitus putamus, neq; nominamus, miseria.  
 quod utilitatem nobis hucusq; exhibet, non progenito-  
 rum claritudine, non corporis robur, non pulchritudi-  
 nem, non magnitudinem, non ab hominibus omnibus  
 honores, non regnum ipsum, non quicquid quissiam  
 dicere magnū ex rebus humanis possit, sed neq; optio-  
 ne dignum iudicamus, neq; habentes respicimus, ue-  
 rum longius spe procedimus, & ad alteram uitam Vita fu  
 parandam omnia facimus, Quæ quidem igitur ad hanc tura.

P nobis

Sermo -  
nes sa-  
cri.

nobis conducunt, ea amplecti & omnibus uiribus persequi oportere existimamus: quæ uero ad hanc non attinent, uelut nullius rei digna contemnere. Quæ uero hæc sit uita, & quatenus ac quomodo ipsam uiuemus, longius quam pro præsentī instituto fuerit exequi, & maiores quam uos estis auditores ad audiendum requisierit: tantum tamen loquutus, sufficienter fortassis uobis ostenderim. Quod si quis omnem simul ex quo homines nati sunt, sermone complexus, in unū coaceruet felicitatem: ne minimæ quidem parti bonorum illorum inueniet ad æquandam, sed uniuersa in hac bona plus à minima illorum dignitate distantia, quam quantum umbra & somnium à rebus ueris ab sunt. Imò ut magis proprio utar exemplo, quanto Anima in omnibus præstantior est corpore, tanta est & utriusq; uitæ differentia. Et ad hanc sanè ducunt sacri sermones per arcana nos erudientes. Quàm diutamen præ ætate profunditatem intelligentiæ ipso- rum audire ac assequi possibile non est, in alijs non penitus distantibus, uelut in umbris quibusdam, & speculis, interim animæ oculis præ exerceamur, eos qui in militaribus præexercitamenta faciunt imitantes: qui sanè in manuum agitationibus ac saltationibus experientiam adepti, in certaminibus lucro ex ludo ac lusu fruuntur. Et nobis utiq; certamen omnium certaminum maximum propositum esse, putare oportet,  
pro

pro quo omnia nobis pro uiribus & facienda & toleranda sunt. Ad huius præparationem, & cum Poëtis & Historicis ac Rhetoribus, & omnibus hominibus consuetudo habenda est, unde aliqua saltem utilitas ad animæ curam accessura est. Quemadmodum igitur tinctores ubi præparauerunt prius curationibus quibusdam quodcunq; tandem fuerit quod tincturam excipiet, ita tandem florem inducunt, siue purpura, siue aliud quid sit: Eo dem sanè modo etiam nos, si inluibilis nobis permanere debet honesti gloria, externis utiq; his præinitiati, deinde sacras & arcanas doctrinas audiemus ac assequemur. Et uelut in aqua solem uidere assueti, sic ipsi luci oculos admouebimus. Siquidem igitur est quædam familiaritas doctrinis inter se, ualde utilis fuerit nobis ipsarum cognitio: sin minus, tamen inter se comparare, & discere diuersitatem, non parum confert ad confirmationem potioris. Sed & si utramq; doctrinam alicui rei assimilaueris, imaginem assequeris. Certè quemadmodum plantæ uirtus propria est, maturo fructu turgere, addunt autem aliquid ornatus etiam folia, dum circum ramos concutiuntur: Sic profectò etiam animæ, præcipuè quidem fructus est ueritas ipsa, non ingratum tamen est etiam externam sapientiam circumdatam esse, uelut folia quædam & tegumentum fructui, & aspectum non iniucundum exhibentia. Dicitur itaq; etiam

Doctrinæ sacræ  
& prophæ-  
tice  
differentia.

Moyſes Moyſes ille Magnus, cuius maximum eſt in ſapientia  
 apud omnes homines nomen, in Aegyptiorum diſci-  
 plinis mentem exercitaſſe, atq; ita ad ueritatis ſpecu-  
 lationem acceſſiſſe. Conſimiliter autem huic, etiam in  
 Daniel. poſterioribus temporibus ſapientem Daniele in Ba-  
 bylone Chaldaeorum ſapientiam addidiciſſe, & tunc  
 ſacras doctrinas attigiſſe tradunt. Cæterum quòd qui-  
 dem non inutiles ſunt animis externæ hæ diſciplinæ,  
 ſufficienter dictum eſt. Quomodo uerò ipſarum parti-  
 cipes fieri uos oporteat, conſequens fuerit dicere. Pri-  
 mum equidem his quæ à Poëtis dicuntur, ut hinc ini-  
 tium ſumam, quandoquidem uarij ſunt, non omnibus  
 Poete quomo- conſequenter animum aduertere oportet. Sed quum  
 do legē- di. bonorum uirorum actiones aut ſermones nobis recen-  
 ſuerint, eos amplecti ac imitari, & quàm maximè co-  
 nari ut tales ſimus. Quum uerò ad flagitioſos homines  
 Syrenū ratis auribus, non minus quàm Vlyſſem aiunt illi Sy-  
 cantus. renum cantus. Nam ad uitioſos ſermones conſuetudo,  
 uia quædam eſt ad res ipſas. Quapropter omni cuſto-  
 dia anima adſeruanda eſt, ne per ſermonum uolupta-  
 tem aliquid deteriorum imprudentes ſuſcipiamus,  
 quemadmodum hi qui uenena cum melle admittunt.  
 Non itaq; laudabimus Poëtas, neq; conuitiantes, neq;  
 cauillantes, non amantes aut ebrios imitantes, non  
 quum plena menſa & cantilenis diſſolutis felicitatem  
 metiuntur.



metiuntur. Minimè uerò omnium de dijs differentibus intenti simus, & maximè quum de ipsis ut multis & non consentientibus tractarint. Frater enim apud illos seditionem agit aduersus fratrem, & parens aduersus liberos, & his rursus aduersus parentes implacabile bellum est. Adulteria autem deorum & amores, commixtiones in propatulo, & has præsertim summi omnium & maximi Iouis, uelut ipsi dicunt, quas si quis etiam de brutis pecoribus recenseat, erubesceret, his qui in scenis uersantur relinquamus. Eadem hæc etiam de scriptoribus ac historicis dico, & maximè quum audientium animis delectandis historias scribunt. Sed Rhetorum circa mentiendum artem non imitabimur. Neque enim in iudicijs, neq; in alijs actionibus commodum est nobis mendacium, qui rectam & ueram uitæ uiam præelegimus, quibus non litigare lege præceptum est. Sed illa ipsorum potius recipiemus, in quibus uirtutem laudarunt, aut prauitatem uituperarunt. Quemadmodum enim homines floribus usq; ad odoris iucunditatem, aut colorem fruuntur, apes uerò etiam mel ab ipsis sumunt: Sic sanè etiam hic, qui non solum iucunditatem & Venerem eiusmodi orationum persequuntur, his etiam utilitatem quandam ab ipsis in animum reponere licet. Quapropter iuxta totam apum similitudinem, orationum participes nos fieri conuenit. Illæ enim neq; ad omnes flores

Rhetores  
quo-  
modo le-  
gendi.

consimiliter accedunt, neque etiam eos ad quos aduolant, totos auferre tentant, sed quantum ipsis ad melius opificium commodum est accipientes, reliquum ualere sinunt. Et nos sane si sapiamus, quantum sincerum est et ueritati cognatum ab ipsis adepti, quod reliquum est transfiliemus. Et quemadmodum ubi rosei florem decerpimus, spinas deuitemus: sic etiam in huiusmodi orationibus, quantum utile est adepti, noxium uitabimus. Statim igitur ab initio singulas disciplinas considerare, et ad finem coaptare conuenit, iuxta Doricum prouerbium, lapidem ad funiculum ducentes. Et quandoquidem per uirtutem ad uitam illam nostram nos peruenire oportet, ad hanc autem multa Poëtis, multa scriptoribus, multo plura adhuc Philosophis decantata sunt: talibus orationibus maxime animus aduertendus est. Non modica enim utilitas est, familiaritatem quandam ac consuetudinem uirtutis animis adolescentium ingenerari: quoniam quæ à talibus discuntur, inconcussa permanere solent, propter animarum teneritudinem in profundum insculpta ac impressa. Aut quid tandem aliud Hesiodum cogitasse putemus, ut faceret uersus illos quos omnes canunt? an non ut adhortaretur adolescentes ad uirtutem? Quod uidelicet aspera est primum et inuia, et multo sudore ac labore plena, accliuusque ad uirtutem ducens uia. Quapropter non est cuiusuis accedere ad ipsam

Virtutis  
uia.

ipsam propter rectitudinem : neq; facile est, etiamsi quis accessit, ad summum peruenire. Si uerò quis sursum perlatius in summo consistat, leuis & pulchra, facilisq; ac expedita existit, & iucundior quàm altera quæ ad uitium ducit, quam aceruatim ex propinquo arripi posse, idem ille Poëta dixit. Mihi equidem nihil aliud uidetur quàm nos ad uirtutem cohortari, & hæc recensere, omnes ut boni simus prouocando, & ut ne emolliti ad labores, ante finem desistamus. Quin & si quis alius consimiliter uirtutem celebrauit, etiam ad huius sermones progressi ipsos recipiamus. Quemadmodum porrò ego è quodam uiro docto, & in assequenda Poëtæ sententiâ ualde excellenti, audiui, tota Homeri Poësis laus est uirtutis, & omnia ipsi ad hoc tendunt, quæ non iusti operis ornandi gratia sunt adiecta. Non minus autem etiam ea, in quibus exercitus Cephaleuorum ducem nudum ex naufragio seruatum, finxit primùm quidem reueritam esse reginam, quòd solus apparuisset : tantum aberat ut turpitudinis damnaretur nudus conspectus solus, quandoquidem uirtus pro uestibus ipsum exornarat : Deinde uerò etiam reliquis Phæacibus quantiuis precij dignum iudicatum esse, ut relictis delicijs in quibus uiebant, ad illum respicerent, & omnes æmularentur, et nullum ex Phæacibus tunc temporis fuisse, qui aliud quid magis in uotis haberet, quàm ut Vlysses esset, &

Homeri  
laus.

Virtutis  
prestan-  
tia.

hoc ex naufragio seruatus. In his enim dicebat ille sententia Poëta enarrator, tantum non exclamantem dicere Homerum, Quod uobis uirtutis cura habenda est o homines, quæ & unâ cum naufrago enatat, & in terra existentem nudum felicibus Phæacibus honoratorem reddit. Etenim reuera sic habet. Reliquæ quidem possessiones non magis habentium, quam quorumcunque tandem uulgarium & eas assequentium existunt, ut quæ uelut in ludo cubus ac tessera, huc atq; illuc transferuntur. Sola autem ex possessionibus uirtus auferri non potest, & apud uiuentes & apud mortuos permanens. Vnde sanè etiam Solon ad diuites mihi dicere uidetur:

„ At nos uirtutem non ita diuitijs

„ Permutabimus. est etenim possessio firma

„ Virtutis, sed opes iam alter & alter habet.

Theo-  
gnis.

Consimiles his sunt & Theognidis uersus, in quibus dicit Deum, quemcunque tandem dicit, hominibus trutinam aliàs aliter degrauare,

„ Et iam diuitias, iam nihil esse homini.

Chius  
sophista  
Prodi-  
cus.

Quin & Chius sophista alicubi in scriptis suis consimilia his in uirtutem ac uitium scripsit. Cui ipsi quoq; animum aduertere debemus, neque enim contemnendus uir est. Habent autem uerba ipsius hoc modo, quantum sanè ego sententiam uiri memoria teneo, quandoquidem ipsa uerba non memini, præterquam

quam quòd simpliciter sic dixit citra metrum: Quòd  
 quum ualde iuuenis esset Hercules, & ferme hanc æ- Hercu-  
 tatem ageret quam nunc uos, deliberaretq; utram les cum  
 uiam pergeret, hanc ne quæ per labores ad uirtutem duabus  
 ducit, aut alteram illam facillimã: accessisse ad ipsum mulier-  
 duas mulierculas, easq; fuisse Virtutem ac Vitium, &  
 statim quidem ipsas etiam tacentes ab ipso habitu di-  
 uersitatem manifestasse. Fuisse autem alteram, nempe  
 Vitium, ab arte comptoria ad pulchritudinem exor-  
 natam, & præ delitijs diffluxisse, & omnem uolupta-  
 tis gregem ex sese appensum duxisse. Hæc ipsa igitur  
 ostentasse, & adhuc plura his promississe, & Hercu-  
 lem ad seipsam trahere conatam esse. Alteram uerò  
 macram ac squallidam fuisse, & intentos oculos ha-  
 buisse, ac talia quædam contrà dixisse: Nihil enim re-  
 missum ac dissolutum promississe, neq; quicquam iu-  
 cundum, sed sudores infinitos, & labores, ac pericula  
 per totam terram ac mare subeunda, præmium autem  
 horum esse, Deum fieri, uelut ille inquit. atq; hanc i- Deum  
 psam etiam morientem Herculem insequutum esse. Et fieri.  
 ferme omnes qui aliquid nominis in sapientia assequeuti  
 sunt, unusquisq; pro uiribus, aut minus aut amplius,  
 uirtutis laudem in scriptis suis recensuerunt, quibus  
 credendum est, & conandum ut in uita sermones de-  
 monstremus. Nam qui uerbotenius apud alios existen- Vita ser-  
 tem Philosophiam opere confirmarit, moni cō-  
sona.

Tiresias

Solus nempè sapit, reliqui uolitant uelut umbræ.  
 Et mihi uidetur tale consimile esse, uelut si pictor  
 admirandum quippiam, utpote hominis pulchritudi-  
 nem imitetur, ipse uerò talis reuera sit, qualem in ta-  
 bulis ille expressit. Alioqui splendide uirtutem in me-  
 dium collaudare, & longas de ipsa orationes extende-  
 re, priuatim uerò uoluptatem temperantiæ præferre,  
 & lucrum iustitiæ præponere, simile esse dixerim ego  
 his, qui in agendis comœdijs in scena personas repræ-  
 sentant, qui se penumero uelut reges & optimates se  
 inferunt, quum neq; reges sint, neq; optimates, neq;  
 fortassis omnino liberi. Deinde Musicus quidem non  
 uolens utiq; toleraret, ut dissona ipsi lyra sit: & chori  
 præfectus, ut non quàm maximè concinnum chorum  
 habeat. Unusquisq; autem seditionem aduersus sei-  
 psam aget, & non consentientem uerbis uitam exhi-  
 bebunt? sed lingua quidem iurauit, mens autem iniurata  
 est, iuxta Euripidem dicet? Et uideri quàm esse bo-  
 num, magis captabitur? Verum hic est extremus iniu-  
 stitiæ terminus, si quid Platoni credere oportet, nimis  
 rum uideri iustum esse eum qui non sit. Sermones qui-  
 dem igitur, qui rerum honestarum habent præcepta,  
 hoc modo recipiamus. Quandoquidem uerò etiam fã-  
 cta honesta ueterum uirorum, aut per memoriæ con-  
 sequentiam ad nos conseruantur, aut in Poëtarum uel  
 scriptorum monumentis extant, neq; utilitatis ex his  
 ipsis

Facta ui-  
 rorum  
 quomo-  
 do legē-  
 da.

ipsis imperiti simus. Velut uerbi gratia, Conuicia iam  
 Etabat quidam plebeius ac circumforaneus homo in Pericles  
 Periclem : hic autem non animaduertebat, & per to-  
 tam diem perseuerabant, ille quidem opprobrijs im-  
 modicè diuexans ipsum, hic uerò non curans illum.  
 Deinde uespere iam facto & tenebris obortis, quum  
 uix discederet, cum lumine ipsum Pericles deduxit, ut  
 ne ipsi corrumpere Philosophiæ studium. Rursus,  
 Quidam Euclidi Megarensi iratus mortem minatus Eucli-  
 des. est, ac iurauit: hic uerò contrà iurauit & iureiurando  
 affirmavit se placaturum ipsum, ac sedaturum, ut ne  
 quicquam ipsi molestus esset. Quanti precij esse putas  
 talium exemplorum aliquid in memoriam uenire uiri  
 qui iam ab ira detinetur? Nam Tragoediæ credendum  
 non est simpliciter dicenti,

In hostes ira coarctat manum.

cc

Sed ne exurgere quidem omnino ad animum ira per-  
 citum oportet : si uerò hoc non est facile factu, tamen  
 uelut si enū ipsi iniicere rationē, & non sinere ulterius  
 effferri. Verum reducamus orationem rursus ad hone-  
 starum actionum exempla. Percutiebat quidam So-  
 phronisci filium Socratem, in ipsam faciem impetu sua Socra-  
 tes: hic uerò nihil renisus est, sed exhibebat se, ut ebrio-  
 sus ille se ira exatiaret, ut intumesceret iā & præ pla-  
 gis saniosa facies esset. Vbi autem ille à uerberibus ces-  
 sasset, Socrates quidem nihil aliud fecisse dicitur, sed  
 fronti



fronti uelut statuæ inscripsisse opificem, ille faciebat,  
 Facta si & in tantum sanè se de illo uindicasse. Hæc itaq; in  
 milia idem fermè cum nostris tendentia, operæ precium esse  
 Christia censeo nos qui tanti sumus imitari. Nam hoc quidem  
 nis.

Socratis, consimile est illi præcepto, quòd percuti-  
 enti in maxillam, etiam alteram exhibere conuenit,  
 in tantum uidelicet oportet ultionem facere. Peri-  
 clis autem & Euclidis factum simile est illi, quòd per-  
 sequentes sustinere, & ipsorum iram leniter tolerare  
 oportet: & illi, quòd inimicis bona optare, & non ma-  
 la imprecari oportet. Quare qui in his præeruditus  
 fuerit, is utiq; non amplius illis uelut impossibilibus

Alexan fidem derogabit. Nec uerò præterierim Alexandri fa-  
 dri fa- ctum, qui ubi filias Darij captiuas haberet, quarum  
 ctum. admirabilis planè pulchritudo fuisse prædicatur, ne  
 aspicere quidem dignatus est: turpe esse iudicans eum  
 qui uiros uicisset, à mulieribus superari. Hoc enim in  
 idem cum illo tendit, quòd qui aspexerit mulierem ad  
 uoluptatem, etiamsi non opere adulterium perficiat,  
 tamen quòd concupiscentiam in animum assumpsit,  
 Clinie culpa non uacat. At uerò Clinie unius ex familiaribus  
 factum.

Pythagoræ factum, difficile creditu est nostris spon-  
 te accidisse ac casu, nō tamen seriò imitantibus. Quid  
 uerò erat quod ille facit? Quum liceret ipsi per iusiur-  
 randum trium talentorum mulctam effugere, exoluit  
 potius quàm iurauit, & hoc quum rectè iureiurando  
 usurus



usus esset : gnarus, ut mihi uidetur, præcepti, quod  
 nobis iurciurando interdicit. Cæterum ut ad id quod  
 ac initio dicebamus, rursus redeamus, non omnia con-  
 sequenter ex ordine à nobis suscipienda sunt, sed quæ  
 utilia sunt. Nam turpe est cibos quidam noxios nos  
 reijcere, disciplinarum autem quæ animam nostram  
 nutriunt, nullam rationem habere, sed uelut torren-  
 tem, omne quod occurrit attrahendo irruere. Quan-  
 quam quam rationem habet, gubernatorem quidem  
 nauis non temerè se uentis permittere, sed scapham ad  
 portum dirigere: & Sagittarium scopum petere, quin  
 & fabrum ferrarium ac lignarium finem artis appe-  
 tere : Nos uerò etiam à talibus opificibus superari,  
 in hoc sanè quòd nostra perspicere possimus? Non pro-  
 sectò manuariorum opificum opificij finis est, huma-  
 næ uerò uitæ scopus nullus est, ad quem respicien-  
 tem omnia facere ac dicere oportet cum qui non bru-  
 tis animantibus similis futurus est. Aut sic sanè fue-  
 rimus palàm uelut nauigia non saburrata, & nulla  
 nobis mente ad animæ gubernacula desidente, teme-  
 rè per uitam sursum ac deorsum feremur? Sed quem-  
 admodum in gymniciis certaminibus, adde etiam  
 Musiciis, illorum certaminum exercitationes fiunt,  
 quorum coronæ sunt: & nemo lucta aut pancratio de-  
 certare solens, cithara aut tibia canere studio habet. Polyda-  
 Nequaquam certè Polydamas, sed ille ante certamen mas au-  
 in Olympa riga.

Milo  
athleta.

Timo-  
theus  
Musici-  
cus.

Phry-  
gia har-  
monia  
bellica.

in Olympijs, currus statuit currentes, & per hos ro-  
bur confirmavit. Et Milo ab assumpto illito scuto non  
depellebatur, sed resistebat dum impellebatur, non mi-  
nus quàm statuae plumbo colligatae ac conglutinatae.  
Et in summa, exercitationes, certaminum præpara-  
tiones ipsis erant. Si uerò Marsyæ aut Olympi Phry-  
gum pulsationes curiose scrutati essent, relicto pul-  
uere ac gymnasijs, citius utique coronas aut gloriam  
assequuti essent, quàm euitassent ne ridiculi corpo-  
ribus essent. Sed neq; Timotheus dimissis cantilenis,  
in palæstris degebat: neq; enim tantum in Musica præ  
omnibus excelluisset, utpote cui tanta artis facultas  
aderat, ut etiam ad iram animum excitare posset, per  
concitata[m] & austeram harmoniam: sed & laxare  
ac mollire rursus per remissam, si quando uellet.  
Quapropter sanè quum Alexandro aliquando Phry-  
giam harmoniam incinuisset, excitasse ipsum fertur  
ad arma inter coenandum: & rursus reduxisse ad con-  
uiuas, harmonia laxata. Tantam uim tum in Musi-  
ca, tum in gymnycis certaminibus exercitatio habet  
ad finis adeptionem. Quandoquidem uerò corona-  
rum & Athletarum memini, illi ipsi innumera mala  
perpepsi, & undiquaq; robore sibipsis aucto, ubi mul-  
tum gymnasticis laboribus insudarunt, & multas  
plagas ex pædotribis pertulerunt, & uictum non  
iucundissimum, sed à magistris exercitiorum præscri-  
ptum

ptum sequuti sunt, & ut ne longum faciam, etiam in reliquis sic degentes, ut uita ipsorum ante certamen exercitatio sit certaminis: tunc exuuntur ad stadium, & omnia laborant ac periclitantur, ut oleastri coronam accipiant, aut apij, aut alterius cuiusdam eiusmodi, & uictores à præcone prædicentur ac proclamantur. Nobis autem quibus præmia uitæ proposita sunt adeò admiranda tum multitudine tum magnitudine, ut nullis uerbis explicari possint, in utramq; aurem dormientibus, & in multa licentia uiuentibus, altera manu arripere continget? Atqui hoc modo quantiuis sanè precij socordia in uita fuerit, & Sardanapalus ipse primas omnium felicitatis tulerit, aut etiam Margites ille, si ita uolueris: quem neq; arator Margi-  
tes. neq; fossorem, neq; aliud quicquam eorum quæ uitæ commoda sunt, Homerus fuisse dixit, si modò Homeri hæc sunt. Sed nūquid potius uerus est Pittaci sermo, qui difficilem rem esse dixit, bonum esse? Per multos enim reuera labores penetrantibus, uix tandem non Bonum  
esse diffi-  
cile est. facile est. Superiorem nullum exemplum in humanis esse dicebamus. Quare minimè segnes esse nos oportet, neque cū modica quiete magnas spes permutare, nisi opprobria perferre uelimus, & poenas subire, non utique hic apud homines (quanquam & hoc non paruum est, si Iudiciū quis mente præditus sit) sed in iudicijs, siue sub terra, futurū.

siue

Animę  
cura ha  
benda.

sue ubicunq; in uniuerso ea existunt. Nam inuoluntarię quidem ab officio conueniente delinquenti, uenia fortassis aliqua à Deo contigerit. De industria uerò deteriora eligenti, nulla excusatio contingere potest, ut non multiplex supplicium subeat. Quid igitur faciemus? dixerit aliquis. Quid aliud quàm ut animę curam habeamus, & ab omnibus alijs oculum agamus? Itaque corpori inferuiendum non est, nisi omnis necessitas urgeat: sed animę ea quę optima sunt suppeditanda sunt, ita ut ipsam uelut ex carcere, ex societate quam cum corporis affectionibus habet, per Philosophiam liberemus, simulq; corpus ipsum affectibus superius ac potentius efficiamus: uentri quidem necessaria ministrantes, non iucundissima, uelut hi qui mensarum structores quosdam ac cocos exco- gitant, & totam terram ac mare perscrutantur, uelut moroso hero tributa exigentes, miserabiliter occupati, his qui in orco puniuntur nihil tolerabilius perpetientes, palam in ignem fodientes, & cribro a- quam ferentes, & in pertusum haurientes dolium, nullum laborum finem habentes. Tonsurę autem & uestitus extra necessitatem curiosum esse, aut aduersa fortuna utentium est, aut iniustorum, uelut Diogenes ait. Quare cincinnatum esse & appellari, similiter turpe putari oportere censeo, uelut meretricari ac scortari, aut alienis nuptijs insidiari. Quid enim re-  
tulerit,

tulerit, si quis modò mente præditus sit, ueste rafa indutum esse, aut detritum pallium gestare, quamdiu in hoc nullus defectus est, ut aduersus hyemem et æstum prosit? Sed et alia eodem modo, non magis superflue quàm necessitas exigit parare oportet, et corpus non amplius curare, quàm quomodo animæ commodius cura. Corpo-  
 est. Non enim minus opprobrium est uiro, qui hac appellatione uerè dignus est, cincinnatum esse et Cincin-  
 corporis ornatores, quàm ad aliam quandam affectionem ingeneroso animo præditum esse. natum esse.  
 Nam omne studium huc conferre ut corpus quàm optimè habeat, non est eius qui seipsum cognoscit, neque intelligentis sapientem illam admonitionem, quòd homo non est id quod uidetur: sed præstantiore aliqua sapientia opus est, per quam unusquisque nostrum, quisnam tandem sit, seipsum cognoscet. Hoc ipsum uerò non expiatam ac purgatam mentem habentibus magis impossibile est, quàm lippienti ad solem respicere. Pur-  
 gatio autem siue expiatio animæ, ut semel et quan- Animæ purgatio ac expiatio.  
 tum uobis satis est dicam, est, uoluptates per sensus irrepentes ignominiosas ducere, non oculos absurdis eorum qui miracula edunt ostentationibus pascere, aut spectaculis corporum uoluptatis stimulum immittentium, non per aures corruptas cantilenas animæ infundere. Ex huiusmodi enim Musicæ genere, affectiones ex illiberalitatis ac humilitatis progenie,

Q

ani

Musica animis inferi solent. Veram altera Musica nobis in-  
 Dauidis quenda est, melior illa & ad melius ducens, qua Da-  
 uid sacrarum cantilenarum Poeta usus, furorem regis  
 Saul, uelut tradunt, sedauit. Narratur etiam Pythago-  
 ras in procaces ac ebrios incidisse, ac iussisse tibicinem  
 procacitatem laceffentem, ut mutata harmonia, Do-  
 ria harmonia mo-  
 derata. rium ipsis incineret: eos autem sic respuisse præ can-  
 tilena, ut abiectis corollis, uerecundia suffusi domum  
 reuerterentur. Alij uerò ad tibiam Corybantum more  
 furij agitantur, ac debacchantur, tantum refert sanis  
 aut uitijs cantilenis aures impleri. Quare eius quæ  
 nunc primas obtinet, Musicæ, minus uos participes fie-  
 ri oportet, quàm cuiuscunq; tandem turpissimæ rei.  
 Porro suffitus omnis generis olfactui uoluptatem affe-  
 rentes aëri permiscere, aut unguentis sese inficere ac  
 conficere, etiam interdicare uobis erubesco. Quid  
 uerò quis dixerit de eo quòd uoluptates tactus ac gu-  
 stus persequi non oportet, quàm quòd hæ cogunt eos  
 qui circa ipsarum capturam occupati sunt, uelut pe-  
 cora, ad uentrem & ea quæ sub uentre sunt, pronos  
 ac nutantes uiuere? In summa, totum corpus contem-  
 nendum est, ei, qui non in uoluptatibus ipsius uelut  
 in sterquilinio defodi uelit. Aut tantum saltem ipsi  
 inherendum est, quantum, ut inquit Plato, ministe-  
 rium Philosophiæ possidet ac exhibet: Consimilia fer-  
 mè dicens Paulo, qui admonet nullam oportere corpo-  
 ris

ris providentiam habere ad concupiscentiarum occa-  
 sionem. Aut quid differunt hi qui corporis ut quàm o-  
 ptimè habeat curam gerunt, animam uerò ipso usurā  
 quasi nullius rei negligunt, ab his qui instrumentorum  
 studio tenentur, artis uerò per ipsa operantis negligentes  
 sunt? Quapropter in totum uice uersa castigare i-  
 psam ac continere uelut bestiae impetus conuenit, &  
 tumultus qui ab ipso in anima excitantur, ratione ue-  
 lut flagro compescere ac sedare, & non toto laxato  
 freno uoluptatis, mentem negligere, ut uelut auriga ab  
 effrenibus equis uiolenter agitat, distractus ducatur:  
 Et Pythagoræ meminisse, qui ubi didicisset aliquem  
 ex familiaribus sese et exercitationibus & edulijs ual-  
 de probè saginare ac carnosum reddere, Itaq; inquit,  
 non desines grauiorem tibi ipsi carcerem parare? Qua-  
 re etiam Platonem aiunt corporis detrimentum pro-  
 spexisse, & morbosum Atticæ locum, ipsam Acade-  
 miam de industria occupasse, ut nimis bonam corporis  
 dispositionem, uelut uitis superfluam fertilitatem ex-  
 scinderet. Ego uerò etiam periculosam esse corpo-  
 ris bonam habitudinem ad summum progressam, à  
 medicis audiui. Itaq; hæc ipsa nimia corporis cura,  
 neq; ipsi corpori commoda est, & animæ impedimen-  
 tum est. Certè illi succumbere obsequi; ac inserui-  
 re, manifesta insania est. At uerò si hoc negligere  
 studio habuerimus, nullatenus aliud quicquam rerum

Acade-  
 mia  
 morbo-  
 sa.  
 Bona  
 habitu-  
 do peri-  
 culosa.



Pecunia humanarum admirabimur. Ad quid enim amplius u-  
rum inu- temur diuitijs, si uoluptates per corpus accedentes i-  
tilitas. gnominiosas ducimus? Ego quidem non uideo, nisi iuxta

draconum fabulam, uoluptatem aliquam asserat thesauris defossis incubare. Multum autem absuerit, ut qui liberaliter erga talia se habere eruditus est, humile aut turpe quid opere aut sermone designet. Quod enim supra necessitatem redundat, siue Lydium arene auree sit ramentum, siue formicarum auriferarum opus, tanto plus ignominiosum ducet, quanto minus indiguerit. Ipsam autem necessitatem iuxta naturae necessaria, & non uoluptatibus terminabit. Nam qui necessarios terminos excefferunt, consimiliter ueluti hi qui in decliue feruntur, nihil stabile habentes ad quod se recipiant, nusquam ab ulteriore delatione interquiescunt, sed quāto plura acquisierint, tantō magis equali indigent, aut etiā ampliore, ad cōcupiscentiæ expletionē, iuxta Execestidae adeō filium Solonem, qui ait,

Diuitijs nullum statuunt mortalia finem  
Pectora. —

Verū ad hæc Theognide utendum est præceptore dicente,

Non ego diuitias moror, aut peto: uiuere tantum  
De paucis detur, nil sit ut inde mali.

Diogene-  
nis laus.

Ego autem etiam in Diogene admiror omnium  
simul humanarum rerum contemptum, qui sanē etiam  
rege



rege magno seipsum ditiores declinauit, ex eo quòd paucioribus quam ille in uita opus haberet. Nobis autem nisi adsint Pithij Mysi talenta, & tot ac tot terræ Pythij Mysi talenta. iugera, & pecorum greges plures quàm numerare possimus, nihil satis erit? Cæterum uelut ego arbitror, conuenit diuitias absentes non expetere, nec desiderare, & si adsint, non magis propter possessionem ipsarum se iactare, quàm ob scientiam dispensandi ipsas. Nam Socratis illud rectè habet, qui quum diues quidam magnopere propter pecunias superbiret, non prius ipsum admiraturum dixit, quàm experiretur etiam quòd his uti nosset. Aut Phidias quidem & Polycletus, si ob aurum & ebur se magnopere iactassent, quorum alter Eleis louem, alter Argiuis Iunonem fecit, ridiculi essent alienis diuitijs egregiè ornati, relictæ arte præ qua etiam aurum ipsum iucundius ac preciosius effectum est. Nos autem humanam uirtutem non sufficere per seipsam ad ornatum putantes, minore pudore digna nos facere arbitramur? At sanè diuitias quidem despiciemus, & uoluptates per sensus illabentes ignominiosas ducebimus, assentationes uerò & adulationes persequemur, & uulpeculæ Archilochi Archilochi uulpecula. astutiam ac uarietatam uersutiam æmulabimur? Verùm non est quod magis fugere debeat uir temperatus, Ad opinionem uiuere, & ea quæ uulgo ac multitudini probantur spectare, & non rectam rationem uiuere pudèdum.

Proteus

Hesiodus.

uit & ducem facere. Quare etiam si omnibus hominibus contradicere, & ignominiam ac periculum subire pro honesto oporteat, nihil ex his quæ recta iudicata sunt, tollendum neque inuertendum est, Aut si quis non se sic habet, quid ab Aegyptio illo sophista abesse ipsum dicemus, qui planta fiebat, & bestia quum uellet, & ignis, & aqua, & in omnes res mutabatur? Siquidem sanè etiam ipse nunc quidem iustitiam laudabit apud eos qui hanc colunt, nunc uerò contrarios emittet sermones, ubi iniustitiam probari ac in honore esse senserit: quod ipsum adulescentes facere solent. Et quemadmodum aiunt Polypodem colorem ad subiectam terram, sic ipse mentem ac sententiam suam ad familiarium, & eorum cum quibus conuersatur sententiam transmutabit. Cæterum hæc quidem alicubi etiam in nostris orationibus perfectius discemus. Quo uerò uelut adumbratio quædam uirtutis in præsens contingat, externis doctrinis circumscribemur, nec ulterius pergemus. Qui enim diligenter ex unaquaq; utilitatem colligunt, his uelut magnis fluminibus, multæ unde quaq; accessiones contingere solent. Nam quod dictum est, modicum ad modicum deponendum esse, non magis in argenti additionem, quàm cuiuscunq; tandem scientiæ appositionem, rectè à Poëta dictum esse, existimare conuenit. Bis itaq; filio ad Aegyptios abeunti, & percontanti quidnam faciundo rem ipsi gratissimam facere

facere possit, Si uaticū, inquit, ad senectutem tibi com- Viaticū  
paraueris. uirtutem nimirum uaticum dicens, modicis ad sene-  
terminis ipsam circumscribens, utpote qui humanæ ui- ctutem.  
tæ spatio utilitatem ab ipsa terminauit. Ego uerò etiā  
si quis Tithoni senectam, siue Arganthonij dicat, aut  
etiam longissimæ apud nos uitæ Mathusale, qui mille  
annos, minus triginta, uixisse dicitur, imò etiam, si  
quis uniuersum ex quo facti sunt homines tempus di-  
metiatur, uelut puerilem intelligentiam ridebo, in lon-  
gum illud respiciens & non senescens æuum, cuius fi- Acui fu-  
nem aliquem intellectu apprehendere non datur, non tui æter-  
utique magis quàm immortalis animæ finem ac interi- nitas.  
tum statuere: ad quod sanè ego uos admonuerim uia-  
tica comparare, omnem lapidem iuxta prouerbiū  
mouentes, unde modò aliqua uobis utilitas ad ipsum  
accessura est. Neq; uerò quia difficilia sunt hæc & la-  
borem requirunt, propterea pigriores simus: sed me-  
mores eius qui adhortatus est quòd oporteat unum-  
quemq; optimam uitam eligere, & sperare consuetu- Opt. ui-  
dine ipsam iucundam fore, optima aggredi oportet. ta deli-  
Turpe est enim præsentis temporis occasionem dimit- genda.  
tere, & postea aliquando quod præteritum est reuo- Epilo-  
care, quum nihil amplius nobis anxij contingeret. Ego gus.  
quidem igitur quæ optima esse iudico, partim nunc Tria æ-  
dixi, partim per omnē uitam uobis cōsulam. Porro quū gritudi-  
tria sint ægritudinum genera, optarim uos incurabili num ge-  
nera.  
illi

illi minimè similes uideri, neq; consimilem animi mor-  
bum uos prodere, quali infeliciū quorundam corpo-  
ra sunt obnoxia. Etenim qui ex paruis morbis labo-  
rant, ipsi ad medicos accedunt. Qui uerò à maioribus  
correpti sunt ægritudinibus, medicos ad se accersunt.  
Qui autem in immedicabilem penitus atrabilis mor-  
bum delati sunt, neq; accedentes admittūt. Hoc ipsum  
opto ne perpetiamini nunc uos, recta consilia  
relinquentes.

## ORATIONIS D. BASILII

MAGNI FINIS.

PETRI PAULI  
VERGERII IVSTINOPOLITA-  
NI AD VBERTINVM CANTVARI-  
ensem de ingenuis moribus ac libera-  
libus studijs Libellus.



Tria be-  
ne con-  
sulenda  
liberis.

RANCISCVS senior auus tuus, cuius  
ut extant plurimæ res magnificè  
gestæ, ita et multa passim sapienter  
ab eo memorantur, dicere (ut accepi-  
mus) VBERTINE solebat, tria esse,  
in quibus bene consulere suis liberis parentes, ut facile  
possunt,

possunt, ita iure meritoq; tenerentur. Primum, uti honestis nominibus illos appellent. Nam est, ut in re parui momenti, non parua iactura, indecoram nominis appellationem sortitum esse. In quo quidem solent plerunq; nonnulli errare, dum leuitate quadam aut ipsi nouorum nominum autores haberi uolunt, aut si qua à maioribus suis acceperunt, tanquam gentile patrimonium ad posteros certa fide transmittunt. Alterum, ut in egregijs urbibus eos statuunt. Nam amplitudo splendorq; patriæ plurimum ualet tum ad opes et gloriam, tum etiam ad id quod tertio loco constituebatur ab illo, & iam dicetur à nobis. Quanquam in hoc plerunq; eueniat, quod Themistocles, cum esset Atheniensis, Seriphio cuidam in contentione respondit, dum ille non propria uirtute, sed patriæ splendore gloriosum factum cum contenderet. Neq; enim (is inquit) uel tu si Atheniensis esses, clamus extitisses: aut ego si Seriphius, essem ignobilis. Tertium autem erat, uti bonis artibus liberos erudirent. Præclare omnia ut qui in omni genere rerum prudentissimus sui temporis & erat & habebatur. Sed postremum illud præter cetera commodissimè. Neq; enim opes ullas firmiores, aut certiora præsidia uitæ parare filijs genitores possunt, quàm si eos exhibeant honestis artibus & liberalibus disciplinis instructos: quibus rebus præditi, & obscura suæ gentis nomina, & humiles patrias attollere atque

Themistoclis dictum.

illustrare consueuerunt. Nam & mutare sibi nomen, dum id sine fraude fiat, unicuique per leges licet: & transferre, quando libeat, domicilium, nemo prohibetur. Artibus uerò bonis nisi quis ab adolescentia fuerit instructus, aut si peruersis infectus extiterit, non facile de se speret, in ætate prouectiori posse aut has abijcere, aut illas sibi continuò parare. Iacienda sunt igitur in hac ætate fundamenta bene uiuendi, & formandus ad uirtutem animus, dum tener est, & facilis quamlibet impressionem admittit: quæ ut tunc erit, ita & in reliqua uita seruabitur. Verùm cum omnes homines deceat (parentes quidem in primis) eos esse, qui rectè erudire suos liberos studeant: & filios deinde tales, qui parentibus bonis digni uideri possint: præcipue tamen qui excelsiore loco sunt, quorumq; nihil neq; dictum neq; factum latere potest: decēs est ita principatibus artibus instructos esse, ut & fortuna, & gradu dignitatis quam obtinent, digni habeantur. Aequum est enim, qui sibi summa omnia deberi uolūt, debere & eos summa omnia de se præstare. Nec est ulla certior aut stabilior regnandi ratio, quàm si ij qui regna obtinent, ab omnibus dignissimi omnium regno iudicentur. Quamobrem cum sis VBERTINE, primum quidē nomen sortitus, quod fuit in uestra familia diu celebre, & ab eo nuper illustratum, qui retro sextus principatum ex genere uestro tenuit: deinde in hac uetustissima  
regia

regia urbe, quæ & cunctarum bonarum artium studijs  
florete, & rerum omnium copia in hominum usus abundat,  
ex principum genere, atq; ipso patre principe natus,  
sub cuius ductu & felix urbis status, & uestra familia  
clarissimum nomen excrescit indies: magno opere  
re letor pro mea fide, tuaq; ac tuorum in me beneuo-  
lentiâ, quòd te uideo cum per parentis diligentiam,  
tum maximè tuo iudicio ad bonas artes & præclara  
studia omni nixu propensum ferri. Et si enim tria illa,  
quæ diximus, à parentibus maximè desiderari uideantur,  
quorum profecto singulis non sum qui negem eos  
plurimum posse: præcipuè tamen parentes nomina im-  
ponunt natis. Casus, nonnunquam electio, dat homini  
patriam. Bonas autem artes aut ipsam uirtutem sibi  
ipsi unusquisq; comparat. Quæ quidem præ omnibus  
quæ possunt ab hominibus studio quæri, exoptanda est.  
Nam opes, gloria, uoluptates, fluxæ res sunt & cadu-  
cæ: habitus autem fructusq; uirtutum, perstat integer,  
atq; æternus manet. Hoc igitur si te commoneam ut  
sedulò facias, tametsi ipse libenter præsto, uideo ta-  
mè esse non necessarium. Quid enim aliud possum mo-  
nere te ut facias, quàm quod semper facis? aut quem  
tibi alium ad exemplum uirtutis commendare,  
quàm te ipsum? Cum enim ita ab ipsa natura & a-  
nimi & corporis dotibus constitutus uideare, ut  
omnia magna sperare de te liceat, tuq; adeò etiam  
maiora

Virtus.



maiora omnia præstes, ut non modò spem, sed et uota quoque omnium exuperes: quid est quod aut adhortatione cuiusquam fortius promoueri possis, aut cæterorum imitatione magis accedi? Tuo igitur nomine breue hoc opus suscepi, et de liberalibus adolescentiæ studiis ac moribus, id est, in quibus rebus exerceri ingenuos adolescentes, quæq; cauere conueniat, adortus sum ad te scribere: non quidem quo ipse te, sed ut per te cæteros id ætatis commoneam: et cum quid agendum sit alijs præfinio, tu quod per te facis, in te recognoscas. Cum enim sit homo ex anima et corpore constitutus, magnum quiddam ab natura consecuti mihi uidentur, quibus est datum, ut corporis uiribus et ingenij ualerent. Nam cum plurimos uideamus, quibus sine culpa euenit nascentibus, ut et ingenio essent tardo, et corpore imbecilli: quantas gratias haberi naturæ conuenit, si secundum utraq; hæc et integri sumus et ualidi? Ita autem digna referetur naturæ gratia, si non neglexerimus eius munera, sed ea rectis studiis bonisq; artibus excolere curauerimus.

Ingeniū  
pueri  
spectan-  
dum.

Principiò igitur erit unicuiq; suum ingenium pro se spectandum: aut si minus per ætatem nobis perpensdere id licebit, parentes cæteriq; quibus curæ erimus, animaduertere debebunt: et in quas res natura proni aptiq; fuerimus, cō potissimum studia nostra conferri, et in eis totos uersari conueniet. Maxime uerò qui  
sunt



sunt liberale ingenium à natura consecuti, sinendi non sunt aut inertī ocio torpere, aut illiberalibus implicari negocijs.

QVA RATIONE IN PVERIS INGENIA  
dignoscantur, & qua tractanda sint.

**O**Mnino autem liberalis ingenij primum argu-  
mentum est, studio laudis excitari, incendiq; laudis.  
amore laudis: unde oritur generosa quædam inuidia,  
& sine odio de laude probitateq; contentio. Proxi-  
mum uerò, parère libenter maioribus, nec esse bene-  
monentibus contumaces. Nam ut equi meliores ad pu-  
gnam habentur, qui faciles sunt manu regi, & ad tu-  
barum clangorem arrectis auribus exultant: Ita iu-  
venes qui bene audiunt monitoribus, & laudati exci-  
tantur ad bonum, huberis spem frugis ferre præ se ui-  
dentur. Cum enim bonum ipsum uirtutis honestiq; scia-  
ciem, inexperti rerum complecti ratione non possunt,  
quæ si posset oculis uideri, mirabiles ad sapientiam  
(ut inquit Plato, & Cicero meminit) de se amores ex-  
citaret: proximum est ab hoc gradu ut gloriæ laudisq;  
studio ad optima conari uelit. Amplius autem & qui  
sunt in actionibus prompti, fugientes ocium, amantq;  
semper aliquid rectè agere, bene dispositi natura ui-  
dentur. Nam ut in eiusdem generis similitudinibus  
uersemur,

uersemur, quemadmodum equi cursores meliores habentur, qui dato signo protinus exiliunt, nec calcariunt stimulos, aut flagellorum plagas morari subsistunt: Ita adolescentes qui constitutis horis ad solita studia, intermissaq; paulisper exercitia alacres sine monitore redeunt, præclare constituti ad uirtutis opus habendi sunt. Sed & si comminationes ac uerba metuant

**Verecundia.** magis, aut si dedecus atq; ignominiam, unde nascitur uerecundia, quæ est in ea ætate signum optimum. Bene igitur habet, si obiurgati erubescant, & castigati fiant meliores, suosq; præceptores ament, nam & disciplina amari indicio est. Nec minor uerò ad omnem

**Benignitas in puero.** probitatem habenda de his spes est, qui sunt natura benigni ac facile placabiles. Est enim in animo simile quiddam quod & in corporibus. Nā ut in his significatio est bonæ naturæ, nullo cibo abhorreere stomachum, sed quicquid ingeritur, facile admittere, et in alimentum conflare membrorum: Ita & neminem odisse aut aspernari, sed quicquid dicatur fiatūe, in meliorem partem habere omnia, bene ab ipsa natura constituti animi signum est. Ac multa quidem in hunc modum sumi à moribus argumenta possunt. Quod uerò ad corporis habitudinem attinet, molles carne, aptos esse mente scripsit Aristoteles. De reliquis consulendi erunt, qui per physionomiam deprehendi posse uniuscuiusq; ingenium natiuosq; mores profitentur: quàm

nos hic rationem totam relinquamus. Dignosci autem plerunque, ut diximus, ex indole potest, adolescentibus nobis, quales uiri futuri simus. Nam ab initio quidem ætatis, profert in quibusdam natura probitatis futuræ insigne, ueluti flosculos. Vnde bonæ indolis iuuenes dicimus, qui effigie ipsa oris, & gestu cæterisq; actibus, Bonæ indolis qui spem de se bonam polliceri uidentur: quibus ut turpe est expectationem hominum fallere, ita laudi his datur, qui sine ulla tali significatione, probi tamen euaserunt, imitati pomorum quoddam genus, quæ sub turpi atq; aspero cortice suauem asserant saporem. Hinc bene præcipiebatur à Socrate, ut adolescentes in speculo Speculū Socratis suam imaginem crebrò contemplarentur: ea scilicet ratione, ut hi quibus inesset speciei dignitas, uitij illam non dehonestarent: qui uerò deformiori specie uiderentur, formosos se ex uirtutibus reddere curarent. Magis autem id ipsum consequi fortasse poterunt, si non tam suam speciem, quàm alienos probati hominis mores & uiuum speculum intuebuntur. Nam si P. P. Scip. Scipio & Q. Fabius (quod omnibus ferè generosis Q. Fab. mentibus usu euenit) illustrium uirorum contemplandis imaginibus excitari se magno opere dicebant: quæ res Iulium quoq; Cæsarem, uisa magni Alexandri imagine, ad summam rerum accendit: quid cōsentaneum est euenire, cum ipsam uiuam effigiem, & adhuc spirans exemplum intueri licet? Quamquam imagines

Imagi- nes ma- iorum. *imagines fortasse maiorum, magis ad æmulationem gloriæ animos excitant, propterea quòd hominis præsentia minuere plerunq; gloriam solet, et uiuentes comitari consuevit inuidia: ad exemplum certè uirtutis ac morum, & ad omnem doctrinam, ut uiua uox, ita et uiui hominis mores plus ualent. Debet igitur studiosus adolescens, quem uirtutis uerèq; gloriæ desiderium concitat, unum aliquem plures'ue, quod uideatur, deligere probatissimos uiros, quorum uitam ac mores quantum per ætatem licebit imitetur. Illis autem cæterisq; natu maioribus, cum omni tempore habenda sit grauitatis atq; modestiæ ratio, tum uerò maximè corā iunioribus custodienda est. Iuuenum enim ætas prona est ad peccādum: ac nisi maiorum exemplis autoritateq; cōtineatur, facile semper in deteriora prolabitur.*

Et quoniam insunt ipsis ex ætate proprii mores, quod & reliquis quoq; ætatibus accidit, ex his qui boni sunt, usu præceptisq; confirmandi erunt & iuuantur: qui uerò mali atq; illaudabiles, corrigendi, quorū hi quidem naturam sequuntur tantum, quidam autem experientiæ defectum, alij uerò utrunq;. Sunt enim in primis natura largi atque liberales, propterea quòd non sunt experti indigentias, neq; opes eis labore proprio quæsitæ sunt. Non enim solet fieri, ut temerè dissipet, qui cum labore congregauit. Simul & quòd superabundat in eis calor ac sanguis modò in nutrimentum.

Liberalitas  
quare in  
pueris.

tum.

tum corporis, sed & in augmentum etiam: quod contra fit in senibus, contraria id efficiente ratione. Quę igitur cum speremus futurum senem, qui sit in adolescentia tenax atq; auarus? non quidem quò permittenda sint eis largitiones, quas exercere cum discretionē munerum, personarum, meritorumq; nesciunt, sed corruptę naturę atq; illiberalis ingenij sit indicium. Ii igitur ad quęstuosas artes faciunt, aut manuale opus, aut negotiationem, & ad curam rei familiaris: præcipuè qui etsi nobiliores fuerint quandoq; artes affecti, illas tamen semper, ut cætera, ad ignobilem quęstū redigunt: quę quidem res est ab ingenuis mentibus prorsus aliena. Deinde sunt bonę spei, multaq; ac magna sibi facillè promittunt, ac præ cæteris longęuam ætatem, ut quibus exuperat naturalis calor, tanquam ad omne opus & in omne tempus suffecturus. At propter hoc ipsum magnanimi sunt & alti cordis, quoniam Magna niam est ea uis calidi, ut sursum ferat: unde fit ut sint nimi. arrogantes, & iuxta Flaccum, monitoribus suis asperes. Arrogātes. & contumeliosi alijs, seipsos effrēntes: appetunt enim excellere, propter quod uolentes uideri multa nosse, faciles sunt operta reuelare, & seipsos iactantes plerumq; mendaces inueniuntur. Simul & quia inexperti sunt, existimantes uera dicere, in plurimis falluntur. Ab hac autem metiendi uanitate deterrendi sunt A mentiēdo de terrendi maxime: Primum, quòd assueti in iuuentute mentiri,

R morem pueri.

Admo-  
nitio in  
menda-  
ces.

1 Cor. 15

Verecū-  
dia in  
pueris  
unde.

Creduli  
tas unde

Concu-  
piscētia.

morem hunc uiri seruant, quo nihil est turpius: Deinde quòd prope nihil æquè maiores offendit, quàm mendacia adolescentium, qui studeant pridie nati, senes fallacijs circumuenire. Proderit autē, si admoneantur parum loqui, & rarò, nisi iussos, dicere. In multo nanq; sermo ne est aliquid semper quod reprehendi possit. Quòd si in alterutro est peccandum, multo sanè tutius est tace- re quàm loqui. Nam qui intempestiue tacet, hoc in uno peccat quòd tacet: loquendo autem, in multis errare contingit. Prouidendum etiam, ne fœdis atq; inhonestis sermonibus assuescant. Nam ut est à Græco Poëta dictum, & ab Apostolo Paulo repetitum: Corruptunt bonos mores colloquia mala. Secundum superiorem autem rationem, quoniam sunt excellentiæ cupidi, sunt etiam uerecundi: quoniam inhonorati metuunt, & castigationes parentum magistriq; ex recenti meminerunt: simul & quoniam inexperti sunt, facile refelli se posse arbitrantur. Sunt item creduli nimis: ex defectu namq; experientiæ rerum, uera credunt esse quæcunq; audiunt: atq; etiam de facili mutant opiniones, quoniam sunt eorum humores in motu propter augmentum corporis: & abundat calor, qui maximè ad motiones facit. Anima uerò cōplexionem sequitur corporis: ideoq; ut facile carentes concupiscunt, ita potiti satiantur citò. Passiones uerò suas maximè prosequuntur, & omnia faciunt ualde: quoniam concupiscentias habent

habent acutas, quas calor incitat : neq; uigent ratione  
 & prudentia, quæ illas moderari possint. Ego uerò iux-  
 ta Terentianum Sositam, non iniuria id arbitror ap-  
 prime in uita esse utile, ut commodè fiant omnia: ac ne  
 quid nimis. Sunt quoq; miseratiui nec maligni moris, Misera-  
 quoniam ab generatione proximi sunt, benignum ha- tium pue-  
 bentes sanguinem: ceterosq; ex se æstimant, quòd pau- ri.  
 ca commiserunt : quamobrem eos credunt iniuste pa- Sodalita  
 ti. Maximè uerò gaudent amicitijs, & sodalitates tis amā-  
 amant : quas plerunq; eadem die & ineunt & diri- tes.  
 munt. Iuxta igitur has animaduersiones erit adhiben-  
 da doctrina, & boni quidem mores asciscendi, mali  
 uerò aut minuendi, aut prorsus eradicandi erunt. Et  
 de cura quidem iuuenum cum plurimum domesticæ  
 disciplinæ permissum sit, nonnulla tamen solent legi- Legibus  
 bus diffiniri. Deberent autem, ut frè dixerim, omnia. publicis  
 Nam & publicè interest, iuuentutem in ciuitatibus be- continē  
 ne moratam esse, & si fuerint adolescentes ratione in- di pueri.  
 stituti, erit id quidem utile ciuitatibus, & ipsis bonum.  
 Maximè uerò (ut specialius dicamus) ab his peccatis  
 prohibendi sunt, in quæ facile natura, ab ipsa ætate de-  
 ducuntur. Habent enim & ætates sua propria quæ-  
 dam uitia. Adolescentia libidinibus æstuat. Aetas me- Aetatiū  
 dia ambitione iactatur. Senectus cupiditate auaritiaq; uitia.  
 consumitur. Non quòd ita omnes habeant, sed  
 quòd in hæc uitia ex ætate proniores sunt homines.



Venus  
imma-  
tura.

Curandum est igitur, ut iuuenes quàm maximè diu, integriq; seruentur. Immatura nãq; Venus, & animi & corporis vires eneruat. Quod erit, si à choreis cæterisq; huiusmodi ludis, et item ab omni muliebri frequentia arceantur: aut si nihil de his rebus loquantur aut audiant. Nam cum ipsi per se ætatis feruore ad ueneria rapiantur, nulla erit spes reliqua, si malignus quoque consilio comes accesserit. Præcipuè uerò, si

Ocium.

nunquam missi erunt ociosi, sed semper in aliquo honesto membrorum aut animi labore detineantur. Ocium enim ad libidines & ad omnem intemperantiam pronos efficit. Itaq; adolēcentes nimia somnitate laborantes, multo conueniet labore sanari. Nec uerò his ocium

Solitudo

tantum, sed & solitudo quoq; uehementer est inimica, quæ infirmum animum assiduæ talium rerum cogitatione demulcet, nec aliò diuerti sinit. Vt enim qui desperatione tenentur, solitudini minimè credendi sunt: ita & quibus uoluptate deuinctus est animus. Itaq; & ab omni fœditate ac nefaria turpitudine & prohibendi sunt, & magno opere custodiendi: nec nisi his committendi, quorum mores & uita omnis perfecta sit, quorumq; non iam exemplo peccent, sed autoritate deterreantur. Quemadmodum enim teneris arborum uirgultis stipites alligantur, ne aut propria mole, aut ui ulla uentorum deflecti possint: ita & iuuenibus adhibendi sunt comites, quorum monitis discant, & conscientia



*scientia retrahantur, & imitatione proficiant. Con-*  
*tinēdi sunt etiam, ne in alijs quæ sunt circa uitam, im-*  
*moderatiores fiant. Nam superfluus cibus & potus, et* Super-  
*somni abundantiores ex consuetudine magis sunt: non* fluus ci-  
*quò uarijs habitudinibus corporum plus minus' ue de-* bus &  
*beri ex his rebus negem, sed quòd in omnibus homini-* somnus.  
*bus natura paucis adiuuentis contenta sit, si necessita-*  
*tem spectemus: si uoluptatem, nihil illi possit uideri sa-*  
*tis. A uino uerò in ea ætate maximè sunt arcendi: cuius*  
*nimius usus & ualitudini bonæ inimicus est, & rectæ*  
*rationis usum magnopere perturbat. Quæ in re ne-* Lacedæ-  
*quaquam mihi uidetur improbanda Lacedæmoniorū* monio-  
*ratio qui ebrios seruos exhiberi in conuiujs suis cura-* rū mos.  
*bant, non quidem ut eorum insulsis sermonibus, aut fœ-*  
*dis actibus delectarentur (nam inhumana uoluptas est,*  
*damno hominis aut uitio delectari hominem) sed ut a-*  
*dolēcentibus suis exemplo ostenderent, quā esset turpe*  
*temulentum uideri. Sunt igitur, ut ab annis teneris as-* Potus  
*suescant, ita potandi pueri, ut illis magis aqua tempe-* puerilis.  
*retur, quàm lymphetur uinum: & tam sobriè quidem*  
*ac raro, ut magis ad molliendum cibum, quàm ad mi-*  
*nuendam sitim datus potus uideatur. Neq; enim decet,*  
*quod non modò ad uirtutem, sed & ad bonam quoq;*  
*ualitudinem pertinet, uentre cibum potum' ue metiri,*  
*aut hibernis noctibus somnos æquare, aut uoluptatibus*  
*modū satietate præfinire, sed ratione moderari omnia,*

Et ita assuefieri, ut iuueniles impetus frenare facile possimus: arbitrariq; non omne quod per potentia uel occasione facere licet, decere ut faciamus. Ante omnia uero decet bene institutum adolescentem rei diuinæ cu-

Diuinæ rei cura. ram respectumq; non negligere, eaq; opinione imbui ab ineunte ætate. Nā quid erit illi inter homines sanctū, cui diuinitas despecta sit? Nec uero usq; ad seniles decet

Superstitione ui- superstitiones prouehi, quod in ea ætate damnari plurimū solet, et irrisioni patere: sed ad certum modum. randa.

Quanquā quis modus adhiberi in ea re potest, in qua omne quod possumus, infra modum est? Præcipue uero, quod in omni ætate abominabile est, monendi sunt, non execrari diuina neq; sacra nomina irrisioni habere, non spōte facile iurare. Nā qui temerè iurant, crebrò deie-

Reuerētia erga maiores natu. natu plurimū reuerentiæ adhiberi cōuenit, eosq; parētum prope loco existimare. In quo erat Rom. iuuentus uetusto more præclare instituta, quæ Senatores, quos

Patres appellabāt, quæ die haberetur Senatus, deducebāt in curiā, ibiq; assidui præ foribus aderāt, dimissoq; Senatu reducebant frequētes domū, quæ nimirū erant rudimenta cōstantiæ patientiæq; in prouectiori ætate præstandæ. Qui ergo iuuenes libenter senibus hærent, nec ab his facile discedunt, à quibus proficere possunt: hi non temerè uelle uidentur ætatē uirtute præuenire. Instituenti sunt præterea, quo pacto deceat admittere

uenientes,

uenientes, quôq; abeuntes dimittere: ut oporteat uer-  
recundè salutare maiores, minores humaniter colli-  
gere, amicos beneuolosq; familiariter conuenire. Quæ  
cum in omnibus aptè sedeant, tum uerò in principibus  
et eorum liberis speciosa uidentur, et notantur in o-  
mnibus maximè in quorum moribus atq; omni uita fa-  
cilitas quidè amari solet, grauitas uerò laudari. Vtro-  
biq; tamen uerendum est, ne uel hæc in ægrestem seue-  
ritatem, aut illa in scurrilem leuitatè exeat. Hæc aut  
ita consequi poterunt, si se faciliè quisq; argui moneriq;  
patiat: quæ ratio in omni ætate et causa atq; cōdi-  
tione salutaris est. Nam ut obiecto speculo faciei nostræ  
mēdas cognoscimus, ita et castigantibus amicis erro-  
res perpendimus animi: qui proximus est ad emēdatio-  
nem locus. Hi autem faciliè deceptioni patent, qui  
nihil audire possunt quod contristet. Imbecillis est enim  
stomachi, ferre non posse nisi delicata. Decet itaq; et  
dicentes pati posse, et obiurgantes audire. Nam qui se  
non patitur præsentem argui, non faciliè solet, cum est  
absens, defendi. Verū eos maximè qui sublimiore sunt  
fortuna, et in quorum manibus urbium populorumq;  
ius est, decet nō modò faciliè, sed etiā libenter bene mo-  
nentes audire, quanto et ipsi per multā l. centiā pro-  
niores sunt ad peccandum, et eorum peccata obesse  
pluribus solent. Et eò quidem magis curandum, quod  
pauci sunt qui dicere eis quod uerum decensq; sit, au-

deant: pauciores, qui uelint audire. Nam qui uult uerum audire, facile inuenit à quo audiat. Itaq; mirum uideri potest, si sit quispiam bonus aut sapiens, in potentatu ac magnis fortunis natus, nec aduersum unquam casum expertus: & si quis hic huiusmodi, hunc pro quodam quasi terreno deo amandum colendumq; existimo. Quippe cum inter affluentiam rerum ad omnes uoluptates suppetentium, & facultatem assequendi quaecumq; cupierit, & adulatorum ingentem copiam, qui solent ex stultis insanos facere, uix rationi ac recto iudicio uacat uspiam locus. Id pulchrè Plato sentiebat, & commodè paucis uerbis significauit: quem nos locum huc ad uerbum ex Gorgia transferamus. Difficile est enim, inquit, & puerum laude dignum, in magna peccandi licentia iustè uixisse. Sed & nimia quoq; parentum indulgentia emollire atq; eneruare adolescentes consueuit: quod in his plerunq; manifestum est, qui sub uiduis matribus per delicias sunt enutriti. Placet igitur quæ est apud quosdam gentium consuetudo, ut liberos suos aut extra ciuitatem, aut certè iuxta domum apud cognatos suos amicos'ue educari curent, quos etsi plerunque indulgentiores inuenerint, hoc ipsi tamen quòd in aliena domo uiuere se intelligunt, solutiorem illis licentiam adimit, & melioribus studiis, quæ Liberalia dicimus, intentiores reddit: de quibus tempus est iam nos dicere.

Plato-  
n's dictū

Indulgentia  
nimia.

Liberalia  
studia.

QV AE

## QVAE SINT LIBERALIA STVDIA

quibus institui adolescentes  
debeant.

**L**iberalia igitur studia uocamus, quæ sunt homine libero digna: ea scilicet, quibus uirtus ac sapientia aut exercetur, aut quæritur, quibusq; corpus aut animus ad optima quæq; disponitur: unde honor & gloria hominibus quæri solet, quæ sunt sapienti prima post uirtutem proposita præmia. Nam ut illiberalibus ingenijs lucrum & uoluptas pro fine statuitur, ita in genuis uirtus & gloria. Oportet igitur à prima instantia his intendere, & ad sapientiam omni studio conari. Nam si nulla est priuatarum artium, etiam earum quæ minus acuminis exigunt, quam excellenter assequi quis possit, nisi ab teneris annis illi incubuerit: quid de sapientia iudicabimus, quæ tam multis magnisq; rebus Sapiëntia  
bus constat, & in qua artes totius uitæ, præcepta, rationesq; continentur? Non erimus profectò (quoniam sapientes & haberi & esse omnes uolumus) non erimus, inquam, in senectute sapientes, nisi iuuenes prius bene sapere coeperimus. Nec uerò suscipiendum est, quod omnibus perè uulgò usurpatum est, ut existimemus eos qui iuuenes super ætatem rectè sapiant, maiores factos desipere aliquando solere. Quanquam & hoc quibusdam non abhorreat à philosophica ratione: quibus cum impuberibus sensus uigeant, crescete  
R s post=

Senex  
ab ado-  
lescente  
confu-  
tatur.

postmodum etate marcescant. Quo in genere recte est senex quidam ab adolescente confutatus. Obscure est autem utriusque nomen. Cum enim is propter aetatem prudens probusque haberetur, senique ad miraculum illum ostenderent: Erit igitur (inquit) in senectute demens, qui sit in adolescentia tam sapiens. et ita quidem uoce sublata, ut adolescens audiret. Ille uero innati acuminis nihil oblitus, atque in eum protinus conuersus, Tu ergo (inquit) praeclare in adolescentia sapiens extitisti, suisque illi (ut aiunt) armis confodit. Et est quidem ex natura in plerisque iuuenibus, tanta ingenij celeritas ad intelligendum, et ad inuestigandum tantum acumen, ut uel sine multa doctrina de rebus maximis loqui possint, sententiasque dicere grauissimas: quorum ingenua uis si eruditione corroboretur, iuuenturque disciplina, summos uiros parere ea res solet. Ut igitur ij diligenter curandi sunt, ita non negligendi qui mediocri ualent ingenio: quin uel hoc potius iuuandi, quod est in eis uis naturae defectior. Omnes tamen à pueritia studijs laboribusque mancipandi sunt,

Dum faciles animi iuuenum, dum mobilis aetas: ut est Maronis uersus. Atque eò magis tunc insistendum, quò aetas illa eruditioni aptior est, quam cetera, quam in omni aetate discendum est: nisi fortasse turpius aliquando est discere, quam nescire. Quod contra Cato. iudicauit Cato ille Portiae familiae princeps, qui Latine

has literas propè senex, Græcas iā certè senex edidi-  
 cit : nec credidit seni turpe discere, quod esset pul-  
 chrum homini scire. Socrates etiam, tantus philoso- Socratea  
 phus, iam ætate prouecta fidibus operam dedit, digi-  
 tosq; suos magistro formandos commisit, cum nostros  
 interea iuuenes, si placet Deo, præ molliæ discere pi-  
 geat, & uix dum ablactatos pudeat sub magistro esse.  
 qui tamen iudicio proprio minimè committendi sunt,  
 sed uarijs artibus ad bona rectaq; studia inducendi.  
 Nam alij quidem laude & per speciem honoris, alij  
 munusculis blandicijsq; alliciendi: minis alij flagellisq;  
 cogendi erunt. Atq; hæc quidem omnia ita ritè pen-  
 sanda rationeq; moderanda, ut & in eodem ingenio  
 uicissim his artibus præceptores utantur: & cauendū,  
 ut neq; nimium illis faciles, neq; nimium seueri sint. Seueri-  
 tas ni-  
 Nam ut nimia licentia bonam indolem soluit, ita gra- mia cr-  
 uis assidua castigatio ingenij uim eneruat, naturæq; ga pue-  
 igniculos in pueris extinguit: qui dum timent omnia, ros.  
 audere nihil possunt: fitq; ut pene semper errent, dum  
 singulis rebus errare se timent. Maximè uerò in quibus  
 superabundat nigra cholera, laxius continendi erunt: Melan-  
 eosq; plurimum suo arbitrio permitti conueniet, & li- cholicis  
 bertate iocisq; oblectari: in quo genero complexionis, quid per  
 non omnes (quod Aristoteles uoluit) sed plurimi certe mittendū.  
 ingeniosorum sunt. Verum euenit, ut pleriq; ingenio  
 liberali præditi, dum recta studia sequi contendunt,  
 aut



aut manu iniecta reuocantur, aut quibusdam oppositis  
 quasi repagulis in ipso cursu subsistere coguntur; aut  
 aliò diuertuntur. Plurimis enim angustia rei familiaris  
 impedimento fuit, quæ liberum animum & ad melio-  
 ra natum, quæstui coëgit inseruire. Tametsi per ex-  
 tremas difficultates generosa natura solet in altum e-  
 mergere: & magis profusa rerum copia, quàm sum-  
 ma inopia, bonis ingenijs nocere consuevit: cum de his  
 non sine indignatione dici soleat, O quàm magnus hic  
 erat futurus uir, si in minoribus esset fortunis natus.  
 Quibusdam parentum imperium, & ab infātia su-  
 scepta consuetudo obstitit. Nam & quod minoribus  
 nobis consuetum est, facîle id maiores facti sequi sole-  
 mus: & pueri liberi parentum studijs, quibus innati  
 atq; innutriti sunt, dari se patiuntur. Sed & id quod  
 est in ciuitatibus consuetum, plurimum sequimur, tan-  
 quam sit id optimum factu, quod cæteri & probant &  
 faciunt. Ergo difficilima omnium est ea deliberatio:  
 nam aut libera non est, aut ad eam non nisi falsis opi-  
 nionibus imbuti ex mala consuetudine & hominum  
 peruerso sermone uenimus. Datum tamen est quibus-  
 dam munere Dei singulari, ut ipsi per se rectam uiam  
 sine ullo duce & inire & tenere potuerint: paucis illis  
 quidem, & quos æquus (ut ait Poëta) Iuppiter ama-  
 uit, aut etiam genuit, ut fabulis quoque aliquid demus.  
 Hercul. Qualem in primis Herculem accepimus, quod &  
 Græci



Græci tradunt, & Latini post eos meminerunt. Hic enim cum duas cerneret vias, unam Virtutis, alteram Voluptatis, fortè id ætatis agens, quando de tota uita deliberatio sumenda est, in solitudinem secessit: ibique multum ac diu secum cogitans (ut est ea ætas imbecilli iudicio consilioq;) uirtutem tandem reiecta uoluptate complexus est. Vnde sibi per multos ac graues labores, opinionem hominum, iter in cælum extruxit. Ita igitur ille. Nobiscum autem bene agitur, si præceptis manuq; deducimur, ut probi simus: aut si qua ui etiam necessitateq; ad id cogamur. Est enim felix necessitas, quæ cogit ad bonum. Quanquã & tibi quoq; VBERA TINE, id uideo in parte contigisse. Cum enim sunt ex studijs atq; artibus hominum duæ præcipuè, quæ & ad excolendam uirtutem, & ad parandam gloriam maximè sunt affines, Armorum uidelicet, ac Literarum disciplina: liceretq; tibi per parentis indulgentiã solam militarem, quæ familiæ uestræ propè peculiaris est, prosequi: tu utranq; ita es & industria & studio tenaciter complexus, ut æqualibus tuis longo intervallo posthabitis, cum maioribus quoq; certare in utroq; laudis genere possis. Probè igitur facis, qui & militarem disciplinam, in qua semper tui maiores excelluerunt, non negligis: & ad ueterem hanc domesticam gloriam, nouam etiam literarum laudem adijcere tentasti. Acquẽ enim imitari eos studes, Est autem horum

horum nostris temporibus turba ingēs, qui sibi opinio-  
 nem doctrinæ ut dedecus abhorrent: aut Licinij quon-  
 dam Romanorum imperatoris sententiam probant,  
 opinio. qui literas uirus ac pestem publicam appellabat. Mul-  
 to magis, quod ille ait, beatas fore respublicas, si uel stu-  
 diosius eas sapientiæ regerent, uel earum rectores sapi-  
 dictum. entia studere contigisset. Et quidem quod uerum est,  
 literarum disciplinæ neq; dementiam adimunt, neq;  
 malignitatem: quin magis eos qui ad uirtutem et sa-  
 pientiam nati sunt, magnoperæ adiuuant: ita per se pe-  
 sunt aut indicia stultitiæ detegendæ, aut instrumenta  
 perniciosioris iniuriæ. Nam et Claudium (ne à Ro-  
 us Cæs. manis principibus discedamus) sanè doctum accepi-  
 Nero. mus: et Neronem eius priuignum, atq; in principatu  
 successorem, eruditum in primis fuisse constat, quorum  
 prior insignis uacordiae fuit, alter crudelitate atq; o-  
 mnibus flagitijs contaminatus. Qui tamen sub obtentu  
 clementiæ, dixit aliquando se optare literas nesci-  
 re: quod et optandum illi profectò fuerat, si modò non  
 alia ratione quàm literarum ignarus, esse clemens po-  
 tuisset. Sed opinor eum, si et literas quoq;, quæ malè  
 apud se habitabant, eicere sibi prorsus licuisset: tam  
 maturè ac libenter facturum fuisse, quàm illam simu-  
 latam ad tempus clementiam exiit, ne cui uirtutum  
 Jacobus ac bonarum artium reliquis in se locus esset. Contra  
 Cararia. uerò Iacobus Cararia proauus tuus, et prudens uir, et  
 princeps

princeps magnanimus, ipse quidem non magnopere doctus, mirum tamen in modum doctos coluit: ut id unum fortunæ suæ defuisse iudicaret, quod non esset, quantum modestum hominem optare liceat, eruditus. Et in senectute quidem optare licet, consequi uerò non facile, nisi ab initio ætatis studio laboreq; nobis doctrinam parauerimus. Paranda sunt igitur in iuuentute solatia, quæ honestam senectutem possint oblectare. Nam quæ sunt iuuentuti laboriosa studia, cærent iucunda ocia senectuti. Et sunt in hac re sanè magna præsidia, siue contra languidum torporem remedium quærimus, siue sollicitis occupationibus solati-  
um. Nam cum duo sint genera uitæ, liberalis unum, quod totum in ocio ac speculatione est: alterum, quod in actione negotioq; consistit: in priore quidem quàm sit necessaria cognitio ususq; scripturarum, neminem existimandum est latere: In posteriore uerò quàm sit utilis, facile hinc dignosci potest. Nam qui ad res gerendas animum applicant, omitto quantum & præceptis illorum qui scripserunt, & eorum exemplis de quibus scribitur, prudentiores fieri possunt: sed siue rempublicam administrent, siue foris in bellis, aut domi in suis amicorumq; negocijs uersentur, non habent fatigati, quæ alia in re iucundius adquiescere ualeant. Cum etiam incidant tempora & horæ, in quibus ad huiusmodi rebus uacare necesse

Litera-  
rum præ-  
sidia.

Domitiani  
mos.

Famæ  
æterni-  
tas prin-  
cipibus  
spectan-  
da.

neceſſe eſt. Nam & à republica ſepe inuiti prohibe-  
mur, & non ſemper geruntur bella, & ſinguli dies no-  
ctesq; aliquid habent, quo domi contineri, & eſſe ſe-  
orſum oportet. In hoc igitur tempus (cum nihil nobis  
per ocium agere foris licebit) lectio libriq; ſuccurrent:  
niſi prorſus ſomno indulgere, aut inertī ocio tabeſcere  
uolemus: aut morem imitari Domitiani principis, qui  
ſingulis diebus, certis horis, ſecretus ab omnibus, ſilo  
ferreo muſcas inſectabatur. Fuit hic quidem Veſpaſiani  
filius, Titi uerò minor natu frater: utriq; proſectò lon-  
ge impar: imo uerò tanto omnium teterrimus, quanto  
Titus probiſſimus eſt omnium habitus: quem hiſtoriæ,  
delitias humani generis appellauere. Itaq; & eius me-  
moriam tam celebris eſt, quàm illius execrabilis. Libero  
etenim iudicio de rebus uitæq; hominum poſteritas u-  
titur, quæ nec uituperare improbos metuit, nec laudes  
inuidet benemeritis. Qua quidem in re magna eſt (ut  
uidemus) prærogatiua principibus, imo uerò (propè  
dixerim) neceſſitas propoſita bene gerendarum re-  
rum, ſi iudicium hominum, & famæ apud poſteros æ-  
ternitatem ſpectare uelint. Nam in cæteris quidem  
humilioribus, magna ui ac uirtute opus eſt, ut in lu-  
cem emergant, & eorum peccata ſuæ ſortis obſcuri-  
tate teguntur: In principibus uerò & magnis uiris  
probitas, ſiue quòd rara ſit in multa fortuna, ac pro-  
pterea magis admirationi habetur: ſiue quòd ex fortu-  
næ ſplen-

næ splendore magis illustretur : ea uel si modica est,  
 præclara atq; insignis habetur : malefacta autem nec  
 latère, quamuis secreta, possunt, nec cognita diu tace-  
 ri. Illi enim ipsi qui aut ministri sunt uoluntatum, aut  
 focij criminum consciq; factorum, efferunt, & primi  
 damnant. Quo in genere eius ipsius Domitiani demē-  
 tiam è cubicularijs unius urbano scommate notauit. Scom-  
 Aliquando cuim interrogatus, esset 'ne quisquam cum ma in  
 Domitiano intus: respondit, Ne musca quidem : quasi Domiti-  
 ille studio suo omnes sustulisset. Huic eius occupationi tanium.  
 tam indecoræ uenia for:è posset indulgeri, si modò cō-  
 staret quidnam per hyemem solus agere consueuisset:  
 aut si non maiore odio ex tetris facinoribus, quam ex  
 hoc aucupio tam fædo irrisione se dignum præbuisset.  
 Nam quod Scipio dicere de se solebat, Nunquam mi-  
 nus solum aut ociosum esse, quàm cum ociosus aut so- Scipio-  
 lus uideretur : non facile cuius potest contingere, sed nis dictū  
 solis magnis ingenijs atq; excellenti uirtute præditis:  
 tametsi nihilo mihi uidetur minor, qui contrà & in  
 turba solitudinem seruare potest, & in uogocio quie-  
 tem: quod de Catone quidem scriptum est, qui interea Catonis  
 dum Senatus cogeretur, lectitare in curia libros fre- mos.  
 quens solebat. Vnde nimirum & in rem præsentem,  
 & in omne tempus saluberrima patriæ consilia di-  
 cebat. Quòd si præterea alius nullus ex literarū stu-  
 dijs fructus haberetur, qui utiq; & plurimi sunt, &

maximi : satis tamen abunde magni uideri debet res  
momenti , quòd interea dum attenti legimus , à ple=  
risq; auocamur quæ non possemus aut sine turpitudine  
cogitare , aut reminisci sine molestia . Nam si quid est  
aut in nobis ipsis , aut in fortuna nostra , quod nos offen=  
dat , hac facîle ratione leuamur , præter id quòd mira=  
biles uoluptates in animis hominum doctrinarum stu=  
dia pariunt , & uberrimos afferunt in tempore fru=  
ctus , si quando in bonam mentem & ei culturæ idoneã  
tale semen inciderit . Ergo cum soli sumus , ab omnibus  
& cæteris curis uacui : quid agere melius possumus ,  
quàm libros conuenire , ubi sunt omnia uel amœnissima  
ad cognoscendum , uel ad bene sancteq; uiuendum effi=  
cacissima ? Nam cum ad cætera quidem plurimum ua=  
lent , tum uerò maximè ad saluandam uetustatis me=  
moriæ necessaria sunt monumenta literarum , quibus  
Monu- res hominum gestæ , fortunæ , euentus insperati , naturæ  
menta li insolita opera , & super his omnibus rationes tempo=  
terarum rum continentur . Memoria etenim hominum , & quod  
necessa- ria . transmittitur per manus , sensum elabitur , & uix unius  
hominis æuum exuperat . Quod autem libris bene  
mandatum , à perpetuo manent , nisi pictura forsitan ,  
aut excisio marmorum , aut fusio metallorum , potest  
etiam tale quiddam præstare . Verùm ea nec signant  
tempora , nec facîle uarietatem indicant motionum , &  
exteriorem tantum habitum exprimunt , ac labefactari  
facîle

facile possunt. Quod autem literis traditur, non modò hæc quæ dicta sunt efficit, sed & sermones quoq; notat, & cogitatus hominum effingit, ac si quid pluribus exemplaribus uulgatum est, non facile potest interire, si modo & dignitas accedat orationi. Nam quæ sine dignitate scribuntur, ea nec sortiuntur fidem, nec subsistere diu possunt. Quæ igitur potest esse uita iucundior, aut certè commodior, quàm legere semper aut scribere, & nouas quidem existentes res antiquitatis cognoscere, præsentem uerò cum posteris loqui, atq; ita omne tempus quod & præteritum est, & futurum, nostrum facere? O præclaram suppellectilem librorum inquam (ut nos) & ò iucundam familiam (ut rectè Cicero appellat) utiq; & frugi & bene morigeram. Non enim obstrepit, non inclamat, non est rapax, non uorax, non contumax, iussi loquuntur, & item iussi tacent, semperq; ad omne imperium præsto sunt, à quibus nihil unquam nisi quod uelis & quantum uelis audias. Eos igitur (quoniam nostra memoria non est omnium capax, ac paucorum quidem tenax, & uix ad singula sufficit) secundæ memoriæ loco habendos asseruandosq; censeo. Nam sunt literæ quidem ac libri, certa rerum memoria, & similia omnium communis apotheca. Idq; curare debemus, ut quos à prioribus accepimus, si nihil ipsi ex nobis gignere fortè possimus, integros atq; incorruptos posteritati

Librorū  
familia.

transmittamus : eoq; pacto & his qui post nos futuri sunt, utiliter consulemus : & his qui præterierunt, uel anam hanc suorum laborum mercedem repensabimus.

Deplo-  
ratio li-  
brorum  
deperdi-  
torum.

In quò iustè forsitan possumus quoddam seculum pro-  
ximasq; superiores ætates accusare. Indignari quidem  
licet, proficere autem nihil, quòd tam multa illustriũ  
autorum præclara opera deperire passi sunt. Et quo-  
rũdam quidem nomina sola summis cũ laudibus orna-  
ta, aliorum etiam pars uigiliarum, & fragmẽta quæ-  
dam operum ad nos peruenerunt. Vnde fit, ut ex splẽ-  
dore laudum ac nominis, opera desideremus illorum.  
Horum uerò reliquos labores deperisse indignemur,  
ex earum rerum quæ superant adhuc, excellentia ac  
dignitate : tametsi ea ipsa in plerisq; partium suarum  
tam uitiose correctæ, quædam etiam intercisa ac mu-  
tilata susceperimus, ut pene melius fuerit ex his nihil  
ad nos peruenisse. Sed in hac iactura quæ maxima est,  
non debet id minimum uideri, quòd res plurimas no-  
stras, atq; ita labefactata cognitione dignissima pro  
magna parte latere nos contingit, quorum notitia cũ  
libris simul ac monumentis eorum perijt. Sicq; barba-  
rorum res gestas nouimus, plerasq; ex nostris casu li-  
brorum ignoramus. Et est eò deuẽtum, ut latinæ quoq;  
historiæ & cognitionem & fidem à græcis autoribus  
exigamus. Plurima nanq; talium quæ apud nos sunt  
aut angustè præscripta, aut prorsus incognita, latè  
apud



apud eos diffusa reperiuntur: quanquam & ea ipsa græca oratio, quæ nostris maioribus esse quondam domestica ac perſamiliaris solebat, apud suos penè interijt: apud nos uerò prorsus extincta est, nisi pauci quidam qui hac ætate illi incubuerunt, eam è sepulchro in lucem reuocent. Sed redeo ad historiam, cuius cògrauior est iactura, quò eius rei cognitio & utilior est ac iucundior. Nam liberalibus quidem ingenijs, & his qui in publicis rebus & hominum còmunitate uersari debent, conuenientiora sunt historiæ notitia, & moralis philosophiæ studium. Ceteræ quidem enim artium, Liberales dicuntur, quia liberos homines deceant. Philosophia uerò idcirco est liberalis, quòd eius studium liberos homines efficit. In horũ igitur altero præcepta, quid sequi, quidue fugere conueniat: in altero exempla inueniemus. In illa enim omnium hominum officia reperiuntur, & quid quengue deceat: in hac uerò quid factum dictumue sit, suis quoq; temporibus adiiciendũ est. Ad hæc (ni fallor) tertium, id est, eloquentiam, quæ ciuilis scientiæ quedam pars est. Per philosophiam siquidẽ possumus rectè sentire, quod est in omni re primum: per eloquentiam grauitè ornateq; dicere, qua una re maximè conciliantur multitudinis animi. Per historiam uerò in utrunq; iuuamur. Nam si senes idcirco prudentiores iudicamus, eosq; libenter audimus, quòd per longam uitam & in se multa experti sunt, et

Liberales artes  
quare dicuntur.

Historie  
utilitas.

in alijs pleraq; uiderunt atq; audierunt: quid de his est iudicandum, qui multorum seculorum res cognitu dignas memoriter norunt, & ad omnem casum proferre illustre aliquod exemplum possunt? Ex quibus id efficitur, quod est summi uiri & omnino excellentis ingenij, ut & optimè quis dicere possit, & studeat quàm o-

Quatuor quæ pueri Græci docebantur. Designatiua.

ptimè facere. Erant autem quatuor, quæ pueros suos Græci docere consueuerunt: literas, luctatiuam, musicam, & designatiuam, quam pro tractiuam quidam appellant. De luctatiua & musica dicetur postea. De designatiua uerò nunc in usu nō est pro liberali, nisi quāsum forsitan ad scripturam attinet (scribere namq; & ipsum est protrahere ac designare) quo ad reliqua uerò, penes pictores resedit. Erat autem non solum utile, sed & honestum quoq; huiusmodi negotium apud eos, ut Aristoteles inquit, Nam & in emptionibus uasorum tabularumq; ac statuarum, quibus Græcia maxime delectata est, succurrebant, ne faciliè decipi precio possent, & plurimum conferebat ad deprehendendam rerum, quæ natura constant aut arte, pulchritudinem ac uenustatem: quibus de rebus pertinet ad magnos uiros & loqui inter se, & iudicare posse. Literarum uerò magnus est semper fructus & ad omnem uitam & ad omne hominum genus: præcipuè uerò studiosis earum, ut ad accipiendam doctrinam, ita & ad confirmandam eius habitum, reuocandamq; ipsorum la-

psorum

psorum memoriam. Ante omnia igitur, si quid profice- Grāma-  
re de doctrinis uolumus, congrui sermonis habenda est tica.  
ratio, & curandū ne dum maiora prosequimur, turpi-  
ter in minoribus labi uideamur. Proximè huic dispu- Dialécti  
tandi ratio adhibenda est, per quam in unaquaq; re ca.  
quid uerum falsumue sit, facile argumentando quæri-  
mus. Ea cum sit discendi scientia, sciendiq; disciplina,  
ad omnem doctrinarum g nus uiā facile aperit. Rhe- Rhetorica.  
torica uerò, tertia est inter rationales disciplinas, per  
quam artificiosa quæritur eloquentia, quam & tertiā  
posuimus inter præcipuas ciuilitatis partes. Verum ea  
cū nobilium hominum studijs celebrari olim consue-  
uisset, nunc prorsus obsoleuit. Nam à iudicijs quidem  
eiecta penitus est, ubi non perpetua oratione, sed inui-  
cem dialectico more adductis in causam legibus con-  
tenditur. In quo genere pleriq; quondam ex Romanis  
adolescentibus magnam gloriam sunt assecuti, aut de-  
ferēdis fontibus reis, aut defendendis infontibus. In de-  
liberatiuo uerò genere, iam apud principes & rerum  
dominos nullus est ei locus: quoniam paucis expediri  
uerbis sententiam uolūt, & nudas afferri in consilium  
rationes: in populis qui uel sine arte copiose dicere  
possunt, clari habentur. Demonstratiuum restat genus,  
quod ut nusquam est usu sublatum, ita uix usquam ra-  
tione inuenitur. Nam in faciendis orationibus, his arti-  
bus utūtur serē omnes, quæ contra artem bene dicendi

sunt. Quæ cum ita sint, elaborandum est tamen, si quæ uolumus esse bene institutum, ut in omni genere causarum ornatè copiosèq; possit ex arte dicere. Proxima

Poësis. est huic Poëtica, cuius studium etsi conferre plurimum & ad uitam et ad orationem potest, ad delectationem

Musica. tamen magis uidetur accommodata. Ars uerò Musicæ (nam & ea audientem delectat) magno quondam apud Græcos honore habebatur: nec putabatur quisquā libera iter eruditus, nisi cantu & fidibus sciret, Quā-

Socrates obrem Socrates ut ipse senex didicit, ita ingenuos adolecentes erudiri in his iussit: non quidem ad lasciuie incitamentum, sed ad motus animæ sub regula ratione q; moderandos. Vt enim non omnis uox, sed tantū

quæ bene consonat, ad soni melodiam facit: ita & motus animæ non omnes, sed qui rationi conueniunt, ad rectæ uitæ harmoniam pertinent. Verū cum ad remissionem animi, sedandusq; passionēs plurimum ualeat modulationis usus, tum uerò eius disciplinæ cognitio digna est ingenio liberali, secundū quam rationem

speculamur sonorum uarias naturas ac potestates, ex quibus inuicem proportionibus consonantias dissonan-

tiasq; causari contingat. Quemadmodum & de numeris ratio, quæ Arithmetica dicta est: & de magnitudinibus, quæ Geometria est appellata in quibus se-

cundum uarias uelationes parium uel imparium, & item linearum, superficierum, aut corporum, uariæ

species

Arithmetica. Geometria.

Arithmetica. Geometria.

species numerorum magnitudinumq; constituuntur, multaq; his inesse propria demonstrantur: quæ cognitio iucundissima est, & præcipuam in se certitudinem continet. Sed & illa quoq; pulcherrima est, quæ de siderum motibus, magnitudinibus, ac distantijs pertrahatur. Astrologia. Euocat enim nos ab his tenebris & crasso aëre, & in superiorem illam lucidissimam domum tot luminaribus distinctam oculos atq; animum inducit. In quam aspicientem, iucundum est & fixarum stellarum imagines discernere, & erraticas suis locis nominibusq; denotatas, earumq; coniunctiones, & item solis lunæq; defectus, longè antè præuidere atq; prædicere. Physica Maxime uerò scientia de natura, quæ intellectui humano consona atq; conformis est: per quam naturalium rerum animatarum inanimatarumque principia passionesq; & eorum quæ cælo & mundo continentur, motuum ac transmutationum causas effectusq; cognoscimus: ac multorum quidem possumus causas reddere, quæ uulgo miranda uideri soleant. Quæ cum omnia iucundum est intelligere, tum maxime negociari circa eas quæ in aëre & circa terram fiunt impressiones, iucundissimum est. Aequè uerò & quæ his annexæ sunt cognitiones, pulcherrimas inquisitiones habent: ut est Perspectiua, & de pōderibus tradita ratio. Perspectiua. Et quoniam Medicina. nam quidem dicendo hactenus prouectus, reliquas quoq; disciplinarum attingam. Medicina igitur est na-

cognitupulcherrima, & ad salutem corporum com=  
modissima, uerùm exercitium habet minimè liberale.

Iurispru=  
dentia.

Legum peritia publicè priuatimq; utilis est, & ma=  
gius ubiq; honore habetur: & ipsa quidem à morali  
philosophia deriuata est, quemadmodum ab naturali,  
medicina. Quam ut honestum est aut audientibus in=  
terpretari, aut in iure disceptantibus de iure consultiū  
aperire: ita est indecorum, characteres, causas, pre=  
cio, conuentioneq; operas uendicare. Scientia uerò di=  
uina, est de causis altissimis, & rebus quæ sunt semotæ  
à nostris sensibus, quas intelligentia attingimus. Prin=  
cipales itaq; disciplinas ferè connumerauimus omnes,  
non quò unicuiq; omnes necessariò apprehēdendæ sint,  
ut doctus tandem aut sit aut habeatur: nam & singu=  
læ totum sibi hominem uendicare possunt, & utrunq;  
est uirtutis opus, ut modestas opes, ita & mediocrem  
posse pati doctrinam: sed ut ad quam quisque aptissi=  
mus erit, eam potissimū amplectatur. Quanquam  
ita sunt coniunctæ doctrinæ omnes, ut nulla quæuis,  
ignoratis prorsus alijs, egregiè percipi ualeat. Sed in=  
geniorum diuersa sunt genera: quædam enim faciliè  
inueniunt in unaquaq; re argumentum & modum,  
quo suum propositum inferant: quædam uerò tarda  
sunt ad inueniendum, uerùm solida ad dijudicandum.  
Et priores quidem illi, quibus ita est ingenium, ad op=  
ponendum aptiores sunt: posteriores uerò ad respon=  
dendum.

Theolo=  
gia.

Ingenio=  
rum ua=  
rietas.

dendum. Item illi ad poëticam faciunt, & ad rationales scientias: hi uerò ad reales. Sunt autem & alij ingenio quidem ueloci, lingua uerò sermoneq; tardiore: & hi ad compositum sermonem rationemq; rhetoricam ualere uidetur. In utraq; uerò imprompti, ad dialecticas disputationes præclare faciunt. Quibus autem sermo uelocior est quam ingenium, id est, lingua quidem sunt prompta, ingenio uerò tardo: ad neutrum genus ualent orationis. Amplius in quibusdam memoriæ uis multa uiget: & hi ad cognitionem historiarum multum ualent, & cōprehēdenda legū ampla uolumina. In quo scire nos oportet, memoriā præter ingenium ualere non multum: ingenium uerò sine memoriā, propè nihil, quantum quidem ad disciplinas attineat: ad agibilia uerò contrā, propterea quòd mandari scriptis, uice memoriæ, acta res agendaq; possit. De doctrinis autem non uidemur id scire, quod non memoriter scimus, aut non facile reminisci possimus. Sunt præterea quibus est uis animæ ab sensibilibus & materialibus rebus abstracta, & separatis atq; uniuersalibus apprehendendis aptior: alij contrā circa particularia discurrere & negociari sunt proniores: & hi quidem ad prudentiam & ad naturalem scientiam, illi uerò ad mathematicas faciunt, & ad diuinā quæ Metaphysica dicitur. Præter hæc autem, cum duplex sit intellectus, speculatiuus & practicus, ut quisque secundum alterum

Aristo-  
telis con-  
siliū.

Elemen-  
ta artiū  
a quib.  
haurien-  
da.  
Philip-  
pus rex  
Mace-  
donum.

alterum potior erit, ita conuenientia illi studia sequi  
debebit. Sunt insuper limitata, & quemadmodum in  
iure dicunt, glebæ ascripta quædam ingenia, quæ cum  
cæteris imbecillia sint, in uno tamen aut altero ualent  
eximie. Ea autem sola sunt illis permittenda, in quibus  
solis plurimum posse iudicantur. Verum Aristoteles  
quidem uoluit liberalibus scientijs non nimis indulgē-  
dum, nec immorandum esse: ad perfectionem quidem,  
ciuilem hominum uitam negotiosamq; respectans.  
Nam qui totus speculationi & literarū illecebris dedi-  
tus est, is est forsitan sibi ipsi carus, at parū certè utilis  
urbi aut princeps est, aut priuatus. Ac de doctrinis  
quidem & ingenijs, ac utrorumq; generibus ita uide-  
tur definiendum: in quibus est id ante omnia animad-  
uertendum, quod non modo maiora illa præcepta quæ  
prouectoribus traduntur, sed & prima quoq; artium  
elementa ab optimis præceptoribus accipere conuenit;  
& ex autoribus librorum, non quibuscumque passim im-  
morari, sed optimis. Qua ratione & Philippus rex  
Macedonum, primas literas ab Aristotele discere Ale-  
xandrum uoluit: & ueteres Romani suos liberos scho-  
le mancipientes, in Virgilio primū erudiri curabāt,  
optima utriq; ratione. Nam quod teneris mentibus in-  
situm est, altè radices mittit, nec facile postea ulla ui-  
diuelli potest. Ergo si melioribus in initio assueuerint,  
illos habebunt præcipuos, & ueluti ducibus semper u-  
tentur.



tentur. Siu uerò errores ullos imbiberint, his duplici tempore opus erit: primum ut errores excutiant, ac deinde ut uera præcepta condiscant. Quamobrem Timotheus musicus suo tempore illustris, qui ob multiplicatas in cithara cordas, & nouorum modorum ad inuentionem, Sparta iussus est exulare: ab discipulis quidem qui nihil apud alios proficissent, certam paciscebatur mercedem: ab his uerò qui ex alijs quipiam edidicerant, duplam exigebat. In discendo autem solet esse plerisq; impedimento id, quod magno adiumento esse debuerat, multa uidelicet cupiditas discendi: qua tot, ut dum omnia pariter complecti uolunt, nihil tenere ualeant. Vt enim superfluis cibus non nutrit, sed stomachum quidem fastidio afficit, reliquum uero corpus aggrauat atq; infirmat: Itq; multa rerum copia simul ingesta memoriæ, et facile in præsentia elabitur, & in futurum imbecillorem uim eius reddit. Semper igitur multa legant disciplinæ studiosi, sed pauca quotidie deligant, quæ decoquere eorum memoria possit: sicq; tria eius aut quatuor, plura uic, ut cuiusq; uis erit aut ocium, pro eius diei præcipuo lucro seorsum reponant. Alia uero legendo id consequentur, ut quæ iam didicerunt, meditatione saluent: quæ uero nondum, quotidie magis familiaria sibi legendo faciant. Huic autem nimie sciendi discendiq; cupiditati coniuncta solet esse inordinata quædam curiositas inue-

Timotheus  
musicus

Discen-  
tib. quid  
officiat.

Pauca  
deligen-  
da e le-  
ctione.

inuestigandi. Cum enim multa de singulis asciscere student, uarijs uno tempore disciplinis incumbunt, & nunc illac, nunc hac referuntur: aut nunc quidem unam uiribus totis amplectuntur, inde uerò ad modicum, illa reiecta, aliam atq; aliam. Quæ res nō modò prorsus inutilis est, sed uehementer etiam damnosa. Nam ut in re est, & prouerbio dicitur. Acefcunt uina quæ sæpius transuasantur. Itaq; immorari uni rei decet, & eam omni studio prosequi, disciplinasq; eo ordine capere ac tētare, quo sunt à suis autoribus traditæ: Nam qui libros inordinatè legunt, nunc à fine facientes initium, nunc media interlegentes, & quod primum esse debuerat, postremum accipiunt: hi autem temerè nihil aliud legendo proficiunt, quàm ut omnia neglexisse uideantur. De libris autem qui sunt eiusdem discipline, ita quidem per multos uersari conuenit, ut meliores semper præcipuos habeamus. Nec uerò par omnibus labor suscipiendus est, sed unicuiq; pro modo rationeq; ingenij sui. Est enim (ut sic dixerim) in quibusdam ingenij quidem acies plumbea, in quibusdam uerò ferrea. Quibus est plumbea, siquidem & obtusa est, parum ad disciplinas ualent: quibus uerò est ingenij acies acuta quidem, sed mollis, & quæ facile retundi possit, hi inter studendum crebris interpellationibus indigent: qui nisi primo impetu penetrent quò uolunt, quanto dehinc magis intenderint, magis hebescent.

Inordi-  
nata le-  
ctio.

Plūbea  
ingenia.

hebescent. Qui uerò ferreum sortiti sunt ingenium, Ferrea  
 siquidem & acutum, his nihil imperitum est, nisi cō ingenia.  
 perrumpere uelint, ubi frangi omnia necesse est. Sin  
 uerò obtusum, assiduo tamen studio difficultates om  
 nnes euincunt. Itaq; si quid non intellexerint, nō pro  
 tinus respuant, quod superborum est: aut quod pusil  
 lis cuenit animis, desperent: magis autem in intentio  
 ne perseuerent. Sed & illud quoq; per plurimum ue  
 rum est, acutiores ingenio, minus ualere memoria: Memo  
 & qui celeriter capiunt, retinent minus. Ad saluan  
 dam igitur confirmandamq; memoriam, maximè as firmade  
 finis est illa Catonis ratio, qua uti se dicebat, ut quic ratio.  
 quid die egerat, uiderat, legerat, uesperis commemo  
 raret, tanquam diurni à se negocij rationem exigens,  
 non modò qui negocij, sed & ocij quoque uolebat red  
 dendam esse rationem. Ita igitur & nos omnia qui  
 dem, si possumus, reminisci curabimus: si minus, ea  
 saltem quæ præcipua nobis delegimus, tenacius com  
 plectemur. Proderit autem & de communibus stu  
 dijs unà cum sodalibus crebrò conferre: acuit enim  
 ingenium disputatio, linguam erudit, memoriāq; Disputa  
 confirmat: ac non modò multa disputando disci tionis u  
 mus, sed & quæ sic discimus, melius scimus, aptius tilitas.  
 eloquimur, & firmitus recordamur. Sed & alios quo Docere.  
 que docendo quæ didicimus, non parum & ipsi iuuā  
 bimur. Optimum nanque proficiendi genus est, do  
 cere

cere quæ didiceris. Verum euenit omnibus ferè discen-  
tibus, ut si quid ab initio bene profecerint, protinus  
magna sese de disciplinis consecutos arbitrentur, &  
iam quidem ut docti disputent, sententiasq; suas obni-  
xè tueri uelint: quod eis plurimum officit. Primus ete=

Dubita re. nim ad disciplinas gradus est, posse dubitare: nec est  
quicquam discantibus tam inimicū, quàm ut nimis de  
propria eruditione præsumant, aut de ingenio sibi cō-  
fidant: quorū alterum discendi curam tollit, alterum  
minuit: sic enim ipsi se fallunt, in qua re minimè necesse  
est: Neminem autem facilius est fallere, quàm seipsum:  
neminem damno maiore decipimus. Fit aut id ideo,  
quoniam nondū diuerticula, & anfractus, ac præcipi-  
tia quæ in scientijs latitant, perpendere inexpertis li-  
cuit. Quibus euenit, ut aut de libris pleraq; male cor-  
rigant, quæ bene per se nequeunt intelligere: aut im-  
peritiam scriptorum negligentiam ue culpantes, mul-  
ta sponte prætereant non intellecta. uerū eas opinio-  
nes studium & perseuerantia excutiet. Fient autem  
commodè omnia, si ritè tempora dispensabuntur, si sin-  
gulis diebus statutas horas literis dabimus, neq; ullo  
negocio abstrahemur, quo minus aliquid quotidie le-  
gamus. Nam si Alexander in castris lectitare plurimū  
solebat, si Cæsar etiam cū exercitu proficiscens libros  
Cæsar. scribebat, Augustus Mutinensi bello, rem tantam ador  
August. tus, semper in castris legere aut scribere, quotidieq;  
decla=

declamitare cōsueuerat: quid poterit urbano ocio interuenire, quod nos diu prorsus à literarum studijs auocet? Vtile autem est ut uel cuiuslibet minimi temporis iacturam pro magna deputemus, & ita temporis, quemadmodū & uitæ ac salutis rationem habeamus, ut nihil inutiliter nobis depercat: ueluti si inertes horas, et quæ apud cæteros ociosæ sunt, aut studijs leuioribus dabimus, aut lectione iucūda transigemus. Bonæ etenim rationis est, ea quoq; bona colligere, quæ solent negligere cæteri: ut si quis super cœnā legat, & somnum quidem inter libros expectet, aut certè per libros fugiat. quanquam Physici obesse ea uisui luminibusq; cōtendunt: quod & uerum est, si modò præter modum, id est, aut intentione nimia, aut super multam saturitatem id fiat. Sed & illud quoq; proderit nonnihil, si intra bibliothecas nostras coram atq; in oculis instrumenta hæc constituamus, quibus horas ac tempora metiri solent, ut quasi tempus ipsum fluere labiq; uideamus. Et si eis ipsis locis ad nihil aliud, quàm ad quod instituta sunt, utemur, nullam ibi aut occupationem, aut cogitationem externam admittentes. Hæc autem quæ dicta sunt, maiore cura & studio prosequantur ij, quibus est ingenium ad disciplinas aptius, quàm corpus ad bella: quibus uerò et ingenium uiget, & corpus est ualidum, eos oportet utriusq; curam habere: & animum quidem ita formare, ut uerè possit discernere, & ratione

Legere  
super  
cœnā.

T tione

Militiā  
principi  
bus con  
uenire.

Alexan  
dri iudi  
cium de  
Homēri  
uerſibus

Corpus  
exercen  
dum.

tione uelit imperare: corpus uerò & fortiter ferre, &  
facile parere poſſit: ac deniq; ita nos totos compara  
re, ut ſemper parati ſimus, non ad inferendam uim, ſed  
ad arcendam iniuriam: aut ſi uim quoque adhibere  
permittitur, non prædæ cupiditatisue gratia, ſed pro  
imperio gloriaq; decertare. Maxime uerò principibus  
conuenit in militari diſciplina inſtructos eſſe: nam eos  
quidem oportet & pacis & belli artibus abundare,  
& poſſe exercitus deducere, & ipſos corpore ſuo,  
cum opus fuerit, depugnare. Quod ita eſſe debere,  
Alexāder qui Magnus eſt cognominatus, ut factio ſem  
per, ita uerbis ſæpe ſignificabat. Nam quoties de Ho  
meri uerſibus, cuius ſtudioſiſſimus erat, inter amicos  
(ut fit) contentio incidifſet, quiſnam eſſet ex omnibus  
elegantiſ, illum ſemper unum eximie præferebat, qui  
eſt de Agamemnone ſcriptus: quaſi eundem deceat qui  
bonus eſt rex, fortem eſſe etiam pugnatores. Exer  
cendum eſt igitur ab ipſa infantia corpus ad militiam,  
& animus ad patientiam formandus; ac ueluti equos  
ſolent, manu deducendus eſt in ſtadium, ut per pulue  
rem ac ſudorem ferre facile ſolem laboremq; affue  
ſcat. Nam ut in arboribus tenues quidem ramuſculos  
per ſæpe uidemus magnam pomorum uim de ſe natam  
à primis floribus ad iuſtam magnitudinem perferre,  
eoq; onere etſi planè quidē flecti, minimè tamē frangi:  
quod niſi ſenſum excreuiſſet, ualidiores quoq; ramos  
appenſum

appensum euerteret: Ita & homines nisi à pueris primo, ac deinde per omnes ætates patientiæ laborum & animo & corpore assuescant, si qua postea difficultas rerum immineat, franguntur protinus, neq; ferre uim aduersam ualent. Quod ipsum & magnorum legislatorum, quos uetustas celebrat, Minois ac Lycurgi auctoritas monet. Cretensium quidem ac Lacedæmoniorū Creten-  
 leges laboribus erudiebant iuuentutem, non modò ad sium ac  
 patientiam corporis, sed continentiam animi: quos so- Lacedæ-  
 ris educādos exerceri in uenationibus, ac per hæc cur- monio-  
 rere, saltare, esurire, sitire, algere, æstuarēq; iubebant, rū leges.  
 ut sic exercitatis uti faciliè ad militiam possent. Nam  
 deliciæ quidem animos hominum corporaq; dissoluunt,  
 labor uerò confirmat & indurat. Itaq; non nisi indu-  
 rati laboribus, durare in laboribus possunt: qui autem  
 ita consuescent, & animo & corpore utentur faciliè,  
 cum opus erit, ad pericula & difficultates omnes sub-  
 eundas. Quo in genere neq; ex ueteribus, neq; ex no-  
 stris ullum exemplum illustrius proponere tibi ualeo,  
 quàm parentum tuum. Libenter enim, ut ipse uides,  
 maiorum tuorum imagines tibi propono, eosq; crebrò  
 studeo ad memoriam tuam reuocare: quoniam & est  
 in illis quod magnificè sequi ualeas, & domesticis exē-  
 plis solēt homines magis excitari. Nā ut gloriosum est  
 suos benefaciēdo uincere, ita turpe iudicari solet, ab his  
 quorū uirtutem honori nobis ducimus, uitā moribuscq;



degenerare. Sed ad parentem tuū redeo, cui cū innumera tribui laudes possint, ipse tamē de se nulla re magis quā laborum patientia gloriari solet. Est enim (id quod uidemus) ita ad labores impiger, & in periculis audax, ut nec molē corporis ferre se ullā, aut esse mortalem genitū arbitrari uideatur. Ex cōtemptu nanq; laborum, mortis quoque innascitur cōtemptus, et crescit audacia: qua ita ille intrepidus quæq; difficilia aggredditur, ut nihil metuere credendus sit, præter id forsā unū, ne seni mori sibi contingat. Quod ratione optima sentire mihi uidetur. Spectanda est enim semper uirtus, & ad facta præclara intendendus est animus: de uita non magnopere curandū. Quisquis enim mūdanas res existimatione debita pensabit, facillē cognoscet & fructus diu uiuendi minores esse, quā ut lōga uita expeti magnopere debeat: & casus maiores, quā ut uel breuis sperari possit. Decet igitur & honeste in pace uiuentem, & in bello fortiter facientem, cætera quidem æquanimiter ferre: mortem uerò, quandocūq; adueniat, placidē admittere: plerunq; etiam, cum occasio aut necessitas postulat, illi occurrere. Non enim timeri id oportet, ne parum fortē uixerimus: sed ne idipsum quod uixerimus, parū uixisse uideamur. Habet nāq; omnis ætas, ut edere magnificum aliquid possit. Scipio qui postea primus Africanus est appellatus, uix dum puber sub patre pro patria aduersus Pœnos militans,

Mortis  
contem-  
ptus.

Scipio-  
nis uir-  
tus.



militans, cum Annibal Romanos ad Ticinum fudisset:  
 patrem ipsum consulem belliq; ducem, affectum graui  
 uulnere. & ab hostibus circumuentū, periculo exemit;  
 sicq; ex qua pugna uix ueteranis fugere contigit, Sci-  
 pio id ætatis, consulem, ducem, ciuem, & patrem non  
 minus pie quàm fortiter faciendo seruauit, cumula-  
 tamq; & publico & priuato merito laudem retulit.  
 Aemilius quoq; Lepidus, puer productus in pugnam,  
 eodem cōgressu & hostem occidit, & ciuem seruauit.  
 In cuius memoriā rei statua illi prætextata ex senatus-  
 consulto in Capitolio posita est, ut & cæteri exemplo  
 accenderentur, & autori tam præclari in ea ætate o-  
 peris, suus honos haberetur. Sed & tu quoq; nisi tuas  
 tibi laudes inuiderimus, utroq; illorum minor ut eras  
 natu, apud Brixiam nuper cum esses in exercitu Ger-  
 manorum, progredi ausus es in hostes armatus, quantū  
 cæterorū nemo militū offerre se sustinuit. Quo quidem  
 facto nescio quibus magis, an hostibus admirationi, an  
 uerò amicis rubori fueris. Ita igitur à primis annis in-  
 stituendi sunt pueri, ut & audere magna possint, &  
 difficilia tolerare. Quid enim est illud de Lacedæ-  
 moniorū pueris? Nam hi quidem de cura educationis eorū  
 plurimum apud ueteres commendantur. Quos spiritus  
 gignere mos ille debuit, quibus consuetum erat in con-  
 certatione æqualium patientiam tantam præstare, ut  
 ui deiecti aut casum inter luctandū collapsi, necari se

Aemili-  
 us Lepi-  
 dus.

Lacedæ-  
 monio-  
 rum pue-  
 ri.

potius exanimariq; paterentur, quàm uictos fateri se uellent? Quid enim mirum? Nam & ad aram sic uerberibus accipi solebant, ut multus semper è corpore sanguis flueret, plerunq; etiam spiritum exhalarent: nemo tamen aut exclamauit unquam, aut uix minimū doloris signum edidit. Ita domi formata iuuentus, ea demum militiæ opera gerebat, quibus uetusta omnis memoria plena est. Nam quid audire eos aut à duce, aut à patribus par erat, cum in hostes progressuri per blanditias monerentur à matribus, ut aut uiui arma referrent, aut mortui in armis referretur? quoniā tradere arma hosti, aut ea abijcere fugientes, peius morte iudicabant. Igitur illi, ut partes corporis, & curabant ea, & tuebantur. Nec mirū, si se uiui in armis crebrò spectādos exhibebant, qui etiā mortuis fore ea sibi decori relata existimarent. Præstat aut consuetudo usq; deferendi, ut armis æquè ac membris aut uestibus utantur, nec uideatur ex eis corpori onus adiectū. Nam nisi ita fuissent Romanæ legiones longa assiduq; exercitatione institutæ (ab exercendo nāq; exercitus dictus est) quo nam pacto potuissent pedibus in agmē procedere, ac plerunq; citatum: arma primū deferre, uallum insuper, et cuius rei ad quotidianum egerent usum, ac super hæc unā sæpe quindecim aut eo amplius dierū cibos, onus iumento difficile? Qui ergo erunt aut armorum aut literarum studijs dandi (quandoquidem hæc sunt

Roma-  
næ le-  
giones.  
Exerci-  
tus unde  
dictus.

sunt liberalissima artium, maximeq; principales pro-  
 pterea quòd & maximè principes deceant ) simul ac Artes  
 membris uti per ætatem licebit, armis assuescere de-  
 bebunt: discendisq; literis primis tradendi erunt, cum princi-  
 pium poterunt uerba formare. Iamq; abunde rerum  
 illarum ac studiorum quæ sunt per uitam acturi, debēt  
 quædam quasi libamenta gustare, talibusq; exerceri  
 rudimentis. Sed & hæc utraq; ipsa facillè exequi inui-  
 cem poterunt, ut certas horas ad exercitium corporis  
 habeant, & item certas literario ludo deputent. Ac nō  
 modò quidem pueros, sed & uiros decet hoc facere:  
 quod & Theodosium principem facere solitum perhi-  
 bent, ut die quidem aut exerceretur in armis, aut de  
 subditorū negocijs iure dicendo decerneret: nocte uerò  
 libris incūberet ad lucernam. Ac de literarum quidem  
 studijs suprā satis quod uisum est diximus: reliqua per-  
 sequamur. Ea igitur exercitia suscipienda erunt, quæ Exerci-  
 bonā ualetudinem saluent, & robustiora membra red-  
 dant: in quo erit uniuscuiusq; naturalis dispositio dili-  
 genter attendenda. Nam qui sunt habitudine corporis  
 molli atq; humida, fortioribus exercitijs siccandi indu-  
 randiq; erūt: cæteri leuius, & quibus sanguis facilis est  
 inflammari, eos ardente sole quiescere conuenit. Sed  
 & ætatis quoq; habenda erit ratio, ut usq; in tempus  
 pubertatis leuioribus oneribus subijciantur, ne uel  
 ætatis neruus frangatur, aut impediatur corporis

Theodo-  
 sij mos.

Exerci-  
 tia qua-  
 lia susci-  
 pienda.

augmentum. Post pubertatem uerò grauioribus laboribus edomandi erunt & impuberes quidem magis ad intellectū decet erudire, hos uerò ad mores. Item illos ad disciplinā curare, hos uerò magis ad robur & ualitudinem corporis, Quantum aut sit momentū in exercendis iuuenibus & quæ cura adhibēda, exemplo sit

Marius. Marius, qui (ut autor est Plutarchus) etiam senex, & multa corporis mole grauis, uir tanta belli gloria, per pacem tamen, ut filiū militaribus officijs atq; actibus institueret, quotidie cum adolescentibus ueniebat in campum, & exercitabatur unā. Per hæc nāq; adumbrata certamina, ad ueras pugnas audaciores doctioresq; perueniunt. Nam nisi esset utilis hæc pugnandi disciplina, quæ per pacē atq; in ocio quæritur, frustra

P. Rutilius. nec non temerè, P. Rutilius cōsul armorum tractandorum disciplinam primus accipere milites uoluisset, qui doctoribus gladiatorum urbe accitis, meditationem hanc uitandi atq; inferendi ictus, penetrare in castra iussit: ut miles non solum uiribus & audacia, quibus antea solis utebatur, sed etiam arte industriaq; uale-

Militaris exercitatio. ret. Docendi sunt igitur iuuenes, qui in hunc usum per-tinent, ut posse hostem gladio quidem dextra ferire, sinistra uerò breui umbone se tegere: ensē uerò, fustem, lanceamq; utrisq; manibus tractare: & nunc quidem se effundere, nunc uerò denuo sub clipeum cogere, pūctim cæsimq; sine difficultate ferire. Exerceri quoq; decet

deceat in cursu saltuq; lucta ac pugilari certamine, iacululari quàm longissimè, rectè sagittare, uibrare sudas, saxa rotare, equos domare, eosq; nunc ad cursum aut saltum adactis urgere calcaribus, nunc item flexis habenis medio cursu prauertere, & ita in utrūq; se parare, ut eques & pedes pugnare quisq; facillè possit. Equitum quoq; occursum, dum sese telis infestis petunt, & audaciores facere solet, & ad pugnam doctiores, cum & cuspidem suam ubi intenderint, locare didicerint, & contra se uenientem aciem immotis luminibus perferre. Armorum uerò species, quemadmodū & uestimentorum, quotidie uariat, & usus. Eam autem mutationem ita sectari oportebit, ut experiamur singula, meliora uerò semper teneamus. Similiter autē & pugnandi consuetudines uariari solent. Nam olim quidē Pungnā temporibus priscorum heroum, curribus duces depugnare consueuerunt. Postea uerò, apud Romanos maxime, pauci equites, aut certè nō multi. Vis autem exercitus pene tota in peditibus erat. Nunc nemo curribus, omnes ferè in equis bellantur. Quod autem in usu est, si modò præstat, seruare conuenit, & campestres exercitationes assiduè id meditari, ac denique oportet ad singula certaminum genera præexercitatos uenire. Nam aliter in tumultuaria pugna agendum est, aliter cum tota discernitur acie, aliter quando concurrūt manipuli, aliter cum duello confligitur. Nā pleriq; in acie

fortissimè uisunt dimicare, qui cum essent ad singulare certamen prouocati, animo uiribusq; torpuerunt. Quāquam disciplinæ hoc genus quod per ocium quæritur, longè impar est ei quod inter bellorum tumultus per indigentiam rerum omnium uerosq; terrores discitur. Itaq; monet Flaccius:

Angustam amice pauperiem pati  
Robustus acri militia puer  
Condiscat, & Parthos feroces  
Vexet eques metuendus hasta:

Vitamq; sub diuo & trepidis agat  
In rebus;

Sic enim ad illa maiora peruenietur, quæ futuros bellorum duces, & usu & ratione cōsequi oportet. ut quibus artibus ducendus sit exercitus, quibus locis castra statuenda, quo ordine locandæ acies, qua quis ratione præuenire hostium consilia possit, ac more belli insidias illis ponere, & ab ijs positas cauere, hostilis exercitus milites distrahere, suos autem metu beneuolentiæq; continere, nec militarem unquam remittere disciplinam. Ut enim uirtus militum ducibus laudem parere solet, ita & illorum peccatum culpæ plerunq; adscribitur ducibus. Non æquè uerò ex benefactis gloria, atq; ex peccatis ignominia nascitur. Ipse omnia quæcunq; tempus habet præ deliberata, exequi debet: nec aut in re noua aut subita tumultuari. Neq; enim stare militum  
animi

animi possunt, cum ducis consilium labat. Milites uerò ipsos oportet natura quidem fortes existere, bellandiq; artibus instructos: animi multum habere, armorū quod satis sit, alimentorum uerò non nisi quod necessitati suppetat. Quæ igitur sint ducis, quæ militis partes: quod equitis, quod uel peditis sit officium, usus atq; experientia docebit: quæ profectò ex re ipsa latè refert quàm melius cognoscere liceat, quam aut uoce percipi, aut ullis tradi literis possint: tametsi extent de re militari libri à magnis uiris editi: qui non utiq; tibi erunt negligendi. Sed & machinarū quoq; uim usumq; nosse ducem oportet: cuius rei solertissimū esse tuū parentē uides, quo nescio an quisquā maiore studio quæ fierit, aut eius generis plura fortè pararit. Postremò ut ab his rebus non aliena, natandi quoque peritia adolescentibus adhibenda est: in qua & Augustus Cæsar nepotes suos (nam filios quidē nullos suscepit) ita erudi studuit, ut & ipse plerunque per se doceret. Nam & à magnis periculis liberare homines solet, & ad nauales pugnas transmissionesq; fluminum, audaciores reddit. Et in hoc toto quidem genere rerū quæ ad militaria pertinent exercitia, habes quos imitare germanos tuos maiores, Franciscum, & Iacobum, magnanimos uiros, & in armis latè cognitos, omnique prudentia et moderatione insignes: quos te decet semper, ut facis, omni fide ac pietate colere, & ita illos probè

Machinarū uis & usus.

Natandi peritia.



probè imitari, ut minoribus & exemplo uirtutis, & præsidio ad casus esse ualeas. Optimè quidem enim generis humani societas constabit, si sancta sint iura sanguinis, & erga superiores quidem reuerentia, ad inferiores uerò humanitas, cum paribus autem moderatio facilitasq; seruabitur. Verùm quoniam in opere non semper uersari possumus, sed oportet interdū laxamenti aliquid indulgeri, huic ipsi generi modum rationemq; nunc præscribamus. Primum itaque præceptum est id, quod potissimum, ut ne quis turpis ludus aut noxius suscipiatur, nec nisi quantum aut acuat industriam, aut corporis uires exerceat. Nam quòd Scipio ac Lælius, & interdum Augur Scæuola, qui fuit Lælij gener, soliti sunt, dum animi remissioni uacaret, in littoribus maris aut alueis fluminum calculos conchulasq; lectitare, fiebat in his prorsus necessitate quadam: nam nō nisi functi magnis laboribus, aut cum essent ætate iā prouecta, ad hæc ipsa ueniebant. Sed laudabilior in hoc genere forsitan idem Scæuola, qui optimè pila dicitur lusisse, quòd scilicet forensibus negocijs & interpretandi ciuibz iuris labore fatigatus, ad hoc potissimum ocium, recreandarum uirū causa, confirmandorumq; laterum sese conferebat. Est eiusdem generis uenationis, aucupij, piscationumq; cura, quæ & delectatione plurima afficiunt animum, & uim membrorum motu laboreq; confirmant.

Leniter



Leniter austerum studio fallente laborem,  
 ut inquit Horatius. Nam hæc nisi tanta uoluptate cõ-  
 direntur, quis est qui sponte subire tantum laborẽ uel-  
 let, aut perferre ulla ui posset? quanquã hoc ipsum Ly-  
 curgi legibus studium erat, non ocium adolescentum.  
 Aut si hæc forsitan grauiora uidebuntur, quã ut de stu-  
 dio fessos leuare possint, licebit aut prorsus quiescere  
 ac leuiter adequitare, aut deambulare suauiter: lice-  
 bit etiã iocis inuicem ac salibus uti modestis, qui Lace-  
 demoniorũ per ociũ mos erat. Quam autem ferat ea  
 res utilitatem, in uita Lycurgi perscriptũ est. Sed nec  
 erit quidem indecens cantu fidibusq; laxare animum:  
 qua de re superius est habita nobis mëtio. Nam & Py-  
 thagoræorum mos hic erat, & fuit quondã priscis he-  
 roibus celebre, ut Achillem Homerus inducit à pugna  
 redeuntem in hac re solitum adquiescere, non quidem  
 amatorias cantiones, sed uirorum fortium laudes mo-  
 dulantẽ. Ita ergo per ocium poterimus aut ipsi facere,  
 aut alijs facientibus indicare, & eos modos amplecti,  
 qui conuenientiores temporibus nobisq; uidebuntur.  
 Nam Siculi quidem modi ad remissionem animi magis  
 faciunt & quietem, Gallici uerò cõtã ad exercitatio-  
 nem & motum. Itali aut inter hos medium tenent. Et  
 itẽ quæ pulsu aut cantu sit melodia, decentior est: quæ  
 uero spiritu atq; ore, minus uidetur ingenuis cõuenire.  
 Sed & ad sonos saltare, & muliebres ducere choreas,  
 indignæ

Lacedæ-  
 monio-  
 rũ sales.  
 Fidibus  
 canere.

Pytha.  
 gorei.  
 Achilles

Siculi  
 modi.  
 Gallici.  
 Itali.

Saltare  
 ad sonos

indignæ uerò uoluptates uideri possint: tametsi sit in  
 pijs rebus fructus aliquis, quoniã & corpus exercent,  
 & multam membris dexteritatem adiiciunt, si non la=  
 sciuos iuuenes redderent, eorumq; mores bonos nimia  
 uanitate corrumperent. Non ita tabulæ ludus, quoniã  
 pugnae speciẽ præfert hostilisq; certaminis: quem Pa=  
 lamedes Troiano bello, ut uetustissimi autores tradũt,  
 adinuenit, ut uel hoc negotio milites occupatos tene=  
 ret, ociosumq; auerteret à seditionibus exercitũ. Aleæ  
 uerò lusus aut cupiditatem habet minimè liberalẽ, aut  
 indecentem uiro molliciẽ. Nã qui lucri causa id agunt,  
 maioris quæstus negotia commodius agerent: qui uerò  
 uoluptatẽ inde uenantur, tardiusculi sunt, quòd aliud  
 nihil possunt inuenire, in quo honestus delectentur. In  
 his igitur ludis delectari cõuenit, qui artis aliquid aut  
 certè plurimum, casus uerò quàm minimum habeant:  
 nisi forsitan ea non putet quis arte uacare, de quibus  
 rebus fuit ratio literis tradita: aut maiestate motus au=  
 toris, non putet indecorũ facere, de quo is decorum sibi  
 scribere existimasset. Nam Claudius Cæsar de aleæ lu=  
 do librum edidit: quo studio delectari solent qui sunt in  
 hoc unum diligentes, ut omnem substantiam negligãt,  
 aut certè ut uniuersum uitæ tempus amittant. His au=  
 tem quibus literarum studia uoluptati sunt, uarietas  
 lectionis solatium asferet, nouaq; lectio ueteris fastidiũ  
 tollet. Interdum tamen etiam opus est prorsus, ut ui=  
 detur,

detur, nihil agere, omninoq; opere uacare, ut sufficere demum operi laboriq; possimus. Nam qui semper inattentissimus est neruus, nisi remittatur aliquando, rumpi solet: tametsi nullum est tempus laboriosius sapientis, quàm quo nihil agit, si modo potest sapiens nihil agere. Quosdam autem accepimus in hunc modum tempus distribuere solitos, ut per diem ac noctem tertiam partem somno permitterent, tertiam refectibus ac uacationi, reliquum liberalibus studiis darent: quorum ego nec damnare rationem satis audeo, neq; probare penitus possum. Id autem affirmare possum & audeo, eò minus elabi nobis ætatis, atq; hoc nos diutius uiuere, quò plus temporis bonis studiis mancipamus. Illud uerò de corporis cultu nunc postremum at-

Cultus corporis

tingamus, ut sit decens, neq; nimium exquisitus, neq; prorsus neglectus, sed cum rei, loco, tēporiq; tū maxime personæ cōueniat. Neq; enim scære in literatoria schola coronatū, aut subducta ueste cōuenit, aut in certamen armorum fluxa toga, manu \* prodire: nec uerò principis filiū æquè cū plæbeio, uili sordidaq; uti tunica, aut trita chlamyde se præbere spectandū. Nisi autem cultus uenustatisq; cura, muliebrem animū designat, & multæ uanitatis argumentum est. Indulgenda sunt tamen adolescentibus quædam, neq; omnia eorum peccata seuera sunt animaduersione punienda. Nisi enim ex parte aliqua inuentutē expleuerint etatis illius

Epilog. tis illius uitia, conferent in senectutem. Hæc ego ad te  
 V BERTINE scripsi, ut sum in initio pollicitus, non  
 tã ut cõmonefacerem quid fieri à te oporteret, quã ut  
 te ipsum ostenderem tibi: qui si naturam sequeris, nihil  
 monitore opus habes ad summã uirtutem obtinendã.  
 Nisi enim à te ipso deficias, præclara de te omnia pol-  
 liceri indoles tua uidetur. Laudes aut si quas tribue-  
 re tibi sum uisus, ita à me uelim accipias, ut magis il-  
 las calcar ad benefaciendũ existimes, quã benefactorũ  
 præmium esse. Adniti igitur summis uiribus te conue-  
 nit, ut cum te præstes uirum, qui his tam generosis ado-  
 leſcentiæ tuæ primordijs dignè respõdeat, ne aut tu na-  
 turæ muneribus malè usus, aut illa in te tam egregia in-  
 dolēs mētita uideatur: neue ego (si quid mea causa tã-  
 geris) aut falsus de te uates, aut uanius prædicator ex-  
 ñterim. Si probè itaq; gesseris, habebis quidẽ ab omni-  
 bus præsentem laudem: à me uerò etiam literis, si qua  
 nobis eiusmodi facultas erit, posteritati cõmendabere.  
 Si minus, unus ero qui audeã planè dicere, idq;  
 palàm fateri, nihil tibi nisi te ipsum ui-  
 deri defuisse.

F I N I S.

## THEANVS PYTHA

GORICÆ DE EDVCATIO-

ne liberorum Epistola, è Græco Latini-  
tate donata.

THEANO EVBVLÆ S.



VDIO te delicatam & luxu: io-  
sam quandam rationē in educan-  
dis liberis tenere. Ad officium uc-  
rò matris pertinet, non ut ad uo-  
luptatē suos liberos assuefacio;

sed ut ad temperantiam modestiamq; instituat. Vi-  
de igitur, ne non amanti, sed adulatricis partes a-  
gās. Nam educata simul cum pueris uoluptas, in-  
temperantes & prodigos reddit. Quid enim ado-  
lescentibus suauius aut iucundius, consueta uolu-  
ptate? Quātibrem amica, prouidendum est sum-  
mopere, ne educationem liberorū in seductionem  
conuertās. Seductio uerò & peruersio naturæ est,  
cum ad uoluptatis amorem animi, corpora ad libi-  
ditē transferuntur: & hæc laborem fugiunt, illi  
molliciem amplectuntur. Sunt autem exercendi ad  
hæc dura & formidabilia liberi, ut cum dolor sit  
perpetiendus, aut lubeundus labor, ne his affectib.  
quasi serui subijciantur, & in uoluptatibus libidi-  
nosi, & à laborib. abhorrentes: sed ut omnibus uir-  
tutem & honestatem anteponant, atq; ab illis ab-  
stineant,

stineant, in his uerò permaneant: neq; in uicta ga-  
 losi et uoraces, neq; in uoluptatibus sumptuosi, &  
 in nimijs lusibus prodigi sunt efficiendi: neq; quid-  
 libet loquendi & omnis studij potestas eis est per-  
 mittenda. Præterea relatum est mihi, te metuere,  
 si flectant: & ad risum eos traducere conari, etiam si  
 nutricem percutiant, aut te perperam ridere di-  
 cant: & in æstate refrigeratione, in hyeme æstu so-  
 uere, multisq; delicijs, quarum imopes & egeni puc-  
 ri nullas experiuntur, & aluntur minore negotio:  
 neq; uerò minus crescunt, sed habent se longè me-  
 lius. Tu uerò quasi Sardanapali posteritatem libe-  
 ros nutris, & masculorum uigorem uoluptatibus  
 frangis. Quid enim faciendum sit illi puero, qui,  
 si non confestim ut libitum est edat, in fletum ac ge-  
 mitum erumpit: & si comedat, suaves tantum atq;  
 blandientes cibos querit: si sit æstus, tabe corripit-  
 tur: si frigus, contremiscit. si quis obiurget, repu-  
 gnat: si quis non ad uoluptatem omnia ministret,  
 indignatur: si non mundet, in iram concitatur: uo-  
 luptati turpiter indulget, & undiquaq; molliter  
 ac effeminate se gerit. Sed ô amica, scias, qui in pue-  
 ritia tam dissolute uiuunt, eos, cum ad uirilem æta-  
 tem peruentum est, mancipia fieri solere. Itaq; da  
 operam, ut eiusmodi uoluptates de medio remo-  
 ueas: atque ita duram acerbamq;, non teneram &  
 delicatam educandi uiam institue: & concede ut  
 famem

famem suamq; ferat, præterea calorem algoremq;:  
Erga æquales aut perfectos uerecundiam præ-  
stent. Sic enim ingenuitatem quandam in animi  
seu remissione seu contractione assequuntur. La-  
bores enim, o amica, sunt quasi præparationes  
quædam pueris, ad uirtutis perfectionem: quibus  
imbuti, quantum satis est, uirtutis tincturam faci-  
lius deinde ferunt. Quamobrem, o amica, dilige-  
tiam adhibe, ne quemadmodum uites quæ malè  
aluntur, fructu destituuntur; sic etiam liberi  
præ luxu, iniuriæ & uanitatis pluri-  
mæ uitiositatem pariant.

Vale.

V

FRANCISCO DO-  
NATO VENETIARVM PRIN-  
cipi, Iouita Rapicius S.



V A'M pulchrum ac præstabile  
Dei donum sit, Princeps bo-  
nus, ac Deo simillimus, princi-  
patus tuus FRANCISCE  
DONATE declarat. Nam,  
quum præclara tua ista Resp.  
adeo prudenter à maioribus sit constituta, ut  
nihil uel ad honestatem morum, uel ad uitæ  
commoda, uel ad tanti imperij dignitatē diu-  
tissimè conseruandam desideretur: plurimū  
tamen interest, qui princeps in ea sit: id' quæ &  
antea sæpe, & nunc maximè compertum est,  
Ac, ne uidear ex aliorum reprehensione lau-  
des tuas aucupari, præteritorum temporum  
incommoda libenter præteribo. Neque enim  
ea est aut bonitas, aut uirtus tua, quæ ad aug-  
mentum sui ullam cum alijs collationem re-  
quirat. Satis per se magna est, satis illustris.  
Te Principe, pax cum omnibus regibus ac na-  
tionibus ita confirmata est, ut Remp. tuam  
non diu modò stare, sed etiam florere omnes  
desiderent, & amicitiam ac societatem uestrā  
certatim petant. Neq; uerò minus memorabi-  
le illud tuum beneficium est, quòd quanquam  
proximis annis, nunc hyberna serenitas, nunc  
uerna



uerna temperies, nunc æstiuæ flagrantia, agricolæ labores adeò destituerit, ut aut nulla, aut certè modica frugum copia extiterit: tuo tamen consilio factum sit, ut hæc tam ampla ac populosa ciuitas, nullam toto principatu tuo annonæ caritatem senserit. Hoc autem anno, non solum Apulia, Calabria, Lucania, ac Campania, & Roma ipsa, incredibili fame laborat: uerùm Sicilia illa, propter soli fecunditatem, & frugum copiam. Cereris sedes quondā existimata, & à M. Catone uiro sapientissimo reip. Romanæ cella pœnuaria & nutrix plebis appellata, seipsam nūc alere nullo pacto potest: & quæ in alias orbis terrarum regiones fertilitatis olim dona diuidebat, ea hodie suæ plebis alimenta conquirat. At nos, in tantis aliarum regionum incōmodis, tuâ uirtute securi, nihil tale uel sentimus, uel timemus. Quanquam enim omnia paulo quàm uellemus sunt cariora, passim tamē uenalia deprehendas: & tam copiosa, ut quanta alibi inopia & caritas, tanta hic copia ac utilitas esse uideatur. Arque hoc totum prudentiæ, & authoritatis, & in patriam beneuolentiæ tuæ munus est: qui quasi tutelaris quidam Deus, ab urbe tua & bella procul arceas, & famem repellas. quod etsi omnes, quum principatum ineunt, promittere consueuerunt: nemo tamen te uno aut melius, aut constantius præstitit. Iam uerò quale illud est, quod te hor-

tante, pulcherrimum illud S. C. factū est, quo  
 is modus dotibus præscriberetur, ut neque  
 fœminæ se parum honestè dotatas queri pos-  
 sint, neque exhaustis ut olim patrimonijs, libe-  
 ri mares eò redigantur, ut ordinis sui dignita-  
 tem sustinere iux queant. Ac iam te auctore,  
 ætas nostra ita instituitur, ut posteris bene ui-  
 uendi exemplum, & præclarum ciuilis mode-  
 stia specimen relictura uideatur. Nam quid  
 dicam, quòd cum publicum literatæ iuuentu-  
 ris moderatorem ciuitas anxia quareret, nec  
 inueniret, te hortante, Ioannes Donatus, tum  
 reip. amantissimus, tum eruditorum omniū  
 fautor insignis, auocatū ex intima Hetruria  
 bene literatū hominem, honestissimo stipē-  
 dio conducendum curauit. Neq; uerò hic ste-  
 tit liberalitas tua: sed quum uideres urbem ita  
 latè patere, ut difficile possent adolēscētes è re-  
 gionibus tam longo interuallo distātib; in  
 unum auditorium facilè conuenire: atque in-  
 de fieret, ut maior pars nobilitatis incōmodo  
 illo deterrita, uel domi sederet ociosa, uel ijs  
 magistris uteretur, qui docere nō possent, me-  
 morabile illud S. C. uiro opt. & reip. amātissi-  
 mō Marino Iustiniano referente, faciendū  
 curasti: ut in singulis urbis regionibus, quos  
 ex numero Sexterios uocant, singuli bene  
 literati, cum suo quisque hypodidascalo ita  
 publicè conducerentur, ut uniuersa totius  
 ciuitatis adolēscētia, sine ullo incommodo  
habere

habere possit, unde bonis literis & honestis disciplinis fideliter imbuatur. quo nomine tibi, non nostra modò ætas, sed omnis posteritas debebit. Neque enim ijs modò qui nunc sunt, consuluisse contentus, curam tuam in futurum tempus extendis: ac, uentura etiam secula tuo beneficio liberaliter institutum iri desideras. Quæ tua in patriâ pietas, ita te omnibus amabilem reddit, ut nemo sit, qui pro salute tua uota non faciat: & qua parte potest, gratiam tuam promereri nō cupiat. Ego certè ad te colendū adeò sum incensus, ut iamdudum quæram, quid dicare tibi non ingratum possim. Itaq; quum proximè nactus essem librū plenum bonæ frugis, quem de erudiendis publica cura liberis, IOVITA RAPICIVS, iampridem ad amicam sibi ciuitatem, magno & ingenio & arte conscripsit: sed, ut est ab omni ostentatione alienus, nunquam edidit: continere me nō potui, quo minus cum mea cura impressum, tibi dicarem: ratus, non tibi modò, sed uniuersæ ciuitati, uel propter hoc ipsum fore non ingratiū, quòd ad instituēdos in urbis Sextantibus ex S. C. ludos literarios, perquàm est accommodatus: atq; ijs apprimè utilis, qui liberos suos honestis disciplinis ad humanitatē informari desiderāt. In hoc enim libro exq̃sita quædā ratio ac uia atq; impensa ostēditur, qua lōgè minori parentū molestia,

maiori ac certiori docentiū quæstu, leuiori ac breuiori discentium labore, ad bonā frugem possint ingenia perducī. Hanc uiam si ciuitas semel fuerit ingressa, nihil uereor quin semper teneat: & ex ipso liberorum suorum profectu, tum utilitatem libri, tum prudentiam scriptoris agnoscat. Tu uerò Princeps illustrissime, quicquid est hoc munusculi, quando maiora præstare nondum possum, non inuitus admittes: & me, qui te ex animo ueneror & obseruo. in tuorum numero habere non grauaberis.

IOVITAE RAPICII DE  
LIBERIS PVBLICE AD HV  
manitatem informandis,

Liber.



**E**X ijs rerum principijs, quæ à Pythagora Samio posita sunt. M. Varro omnia firè quadripartita esse, atq; ea æterna, collegit: quòd & tempus, quo quid agatur: & locum, ubi agatur; & cum qui agat, & rem ipsam qua de agitur, esse oportet. Itaq; in ijs libris quos de rerum uocabulis conscripsit, ab hac diuisione sibi discedendum non putauit. Quem nos secuti, ea quæ ad literarium ludum instituendum pertinere arbitramur, in has ipsas quatuor partes ita distinximus, ut de loco, ac tempore, personisq; ac earum officijs, quæ ad hoc institutum uel necessaria sunt, uel utilia, qua potuimus diligentia tractaremus: ut ex ijs, quàm facile sit adolescentium studia in melius mutare, omnes intelligant.

DE LOCO.

**A**C de loco quidē possumus illud Comicum paucis immutatis dicere:  
De uestris magnis atq; amœnis mœnibus,  
Per paruam partem uestri poscunt liberi.  
Vt qui non ciuibus modò, sed externis etiam, ac peregrinis,

regrinis, tum ad commercia, tum ad spectacula & ludos publicos, tot fora, tot publicas areas, tot plateas patere uoluistis: singula saltem in singulis urbis regionibus, ad honestarum artium studia, liberis uestris loca aperiatis, atq; illa tamen neque magnifica neq; sumptuosa, sed pro multitudine capacia: & in ea regionis parte, quæ aut omnibus, aut certè plurimis sit aditu cōmoda. Saluber autē in primis sit locus, atq; ad eam cœli partem conuersus, quæ noxios uentorum afflatus nō excipiat, solemq; plurima diei parte admittat, ne tenera atque ociosa corpora, loci uitio in morbos incidant. Multum etiam luminis habeat, tum ne cui uel legentium uel audientium impedimento sit obscuritas: tum ne aut discantibus, aut magistris molesta sit diuturnior in eodem loco mora. Distinguatur autem suis membris, ita ut omnia aptè fieri possint: nec quicquam sit, quod discantium intentionem possit impedire. id quod plerunq; solet accidere, ubi numerosa & confusa multitudo in angustū coit, & alij aliorum uel prospectui officiunt, uel auditui. Habeat ergo auditorium pro multitudine capax, ubi uel declamanti, uel prælegenti Grammatico ac Rhetori, honestus ac sublimis suggestus extruatur: ut & magister, inde discipulorum intentionem ac motum obseruet, & ipse facilius possit ab omnib. audiri. Nec procul ab auditorio sit Bibliotheca

bibliotheca cōmunis, quæ optimis quibusq; libris, uel ex collaticia stipe, uel ex legatis, si qua obuenerint, paulatim repleatur, ut & magistri & discipuli, si quid secretius erit fortasse requirendū, bonorū auctorum supellestilē paratam habeant. ita uerò custodiantur, ut auferri omnino non possint, sed posteris diligenter seruari relinquuntur. Sint autē & pro discipulū numero cellæ, quæ cū suo singulæ hypodidascalo pueros duodenos, uel paulo plures faciliē capiāt. Nec desit locus, quo ad secreta naturæ secedere liceat. Curandū autē, ut nonnihil aquæ uel importatæ, uel in cisternam collectæ locus habeat; neq; ibi desit, qui atramentum, chartas ac calamos uenales habeat; omnia deniq; quæ uel necessaria ad scribendū sint, uel quæ alia aliqua honesta causa auocare pueros ab officio possint. Atq; hæc omnia in faciē monasterij, parietū ambitu ita cōcludantur, ut unus tantū exitus patēre possit. Ianua uerò ipsa præscriptis horis ita aperitur & claudatur, ut neque ab ortu solis, quò esse eundū ad magistros Platon ostēdit; neq; post prandiū, ultra sesquihorā, dū discipuli expectantur, aperta sit. per reliquā diē, nisi cū omnes dimittuntur, nemini exire liceat: si qui tamen ingredi uoluerint, admittantur, sed cū aliqua negligentiae ac desidiae nota: quæ ne impunita trāseat, nō desit qui singulos eo modo notet, quo in tēplis canonici notantur, quum ab aliqua diuinorum officiorum

officiorũ parte abſuerint. Pœna autẽ, aut multa, parentum arbitrio relinquatur. Adcò maturẽ autem dimittantur, ut ualeitudinis ratio non neglecta fuiſſe intelligatur.

#### DE PERSONIS:

Ac primũ de moribus Magiſtrorum.

**E**T quoniam de loco ſatis uidetur dixiſſe, ſuper eſt ut de perſonis dicamus. Primũ ergo, ne quid tradatur, quod poſtea de diſcendum ſit: iſ præceptor eligatur, qui & doctrina, & honeſtæ uitæ exemplo, diſcentibus proſit. & quia prior eſt ratio morum, quàm eruditionis aut eloquentiæ: in eo exigitur, ne iracundus ſit, ne ue imprudens, ſed bonitate præcipua, ac prudenti maturitate laudabilis, manſuctuſq; ac patiens: ut imprudentiam atque arrogantiã adoleſcentum, ſi expedire illis iudicauerit, æquo animo ferre poſſit. Verũ manſuetudini etiam ſeueritas admiſceatur, ut proteruientes interim coerceat: neq; id tam ſæpe uerberibus, quàm uerbis. Quod facilẽ conſequetur, ſi plurimus ei de honeſto ac bono ſermo ſit. Nam quo ſæpius monuerit, hoc rarius caſtigabit. & præſtat cauere, ne peccetur: quàm, ubi peccatum fuerit, punire. In docendo aſſiduus potius ſit, quàm immodicus. conſulentibus libenter reſpondeat: non interrogantes, ipſe ultrò percunctetur. In laudandis diſcipulorum diſtionibus, nec malignus ſit,

nec



nec effusus: dissidentium autem controuersias, iudicij seueritate dissoluat. Habeat & lōgam docendi experientiam. nēue negligēs, nēue arrogans sit. nam neq; inexpertus rectē docuerit: neq; negligētia illuc admiittenda, ubi raros etiam assidua diligentia fructus solet asferre. Arrogantia uerò nihil penē inuenias in eo genere hominum perniciosius: quippe quæ & pauperes adolescentes deterret, dum se contemni existimant: & diuitibus molesta est, qui eam in magistro oderūt. Huc accedit, quòd arrogās parum fideliter docet: ut qui per sepe non solum credat, sed & iactet, ea se scire quæ nesciat: atq; (ut Horatius ait) Nescire, pudēs prauè, quàm discere malit. itaq; imperitiā suā miseris adolescentib. subinde inculcat: & ne parum multa scire uideatur, quæ nescit docet: tum quod semel quamlibet imperitè dixerit, pertinacissimè defendit. Deniq; si fieri poterit, & his & omnibus alijs uitijs careat. Sin autem excidi penitus uitium iræ, cætera item nequeāt, stultis hæretia. & (quod idē Flaccus ait) iuijs nemo sine nascitur: optimū cū existimemus, qui minimis urgetur: et cū uitijs bona cōpensamus. Ac de his q̄ ad mores pertinet, hæc satis sint: dū intelligatur, hæc in omnib. qui doceāt, requiri.

## De doctrina eorundem.

**Q**Uod uerò ad doctrinam attinet, illud meminisse oportet, eruditiss. statim præcepto  
ri

ri tradēdos esse pueros, optimisq; statim imbuen-  
dos, quòd magna in eluendis, quæ semel infederint  
uitijs, difficultas consequatur: cū geminatum onus  
succedentes premat, et quidem dedocendi grauius  
quàm docendi. Proptereaq; legimus, Timotheum  
egregium musicum, duplices ab ijs quos alius insti-  
tuisset, solitum exigere mercedes, quàm si rudes tra-  
derentur. neq; id sanè mirandum, cum ratio in do-  
cendo plurimum ualeat, quæ doctissimo cuique ple-  
nissima sit: ac nemo ita in maioribus emineat, ut  
cum minora deficiant. Verum, quoniam difficile  
est habere eruditum, qui contentus sit ea mercedū  
tenuitate, quas modicus numerus exhibere consue-  
uit: illud adhiberi temperamentum potest, ut unū  
aliquem in singulis regionibus habeatis, qui ea om-  
nia, in quibus exactiore doctrina & secretiori-  
bus literis opus est, omnibus sufficiat, ac matutino  
tempore in totum diem opus ordinet: in his maxi-  
mè, quæ eam conditionem habent, ut eadem uoce  
ad omnes simul perferri possint: in quibus, ut sol u-  
niuersis idem lucis calorisq; largitur, ita unius re-  
ctè docentis uox quamlibet magnæ multitudini a-  
deo satisfacit, ut quanto plures audierint, tanto ple-  
nius & uberius fluat oratio. Quippe dicentis ani-  
mus facilius afficitur, & imagines concipit, trans-  
formatq; se in eorum de quibus loquitur naturam,  
ubi is qui dicit, frequentiore corona stipatū se gau-  
det: habitum deniq; & uocem atq; incessum, &  
totam

totam pronunciationem artificiosius moderatur, magnumq; aliquid facere semper desiderat. Quæ uniuersa, quo maiore cura fiunt, eo plus utilitatis afferre discantibus consueuerunt. Quod uerò spectat ad ea quibus numerus obstat, ut ad audienda red dentium dictata, ad dignoscendas orationis partes, ad interrogandum de singularū accidentibus, tum quomodo inter se aptè cohæreant, ad inculcandos discantibus canones: hic iam necesse est, plures adhiberi, quorū tamen singulis nolim amplius quindenos cōmitti. Vix enim fieri possit, ut pluribus unus satisfaciatur: quin (ut ego arbitror) ne istis quidem satis cōmodè suffecerit, nisi hic quoq; sibi adiutores asciuerit, ac XV illos in tres saltem partes diuiserit, & in singulis quasi quosdam præfectos constituerit, qui infirmioribus non hortatores modò, sed & adiutores operis se præsent: atq; illud curent, ut omnes quanta fieri potest intentione discant, simul & doceant: neq; ex toto numero quisquā sit, qui aut discendi aut docendi laborem detrectent. Et in his quidem nihil necesse est remotiores literas requirere: satis sit, si methodicè teneant, nihilq; quod uitiosum sit tradant.

## De Tempore.

**T**Empus autem, quo nihil esse debet carius, summa diligentia distribuatur. Ac primo statim mane in suas cellas distributi, pro suo quisq; captu ac memoria ediscāt, quæ pridie à principe magistro

gistro prælecta atq; enarrata fuerint. Tum, non cursim, neq; properanter, sed distinctè, atq; adhibitis affectibus, ei recitent, cui priuatim commissi sunt: nec quisquam omnino ab hoc onere eximatur. Hoc ubi factum fuerit, inducantur cum modesto silentio in auditorium: in quo, pro ætatum gradibus subsellia ita oportebit esse distincta, ut alia pueris, alia adolescentibus, alia prouectioris ætatis hominibus assignentur. Vbi uerò quantum satis esse uidebitur, iam audierint, in suas quique cellas reuocentur. Et quæ audierint, relegant omnes. Ac primum quidem hypodidasculus, mox uerò tres illi præfecti, summo reliquorum omnium silentio repetant, quæ audita sunt: Et si fieri potest, apertius enarrent: eos deinceps tota decuria, labore tamen in partes sorte distributo, sequatur, ut non quilibet omnia, sed omnes omnia reddant. quod ubi factum fuerit, dimittantur, atq; illis tantum à schola abesse permittatur, quantum satis esse uidebitur ad curam corporis: idq; si fieri poterit, præscribatur, atq; interim aperta ianua expectentur, ac sine ulla nota intromittantur. Postquam redeundi hora ab erit, ianua ita claudatur, ut adhuc quidem admittantur: sed pro portione temporis, quo aberrarint, uel leuior uel grauior nota intur: idq; ipsum etiam manè fiat. Vbi autem redierint, componant omnes aliquid, uel proposita à magistris,

à magistris, uel per se inuēta materia: ac nemo sit, qui de ijs quæ ad puritatē latini sermonis attinēt, nō & à magistro primū diligēter interrogetur, & mox à quatuor saltem condiscipulis, si tot habuerit in sua cella superiores: tum quicquid scripserint, ita emendetur, ut nihil contrā dicendi aut scribendi rationem illis permittat. in uersibus pedes, iuncturæ, metra, atq; incisa: in orationibus compositio, numerus, totumq; artificium, qua poterit cura exploretur, et à discentib. exigatur. Mox ad uesperā rursus in auditorium cōuocentur, & rursus quantum satis esse uidebitur audiant, ac tum demum dimittantur. Domi uerò ab autumnali æquinoctio, ad uernum, quamplurimum poterunt noctis assumēt: nec ijs quæ interdū audierint, contenti erunt: sed ex assidua bonorum poetarum ac scriptorum lectione, copiam sibi rerum ac uerborum comparabunt: & parētibus atq; agnatis, quos hoc toto tempore custodes esse oportebit, diligētiā suā probabunt. Atq; hic ordo profectis omnib. diebus seruatur. Illud unum mutetur, ut diebus Veneris mane, nihil nisi rhetoricum aliquid & ethicum, in publico auditorio prælegatur. Reliquum tempus ediscendis his quæ per hebdomada audierint, permittatur: coganturq; omnes sine scripto recitare, tum uersus, tum solutam orationem, & canones tum grammaticos, tum rhetoricos, quos præcedentibus diebus audierint. quod ut fieri commodius

poſit, & una hora maturius accedant, & ſeſqui-  
 hora tardius conſueto contineantur: atq; ubi de-  
 mum, uel iam planè omnes, uel certè plurimi huic  
 officio ſatiſfecerint, dimittantur: ſtatimq; à pran-  
 dio intra horam redeant. & ſi qui forſan nondum  
 recitarint, hi omnes à præſeſſo ſuo in angulum cel-  
 le retrudantur, & ediſcere compellantur, adhibi-  
 ta graui reprehensione: ac caſtigatiſ ijs, quos non  
 tam uitio memoria, quàm deſidia laborare perſpe-  
 xerit. Vbi iam omnes recitarint, rursus eadem illa  
 omnia per partes quiſq; ſibi adſcriptas ita relegât,  
 ut ſenſum expriment, & ſe intelligere quæ edidi-  
 cerint, periculo factò doceant. Eo die nihil compo-  
 nant, ſed quæſtiones ſcribant, tum grāmaticas, tum  
 rhetoricas: & plurimas uel gloſſas, hoc eſt ſecre-  
 toris linguæ interpretationes, uel ſynonymias col-  
 ligant, & ediſcant: quibus, quaſi quibuſdam ar-  
 mis inſtructi, poſint, ubi opus fuerit, in certamen  
 aduerſus æquales deſcendere. Ad ueſperā demum  
 reuocentur omnes in auditorium, atque ibi ſaltem  
 duo ex eruditioribus declament, & progymnaſma  
 aliquod pronuncient, actionemq; quanto poſint  
 artificio commendent. Deniq; eo die una hora tar-  
 dius dimittantur, Sabbathum ita diſtribuat, ut ma-  
 turius cubitu ſurgant: & id tempus, quod eo die la-  
 uando aut tondendo plerunq; abſumitur, non ſtu-  
 dio, ſed ſomno adimant. & quoniam eo die nihil  
 habent quod ediſcant, ſtatim in duas quaſi acies

non numero solum, sed & viribus quàm maximè fieri poterit, pares secedant, & in literarium certamen descendant: tum qui ex eo congressu superiores discefferint, præmium ferant, chartam, calamos & atramentum: quæ omnia emantur ex multa eorum, qui per hebdomadem latinè in suis cellis locuti non fuerint, aut aliquid leuiore nota dignum admiserint: statimq; ab ea disceptatione in auditorium conuocentur, & ex consuetudine audiant. nonnihil tamen eo die breuiorem esse uelim in dicendo magistrum. A prandio autem una hora serius redire permittantur, & quæ fieri eo die solent, exequatur. Ad uesperam tamen nihil publicè enarretur: sed conuenientibus omnibus magistris in auditorium, aliquis è prouectioribus discipulis conclusiones saltem quinque defendat, tri-duò antè in publicum emissas. Arguētium numerus atq; ordo, prudentiæ præfectorū relinquatur, dum tamen singulæ cellæ, saltem singulos ad contradicendū emittat. Diebus aut festis, quorū appellatione hi demū intelligantur, quos Ecclesiasticæ cēsuræ edicto celebrare cōpellimur, primo mane in auditorium cū magistris cōueniant, ubi aliquid è sacris literis audiat & ediscat: ut iam inde à teneris Christiana pietate & religiosa simplicitate, nō à parentib. tantū, sed à magistris quoq; imbuatur. ac si fortè sacra ad populū cōcio habebitur, audire cōpellantur.

latur: nec prius discedere illis permittatur, quàm orationi finis fuerit impositus. Ad uesperâ quoq; inclinâte iam sole, in auditorium onnes cõueniant, atq; ibi tres saltẽ conuocatis amicis & agnatis, periculum sui faciant, se in dicendo exercentes: materia autem sit, laus aut uituperatio, suasio aut dissuasio, aut unum aliquod è præexercitamentis: nec tamen recitare qualibet permittamus, sed ea tantum, in quibus non ingenium solum, sed ars etiam ac diligentia appareat. Deniq; labor hic, quasi in orbem actus, per singulas hebdomadas redeat, nec detrahi quicquam liceat: adijci autem, & in melius mutari aliquid, semper de consilio collegij possit. Verum quia nihil est quod assiduum laborem perferre possit, & sensu etiam carentia, ut seruare uim suam possint, alterna requie indigent: concedamus modestas remissiones, ne aut odium studiorum faciant negatæ, aut otij consuetudinem nimia. Distribuantur autem per anni tempora in hunc modum. Videlicet,

In natali D. N. Iesu Christi,

Dies XV.

Ante diem primum ieiunij,

Dies VII.

In Paschate,

Dies XV.

In Pentecoste,

Dies VI.

Per æstus caniculares, Dierum singulorũ hora I.

In uindemia,

Dies XX.

DE



## DE OFFICIO MAGISTRI.

**Q**Uanquam uerò de actionibus seu officijs, quod in promissis nostris quartum fuit, multa aliud agentes, et propè inuiti presumpsimus, quòd neq; locus, neq; personæ, neq; tempus, sine aliqua actionum mentione describi rectè poterant: nunc tamen ea de re planius et distinctius agemus, ac primum de officio eius magistri, quem præesse alijs uolumus. Is igitur, quicumq; ille fuerit, pueris, quæ maximè ingenium alant, atq; animum augeant, interpretetur: ut Virgilium, et si quem Virgilij similem iudicarit. atq; inter legendum diligenter admoneat, quæ barbara, quæ impropria, quæ contra loquendi legem sint: non ut poetas improbet, quos metri necessitas excusat, sed ut artificij commoneat. Demonstret etiam, quot quæq; modis possint intelligi, et uocum minus usitatarum significata diligenter exploret, ac ueterum auctoritate cõprobet: tum summa cura tropos omnes, et utraq; schemata doceat: quâdo his non solum poemata, sed orationes quoq; exornantur, et tum uerborum tum sententiarum copia non me liocris inde cõparatur. Infigat aut animis, quæ in poematum æconomia uirtus, quæ in decoro rerum, quid personæ cuiq; cõueniat, quid in sensib. laudandum, quid in uerbis, ubi copia probabilis, ubi modus. Historias et ritus ueterum diligenter explicet, atq; in eo maximè

uigil sit, ut aliquid, si fieri poterit, ex ueterum lectione eliciat, quod non modò linguam, sed etiam animos pueriles expoliat. Illud in primis uideat, ne quid unquam mentiatur: sed quæ nesciuerit, exquirenda auditorum ingenijs & diligentiae permittat. sæpe enim aliqua nesciendo plus etiam profuerit, dum ea ingenuitate animos curiosè discentium ad inquisitionem excitat. Tum, quoniam rhetores, partes suas relinquendo, grammaticis necessarias fecerunt, fabulas puro sermone narrare, uersus dissoluere, & mutatis uerbis interpretari: mox eosdem paraphrasi audacius uertere, & saluo sensu poetæ, breuius aliqua dicere, alia rursus latius exornare doceat: tum uerò chrias, sententiasque & allocutiones, & uniuersa quæ progymnasmata dicuntur, tradat. Immodò uerò, quoniam iam consuetudo obtinuit, ut literati homines non solum grammatici, sed rhetoris etiam onus subire compellantur, laudandi & uituperandi opuscula, prosopopœasq; & suasorias doceat, atque ad forenses etiam materias adolescentes præparet: tum explicandis questionibus poeticis, tum uerò maxime tractandis locis communibus, legumque laude ac uituperatione, atque ijs propositis, quas theses uocant, exercere illos nō desinat. Quemadmodum uerò quasi grammaticus poetas enarrat, ita ut rhetor historicos atq; oratores interpretetur: neque  
 contentus

contentus sit uerba modò & sensus enarrare, uerùm demonstret uirtutes & uitia, si quando inciderint. In orationibus exponat primùm causam, in quam scripta legetur oratio: tum uigilanter exploret, quæ in inuentione atq; ordine, quæq; in elocutione laude digna. In proœmijs, unde beneuolentia, docilitas, atque attentio sint comparatæ: an narratio breuis dilucida, quæ sit, ac uerisimilis. quod consilium, quàm occulta calliditas, quanta in diuidendo prudentia, quàm subtilis argumentatio, quàm iucundè permulceat, quàm asperè maledicat, quàm iocetur urbanè, ut affectus moueat, ut animos audientium similes ijs quæ dicit efficiat. In ratione autem dicendi exponat, quæ propria, quæ nouata, quæ prisca, quæ prudenter translata, quæ uerborum, quæ sententiarum lumina, quæ laudabilis iunctura, quæ uirilis compositio, quæ blanda concinnitas, qui lenis numerus. Tum uerò nihil in tota oratione otiosum esse ostendat, sed omnia ad uictoriam summo artificio atque ingenio esse directæ. Nusquam denique non uigil atque oculatus sit. In historijs quoque enarrandis pari diligentia utatur: neque artem modò dicendi excutiat, quæ nō solum in concionibus, sed in ipsa etiam dispositione atque progressu maxima est. Num Thucydides atque Salustius ita crebri sunt rerum frequentia, ut uerborum propè numerum

sententiarum numero consequantur: ita porro uer-  
 bis apti & pressi, ut nescias, utrum res oratione,  
 an uerba sententijs illustrentur. Herodotus au-  
 tem, ac Liuius miræ in narrando iucunditatis, cla-  
 rissimi candoris, lactea quadam hubertate ita flu-  
 unt, ut omnia tum rebus, tum personis accommo-  
 data dicantur. Sed etiam quia nihil aliud est hi-  
 storia, quàm testis quædam temporum, lux ue-  
 ritatis, uita memoriæ, magistra uitæ: ostendat, a-  
 liorum exemplo, quid maximè sequi, quid fuge-  
 re omnes homines deceat. Inter enarrandum ue-  
 rò dicat, non tam quæ speciosa, quàm quæ utilia:  
 atque id uel in primis curet, ut si fieri potuerit, a-  
 liquid semper non solum ex historia, sed ex toto  
 sermone, ad mores excolendos auditor possit ex-  
 cerpere. In his autem quæ ad doctrinam attine-  
 bunt, id temperamentum seruet, ut nullum sit aut  
 tam robustum, aut tam imbecille ingenium, quod  
 non inde aliquid ad se alendum trahat: sed in co-  
 dem quasi prato (quod ille ait) & bos herbam, &  
 canis leporem, & ciconia lacertā inueniat, & uir-  
 go florem legat: nec quisquam inde ieiunus, nisi  
 sua culpa, abeat. nec tamen omnia ubique dicenda  
 existimet, sed ea demum dicat, quæ ei loco, qui in  
 manus inciderit, rectè sint accommodata. De-  
 niq; non solum in historicis, sed in omni genere  
 scriptorum ea uel prima cura sit, ut sensus quàm  
 cla-

clarissimè, et subtilissimè eliciat, et ex multa ac uaria lectione ueterum & doctorum non tam congesta quàm electa in medium afferat: atq; ut aliquando finiam, quàm maxima poterit cura, autores omnes euoluat, & inde discat, quæ tradenda erunt: atq; ipse unus plurimum labore, ne omnibus laborandum sit. Tum noua discendi inuitamèta excogitet, uel ab alijs excogitata in usum deducat: qualia multa & apud M. Tullium, & apud alios rhetores facillè inueniet. Præfectos cellis quasi collegas ac fratres obseruet: discipulos omnes quasi filios diligat: eaq; illi præcipua cura sit, ut nō solum ipse doceat, sed alios etiam tum ad docendū tum ad discendum hortetur atq; impellat.

## De officio hypodidascali.

**H**ypodidascalus uerò, fidei ac curæ suæ commissos compellat primo statim mane, tum ex poetis, tum ex oratoribus, qui pro tempore enarrabuntur, quantū eorum ferre memoria poterit, tantum ediscere, ac sibi reddere. sic enim & memoriam exercebunt, & assuescent optimis, semperq; habebunt intra se, quod imitentur atque abundabunt copia uerborum optimorum, cōpositione ac figuris iam non quæsitis, sed sponte & ex reposito uelut thesauro se offerentibus. Inter audiendum autem, si qua uitia sunt oris, emendet: exigatq; acriter, ut expressa sint uerba, ut suis quæq; lite-

re sonis enuncientur: nec uerba in faucibus audiri, nec extremas syllabas interciderere permittat. literas ipsas neq; putidè exprimi, neq; negligēter obscurari patiatur. Verba neq; exiliter exanimata, neq; inflata & anhelata efferri permittat. meminerit à Cicerone culpari uocē muliebrē, aut extra modū absonā atq; absurdā & agrestē. Illud quoq; obseruandum erit, ut gestus ad uocē, uultus ad gestū accommodetur: ut recta sit facies dicentis, ne labra distorqueantur. nihil deniq; faciat puer, quod nō deceat: & iam tum discat, quo modo narrandū, qua auctoritate sua lendum, qua uoce excitetur indignatio, quo flexu miseratio moueatur. Deniq; eodē tēpore uocē, memoriā ac pronunciationem exerceat. Hoc ubi fecerit, ea quæ mox in auditorio erunt à magistro enarranda, ab uno aliquo in sua cella prælegi, & altā uoce reliquis silentibus pronunciari iubebit. Deinde omnes cum suis quenq; libris in auditorium inducet, summaq; intentione audire compellet: & cum illis ipse quoque diligenter audiet, statimq; ab auditione in cellā suos reuocabit, atq; ibi etiā clarius, & (ut aiunt) crassiore Minerva, quæ audita erunt, omnibus summo silentio audientibus repetat. Postea autē è singulis decurijs singulos eligat, qui ipsi quoque alijs silentibus eadē illa dicta summa cura reddant. mox rerò distributo, atq; ideo leuiori labore, singuli singula: dummodo incerti

certi semper sint, et putent omnia ad se pertinere, nec prius quid reddere debeant intelligant, quam illis ducta sorte obtigerit, ut hæc ipsa incertitudo eos semper sollicitos habeat, cogaturq; nihil omnino non intelligere, quum sciant nihil esse quod non sorte quadam contingere sibi possit. Hoc pacto fiet ut ex audiendi & studendi diligentia nihil discantibus pereat, et multum superflui laboris magistro adimatur. atque hæc quidem prædium præcedant. Statim autem à prædio quam diligentissimè poterit, nomina ac pronomina uerbaq; & participia omnia quæ in uersibus manè enarratis fuerint, à discipulis declinanda curabit. In his uerò partibus quæ declinationem non recipiunt, significationes, differentias atque accidentia omnia à discantibus exiget, distributo pro numero uersuum ac uocum in omnes labore. Syllabarum quoque ac pedum, & metrorum ac uersuum rationes et proprietates, eodem modo reddi sibi postulabit: quas iam inde à prima ætate notissimas fieri pueris, erit utilissimum, tum propter poemata, tum propter oratoriam compositionem. Inter hæc autem orthographiam quoque docebit, in his maximè dictionibus in quibus facile labi posse scribentem animaduertit. Nec quicquam omnino negliget, quod prodesse discantibus existimet. Neque uerò ambitiosa festinatione à posterioribus incipiat, ne dum ostentare pueros circa speciosiora mauult,

mauult, compedio ipso moretur. Dignoscere ergo nomina à uerbis, & utraq; optimè declinare doceat. nec uerò contentus sit, ea quæ analogæ erunt, tradidiſſe: ſed omnia planè, quæ in nominibus heteroclitæ, in uerbis anomala atq; defectiua dicuntur, ſumma cura oſtendat. Tum in nominibus, quæ propria, quæq; appellatiua, quæ per ſe ſubſtant, quæ ſubſiſtentibus adiſciantur, quæ antecedentia, quæ relatiua ſint, quo nexu adiectiua ſubſtantiuiſ, relatiua antecedentibus, recti caſus uerbis iungi ſoleant: eorum etiam uerborum, quæ actiua, quæq; paſſiua appellantur, conſtructionem doceat: nec prius quenquam prouehat, quàm hæc in præoptu habuerit. atq; hic primus ordo ſit. Secundum uerò, neutra, communia, deponentia, atq; impersonalia conſtituent: quibus, eorum quæ frequentatiua, quæ meditatiua, quæq; inchoatiua appellantur, formationes atq; inclinationes adiſciende erunt: ne quorum conſtructionem diſcent, eorum originem ac figurationem ignorent. Tertius, participiorum conſtructioni diſcende, relatiuiſ & diſtributiuiſ nominibus, & aduerbijs tum temporalibus tum localibus (quorum pleraq; inde deſcendunt, & uerbis uel ſtatum uel motum ſignificantibus adherent) diligentius intelligendis, ac planè perſpiciendis deſtinetur. Quartus, nouem illas celebres deriuatiuorum nominum ſpecies, & eorum formationes



formationes ac constructionem discat. Quintus, metaplasmos ac tropos. Vltimus, schemata uerborum et sententiarum diligenter imbibat. Qui ordines, etsi nimis multi fortasse uideri possunt, mirum tamen est, quanto facilius literæ ita tradantur, quantumque animi hic ad superiores subinde ordines progressus, discentibus adijciat, dum partem itineris quam emersi sunt, leti respiciunt, et minus minusque in dies laboris superesse sibi letantur: neque statim nimia ac confusa operis mole deterrentur, sed diuisum in partes onus maiore fiducia suscipiunt, ac minori labore perferunt. Videat ergo, ne quid præposterè doceat, ordinemque tum in omnibus rebus, tum in hac maxime utilem esse existimet: nec ullum in superiores ordines uocet, nisi quem iam in inferioribus (quantum necesse est) didicisse perspexerit. Vbi uero hunc quasi orbem expleuerim, epistolas familiares texere, uersus facere, et imitari elegantiam ueterum incipiam. Non erit inutile, tractatus de Copia uerborum et rerum diligenter euoluere. Laurentium Vallensem, et si quos uel similes, uel meliores putarit, et quaecumque ad elocutionem uel oratoriam uel poeticam pertinent, attentissima cura perlegere, ac sibi suo quasi Marte opes orationis atque ornamenta comparare.

Neque tamen statim quasi iam docti dimittantur, sed adhuc in officio contineantur, et quæ didicerunt

dicerunt iterare, & alios docere compellantur: nē discāt pariter, ac doceant. Vt uerò in ordines quos superius attigimus, redacti, habeant semper aliquid quod agāt, diligenter excogitata, ac sua manu scripta themata singula singulis accommodata ordinibus statim à prandio exhibebit. Dabit autem operam, ne aut inania sint, aut sensu inepto, aut sermone insulso: sed aut historiam memorabilem, aut sententiam moribus utilem, aut fabulā, aut apologum, aut figuram aliquā, aut exquisitas difficultates contineant. quæ ut facilius ac cōmodius præstare possit, quicquid illi temporis à docendi labore superfuerit, id totum bonis autoribus euoluendis impendat: atque inde quasi quosdam flores sibi deliget, quos postea ad discentiū utile oblectamentum promat. Ea themata postquam omnes scripserint, et in Latinam linguam traduxerint, diligenter inspecta emendabit, & dictorum ac scriptorum rationem minutim ac subtiliter exiget, distributo in omnes respondendi onere. quod ubi per singulos ordines expleuerit, tū singula singulis longè breuiora dictata ex tempore proponat, et latina statim sibi ex tempore reddi postulet. Id ubi perfecerit, discipulorū inter se interrogationibus, quod tēporis superfuerit concedat. atq; ubi iam singuli quaternos (ut hodie uulgus loquitur) interrogarint, & rursus ipsi à quaternis interrogati fuerint, in auditorium omnes

res deducat, ac post auditionem tandem dimittat. Ipse etiam interdum aut declamando aut prælegendò, et publicè interpretando, sui periculum faciat, & noua discendi irritamenta pueris suggerat.

DE OFFICIO EORVM QVI  
hypodidasalum ad-  
iuuant.

**H**I uerò qui ab hypodidascalo adiutores assumpti fuerint, id sibi negotij iniunctum intelligât, ut magistro sint quàm maximo possint adiuumento: plurimùm discant, plurimùm doceant, ac quotidie singulos discipulos ac disputationes instruant: oratiunculas doctas quidem, sed breues tamen ac iucundâs, quibus in primo congressu utantur, suggerant: deniq; quaestiunculis atq; argumentationibus armatos in literarium certamen deducant. Id in publico auditorio ante pomeridianas prælectiones ita exerceatur, ut unus ex his qui sibi iam satis fident, omnium impetus sustineat. Tum qui in eo congressu strenuè se gesserit, à magistro primùm, mox ab omnibus collaudatus, dimittatur. Qui uerò aut metu, aut casu aliquo succubuerit, consolatorijs uerbis adiuuetur, & ad meliorem spem erigatur. At, qui per imperitiam, aut desidiam, succubuisse deprehendatur, uerbis seuerioribus reprehendatur: id quæ illi uel imprimis uitio uertatur, quòd incuria potius quàm

quàm ulla ingenij culpa in id dedecus incidere. Hoc autem quicquid erit disceptationis, intra secundam horam expleatur. tales deniq; se exhibeant præfecti isti, ut ab eis & honestè uiuendi, & libenter discendi exemplum reliqui omnes capiant.

### De officio educatium priuatim.

**S**ed ne ueterem illam consuetudinem, qua ducti quidam liberos in magistrorum conuictū à se procul ablegāt, penitus improbare uideamur: nonnihil etiam ea de re dicendum existimauius. Primum igitur optimum putamus, infirmam ætatem, & nulli non iniuriæ obnoxiam, in patria ac domi parentum cura ac custodia contineri. Vbi enim aut iucūdius morētur, quàm in patria? aut honestius cōtineātur, quàm sub oculis parentum? aut minore sumptu alantur, quàm domi? Quid? quod ad ciuitatis ornamentum uel in primis attinet, ut hic educentur, qui hic nascuntur: statimq; ab infantia natale solum amare ac frequentare condiscant. Neque uerò satis excogitare possum, quo nam pacto eos excusem, qui liberos eo tempore, quo maternis ac paternis officijs maximè indigent, à se abijcunt, & innocentes quasi quodam exilio damnant. Nam si educationis laborem fugiunt, quàm rectè faciant, ipsi uiderint. sin id manus quasi abiectum ac nimis humile aspernantur, uehementer errant: cum uiro bene instituto nulla possit honestior esse

esse occupatio, quàm ut quos in spem successionis genuerit, eos pie ac diligenter educet, patrijsq; ac domesticis moribus potius quàm peregrinis & alienis imbuat. Quod qui facere commodè potest, nec tamen facit, uel patrios mores & domestica instituta damnet, uel desidiam suam fateatur necesse est. Verùm quia non desunt, quos uel longa peregrinatio, uel negocia tum publica tum priuata iure possint excusare: aliquid de eo quoque dicamus, qui non erudiendos modò, sed alendos etiam alienos liberos suscipere instituerit. Is igitur quicumque fuerit, ante omnia præceptoris ac parentis animum induat: & quos in conuietum ac disciplinam receperit, eos natura quidem ac cognatione alienos, affectu uerò & cura plus quàm suos esse liberos existimet: & quæcunque superius à parentibus & magistris curanda diximus, tanto ipse diligentius curet, quàm laudabilior est in alieno negotio diligentia quàm in nostro: ac meminerit durissimam esse prouinciam, aliorum sobolem educare. Nam ut omnia sedulò faciat, uix tamen poterit effugere, quin aut auariciæ, aut incuriæ notam incurrat. Videat igitur, ut à periculis, quibus plerunque se ultrò puerilis ætas obijcit, eos defendat: ut deat ut intactos seruet, non solum ab omni uitio, uerùm opprobrio quoque turpi. Succisuias autem horas perire, ne utiquam patiat. Quin inter cœ-

quàm ulla ingenij culpa in id dedecus inciderit. Hoc autem quicquid erit disceptationis, intra secūdam horam expleatur. tales deniq; se exhibeant præfecti isti, ut ab eis & honestè uiuendi, & libenter discendi exemplum reliqui omnes capiant.

### De officio educatium priuatim.

**S**ed ne ueterem illam consuetudinem, qua ducti quidam liberos in magistrorum conuietiū à se procul ablegāt, penitus improbare uideamur: nonnihil etiam ea de re dicendum existimaui. Primum igitur optimum putamus, infirmam ætatem, & nulli non iniuriæ obnoxiam, in patria ac domi parentum cura ac custodia contineri. Vbi enim aut iucūdius morētur, quàm in patria? aut honestius cōtineātur, quàm sub oculis parentum? aut minore sumptu alantur, quàm domi? Quid? quod ad ciuitatis ornamentum uel in primis attinet, ut hic educentur, qui hic nascuntur: statimq; ab infantia natale solum amare ac frequentare condiscant. Neque uerò satis excogitare possum, quo nam pacto eos excussem, qui liberos eo tempore, quo maternis ac paternis officijs maximè indigent, à se abijciunt, & innocentes quasi quodam exilio damnant. Nam si educationis laborem fugiunt, quàm rectè faciant, ipsi uiderint. sin id munus quasi abiectum ac nimis humile aspernantur, uehementer errant: cum uiro bene instituto nulla possit honestior esse

esse occupatio, quàm ut quos in spem successionis genuerit, eos pie ac diligenter educet, patrijsq; ac domesticis moribus potius quàm peregrinis & alienis imbuat. Quod qui facere commodè potest, nec tamen facit, uel patrios mores & domestica instituta damnet, uel desidiam suam fateatur necesse est. Verùm quia non desunt, quos uel longa peregrinatio, uel negocia tum publica tum priuata iure possint excusare: aliquid de eo quoque dicamus, qui non erudiendos modò, sed alendos etiam alienos liberos suscipere instituerit. Is igitur quicumque fuerit, ante omnia præceptoris ac parentis animum induat: & quos in conuietum ac disciplinam receperit, eos natura quidem ac cognatione alienos, affectu uerò & cura plus quàm suos esse liberos existimet: & quæcunque superius à parentibus & magistris curanda diximus, tanto ipse diligentius curet, quãto laudabilior est in alieno negotio diligentia quàm in nostro: ac meminerit durissimam esse prouinciam, aliorum sobolem educare. Nam ut omnia sedulò faciat, uix tamen poterit effugere, quin aut auariciæ, aut incuriæ notam incurrat. Videat igitur, ut à periculis, quibus plerunque se ultrò puerilis ætas obijcit, eos defendat: ui deat ut intactos seruet, non solum ab omni uitio, uerùm opprobrio quoque turpi. Succisuias autem horas perire, neuiquam patiatur. Quin inter cœ-

nandum etiam aliquid quod delectet simul et proficiat: nunc ab hoc, nunc ab illo legi iubeat. Quod uerò ad uictum attinet, curet diligenter, non solum ne quid necessarium deesse uideatur, uerum etiam ne quid omnino quod stomacho, aut prosperæ ualitudini nocere possit, uel exhibeatur, uel permittatur. uictus neq; sordidus sit, neque luxuriosus: sed parcus ac mundus, & quam fieri poterit saluberrimus. Cubilia ad optimam cœli partem conuersa sint, lecti nulla contagione suspecti: tota denique supellex non tam preciosa quàm munda. Singulos singulis lectos tribui placet, nec ualde impares ætate in eodem loco uelim commorari. neque uerò aut nimio somno torpescere, aut immodicis uigilijs macerari corpora adhuc imbecilla patietur: sed ualitudinem uolet eū somno computari. Labores studiorum opportuna remissione leniet: & paternæ indulgentiæ seueritatem præcipientis ita miscebit, ut non minus timeatur quàm ametur. Si quid commissum fuerit, quod paulò seuerius uindicari oporteat, eos quos castigat, pueros esse cogitet: ac semper meminerit, sibi in liberum caput non cruciandi seuitiam, sed coercendi seueritatem legibus esse permissam.



## DE PAEDAGOGIS.

**V**erum quoniam nonnulli & paedagogos liberis adhibent, & cum illis eos in scholas mittunt, de eorum quoque officio aliqua dixisse non ab re fuerit. Primum ergo rectè loquantur, neque pueros sermoni, qui sit dediscendus assuefaciant: dent autem operam, ut quàm eruditissimi fiant, atque optimo sint alumnis exemplo: & quæ nescierint, nescire se meminuerint, neque cedere precipienti di peritis indigentur. Puerilem uerò lasciuiam ita coerceant, ut nec quasi quodam iure potestatis intumescant, nec imperiosi ac sæuientes stultitiam suam perdoceant: sed summa pietate commissos suæ fidei pueros non solum ab omni uitio intactos seruent, sed optimis moribus imbuant, infirmamque ætatē sedulitatis suæ officio quàm maximè fieri poterit adiuuent. In templa primum, mox in scholas deducant, seq; assiduos, ac propè inseparabiles illis custodes exhibeant: neque alumnos solum suos, sed amicos quoque, atque æquales eorum meliores faciant: nec solum ipsi doceant, uerum etiam operam dent, ut alumni quanta fieri poterit cura magistrum audiant, nihil denique si fieri poterit temporis perire patiantur.

## De officio discipulorum.

**V**erum quoniam nulla rectè coalescere doctrina potest, nisi sociata docentis ac discipulis

concordia: discipuli quàm maximè dociles se præbeant, ament studia, ac præceptores obseruent, parentes que eos non corporum, sed mentium credant: libenter illos audiant, dictis credant, illis esse similes concupiscant, in ipsos coetus scholarum læti conueniant, emendati non irascantur: ad superiores gradus non ambitione, sed doctrinæ meritis peruenire contendant: perpetuo studio magistris se carissimos reddant: latinè, & quàm possunt aptè, proprie que & eleganter loquantur: ac si quid in ea re peccarint, emendari se ab æqualibus æquo animo ferant, atque alios ipsi amicè & diligenter emendent. Et ut breuiter concludam, cum diligentissimè fecerint omnia quæ superius diximus, cum de officijs docentium tractaremus, secum ipsi Horatianum illud frequenter animo repetant: — Vitauit denique culpam, Non laudem merui. — Statuantq; sibi dies noctesq; laborandum esse, ut ad consummatam doctrinam atque eloquentiam perueniant: nec id turpiter desperent, quod comparari posse certum est. Quòd si ad summa peruenire non poterunt, pulchrum tamen esse meminerint, in secundis tertijsue constitisse: summis ingenijs admirationem, uenerationemq;, inferioribus autem in omni genere scientiæ meritam laudem semper contigisse.

## DE OFFICIO PARENTVM.

**H**ÆC locuti de magistrorum officijs, colligamus ea quoque quæ parentes maximè decet. In primis igitur munerini, non parui esse apud Deum meriti (ut ait Hieronymus) liberos bene educare, atque illis (ut Plato præcipit) non multum auri, sed multum pudoris relinquendum esse. Id uerò non tam uerbis quàm exemplo parari posse: & quia in pueris prudentiæ fons r.õdum perfectus est, ideoq; insidiosi, & bestiarum omnium (ut idem Plato ait) petulantissimi sunt, multis quasi frenis uinciendos curem. Itaque quum domi erunt, in officio eos contineant, ad pietatem & religionem maximè excitent, custodiendi in etate prima pudoris summam curam gerant. Videant ne quam flagitijs occasionem secreta præbeant, nèue inter malos & adulantes seruos conuersatio mores inficiat: ne mollior educatio nervos omnes & mentis & corporis frangat: nèue imprecatoria, nèue inhonesta & obscœna uerba illis impunè permittant: ne quid turpe aut uideant, aut audiant, ne ex his consuetudo fiat, atque ex consuetudine natura: ac demum soluti & fluentes mala ista in scholas afferant: neque se modò perditum eant, sed, quod pessimum est, alios etiam inficiant. Ingenium uerò, mores & naturam liberorum diligentissimè inspiciant atque explo-

Y 3

rent,

rent. qua parte peccent, qua laudem mereantur. Tum, quemadmodum si quando in morbos incidimus, solemus medico quantum possumus, & morbum ipsum, & morbi causas delegere, quo faciliores illi ad remedia inueniēda aditus præbeamus: ita præceptoribus, qua re maxime peccent liberi, ostendere non grauentur. Dent autem operam, ut præceptores ipsos in amicitiam, & quam maximam possunt familiaritatem uocent: sic enim consequentur, ut non officium solum, sed affectum etiam in docendo spectent. Neque tamen solam familiaritatem satis putent, sed destinatas illorum labori mercedulas, uniuscuiusq; mensis Calendis, etiam non appellati liberaliter mittant. Tum uero pro anni temporibus, crebris potius quam preciosis munusculis ad docendi sedulitatem inuitent: & ubicunque aut res magistri aut honor agetur, ibi se acerrimos protectores præsent. In primis autem quasi aduertos se existiment, ut dent operam ne quid minuatur de his quæ superius scripta sunt, ad dendumq; pro tempore melius aliquid semper current: neque quicquam quod ad hanc rem attineat, aut nimis magnum, aut nimis humile existiment: quum nihil esse possit ferè honestius, quam perficiendis excolendisq; hominum animis, quæ uera Dei templa sunt, operam impendere.

## DE OFFICIO PRAESIDVM.

**N**Eque uerò praesides ac principes ciuitatis eam curam neglexerint, quum intelligant, animi bona prima quæri in ciuitate bene morata oportere: omnesq; leges atque omnia instituta illuc tendere, ut uirtutes, proposito bonis præmio inducant: uitia, constituta malis poenæ ignominia, procul abigant. quod nulla facilius uia præstari potest, quàm si statim à pueritia ciuiũ animi ita excolantur, ut & uitiorum deformitatem abominentur, & honesti pulchritudinem admirati, auidissimè eam cõplectantur: quum præcipuè rectè uiuendi consuetudo in quandam quasi naturam transeat. Plurimum uerò bonas literas ad eam rem cõferre quis dubitet? quum ad omnes honestas disciplinas uiam muniant, nec solum intelligendi quæ ab antiquis scripta sunt facultatem suggerant, sed prædulci quadam illecebra sapientissimorum hominum sententijs atq; exemplis, rudes animos imbuant, uoluntatemq; ad ea quæ recta sunt dirigāt, & manu blãdiente deducāt. Ipsi ergo adhibitis in consiliũ optimis & doctissimis quibusq; uiris, præceptores eligant. Ipsi honesta moribus, doctrinæ ac labori uniuscuiusque præmia constituent. Ipsi, quos parũ utiles existimarint, amoueant: quorũ diligentiã atq; integritatē experti fuerint, maiorib.

subinde præmijs inuitent. Iidem uideant, ne quis  
maiore turba quàm ut ferre possit, oneretur. Vi-  
deant quantum doctrinæ, quantum diligentia,  
quantum ætati uniuscuiusque deferendum sit: at-  
que ut facilius intelligere omnia, quanquam alijs  
negocijs occupati possint, eligant ex patribus, aut  
è proximis discipulorum agnatis, in singulis regioni-  
bus senos: quorum duo per singulas hebdomadas  
in auditorium & cellas ueniant, & quid ac qua-  
liter fiat diligenter uideant. mox mense iam exa-  
cto, omnes in auditorium conueniant, docenti-  
umq; & discipulorum mores atque ingenia, diligē-  
tiam atque ignauiam, peritiam atque imperitiam,  
tum discendi, tum docendi, quanta cura fieri po-  
terit explorent: neminūq; ea in re magis quàm si-  
bi ipsis credant, ac diligenter quæ facienda erunt,  
considerent: & leuiora quidem ipsi exequantur,  
qualia sunt, ut statuta salaria præceptoribus ad  
dictam diem liberaliter exhibeantur: ut si qui inter  
discipulos parum obtemperantes inuenti fuerint,  
seuerè castigentur: si quid uel legatum fuerit, uel  
donatum collegio, diligenter seruetur, ut ex eo pro  
ut tempus exegerit proprietas aliqua ematur, ex  
cuius redditu id fiat, quod à legante aut donante  
fuerit institutum. Si quid uerò grauius erit tractan-  
dum, ut si quis è magistris uidebitur loco mouen-  
dus,

• De liberis instit.

715

*duſ, uel nouus aliquis cōducendus: id referāt ad magiſtratus, & eorum authoritate ac conſilio ea de re decernatur. Ad hos uerò triginta ſex uiros ſpectet, in hanc ſcholam admittere quos uoluerim: dum tamen ea in re adoleſcentes patricij omnibus præferantur, atq; in his meliores deterioribus.*

F I N I S.

Y S

CLA.

CLARISSIMO AC  
PRVDENTISSIMO SE-  
natui ciuitatis Norimbergæ, Dominis suis colen-  
dissimis, Sebaldus Heyden S. D.



QVoties de nostrarum Schola-  
rū disciplina cogito, Viri cla-  
rissimi, non nihil admirari so-  
leo, cur studiij literarij loca o-  
lim Græcis ab ocio Scholæ, La-  
inis uerò Ludi dicta sint. Nam non ausim pu-  
tare, illos artium ingenuarum ac philosophiæ  
studia, ita uilia ac leuia habuisse, ut ea per o-  
cium, & tanquam res ludicras, sectanda esse  
censerent, præsertim quum ob ea ipsa studia,  
cæteras omnes gentes, barbaras, præ se uoca-  
rent, ac tanquam omnis humanitatis expertes  
despicerent. Cuius elationis causas certè non  
ociosas, multo minus uerò ludicras esse opor-  
tuit. Et si quis nostrorum temporum scholas  
diligentius perlustrare uelit, certè cognosceret,  
adeo nihil ocij, nihil ludorum eis inesse, ut po-  
tius quicquid uspiam laborū ac molestiarum  
sit, huc tanquā in sentinam confluere credat.  
De his uerò Scholis potissimum hæc scribo,  
quas Triviales uocamus. in quibus promi-  
scuè ingenuis, plebeijs, indigenis, alienigenis,  
bonis, corruptis, diuitibus, mendicis, ingenio  
sts,



sis, ac stupidis, audire & discere liberum est. Nam si quis horum discipulorum animos spectare uelit, & primò bonorum, & qui frugisunt, certè neminem inueniet qui suam sedulitatem in discendo, metum & sollicitudinem in præceptores reuerèndo, ac officijs pròptis demerendo, ludos ac ocia uocari patietur. At si ex ignauis de uero Scholarum nomine quæret quispiam, an non pro ludis & ocijs, pistri-  
na, ergastula, & carnificinas audiet? Et, certè his multo & citius & facilius aliquis persuaserit, mel amarum esse, absynthium uerò dulce, quàm disciplinas literarias esse ludos & ocia. Porro si quis ipsos ludorum magistros, præsertim seniores, & multo tempore conditionibus literarijs perfunctos, de ocio & ludis scholasticis audire dignaretur, quas illic surditates ex immodica puerorum turbatione ac strepitu? quas uertigines, grauedines, ac cephalalgias ex quotidianis interpretationibus, declamationibus ac contentionibus esset comperturus? Tantū abest, ut quispiam prisce disciplinæ ludos & ocia in nostris nunc gymnasijs reperire possit. Et mirū nō esset, si quis rhetorculus, ludorum magistris, ut nūc sunt, persuadere contenderet, labores scholarum nō esse labores, sed ludos: non negocia, sed ocia: si tota discipulorum manu aduersus ineptum nugatorem concitata, cum pessimis modis acceptū  
ac

ac ludificatū ē gymnasijs suis eijcerēt. Hęc propter eos scribo, qui aut illiterati toti, aut semidocti, quoties de scholarū laborib. mētio inter bonos ac cordatos uiros incidit, sibi tum pulchrē sapere, ac prudēter dicere uidētur, si scholas ipsas rē non adeò magni momēti, labores uerò scholarū ocium saltem & ludos esse contendāt. Tanto uidelicet stultiores ac ineptiores ipsi, quanto minus rei literarię cōmoditates in Rerumpub. gubernatione uident & intelligunt. Habeant sanē priscarū gentiū scholę suos ludos & ocia, quarū disciplinę ac philosophandi studia nihil planē de sincera pietate, ac uera Dei cognitione tenuerunt. Atqui nos Christiani, quanquā illarū scholarū appellationes libēter retinemus, & nihil quicquam noui hic fingi uolumus: tamē de institutione ac disciplina nostrarū scholarū multo grauius & honestius iudicare debere censemus, quòd in his nō artes ociosas aut ludicras, sed grauissima cū uerę pietatis tū honestatis pręcepta pariter proponamus ac tractemus. Nam puerilem ætatē in primis ad ueram religionem ac sincerum Dei cultū instituimus: tum etiā ad prudentē rationis uisum, & morū honestatē assuefacimus. Et hanc solā disciplinā probabilem ac rectā asseueramus, in qua pariter cum literaria institutione, etiā Christianę religionis ac uirtutū pręcepta proponuntur. Quod

ut

ut uestra prudentia cognoscat me in mea disciplina semper hactenus ita obseruasse, ideo hanc Pædonomiam, puerilis institutionis leges continentē, ut eas discipulis meis per aliquot hactenus annos, de pietate, studio literario, & morū ciuilitate præscripserā, in certum libellum congeſsi, ac clarissimo uestro nomini nuncupatā in publicū edere uolui: non ut muneris loco offerre, sed potius ut per hanc uestræ prudentiæ tandē quasi rationē redderem meæ functionis scholasticæ, cui uiginti quinque perpetuos annos in patria nunc præsum, non dicā quāta fœlicitate, at rāto certē conatu ac studio, ut quicquid uirium ingenio & corpori olim fuerit, ipsum magna ex parte mihi per hos scholasticos labores deperierit. Quod haudquaquā ita euenisset, si disciplina literaria ludus esset & ocium. Spero autē uestram prudentiam, si uidear audacius aut impudentius egisse in hoc, quod tam exiguo libello Clarissimum uestrum nomen adscripserim, æquis ac benignis animis hoc accepturā: & libenter ueniam daturam ei, qui uestræ Pædeditissimus, Reipubl. ac patriæ commodorū studiosissimus semper fuit. Bene ualeat & perpetuò fœlix sit D. uestra in Deo pater per Christum seruatoreme nostrum. Ex Musæo Sebaldino uestro, decimo Calendas Apriles,

Anno 1546.

P A E D O

## P A E D O N O M I A

S C H O L A S T I C A , P I E T A T I S ,

studij literarij ac morum honestatis præ-  
cepta continens.

## I.



Visquis res humanas, siue publi-  
cas siue priuatas, sc̃elices uolet,  
eum ante omnia pueritiæ suam di-  
sciplinam ac institutionem quàm  
reclissimè constitucere oportet.

2 Docet enim experientia, nihil ibi sc̃elicer fieri  
posse, ubi nulla pueritiæ disciplina, nullum bone-  
statis studium, & nullus pietatis usus existit.

3 Et uix unquam quisquam in bonum ac sapien-  
tem uirum euasit, qui nō à teneris annis ad uirtutis  
ac pietatis studia per sedulā disciplinā assueuerat.

4 Nimirum quòd uelut radix indolem ingeniūq;  
arboris, ita etiam bene moratam ac cōpositam a-  
dolescentiam rectè exculita pueritiā producit, ac e-  
andē porrò in omnes grādiōres ætates propagat.

5 At nullam Rempub. absq; bonorum uirorū ad-  
ministratione sc̃elicer gubernari posse, in con-  
fesso est apud omnes.

6 Est & hoc extra omnē controuersiam, morum  
& honestatis magistros nullos, itē pietatis ac ue-  
ra religionis doctores nullos illinc sperari posse,

ubi

ubi disciplina & institutio puerilis nulla fuerit.

7 At illis nusquam existentibus, etiam nullā inter homines honestatem, nullum uirtutis studium, deniq; nullum uerum Dei cultum esse necesse est.

8 Est itaq; prima & maxima cura ad puerilem aetate rectē instituendam adhibenda: ut cum publicis tum priuatis hominum rebus, quā scēlicissime consulatur.

9 Maximē uerò, ut quæ ad pietatem & religionem pertinent, hac uia nō negligātur: quod hoc uult neglectus famē, qua animæ perire solent, adferat.

10 Accedunt his causis etiā aliæ, quod in puerili aetate, siue uirtutū, siue uitiorum semel cōcepta semina, deinceps per omnes alias aetates retineātur.

11 Et quod ex ea aetate, uelut ex noua arborum plantatione, posteriorum temporū siue fructus ac proventus certa spe iam sint concipiendi.

Omnium actionum initia ab innocato Deo auspicanda esse.

12 In primis autem puer qui institui debet, discat, omnium rerum bonarum principia, profectusq; a Deo esse: & ab illo non aliter quā sedula ac seria precatōe, scēlices illarum successus impetrari posse.

13 Sua igitur studia semper ab innocato prius numine exordiat: & nihil dubitet, Deū omnes

eos actus fortunaturum esse, quorum auspicia ab ipso sumpta fuerint.

Disciplina puerilis partitio.

14 Puerilis informationis tres partes sunt. Prima & præstantissima, pietatis ac religionis: altera liberalium disciplinarum: tertia officiorum uitæ, ac ciuilitatis morum.

15 Quas partes in omni schola rectè constituta, semper coniunctissimas oportet esse. Et indignus iudicandus est Ludimagistri nomine, quisquis aliquarum in sua disciplina negligit.

De catechistica institutione.

16 Pietatis semina Catechismus continet, in quo discunt pueri, Deum certè cognoscere, quis & qualis sit erga homines, & quales debeant esse qui ab illo saluari uelint.

17 Et totius Catechismi ac pietatis Christianæ summa est, cognitionem Dei patris in Christo filio illius, uitam æternam esse: ignorationem uerò illius, mortem & damnationem æternam.

18 Quare credat institutionem Catechisticam sibi magis necessariam esse, quàm cibum & potum: quòd his tantum uita corporalis sustentetur, illa uerò uita spiritalis & æterna nobis adferatur.

19 Ita enim Christus respōdet Diabolo: Non solo pane uiuere hominē, sed omni uerbo Dei. Et certè panis uim nutriēdi nullam haberet, si absq; uerbo Dei esset.

10 Quemadmodum etiam lapides & arena, uim nullam alendi, ac famem repellendi habent, ob solam eam causam, quòd nullo uerbo Dei iussa sint esse cibus & alimonia hominibus.

11 Qua pròpter pueri uerbum Dei in summo suæ salutis loco semper habere, & discere uelint: utpote sine quo non tantum cœlestem uitam non sint cōsecuturi, uerum etiam ne momentum quidem huius corporalis uitæ uicturi.

Cognitio Dei summum bonum.

12 Humano generi nihil potuit dari maius aut præstabilius quàm religio, quæ est cognitio, amor & ueneratio ueri & æterni Dei, in Christo filio illius.

13 Neq; in ullos homines æquè beneficus esse potest Deus, ac in eos, quos per uerbum suum docet ueram sui cognitionem, ac certum sui cultum.

14 Certissimum autem est, eos omnes ad cœlestes filij Dei nuptias, uocari, ad quos Euangelium de re gno cœlorum peruenit.

15 Et nullam planè excusationem per prædestinationem habent, quibuscunq; aliqua commoditas est data, siue in publica concione audiendi, siue priuatim domi suæ legendi, aut ab alio discendi Euangelium de Dei filio Iesu Christo.

16 Ergo quoties pueris contingit audire sacras conciones, tum certè credant, se per eam prædica-

Z tionem

tionem , ad regnum cœlorum ac uitam æternam,  
 & adoptionem in ius filiorum Dei uocari , ac e-  
 ligi.

27 Nam hæc omnia Deus pater cœlestis, omni-  
 bus & singulis ijs gratuito per fidem percipienda  
 offert , ad quos Euangelium de filio Iesu Christo  
 mittit.

28 Est autem summa prædicationis Euangelicæ:  
 Deum uerum, æternum ac omnipotentem, unicum  
 esse, qui per uerbum suum ex nihilo creauerit om-  
 nia, & creata ad finem usq; sustentet, conseruet ac  
 gubernet.

29 Et quòd idem ipsum uerbum, quo omnia crea-  
 ta sunt, Dei patris filius sit, ab æterno ex ipso geni-  
 tus, & propter humani generis lapsum in hũc mũ-  
 dum missus, de Spiritu sancto conceptus, ex uirgi-  
 ne Maria Deus & homo natus IESVS CHRI-  
 STVS.

30 Videlicet ut æternam nostri damnationẽ pro-  
 pter peccatum, sua innocentia, iusticia, ac amarif-  
 simæ mortis satisfactione , à nobis in se transferret,  
 ac nos Deo patri suo ita reconciliaret.

31 Ita enim fieri uoluit clementissimus pater , qui  
 pro peccatoribus filium suum unigenitum turpissi-  
 ma mortẽ damnatũ ac interfectum iri, quàm totum  
 mundum propter peccatum perire maluit.

32 Quemadmodum hoc Esaias de Christo multo  
 antè



antè prædixerat, ita: Languores nostros ipse tulit, & dolores nostros ipse portauit: ipse uulneratus est propter iniquitates nostras, attritus est propter scelera nostra.

33 Disciplina pacis nostræ super eum, & liuore eius sanati sumus. In scientia sua iustificabit ipse iustus seruos meos multos, & iniquitates eorum ipse portabit.

34 Quo integrè in cruce consummato, Christus à mortuis tertia die resuscitatus, ad Deum patrem suum in cœlos conscendit: ac Spiritum sanctam pariter à se & à patre exeuntem, tertiam scilicet in Deitate personam, sed unicum ac eundem Deum, ad nos cœlitus demisit.

35 Per quem Spiritum Ecclesia Christi in hac uita, usq; ad finem mundi, secundum uerbū Dei, per Prophetas sanctos, Christum ipsum ac Apostolos reuelatum, docetur, regitur, ac conseruatur.

36 Hæc ita uerè credere, & propter hanc fidem baptizatum esse, certissima perpetuæ salutis ac æternæ uitæ impetratio est.

37 Ita enim Christus ipse pronunciat, Omnes eos qui crediderint, & baptizati fuerint, saluos futuros: incredulos uerò damnatum iri.

38 Et Paulus ad Ephes. 2 ait: Gratia nos seruatos esse per fidem, idq; non ex nobis: Dei donum esse, non ex operibus, ne quis gloriatur.

39 Et ita credenti, ad sui saluationem nihil amplius opus est, quàm ut spiritui sancto, secundum uerbum Dei cum ducenti pareat, ac uitæ sanctimoniam, & fraternæ charitatis officijs, fidem suam proximis comprobet ac testificetur.

40 Quod ita nosse, & præstare, uera & diuina sapientia est, quam per fidem in uerbum Dei, ex diligenti ac frequenti sacrarum scripturarum usu, cõsequi necesse sit.

41 Quocirca pueri ad sacras conciones libenter accedant, ac intentis animis astent, tanquam ipsum Christum coràm docentem audituri: quod ipse dixerit audiri sese, ubicunq; uerbum illius prædicetur.

42 Et propterea uerbi ministris præcipuum honorem habeant, quòd angeli Dei illi sint, ex quorum ore Euangelium de Christo prædicari, est ipsum Deum coràm audire.

Quomodo sacræ lectiones intelligendæ sint.

43 Facile intelligent sacrarum lectionum argumenta, quicunq; ad hunc unicum scopum contuebuntur semper: scilicet, Deo patri in unico & solo filio suo Iesu Christo probari, placere ac grata esse omnia, extra illum uerò nihil.

44 Et quod nemo potest cognoscere patrem, nisi

nisi per filium : neq; uitam habere, nisi in filio : neque filius Dei fieri, nisi per fidem in nomine filij Dei Iesu Christi.

45 Ita enim sacra scriptura, quoties misericordiam ac benignitatem Dei prædicat, aut promittit, ijs solis hoc facit, qui filium certa fiducia amplectuntur, & exosculantur.

46 Nimirum quòd hi soli Deum timent, eius uerbum audiunt ac custodiunt : & per ueram obedientiam, sese erga proximos suos ita gerunt, ut Deum erga se affectum iri maximè cupiunt.

47 Aut si quid fortè peccauerunt, illico per peccati detestationem, ac ueram in Christum fiduciam, sese cum Deo patre suo reconciliant.

48 Econtrà uerò, quoties scriptura minatur malum ac diuinam ultionem, eos solos intuetur, qui filium contemnunt, ac saluatorem suscipere nolunt.

49 Hi enim, quòd contempto & reiecto uerbo Dei, nullum sensum spiritus habere possint, etiam se peccatores esse ignorant : & propterea de nulla poenitentia unquam cogitant.

50 Sed secundum suam libidinem uiuentes, & carnis affectum sequentes, quiduis scelerum patrare nihil uerentur.

Z ; Quomodo

Quomodo apud rem sacram agen-  
dum sit puero.

51 Inter ceremonias ac operationes sacrorum pueri uerecundè, compositè & quietè se gerant: & tum se coram Deo astarte, & ab illo certissimè conspici credant.

52 Regis aut principis coràm astantis conspectum nemo non ueretur, & reuerenter habet: at quanto magis Deum omnium scelerum acerrimū iudicem, ubiq; præsentem suspicimus, ac reuerbimur?

53 Et fortasse uenia esse potest, in hominum cōspectu ineptè & scurriliter se habentibus: sed in Dei conspectu idem fieri, an non Dei contemptū hoc arguit?

54 Aperire caput, manus componere, & genua flectere inter consecutionem sacrorū, nonnullis puerilia, & uiris indigna habentur.

55 Sed reuera, bene ac religiose affecti animi signa sunt: quæ non animum solum, uerumetiam corpus, adeoq; totum hominem, in precationem attentum esse ostendunt.

56 Et horum neminem pudebit, neq; ea intermittere poterit, quisquis seriò cum Deo aget: seu aliquid petiturus, seu culpam peccati deprecaturus, seu gratias pro bonis acceptis acturus.

57 Sacras lectiones etiam hac de causa studio-  
sius & attentius audire uelint, quòd ea quæ  
nunc in teneris annis ita audiuntur, olim in pro-  
uecta etate tanto facilius in memoriam redibunt:  
& tum Theologiæ Studium plurimum adiutura  
sunt.

58 Quoties Christum Iesum nominari audient,  
toties eis ueniat in mentem, inestimabilis chari-  
tas illius erga nos, & recordatio beneficiorum  
eius: quam meritò denudato capite, ac flexis popli-  
tibus semper honorabunt.

59 Qui sub re sacra cum alijs in templo nu-  
gantur, aut inquieti sursum deorsum cursitant,  
oculos uel uagoshuc illuc subinde circumferunt:  
eos apparet aut amentes esse, aut non credere  
Christum illic præsentem, omnium animos & mo-  
res obseruare.

60 Atqui, non credere Christum Ecclesiæ suæ  
sacris interesse, quid id aliud est, quàm ipsum  
mendacij arguere, in eo quod promissit se semper  
ibidem affuturum, ubicunq; duo aut plures in no-  
mine illius conuenerint?

61 Impietas est, in res sacras iocari: aut di-  
cta sanctarum scripturarum ad lusus, ineptias,  
aniles fabulas, scommata conuertere. Ad ob-  
scenitatem autem trahere, id uerò nefarium &  
intolerabile.

62 Postremò pueri omnem uirtutem , omnem dignitatem , adeoq; omnem uitæ iucundæ ac beatæ spem , in hoc uno studio præcipuè positam esse cognoscant, si Deum & uerbum eius & amare & uereri nunquam desinent.

63 Verè Deum amabunt , si illum in Christo rectè cognitum, uniuersis creaturis anteponem: quòd per illius eiusdem benignitatem hanc uitam se uiuere, sustentari, ac conseruari, & post mortem in eodem Christo perpetuò saluatum iri constanter credant.

64 Timebunt uerò Deum , si tam benignum sui creatorem, sustentatorem, ac saluatorem, ita reuerbuntur, ut modis omnibus caueant, ne quo prauo cogitatu, nedum maleficio ullo, tam benignum suum benefactorem offendant, aut ad irascendum commoueant.

Quomodo precandum pueris sit.

65 Precibus operam dent , non in templis solum , sed etiam ubi ubi soli erunt ; semper culpam malefactorum deprecantes : auxilium Dei aduersus Sathanae insidias inuocantes ; & nunquam non pro acceptis à Deo beneficijs gratias agentes.

66 Hæc enim tria, ut maximè necessaria sunt uitæ nostræ : ita in omni precatione coniungi, & nullo

nullo tempore intermitti debent.

67 Præcipuè uerò studeant precaturi, ut preces intelligant: & caueant, ne ore tantum permurmurent: sed cum orant, toti & animo & mente & cogitatione, & uultu in hoc sint, ut omnia cōsentiant, & actioni respondeant.

68 Nulla res Christianis magis necessaria est, quàm sedula ad Deum oratio: cùm ob infirmitatem animi & corporis, tum propter semper imminentiā per hostem Diabolum pericula.

69 Hoc enim est, cur Christus toties suos discipulos ad assiduam precationem adhortatus est: mirum ob tentationes Sathanae, in quas facillimum sit ignauo & securo incidere.

70 Et nihil est quod æquè fiduciam in Deum excitet, mentem ad deuotionem accendat, ac in diuinæ benignitatis contemplationem spiritum attollat, quàm seria precatio.

71 Cum econtrà, qui rarò aut nunquam orant, non solum Dei obliuionem, uerumetiam illius contemptum, sui spiritus ignauia sibi contrahunt.

72 Et mirum non est, si omnia peccant, & nihil rectè agunt, qui de Deo uix unquam quicquam cogitant: quanto magis uerò, qui omnino Deum contemnunt?

73 Cum econtrà, aduersus peccandi pronitatem, nullum efficacius remedium est, quàm indefin-

ter secum in animo reputare Dei benignitatem erga sui amatores: seuitiam uerò, contra sui contemptores.

74 Sciant autem pueri, nullum unquam peccatum à Deo impune remissum esse: nec adhuc remitti, nisi accepta certa ac sufficienti satisfactione.

75 Duplicem autem satisfactionem esse credants: unam ipsius peccatoris pro sese, alteram Christi saluatoris pro peccatore, in ipsum credente & baptizato.

76 Quisquis Christum satisfactorem pro suis peccatis non habet, is pro sese Deo satisfaciat oportet: sed cum hoc impossibile illi sit, in æternum damnetur necesse est.

77 Qui uerò in Christum filium Dei credunt, & baptizati sunt, illis Christi satisfactio perinde imputatur, ac si ipsi pro suis peccatis unà cum Christo in cruce pependissent, ac mortui essent.

78 Et hoc est, quod Ioannes ait, Habentes filium Dei, uitam habere: non habentes uerò, mortuos esse Dei iudicio.

79 Quinetiam à peccando caueant, propter conscientiam: quòd ea turbata, grauissimos adfert animo cruciatus. Tranquilla uerò, talem beatitudinem, cui nullæ opes, nulla regna comparari possunt.



80 Peccatum hominis mors est, si in eo perseueret. Et seipsum iugulare uidetur, quisquis peccat. peccando enim à uerbo Dei, in quo uita nostra est, disceditur.

81 Omnis occasio & causa peccandi intentissima cura uitanda est: nam nunquā nobis per hostē diabolū securis agere licet.

82 Cum uerò tam potenti et callido hosti nostris uiribus resistere nequeamus, Deum sedula precatione imploremus, ut opem ferat nobis, & in tentatione nos non deserat, sed à nefario insidiatore diabolo nos liberet.

83 Christiani sic agant semper, tanquam in acie armati, uigilantes, accincti, intenti, nusquam non cauentes, ne ab hoste diabolo de improviso, ullā peccandi occasione impediti, opprimantur.

84 Et cum tanta sit uitæ fugacitas, in tanta incertitudine, ut ne crastinum quidem possit sibi quisquam polliceri: magna stulticia est, & atrox periculum, ea quæ ad salutem animæ necessaria sunt, in longum tendere ac differre.

85 Vita enim humana nihil aliud est quàm peregrinatio quædam, innumeris undiq; casibus obiecta et petita: cui nunquam non impendet finis, qui leuissimis de causis accidere potest.

86 Quære stultissimum est, cupiditate tam incerta uitæ, scdum aliquid, aut prauum admittere: quasi

quasi uerò certò scias, te, postquam peccaueris, diu uicturum esse.

### ALTERA PARS INSTITUTIONIS puerilis.

87 Puerilis institutionis altera pars artes liberales, siue ingenuas continet. Quæ sunt, Grammatica, Dialectica, Rhetorica, Musica, Arithmetica, Geometria, Astronomia.

88 Grammatica ars est, in qua pueri certam loquendi & scribendi rationem discunt.

89 Dialectica est ars bene differendi, & uera ac falsa dijudicandi: & quid quamq; rem consequatur, & quid cuiq; contrarium sit, intelligendi.

90 Rhetorica est ars, quæ docet bene dicere, & causas seu themata certo ordine tractare, ac uerborum sententiarumq; copia exornare & amplificare.

91 Astronomia est ars, quæ motus cœlestes, siderum cursus, ortus & occasus docet.

92 Geometria superficiem, longitudinem, latitudinem, altitudinem & profunditatem locorum metitur.

93 Arithmetica ars numerandi est, & numerorum proportionem cognoscendi.

94 Musica sonorum differentias ac consonantias sensu ac ratione harmonica expendit: & secundum arsim & thesim cantiones rectè modulari docet.

95 *Has artes ueteres ideo ingenuas ac liberales nominauerunt, quòd ingenuos ac liberos homines maximè decent ac ornant: & ad quarum comparisonem, aliæ omnes artes scruiiles meritò haberi debent.*

96 *Quanto igitur libertas præstantior ac honestior est seruitute: tanto pluris putent pueri artes ingenuas, quàm mechanicas: uidelicet calceariam, uestiariam, lignariam, cœmentariam, cerdonicam, & similes alias.*

97 *Literarum, id est, ingenuarum artium ea uis est, ut animum ad prudentem rationis usum ac promptam uirtutis facultatem instruant.*

98 *Et puerilis animus, uera ratione in literis ac moribus institutus, deinde ad quamlibet professionem & artem faciendam aptus efficitur.*

99 *Desidia corporum habitus & ocio corrumpitur, gymnasijs uerò & motibus magna ex parte conseruatur.*

100 *Idem & animæ habitus institutione ac meditatione (qui motus. quidem secundum disciplinas sunt) seruatur, euaditq; melior.*

101 *Ocio autem, quod ab omni meditatione disciplinaq; uacatio est, puer non solum nihil discit: uerumetiam quæcunque didicerat, rursus obliuiscitur.*

*Quomodo*

Quomodo præceptoribus & scholis fit utendum.

102 At, ut non satis est soli bonitas, nisi accedat & cultor idoneus, & semina: ita non sufficit ingenij felicitas, nisi accedat doctor & institutor egregius, & præcepta idonea.

103 Itaq; pueri artium liberalium magistros, & uiuendi præceptores, maxime semper faciant: quòd per illos tum primùm humana mens formetur, extra quam à brutis ferè nihil discriminis erāt habituri.

104 Amabunt ac reuerbuntur eos; uelut alteros parentes: & illis libenter & cum alacritate quadam parebunt: reputantes, quæcunq; præcipiunt, non ad sua illos referre commodas, sed ad discipulorum.

105 Et cum illis gratia referri tanta non possit, quanta debetur: habendam tamen esse iudicent, quantam maximam animi ipsorum capere possunt.

106 Cane peius & angue oderint eam ingrati tudinem, qua aliqui pro beneuolenti institutionis commodatione, præceptoribus suis odium aut cōtumaciam rependunt.

107 Scholas scitè institutas, pro sapientiæ & pietatis officinis habeant: & eis tanquam præstantissimo Dei munere, cum maxima reuerentia, quantum licet, utantur: iudicantes, eas citra grauem

Dei

Dei offensionem contemni aut negligi non posse.

108 Ne pigeat etiam longo itinere professores utilis doctrinæ sectari. Nam turpe fuerit, cum mercatores tantum pelagi nauibus emetiri non dubitent, quò rem suam augeant: adolescentes nolle terrena & breui uia contendere, ad intelligentiam suam augendam.

Quid in scholis discendum sit.

109 Constituant sibi pueri, non hoc tantum in scholis agendum esse, ut eleganter loqui, & scribere discant: uerùm etiam, ut piè & honestè uiuere assuescant.

110 Et propterea eos præceptores maximi faciant, qui in scholis suis & bonorum morum, & ueræ pietatis præcepta, pariter cum literaria institutione proponunt.

111 Doctrinæ copias, diuitiarum copijs pluris faciant. Hæc enim citò dilabuntur: cum quæ de ingenuis artibus, ac pietatis studio ipsi didicerint, nemo eis auferre poterit.

112 Sola enim omnium facultatum sapientia immortalis est, cuius studio nullus in uita terminus statuatur, sed cum uita simul finiatur.

113 Semper ergo hæc tria pueri in studijs suis cōiuncta uelint esse: ut discant bene ac piè sapere, disertè dicere, & prudenter agere.

Quomodo

Quomodo eruditio paranda sit.

114 Duo sunt quibus eruditio in literis ac peritiā parantur, ingenium, & cura, quæ eadem studium dicitur.

115 Ingenij signa præcipua sunt, memoria & imitatio. Memoria duplex uirtus est: faciliè percipere, & fideliter retinere.

116 Imitatio est, qua studemus, cum diligenti ratione, ut aliorum uirtutibus similes euadamus.

117 Cura siue studium, est assidua ac uehemens ad aliquam rem applicata, magna cum uoluntate, occupatio.

118 Itaq; puer siue legat ipse, siue quid audiat ex alijs, attentus id faciat, nec uagari mentem interim patiatur: sed illam præsentem adhibeat, ut agat id quod adest, non alia.

119 Omnes cogitatus à studijs, quibus tum occupatur, alienos, in aliud tempus differat, ne tempus & operam perdat, dum quæ legit aut audit, animo non concipit.

120 Nisi enim statim in puero sentiat animus discendi cupidus, & quasi suspensus de uoluntate magistri: non uagus cogitationibus, non aliud agens, haud unquam bona spes fuerit profectus.

121 Et in hoc præcipuam operam ponat puer, ut secundum prælegentis exemplum os suum ad rectitudinem lectionis & pronunciationis fingat.

gat: & quoad fieri potest, uernaculæ linguae uitia corrigat.

122 Quin etiã os ad sermonem ita assuefaciat, ut promptũ sit, non præceptum: moderatum, non lentũ.

Quomodo sit legendum.

123 Iustus siue ex libro aliquid recitare, seu pronunciare memoriter, operam det, ut liquidè, distinctè, clarè pronunciet, ne uerba aut orationes confundat.

124 Puncta diligenter obseruet, ut secundum eorum distinctiones respiret: ne spiritus crebrius, & non suo tempore receptus, sententiam cõcidat, aut eò usq; trahatur ut deficiat.

125 Sciat punctorum usum nullũ alium esse, quàm ut per ea sententiæ ac orationum partes, ad facilius intelligendum, ac certius pronunciandum, distinguantur.

126 Punctorum quatuor sunt species: Periodi . Colli: Commatis, & Interrogationis ?

127 Periodus integra ac perfecta sententia est, quæ interdum pluribus, interdum pauciorib. membris constat.

128 Periodi nota est, punctum positum inter prioris sententiæ ultimam dictiõnem, & sequentis primam, cuius initialis litera maiuscula fit.

129 Colon, seu membrum, est sententia per se penè perfecta, nisi quod cohæret cum antecedentibus

aut sequentibus. & nunc pluribus, nunc paucioribus commatibus constat. & notam habet, duo puncta: ita : posita.

110 Comma uel incisum, pars membri est, quæ per se sola nullam sententiam perficit, & notatur dimidio circulo ad finem dictionum appposito ita,

111 Punctum commatis non tam cessationem quam morulam: coli, cessationem quidem, sed breuiusculam: periodi, integram respirationem fieri debere significat.

112 Interrogationis nota, est punctum supra se lineolam sursum reflexam habens, hoc modo ?

113 Diligenter studeat puer: ut in legendo aut recitando orationes, omnia uerba integrè & perfectè proferat.

114 In pronunciando accuratè obseruet cognatarum literarum differèntias, ne pro uiuo dicat fiso, pro tu thu, pro canto chanto.

115 Et credat hanc cognatarum literarum observationem necessariò requiri, ad sermonis Latini proprietatem.

116 A' lectione proximè hoc elaborandū est puero, ut omnium uocum etymologias, id est, inflectiones & genera certissimè ediscat, ne imperfecta cognitio, erroris metu, extemporariam pronunciationem impediat.



137 Perceptis generibus ac inflectionibus dictio-  
num, tum illico scribendi exercitium attentet, pri-  
mò literarum figuras accuratè pingendo, deinde  
ex literis syllabas, postea ex syllabis integras dictio-  
nes componendo.

138 Hoc enim ita statim operæ precium est fieri,  
ut deinceps annotare possit, si quid legerit uel au-  
dierit dictum festiuè, eleganter, aut prudenter, uti-  
le sermoni cotidiano: ut quum usus poscat, habeat  
paratum.

139 Assidens in ludo ad audiendas prælectiones,  
semper chartam suam calamumq; in promptu ha-  
beat, paratus excipere, si quid notatu dignum au-  
diat.

140 Ita enim instructum sedere, signum est ani-  
mi ad discendum cupidi, & ad memoriæ mandan-  
dum studiosi.

141 Econtra, ignavia signa sunt, horum ni-  
hil habere, sed inter prælegendum capite cubi-  
to innixum sedere: ad omnem strepitum, uo-  
cem, sibilum circumspicere: parieti aut tecto in-  
hiare, ac oscitare.

142 Imò & illi nullam spem sui profectus facere  
poterunt, qui in scholis nihil agunt simpliciter, a-  
pertè, fideliter, & qui nunquam nisi metu officium  
suum faciunt.

143 Nam Horatio teste: Bonorum est, uirtutis amore rectè agere: improborū uerò, formidine pœnæ non peccare.

## De ediscendo.

144 Memoriæ quæ præcipiuntur mandari, ediscuntur cum diligentia: ita & hæc animi pars rectè exercebitur, & quæ præcepta fuerint, poterunt retineri.

145 Annitatur autem ediscens, ut non tantum singula uerba, sed integras etiam sententias eorū quæ ediscenda sunt, intelligat. Solet enim sensus animo concœptus, dictionū quoq; memoriam suggerere & conseruare.

146 Facilimè uerò percipient ac retinebunt quæ ediscunt, si ea secundum Periodos, Cōmata, ac Cola, quasi dinumerabunt.

147 Tum & hoc commodum fuerit, si id quod ediscendum est, de nocte quater aut quinquies attētiſsimè legant, & hinc concedant cubitum. De mane uerò à memoria rationem eius exigant, quod pridie illi crediderunt.

148 Nullū diem sibi puer abire patiatur, in qua nō legerit, uel audierit, uel scripserit aliquid, quod aut eruditionem, aut iudicium, aut uirtutem augere possit.

149 Neq; unquam cubitum eat, priusquam legerit aut audiuerit aliquid, dignum quod memoriæ mandetur,

mandetur, de quo salubre sit ac iucundum per quietem somniare, ut etiam noctu discat, & fiat melior ac eruditior.

150 Nemo foeliciter discere potest, qui nō ita parcam temporis rationem sibi constituit, ut frustra periisse iudicet omnem diem in quo nihil didicerit.

151 Et qui non persuasissimum habet, eruditionis cumulum proculdubio maximum futurum, si saltem cotidie aliquid, quantumlibet etiam id minutum sit, accesserit.

De transferendo Teutonico sermone  
in Latinum.

152 Iussus sententiam teutonicam in Latinum sermonem conuertere, suo Marte ac studio id perficiat.

153 Nam qui alienas uersiones pro suis ostendunt, nō præceptorem, sed seipsum fallunt: quod tanto minus, quæ ignorant, doceri possint.

154 Quemadmodum enim morbus non est celandus, sed coram medico aperiendus, quo sanari possit: ita nec inscitia tegenda est.

155 Stilus optimus dicendi magister, sedula ac frequenti exercitatione tractandus & agitandus est: quod fiet crebrò scribendo, transcribendo, ac annotando.

156 Hoc enim est quod Protagoras asseuerauit, nec artē sine exercitio, quicquā esse, nec exercitiū sine arte.

157 Et Epictetus affirmat, neminē facile sibi dogma parare posse, nisi quotidie eadē dicat, & audiat, & simul ad uitam accommodet.

158 Componant igitur bis in hebdomade, aut ad minimum semel, epistolas ad alios, qui respōdeant, & eas ostendant institutori emendandas.

159 Etiam plurimum proderit, ex cotidianis autorum lectionibus argumenta teutonica ita fingere, ut in illis Latine reddendis, easdem autorum dictiones ac formulas, sed alijs numeris, temporibus & personis reponant.

160 Erit & hæc magna commoditas, Teutonica in latinam linguam uersuro, si latinas loquendi formas ac cōstructiones, qualiter ad teutonicas phrasas se habent, diligenter obseruauerit.

161 Est enim & Germanicæ linguae sua grammatica, sunt & cōstructionis regulæ: quas si quis non obseruet, non minus solæcisabit Teutonicè loquēs, quàm si Latine.

162 Et qui Teutonicæ linguae phrasas cum Latino sermone accuratè contulerit, is proculdubio latinam grammaticam tum rectius intelligere incipiet, ac certius usurpare discet.

163 Priusquam suum exemplar emendandum præceptori obtulerit puer, ipse singulas orationum partes examinet: ac quasque cōstructiones ad suas regulas appendat: atque ita ipse sui opusculi

li primus emendator semper esse studeat.

164 Ita enim præceptorem ad emendandum, si quid errati reliquum inerit, æquiores & faciliorem habebit.

165 Dum aliàs præceptor, si nullam discipuli in transferendo diligentiam, nullam ingenij solertiam uideat, grauatim emendabit ea, quæ ita ineptè & indoctè scripta sunt: ut nisi de integro recudantur, aliter emendari non possint.

166 Viator qui semel in saxum impegit, aut gubernator qui in rupem, ij non solum post horrent eadem, uerum etiam similia: sic puer de uitio aut errore semel admonitus, etiam à consinibus cauebit.

167 Attendat igitur puer, sicubi semel errauit solæcismis aut barbarismis, ut emendatus, iterum aut tertio idem ne peccet: sed laboret, ut proficiat emendatio.

168 Barbarismus est usurpatio dictionis aut non latinæ, aut contra latini sermonis legem uiciosæ scriptæ, aut pronuntiatae.

169 Viciosa scriptio est, cum pluribus aut paucioribus, aut alijs literis dictiones scribuntur, quàm lingua Latina fert.

170 Solæcismus est, inconueniens & uitiosa constructio.

171 Et præcipuè decet puerum diligenter memi-

nisse eorum, in quibus quandoq; errauit, ne eadem  
rursus eum decipiant. Nam sæpius ad eundem la-  
pidem impingere, improuida stoliditas est.

172 Contra quam hoc unicum ualde proderit, si  
quæ discuntur, non satis sit semel percepisse, sed e-  
tiam in animi habiit, multiplici repetitione quo-  
dammodo conuertisse.

173 Vt enim cibus stomacho innatans, onus est,  
non cibus, nisi mutatus in uires & sanguinem tran-  
seat: ita quæ quis didicerit, quàm diu in memoria  
tantum hæserint, aliena manent: at si in animum ac  
ingenium abeunt, tum reddunt eruditorem.

174 Ignorata ne pudeat ab alijs quærere: & ne-  
mo erubescat à quouis doceri, quod maximi uiri  
non erubuerunt: erubescat potius ignorare, & nol-  
le discere.

175 Qui uideri uult doctus, is operam det ut sit:  
nam nulla compendiosior est uia ad eruditionis ho-  
norem. Quemadmodum non alia ratione facilius  
consequemur, ut existimemur boni, quàm si simus  
tales.

176 Immodicè se suaq; iactare, alijs auditu graue  
& molestum est: nec ulla narratio magis odiosa est,  
quàm suiipsius laus.

177 At ut nihil est facilius quàm audire multa, sic  
etià nihil utilius: quare puer semper malit seria, gra-  
uia & prudētia audire, quàm leuia, inepta ac ridi-  
cula.

178 A' studijs omnis arrogantia submouenda est, quòd ea sit obstaculum ac impedimentum profectus.

179 Est autem arroganti, amentis elatio, qua quis se ipsum, aut satis, aut excellenter, aut plus alijs doctum esse iactat, æstimatque.

180 Quod certè nemo qui stultus haberi nolit, faciet: præsertim cum ea quæ uel doctissimus mortaliū nouit, non sint minimum eorum quæ ignorat.

181 Tum etiam artes ingenuas non sui ostentandi causa, aut lucrifaciendi, aut popularis auræ colligendi, sed propter utilitatem publicam uitæ humanæ, maximè uerò Ecclesiæ Christi, discendas esse, persuasum habeant pueri.

182 Quapropter non rectè, neq; foeliciter discit, quisquis ignorat ad quem finem percipiendum sit, quod addiscit: hoc est, qui sua studia aliò quàm ad gloriam Dei, & utilitatem proximorum suorum dirigit.

De repetendo prælectiones in schola auditas.

183 A' schola domum regressus puer, paulo pòst diligenter pertractet et relegat audita, & quantum fieri potest memoriæ mandet.

184 Repetitionis modum ac ordinem talem sibi cōstituatur, ut primò auditas interpretationes quàm accuratissimè repetat.

185 In qua re, non ut ipsi in mentem quiduis incidit, sed ut à præceptore interpretante quæq; percepit, reddat.

186 Repetita præceptoris interpretatione, mox totius textus sententiam ita concipiat animo, ut etiam teutonicè eius summam recitare possit.

187 Deinde singularum orationis partium diligentissimum examen, quantum ad etymologiam pertinet, adhibeat: & de quaq; parte quicquid accidentium ea habet, inquirat.

188 Quo facto, tum rectissimè constructionum regulæ sese quasi ultrò aperient: quas ad unguem uniuersas & singulas nouisse operæ precium erit.

189 Atqui ita quadruplici modo repetita, etiam de ediscendo nihil tum cogitantis memoriæ ultrò inhærescent.

190 Et certè nulla felicior comitoditas est totius grammaticæ ediscendæ, quàm talis repetitio: quòd ita uelut obiter sæpius repetita, in mentis habitum ueniant.

191 Græcam institutionem cum latinâ coniungendam esse, uel hoc argumēto probabile est, quòd Latine grammaticæ appellationes, magna ex parte Græcæ sunt: & citra suæ linguæ cognitionē nequaquam intelligi possunt.

De



## De disciplina.

192 Puer bonis artibus ac moribus instituendus, si se uerbis moneri ac corrigi non patietur, uix unquam plagis melior fiet.

193 Et tamen præceptores, si uideant ad puorum feritatem reprimendam, aut ignauiam corrigendam uerberibus opus esse, non patientur ea deseri, ne uideantur conuiuere uicijs.

194 Inflicta uerbera sic æquo animo ferat puer, ut non solum caueat, ne deinceps iterum meritò sibi sint sustinenda: uerum etiam, ut præceptori pro eis tanquã pro accepto beneficio gratiam habeat.

195 Cuius gratitudinis illustre exemplum maiores nostri exhibuerunt, in eo quòd pueros cæcos cogerent, non solum ut data dextra gratias agerent pro acceptis uerberibus, & se postea probiores futuros promitterent: sed etiam, ut uirgæ deoscularentur.

196 A uerberibus sic sibi rectè cauebit, si ultrò ac uolens suum officium faciet, in discendo ac obediendo: & sic iudicabit turpe esse homini ingenuo, uirgis uapulare.

197 Non uolet unquam in aliquo opere aut facto deprehendi, quo pœnam mereatur, aut cuius cum meritò pudeat.

198 Ei à quo peccans amicè reprehenditur, se charum esse credat: sciatq; nullam reprehensionem no

cere posse puero ingenuo, quòd reprehensus per ueram ac meritam emendare sese, per immeritam uerò cauere sibi possit.

199 Imò ut remedia primò quidem mordent & offendunt, postea conferunt salutem & sanitatem: ita amicæ reprehensiones & salubria monita initio non nihil sunt amara, sed postea correctæ iucundissima fiunt.

200 Assentatoribus aurem ne præbeat, sed malit aliquem à quo liberè reprehendantur ipsius uitia. At si omnino fert ægrè reprehendi, reprehendenda ne committat.

201 Pueri disciplinam etiam hoc nomine magni faciant, quòd Democritus dixit, plures disciplina bonos fieri, quàm natura.

202 Et rectissimè consuletur puerorum probitati, si neq; parentes, neq; præceptores ad ulla illorum uitia aut peccata conniuent, sed illicò corrigunt & puniunt.

203 Vt enim initia morborum, quamuis leuia, per negligentiam serpunt, ac indies ingrauescunt: ita morum quoq; prauitas, si non in tempore corrigatur, indies augefcit ac increfcit magis.

204 Fugitare, latebras quærere, & oculis conspiciuq; uenientium se subducere, indicia sunt animi de peccato sibi conscij.

De Latinè loquendo in scholis.

205 In Latinis scholis, nemini, qui latinos authores interpretari audit, impunè sit, quicquam teutonice loqui.

206 Et quisquis alium teutonicà loquentē audit, & illum præceptori non indicat, aut saltem de peccato nō obiurgat, is æqualem cum Germano nugatore pœnam luat.

207 Ad Latinè loquēdi promptam ac disertam facultatem comparandam nihil efficacius est usu quotidiano, ac frequenti exercitatione.

208 Quantum autem usus & exercitatio quotidiana ad discendas linguas faciant, pueri facile intelligent ex eo, quòd lingua Italica, Gallica, Bohemica, & similes, intra biennium solo usu, absque omni præceptione Grammaticæ, perdisci solent.

209 Plurimum uerò ad latinè loquendum conducit, ex singulis prælectionib. authorum excerpere & annotare commodiores formulas, quas deinde, sicubi usu ueniat, in loquendo usurpent.

210 In qua re Terentij comœdiæ primas habent, quarum elegantia & facilitas in teneris annis imbibita, mira fœlicitate latinè loquendi facultatem adiuuabit.

211 Quicquid ocij in uita suppetit, istud discendi audiendiq; studio impendat puer. Ita enim & facile &

cilè & certè perdiscet, quæ alijs maximo labore inuenerunt.

212 Nec patiatur se per ullam difficultatem aut molestiam à studio literario deterreri.

213 Meminerit potius ueteris illius sententiæ, quæ elegantissimè dictum est: radicem studij literarij ualde amaram esse, fructus uerò dulcissimos.

214 Amarum equidem est, seueriori discipline præceptorum subesse: tot legibus scholasticis obnoxium teneri: tantum operæ & laboris in ediscendis rudimentorum præceptis insumere, obiurgari, uirgis cædi.

215 Sed amarius hoc multo est, pauperculis literarum sectatoribus emendicato pane uiuere: nudos hyemis & tempestatum molestias perferre: uulgò passim contemni, & ludibrio haberi ab idiotis.

216 At per tantam rerum difficultatem, ad eum honorem euadere, ut uirtutis præstantia & eruditionis excellentia, admirationi sis omnibus, & quàm plurimis prodesse possis: iste uidelicet est fructus rei literariæ dulcissimus.

217 Ut autem prius quàm assueuimus, multa nos in rebus offendunt, quæ postea assuetis sunt iucunda: sic & in literis prima illa tædia perferenda sunt, donec usu fiant facilia, iucundaq;.

218 At si quis durior ingenio sibi uidetur esse,  
quàm

quàm ut citò & facilè multa discere possit, nec sic à studio literario recedere uelit.

219 Sed cogitet, nihil tam difficile esse, quod assiduus & improbus labor euincere non possit.

220 Ut enim nulla bestia tam fera esse potest, quæ non mansuescat cura: ita nullum ingenium tam agreste & durum, quod institutione non mitescat.

221 Imò ut nullus equus seffori suo rectè paret, nisi arte domitus: ita nullum ingenium, suapte natura ferox, nisi præceptis & educatione cicuratur.

222 Et plerumq; multo firmitus ac diuturnius tenentur, quæ tardius & cū maiori difficultate perdiscuntur, quàm quæ citò ac facilè.

223 Quemadmodum etiam uascula, quæ longius collum, & angustius os habent, liquorem difficilius recipiunt, sed tenacius retinent.

224 Nec etiam hoc quenquā malè habeat, si non quotidie suæ eruditionis incrementa, quanta facta sint, sentiat: aut si rei literariæ studium, longissimi temporis negotium esse uideat.

225 Quemadmodum enim fruticem aut herbam creuisse apparet, non apparet crescere: ita & ingeniorum profectus, quoniam minutis constat actibus, non quouis momento, sed ex interuallo cognoscendus est.

226 Et non fallitur, quin suæ eruditionis certum

tum & magnum profectum per tempus sensurus sit, quisquis nullum diem amittet, quo non aliquid, quod utile possit esse, didicerit.

### TER T I A P A R S I N S T I T U - tionis puerilis.

227.

**I**N tertio loco puerilis institutionis, officia uitæ honestæ & mores ciuiles ponuntur: quorum ratio ex officijs Ciceronis petenda erat.

228 Sed cum triuialium scholarum pueri, exactio rem illam officiorum tractationem satis assequi nequeât, ad ipsorum captum hic accommodationem fieri oportet.

229 Et fortasse consultius erit, puerilem ætatem secundum Decalogi præcepta uitæ officia doceri.

230 Vt quæ ipsi nullo suæ rationis iudicio discernere possunt, saltem ex Dei uoluntate, ut ea in Decalogo declarata est, facienda fugiendaq; perdiscant.

231 Pueri officiorum suorum rationem totam in hoc consistere sciant, ut sese erga proximos suos, adeoq; omnes homines ita gerant, ut maximè decet eos qui piè & honestè uiuere cupiunt.

232 Et hanc unicam ac summam uirtutem, etiam in ciuilibus officijs esse credant, ut uerbo Dei obediant, et uitam suam secundum Decalogi præcepta quàm rectissimè instituam.

233 Est

233 Est autem hæc summa Decalogi, ut homines ita se inuicem diligant, ut quod quisq; sibi ab alijs maximè fieri cupiat, ipsum itidem alijs faciat.

234 Et quod quisq; ab alijs sibi fieri nolit, ut istud ipsum in neminem alium committat.

235 Christiani igitur ea tantum pro honestis habeant, cupiant, studeant, quæ Deo placere & probari sciunt: turpia autem iudicèt, quæcunq; uerbo Dei prohibentur.

236 Nam ipse Christus ait suis discipulis, id est, Christianis, nihil honestius, nihil decentius esse, quàm si se inuicem diligāt, ac mutuis beneficijs demereantur.

237 Est ergo honestum, ad quod pueri instituenti sunt, mutua dilectio hominum inter se, propter Christum: qua nemo alteri nocere, quisq; uerò omnibus prodesse maximè studeat.

238 Similiter hoc solum utile intelligāt esse, quòd promissam à Deo benedictionem habet: qualia sunt omnia opera, consilia, cogitationes, quæ ex fidelis, & Deum timente corde proueniunt.

239 At quæcunq; sine fide & absq; respectu uerbi Dei fiunt, ea non tantum inutilia, uerum etiam peccata esse iudicent.

240 Et hæc de uirtute, honesto, et utili, pueris scire satis esto. Secundū quæ deinde omnia, tum sua tū aliorum studia, negotia, dicta, factaq; æstimabunt.

tum & magnum profectum per tempus sensurus sit, quisquis nullum diem amittet, quo non aliquid, quod utile possit esse, didicerit.

### TER T I A P A R S I N S T I T U - tionis puerilis.

227.

**I**N tertio loco puerilis institutionis, officia uitæ honestæ & mores ciuiles ponuntur: quorum ratio ex officijs Ciceronis petenda erat.

228 Sed cum triuialium scholarum pueri, exactio rem illam officiorum tractationem satis assequi nequeant, ad ipsorum captum hic accommodationem fieri oportet.

229 Et fortasse consultius erit, puerilem aetatem secundum Decalogi præcepta uitæ officia doceri.

230 Ut quæ ipsi nullo suæ rationis iudicio discernere possunt, saltem ex Dei uoluntate, ut ea in Decalogo declarata est, facienda fugiendaq; perdifcant.

231 Pueri officiorum suorum rationem totam in hoc consistere sciant, ut sese erga proximos suos, adeoq; omnes homines ita gerant, ut maximè decet eos qui piè & honestè uiuere cupiunt.

232 Et hanc unicam ac summam uirtutem, etiam in ciuilibus officijs esse credant, ut uerbo Dei obediunt, et uitam suam secundum Decalogi præcepta quàm rectissimè instituant.

233 Est



233 Est autem hæc summa Decalogi, ut homines ita se inuicem diligant, ut quod quisq; sibi ab alijs maximè fieri cupiat, ipsum itidem alijs faciat.

234 Et quod quisq; ab alijs sibi fieri nolit, ut istud ipsum in neminem alium committat.

235 Christiani igitur ea tantum pro honestis habeant, cupiant, studeant, quæ Deo placere & probari sciunt: turpia autem iudicet, quæcunq; uerbo Dei prohibentur.

236 Nam ipse Christus ait suis discipulis, id est, Christianis, nihil honestius, nihil decentius esse, quàm si se inuicem diligant, ac mutuis beneficijs demereantur.

237 Est ergo honestum, ad quod pueri instituendi sunt, mutua dilectio hominum inter se, propter Christum: qua nemo alteri nocere, quisq; uerò omnibus prodesse maximè studeat.

238 Similiter hoc solum utile intelligat esse, quòd promissam à Deo benedictionem habet: qualia sunt omnia opera, consilia, cogitationes, quæ ex fidelibus & Deum timente corde proueniunt.

239 At quæcunq; sine fide & absq; respectu uerbi Dei fiunt, ea non tantum inutilia, uerum etiam peccata esse iudicent.

240 Et hæc de uirtute, honesto, et utili, pueris scire satis esto. Secundū quæ deinde omnia, tum sua tum aliorum studia, negotia, dicta, factaq; æstimabunt.

241 Vt tanto meliora iudicent ea, quāto propius ad hanc uirtutem accedum: & rursus tanto peiora, quanto longius ab eadem recedunt.

242 Et sic operæ precium uidetur, pueros de uirtute, honesto, turpi, utili, inutili docere: ut etiā ea quæ ciuilia sunt, secundum uerbum Dei instituerent ac æstimare consuecant.

243 Porro etiam ad hoc assuefaciendi sunt pueri, ut à teneris annis suorum affectuum certum discrimen obseruare discant, quod ij aut rationales esse solent, aut rationis expertes.

244 Ergo quod ad ipsorum animos pertinet, sciant, duplicem eorum uim esse.

245 Vnam, quæ docet & explanat, quid faciendum fugiendum ue sit, qua intelligunt, meminerint, sapiunt, ratione, iudicio, ingenio utuntur, & ualent.

246 Et pars superior est, & proprio nomine mens seu ratio appellatur, propter quam homines uocamur, & qua cæteris animantibus præstamus.

247 Altera pars in appetitu posita est, quam Græci *ὄγκλος* uocant: quæ hominem huc & illuc rapit, per uarios affectus, arrogantiam, inuidentiam, iram, metum, mœrorem, stulta gaudia, & similia.

248 Et hæc pars inferior atq; abiection nuncupatur,

tur, quòd rationis expers sit, qua nihil à beluis differimus, & quàm longissimè à Deo discedimus, extra omnes eiusmodi affectiones posito.

249 Ratio mentis oculus est, nusquam non circumspiciens, quid honestum aut quid turpe sit in rebus: ut hoc ubiq; deuitet, illud uerò sequatur.

250 Appetitus, cæcus & luminis penitus expers est, solius iucundi & molesti sensu ceu manu duci solitus: mollibus semper adrepens, à duris uerò resiliens.

251 Asuefaciendus igitur est appetitus, ut rationi, ueluti equus sessori, pareat: ut nihil iucundum, quod non idem honestum: neq; quicquam molestū, quòd non idem turpe sit, existimetur.

252 Nam ni ita fiat, sæpiissimè accidet, ut in officijs præstandis affectiones illæ bestiales rationem opprimant, & secum pessum rapiant.

253 Cuius rei plurima exempla quotidie pueri habere possunt, in ebrijs, adulteris, homicidis, furibus, & similibus: qui certè tales non essent, si rationem bestiales illæ affectiones non opprimerent.

De pietate erga parentes.

254 Secundum Deum præcipuum honorem ac obedientiam pueri parentibus exhibeant, tū quòd illis & corpora sua, & uitam debent: tum quòd illorum curis & laboribus aluntur, & educantur.

255 Maximè uerò, quòd Deus ipse eos honorari ita seuerè præcepit, ut etiam minitetur, ad iustam ac maturam ætatem haudquaquam peruenturos eos, qui parentibus suis debitum honorem obediendo ac reuerendo non præstiterint.

256 Ritè colunt & honorant parentes suos, qui non solum præceptis ac iussis ipsorum parent, uerum etiam uirtutis ac pietatis studio illos oblectare, ac eis certam de sua probitate spem facere summo opere conantur.

257 Econtra uerò grauissimo dolore ac ignominia suos parentes afficiunt, qui rectè monitis parere recusant, uirtutis ac pietatis studia negligunt, & ex sua tantum libidine uiuere malunt.

258 Et qui frugi sunt liberi, ij uel uerbulo parentes offendisse pro piaculo ducent: & quoquo modo offensos statim commoditate sua placantes, reconciliabunt: nec irascentur, si quando uirgis ab illis castigati fuerint.

259 Quinetiam cogitabunt olim suos quoq; liberos erga se tales futuros, quales ipsi nunc erga parentes suos se gerunt.

260 Proximè parentes tutoribus, præceptoribus, uerbi ministris, magistratibus, item & alijs eruditione, senio aut prudentia præstantibus uiris, dignam reuerentiam debere se sciunt.

Quomodo

Quomodo pueri se in quibusque rebus  
agendis gerent.

261 Quicquid uerò agendum est, siue suarum  
seu alienarum rerum, semper annitetur, ut omnia  
faciat meditatè, strenuè, accuratè, grauitè: nō te-  
rè, oscitabundè, negligenter, præposterè.

262 In suis priusquàm quicquā dicere facere ue-  
incipit, hoc saltem cogitet, num laudabile sit, atq;  
hoc ex præceptis magistrorū suorū exquiret.

263 Laudabilia fidenter aggrediatur, à turpibus  
incitatem cupiditatem suam refrenet. In dubijs tan-  
tis per contineat se, dum quid rectè fiat, constitutū,  
certumq; habuerit.

264 In pueris pariter & segnitie & festinatio  
uiciosa est: hoc est, si aut somniculose omnia, aut ni-  
mis concitatè & turbulentè dicant, atq; faciant.  
At medium tenere, laudabile est.

265 Qui ad omnia feruntur, ut quæq; subeunt a-  
nimum & cupiditatem, ij nunquam non peccant,  
etiam cum fortè non uiciosissimè cecidit, quod e-  
gerunt: nam temeritas semper uicio datur.

266 In alienis negotijs, uti singula mandata reci-  
pit, ita quàm diligentissimè perficiat, plus minus-  
ue nihil faciat: hoc enim mo lo securius aget om-  
nia, & non facillè peccabit.

267 In seruiat omnibus libenter et studiose, prom-  
ptitudine animi, & facilitate maxima. habet enim

*hoc eximiam in pueris laudem.*

268 Valde uerò proderit pueris, aliquè sibi proponere, cuius uitam moresq; probari sciant, quem imitentur & sequantur, cuiusq; se similes esse uelint.

269 Itidem & in rusticos, ac aberrantes à decoro uitæ & morum, intuebuntur: & studebunt deformitate, quam in illis animaduertunt, carere.

270 Vanitatem & leuitatem prorsus à se abesse uelit, neq; oculis neq; auribus, multo minus uerò manibus aliena captabunt.

271 Curiosus & auscultatoribus, & inhiantibus ijs quæ ab alijs dicuntur ac fiunt, nemo est qui non meritò irascatur.

272 Quare ne facilè accedant, sicubi duos aut plures inter se colloquentes uident: sed secedant quodammodo, & nolint alienis colloquijs aut negotijs se immiscere, priusquam aduocentur.

273 In societatem, aut familiaritatem suam neminem facilè admittat puer, de cuius moribus ac probitate nihil antè compertum habuerit.

274 Oportet enim in admittendis alijs ad familiaritatem, cunctatorem & circumspectiorem esse: in retinendis uerò semel admissis, constantiorem.

275 Malorum ac improborum consuetudinem

non

non secus atq; iustos peste deuilet. Vtrinq; enim metuendum est contagium.

276 Nihil rerum omnium pulchrius atq; decens arbitretur mundicia, pudore, probitate, temperantia: quòd his uelut fundamento, mores honesti nitantur.

277 Nunquam quicquam flagitiosum aut turpe in se admittat, quia clam fore speret. Nam ut maxime alios celare possit, tamen ipse sibi semper conscius erit facti prauis.

278 Ad summam, in omnium rerum actionibus ita agat, tanquam ante omnium hominum, imò etiam ipsius Dei oculos uersetur: nihilq; putet ita occultari posse, ut non aliquando conspicuum futurum sit.

De conuersatione æqualium, & mutua  
ipsorum dilectione, & concordia  
seruanda.

279 Sathan nulla alia re hominibus infestior ac infensior est, quàm ut simultates, odia, inimicitias ac discordias inter eos excitet.

280 Nimirum quòd his ita excitatis, deinde quicquid aliorum scelerum est, sponte sua, ceu colluione quadam, coincadat.

281 Nam ubi nulla dilectio proximi est, ibi furta, foenerationes, cædes, spoliationes creberrimè fiunt: & facile leditur, quisquis non amatur.

282 In primis igitur pueri statim ab incunabulis  
eò instituantur, ut simultates, odia & discordias,  
pro præsentissimis Sathanae technis habeant, ac ex-  
crentur.

283 Quibus non tantum nos in hac uita pefunda-  
re, uerum etiam ab expectatione illius futuræ eter-  
næ, totos retrahere, malignissimus hostis moli-  
tur.

284 Nouit enim certissimè nocentissimus calum-  
niator, homines talem erga se Deum semper habe-  
re, quales ipsi erga proximos suos fuerint.

285 Hoc est, Deum neminem amare posse, nec sal-  
uare uelle, qui proximum suum oderit, aut inimi-  
cias cum eo gesserit.

286 Amabunt igitur pueri omnes homines etiã  
ignotos, imò inimicos quoq;: omnibus bene cu-  
pient, & nemini malè uolent.

287 Hoc enim modo paci, concordia, & commu-  
ni omnium saluti studentes, ipsi sibi testes erunt, se  
ab eo spiritu duci ac regi, qui pacis, concordia &  
dilectionis auctor est.

288 Cū econtrà qui rixantur, oderunt, inuident,  
lædunt, nocent: mali spiritus sese mancipia esse, &  
ab illo se quolibet trahi, sibi ipsi testes sunt.

289 Credant se ad societatem & concordem ui-  
tæ communionem creatos esse à Deo, ad quam con-  
seruandam etiam natura legem fixit, ut ne quis al-



teri faciat, quod ab alio sibi nolit fieri.

290 Tum etiam Christus unicam nobis legem sanctiuit, toti uitæ nostræ sufficiētem: scilicet ut nos inuicem amemus. significās, nullis alijs legibus opus esse ijs, qui se mutuò diligunt.

291 Nā ubi hoc ita fit, ibi nemo alteri querit præferri, nemo inuidere, nemo nocere: nemo litem mouere, nec aliquid rapere. Quod amans sua quoque censeat esse, quæcunque eius sunt quem amat.

292 Cum autem Christus uniuersum genus humanum morte sua sibi asseruerit, tantoque precio de seruitute diaboli redemerit: nemo ausit contemnere, nemo ledere animam, quam ita Dominus amauit, ut nihil cunctatus sit pro illa suū sanguinem effundere, et uitam impendere.

293 Pro uniuersis crucifixus est Dominus, et pro singulis. Quare nemo putet fore Christo rem gratam, si oderit, quem ille amat. Et turpe fuerit, nolle illum fratrem habere, quem Deus non dedignatur filium sibi esse in Christo.

294 Imò Christus sibi hanc gratiam uult referri: quemadmodum ipse nos seruos nequam et pessimè meritos amauit, ut ita et nos conseruos nostros amemus.

295 Atque ita dilectionem proximorum certissimum ueræ pietatis argumentum constituit, ut non solum non Christianus, uerum etiam homicida iudican-

duſ ſit, quiſquis fratrem ſuum odio habet.

296 Ergo puer, qui Chriſtianus eſſe uelit, nemi-  
nem odio habeat, diligat omnes, etiam inimicos.  
Et licet indigni hi ſint qui amentur, tamen pro-  
pterea amandos eſſe cenſeat. quòd Chriſtus dignus  
ſit, cui in amando illos obediat.

297 Qui pacem & concordiam ſtudent inter  
homines uel conciliare, uel ſantam teſtam cõſerua-  
re, ij uerè pacifici ſunt: & Chriſto teſte, filij Dei  
uocabuntur.

298 Qui uerò diſcordias ſerunt, & charitatem  
hominum inter ſe reſcindunt, ij filij diaboli iudi-  
centur, & ab omni bonarum cõuerſatione exclu-  
dantur.

#### De reconciliando offenſos.

299 Si quem ſciat puer iniquo aut inſenſo in ſe  
eſſe animo, nullum laborem aut operam reſugiat,  
dum illum quacunq; ratione leniat, & placet ſibi.

300 At in reconciliandis à ſe offenſis, neq; pudo-  
re ullo ſe deterreri patiatur: neq; precibus neq;  
obſequio parcat, ſaltem ut ſibi gratiã omnium pa-  
ret, & ut à nemine ullius illatæ iniuriæ, aut non re-  
conciliatæ meritò accuſari poſſit.

301 Ita enim Chriſtus ſeuerè præcepit, ut non  
prius offeramus Deo munera noſtra, quàm offen-  
ſum peccato noſtro proximum nobis reconcilia-  
uerimus.

302 Porro libenter & ipse condonet ac remittat offensam offensori, reconciliationē flagitanti.

303 Nam Christus ita ait: Si remisistis hominibus errata sua, remittet & uobis pater cœlestis errata uestra. Si uerò non remisistis uos alijs, neq; pater cœlestis uobis remittet.

304 Nullius infortunium irrideat: non ignarus, quòd uni alicui accidit, posse cuius accidere: sed agat potius Deo gratias, quòd ipse extra malā sortem positus fuerit.

305 Crudelis animi est, alienis malis gaudere, & non miserari communem naturam.

306 Amori hominibus debito, nihil congruentius, quàm ad uirtutem instigare, & quàm plurimos bonos reddere.

307 Econtra nihil damnosius ac deterius, quàm uel suasis, uel exemplo, uel ullo incitamento alio alios deprauare, & malos reddere

#### De patientia.

308 Ab aliquo iniuriam passus, in illum ne reijciat iniuriam, neq; suis manibus ultionem de quo quam sumat. Nam priuata ultione, tum in Deum, tum in magistratum peccatur.

309 Nihil est iucundius & dignius homine libero, quàm æquo animo ferre posse, immeritò conuiciantem.

310 Rursum nihil indignius hominis natura, q̃n  
bil

nihil posse pati: sed ad omnem quātumlibet leuiusculam iniuriam statim excandescere, & in furorem agi.

311 At qui seipsum uincere potest, is facile et absque negotio quasuis ab alijs acceptas iniurias ferre poterit.

312 Iudicet autem multo satius ac foelicius esse, iniuriam accipere, quā facere: decipi, quā decipere. Quia: *quod* modum & ignoscere, generosi animi est: iram retinere, atrocis, seui & abiecti.

#### De sermone & colloquijs.

313 Pucro apud seniores nunquam loqui concessum sit, nisi aut interrogatus fuerit, aut meliora silentio sint, quæ loqui uelit.

314 Meliora silentio hæc sola sunt, quæ de rebus indubiè perspectis, et aliquo modo necessarijs, proferuntur.

315 Apud seniores aut digniores locuturus, singulari modestia ac reuerentia id faciat: caput aperiat, et ad quasq; honoris appellationes genu dextrum, alteri nōnihil præpositum, modicè inflectat.

316 Semper & apud quosq; cautè ac meditatè loquatur omnia. nam temeritas plurimis obfuit, incogitantia uerò etiam ueritatis studiosos interdum uanos facit.

317 Lenis & sedatus sit sermo, non clamosus, ut agricolarum solet esse: nec tam pressus, ut is ad quem

quem sermo fit, satis audire nequeat.

318 Ita loquax ne sit, ut apud alios solus audiri uelit: neq; ita taciturnus, ut uel interrogatus mussa re non desinat.

319 Nam ut maiorum sermones interpellare, aut præuerrere, fatuitas est: ita ad illorum interrogata nihil respondere, stupor.

320 Laudabile quidem silentium est: sed sermo laudabilior, si quis eo rectè sciat uti. quod in pueris uix unquam euenit, propter imperitiam et mentis infirmitatem.

321 Rogatus ab aliquo, tum demum respondeat, cum finem dicendi fecerit interrogator, non interrumpet sermonem.

322 Nec respondeat antè, quàm qua de re agatur satis intellexerit: & quid ille cui respondeat, dixerit, senseritq;.

323 Quod tum fiet, si non temerè, neq; subito respondebit: sed cum ea, quam puerilis ætas fert, cogitatione & modestia.

324 At ut puerilis ætatis nulla exquisita cogitatio sit, tamen attentio quædam esse potest earum rerum, quarum præcepta & doctrina in scholis traduntur.

325 Pueri loquaculi ferè & uani sunt, etiam cum illa promptitudo sermonis aliquid habet quasi elegantiae. Nā facilius fit, ut mentè lingua præuertat.

326 Puer semper malit plura audire quàm loqui. apparet enim etiam naturâ hoc ita uoluisse, quòd saltem unicam linguam homini dederit, aures uerò binas: scilicet, ut duplo plus audiat, quàm loquatur.

327 Est & alterum argumentum, quo natura silentij utilitatem commendare uoluisse uidetur: uidelicet, quòd linguam tam duro dentium sepi-mento incluserit, ac insuper geminis labris, quasi aggere quodam circumuallaucrit.

328 Nullum enim totius corporis membrum ad peccandũ facilius ac procliuius est, quàm lingua: quare maximo studio frenanda ac cohibenda est, ne uel alijs nocëat, uel sibi ipsi.

329 Qui cursu nimium incitato fertur, is sistere sese non potest ubi uult, sed longius effertur quàm uelit: sic qui in loquendo nimis uehemens est, is plerunq; etiam ad non dicenda temerè rapitur.

330 Ad omnem rem iudicio mentis opus est: quæ si uerba non direxerit, sepius ante consultationem effugium: & tanto uallo neglecto, citra iudicium ante tempus foras ruunt.

331 At ut procliue non est, auem è manu semel amissam recipere: ita nec dictum, semel ab ore profectum.

332 Porro qui intempestiue cantilenam musicam instituit, quamuis doctè cecinerit, tamen non ap-  
probatur,

probatur, sed crimen stultitiæ incurrit.

333 Ita etiam in loquendo, nisi quis occasionis modum obseruauerit, nix unquam laudabilia dicet.

334 Et non minor est ars scire, ubi & quando tacendum sit, quam ubi & quando loquendum.

335 Quare Isocrates à quodam Careone lingua ei homine, et in disciplinam eius recipi petente, duplicem mercedem postulauit. illi uero causam interroganti, dixit: alteram quidem peto, ut loqui te doceam, alteram, ut tacere.

336 Ad reprehendendum alios ne sit facilis, multo minus uero acerbus aut atrox.

337 Hoc unum autem diligentissime semper curet, ne ipse in se quicquam habeat, quod alij merito reprehendere possint.

338 Nemini conuiciū faciet puer, neminem excretur, etiam si laceſſitus sit, aut læsus: magis enim sese & apud Deum & apud homines cordatos effreni maledicentia lædet, quam illū cui maledicit.

339 Lasciuia & spurciciem in sermone non minus oderit, quam uenenum in cibis. ex ore enim iudicatur cor: & quicquid talem asſirmamus esse, qualia sunt quæ loquitur.

340 Ergo si de rebus friuolis aut molestis loqui debet puer, breuiter ea perstringat, & ad cōmodio

ra properet, ac quasi transiliat.

341 Quemadmodum ij solent, qui per loca spī-  
nosa ingredientēs, suspēsis gradibus incedunt, &  
à minus tutis locis, ad magis tuta, quasi intentato  
saltu transiliunt.

342 Nec os tantum à turpibus cohibeat, sed e-  
tiam aures: quòd ueteri prouerbio, prauæ confabu-  
lationes probos mores corrumpunt.

De non iurando.

343 Iurare nullo modo consuescat: nec Deum suis  
dictis aut factis testem adducat, nisi coactus rei ma-  
gnitudine ac dignitate: nec tamen id immodestè,  
aut inuerecundè.

344 Detestationes, ac dirarum imprecationes,  
per nomen Dei, per passionem, uulnera ac mor-  
tem Christi, non tantum ipse non faciet: sed etiam  
ubicunq; ex alijs eiusmodi audiuerit, tanquam im-  
pijsimam blasphemiam abhorreat: imò diabolum  
ipsum ex hominis ore maledico loquentem iudi-  
cet, & detestetur.

345 Nunc uulgò leuiusculum peccatum putatur  
esse, si quis Dei nomen subinde etiam inter familia-  
riter loquendum, non ex ulla necessitate, sed sola  
consuetudine usurpet, manifesto nimirum errore.

346 Certissimum enim est, etiam leuiusculas has  
nominis Dei usurpationes lege diuina prohibitās  
esse: & cum qui per Deum ita iurat, sanctissimum



ac summum iusiurandum dare: uidelicet tanto grauiore peccato, quanto causa leuior existit.

## De pudore.

347 Morum institutio potissimum pertinet eò, ut quicquid fiet, diceturue, semper habeat in sese prudentem modestiam, ordinemq; agendi conuenientem, ubiq; obseruato decoro ac pudore.

348 Pudor, habitus est cauendi & prouidendi, ne quid tale cõtingat, ut sit erubescendum: omni quidem ætati congruens, sed ornamentũ præcipuum adolescentiæ.

349 Et nihil laudabilius est, neq; melius ad spem bonam in puero, quàm uerecundia: quòd ea sit tãquam fundamentum uirtutis: & quòd absq; ea in literis nemo facillè ad frugem perueniat.

350 Rursus nihil dici potest deformius, aut detestabilius, quàm immodesta impudentia. & desperanda illius salus est, quem desijt pudere malefacere.

351 Cui perfricta frons est, nec amplius erubescit, is ad quoduis scelus perpetrandum procliuius fit. Nam impudentia ad omnem turpitudinem dux est.

352 Omnes humanæ res natura consenescent, & ad finem temporis ueniunt, præter solam impudentiam, quæ quotidie accrescit magis.

353 Decet autem pueros & ore, & lingua, & animo pudentes esse: & id modeste ac temperate,

ne immodicus pudor stuporem adducat, aut ut deliranti similem reddat.

354 Immodestum ac rusticum pudorem nihil rectius temperat, quàm si uiris grauitate præcellentibus conuersentur pueri, ac Comædijs agendis, seu Dialogis memoriter recitandis sæpius exercentur.

#### De cauendo mendacio.

355 Veritas præcipua conseruatrice est, non solum bene morata, sed etiam uera, beata & sapientis uitæ: sine qua nihil neque probum, neque prudens, neque liberale existere potest.

356 Econtrà mendacium res omnium turpissima: & nihil est abiecius homine mendace. Cum enim aliorum uiciorum homines nihilominus ad honestatis officia adhibeantur, solus mendax nusquam neque gratiam, neque authoritatem ullam meretur.

357 Est autem sermo mendax, qui quæ nō sunt esse, & contrà, quæ sunt non esse pronunciat.

358 Assuescat itaque puer abhorreere à mendacio; tanquam à corruptela quadam: & semper habeat linguam cordi consonantem.

359 Nihil nisi quod rectum, uerum ac simplex sit loquatur: & meminerit, semel deprehenso mendaci, deinde neminem facile credere, etiam si uerissima dixerit.

360 Veritati cognitæ nunquam quicquam contrā dicat: imò etiam errores aliorū interdum dissimulet, si eiusmodi sint, ut pietati ac morum probitati nihil noceant.

361 Si quid promiserit, præstet, saltem ut suam fidem alteri obligatam soluat: at nihil promittat, nisi quod facile præstare possit.

362 Nemini quicquam polliceatur, de aliena ope operatū: multo minus uerò in se recipiat, quod per alios, quos in sua potestate nō habet, fieri debet.

363 Ad operam enim suam alteri dandam, non quiuis satis firmus est: & pauci sunt, qui constanter amant.

364 Ex quo sæpe euenire solet, ut aliquis etiam ab ijs parum curetur, quos sui amantiſsimos, & sibi fidiſsimos esse putat.

365 Postremò ita iudicet, cum in numero bonorum censendum non esse, qui mentiri & fallere uel paululum modò induxit animum: ut licere sibi putet, aliud sentire aliquando, & aliud loqui, & habere linguam à corde discrepantem.

Quatenus simulatione mendaciòq; utendum sit.

366 Et ut liceat nonnunquam mentiri, aut simulatione saltem ioci causa uti, cum non fraus fuerit, sed lusus: tamen & ipsum parcè & molliter fiat, ut ne lædat eum cui uelis illudere.

ne immodicus pudor stuporem adducat, aut ut deliranti similem reddat.

354 Immodestum ac rusticum pudorem nihil rectius temperat, quàm si uiris grauitate præcellentibus conuersentur pueri, ac Comædijs agendis, seu Dialogis memoriter recitandis sæpius exercentur.

#### De cauendo mendacio.

355 Veritas præcipua conseruatrice est, non solum bene morata, sed etiam uera, beata & sapientis uitæ: sine qua nihil neque probum, neque prudens, neque liberale existere potest.

356 Econtrà mendacium res omnium turpissima: & nihil est abiecius homine mendace. Cum enim aliorum uiciorum homines nihilominus ad honestatis officia adhibeantur, solus mendax nusquam neque gratiam, neque authoritatem ullam meretur.

357 Est autem sermo mendax, qui quæ nō sunt esse, & contrà, quæ sunt non esse pronunciat.

358 Assuescat itaque puer abhorreere à mendacio, tanquam à corruptela quadam: & semper habeat linguam cordi consonantem.

359 Nihil nisi quod rectum, uerum ac simplex sit loquatur: & meminerit, semel deprehenso mendaci, deinde neminem facile credere, etiam si uerissimè dixerit.

360 Veritati cognita nunquam quicquam contra dicat: imò etiam errores aliorum interdum dissimulet, si eiusmodi sint, ut pietati ac morum probitati nihil noceant.

361 Si quid promiserit, præstet, saltem ut suam fidem alteri obligatam soluat: at nihil promittat, nisi quod facile præstare possit.

362 Nemini quicquam polliceatur, de aliena ope operante: multo minus uerò in se recipiat, quod per alios, quos in sua potestate non habet, fieri debet.

363 Ad operam enim suam alteri dandam, non quivis satis firmus est: & pauci sunt, qui constanter amant.

364 Ex quo sæpe evenire solet, ut aliquis etiam ab ijs parum curetur, quos sui amantiſsimos, & sibi fidiſsimos esse putat.

365 Postremò ita iudicet, cum in numero bonorum censendum non esse, qui mentiri & fallere uel paululum modò induxit animum: ut licere sibi putet, aliud sentire aliquando, & aliud loqui, & habere linguam à corde discrepantem.

Quatenus simulatione mendacioque utendum sit.

366 Et ut liceat nonnunquam mentiri, aut simulatione saltem ioci causa uti, cum non fraus fuerit, sed lusus: tamen & ipsum parcè & molliter fiat, ut ne lædat eum cui uelis illudere.

367 Simulatio seu illusio, quæ scitè, aptè & citra  
offensionem fit, condimentum est nonnunquam so-  
dalitij & familiaritatis.

368 Et melius est adolescentem comem & hila-  
rem esse, quàm austum, tetricum & difficilem.

369 Scita & probabilis simulatio est, qua recti  
honestiq; imitatio fingitur: e contra turpissima, qua  
scurrarum gestus, turpia dicta facta quæ repræ-  
sentantur.

370 Postremo, nullæ unquam leges mentiri cui-  
quam concessere, nisi fortè veritatis studiosis ac  
prudentibus uiris: qui, quo tempore, quoq; modo,  
natura mendacij non soleat obesse, intelligant: &  
necessariæ commoditatis causa, mendacium sequen-  
tura, id faciant.

#### De arcanis.

371 Puer caueat, ne quid faciat, dicatq; quo secu-  
rus, aut extra periculum non sit, nisi celetur.

372 Vix unquam enim quicquid ita clam & pro-  
cul ab omnibus testibus peccari potest, quod non  
tempus aliquando in lucem protrahat ac publicet.

373 Et si nemo alius sit, qui facere indicium de al-  
terius scelere possit: tamen uel ipsius auctoris uul-  
tus illud clam esse non sinet, sed prodet utiq;.

374 Aut, si etiam hoc non fiet, tamen certissi-  
mum est, uindicem Dei oculum, qui etiam abstru-  
sissima quæque coram aspicit, nihil passurum ita  
abscon-

absumsum iri, ut non reueletur.

375 Celebris sententia est, Arcanum cuiusquam fidei ab alio creditum, accuratius asseruandum, ac fidelius custodiendum esse, quàm depositam pecuniam.

376 Nihil enim tutum esse posset in humana uita, si nulla secretorum fides inter homines extaret.

377 Suorum arcanorum nemini quicquam credat puer, cuius fidem in tacendo non antè satis probatam habuerit.

378 At si parentes, domini, aut præceptores, & qui horum loco esse solent, aliquid secreti mandât, quod clam contineri uolût illi, istud puer tanquam lapidi dictum seruet; & nulli alteri, quantumuis spectata fidei, communicet.

379 Imò quicquid tacitum uelit, id nemini credat. Ridiculum enim est, ab alijs silentij fidem expectare, quam ipse tibi non præstes.

380 Nemo est adeò continentis linguae, ut non habeat aliquem, in quem transfundat arcanum.

381 Fortasse potest arcanum alteri creditum celari: at quod ad tertij aurem peruenerit, id amplius arcanum esse nequaquam poterit.

382 Atqui hic uerum est, quod teutonico enigmate proponitur: quiddam esse, quod uni sit nimis angustum, duobus satis amplum, tribus nimis spaciosum: uidelicet arcanum.

383 Sed pro arcanis habenda non sunt, aliorum scelera aut malefacta, quorum conscius sit puer: neq; ea parentes, dominos ac præceptores, autorum celare uelit.

384 Nam non rarò fieri solet, quòd compertis sceleratorum facinoribus, non solum ipsi autores, uerùm etiam conscij scelerum, quòd indicium nullum fecerint in periculum corripiuntur, & simul ad pœnas dandas adiguntur.

385 Ita enim lex habet: Peccantibus alijs conuiuentes, aut operam suam illorum sceleribus occultandis addentes, eadem cum fontibus pœna plectendos esse.

386 Et à pueris, scelerum condiscipulorum conscijs, indicium fieri magnum operæ precium est, quod in tēpore rescita peccata puniri, peccantes corrigi, & ad bonā frugem ita reduci possint.

387 Cum econtrà occultorum scelerum autores indices securiores fiunt, & quasi parta sibi ad peccandum licentia, audentius quiduis patrare consuescunt.

#### De corpore curando.

388 Sic curandum est corpus, ut se non dominum animi, non socium, sed mancipium esse sentiat: nec sibi ipsi pasci aut uiuere, sed animo.

389 Quare cibi, somni, exercitationes, atq; ad còtota corporis curatio, ad sanitatem referenda est,

non



non ad uoluptatem ac delicias, ut animo promptè inscruiat, ne ferocia cultus insolescat, ne uirium inopia decidat.

390 Nam nihil est quod mentis uigorem magis debilitet, & robur ac nervos corporis magis infringat, quàm uoluptas.

391 Imò ut omnes uires cùm corporis tum mentis opere ac labore uegetantur: ita ocio & uoluptatis mollitie languescunt.

392 Mirum in modum uerò cum ad ualetudinis, tum ingenij bonitatem confert mundicies corporis, & uictus ratio, quæ citra delicias ac morosam appetentiam continetur.

393 Sepe igitur abluantur manus & facies frigida, & mundo linteolo detergantur.

394 Repurgentur etiam crebrò eæ partes, quæ sordibus & excrementis ad externa corporis, meatus præbent: puta, caput, aures, oculi, nares, maxillæ, & pudenda.

395 Pedes ita foueantur, ut mundi sint, & calidi: atq; adcò ab omnibus corporis partibus frigus arceatur, maximè uerò à ceruice.

396 Ne statim edat puer à quiete, nec ante prandium, nisi tenuiter. Ientaculum enim sedando stomacho, aut refocillando datur corpori, nō satietati.

397 Ad ientaculum sufficiunt tres aut quatuor buccæ, sed sine potu: aut certè cum exiguo, atq; co

tenui. Hoc enim salubre est, non minus ingenio, quàm corpori.

398 Esurus siue ientaculum, seu prandium, seu coenam, semper cogitet, quicquid appositum fuerit, ipsum diuinæ benignitatis munus esse; & propterea se Deo semper debere & agere, & habere gratias.

399 In prandio & coena unis saltem, aut alteris epulis uestatur, eisq; simplicissimis: & si datur electio, saluberrimis: quamuis uariis adsit apparatus.

400 Certum enim est, multiplici ciborum uarietate proposita, salubrem uestendi temperantiam difficillimè conseruari posse: & esculentorum diuersitate stomachi naturalem ad digerendum uim turbari & corrumpi.

401 Tum etiam ita fit, ut pueri à teneris annis ad esculentorum delicias assuefacti, deinceps per omnem ætatem suam profusi ac prodigi, fastidiant frugalitatem, & nullam egestatem ferre possint.

402 Munda & pura parsimonia, temperatis & castis animis congruens, conseruatrice est rei familiaris: & quæ sola efficit, ne multis indigere nobis uideamur: & ut equis animis egestatem tolerare possimus.

403 Imò etiam ut ne suscipiamus pessima facinoræ questus gratia, ad indulgendum gulæ uel luxu, uel lauticijs, uel delicatis nimium & exquisitis cibis irritatæ.

404 Postremò etiam hoc præstat parsimonia, ut præsentia, & quæ in diem nobis Deus largitur, nõ modò nobis sufficiant, uerùm etiam ut ex eis liceat egentibus aliquid impartiri: & ultra hos in futuros quoq; usus nonnihil reponi.

405 Quod & Christus ipse suo exemplo nos docuit, quum post exaturatam multitudinem, reliquias panum & piscium, ne perirent, colligi præciperet.

406 Natura quidem necessaria docuit, quæ pauca sunt, & paruo parabilia: stultitia uerò superflua excogitauit, quæ sunt infinita & difficilia.

407 Et historiæ testantur, sub prisca frugalitate homines robustissimos ac uiuacissimos fuisse: quum econtrà hoc tempore, ob deliciarum molliciem, imbecille planè ac breuissimæ uitæ sit humanum genus.

408 Ergo si naturæ des necessaria, delectatur, & roboratur, tanquam uernaculis ac proprijs: sin superflua, debilitatur & affligitur tanquã alienis.

409 Inter omnes uirtutes nulla puerili ætati magis conueniet, quàm temperantia: quòd illius habitus potius ex consuetudine, quàm ratione comparetur.

410 Et cum cæteræ uirtutes magnum rationis iudicium necessariò requirant: hæc sola est, quam etiã mediocris iudicij homo per assuetudinẽ assequi possit.

411 Est autem temperantia, qua ijs rebus, quas maximè appetimus, nunquam ad satietatem usq; sed semper citra quàm uoluptas fert ulimur.

412 Quam uirtutè tanto libentius amplectantur pueri, quòd nihil sit, quòd plures morbos præcauere aut repellere possit, quàm accurata uictus moderatio.

De moribus apud mensam  
seruandis.

413 Mensam extructurus puer, sedulò uideat, ut tota supellex ad mensam pertinens, munda sit, & omni spurcicie careat, & ut quæque suo loco ac ordine disponat.

414 Mappas ita insternat, ut æqualiter sint explanatæ, ne quid rugarum habeant: neue ab alio latere plus, ab alio minus dependeant.

415 Mensa ritè instrata, tum circulū patinarium mediæ imponat: & deinde circūquaq; orbes, salina & coclearia pro accubitororū numero disponat.

416 Diligenter uerò studeat, ut pocula, siue argentea ea sint, seu uitrea, quorū usus inter epulandum futurus est, ex pura ac recenti aqua prius eluat, quàm in mensam collocet.

417 In eluendo uitrea, meminerit quàm fragilis materia uitri sit: ut tanto accuratius inter manus tractet, ne frangat.

418 Post hæc, de apportandis & imponendis in  
mensam

mensam ferculis, diligenter ex patrefamiliâs aut conuiuatore percontetur: ne quid intempestiuè, aut non suo ordine faciat.

419 Ministraturus conuiuantibus, decenter consistat ad mensam, & singula consideret: si quid forte desit, ut adferat, ac apponat: aut si quid auferendum sit, ut modeste id auferat.

420 Quicquam porrecturus petenti cuiquam, dextra manu id faciat, non læua: & quocunq; manus proferet, eodem & oculos intendat.

421 Inter apponendum aut auferendum aliquid, accuratè agat, ne proximè sedētibus trudendo, effundendo, aut euertendo aliquid, molestus sit.

422 Diligentissimè uerò attendat, si quid à quocquam conuiuarum desideretur, ut ipsum semel indicatum gnauiter præstet: & turpe putet esse, si de eadē re sæpius quàm semel admonendus fuerit.

423 Infundens ne ad summum usq; poculum impleat: sed inferius lato digito, aut minus eo, cesset: idq; cautè, ne quid superfundat.

424 Alicui porrecturus poculū, ipsum medium, aut paulo inferius, trium digitorum extremis articulis teneat.

425 Nam summas poculi oras, quæ labijs admoueri solent, digitis attrectare, aut tota manu, more la-  
niorum esutia intestinis infarcientium, complecti, nimis rusticum est.

426 Si quid fortè in poculum incidit, quod in fundum descendit, aut supernè innatat, cultelli cuspide eximendum est, non digito.

427 Si cultelli cuspide non satis commodè potest eximi, in aliud uasculum potus transfundatur, & euacuatum poculum rursus recenti aqua eluatur.

428 Emuncturus lucernam, cautè id faciat, ne lucernam extinguat: emunctum illicò comprimat, ne conuiuiarum naribus, emunctionis foetor suboleat.

429 Comesurus cum maioribus, non prius accumbet, quàm manus lauerit, unguium sordes expurgauerit, ac cibos sumendos seria precatiuncula consecrauerit.

# VARIAE FORMVLAE CONSE- crandi cibum & potum.

## I.

**Q**uesumus te Deus pater omnipotens, ut nobis in Christum filium tuum credentibus, ope tua semper adsis: & uisum, quem de manu tua iam sumemus, per tuam benedictionem nobis salubrem efficere digneris.

Gratiarum actio.

Laudamus clementiam tuam Pater æterne, & gratias tibi pro immensa tua misericordia agimus, quæ nos primò ad imaginem tuam creasti, & hætenus largiter pauisti, atq; etiam posthac regni cælorum

cælorum hæredes in Christo filio tuo perpetuò  
saluaturus es, Amen.

## A L I A F O R M A.

## I I.

**O**Mnipotens & æterne Deus, effice quæsu-  
mus per Spiritum sanctum tuum in nobis,  
ut ita muneribus ac beneficijs tuis in hac uita fru-  
mur, ut nomen tuum sanctificemus: & mandatis  
tuis obsequentes, animas nostras ab omni peccato-  
rum labe puras conseruemus, in Christo Iesu fi-  
lio tuo, Amen.

## Gratiarum actio.

Gratias agimus tibi pater æterne, pro immen-  
sa tua misericordia, qua non solum uictum & ami-  
ctum ad hanc uitam tuendam nobis confers, uerum  
etiam peccata clementer remittis: & æternæ uitæ  
consequendæ spem certissimam facis, in Christo Ie-  
su filio tuo, redemptore nostro, qui tecum uiuit, &c.

## A L I A F O R M A.

## I I I.

**B**enedictus Deus, qui nos pascis à iuuentu-  
te nostra: qui cibum præbes omni carni: re-  
ple nos gaudio & leticia in Spiritu sancto, ut as-  
satim quod satis est habentes, abundemus in omne  
opus bonum, in Christo Iesu Domino nostro: cum  
quo tibi gloria, honor & imperium, cum sancto  
Spiritu in omne æuum, Amen.

## Gratiarum

## Gratiarum actio.

Gloria tibi Domine, Gloria tibi Sancte, Gloria tibi rex, quoniā dedisti nobis escas: imple nos gaudio & leticia in Spiritu sancto, ut inueniamur in conspectu tuo acceptabiles: nec pudeamus, quando reddes unicuiq; secundum opera sua, Amen.

## A L I A F O R M A.

## IIII.

## Ex Psalmo.

**O** Culi omnium in te sperant Domine, & tu das escam illorum in tempore opportuno. Aperis tu manum tuam, & imples omne animal benedictione. Gloria patri, &c. Kyrie, Christe, Kyrie, &c. Pater noster, &c.

## Gratiarum actio.

Confitemini Domino, quoniā bonus: quoniam in æternum misericordia eius. Qui dat escam omni carni: qui dat iumentis escam ipsorum, & pullis coruorum inuocantibus eum. Non in fortitudine equi uoluntatem habebit, neq; in tibijs uiri beneplacitum erit ei. Beneplacitum est Domino super timentes eum, & in eis qui sperant super misericordia eius. Gloria patri, &c. ut supra.

## A L I A F O R M A.

## V.

**O** Ramus te Domine Deus pater noster celestis, ut nos & hæc dona, quæ à tua largitate



Pædonomia.

783

tate sumimus, benedicas, propter Iesum Christum  
Dominum nostrum, Amen.

Gratiarum actio.

Gratias agimus tibi Domine Deus pater noster  
cœlestis, per Iesum Christum Dominum nostrum,  
pro uniuersis donis ac beneficijs tuis, qui uiuis &  
regnas Deus, per omnia secula seculorum, Amen.

ALIA FORMA.

VI.

**Q**uicquid appositū est, et quicquid appone  
tur, fœlix ac sacrū esse iubeat Deus pater  
noster, qui sua benignitate pascit uniuersa, Amen.

Gratiarum actio.

Qui nos creauit, redemit & pauit: illi bene-  
dictio gratias agimus æternas.

ALIA FORMA.

VII.

**D**eus misereatur nostri, & benedicat nobis:  
illuminet uultum suum super nos, ut co-  
gnoscamus in terra uiam tuam, in omnibus genti-  
bus salutem tuam. Gloria patri, &c.

GRATIARVM ACTIO.

Per Psalmum 116.

Laudate Dominum omnes gentes, laudate eum  
omnes populi. Quoniam confirmata est super nos  
misericordia eius, & ueritas Domini manet in  
æternum.

ALIA

## ALIA FORMA.

Ex Psalmo 105.

VIII.

**C**elebremus Dominū, & inuocemus nomen eius, nota faciemus in populo opera eius. Ipse enim est Dominus Deus noster, in uniuersa terra iudicia eius. Letetur cor quærentiū Dominum, & fortitudinem eius: quæremus faciem eius iugiter. Gloria patri, &c.

## GRATIARVM ACTIO.

Ex Psalmo 107.

Confiteamur Domino, quoniā bonus, quoniam in seculum misericordia eius. Quoniam satiauit animam uacuam, & animam esurientem impleuit bonis. Misit uerbum suum, & sanauit nos, & liberauit nos à corruptionibus nostris. Gloria patri & filio, &c.

## ALIA FORMA.

IX.

**C**hriste Deus, benedic cibum & potum seruorum tuorum: quoniam sanctus es iugiter, nunc & semper, & in secula seculorum, Amen.

Gratiarum actio,

Benedictus Deus, qui miseraris, & alis nos ex largis donis tuis: id' que ex gratia & benignitate tua iugiter, nunc & semper, & in secula seculorum, Amen.

430 Quemcuq; longum grandior natu assignauerit, cum puer uerecundè capiat, & non uolet serenitentem adtrahi. Inciuilitas enim est, seniorum iussibus nimium refragari.

431 Et meritò uicio datur puero, si pertinaci sua recusatione, grandioris uoluntatem quasi improbet: atq; ita illo se prudentiorem intelligi uelit.

432 Postremus, & non nisi inuitatus, manū patinæ admoueat. est enim rustica impudentia seniores, in uix dum appositis ferculis carpendo, anteuertere.

433 E patina sibi quippiam decerpens, digitos in iussulēta ne immergat: sed cultelli cuspide, quod ante se proximè positum fuerit, tollat.

434 Accumbens comedat sanè, si esuriat: neq; dubitet modestè ac decenter carpere cibos, nihil ueritus alios, quicunq; affuerint. Nam simulare satieta-tem, dum esurias, stolidi ciuilitas est.

435 Ne recuset puer, si quid illi appositum fuerit à maiore, sed retineat: nisi fortè plus sit quàm conueniat, aut quàm citra uoracitatis crimen retineri possit.

436 De immodico desecabit aliquantulū, & in quadram suam deponet: reliquum in patinam, aut illi, à quo totum acceperat, restituat.

437 Pisces cultello scindere, aut configere, uicio sum putatur: at eos summis digitis frangi, et cultel

383 Sed pro arcanis habenda non sunt, aliorum scelera aut malefacta, quorum conscius sit puer: neq; ea parentes, dominos ac præceptores, autorum celare uelit.

384 Nam non rarò fieri solet, quòd compertis sceleratorum facinoribus, non solum ipsi autores, uerùm etiam conscij scelerum, quòd indicium nullum fecerint in periculum corripuntur, & simul ad pœnas dandas adiguntur.

385 Ita enim lex habet: Peccantibus alijs conniuentes, aut operam suam illorum sceleribus occultandis addentes, eadem cum fontibus pœna plectendos esse.

386 Et à pueris, scelerum condiscipulorum conscijs, indicium fieri magnum operæ precium est, quod in tēpore rescita peccata puniri, peccantes corrigi, & ad bonā frugem ita reduci possint.

387 Cum econtrà occultorum scelerum autores indies securiores fiunt, & quasi parta sibi ad peccandum licentia, audentius quiduis patrare consuecunt.

#### De corpore curando.

388 Sic curandum est corpus, ut se non dominum animi, non socium, sed mancipium esse sentiat: nec sibi ipsi pasci aut uiuere, sed animo.

389 Quare cibi, somni, exercitationes, atq; ad còtota corporis curatio, ad sanitatem referenda est,

non

non ad uoluptatem ac delicias, ut animo promptè  
inseruiat, ne ferocia cultus insole scat, ne uirium  
inopia decidat.

390 Nam nihil est quod mentis uigorem magis de  
bilitet, & robur ac nervos corporis magis infrin  
gat, quàm uoluptas.

391 Imò ut omnes uires cùm corporis tum mentis  
opere ac labore uegetantur: ita ocio & uolupta  
tis mollitie languescunt.

392 Mirum in modum uerò cum ad ualeitudinis,  
tum ingenij bonitatem confert mundicies corpo  
ris, & uictus ratio, quæ citra delicias ac morosam  
appetentiam continetur.

393 Sepe igitur abluantur manus & facies frigi  
da, & mundo lintcolo detergantur.

394 Repurgentur etiam crebrò & partes, quæ  
sordibus & excrementis ad externa corporis,  
meatus præbent: puta, caput, aures, oculi, nares, ma  
xillæ, & pudenda.

395 Pedes ita foueantur, ut mundi sint, & calidi:  
atq; adco ab omnibus corporis partibus frigus ar  
ceatur, maximè uerò à ceruice.

396 Ne statim edat puer à quiete, nec ante pran  
dium, nisi tenuiter. Ientaculum enim sedando stoma  
cho, aut refocillando datur corpori, nō satietati.

397 Ad ientaculum sufficiunt tres aut quatuor  
buccæ, sed sine potu: aut certè cum exiguo, atq; eo

tenui. Hoc enim salubre est, non minus ingenio, quam corpori.

398 Esurus siue ientaculum, seu prandium, seu coenam, semper cogitet, quicquid appositum fuerit, ipsum diuinæ benignitatis munus esse; & propterea se Deo semper debere & agere, & habere gratias.

399 In prandio & coena unis saltem, aut alteris epulis uescatur, eisq; simplicissimis: & si datur electio, saluberrimis: quamuis uariis adsit apparatus.

400 Certum enim est, multiplici ciborum uarietate proposita, salubrem uescendi temperantiam difficillimè conseruari posse: & esculentorum diuersitate stomachi naturalem ad digerendum uim turbari & corrumpi.

401 Tum etiam ita fit, ut pueri à teneris annis ad esculentorum delicias assuefacti, deinceps per omnem etatem suam profusi ac prodigi, fastidiant frugalitatem, & nullam egestatem ferre possint.

402 Munda & pura parsimonia, temperatis & castis animis congruens, conseruatrice est rei familiaris: & quæ sola efficit, ne multis indigere nobis uideamur: & ut æquis animis egestatem tolerare possimus.

403 Imò etiam ut ne suscipiamus pessima facinoræ questus gratia, ad indulgendum gulæ uel luxu, uel lauticijs, uel delicatis nimium & exquisitis cibis irritata.

404 Postremò etiam hoc præstat parsimonia, ut præsentia, & quæ in diem nobis Deus largitur, nõ modò nobis sufficiant, uerùm etiam ut ex eis liceat egentibus aliquid impartiri: & ultra hos in futuros quoq; usus nonnihil reponi.

405 Quod & Christus ipse suo exemplo nos docuit, quum post exaturatam multitudinem, reliquias panum & piscium, ne perirent, colligi præciperet.

406 Natura quidem necessaria docuit, quæ pauca sunt, & paruo parabilia: stultitia uerò superflua excogitauit, quæ sunt infinita & difficilia.

407 Et historiæ testantur, sub prisca frugalitate homines robustissimos ac uiuacissimos fuisse: quum econtrà hoc tempore, ob deliciarum molliciem, imbecille planè ac breuissimæ uitæ sit humanum genus.

408 Ergo si naturæ res necessaria, delectatur, & roboratur, tanquam uernaculis ac proprijs: sin superflua, debilitatur & affligitur tanquàm alienis.

409 Inter omnes uirtutes nulla puerili ætati magis conueniet, quàm temperantia: quòd illius habitus potius ex consuetudine, quàm ratione comparetur.

410 Et cum cæteræ uirtutes magnum rationis iudicium necessariò requirant: hæc sola est, quam etià mediocris iudicij homo per assuetudinē assequi possit.

411 Est autem temperantia, qua ijs rebus, quas maxime appetimus, nunquam ad satietatem usq; sed semper citra quam uoluptas fert utimur.

412 Quam uirtutē tanto libentius amplectantur pueri, quod nihil sit, quod plures morbos præcauere aut repellere possit, quam accurata uictus moderatio.

### De moribus apud mensam seruandis.

413 Mensam extructurus puer, sedulo uideat, ut tota supellex ad mensam pertinens, munda sit, & omni spurcie careat, & ut quæque suo loco ac ordine disponat.

414 Mappas ita insternat, ut æqualiter sint explanatæ, ne quid rugarum habeant: nec ab alio latere plus, ab alio minus dependeant.

415 Mensa ritè instrata, tum circulū patinarium mediæ imponat: & deinde circūquaq; orbes, salina & coclearia pro accubitorū numero disponat.

416 Diligenter uerò studeat, ut pocula, siue argentea ea sint, seu uitrea, quorū usus inter epulandum futurus est, ex pura ac recenti aqua prius eluat, quam in mensam collocet.

417 In eluendo uitrea, meminerit quam fragilis materia uitri sit: ut tanto accuratius inter manus tractet, ne frangat.

418 Post hæc, de apportandis & imponendis in mensam



mensam ferculis, diligenter ex patrefamiliâs aut conuiuatore percontetur: ne quid intempestiuè, aut non suo ordine faciat.

419 Ministraturus conuiuantibus, decenter consistat ad mensam, & singula consideret: si quid fortè desit, ut adferat, ac apponat: aut si quid auferendum sit, ut modeste id auferat.

420 Quicquam porrecturus petenti cuiquam, dextra manu id faciat, non læua: & quocunq; manus proferet, eodem & oculos intendat.

421 Inter apponendum aut auferendum aliquid, accuratè agat, ne proximè sedētibus trudendo, effundendo, aut euertendo aliquid, molestus sit.

422 Diligentissimè uerò attendat, si quid à quocquam conuiuarum desideretur, ut ipsum semel indicatum gnauiter præstet: & turpe putet esse, si de eadē re sæpius quàm semel admonendus fuerit.

423 Infundens ne ad summum usq; poculum impleat: sed inferius lato digito, aut minus eo, cesset: idq; cautè, ne quid superfundat.

424 Alicui porrecturus poculū, ipsum medium, aut paulo inferius, trium digitorum extremis articulis teneat.

425 Nam summas poculi oras, quæ labijs admoueri solent, digitis attrectare, aut tota manu, more la-  
niorum esicia intestinis infarcientium, compleri, nimis rusticum est.

426 Si quid fortè in poculum incidit, quod in fundum descendit, aut supernè innatat, cultelli cuspide eximendum est, non digito.

427 Si cultelli cuspide non satis commodè potest eximi, in aliud uasculum potus transfundatur, & euacuatum poculum rursus recenti aqua eluatur.

428 Emuncturus lucernam, cautè id faciat, ne lucernam extinguat: emunctum illicò comprimat, ne conuiuiarum naribus, emunctionis foetor suboleat.

429 Comesurus cum maioribus, non prius accumbet, quàm manus lauerit, unguium sordes expurgauerit, ac cibos sumendos seria precatiuncula consecrauerit.

#### VARIAE FORMVLAE CONSE- crandi cibum & potum.

##### I.

**Q**uæsumus te Deus pater omnipotens, ut nobis in Christum filium tuum credentibus, ope tua semper adsis: & uictum, quem de manu tua iam sumemus, per tuam benedictionem nobis salubrem efficere digneris.

Gratiarum actio.

Laudamus clementiam tuam Pater æternæ, & gratias tibi pro immensa tua misericordia agimus, qua nos primò ad imaginem tuam creasti, & hactenus largiter pauiisti, atq; etiam posthac regni cælorum

cælorum hæredes in Christo filio tuo perpetuò  
saluaturus es, Amen.

## A L I A F O R M A.

## I I.

**O**Mnipotens & æterne Deus, effice quæsu-  
mus per Spiritum sanctum tuum in nobis,  
ut ita muneribus ac beneficijs tuis in hac uita frua-  
mur, ut nomen tuum sanctificemus: & mandatis  
tuis obsequentes, animas nostras ab omni peccato-  
rum labe puras conseruemus, in Christo Iesu fi-  
lio tuo, Amen.

## Gratiarum actio.

Gratias agimus tibi pater æterne, pro immen-  
sa tua misericordia, qua non solum uictum & ami-  
ctum ad hanc uitam tuendam nobis confers, uerum  
etiam peccata clementer remittis: & æternæ uitæ  
consequendæ spem certissimam facis, in Christo Ie-  
su filio tuo, redemptore nostro, qui tecum uiuit, &c.

## A L I A F O R M A.

## I I I.

**B**enedictus Deus, qui nos pascis à iuuentute  
nostra: qui cibum præbes omni carni: re-  
ple nos gaudio & leticia in Spiritu sancto, ut af-  
fatim quod satis est habentes, abundemus in omne  
opus bonum, in Christo Iesu Domino nostro: cum  
quo tibi gloria, honor & imperium, cum sancto  
Spiritu in omne æuum, Amen.

## Gratiarum

## Gratiarum actio.

Gloria tibi Domine, Gloria tibi Sancte, Gloria tibi rex, quoniā dedisti nobis escas: imple nos gaudio & leticia in Spiritu sancto, ut inueniamur in conspectu tuo acceptabiles: nec pudeamus, quando reddes unicuique secundum opera sua, Amen.

## A L I A F O R M A.

## IIII.

## Ex Psalmo.

**O**Culi omnium in te sperant Domine, & tu das escam illorum in tempore opportuno. Aperis tu manum tuam, & imples omne animal benedictione. Gloria patri, &c. Kyrie, Christe, Kyrie, &c. Pater noster, &c.

## Gratiarum actio.

Confitemini Domino, quoniā bonus: quoniam in æternum misericordia eius. Qui dat escam omni carni: qui dat iumentis escam ipsorum, & pullis coruorum inuocantibus eum. Non in fortitudine equi uoluntatem habebit, neque in tibijs uiri beneplacitum erit ei. Beneplacitum est Domino super timentes eum, & in eis qui sperant super misericordia eius. Gloria patri, &c. ut supra.

## A L I A F O R M A.

## V.

**O**Ramus te Domine Deus pater noster celestis, ut nos & hæc dona, quæ à tua largitate

Pædonomia.

785

tate sumimus, *benedicas, propter Iesum Christum  
Dominum nostrum, Amen.*

Gratiarum actio.

*Gratias agimus tibi Domine Deus pater noster  
cœlestis, per Iesum Christum Dominum nostrum,  
pro uniuersis donis ac beneficijs tuis, qui uiuis &  
regnas Deus, per omnia secula seculorum, Amen.*

ALIA FORMA.

VI.

**Q***uicquid appositū est, et quicquid appone  
tur, fœlix ac sacrum esse iubeat Deus pater  
noster, qui sua benignitate pascit uniuersa, Amen.*

Gratiarum actio.

*Qui nos creauit, redemit & pauit: illi bene  
dicto gratias agimus æternas.*

ALIA FORMA.

VII.

**D***eus misereatur nostri, & benedicat nobis:  
illuminet uultum suum super nos, ut co  
gnoscamus in terra uiam tuam, in omnibus genti  
bus salutem tuam. Gloria patri, &c.*

GRATIA RVM ACTIO.

Per Psalmum 116.

*Laudate Dominum omnes gentes, laudate eum  
omnes populi. Quoniam confirmata est super nos  
misericordia eius, & ueritas Domini manet in  
æternum.*

ALIA

**C**elebremus Dominū, & inuocemus nomen eius, nota faciemus in populo opera eius. Ipse enim est Dominus Deus noster, in uniuersa terra iudicia eius. Letetur cor quærentiū Dominum, & fortitudinem eius: quæremus faciem eius iugiter. Gloria patri, &c.

## GRATIARVM ACTIO.

Ex Psalmo 107.

Confiteamur Domino, quoniā bonus, quoniam in seculum misericordia eius. Quoniam satiauit animam uacuum, & animam esurientem impleuit bonis. Misit uerbum suum, & sanauit nos, & liberauit nos à corruptionibus nostris. Gloria patri & filio, &c.

## ALIA FORMA.

## IX.

**C**hris̃te Deus, benedic cibum & potum seruorum tuorum: quoniam sanctus es iugiter, nunc & semper, & in secula seculorum, Amen.

Gratiarum actio,

Benedictus Deus, qui miseraris, & alis nos ex largis donis tuis: id' que ex gratia & benignitate tua iugiter, nunc & semper, & in secula seculorum, Amen.

430 Quemcuq; longum grandior natu assigna-  
uerit, cum puer uerecundè capiat, & non uolet se  
renitentem adtrahi. Inciuilitas enim est, seniorum  
iussibus nimium refragari.

431 Et meritò uicio datur puero, si pertinaci sua  
recusatione, grandioris uoluntatem quasi impro-  
bet: atq; ita illo se prudentiorem intelligi uelit.

432 Postremus, & non nisi inuitatus, manū pa-  
tinæ admoueat. est enim rustica impudentia senio-  
res, in uix dum apposisis ferculis carpando, ante-  
uertere.

433 E' patina sibi quippiam decerpens, digitos  
in iussulēta ne immergat: sed cultelli cuspide, quod  
ante se proximè positum fuerit, tollat.

434 Accumbens comedat sanè, si esuriat: neq; du-  
bitet modestè ac decenter carpere cibos, nihil ueri-  
tus alios, quicunq; affuerint. Nam simulare satieta-  
tem, dum esurias, stolidi ciuilitas est.

435 Ne recuset puer, si quid illi appositum fue-  
rit à maiore, sed retineat: nisi fortè plus sit quàm  
conueniat, aut quàm citra uoracitatis crimen reti-  
neri possit.

436 De immodico desecabit aliquantulū, & in  
quadram suam deponet: reliquum in patinam, aut  
illi, à quo totum acceperat, restituat.

437 Pisces cultello scindere, aut configere, uicio  
sum putatur: at eos summis digitis frangi, et cultel-

383 Sed pro arcanis habenda non sunt, aliorum scelera aut malefacta, quorum conscius sit puer: neq; ea parentes, dominos ac præceptores, autorum celare uelit.

384 Nam non rarò fieri solet, quòd compertis sceleratorum facinoribus, non solum ipsi autores, uerùm etiam conscij scelerum, quòd indicium nullum fecerint in periculum corripuntur, & simul ad pœnas dandas adiguntur.

385 Ita enim lex habet: Peccantibus alijs conuenientes, aut operam suam illorum sceleribus occultandis addentes, eadem cum fontibus pœna plestendos esse.

386 Et à pueris, scelerum condiscipulorum conscijs, indicium fieri magnum operæ precium est, quod in tẽpore rescita peccata puniri, peccantes corrigi, & ad bonã frugem ita reduci possint.

387 Cum econtrà occultorum scelerum autores indices securiores fiunt, & quasi parta sibi ad peccandum licentia, audentius quiduis patrare consuefunt.

#### De corpore curando.

388 Sic curandum est corpus, ut se non dominum animi, non socium, sed mancipium esse sentiat: nec sibi ipsi pasci aut uiuere, sed animo.

389 Quare cibi, somni, exercitationes, atq; ad còtota corporis curatio, ad sanitatem referenda est,

non.



non ad uoluptatem ac delicias, ut animo promptè  
inferuiat, ne ferocia cultus insolescat, ne uirum  
inopia decidat.

390 Nam nihil est quod mentis uigorem magis de  
bilitet, & robur ac nervos corporis magis infrin  
gat, quàm uoluptas.

391 Imò ut omnes uires cùm corporis tum mentis  
opere ac labore uegetantur: ita ocio & uolupta  
tis mollietie languescunt.

392 Mirum in modum uerò cum ad ualetudinis,  
tum ingenij bonitatem confert mundities corpo  
ris, & uictus ratio, quæ citra delicias ac morosam  
appetentiam continetur.

393 Sepe igitur abluantur manus & facies frigi  
da, & mundo lintecolo detergantur.

394 Repurgentur etiam crebrò eæ partes, quæ  
sordibus & excrementis ad externa corporis,  
meatus præbent: puta, caput, aures, oculi, nares, ma  
xillæ, & pudenda.

395 Pedes ita foueantur, ut mundi sint, & calidi:  
atq; adcò ab omnibus corporis partibus frigus ar  
ceatur, maximè uerò à ceruice.

396 Ne statim edat puer à quiete, nec ante pran  
dium, nisi tenuiter. Ientaculum enim sedando stoma  
cho, aut refocillando datur corpori, nò satietati.

397 Ad ientaculum sufficiunt tres aut quatuor  
buccæ, sed sine potu: aut certè cum exiguo, atq; eo

tenui. Hoc enim salubre est, non minus ingenio, quam corpori.

398 Esurus siue ientaculum, seu prandium, seu cœnam, semper cogitet, quicquid appositum fuerit, ipsum diuinæ benignitatis munus esse; & propterea se Deo semper debere & agere, & habere gratias.

399 In prandio & cœna unis saltem, aut alteris epulis uestatur, eisq; simplicissimis: & si datur electio, saluberrimis: quamuis uariis adsit apparatus.

400 Certum enim est, multiplici ciborum uarietate proposita, salubrem uestendi temperantiam difficillimè conseruari posse: & esculentorum diuersitate stomachi naturalem ad digerendum uim turbari & corrumpi.

401 Tum etiam ita fit, ut pueri à teneris annis ad esculentorum delicias assuefacti, deinceps per omnem ætatem suam profusi ac prodigi, fastidiant frugalitatem, & nullam egestatem ferre possint.

402 Munda & pura parsimonia, temperatis & castis animis congruens, conseruatrice est rei familiaris: & quæ sola efficit, ne multis indigere nobis uideamur: & ut æquis animis egestatem tolerare possimus.

403 Imò etiam ut ne suscipiamus pessima facinoræ quæstus gratia, ad indulgendum gulæ uel luxu, uel lauticijs, uel delicatis ninnu & exquisitis cibis irritatæ.

404 Postremò etiam hoc præstat parsimonia, ut præsentia, & quæ in diem nobis Deus largitur, nõ modò nobis sufficiant, uerùm etiam ut ex eis liceat egentibus aliquid impartiri: & ultra hoc in futuros quoq; usus nonnihil reponi.

405 Quod & Christus ipse suo exemplo nos docuit, quum post exaturatam multitudinem, reliquias panum & piscium, ne perirent, colligi præciperet.

406 Natura quidem necessaria docuit, quæ pauca sunt, & paruo parabilia: stultitia uerò superflua excogitauit, quæ sunt infinita & difficilia.

407 Et historiæ testantur, sub prisca frugalitate homines robustissimos ac uiuacissimos fuisse: quum econtrà hoc tempore, ob deliciarum molliciem, imbecille planè ac breuissimæ uitæ sit humanum genus.

408 Ergo si naturæ des necessaria, delectatur, & roboratur, tanquam uernaculis ac proprijs: sin superflua, debilitatur & affligitur tanquã alienis.

409 Inter omnes uirtutes nulla puerili ætati magis conueniet, quàm temperantia: quòd illius habitus potius ex consuetudine, quàm ratione comparetur.

410 Et cum cæteræ uirtutes magnum rationis iudicium necessariò requirant: hæc sola est, quam etiã mediocris iudicijs homo per assuetudinẽ assequi possit.

411 Est autem temperantia, qua ijs rebus, quas maximè appetimus, nunquam ad satietatem usq; sed semper citra quàm uoluptas fert utimur.

412 Quam uirtutē tanto libentius amplectantur pueri, quòd nihil sit, quòd plures morbos præcauere aut repellere possit, quàm accurata uictus moderatio.

### De moribus apud mensam seruandis.

413 Mensam extructurus puer, sedulò uideat, ut tota supellex ad mensam pertinens, munda sit, & omni spurcie careat, & ut quæque suo loco ac ordine disponat.

414 Mappas ita insternat, ut æqualiter sint explanatæ, ne quid rugarum habeant: ne uè ab alio latere plus, ab alio minus dependeant.

415 Mensa ritè instrata, tum circulū patinarium mediæ imponat: & deinde circūquaq; orbes, salina & coclearia pro accubitororū numero disponat.

416 Diligenter uerò studeat, ut pocula, siue argentea ea sint, seu uitrea, quorū usus inter epulandum futurus est, ex pura ac recenti aqua prius eluat, quàm in mensam collocet.

417 In eluendo uitrea, meminerit quàm fragilis materia uitri sit: ut tanto accuratius inter manus tractet, ne frangat.

418 Post hæc, de apportandis & imponendis in  
mensam

mensam ferculis, diligenter ex patrefamiliâs aut conuiuatore percontetur: ne quid intempestiuè, aut non suo ordine faciat.

419 Ministraturus conuiuantibus, decenter consistat ad mensam, & singula consideret: si quid fortè desit, ut adferat, ac apponat: aut si quid auferendum sit, ut modestè id auferat.

420 Quicumque porrecturus petenti cuiquam, dextra manu id faciat, non læua: & quocumq; manus proferet, eodem & oculos intendat.

421 Inter apponendum aut auferendum aliquid, accuratè agat, ne proximè sedētibus trudendo, effundendo, aut euertendo aliquid, molestus sit.

422 Diligentissimè uerò attendat, si quid à quocumque conuiuiarum desideretur, ut ipsum semel indicatum gnauiter præstet: & turpe putet esse, si de eadē re sæpius quàm semel admonendus fuerit.

423 Infundens ne ad summum usq; poculum impleat: sed inferius lato digito, aut minus eo, cesset: idq; cautè, ne quid superfundat.

424 Alicui porrecturus poculū, ipsum medium, aut paulo inferius, trium digitorum extremis articulis teneat.

425 Nam summas poculi oras, quæ labijs admoueri solent, digitis attrectare, aut tota manu, more læniorum esicia intestinis infarcientium, complecti, iuuis rusticum est.

426 Si quid fortè in poculum incidit, quod in fundum desedit, aut supernè innatat, cultelli cuspide eximendum est, non digito.

427 Si cultelli cuspide non satis commodè potest eximi, in aliud uasculum potus transfundatur, & euacuatum poculum rursus recenti aqua eluatur.

428 Emuncturus lucernam, cautè id faciat, ne lucernam extinguat: emunctum illicò comprimat, ne conuiuiarum narib, emunctionis foetor suboleat.

429 Comesurus cum maioribus, non prius accumbet, quàm manus lauerit, unguium sordes expurgauerit, ac cibos sumendos seria precatiuncula consecrauerit.

#### VARIAE FORMVLAE CONSECRANDI cibum & potum.

##### I.

**Q**uæsumus te Deus pater omnipotens, ut nobis in Christum filium tuum credentibus, ope tua semper adsis: & uictum, quem de manu tua iam sumemus, per tuam benedictionem nobis salubrem efficere digneris.

Gratiarum actio.

Laudamus clementiam tuam Pater æterne, & gratias tibi pro immensa tua misericordia agimus, qua nos primò ad imaginem tuam creasti, & hætenus largiter pauisti, atq; etiam posthac regni cælorum

cælorum hæredes in Christo filio tuo perpetuò  
saluaturus es, Amen.

## A L I A F O R M A.

## II.

**O**Mnipotens & æterne Deus, effice quaesumus per Spiritum sanctum tuum in nobis, ut ita muneribus ac beneficijs tuis in hac uita fruamur, ut ita muneribus ac beneficijs tuis in hac uita fruamur, ut nomen tuum sanctificemus: & mandatis tuis obsequentes, animas nostras ab omni peccatorum labe puras conseruemus, in Christo Iesu filio tuo, Amen.

## Gratiarum actio.

Gratias agimus tibi pater æterne, pro immensa tua misericordia, qua non solum uictum & amictum ad hanc uitam tuendam nobis confers, uerum etiam peccata clementer remittis: & æternæ uitæ consequendæ spem certissimam facis, in Christo Iesu filio tuo, redemptore nostro, qui tecum uiuit, &c.

## A L I A F O R M A.

## III.

**B**enedictus Deus, qui nos pascis à iuuentute nostra: qui cibum præbes omni carni: reple nos gaudio & leticia in Spiritu sancto, ut asfatim quod satis est habentes, abundemus in omne opus bonum, in Christo Iesu Domino nostro: cum quo tibi gloria, honor & imperium, cum sancto Spiritu in omne æuum, Amen.

## Gratiarum

Gloria tibi Domine, Gloria tibi Sancte, Gloria tibi rex, quoniã dedisti nobis escas: imple nos gaudio & leticia in Spiritu sancto, ut inueniamur in conspectu tuo acceptabiles: nec pudefiamus, quando reddes unicuiq; secundum opera sua, Amen.

## A L I A F O R M A.

## IIII.

## Ex Psalmo.

**O**Culi omnium in te sperant Domine, & tu das escam illorum in tempore opportuno. Aperis tu manum tuam, & imples omne animal benedictione. Gloria patri, &c. Kyrie, Christe, Kyrie, &c. Pater noster, &c.

## Gratiarum actio.

Confitemini Domino, quoniã bonus: quoniam in æternum misericordia eius. Qui dat escam omni carni: qui dat iumentis escam ipsorum, & pullis coruorum inuocantibus eum. Non in fortitudine equi uoluntatem habebit, neq; in tibijs uiri beneplacitum erit ei. Beneplacitum est Domino super timentes eum, & in eis qui sperant super misericordia eius. Gloria patri, &c. ut suprã.

## A L I A F O R M A.

## V.

**O**Ramus te Domine Deus pater noster cœlestis, ut nos & hæc dona, quæ à tua largitate



Pædonomia.

781

tate sumimus, benedicas, propter Iesum Christum  
Dominum nostrum, Amen.

Gratiarum actio.

Gratias agimus tibi Domine Deus pater noster  
cœlestis, per Iesum Christum Dominum nostrum,  
pro uniuersis donis ac beneficijs tuis, qui uiuis &  
regnas Deus, per omnia secula seculorum, Amen.

ALIA FORMA.

VI.

**Q** Vicquid appositū est, et quicquid appone  
tur, sc̃elix ac sac̃rū esse iubeat Deus pater  
noster, qui sua benignitate pascit uniuersa, Amen.

Gratiarum actio.

Qui nos creauit, redemit & pauit: illi bene-  
dicto gratias agimus æternas.

ALIA FORMA.

VII.

**D** Deus misereatur nostri, & benedicat nobis:  
illuminet uultum suum super nos, ut co-  
gnoscamus in terra uiam tuam, in omnibus genti-  
bus salutem tuam. Gloria patri, &c.

GRATIARVM ACTIO.

Per Psalmum 116.

Laudate Dominum omnes gentes, laudate eum  
omnes populi. Quoniam confirmata est super nos  
misericordia eius, & ueritas Domini manet in  
æternum.

ALIA

430 Quemcuq; lœncum grandior natu assigna-  
uerit, cum puer uerecundè capiat, & non uolet se  
renitentem adtrahi. Inciuilitas enim est, seniorum  
iussibus nimium refragari.

431 Et meritò uicio datur puero, si pertinaci sua  
recusatione, grandioris uoluntatem quasi impro-  
bet: atq; ita illo se prudentiorem intelligi uelit.

432 Postremus, & non nisi inuitatus, manū pa-  
tinæ admoueat. est enim rustica impudentia senio-  
res, in uix dum appositis ferculis carpendo, ante-  
uertere.

433 E patina sibi quippiam decerpens, digitos  
in iussulêta ne immergat: sed cultelli cuspide, quod  
ante se proximè positum fuerit, tollat.

434 Accumbens comedat sanè, si esuriat: neq; du-  
bitet modestè ac decenter carpere cibos, nihil ueri-  
tus alios, quicunq; affuerint. Nam simulare satieta-  
tem, dum esurias, stolidi ciuilitas est.

435 Ne recuset puer, si quid illi appositum fue-  
rit à maiore, sed retineat: nisi fortè plus sit quàm  
conueniat, aut quàm citra uoracitatis crimen reti-  
neri possit.

436 De immodico defecabit aliquantulū, & in  
quadram suam deponet: reliquum in patinam, aut  
illi, à quo totum acceperat, restituat.

437 Pisces cultello scindere, aut configere, uicio  
sum putatur: at eos summis digitis frangi, et cultel

lo impositos, paulatim admoto pollice, quouis trāssponi, decentius habetur.

438 Inter edendum cauebit puer, ne plus iusto semel in os infarciat, neu quid ex ore excidat: ne uetripiter & inflatis buccis cibos mandet.

439 Nec properabit cōmedendo: sed cibum dentibus bene conficiet, antequam deuoret. Et sedulo cauebit, ne uel labris, uel dentibus mandendo foni quidpiam edat.

440 Omnium diligentissimè caueat, ne ex appositis uideatur exquisitius eligere, aliud præ alijs. Hoc enim fastidiosum est, & gula nimis indulgentium.

441 Nihil turpius est, quàm ita se gerere iuxta mensam, ut bruti potius animalis, quàm prudentis hominis imago sit.

442 Canum ea est in edendo uoracitas, ut integros bolos unica uoratione deglutiant: quod si & puer imitetur, non tam homo, quàm canis esse censeatur.

443 Quam ingluuiē non rarò sua poena dignissima excipit, ut qui canino more non mansa auidè uorant, paulo post eodem more indigesta foedissimè reuoment.

444 Sues immundè pascuntur, dum trullas euerunt, surfures effundunt & dispergunt: quod si pueri uescentes itidem faciunt, quid ni suis similio-

res

res erunt, quàm hominibus?

445 Si de pleno cocleari, aut pane in embam-  
mata intincto, quiddā in mappam destillet, infantib-  
us id quidem non uertitur uitio, sed adultis ma-  
ximè.

446 Labris compressis, non subinde hiantibus, ci-  
bū mādēt: nec aliud inferciat, donec id quod prius  
inerat, bene mansum glutiuerit.

447 Calidas offas ne uehementer, & tanquam  
ē folle plenis buccis afflet: sed labijs uelut ad oscu-  
landum contractis, leuissimum spiritum in refrige-  
randa immittat.

448 Si quid fortè inter dētes adhæserit, ne extē-  
mulet culicello: neq; apud mensam, si res moram pa-  
tatur. Extimulet autem pinnula, aut facta ex li-  
gno cuspide.

449 Vulgò creditur, attactu ferri dētes lēdi &  
uiciari: sed est etiā aliud periculum, ne cultri cu-  
spis ori immissa, per subitā accedentis alicuius im-  
pressionem, palatum aut g'ngiuam uulneret.

450 Fœdum est, dentes ac palatum lingua inte-  
rius circumacta quasi repurgare, & buccas lam-  
bere: at fœdius, eandem ad labra exterius lingen-  
da, more canis exerere.

451 De totis panibus tantum decīdat puer, quan-  
tum satis esse putet esui, idq; citra satietatem. Nam

D d 2 ultra

lo impositos, paulatim admoto pollice, quouis trā-  
ffoni, decentius habetur.

438 Inter edendum cauebit puer, ne plus iusto se  
mel in os infarciat, neu quid ex ore excidat: ne ue  
turpiter & inflatis buccis cibos mandet.

439 Nec properabit cōmedendo: sed cibum denti-  
bus bene conficiet, antequam deuoret. Et sedulò ca-  
uebit, ne uel labris, uel dentibus mandendo foni  
quidpiam edat.

440 Omnium diligentissimè caueat, ne ex appo-  
sitis uideatur exquisitius eligere, aliud præ alijs.  
Hoc enim fastidiosum est, & gula nimis indul-  
gentium.

441 Nihil turpius est, quàm ita se gerere iuxta  
mensam, ut bruti potius animalis, quàm prudentis  
hominis imago sit.

442 Canum ea est in edendo uoracitas, ut inte-  
gros bolos unica uoratione deglutiant: quod si &  
puer imitetur, non tam homo, quàm canis esse  
censeatur.

443 Quam ingluuiē non rarò sua poena dignis-  
sima excipit, ut qui canino more non mansa auidē  
uorant, paulo post eodem more indigesta foetidissi-  
mè reuoment.

444 Sues immundè pascuntur, dum trullas euer-  
tunt, surfures effundunt & dispergunt: quod si pue-  
ri uescentes itidem faciunt, quid ni suisbus similio-

res erunt, quàm hominibus?

445 Si de pleno cocleari, aut pane in embam-  
mata intincto, quiddā in mappam destillet, infantib.  
bus id quidem non uertitur uitio, sed adultis ma-  
ximè.

446 Labris compressis, non subinde hiantibus, ci-  
bū mādet: nec aliud inferciat, donec id quod prius  
inerat, bene mansum glutauerit.

447 Calidas offas ne uehementer, & tanquam  
ē folle plenis buccis afflet: sed labijs uelut ad oscu-  
landum contractis, leuissimum spiritum in refrige-  
randa immittat.

448 Si quid fortè inter dētes adhæserit, ne extē-  
mulet cucullo: neq; apud mensam, si res moram pa-  
tiatur. Extimulet autem pinnula, aut facta ex li-  
gno cuspide.

449 Vulgò creditur, attactu ferri dētes ladi &  
uiciari: sed est etiā aliud periculum, ne cultri cu-  
spis ori immissa, per subitā accedentis alicuius im-  
pressionem, palatum aut gingiuam uulneret.

450 Fœdum est, dentes ac palatum lingua inte-  
rius circumacta quasi repurgare, & buccas lam-  
bere: at fœdius, eandem ad labra exterius lingen-  
da, more canis exerere.

451 De totis panibus tantum decīdat puer, quan-  
tum satis esse putet esui, idq; citra satietatem. Nam

D d 2 ultra

ultrà sumere, et fragmēta relinquere, indecorū est.

452 Panem præmorsum in offās intingere, uitiosa offensio est, quæ delicatis & teneriusculis palatis facile nauseam concitat.

453 Turpe item est, semel in os indita rursum eximere: nisi fortè os aut spinula insit, quæ citra periculum deuorari non possint.

454 Itidem & ossa ori immittere, et dentibus arrodere, turpe habetur: quòd decentius sit, si quid pulpamenti illis adhæret, ipsum cultello decidere.

455 Si necessitas aut nausea coget aliquid ex ore rursus eximere, tum occultè, & quasi dissimulante id faciendū erit, ne quis assidentium cōspiciat, aut aduertat.

456 Ossa, spinæq; & quicquid non edi potest, aut solet, in oram orbiculi ritè componantur: non deijcientur sub mensā. multo minus in pauimentū.

457 Cutelli iuxta orbiculos repositi, cū usus poscet, scitè capientur manu, deinde reponentur in locum suum: non iactentur digitis, non impingantur in mensam.

Quomodo bibendum sit pueris.

458 Potus sit pueris uel fons aquæ puræ & limpide, uel tenuissima cereuisia, uel uinū bene dilutū.

459 Pueri ieiuni ne bibant, nec statim post sumptam iuris offam, nec post lactaria, nec citius quàm de secundo ferculo aliquantisper pasti sunt.

460 Inter prandendum, atq; etiam coenandum, sepius quàm bis, aut ad summum ter, ne bibant. Et bibituri, labra poculis ne admoueant, nisi prius mântili aut linteolo abstersa.

461 Bibentes modicè sorbeant, non plenīs faucibus ingurgitent: nec mordicus, sed summis tantum labris cyathum attingant.

462 Turpe est ita bibere, ut spiritus excludatur, aut lachrymæ extillēt, aut ut potus effluat ex ore.

463 Et cum potu tantum sedetur sitis, non inuidentur guttura ac uentres: turpiſsimè cum in Deū, tum in naturam suam peccant, qui ita inebriantur, ut neque corpus neq; animus suum officium facere possint.

464 Vbi enim uinum mentem corruperit, ibi idem euenit homini, quòd curribus spoliatis magistro, & nauibus gubernatore.

465 Nam ut hi feruntur quòuis temerè, dum rectore carent: ita et animus ob corruptam ex ebrietate intelligentiam, totus hallucinatur, ac præceps cum in scelera tum in pericula ruit.

466 Et Plato ait: gubernatorem ebriosum, & quemuis cuiusq; rei præfectum, omnia euertere, siue nauigiū, siue currum, siue exercitum, siue quācunq; rem fidei illius commissam.

467 Pythagoras consultus, quānam uinosus ebrietatem desereret? respondit, si ea quæ per temulen-



tiam facit, frequens animo uoluat.

468 Itidem Anacharsis interrogatus, quo quā modo temulentiam fugeret? respondit, si quā turpiter ebrii se dent, diligenter consideret.

469 Inter cœnam & quietem, potus omnino uitandus est, quòd nihil perniciosius sit, simul corpori, memoriæ & ingenio, quā statim à potatione cubitum concedere.

470 At si urgeat sitis, ut bibendum sit, modicò hoc fiat: et ita, ut inter potum & lectum, temporis spacium ut minimum semihoræ interponatur.

471 Inter edendum cum senioribus, puer nihil loquatur, nisi interrogatus, aut inuitatus sit: ad interrogata, quā paucissimis respondeat.

472 Si quid grauitè ac honestè dicatur in conuiuio, sedulò auscultet: sin turpiter aut obscenè, demissis oculis dissimulet se cū audisse, tum intellexisse quicquam.

473 Firmiter sibi persuadeat, apud mensam omnia casta, pura, cordata, & sancta debere esse: uide licet quòd & ille talis sit, inter cuius munera uescentes tum uersantur.

474 Secum in animo semper reputet Dei patris omnipotentiam, qua cuncta cōdidit ex nihilo: sapientiam, qua uniuersa à se creata sustentat ac cōseruat: mansuetudinem et clementiam, quibus nos indignissimos peccatores, imò inimicos suos, quotidie

tidie pascit, ac ne pereamus custodit.

475 Et propterea immodicam sui sustentandi solitudinem excutiat ex animo, ne uideatur bonitati Dei diffidere: unicam uerò & solam eam curam suscipiat, uidelicet quomodo Deo suo placeat ac obediat.

476 Præcipuè uerò apud mensā oportebit commemorasse promissionis illius, qua Christus, omnibus regnum Dei & iusticiam eius in primis querentibus, cæterarum omnium rerum ad alimoniam uitæ corporalis necessariarum abundantem copiam accessuram paciscitur.

477 Pro quibus Dei in nos beneficijs nulla gratiarum actio maior ac dignior potest esse, quam si certa fiducia nos totos illi dederimus: ac maximo perecauerimus, ne ullo modo illū offendamus, cuius beneficio & uoluntate consistimus. Sed nō amplius, quàm illi libitum fuerit.

478 A sumptis cibis, seniores aliquantulum desidere & colloqui solent: sed puer tum uel nutu saltem, ueniam petens, à mensa resurgat: et lotis illico manibus, sese rursus illis in propinquo sistat, expectaturus, si quid mandetur, quod effici oporteat.

479 Gratias acturus post sumptas epulas, expectet, donec à silentibus conuiuiis indicium sibi fiat.

480 Hymnū iussus dicere, composito ad deuotionem gestu ita dicat, ut nō tam linguam motā, quā cor bene affectum sentiat. Ni enim ita fiat, omnem precationem ad Deum inanem esse sciat.

De uestitu.

481 Præcipua cura pueris sit, ut uestitū mundum habeant. Nam serè ex uestitus mūdicie, aut immundicie, qualis animus sit, iudicari solet.

482 Manicas nariū muco incrustare, aut oras uestium luto conspersas negligenter perferre, adeoq; quicquid ubilibet immundi inest, non illicò expurgare: ea negligentem, ac stupidum animū arguunt.

483 Ergo quicquid uestimentorū est, id in uniuersum sordibus, luto et immundicia careat. Nam immundo puero nihil esse potest odiosius.

484 Eas uestes, quas pro tempore mutat, excusso prius puluere, ac expurgata omni fœditate, in suū armariū, si quod habet, diligenter recondat.

485 Caligas exutas mox inuertat, & intus forisq; accuratè scopis repurget: & si qua fortè fœditas pedum sudore contracta est, eam aeri siccandam exponat.

486 Hæc enim diligentia faciet, ut nō solum caligæ minus uiciantur, uerumetiam pedes à male olendo conseruentur.

487 Nimum exquisitæ uestes uitio dantur, elegantes uerò laudi. Et decentius est uenustati studere,

re, quàm comptibus: quòd hoc leuitatis sit, illud uerò magnificentiae.

488 Nouas uestium formas excogitare, insignis stultitia est. Honestas autem est, pro consuetudine & more præsentis tēporis ac usus decēter uestiri.

489 Lacerationes, dissectiones, alligationes, & uarietates, in uestibus uitiosæ sunt. Quare in puerili cultu non uidentur esse ferendæ.

490 Calcei sua uincula habeant: nisi ita facti sint, ut de pedibus labi nequeant. Ridiculum enim est, inter properandum calceos amittere.

491 Cotidie uesteri panno subuuido, aut spōgia, lutum, quod adhæserit illis, detergatur. Est enim & hoc animi solertis indicium.

#### De ludis puerilibus.

492 Ludi pueris neq; prorsus interdici, neq; temerè omnes cōcedi debēt: neq; ob ullā aliā causam, quàm ut his quasi renouati, ac recentes, plus uiriū, ac alacriorem animum ad discendum afferant.

493 Et cum studium discendi uoluntate, quæ cogi nō potest, constet: remissio aliqua danda est, ne cōtinuata necessitas animū alioquin uolentē retūdat.

494 Vt enim lyram & arcum remittimus, quo melius possint tendi: ita recreādus est animus ocio, ut ad labores reddatur uegetior.

495 Modus tamen sit remissionibus, ne aut odium studiorum faciant negatæ, aut ocij consuetudinem.

nimum permiffæ.

496 In lufibus liberalibus adfit alacritas, abfit dolus atq; mendacium. Nam ab his rudimentis proficitur ad maiores iniurias.

497 Maximè uerò abfit arrogantia, contentio, rixa, inuidia, cupiditas. Per hæc enim honefta delectatio, quæ folæ ex lufu petenda erat, in turpem moleftiam conuertitur.

498 Et pulchrius uincit, qui cedit contentioni, quàm qui palmam obtinet. Cedet autem libenter, quisquis cogitabit, fibi tantum animi caufa, non ullius lucri gratia, lufum permiffum effe.

499 Si cum imperitioribus ludat puer, poffitq; femper uincere, nonnunquam fe uinci patiatur, quo ludus fit alacrior.

500 Aiunt puerorū indolem nusquam magis apparere quàm lufu: quòd ingeniū ad dolos, mēdacia, rixas & iram propenfius, tū ferè fe prodere folet.

501 Quibus meliores & pulchriores delectationes ftudiorum & doctrinæ innotescunt, illis aliorum ludorum deformitas facilè & apparebit, & odio habebitur.

502 Suppeditant pueris materiam ludorum, foris pila, curfus, saltatio, pugna, lucta: quæ ipfa utiliter fiunt, propter corporum exercitationem.

503 Domi, & intra conclauiâ, cū alia erunt, tū arupi et latrunculi, quibus in ludis gloria, adultis

quoq;

quoq; ingenijs, magis quàm lucrum, spectari solet.

504 Sed nullus omnium ludus iucundior, honestior, ac delectabilior est ipsa Musica, qua uel ipsius uocis modulis, uel fidibus ac instrumentis canitur.

505 Et operæ precium fieri censendum est, si pueri statim à teneris (ut aiunt) unguiculis ad eam perdiscendam adigantur.

506 Videlicet, quòd eius artis usus etiam ad prouectiores ætates, ac maiora studia leuanda, ac oblectanda plurimum habeat energię.

507 Inter ludendum crebrò in mentem ueniat, quàm exiguum tempus datum sit uitę hominum: & propterea ex illo non oportere multum decidi ad lusus, & ad ocia.

508 Item homines creatos esse, non ad lusus & nugas, sed ad seria: puta moderationem, temperantiam, religionem, et omne genus uirtutis et laudis.

De cundo cubitum, & capiendo somno.

509 In cubiculo laudatur silentium & uerecundia: at clamor & garrulitas indecora est, præsertim in lecto.

510 Concessurus cubitum, omnes ex animo iras, offensiones, cupiditates, sollicitudines deponat, ut composita et tranquilla mēte placidissime se quieti tradat.

511 Puer siue cum exiit se, siue cum surgit, semper memor uerecundię, caueat ne quid nudet alio-

rum oculis, quod mos & natura tectum uoluit.

512 Exutas uestes accuratè certo loco deponat, ut si necesse fuerit, etiam intempesta nocte, et absq; lucerna, singulas faciliè possit reperire.

513 Cogitet, homini dormienti multa contingere posse, quæ derepentè expergefactum ita attonitū faciant, ut ubi sit & quid agat nesciat.

514 Nam fit sæpe, ut subiti morbi proximè cubātes aut uicinos opprimant: quibus extemplò subueniendum, aut inserviendum sit.

515 Cogitandum & hoc, quòd nō rarò uana quædam & contemptibilis causa, intempesta nocte grauiissimam turbationem concitet.

516 Sed omnium maximè pertimescendum semper, quòd Sathan insensissimus hominum hostis, non solum animæ insidiatur: uerum etiam corpori, quicquid mali potest, molitur.

517 Inter tot pericula, etiam puerum cautiorem esse decet, ut ceu miles ad quodq; bellicū expergefactus, suas uestes etiam semisomnis illicò arripere & induere possit.

518 Sciatis somno utendum esse, tanquam medicina quadam ad curandum corpus, tanto, quantus sufficit. Immodicus enim nec corporibus, nec animis, neq; rebus gerendis conducit.

519 Reddit enim corpora redūdātia noxijs humoribus, segnia, pigra, lēta, et celeritatē mētis tardat.

520 Nec

520 Nec existimandum est, uitæ id tempus esse, quod somno impenditur: uita enim uigilia est.

521 Quare quicumq; uiuere & sapere cupit, maxime quàm longissimo tempore uigilet, sola sanitatis commoditate seruata.

522 Non obdormiat puer, priusquàm peccata sua Deo confessus sit, ac eorū remissionē propter sanguinem Christi intimo cordis affectu flagitauerit: utq; ita sese Deo patri, in Christi nomine, per Spiritum sanctum, ab omnibus malis & peccatis protegendum commendauerit.

523 Hoc enim modo Deus nobis cotidie, mane ac uesperis reconciliandus est: qui mortem nostram, & iudicij diē semper nobis imminere, & ad quoduis temporis momentum incidere posse credamus.

524 Tum etiā reminiscatur beneficiorū Dei, nō in se solū, sed in totū genus hominū, atq; adeo mūdū uniuersū: proq; illis gratias cœlesti patri agat.

525 Cogitet quoq; quantæ sint hostis hominū per licentiā quietis insidiæ, dū homo uelut cadauer iacet impositus sui: quo instātius orandus est Christus, ut nos tam imbecillos tueatur.

526 Dormituriēs et frontē et pectus crucis signo notet: quo interiorē cordis fiduciam in crucifixi Christi meritis, etiā gestu cōfiteatur, ac testetur.

527 Et Sathan proculdubio uictus fugit, ubicunq; sub crucis signo, foris corpori applicito, cor Chri-



sto fidens latere cognoscit.

528 De manè surgens, iterum se cōmendat Christo: cui etiam gratias agat, quòd illius ope ac præsidio illa nocte non sit oppressus dolis & inuidia immanis hostis diaboli.

529 Et quemadmodū de nocte dormiēs, postea cūgilauit: sic nostra corpora recordetur dormitura per mortē, hinc reddenda uitæ à Christo, quū apparebit iudex uiuorum & mortuorum.

530 Si cū alio lectum habet communem, quietus iaceat, ne corporis iactatione uel seipsum nudet, uel alteri detractis uestibus sit molestus.

531 Optimū autem esset, si singulis noctibus, paulo antè quàm cubitū concederet puer, solus sine arbitris sedens, quæcunq; die isto uidisset, legisset, audisset, egisset, ad memoriam reuocaret.

532 Ita enim & Virgilius hominem bonū & sapientem pingit: Quòd non prius in dulcem declinet lumina somnum, Omnia quàm lōgi reputauerit acta diei.

533 Et si quid fecisset honestè, moderatè, prudenter, cordatè, cum decore & laude, gauderet: sciriq; id esse Dei munus, & similia pergeret deinceps facere.

534 Si quid turpiter, immodestè, flagitiose, pueriliter, ineptè, uituperio dignū scirèt: id ex sua malitia profectum, doleret, & uitaret in posterum.

Leges

LEGES SCHOLASTICAE, IN V-  
sum ludiliterarij Sebaldini, Iambicis  
trimetris conscriptæ.

Vos, qui uenitis huc honestis moribus,  
Et artibus bonis studendi gratia:  
Vestra uoluntate agite, quod bonos decet,  
Vt non opus sit esse uerberonibus.  
Nam quisquis hoc in animum sic induxerit,  
Huic omne studium cedit ex sententia,  
Operæq; fructum demetet pulchrerrimum:  
Ignauus autem, ad hoc quòd nil lucri feret,  
Virgis simul cæsim operietur asperis.

- 1 Suum magistrum digno honore non colens.
- 2 Eius uel Pædotribis non obtemperans.
- 3 Ad lectiones tardius se conferens.
- 4 Silentium non ore clauso continens.
- 5 Sub prælegendo hoc non, sed aliud cogitans.
- 6 Ab ore declamantis aliò diuagans.
- 7 In lectione, quæ iubentur, non notans.
- 8 Prælectionem pridianam non tenens.
- 9 Demensa, quæ ediscenda fuerant, post habens.
- 10 Germana, non Latina cuiquam colloquens.
- 11 Non quotidie latinum autographum exhibēs.
- 12 Quicquā, quod ad discēdū nihil facit, mouens.
- 13 Alijs studendi occasionem subtrahens.

Solutior

- 14 *Solutior subsellijs inambulans.*
- 15 *Horsum uel illorsum cum strepitu cursitans.*
- 16 *Inter sodales inimicitias seminans.*
- 17 *Peccantibus subaudiendo assentiens.*
- 18 *Alieno sceleri dissimulator conniuens.*
- 19 *Inordinatè se sacris templi inferens.*
- 20 *Se in re sacra facienda incompositè gerens.*
- 21 *Inter sacra oscitanter alijs concinens.*
- 22 *Mente incomposita conciones audiens.*
- 23 *A' lectionibus, siue sacris emanens.*
- 24 *Quóquam insalutatis præsidibus exiens.*
- 25 *Per publicam uiam indecenter ambulans.*
- 26 *Magnatibus obuijs honorem non ferens.*
- 27 *Parentibus suis domi non obsequens.*
- 28 *Docta in schola, domi suæ non ruminans.*
- 29 *Corporis & uestium mundiciem negligens.*
- 30 *In summa: Quicquã quod parũ decet, patrâs.*
- 31 *Pœnas dabit, conciso ferula podice.*

FINIS.



BERNAE HELVETIORVM, PER  
 Samuelem Apiarium, Anno Christi  
 M. D. LVI. Mense Martio.



tiam facit, frequens animo uoluat.

468 Itidem Anacharsis interrogatus, quo quâ modo temulentiam fugeret? respondit, si quàm turpiter ebrii se dent, diligenter consideret,

469 Inter cœnam & quietem, potus omnino uitandus est, quòd nihil perniciosius sit, simul corpori, memoriæ & ingenio, quàm statim à potatione cubitum concedere.

470 At si urgeat sitis, ut bibendum sit, modicè hoc fiat: et ita, ut inter potum & lectum, temporis spaciū ut minimum semihoræ interponatur.

471 Inter edendum cum senioribus, puer nihil loquatur, nisi interrogatus, aut inuitatus sit: ad interrogata, quàm paucissimis respondeat.

472 Si quid grauitè ac honestè dicatur in conuiuio, sedulò auscultet: sin turpiter aut obscœnè, demissis oculis dissimulet se cùm audisse, tum intellexisse quicquam.

473 Firmiter sibi persuadeat, apud mensam omnia casta, pura, cordata, & sancta debere esse: uide licet quòd & ille talis sit, inter cuius munera uersantes tum uersantur.

474 Secum in animo semper reputet Dei patris omnipotentiam, qua cuncta cōdidit ex nihilo: sapientiam, qua uniuersa à se creata sustentat ac cōseruat: mansuetudinem et clementiam, quibus nos indignissimos peccatores, imò inimicos suos, quoti-

diè

tidie pascit, ac ne pereamus custodit.

475 Et propterea immodicam sui sustentâdi solitudinem excutiat ex animo, ne uideatur bonitati Dei diffidere: unicam uerò & solam eam curam suscipiat, uidelicet quomodo Deo suo placeat ac obediat.

476 Præcipuè uerò apud mensâ oportebit commemorasse promissionis illius, qua Christus, omnibus regnum Dei & iusticiam eius in primis querentibus, cæterarum omnium rerum ad alimoniam uitæ corporalis necessariarum abundantem copiâ accessuram paciscitur.

477 Pro quibus Dei in nos beneficijs nulla gratiarum actio maior ac dignior potest esse, quàm si certa fiducia nos totos illi dederimus: ac maximo opere cauerimus, ne ullo modo illū offendamus, cuius beneficio & uoluntate consistimus. Sed nō amplius, quàm illi libitum fuerit.

478 A sumptis cibis, seniores aliquantulum desidere & colloqui solent: sed puer tum uel nutu saltem, ueniam petens, à mensa resurgat: et lotis illico manibus, sese rursus illis in propinquo sistat, expectaturus, si quid mandetur, quod effici oporteat.

479 Gratias acturus post sumptas epulas, expectet, donec à silentibus conuiuis indicium sibi fiat.

480 Hymnū iussus dicere, composito ad deuotionem gestu ita dicat, ut nō tam linguam motā, quā cor bene affectum sentiat. Ni enim ita fiat, omnem precationem ad Deum inanem esse sciat.

De uestitu.

481 Præcipua cura pueris sit, ut uestitū mundum habeant. Nam serè ex uestitus mūdicie, aut immundicie, qualis animus sit, iudicari solet.

482 Manicas nariū muco incrustare, aut oras uestium luto conspersas negligenter perferre, adeoq; quicquid ubilibet immundi inest, non illico expurgare: ea negligentem, ac stupidum animū arguunt.

483 Ergo quicquid uestimentorū est, id in uniuersum sordibus, luto et immundicia careat. Nam immundo puero nihil esse potest odiosius.

484 Eas uestes, quas pro tempore mutat, excusso prius puluere, ac expurgata omni fœditate, in suū armariū, si quod habet, diligenter recondat.

485 Caligas exutas mox inuertat, & intus forisq; accuratè scopis repurget: & si qua fortè fœditas pedum sudore contracta est, eam aeri siccan-  
dam exponat.

486 Hæc enim diligentia faciet, ut nō solum caligæ minus uiciantur, uerumetiam pedes à male olendo conseruentur.

487 Nimium exquisitæ uestes uitio dantur, elegantes uerò laudi. Et decentius est uenustati stude-  
re,

re,quàm comptibus:quòd hoc leuitatis sit,illud ue-  
rò magnificentiae.

488 Nouas uestium formas excogitare, insignis  
stultitia est. Honestas autem est, pro consuetudine  
& more præsentis tēporis ac usus decēter uestiri.

489 Lacerationes, dissectiones, alligationes, &  
uarietates, in uestibus uitiosæ sunt. Quare in pue-  
rili cultu non uidentur esse ferendæ.

490 Calcei sua uincula habeant: nisi ita facti sint,  
ut de pedibus labi nequeant. Ridiculum enim est,  
inter properandum calceos amittere.

491 Cotidie uespero panno subuuido, aut spōgia,  
lutum, quod adhæserit illis, detergatur. Est enim  
& hoc animi solertis indicium.

#### De ludis puerilibus.

492 Ludi pueris neq; prorsus interdici, neq; te-  
merè omnes cōcedi debēt: neq; ob ullā aliā causam,  
quàm ut his quasi renouati, ac recentes, plus uiriū,  
ac alacriorem animum ad discendum afferant.

493 Et cum studium discendi uoluntate, quæ cogi  
nō potest, constet: remissio aliqua danda est, ne cō-  
tinuata necessitas animū alioquin uolentē retūdat.

494 Ut enim lyram & arcum remittimus, quo  
melius possint tendi: ita recreāndus est animus ocio,  
ut ad labores reddatur uegetior.

495 Modus tamen sit remissionibus, ne aut odium  
studiorum faciant negatæ, aut ocij consuetudinem.



uimium permissæ.

496 In lusibus liberalibus adsit alacritas, absit dolus atq; mendacium. Nam ab his rudimentis proficitur ad maiores iniurias.

497 Maximè uerò absint arrogantia, contentio, rixa, inuidia, cupiditas. Per hæc enim honesta delectatio, quæ sola ex lusu petenda erat, in turpem molestiam conuertitur.

498 Et pulchrius uincit, qui cedit contentioni, quàm qui palmam obtinet. Cedet autem libenter, quisquis cogitabit, sibi tantum animi causa, non ulius lucri gratia, lulum permissum esse.

499 Si cum imperitioribus ludat puer, possitq; semper uincere, nonnunquam se uinci patiatur, quo ludus sit alacrior.

500 Aiunt puerorū indolem nusquam magis apparere quàm lusu: quòd ingeniū ad dolos, mēdacia, rixas & iram propensius, tū ferè se prodere solet.

501 Quibus meliores & pulchriores delectationes studiorum & doctrine innotescunt, illis aliorum ludorum deformitas faciliè & apparebit, & odio habebitur.

502 Suppeditant pueris materiam ludorum, foris pila, cursus, saltatio, pugna, lucta: quæ ipsa utiliter fiunt, propter corporum exercitationem.

503 Domi, & intra conclauia, cū alia erunt, tū crupi et latrunculi, quibus in ludis gloria, adultis

quoq;

quoq; ingenijs, magis quàm lucrum, spectari solet.

504 Sed nullus omnium ludus iucundior, honestior, ac delectabilior est ipsa Musica, qua uel ipsius uocis modulis, uel fidibus ac instrumentis canitur.

505 Et operæ precium fieri censendum est, si pueri statim à teneris (ut aiunt) unguiculis ad eam perdiscendam adigantur.

506 Videlicet, quòd eius artis usus etiam ad prouectiores ætates, ac maiora studia leuanda, ac oblectanda plurimum habeat energię.

507 Inter ludendum crebrò in mentem ueniat, quàm exiguum tempus datum sit uitę hominum: & propterea ex illo non oportere multum decidi ad lusus, & ad ocia.

508 Item homines creatos esse, non ad lusus & nugas, sed ad seria: puta moderationem, temperantiam, religionem, et omne genus uirtutis et laudis.

De cundo cubitum, & capiendo somno.

509 In cubiculo laudatur silentium & uerecundia: at clamor & garrulitas indecora est, præsertim in lecto.

510 Concessurus cubitum, omnes ex animo iras, offensiones, cupiditates, sollicitudines deponat, ut composita et tranquilla mēte placidissimè se quieti tradat.

511 Puer siue cum exiit se, siue cum surgit, semper memor uerecundię, caueat ne quid nudet aliò-

rum oculis, quod mos & natura tectum uoluit.

512 Exutas uestes accuratè certo loco deponat, ut si neceſſe fuerit, etiā intempeſta nocte, et abſq; lucerna, ſingulas faciliè poſſit reperire.

513 Cogitet, homini dormienti multa contingere poſſe, quæ derepentè expergefactum ita attonitū faciant, ut ubi ſit & quid agat neſciat.

514 Nam ſit ſæpe, ut ſubiti morbi proximè cubātes aut uicinos opprimant: quibus extemplò ſubueniendum, aut inferuiendum ſit.

515 Cogitandum & hoc, quòd nō raro uana quædam & contemptibilis cauſa, intempeſta nocte grauiffimam turbationem concitet.

516 Sed omnium maximè pertimeſcendum ſemper, quòd Sathan inſenſiſſimus hominum hoſtis, non ſolum animæ inſidiatur: uerum etiam corpori, quicquid mali poteſt, molitur.

517 Inter tot pericula, etiā puerum cautiorem eſſe decet, ut ceu miles ad quodq; bellicū expergefactus, ſuas uestes etiā ſemiſomnis illicò arripere & induere poſſit.

518 Sciat ſomno utendum eſſe, tanquam medicina quadam ad curandum corpus, tanto, quantus ſufficit. Immodicus enim nec corporibus, nec animis, neq; rebus gerendis conducit.

519 Reddit enim corpora redūdātia noxijs humoribus, ſegnīa, pigra, lēta, et celeritatē mētis tardat.

520 Nec existimandum est, uitæ id tempus esse, quod somno impenditur: uita enim uigilia est.

521 Quare quicumq; uiuere & sapere cupit, maxime quàm longissimo tempore uigilet, sola sanitatis commoditate seruata.

522 Non obdormiat puer, priusquàm peccata sua Deo confessus sit, ac eorū remissionē propter sanguinem Christi intimo cordis affectu flagitauerit: utq; ita sese Deo patri, in Christi nomine, per Spiritum sanctum, ab omnibus malis & peccatis protegendum commendauerit.

523 Hoc enim modo Deus nobis cotidie, mane ac uesperis reconciliandus est: qui mortem nostram, & iudicij diē semper nobis imminere, & ad quoduis temporis momentum incidere posse credamus.

524 Tum etiā reminiscatur beneficiorū Dei, nō in se solū, sed in totū genus hominū, atq; adeò mūdū uniuersū: proq; illis gratias cœlesti patri agat.

525 Cogitet quoq; quantæ sint hostis hominū per licentiā quietis insidiæ, dū homo uelut cadauer iacet impositus sui: quo instātius orandus est Christus, ut nos tam imbecillos tueatur.

526 Dormituriēs et frontē et pectus crucis signo notet: quo interiorē cordis fiduciam in crucifixi Christi meritis, etiā gestu cōfiteatur, ac testetur.

527 Et Sathan proculdubio uictus fugit, ubicunq; sub crucis signo, foris corpori applicito, cor Chri-

sto

sto fidens latere cognoscit.

528 De manè surgens, iterum se cōmendat Chri-  
sto: cui etiam gratias agat, quòd illius ope ac prae-  
sidio illa nocte nō sit oppressus dolis & inuidia  
immanis hostis diaboli.

529 Et quemadmodū de nocte dormiēs, postea cui  
gilauit: sic nostra corpora recordetur dormitura  
per mortē, hinc reddenda uitae à Christo, quā ap-  
parebit iudex uiuorum & mortuorum.

530 Si cū alio lectum habet communem, quietus  
iaceat, ne corporis iactatione uel seipsum nudet,  
uel alteri detractis uestibus sit molestus.

531 Optimū autem esset, si singulis noctibus, paulo  
antē quā cubitū concederet puer, solus sine arbi-  
tris sedens, quaecunq; die isto uidisset, legisset, au-  
didisset, egisset, ad memoriam reuocaret.

532 Ita enim & Virgilius hominem bonū & sa-  
pientem pingit: Quòd non prius in dulcem de-  
clinat lumina somnum, Omnia quā lōgi reputa-  
uerit acta diei.

533 Et si quid fecisset honestè, moderatè, pruden-  
ter, cordatè, cum decore & laude, gauderet: sci-  
ritq; id esse Dei munus, & similia pergeret deinceps  
facere.

534 Si quid turpiter, immodestè, flagitiose, puerilè  
ter, ineptè, uituperio dignū scirèt: id ex sua mali-  
tia profectum, doleret, & uitaret in posterum.

Leges

LEGES SCHOLASTICAE, IN V-  
sum ludi literarij Sebaldini, Iambicis  
trimetris conscriptæ.

Vos, qui uenitis huc honestis moribus,  
Et artibus bonis studendi gratia:  
Vestra uoluntate agite, quod bonos decet,  
Vt non opus sit esse uerberonibus.  
Nam quisquis hoc in animum sic induxerit,  
Huic omne studium cedit ex sententia,  
Operaq; fructum demetet pulchrerrimum:  
Ignauus autem, ad hoc quòd nil lucri feret,  
Virgis simul cæsim operietur asperis.

- 1 Suum magistrum digno honore non colens.
- 2 Eius uel Pædotribis non obtemperans.
- 3 Ad lectiones tardius se conferens.
- 4 Silentium non ore clauso continens.
- 5 Sub prælegendo hoc non, sed aliud cogitans.
- 6 Ab ore declamantis aliò diuagans.
- 7 In lectione, quæ iubentur, non notans.
- 8 Prælectionem pridianam non tenens.
- 9 Demensa, quæ ediscenda fuerant, post habens.
- 10 Germana, non Latina cuiquam colloquens.
- 11 Non quotidie latinum autographum exhibens.
- 12 Quicquã, quod ad discendũ nihil facit, mouens.
- 13 Alijs studendi occasionem subtrahens.

Solutior



